



THECA S. J.  
on Saint-Augustin  
ENGHIEN

TH 209/61





Ex Libris

Ex Libris  
~~Thos. J. L. L.~~ Loring

in bono tot adhuc habet? quidem  
celebr: auctoritas apud v. poles tate  
Eclesiasticam Summ: Pont: & Conciliarum  
Gen: aia cum Divinis Auctoritatibus  
Pontificis contra febronium.

PETRI BALLERINII  
PRESBYTERI VERONENSIS  
DE  
VI AC RATIONE PRIMATUS  
ROMANORUM  
PONTIFICUM

ET  
DE IPSORUM INFALLIBILITATE  
IN DEFINIENDIS CONTROVERSIIS FIDEI  
LIBER SINGULARIS,

IN QUO  
UTRUMQUE DEDUCITUR ET CONSTITUITUR  
EX PRINCIPIIS CONCESSIS AB IIS IPSIS ADVERSARIIS,  
CONTRA QUOS DISPUTATIO FUTURA EST.



AUGUSTÆ VINDELICORUM.  
MDCCLXX.

---

Sumptibus FRATRUM VEITH Bibliopolarum,

SUPERIORUM PERMISSU.



THE  
OFFICE OF THE  
SECRETARY OF THE  
NAVY  
WASHINGTON, D. C.  
JAN 10 1900



RECEIVED  
JAN 10 1900  
U. S. DEPT. OF NAVY  
WASHINGTON, D. C.





## PRÆFATIO.

**C**UM Pontificum Romanorum primatus unum sit e præcipuis Christianæ Religionis capitibus, ex quo catholicæ Ecclesiæ bonum maxime pendet, quodque idcirco hæretici & schismatici multis nituntur impetere; catholicorum munus esse ipsum propugnare, explicare, & constituere nemo orthodoxus revocabit in dubium. Mihi autem hac in operam navaturo illud nunc propositum non est hæreticos aut schismaticos refellere, qui vel eundem primatum negant, vel merum primatum ordinis adstruunt. Disputationem scilicet instituturus sum cum catholicis illis Scriptoribus, qui etsi ex catholico dogmate ipsum non meri ordinis, sed præcipuæ jurisdictionis primatum fatentur; de ejus tamen facultatibus atque prærogativis disputant, atque dissentiunt. Superfluum fortassis videri poterit noster hic labor, cum alii plures hinc & hinc eadem super re libris luculentissimis disruerint, nec tamen successerit, ut dissidentes ad concordiam revocarent. Quærenti autem mihi, cur post

#### IV P R Æ F A T I O.

tot scripta & edita a doctissimis viris utrinque volumina, adhuc in re tanta vigeat inter catholicos acris concertatio atque dissensio; illud in causa fuisse visum est, quia principia, quibus res isthæc tractatur, inter contententes non omnino conveniunt. Et si enim multa ex Sacris libris, ex traditione, ex conciliis, & Patribus utrinque afferantur; cum tamen ea alii aliter explicent & interpretentur; nihil certi principii loco præstitutum invenitur, cui omnes assensum præbeant, & ex quo certa controversiæ definitio deducenda sit. Cum in omnibus quæstionibus, tum præsertim in hac, ut res ex voto cedat, is, qui dissentientes in suam, quam veram arbitratur, sententiam adducere studet, principia, quæ ab ipsis adversariis certa judicentur & concedantur, præfigere debet, & ipsa explicare ex ipsorum quoque sententia, ut ne diversam interpretationem patiantur: dein vero quatenus ex iis cetera, quæ in controversiam veniunt, legitime consequantur, probe demonstrare.

2. Hanc ego methodum in re præsentī mihi proposui, quam si apte exequar (nitar quidem certe); non inutilem operam me suscepisse æquus lector iudicabit. Id autem quomodo sim præstiturus, paucis præfabor. Omnes catholici, ut diximus, conveniunt in asserendo Pontificio præcipuæ jurisdictionis primatu; sed quæ sit propria hujus primatus ratio, quæ præcipuæ ejus jurisdictionis vis, in qua ex catholico dogmate conveniendum sit, ante omnia erit explicandum, & ex principiis ipsorum adversariorum consensu approbatis constituendum, ne in quæstionem amplius possint ea revocare. Hac vero primatus ratione ac præcipua vi, seu jurisdictione, quæ ceterarum ejus  
facul-

facultatum radix & origo est; ex principiis, quibus adversarii suos quoque calculos adjicient, constituta, quatenus facultates ab istis in controversiam adductæ, ex ea primatus ratione ac præcipua vi, seu ex principiis illorum assensu concessis dimanent, facilius patebit; & ita (ni me mea fallit opinio) patebit, ut iidem adversarii catholici, ni principiis, quæ ipsimet, ut catholicum sensum tum ab hæretico, tum a schismatico alienum præferant, cogentur concedere, renuntiare velint, easdem facultates primatui abs se quoque asserendas intelligant.

3. Cum porro de omnibus Pontificiis facultatibus, quæ primatui competunt, & in quæstionem cadunt, nimis longum esset singillatim disserere; satis mihi erit principia, quæ ad naturam ac vim primatus omnium facultatum fontem cognoscendam sufficient, ex adversariis ipsis exerte constituere, ac dein facultates præcipuas ex iisdem principiis colligere & vindicare, quæ ceteris enucleandis satis indicio erunt. Præcipuæ autem Pontificii primatus facultates, quæ ad spirituale regimen pertinentes in gravem disputationem adducuntur, sunt istæ duæ: prima, quale sit jus Romanorum Pontificum in definiendis controversiis fidei, secunda, quænam sit eorumdem potestas collata cum potestate concilii œcumenici. Hæ duæ, si ex principiis, quæ ob cognoscendam naturam ac vim primatus propriam adversariis consentientibus starentur, ad certitudinem adduci queant; quis non videat quam facile de ceteris sit futurum iudicium, ut ne de singulis multa sint in medium afferenda? Circa primam facultatem definiendi controversias fidei (in quibus comprehenduntur & quæstiones morum

Declarat.  
convent. Cle-  
ri Gallicani.  
n. 4.

ad naturale ac divinum jus pertinentes) adversarii quidem catholici, quos impugnandos suscepimus, non negant, immo expresse fatentur, præcipuas Romanorum Pontificum partes esse dogmatica in illis decreta proferre; sed num hæc per se absolute irreformabilia sint, seu infallibilitatis privilegio gaudeant, illud est, quod maxima contentione inficiantur. Cum autem hæc prima facultas, si cum infallibilitatis prærogativa probetur conjuncta, maximi momenti sit, & ob principia præstituenda, constituendamque naturam ac vim primatus propriam, ex qua eadem prærogativa proximius & evidentius consequitur, non ita brevem operam requirat; de hac tantum hoc in libro agemus. Altera porro facultas Pontificiæ collata cum jure conciliorum generalium quænam & cujusmodi sit, cum non unicum fidei negotium respiciat, in quod principia hæc in dissertatione afferenda potissimum conferunt, sed disciplinæ quoque materiem complectatur, quæ aliis atque aliis principiis indiget, alias, si vacabit, explicabitur atque constituetur.

4. Sanctus Augustinus initio libri *de Mendacio* lectorem jure præmonuit: *Quisquis legis, nihil reprehendas, nisi totum legeris.* Id a me multo magis præmonendum, & enixius petendum. Principia enim, quæ præmittuntur ad evolvendam statuendamque naturam ac vim Pontificii primatus, consecutiones indicabunt de inerrantia & infallibilitate Romanorum Pontificum in definitionibus fidei. Hinc autem præoccupationes adversariorum, objecta & difficultates identidem ingerent præsertim ex quibusdam factis, quæ cum directe principiis ipsis non adversentur, non erunt ibidem solven-



solvenda, sed solventur postea loco proprio. Itaque præoccupationibus omnibus sepositis totum opus antea legatur; nihilque lector reprehendat, antequam totum legerit, in quo omnibus saltem gravioribus objectis, quorum solutio non ex uno, vel altero, sed ex omnium vel plurium principiorum complexu pendet, congruentiori singulis loco satisfactum iri confido.

§. Et quoniam hac in dissertatione de fidei materia potissimum agendum est, libet paucis nostri systematis præcipuam vim, ac totius ratiocinationis summam indicare. Principia, in quibus adversarios consentientes videbimus, in illud tandem recidunt, quo cunctis catholicis necessaria statuatur cum Romana fide Romanisque Pontificibus unitas communionis & fidei ratione primatus. Istud autem principium, quod ipsius primatus propriam præcipuamque viam continet, eamque coactivam ad utramque unitatem, & potissimum atque primario ad unitatem fidei cum fide ejusdem sedis & Romanorum Pontificum a cunctis fidelibus omnino servandam; istud, inquam, principium post probationes ex sacra Scriptura, ac traditione Patrum ita videbimus ipsorum quoque adversariorum testimoniis adstrui, ut ipsum principium quoad necessariam etiam fidei unitatem per se absolute non negent, sed quibusdam tantum effugiis & conditionibus studeant restringere, quæ tamen inepta & inutilia esse patebit, nisi præstitutis principiis, quæ concedere coacti fuerunt, ne catholicum dogma ex scripturis ac traditione exploratum convincantur deferere, renuntiare velint. Hinc porro cum clare consequetur Romanorum Antistitem infallibilitas in definitionibus fidei, quibus fidei unitas ex constitutis præstanda est

ab omnibus & a tota catholica atque infallibili Ecclesia; incohærentia adversariorum detegatur, dum post concessa principia hanc prærogativam impugnant. Huic autem infallibilitatis privilegio iidem adversarii nihil reipsa habent quod opponant ex Scripturarum ac traditionis auctoritate, quæ cum laudatis principiis cohærens tota nostra est, ut perspicue probabitur. Unum tantummodo, quod ipsos jure permovisse videri potest, sunt mera facta quorundam errorum circa fidem, qui nonnullis Pontificibus tribuuntur. Hos vero errores, qui sunt postremum adversariorum effugium, dum excutimus, patebit vel non esse errores, vel, si errores sint, non esse errores definitionum fidei, quibus tantum ex principiis statuendis fidei unitas debetur, & infallibilitas adjudicanda est, ubi ejusmodi definitionum notæ, & characteres, quibus discernantur, explicabuntur, omnisque confusio, quæ adversariorum præjudiciis causam dedit, auferetur. Ex his itaque illud perspicitur, quam necessaria sit totius operis lectio, antequam quispiam repugnet, & quam importunum esset in principiorum tractatione difficultates obtrudere ex quibusdam erroribus, qui per se non spectant ad ipsa principia, sed ad infallibilitatis quæstionem, de qua post constituta principia ultimo tantum capite agetur. Lege sequentes capitulorum & sectionum titulos, & universi systematis substantiam, principiorumque feriem, nexumque omnium facibus prænosces.

6. Haud dubito, quin hæc Pontificiæ infallibilitatis defensio post edita postremis hisce temporibus a præstantissimis eruditissimisque adversariis multo non minus ingenio, quam studio lucubrata, & magno  
etiam

etiam cum plausu a multis suscepta, recusa, & ubique disseminata volumina, parum æquo animo, seu potius averso excipienda sit a nonnullis, risu, aut commiseratione dignum existimantibus, nisi in causa, quæ doctiorum, uti putant, communi fere sensu ita est a celeberrimis Scriptoribus luculentissime rejecta, ut jam desperata judicetur. Id mihi quoque magnam vim olim intulit audito quodam eruditissimo & eloquentissimo viro, qui in adversariorum operibus apprimè versatus, ipsorum sententiam pluribus propugnabat, & Scriptores nostræ sententiæ vindices ita naviter diserteque refellebat, ut æquæ defensionis locus amplius non esse videretur. In quo accipiti dum magna cum animi perturbatione versarer, sanctorum potissimum & doctissimorum potestatem ætatis virorum, qui pro plenissima & summa Romanorum Pontificum potestate, præsertim in definitionibus fidei, certissime steterunt, auctoritas me continuit, erexitque, ratum fieri non posse, ut horum sententia, quæ teste Claudio Fleury apud ipsos Theologos Gallos non desierat esse fere communis etiam post comitia anni 1682. sit penitus inanis, vel omnino infirma, & non potius solidissimis Scripturæ ac traditionis fundamentis innixa. Hæc præcipue cogitatio me deinde excitavit ad investiganda & conferenda utriusque sententiæ documenta, & Deo Patre luminum adjuvante me detexisse credo certa principia, quæ ab adversariis quoque concessa, ad Pontificii primatus, quem illi pariter agnoscunt, rationem & vim explicandam, ac totum systema formandum atque constituendum, ad illorum hallucinationes incoherentiamque detegendam, ad rectam Evangelicorum testimoniorum ac traditionis intelligentiam, & usum, uno verbo

*Discours & in Hist. Eccl.*

ad veritatem agnoscendam & propugnandam manu-  
 ducunt irrisibilesque, si præoccupationes seponant,  
 ingenioque principiorum nexui, ac systematum ra-  
 tioni comprehendendis apto potiantur, non tam  
 ad animositatem deponendam, quam ad mutandum  
 consilium, sanctosque viros laudatos imitandos at-  
 que sequendos impellent. Num vero hæc ex præ-  
 judicio potius nostræ sententiæ, quam vi rationum  
 & sacra præsertim auctoritatis dicta sint, ipsa le-  
 ctio attentæ operis probe intelligentibus patefaciet.

7. Illud tandem moneo, ut, siqui aliquid con-  
 tra reponendum putabunt, videant (etiam atque  
 etiam rogo) ne arripiant tantum hinc & hinc sepa-  
 ratim aliqua, quæ sine ceterorum nexu, & sejuncta  
 a principiis systematis, probabilia fortassis videri po-  
 terunt; sed de ipsis principiis potissimum, & de  
 toto systemate judicium proferant, apteque confir-  
 ment: alias ipsum systema ex principis adversario-  
 rum concessione probatis, nec a novo cenfore im-  
 pugnatis deductum, satis per se subsistet, & o-  
 mnia, quæ separatim opponuntur intactis systemate  
 & principiis systematis, inania esse penitus demon-  
 strabit. Vide ex. gr. quæ in hanc rem observabi-  
 mus cap. 13. num. 100. & 101. ubi de quibusdam  
 antiquorum Patrum testimoniis, quæ adversari cre-  
 duntur traditioni eo capite probatæ, peculiarem &  
 notatu dignam animadversionem exhibebimus. Ita  
 pariter si omnia & singula, quæ in fusiori opere  
 illustrissimi & celeberrimi Meldensis Episcopi duo-  
 bus voluminibus contra nostram sententiam digesta  
 sunt, voluisssem singillatim excutere, & confutare,  
 longum nimis opus debuisssem contexere, quod mo-  
 lesti-

lestiam lectoribus pareret, ipsaque prolixitate, ac principiorum concessorum molesta, & confutanti singillatim necessaria repetitione impediret, ne systema per se manifestum, tot diverticulis identidem interruptum, facile comprehenderetur. Dum systema per se ex probationum complexu est evidens, ex quo satis responderetur objectis, etiamsi non omnia afferantur in medium, cum præsertim ex responsis ad objectiones præcipuas, quæ non erant omittenda, aliarum leviorum responsio satis elucescat.

CAPUT II.  
PROPOSITIO SECUNDA.



## TITULI

## CAPITUM ATQUE SECTIONUM.

## CAPUT I.

## PROPOSITIO PRIMA.

*S. Petrus inter Apostolos primatum habuit, qui in Romanos Pontifices ejus successores transiit. Hinc ratio & vis primatus istorum eadem est, ac illa, quæ fuit ratio & vis primatus S. Petri: & idcirco quæcumque S. Petro congruunt testimonia, unde primatus ejus ratio & vis statuitur & explicatur, eadem in eandem plane sententiam de Romanis Pontificibus, eorumque primatu accipienda sunt.* pag. 1

## CAPUT II.

## PROPOSITIO SECUNDA.

*S. Petri & Romanorum Pontificum primatus non est primatus meri ordinis, sed præcipue auctoritatis, seu jurisdictionis, ex qua præcipue ipsis jura & facultates competant, necesse est.* 5

## CAPUT III.

## PROPOSITIO TERTIA.

*Hic præcipue jurisdictionis, & non meri ordinis primatus S. Petri & Romanorum Pontificum ejus successorum personalis est, seu ipsorum personæ alligatus; ac proinde jus quoddam præcipuum ipsorum personale, idest nulli alii commune, in eo primatu contineri debet. Hinc cum jure, seu jurisdictione propria primatus agitur, hæcque Romanæ S. Petri sedis, cathedræ, vel ecclesiæ tribuitur; sedis, cathedræ, vel ecclesiæ Romanæ nomine, cui ea jurisdictio primatus propria asseratur, una Romani Pontificis persona intelligenda est, cui uni idem primatus est alligatus. Hinc quoque sequitur,*

## CAPITUM ATQUE SECTIONUM. XIII.

tur, quidquid juris ratione primatus Romanæ sedis, cathedræ, vel ecclesiæ competit, Romanorum Pontificum personæ ita esse tribuendum, ut nullius adjutorio vel societate ad idem jus exercendum indigeat. pag. 17

### CAPUT IV.

#### PROPOSITIO QUARTA.

Hic primatus præcipue jurisdictionis & personalis Sancti Petri ac Romanorum Pontificum jure divino constitutus est, non autem Apostolica institutione, aut Ecclesiastica. 16

### CAPUT V.

#### PROPOSITIO QUINTA.

Divinum illud jus, quo primatum præcipue jurisdictionis & personalem S. Petri ac summorum Pontificum constitutum diximus, præcipua habet fundamenta in iis Evangelicis testimoniis, quæ de S. Petro primo Romano Pontifice totius Ecclesiæ primatû passim recitantur, nimirum, Tu es Petrus, & super hanc petram &c. Pascue oves meas &c. Confirma fratres tuos &c. 21

### CAPUT VI.

#### PROPOSITIO SEXTA.

Cum primatus peculiaris jurisdictionis & personalis S. Petri & Romanorum Pontificum laudatis Evangelicis testimoniis potissimum incumbat; in iisdem interpretandis non omnia aliis Apostolis eorumque successoribus, idest Episcopis, debent esse & censeferi communia, ita ut quod Petro dictum fuit à Christo, æque omnibus dictum fuerit in Petro; eademque in ipso facultates æque omnibus traditæ fuerint; sed præter facultates aliis Apostolis communes aliquid juris præcipui ac personalis Petri in ipsis testimoniis contineri debet, quod in Romanos Pontifices ejus successores transiens, primatum peculiaris & personalis jurisdictionis divino jure institutum constituat. 26

## XIV. TITULI CAPITUM.

### CAPUT VII.

#### PROPOSITIO SEPTIMA.

*Hoc prætipum & personale S. Petri jus primatus proprium, quod in laudatis Evangelicis testimoniis continetur (ne quid fingamus ex arbitrio); ex traditione iisdem testimoniis coherente eruendum est.* 1212740 pag. 29

### CAPUT VIII.

#### PROPOSITIO OCTAVA.

*Ex Patrum traditione liquet, Pontificii primatus instituendi rationem seu finem fuisse totius Ecclesie unitatem, ob quam componendam & conservandam idem primatus utilis ac necessarius, a Christo institutus fuit.* 1207022 30

### CAPUT IX.

#### PROPOSITIO NONA.

*Memorata totius unitatis catholicae a Petro componendae & conservandae rationem, ne sibi Christus frustra proposuisse dicatur in instituenda ejus primatu; vim & potestatem ipsi primati ad eum finem obtinendum idoneam dedisse credendus est, jus scilicet coactivum unitati componendae & conservandae necessarium, non vero merum officium representandae unitatis. Hoc autem jus coactivum ad unitatem catholicam ex primatus ratione ac fine S. Petro tributum, ipsum peculiare & personale primatus jus potissimum constituere percommode intelligitur.* 38

### CAPUT X.

#### PROPOSITIO DECIMA.

*Ecclesiae unitas nunc consideranda duplex est; alia fidei, qua omnes Christifideles in unius fidei professione debent convenire; alia caritatis, qua omnia Ecclesiae membra inter se se eodem pacis & communionis vinculo debent copulari: sed prior est illa prior unitas fidei, cui potissimum conservandae posterior est Ecclesiae maxime necessaria. Primatus vero S. Petri*



*Petri & successorum ejus ob unitatem in tota Ecclesia continendam & conservandam institutus, ea vi præditus esse debet, qua utramque hanc unitatem Ecclesia necessariam continet atque conferuet.*

pag. 45

## CAPUT XI.

## PROPOSITIO UNDECIMA.

*Primatus S. Petri & successorum ejus adeo præditus est vi cogente ad utramque caritatis seu communionis, & fidei unitatem, ut necesse omnino sit, omnes catholicos cum successoribus S. Petri unitatem tenere non solum caritatis & communionis, sed præsertim fidei.*

50

## §. I.

*De necessaria unitate communionis omnium fidelium cum summis Pontificibus ratione primatus. Oppositio a nonnullis ingesta ex schismatibus Meletii Antiocheni & Acacii Constantinopolitani diluitur.*

ibi

## §. II.

*Necessitas unitatis fidei cum fide Romanæ sedis, seu Romanorum Pontificum ex præstituta necessitate unitatis communionis & caritatis cum eisdem colligitur.*

58

## CAPUT XII.

## PROPOSITIO DUODECIMA.

*Unitatem præsertim in fide cum fide S. Petri ac successorum ejus Romanorum Pontificum omnibus Christianis necessariam evincunt ex sacra Scriptura illa Evangelica testimonia, quæ de primatu S. Petri insigniora sunt.*

63

## §. I.

*Illæ Christi verba Matthæi c. 16. v. 18. Tu es Petrus & super hanc petram ædificabo Ecclesiam meam &c. necessitatem unitatis fidei cum fide S. Petri ac successorum ejus*

Roma-

*Romanorum Pontificum manifestissime evincunt.* pag. 66

I. *Petræ nomine fidem S. Petri significari Patrum traditione ostenditur.* 67

II. *In hanc petræ interpretationem quomodo Ecclesia super Petrum ædificata commode intelligatur. Aliæ interpretationes conciliatæ. Non singularis illa fides, qua S. Petrus Christum Dei Filium professus est, sed universa fides Christiana, quam in ædificanda Ecclesia prædicavit, petræ nomine accipienda monstratur.* 74

III. *Quatenus ex hac interpretatione laudati textus Evangelici unitas præsertim fidei omnium Christifidelium cum fide S. Petri, seu prædicata a Sancto Petro necessaria probetur. Eadem unitas fidei quatenus ab aliis Apostolis servata in fundandis ecclesiis.* 77

IV. *Eadem fidei unitas cum fide Romanorum Pontificum successorum S. Petri eodem primatus jure necessaria ostenditur. Pauca adduntur de clavium potestate, quæ eodem textu Evangelico promissa Sancto Petro, æquali jure in successores ejus transit.* 82

### §. II.

*Confirmatur eadem necessitas unitatis fidei cum fide S. Petri ex illis Luc. 22. vers. 32. Simon, Simon, ecce satanas expetivit vos, ut cribraret sicut triticum. Ego autem rogavi pro te, ut non deficiat fides tua, & tu aliquando conversus confirma fratres tuos.* 87

### §. III.

*Illud quoque Joannis cap. 21. vers. 15. Petro specialiter dictum, Pasce agnos meos, pasce oves meas, eandem necessitatem unitatis fidei demonstrat.* 92

## CAPUT XIII.

### PROPOSITIO DECIMATERTIA.

*Eadem necessitas unitatis communionis & præsertim fidei omnium Christi-*

## ATQUE SECTIONUM. XVII

*Christianorum cum S. Petri sede, & successoribus ejus Romanis Pontificibus traditione Patrum luculenter statuitur.*  
pag. 96

### §. I.

*Insignis locus S. Irenæi, quo unitatem fidei cum Romanæ Ecclesiæ, seu Romanorum Pontificum fide ex primatus jure cum-  
His Christianis necessariam expresse affirmat.*  
99

### §. II.

*Tertulliani testimonium ductum ex necessitate conveniendi cum  
fide ecclesiarum Apostolicarum, quæ necessitatem evincit con-  
veniendi cum fide præsertim Romanæ & Apostolicæ eccle-  
siæ.*  
105

### §. III.

*Loca S. Cypriani, quæ unitatem communionis & fidei cum S.  
Petri cathedra, seu summo Pontifice necessariam adstruunt.  
Difficultates ex quæstione de baptismo ab eo habita cum San-  
cto Stephano Papa excutitur.*  
107

### §. IV.

*Firmiliani, Paciani, & Optati testimonia. Donatistarum,  
aliorumque veterum schismaticorum hæreticorum sententiæ  
expensæ.*  
117

### §. V.

*Testimonia Eusebii Vercellensis, Gregorii Nazianzeni, Satyri,  
Ambrosii, & concilii Aquilejensis, cui idem S. Ambrosius  
præfuit. Quomodo jus communionis a Romana sede di-  
manet.*  
123

### §. VI.

*Damasi Papæ, Theodosii Imperatoris, & Flaviani pres-  
byteri*

## XVII. TITULI. CAPITUM.

*hyteri Antiocheni, ac postea Episcopi testimonia. Additur  
testimonium concinens ex Aureliano Augusto, ab Eusebio Et  
Rufino laudatum. Prudentii poëta versus.* pag. 128

### §. VII.

*Hieronymi testimonia. Argumentum ductum ex necessaria unitate cum Petri cathedra, quo cathedræ vocabulo fidem Romanæ sedis a S. Petro ejusque successoribus traditam significari ostenditur. Ecclesia catholica Et fides catholica Ecclesia dicta est Romana ob unitatem præsertim fidei cum Romana catholico cuique necessariam.* 137

### §. VIII.

*S. Augustini testimonia expenduntur, illa præsertim, quæ in libris contra Donatistas scriptis inveniuntur. Argumentum sumtum ex nota Ecclesiæ ubi Apostolica dicitur, quatenus necessariam adstruit unitatem fidei cum Romana Apostolica sede; aliæque aliorum Patrum in eundem rem testimonia proferuntur.* 143

### §. IX.

*Alia ejusdem Augustini testimonia ex scriptis contra Pelagianos pro unitate fidei cum Romana. Validissimum argumentum ductum ex antiquissimo more referendi causas fidei ad Romanam sedem. Innocentii I. trium conciliorum Africa, Et aliorum Patrum auctoritates. Loca Augustini ex libris de baptismo objecta explicantur, ubi inter alia disquiritur, num in quæstione de baptismo extra Ecclesiam perrepto Stephanus ediderit proprie dictam definitionem fidei.* 152

### §. X.

*Pelagii Cælestique textus. Argumentum ductum ex antiquo more subjiciendi opera præsertim dogmatica Romana sedis iudicio.* 172

### §. XI.

# ATQUE SECTIONUM. XIX

## §. XI.

*Testimonia S. Cyrilli Episcopi Alexandrini, synodi Ephesinae acumenicae, Calestini I. Auctoris Capitulorum de Gratia, & Xysti III.* pag. 174

## §. XII.

*Testimonia S. Leonis Magni.* 179

## §. XIII.

*De gestis circa dogmaticam Leonis epistolam ad Flavianum praesertim in concilio Chalcedonensi. Quale examen ejusdem epistolae in eo institutum, & quae concessa libertas examinis. Pontificiae auctoritatis nihil praejudicans. Testimonium Anatolii Episcopi Constantinopolitani.* 183

## §. XIV.

*Testimonium S. Petri Chrysologi. Argumentum ductum ex obedientia, quam Romano Pontifici debere etiam adversarii fatentur.* 194

## §. XV.

*De synodis Episcoporum Galliae & Italiae ad S. Leonem Pontificem contra Eutychis haesim. De Theodoro Episcopo Cyrensi, & Maximo Antiocheno. Testimonium vetustissimi Sacramentorum libri ecclesiae Romanae.* 200

## §. XVI.

*Testimonia S. Gelasii Papae, ex libello fidei a S. Hormisdas ad Orientales misso, & a tota Ecclesia recepto, ex Justiniano Imperatore, Avito Viennensi, Epiphano Constantinopolitano, Stephano Larissa, Menna Constantinopolitano, & Profuturo Bracarensi.* 204

## §. XVII.

*Testimonia ex summis Pontificibus Gregorio I. & II ex venerabili*

## XX      TITULI CAPITUM

*rabili Beda, ex Auctore operis Carolini, Hadriano I. Alcuino, S. Nicephoro Constantinopolitano, Theodoro Studita, Nicolao I., & Hincmaro Remensi. Ex his antiquis traditionis argumentum concluditur, subiecta animadversione, qua uno istu plures objectiones ex antiquis perperam ingesta diluuntur.* pag. 210

### CAPUT XIV.

*Adversariorum catholicorum testimonia, quibus utriusque unitatis cum Romana sede necessitatem professi sunt.* 220

#### §. I.

*Communis adversariorum formula, qua centrum unitatis in Romana sede positum agnoscunt, explicata præsertim ex comitiis Gallicanis anni 1682.* 221

#### §. II.

*Testimonia Gersonis, Cardinalis Cusani, Joannis de Parisiis, Alphonsi Tostati, & Petri de Marca.* 224

#### §. III.

*Testimonia ex comitiis Cleri Gallicani annorum 1579. 1650. 1653. & 1663.* 229

#### §. IV.

*Testimonia Jacobi Benigni Bossueti Episcopi Meldenfis.* 233

#### §. V.

*Refellitur distinctio inter sedem, cathedram, vel ecclesiam Romanam & Romanos Pontifices ab adversariis ingesta, eaque inepta ostenditur in præsentis argumento, ubi de vi coactiva primatus propria & personali eorundem Pontificum agitur. Refelluntur quoque duo alia adversariorum effugia, seu conditiones duæ, quas illi in Pontificiis decretis dogmaticis requirunt, ut cogit omnes ad fidei unitatem, nimirum, si ejusmodi decreta ex cathedra Romanæ doctrina, ac traditione communi Ecclesiæ catholicæ edita sint, vel si ipsis accedat Ecclesiæ tacitus saltem consensus.* 241

## CAPUT XV.

*COROLLARIUM, quo constituitur, quid ex præstitutis principis sequatur in ea quæstione, num dogmaticæ Romanorum Pontificum definitiones fidei infallibiles sint & haberi debeant. Adversariorum incohærentia notata. Antiquorum sensus ac testimonia Christi promissis innixa. Unum negandæ infallibilitatis fundamentum, quo adversarii fortius impediuntur, e præsumtis quorundam Pontificum erroribus ductum excutitur, atque dirigitur.*

pag. 260

## §. I.

*Synopsis principiorum, quæ præmissimus, & consequens proximum ex ipsis legitime deductum quoad infallibilitatem Romanorum Pontificum in definiendis controversiis fidei. Quam incohærenter adversarii concessis laudatis principis Pontificiorum definitionum infallibilitatem, quæ ex iisdem legitime sequitur, insciantur.*

ibi.

## §. II.

*Antiquorum traditio Christi promissionibus innixa, eandem infallibilitatem atque inerrantiam satis declarat. Patrum testimonia deducta ex illa Christi promissione: Portæ inferi non prævalebunt adversus eam.*

265

## §. III.

*De altera Christi promissione Petro facta, Oravi pro te, ut non deficiat fides tua &c. quid Patres tradiderint, unde adstruenda est Rom. Pontificum inerrantia.*

270

## §. IV.

*Traditio Patrum de indefectibilitate & integritate constanti fidei in Romana cathedra.*

275

## §. V.

*Effugia Episcopi Meldensis, quibus memoratas Christi promissiones antiquorumque traditionem aliorum distrahere & interpretari studuit, rejiciuntur.*

278

Potissimum adversariorum objectum ex præsumtis Romanorum Pontificum erroribus circa fidem expungitur, eo quod ea, quæ obtruduntur facta, non sint errores definitionum fidei. Præmittitur explicatio, quænam sint proprie dictæ definitiones fidei, seu, ut ajunt, ex cathedra editæ, quibus ex Christi promissis & Patrum traditione inerrantia, & infallibilitas tribuenda est.

285

## §. VII.

Quatenus præsumti & objecti errores Pontificum non pertineant ad definitiones fidei. Duo vel tria molestiora, quæ præcipue tamquam evidantiora opponuntur errorum facta, expresse solvenda. Primum de lapsu S. Petri explorum.

292

## §. VIII.

Lapsus item Liberii non fuit lapsus definitionis fidei.

296

## §. IX.

Lapsus, qui Honorio tribuitur, quantum abest a definitione fidei.

302

## §. X.

De lapsibus, qui aliis Pontificibus tribuuntur, & de nonnullis antiquorum testimoniis, quæ errores Pontificum indicant, quædam attinguntur, ex quibus patet nullos pertinere ad definitiones fidei.

311

## §. XI.

Conclusio operis.

322

APPENDIX ad §. I. cap. XI.

327

De Sanctis viris, qui floruerunt in schismatibus Meletii Antiocheni, & Acacii Constantinopolitani. Num, & quatenus caruerint communione S. d. Apostolica.

ibidem.



## MONITUM.

**I**llustrissimus Jacobus Benignus Bossuetus Episcopus Meldensis pluribus nominibus celeberrimus, & inter adversarios sacre princeps, duobus non exiguis molis voluminibus, ut ajunt, in quarto, multa eruditione repletis, summoque studio incubratis, hac inscriptione præfixa, *Defensio declarationis Conventus Cleri Gallicani, an. 1682. De Ecclesiæ hæresibus, sententiam hæc in opere refellendam omnium uberissime progugnare contendit.* Hæc volumini frequentius alleganda duobus editionibus post Auctoris mortem prodierunt: primum Luxemburgi an. 1730. dein Amstelodami an. 1745. Cum vero Amstelodamensis editio ad exemplum ab Auctore postremis curis reformatum exacta alleganda fuerit; in hac autem alia addita, alia fuerint mutata, vel etiam expuncta, librorum vero ordo non modicum variet; hujus prospectus & librorum præsertim ordo cum prima editione collatus hic proponendus visus est, ut ii, quibus sola prima editio suppetit, in ea conferre possint quæant textus allegandos, quos fere omnes in utraque editione mutato tantum librorum ordine reperire licebit.

Series eorum, quæ in editione Amstelodamensi an. 1745. *Defensio* Bossuetianæ continentur, & ordo librorum ejusdem collatus cum ordine primæ editionis Luxemburgensis an. 1730.

Ordo editionis Amstelodamensis.  
Dissertatio prævia ab Auctore scripta loco trium priorum librorum primæ editionis, quos secundis curis Auctor expunxit.

Ordo primæ editionis.  
Hæc dissertatio in editione prima deest.

In prima editione est

Lib. I. Sectio prima.	Lib. IV.
Sectio secunda.	Lib. V.
Lib. II.	Lib. VI.
Lib. III.	Lib. VII.
Lib. IV.	Lib. VIII.
Lib. V.	Lib. IX.
Lib. VI.	Lib. X.
Lib. VII.	Lib. XII.
Lib. VIII.	Lib. XIII.
Lib. IX.	Lib. XIV.
Lib. X.	Lib. XV.
Lib. XI.	Lib. XI.

Corollarium idem in utraque editione.

Appendix, in qua primæ editionis præfatio, & tres primi libri ejusdem editionis a Bossueto expuncti, & cap. 34. Libri. IX. pariter expunctum exhibentur.

APPRO-



## APPROBATIO CENSORIS.

**C**um PETRI BALLERINII, Presbyteri Veronensis, *Liber singularis de Vi & Ratione Primatus Romanorum Pontificum* regulis orthodoxæ Religionis ac principiis Fidei neutiquam adversetur; dignum illum censeo, ut iteratis typis in lucem publicam prodeat. Augustæ Vindelicorum, die 6, Febr. 1770.

JOSEPHUS HERZ,

S. Theol. Licent. Revmi ac Sermi  
Elect. & Archiepisc. Trevir. nec  
non Episc. August. Consil. Eccl.  
Visitat. Gen. Consistor. Assess. ac  
Libror. Censor.

DE



DE  
VI AC RATIONE PRIMATUS  
ROMANORUM PONTIFICUM


AC  
DE ISTORUM INFALLIBILITATE INDE-  
FINIENDIS CONTROVERSIIS FIDEI

LIBER SINGULARIS.

CAPUT I.

PROPOSITIO PRIMA.

*S. Petrus inter Apostolos primatum habuit, qui in Romanos Pontifices ejus successores transiit. Hinc ratio & vis primatus istorum eadem est, ac illa, quæ fuit ratio & vis primatus S. Petri: & idcirco quæcumque S. Petro congruunt testimonia, unde primatus ejus ratio & vis statuitur & explicatur, eadem in eandem plane sententiam de Romanis Pontificibus, eorumque primatu accipienda sunt.*

1.  DE hac prima propositione, quatenus primatum aliquem inter Apostolos S. Petro concessum, & ex eo in Romanos Pontifices ejus successores tractum affirmat; de hac inquam, propositione inter me & adversarios catholicos, quibuscum totus mihi nunc futurus est sermo, penitus convenit; ut vel ex ipsorum testimoniis, quæ in sequentibus capitulis afferuntur,  
Ballerinijs de Primatu RR. PP. A rentur,

rentur, patebit. Hinc probanda in præsentiarum non est, uti esset probanda multis, si contra hæreticos, vel schismaticos ageremus. Quamquam cum hæc propositio primatum aliquem S. Petro & Romanis Antistitibus generatim attribuens, nihil statuatur de ejusdem institutione atque natura; etiam cum hæreticis atque schismaticis ipsis non difficile esset in ea convenire. Primatum enim aliquem in Ecclesia necessarium & ipsi pernoverunt ea ratione ducti, quam eorumdem testimoniis confirmaturi sumus cap. 8. hæcque ratio ejusmodi est, quæ primatum in uno aliquo exigit, non in Ecclesiæ initiis tantum, sed perpetuo usque in finem mundi, ita ut aliquem primi successorem, qui eodem primatu potiar, semper efflagitet. Petro autem hunc primatum primo fuisse delatum semper agnovit catholica Ecclesia; neque in hoc cum hæreticis, aut schismaticis multa pugna esset, cum aliquem Petri primatum concedant, ut constabit ex dicendis cap. 2. Solum ut hunc primatum Romanis Pontificibus eriperent, fuit ille quorundam acatholicorum conatus non levis, & conatus quidem duplex, primum negare iter S. Petri Romam, deum, si hoc iter concedendum sit, inficiari Episcopatum ejus Romanum, ex quo S. Petri primatus in Romanos Pontifices jure successionis transivit. At prima opinio, quæ S. Petri iter Romanam negabat, adeo evidentibus explosa est documentis, ut ipsorum quoque heterodoxorum peritissimi illud amplius non negent, nec, etsi maxime velint, negare nisi impudenter queant. Altera porro, quæ Romanum S. Petri Episcopatum excludit, præter alia multa satis vel exinde refellitur, quod nonnisi ex Episcopatu, quem Romæ S. Petrus instituit gessitque, Romana sedes *S. Petri cathedra* semper appellata est in Ecclesia catholica, & in Romanorum Antistitum catalogis, quos antiquissimi quoque Patres in sua opera inferuerunt, primus semper describitur S. Petrus, cui alii veluti successores subjiuntur. Id quidem ita manifestum est, ut \* Joannes Pearsonius, quantumvis heterodoxus, non solum affirmaverit, sed etiam demonstrarit, numquam apud antiquos dubitatum fuisse, quin S. Petrus Romanam Ecclesiam fundaverit, & Romani Pontifices eadem in Episcopatu successerint.

2. Primatus Petro delati ratio nullam particularem sedem Episcopalem, cui ipse alligaretur, per se videtur postulasse.

\* *Oxæ. posthum. edit. Londin. pag. 27. & 31.*

stulasse. At quod per se Petri primatus non exigebat, certa requirebat illius in primatu successio, quæ in bonum Ecclesiæ perseverare, facileque expediri debebat, ut probe observavit Bossuetus in *Defensione declarationis Cleri Gallicani* lib. 10. al. 15. c. 5. *Petri successores cum ordinandi fuerint, de calo lapsuri non sunt; neque ad creando eos, ubi opus fuerit, totam Ecclesiam citari, commoverique oportebit. Neesse ergo est, aliqua ut sit catholica Ecclesiæ pars, ex qua existant, aliique aliis subrogentur. Quare ita constituti sunt, ut non modo universæ Ecclesiæ præsent, sed, quemadmodum ceteri Episcopi, peculiarem habeant, quam regant, Ecclesiam, nempe Romanam, quam Petrus fundavit, & rexit.* Id etiã necesse fuit, ne vagus incertusque esset summi Pontificis locus, quo in urgentibus Ecclesiæ necessitatibus ex remotissimis quoque regionibus tute confugeretur: si enim sedes ejus vaga esset & incerta, & modo huc, modo illuc in longinquas & distitas orbis partes summi Pontifices discurrerent, nesciretur, quo dirigendæ essent litteræ: quod Christianæ rei plurimum detrimenti attulisset. Hinc ergo particularis Episcopatus a Petro eligendi, cui primatis persona alligaretur, necessitas agnoscitur. Fuit ille quidem Antiochenæ sedis fundator & rector aliquot annos: sed cum inde Romam transierit, huc primatum a sua persona indivisum pariter transtulit, & ibidem supremum diem claudens, eundem primatum ad successores in eadem sede transmisit. Cur porro Episcopatus Romanus præ ceteris a Petro delectus fuerit, cui primatus uniretur, alia quaestio est, quam hic discutere nec vacat, nec opus est. Si enim stet Romæ Petrum fuisse, & in Romana sede decedentem, successoribus suis primatum bono Ecclesiæ necessarium reliquisse; statim sequitur, quod & adversarii catholici cum tota Ecclesia tamquam dogma certissimum tenent, Romanos Pontifices eidem Petro in ipsius primatu succedere, adeo ut eadem, qua ille functus est, totius Ecclesiæ primatis vi ac ratione, jure successionis potiantur.

3. Neque vero contra hanc æqualitatem Petri & successorum ejus Romanorum Pontificum in ratione primatus difficultatem illud moveat, quod Romani Pontifices antiqua veluti formula *Petri vicarii* a multis appellentur, perinde ac si inferiorem Petro gradum ac dignitatem obtineant. *Vicarii* enim nomen apud veteres passim pro *successore* ali-

cujus accipitur, qui æqualem ei, cui succedit, cum dignitate, tum auctoritatem jure successionis est consequutus. Hinc *vicarii & successoris* voces de eodem simul acceptæ leguntur, uti S. Ciprianus epist. 67. al. 68. ad Stephanum Papam memoratis ejus prædecessoribus Cornelio & Lucio, *Vicarius*, inquit, *& successor eorum factus es*. Frequentius autem unum *vicarii* nomen pro successore sumptum, quod æqualitati nihil præjudicii assert. Ita S. Gregorius lib. 1. epist. 4. ad Mediolanenses electum Mediolanensis sedis Episcopum *vicarium S. Ambrosii* nominat, quemadmodum & Thato ejusdem sedis Episcopus se *vicarium Ambrosii* appellat in documento anni 866. apud Puricellum; & similiter (ut alia omittam exempla) in diplomate Ottonis apud Ughellum Hildericus Episcopus Veronensis dicitur *vicarius S. Zenonis*: quos omnes prædecessoribus suis æquali dignitate & auctoritate successisse exploratum est. *Vicarii* nimirum hi omnes eo sensu appellati sunt, quod eorum, quibus successerant, vicem gererent, perinde ac si eximii illi prædecessores in ipsis viverent. In hanc itaque sententiam Romani Pontifices *S. Petri vicarii* dicti fuerunt, quia succedentes S. Petro ejus vices gerunt, ita ut S. Petrus in ipsis adhuc vivere, eademque sibi tradita primatis dignitate ac potestate totæ Ecclesiæ præesse videatur. Hinc quidem Eulogius Episcopus Alexandrinus S. Petrum in summis Pontificibus respiciens, eundem in Romana cathedra tunc quoque sedentem professus est, *icens*, ut tradit S. Gregorius, *quod ipse (S. Petrus) in ea nunc usque in suis successoribus sedeat*: & pari loquutione Philippus Romanæ ecclesiæ presbyter Ephesini Concilii Patribus affirmare non dubitavit, *Nulli dubium, immo sæculis omnibus notum, quod S. Petrus ad hoc usque tempus & semper in suis successoribus vivit*. Ita pariter S. Petrus Crysológus in Epistola ad Eutychem n. 2. *S. Petrus*, inquit, *qui in propria sede (idest in successoribus) & vivit, & præsidet*: & S. Leo ferm. 2. al. 1. in assumptione sua ad Pontificatum c. 3. *Cujus (Petri) in sua sede vivit potest, & excellit auctoritas*: & c. 4. *Cujus dignitas etiam in indigno herede non deficit*. Quid ergo *vicari* nomen offendant, si successorem designat ejusdem dignitatis, auctoritatis, atque primatus heredem? Sed quid pluribus moror in re ab ipsis adversariis concessa?

4. Interim quid ex ea sequatur, animadvertant velim,  
ne

*Ambrosii Basil. Monum.*  
p. 200.

*T. 5. Ital. fac. p. 66.*

*S. Greg. lib. 7. ep. 40.*

*Conc. Ephes. Act. 3.*

*Inter Leoninas nostras edit. ep. 25.*

ne qui hanc primam propositionem ultro dant, in disputationis decursu minus cohærenter loquentes, importunum nobis & lectoribus negotium facebant. Si nimirum semel concedant uti exploratum ac certum, Romanos Pontifices S. Petri successores eadem primatus ratione ac vi potiri, quam S. Petrus obtinuit; profecto sequitur, easdem ipsius primatis prærogativas, de quibus postea agendum erit, iisdem competere, eademque sacræ auctoritatis testimonia, ex quibus primatus S. Petri ratio ac vis eruitur, quæque ipsi uti primati congruunt, Romanis quoque Pontificibus eodem prorsus sensu convenire. Hinc autem nec mirum, nec exorbitans iudicandum erit, si ego, aut alius quispiam de Pontificibus Romanis promiscue accipiat ea testimonia, quæ de S. Petro ratione primatus dicta fuerunt, perinde ac si, ad primatum quod pertinet, illi omnes cum S. Petro sint unum ac idem: quo sensu verissimum est, quod Bosfuetus loco laudato scripsit: *Accipienti ergo Roma i Pontifices T. 2. pag. 191.*  
*tamquam una persona Petri.* Maxime vero mirum & incongruum videri debet, quod in operibus quorundam adversariorum legitur, qui etsi eundem omnino primatum S. Petri ad Romanos Pontifices ejus successores fatentur transisse, testimonia tamen quædam insignia, quæ ad S. Petrum ratione primatus pertinent, ipsi uni convenire contendunt, nec animo satis æquo patiuntur, si quem eadem ad illius successores referentem audiant. Hæc animadversio memoria retinenda quid spectet, & cui usui futura sit, suo loco patebit.

## CAPUT II.

## PROPOSITIO SECUNDA.

*S. Petri & Romanorum Pontificum primatus non est primatus meri ordinis, sed præcipue auctoritatis, seu jurisdictionis, ex quo præcipua ipsis jura & facultates competant, necesse est.*

1. **H**Æc quoque propositio a catholicis, quibuscum agimus, adversariis expresse asseritur, neque a quopiam

Primatus ordinis explicatur.

piam catholico revocari potest in dubium; soli enim hæretici vel schismatici eam inficiari queunt. Primatus ordinis non ille tantum intelligitur, quo quis mera honoris prærogativa donatus, omni omnino jure careat; sed ille etiam hoc loco intelligendus est, quo in publicis negotiis nullum jus nisi in materia meri ordinis cuiuspiam tribuitur; unde hoc primatu insignitus præter honoris locum præcipuum ad quædam tantummodo meri ordinis propria jus habet. Ita in omni republica, in qua jurisdictio penes omnes Patres residet, uni primatus ordinis deferri solet, ex quo ille non modo in digniori loco primus sedet, primus nominatur, primus dicit sententiam &c. quæ ad merum honorem pertinent; verum etiam pro jure suo Senatum indicere, referre de negotiis, rogare sententias, & consultando, monendo, hortando totam actionem regere solet: quæ vera & propria, at meri ordinis jura sunt, nec primatum meri ordinis excedant.

Romano Pontifici non difficile concederetur ab hæreticis atque schismaticis.

2. Si, quando agitur de primatu Romani Pontificis, de hoc uno meri ordinis primatu ageretur; nulla, vel admodum levis cum hæreticis atque schismaticis ipsis esset contentio. Cum enim in omni coetu necesse sit, unum aliquem ordine præesse, qui publica negotia permoveat, & actionem, coetumque ipsum regat; quis id in sola Ecclesia & inter Episcopos Ecclesiæ præpositos necessarium inficiabitur? Hinc Salmasius in præfatione operis *De primatu Papæ* scripsit: *Ut in omni ordine primatus est, quia & primus semper aliquis datur ordinis, ut secundus, & tertius; ita in ordine Episcoporum.* In hoc autem Episcoporum ordine primatum ejusmodi tribuere Romano Pontifici successori S. Petri, qui primas inter Apostolos a Christo institutus, Apostolici collegii rector fuit, cujusque sedes Romana primas semper in Ecclesia habuit, nemo quicquam, vel diutius repugnaret. Ob unum jurisdictionis primatum, qui adversus schismata & hæreses semper in Ecclesia plurimum valuit, schismatici atque hæretici in eandem sedem iniquiores litem moverunt, parati tamen ordinis primatum illi concedere, si eo uno contenta sit. Claudius quidem Salmasius in laudata præfatione memorati operis, in quo ipsum primatum conatur evertere, de hæreticis palam fatetur, *Reformatores primatum tantum ordinis in Papa agnoscere*; id autem unum eos indignari ait, quod *Papæ potestas non primas in ordine partes, aut sedes tenere contenta, suffragia*



*prema omnium, qui in aliqua sunt potestate aut dignitate, haberi vult.* Et in Apparatu ejusdem operis pag. 172. Papam recipi posse affirmat, si redire *sustineret ad primum ordinis* (1). Id ipsum de schismaticis eo certius est, quod hi Romanæ sedis primatui minus quam hæretici infensi esse solent; ut Barlaami ac Nili schismaticorum testimoniis, si res exigeret, confirmare liceret.

3. Ecclesia vero catholica a schismaticorum æque ac hæreticorum partibus aliena (2), præcipuæ jurisdictionis, non autem meri ordinis primatum Romano Pontifici semper asseruit; ejusdem sententiæ sit oportet, quicumque in Ecclesia catholica esse, & neque ad hæreticos, neque ad schismaticos velit accedere. Enimvero huic doctrinæ, quæ interrim a qualitate jurisdictionis præscindit, neminem catholicorum refragari explorate tradit Ludovicus Maimburgus, qui in Romanæ sedis Antislites non bene animatus, ab omni assertionis suspicione hac in parte alienissimus est. Hæc autem ille scribit in tractatu Gallice inscripto, *De l'établissement & des prerogatives de l'Eglise de Rome & des ses Evêques* cap. 4. *Jediray seulement ce, dont tous les Catholiques conviennent, que Jesus Christ choisit Saint Pierre entre tous ses Apôtres pour luy donner non seulement la primauté d'ordre, d'honneur, & de rang, en luy donnant le premier lieu, comme à celui qui est le*  
pri-

(1) Hic haud omittendam videtur, hunc eundem scriptorem in epistola 27. libri primi epistolarum Gallice scripta an. 1630. antequam librum *De primatu Papæ* lucubraret, confesum fuisse, meri ordinis primatum sine ullo præcipuo jure summo Pontifici tribuere penitus esse a primitivæ Ecclesiæ praxi, & a Hierarchiæ Ecclesiasticæ conditione alienum. *De penser aussi que cette primauté ne soit autre chose qu'une préférence & l'honneur d'aller devant, c'est se mécompter.* La pratique de la primitive Eglise est contraire, qu'

il luy à tousjours donné d'avantage, & ce mot Primatus en toute la Hierarchie Ecclesiastique n'a jamais esté sans quelque fonction superieure, ou jurisdiction avec l'honneur.

(2) Hunc præcipuæ jurisdictionis primatum antiquissimus Ecclesiæ Pater S. Irenæus lib. 3. cap. 3. aptissime expressit duobus verbis potentiolem principalem, ubi principalitas primatum, potentior vero potestatem, seu jurisdictionem præcipuam indicat.

primier entre ses égaux en dignité, & en ces dons, ces pouvoirs. & ces graces, qui sont inseparables de l' Apostolat, & de l' Episcopat; mais aussi la Primauté de juridiction, de puissance, & d' autorité sur tous les fideles dans toute l' Eglise, dont il le constitue le Chef. Id est latine: *Id solum dicam, de quo Catholicorum omnium est concors sententia, Jesum Christum ex omnibus Apostolis S. Petrum elegerisse, cui non solum primatum ordinis, honoris, & gradus conferret, primum locum illi concedendo tamquam primo inter aequales dignitate, donis, facultatibus; & gratias Apostolatus & Episcopatus inseparabiliter adnexit; sed etiam primatum jurisdictionis, potestatis & auctoritatis in omnes fideles in tota Ecclesia, cujus eum ipse constituit Caput.* Quæ si S. Petro uti primati conveniunt, ejus quoque successoribus Romanis Pontificibus, ut idem Auctor deinceps tradit, & ut ex prima propositione necessario sequitur, pariter convenire dicenda sunt. Quare Claudius Fleury inter oppugnatores notissimus, hanc doctrinam suo Catechismo historico inseruit: *Episcopus Romanus, quem hodie appellamus Payam, semper habitus est omnium Episcoporum primus, cum habeat supra alios primatum jurisdictionis jure divino (de quo jure divino dicitur c. 4.) sitque visibile caput Ecclesie & Vicarius Jesu Christi, qui est Caput principale & invisibile.* Similia aliorum hujus generis Scriptorum testimonia passim occurrunt, ex quibus cum non pauca alibi opportuniore occasione afferentur, tum vero hic satis erit recitare textum Comitiorum generalium Gallicani Cleri Parisiis congregatorum die 8. Maii an. 1728. in litteris ad Regem Christianissimum, unde hæc ad verbum Latine reddita profero: *Primatus, quem nos in Papa recognoscimus, non restringitur intra simplicem honoris præminentiam. Et relatis aliquot testimoniis antiquorum Patrum concluditur: Necessè est igitur secundum catholicam fidem recognoscere in summo Pontifice primatum honoris simul & jurisdictionis, uti agnitus fuit primis quoque Ecclesie temporibus.*

4. Quid quod vel illi ex oppugnatoribus, qui supra omnes sunt acerbiores in Romani Pontificis auctoritatem, et si agentes de illius facultatibus, has ita angustis coerceant limitibus, ut ab ædificando meri ordinis primatu minimum distent; de ipso tamen primatu differentes, ut illum ab heterodoxorum dictis vindicent, jurisdictionem in eo peculiarem fatentur? Inter hos memorandus præsertim Ludovicus Ellies Dupinus, de cujus consensu hac in parte dubitare quis-

T. 2. part. 1.  
l. 46.

quispiam posset. Is enim in dissertationibus *De antiqua Ecclesiae disciplina* Parisiis editis an. 1691 adeo primum Pontificium coarctare studuit eo pariter loco, ubi illum constitutum & propugnandum fuit, ut S. Petro ceteros Apostolos *potestate & auctoritate* omnino aequales praedicet *excepto primatu*, qui si primatus intelligendus esset sine ulla speciali *potestate & auctoritate*, meri sane ordinis primatus esset, praecipuae iurisdictionis non item. Perspicua in primis sunt ejus verba dissert. 4. c. 1. §. 3. ubi post allatas quasdam Patrum sententias, quibus omnes Apostoli Petro pares fuisse dicuntur, Haec, inquit, probant, *Apostolos in clavium administratione, fidei praedicatione, ecclesiarum fundatione, potestate, auctoritate aequales fuisse: at eos in primatu Petro aequales fuisse, nullus dicit.* Et paulo post de SS. Petro & Paulo loquens, quae frequentius a Patribus aequalitas videtur attribui, similiter ait, *eos in Apostolatu, in potestate, in auctoritate aequales fuisse, in primatu non item.* Primatum porro merum sine ulla speciali potestate & auctoritate hic accipi a Dupino ea subindicant, quibus ipsum primatum inde colligit, quod Petrus *primus* pag. 318.  
semper sit habitus, atque a Christo decretus, & quod necesse sit, ut ait §. 1. *Aliquem primum inter plures esse: prius, enim, res est, quae uni tantum convenit, nec alteri potest communicari:* quae verba & his similia primatum meri honoris & ordinis omni praecipuo jure nudatum a Dupino admissum videntur ostendere.

5. Nihilo tamen minus peculiarem aliquam potestatem Romanis Pontificibus asserendam, quae propria primatus a S. Petro jure successionis ad ipsos transmissi aliis communis non est, ipse quoque fateri ac statuere debuit, ne perpetuam certamque Ecclesiae catholicae doctrinam desereret. Id autem non solum declaravit in monitione ad lectorem memoratis dissertationibus praefixa, ubi pollicitus se impugnaturum eos tantum, qui *auctoritatem nimiam ejus (Pontificis) extollunt*, protestatur sua in lucubratione *assertum, Romani Pontificis primatum & legitimam ejus potestatem defensam*, eosque laudat, qui divinum Pontificis primatum & supremam ejus in Ecclesia auctoritatem solidis rationibus adstruunt, sed potissimum exprefit in ipsa dissertatione quarta c. 2. §. 3. cum post constitutum ex sua mente primatum, haec de praecipuis ejus facultatibus subdit: *Ex hoc primatu Romani Pontificis fluunt multae praerogativae, quae ipsi non secus ac primati jure divino competunt;* pag. 336.

Balsacrinus de Primatu RR. PP.

B

easque

easque mox distincte refert. Difficile quidem videtur hæc cum antea dictis conciliare. Si enim prærogativæ eiusmodi non sunt inanes ( ut ipso affirmante non sunt, nec esse debent ), eademque primo Romano Pontifici S. Petro tamquam primati competebant; propriæ utique unius Petri fuerunt, neque in illis vel S. Paulus, vel alii Apostoli fuerunt Petro æquales *potestate & auctoritate*. At quidquid de ejusmodi sententiarum conciliatione sit, ipse Dupinus viderit. Mihi nunc satis est ostendisse, vel hunc Scriptorem, qui secundæ propositioni adversus videri poterat, generatim id ipsum tradidisse.

6. Hic non expendo cujusmodi sint eæ prærogativæ & facultates primatus peculiare, de quibus Dupinus; id enim præsentī argumento necessarium non est. Illud autem omittere interim nequeo, monendos esse auctores, si qui fortassis erunt Dupino similes, videant etiam atque etiam diligenter, ne quo disputationis & contentionis æstu abrepti, in ea verba calamo excurrant, quæ vel nihil præcipuæ jurisdictionis Petro & successoribus ejus attribuant, vel facultates adstruant valde tenuēs & angustas, sicque recidant in primatum, qui vel re ipsa sit primatus meri ordinis, vel a primatu meri ordinis modicum differat, a quo quidem ( ut Gallicanus Clerus notavit in laudatis Comitibus generalibus anni 1728. ) ipsi pariter schismatici & hæretici primatum jurisdictionis excludentes nihil abhorrerent, eo quod suum in eo primatu concedendo prævum & a catholice Ecclesia alienum sensu intactum relinquerent. Id enim Dupini sententiæ accidisse dolens comperi. De ipsius enim opere Gallice edito an. 1707. cum titulo: *De la puissance Ecclesiastique & temporelle, ubi Pontificiam auctoritatem æstis limitibus similiter circumscribit, nec non de ejusdem operis epitome ab ipso Dupino inserta in Bibliothecam Ecclesiasticam tom. 19. verba faciens Joannes Trickius heterodoxus in ejusdem vita Latine impressa Lipsiæ hoc elogio usus est: Quam probe semel iterumque vir doctus principis Protestantium, hoc est veritati, accedit! Hoc epiphonema multum pudoris ac metus incutere deberet quibusdam Dupini affectis, qui non maiorem in Romanis Pontificibus primatus auctoritatem admittunt. Hinc porro a catholicis interim colligendum est, majus aliquod jus eidem primatui esse asserendum ab iis, qui cum hæreticis vel schismaticis convenire nollint.*

## CAPUT III.

## PROPOSITIO TERTIA.

Hic præcipue jurisdictionis, & non meri ordinis primatus S. Petri & Romanorum Pontificum ejus successorum personalis est; seu ipsorum personæ alligatus; ac proinde jus quoddam præceptum ipsorum personale; id est nulli alii commune; in eo primatu contineri debet. Hinc cum de jure, seu jurisdictione propria primatus agitur, hæcque Romana S. Petri sedis, cathedræ, vel Ecclesiæ tribuitur; sedis, cathedræ, vel ecclesiæ Romanæ nomine, cui ea jurisdictionis primatus propria asseratur; una Romani Pontificis persona intelligenda est, cui uni idem primatus est alligatus. Hinc quoque sequitur, quidquid juris ratione primatus Romanæ sedis, cathedræ, vel ecclesiæ competit, Romanorum Pontificum personæ ita esse tribuendum, ut nullus adjutorio vel societate ad idem jus exercendum indigeant.

**H**ÆC item propositio non negatur ab adversariis, nec negari a quocumque potest, qui primatum præcipuæ jurisdictionis agnoscat. S. Petri quidem primatum personalem ipsum fuisse, nec alii cuiquam aliorum Apostolorum communem fidem acerbiores impetitores concedunt; unde capitæ præcedenti vidimus Dupinum ipsum de æqualitate inter Apostolos & S. Petrum a nonnullis Patribus asserta differentem excepisse primatum: Primatus enim res est, quæ uni tantum convenit, nec alteri potest communicari. Cam autem hic primatus non fuerit meri ordinis, sed præcipuæ jurisdictionis, utiisdem adversariis fatentibus ibidem probavimus; hæc quoque peculiaris jurisdictio, quæcumque sit propria primatus, quæque ipsum primatum constituit, uni Petro primati debuit convenire, nec S. Paulus, aut aliis Apostolis potuit esse communis. Quare omnes Apostoli potuerunt esse æquales in

omnibus facultatibus Apostolatus, qui fuit communis omnibus, non autem in facultate aut facultatibus propriis primatus, quæ uni Petro primati tribuendæ sunt, sicut ipsi uni fuit tributus præcipue jurisdictionis primatus.

2. Hac quidem de causa propositio ex quibusdam libris excerpta, *S. Petrus & S. Paulus sunt duo Ecclesiæ capituli, eorum constituentes*, die 24. Januarii an. 1647. in Congregatione S. Officii proscripta & hæreseos notata fuit ab Innocentio X. eo sensu accepta & explicata, ut ponat omnimodam æqualitatem inter S. Petrum & S. Paulum sine subordinatione & subjectione S. Pauli ad S. Petrum in potestate suprema & regimine universalis Ecclesiæ. Hoc Pontificium decretum hæreseos notam infligens memoratæ propositioni eo sensu explicatæ, & libellis in Gallia scriptis propugnatæ, uti omnino æquillimum Gallicana suscepit Ecclesiæ, quemadmodum constat ex litteris octoginta quinque Episcoporum Galliæ anno 1653. datis ad eundem Pontificem Innocentium, quibus laudatum decretum respicientes inseruerunt hæc verba. *Experta est nuper Beatitudo vestra, quantum Apostolicæ sedis in gemini capitis errore profigando valuerit auctoritas. Continuo sedata est tempestas, atque ad Christi vocem venti & mare obdierunt.* Ea proscriptio cautum fuit de peculiari jurisdictione propria primatus, qui cum unius S. Petri personæ competere, ita omnimodam æqualitatem excludebat inter Sanctos Petrum & Paulum, ut S. Paulus aliis licet nominibus Apostolatus S. Petro æqualis, ipsi tam ratione primatus subordinatus & subiectus fuisset dicendus sit in potestate suprema & in regimine universalis Ecclesiæ. Hæc prærogativa S. Petri, quæ non primatum meri ordinis in ipso adstruit, sed primatum propriæ & peculiæ jurisdictionis deinceps explicandæ, cui etiam S. Paulus suberat; primatum utique peculiæ jurisdictionis S. Petri personalem constituit; quem ipsa Gallicana Ecclesiæ profitetur. Hinc quidem Petrus de Marca inter Gallicos maximi nominis eodem anno 1647, quo dicta propositio damnata fuit, paulo ante condemnationem ea super re sen-

Confer di-  
cenda cap. 12.  
n. 51.

\*) Hoc decretum legitur inter alia decreta subiecta Ipdici librorum prohibitorum edito sub Alexandro VII. Romæ anno 1664. num. 53, pag. 357.



tentiam rogatus, exercitationem lucubravit *De singulari S. Petri primatu*, ubi jurisdictionem primatus propriam, sicut & ipsum primatum soli S. Petro competentem, & personalem adeo certo pronuntiat, ut propositionem, quæ *omnimodam æqualitatem* nulla primatus exceptione inter SS. Petrum & Paulum adstruebat, traditioni ac divino juri contrariam affirmet. Idipsum probarunt alii plures Gallicani Scriptores, quos indicare nimis esset operosum.

3. Omittere tamen nequeo Paschasium Quesnellum, qui Gallicanis adversariis suspectus esse non potest. Rem exponam ex ejus libello sine loci notatione edito anno 1705. cum hac epigraphæ: *Idée generale du libelle: Motif de droit pour le Procureur de la Cour Ecclesiastique de Malines accusateur Et partie contre le P. Quesnel*. Cum is accusatus fuisset, eo quod in alio opere S. Petrum & S. Paulum duo Ecclesiæ capita constituens, reproduxisse visus esset propositionem damnatam; hanc criminationem diluturus pag. 92. scribit, eum tantum in damnatam thesim incurrere, qui admitteret inter SS. Petrum & Paulum, *omnimodam æqualitatem sine ulla subordinatione ad S. Petrum*, ut in decreto explicatur. Se autem ab hac sententia adeo alienum præfert pag. 94. ut S. Paulo non attribuerit unquam primatum universalem in totam Ecclesiam, qualem uni S. Petro asserendum non dubitat, sed quemdam primatum particularem in Gentibus, quarum caput, magister, doctor, & Apostolus in sacra Scriptura & in traditione appellatur. Quin etiam addit, se non posse approbare sententiam Petri de Marca, qui universalem primatum inter eosdem Apostolos ita dividi posse censuit, ut S. Petro tribuatur quidem primatus auctoritatis, at S. Paulo doctrinæ primatus non negetur. Cur vero istam primatus partitionem abs se probari non possit, hac ratione statuit: *Car la fonction d'enseigner aux hommes les vérités de la foi, d'interpréter la parole de Dieu, d'expliquer les mystères du salut, étant selon l'Écriture & les Conciles la principale fonction de l'Épiscopat, & le fondement de l'Eglise. . . . dévouiller S. Pierre de la primauté de la doctrine pour en revêtir S. Paul, c'est à mon avis, sapper le primauté par le pied, & comme l'on dit, faire la part à l'Ainé. Car il s'agit ici de cette sorte de doctrine qui est recue par la revelation, & non pas d'une doctrine d'érudition & de littérature, acquise par l'étude: & je ne croi pas qu'on puisse donner à S. Paul une primauté à l'égard de la pri-*

miere, né qu'on doive mettre l'autre en ligne de compte, en Parlant d'une primauté Apostolique instituée par Jesus Christ, Id est latine: *munus enim docendi homines veritates fidei, interpretandi verbum Dei, explicandi salutis mysteria cum ex Scriptura & Conciliis sit principale munus Episcopatus, & fundamentum Ecclesiæ, adimere S. Petro primatum doctrinæ, ut tribuatur S. Paulo, idem est mea quidem sententia, ac primatum e ra-*

\* qui (primogenitus) jure Gallico heres ex asse debet esse.

tem dare. Hic enim agitur de doctrina, quæ ex revelatione dimanat, non autem de doctrina eruditionis & litterarum, quæ studio comparatur. Ego autem existimo haud attribui posse S. Paulo primatum doctrinæ primi generis, nec alterum (eruditionis ac litterarum primatum) computari debere quicquam, dum consideratur primatus Apostolicus, qui a Christo institutus fuit. Et pag. 96. ea testimonia, quibus S. Paulus in epist. 2. ad Cor. c. 11. vers. 5. ait: *Existimo enim nihil me minus fecisse a magnis Apostolis*; & c. 12. vers. 11. *Nihil enim minus fui ab iis, qui sunt supra modum Apostoli*, sic explicat Quæsnellus: En tout cela l'égalité ne regarde précisément que l'Apostolat, non le primauté de l'Apostolat. Id est: In his omnibus æqualitas non respicit proprie nisi Apostolatum, non autem primatum Apostolat: quem quidem primatum Apostolat, & principatum Sanctus quoque Augustinus S. Petro expresse vindicat. Ita Quæsnellus primatum Apostolat, & primatum non solum auctoritatis, sed etiam doctrinæ, solius Petri proprium & personale agnoscit, ex quo aliqua peculiaris potestas seu jurisdictionis ejusdem primatus propria uni Petro tribuenda sit. Hæc fusius exposui, ut palam fiat, etiam Gallos, contra quos acturi sumus, agnoscere, jurisdictionem primatus, quæcumque illa sit, esse debere solius primatis propriam & personalem, in qua ipse ab aliis non dependeat, sed alii ipsi sub sint, uti vel S. Paulum in ea S. Petro subiectum & subordinatum fuisse fatentur.

S. Aug. tract. 12. in Jo. 11. 5. & lib. 7. de bapt. c. 1.

4. Quod autem personale in Petro fuit ratione primatus, idem in successoribus ejus Romanis Pontificibus, in quos idem primatus Petri cum eadem jurisdictione transiit, personale esse dicendum, insicari potest nemo. Hinc nulla major in Ecclesia turbatio esserbuit, quam cum ob diversorum electionem Pontificum plures de Pontificatu Romano decertantes incertum reddebant, cuinam competere primatus in universa Ecclesia, qui dividi inter plures nequit.

Soli



Soli igitur Petro, & soli successorum ejus personæ ita alligata est propria primatus dignitas & jurisdictio, ut nulli alii Episcopo præstantiorum licet sedium, & minus multo pluribus aliis Episcopis quantumvis in unum collectis, possit adscribi: neque in ejus jurisdictione primatus essentiali Romanus Pontifex dependere ab alio quopiam debet, aut potest, cum præsertim ipsam a Christo acceptam (ut videbimus capite sequenti) idem Christus nulla conditione circumscriptam, personalem solius Petri ac successorum esse instituerit, uti primatum jurisdictionis instituit personalem, qui sine personali jurisdictione intelligi nequit.

5. Id autem potissimum animadvertendum ab illis est, qui Romanam sedem, seu cathedram ab antiquis laudatam inventientes, peculiarem primatus jurisditionem Romanæ quidem sedi, seu cathedræ, quam a Romano Pontifice distinguendam putant, non autem uni personæ Pontificum vindicant: quod quam sit a ratione alienum, ex hæcenus dictis exploratum est. Quidquid enim peculiare præ ceteris Romanæ cathedræ, seu sedi tribuitur, non aliunde quam ex primatus prærogativa tribuitur, quæ non in alio est, quam in Romano Pontifice, qui in ea cathedra sedet. Quemadmodum ergo primatus personalis & singularis est solius Petri & successorum ejus, ita etiam jurisdictio & prærogativæ, quæ eidem sedi ab antiquis asseruntur ratione primatus, ejusdem Petri ac successorum singulares & personales judicandæ sunt, ut ne a personâ Petri & Romanorum Antistitum separari queant, nec attribui possint Romanæ sedi, aut cathedræ, si quid his vocibus distinctum a personâ Petri & Pontificum intelligendum (quod tamen perperam intelligeretur) videatur. Idem est sentiendum de ecclesia Romana, quo nomine quidam comprehendentes una cum Pontifice Romanum Clerum, vel Synodum Romanam, pari errore illa his simul junctis tribuunt, quæ, ob personalis primatus rationem unius Pontificis personalia sunt. Neque hic existimari velim in uno Romano Pontifice totam esse Romanam ecclesiam, quam sane qui stricte nominat, non unum Episcopum, sed cœtum etiam eidem adherentem significat. Hoc unum dico, primatus rationem & jurisditionem cum prærogativis ejus propriis, de quibus nunc nobis est sermo, quoties Romanæ tribuuntur ecclesiæ, uni personæ summi Pontificis convenire, nec posse trans-

transferri in alios; quicumque sint, qui Romanæ ecclesiæ nomine comprehendantur; ut per inconsiderantiam aliquibus evenit; unde postea indignæ consequutiones primatum ferientes profectæ sunt, quæ alibi deteguntur.

Epist. 80.  
num. 106.  
c. 5.

6. Neque hoc loco obtrudatur celebris illa distinctio ex S. Leone petita, *Aliud sunt sedes, aliud præsidentes*; ubi persona præsentis Episcopi ab ipsa sede distinguitur. Quando enim de solo primatu; & de essentiali jurisdictione primatum constituyente agitur, uti nunc agitur; sicut primatus cum essentiali ipsius jure adeo personalis Petri fuit, ut nec S. Pauli, nec alius cujusquam societatem admiserit; ita personalis quoque esse debet in successoribus S. Petri, adeo ut nullum alium in ejus partem aut communionem recipiat; & unum idemque sint quoad rationem primatus Romana sedes; S. Petri, & præsidentes Romani Pontifices, qui in eo jure personæ ipsorum adnexo ab ea sede eodem jure insignita distingui non possunt. Uberiorem vero ejus Leoninæ distinctionis explicationem ex Leonis mente ac circumstantiis proferemus alia occasione cap. 14. n. 24.

## CAPUT IV.

### PROPOSITIO QUARTA.

*Hic primatus præcipue jurisdictionis & personalis Sancti Petri ac Romanorum Pontificum jure divino constitutus est, non autem Apostolica institutione, aut Ecclesiastica.*

1. **G**Ræci schismatici primatum ordinis, quem Romanis Pontificibus non denegarunt, jure humano, seu Ecclesiastico, non autem divino constitutum voluere, Lutherus quoque, licet in thesibus Lipsiæ disputatis cum Eckio anno 1519. thesi 13. & in disputationis decursu eundem primatum studuerit evertere; tamen in fine disputationis meri ordinis primatum uni S. Petro primum concessit; tum vero in *Resolutione propositionum* Lipsiæ disputatarum ipsum ordinis primatum Romanis etiam Pontificibus tandem indulgit, ita tamen ut ex solo humano jure derivarit. Hinc Melancton in epistola de eadem Lipsiensi disputatione ait, tum *questionem* fuisse

fuisse, utrum jure divino probari posset æcumenici Pontificis auctoritas; & paulo post: Lutherus æcumenici Pontificis auctoritatem veneratur ac tuetur; de jure divino disputare voluit. Ideum Lutherus in epistola ad Emserum: *Volo, inquit, & ego Romanum Pontificem esse primum omnium: verum esse Romanum Pontificem jure divino superiorem nulla ratione credam. Solum post damnationem suæ hæresis per Leonem X. an. 1520. nullum servavit modum, & Romanum Antifitem passim Antichristum appellavit. quam methodum iniquiores quidem in Romanam sedem homines sequuti sunt; at reliqui paulo moderatiores, & minus turbulenti non ita. Quare Blondellus in opere De primatu in Ecclesia pag. 24. affirmat Protestantæ neque Apostolicæ cathedræ dignitatem unquam veteri Romæ denegasse, neque primatum, quem habet in vicinas ecclesias, imo etiam quem aliqua ratione obtinet in universa, ita tamen ut Ecclesiastico juri dumtaxat id tribuant, quod Pontificis divino jure ad se pertinere contendunt. Si contra hos agendum mihi esset, non difficile foret divinum jus non tam sacra auctoritate adstruere, quam ratione ipsa. Quæ enim ratio primatum in Ecclesia necessarium probat, ut ipsis quoque hæreticis contentibus probaturi sumus cap. 8. eundem quoque institutum probat a Christo, qui suæ Ecclesiæ in necessariis non desuit: unde Bossuetus in Variationum historia lib. 5. n. 27. Protestantes hoc divinum jus negantes jure reprehendit, quod non viderint primatum, qui ex experientia adeo necessarius ipsis visus est, ipsius Christi institutionem meruisse. Hanc rationem præstantissimus inter heterodoxos Philosophus Guillelmus Leibnizius, epist. 8. ad Joannem Fabricium scribens circa jus Romani Pontificis, his verbis exposuit, quæ divinam institutionem apertissime statuunt. Cum Deus sit Deus ordinis, & corpus u-* *T. 1. Epistolarum edit. Lipsien. an. 1734. P. 55.*

*universali continendum juris divini sit; consequens est, ut ejusdem sit juris supremus in eo spiritualis magistratus terminis se suis continens ( hæc verba nunc addo ) directoria potestate, omnique ( forte omnique ) necessaria ad explendum minus pro salute Ecclesiæ agendi facultate instructus.*

2. Quid autem pluribus distineor cum viris catholicis, qui Petri & successorum ejus primatum peculiaris jurisdictionis & personalem divino jure, non autem Apostolico vel Ecclesiastico institutum fatentur? Obinet ille ( Romanus Pontifex ) in nos primatum auctoritatis & jurisdictionis sibi a Christo

*Ballerini de Primatu RR. PP. C Jesu*

*Jesu in persona S. Petri collatum. Qui ab hac veritate dissentiret, schismaticus, immo & hæreticus esset.* Sic Clerus Gallicanus in Conventu habito Parisiis mensibus Martio & Majo anni 1681. Quod ipsum tradidit in ea quoque *Declaratione* anni sequentis, qua Pontificiam auctoritatem coercere studuit, nec non in Epistola anni ejusdem ad universos Gallicanæ Ecclesiæ præfules. Similiter alii Gallicani Conventus, inter quos ille anni 1728. postquam asseruit primatum summi Pontificis non meri honoris & ordinis, sed præcipuæ jurisdictionis eo textu, quem descripsimus cap. 2. num. 3. de institutione ejus divina addidit: *Hæc jurisdictio non est meri Ecclesiastici juris; ipsa est juris divini & institutionis J. h. Christi.* Eodem sensu Facultas Parisiensis anno 1542. in sua celebri contra Lutherum censura hunc articulum 23. posuit: *Non minus certum est unum esse jure divino summum in Ecclesia militante Pontificem, cui omnes Christiani parere tenentur.* Et anno 1617. propositionem Marci Antonii de Dominis, qua primatum Romanæ sedis attribuit aliis nominibus excluso jure divino, *schismaticam & hæreticam* declaravit. Idipsum sanxit anno 1683. rogata a senatu sententiam circa quamdam propositionem, in qua de summi Pontificis auctoritate decernebatur. In processu enim pronuntiat, Pontificem *immediate a Christo non honoris solum, sed potestatis ac jurisdictionis primatum habere in tota Ecclesia.* Infinitus propemodum essem, si non absimiliter aliorum præsertim Episcoporum Galliæ tum veterum tum recentiorum testimonia vellem describere. Id ergo cum ab ipsis quoque adversariis catholicis, quos hoc in opere inpu gnandos mihi proposui, concedatur, fusiusque ab ipsis etiam statuatur, cum adversus schismaticos, vel hæreticos agunt, plura disserere opus non est.

3. Neque prætereundum arbitror quemdam Anonymum auctorem operis inscripti, *Traité de l'autorité du Pape a la Haye* 1720, qui libro primo cap. 6. nostræ propositioni contraire videtur, cum *Romani Episcopi primatum non nisi juris Ecclesiastici* esse statuatur. At præter quam quod is modum ac limites a ceteris quoque Gallis præfixos nimium multum transcurrit; ita se se postea explicat, ut primatum ipsum Petri ac successorum divini juris esse affirmet, & solum Ecclesiastico juri tribuat hujus primatis electionem, quatenus Romanæ potius, quam alii assigneretur ecclesiæ. *Conceditur*, inquit *laudato capite num. 10. primatum, quem Romana ecclesia possidet.*

*fidet, esse institutionis divinæ. idque est quod Patres nobis tradidere. At ipsi nec expenderunt, nec definire, num hic primatus qui est institutionis divinæ, cuius primatus volente Christo affixus sit. Et post pauca: Idem de primatu ac de Episcopatu sentiendum. Episcopatus est divini juris. Ad populum autem electio Episcopi pertinet. Primatus item divinæ institutionis est, Et ad Ecclesiam spectat sibi caput eligere, quod melius conveniat. Hoc qui fatetur, perperam omnino Romanæ Pontificis primatum non nisi Ecclesiastici juris esse proposuit.*

4. Ne vero quod de electione Pontificis Ecclesiæ permiffa traditur, fucum faciat, nonnulla explicatius paucis evolvam. Primatus, qui Ecclesiæ perpetuò necessarius futurus est ex dicendis cap. 8. ita ex divina institutione S. Petro collatus fuit, ut eodem mortuo non deficeret, sed in successores ejus transiret. Esto igitur Ecclesiæ concessum sit Petri successorem eligere; non alium tamen præter successorem S. Petri primatem poterit constituere: divino enim jure rationem primatis in universa Ecclesia successoribus ejusdem Petri alligatam traditio prodidit. Quocumque porro jure S. Petri & in primatu ejus successio, quæ alicui particulari sedi assignanda erat ex cap. 1. n. 2. Romanæ potius, quam alii sedi fuerit annexa (sive ex ordinatione ipsius Christi id profectum quispiam velit, sive ex simplici voluntate, aut, ut quidam Galli cum Bellarmino loquuntur, *ex facto Petri*, qui primatum ibi reliquit, ubi vitam finivit, nihil refert); quando de hac Petri primatis successione Romanæ sedi relicta dubitare non licet; jam non alius nisi ejusdem sedis Episcopus esse potest S. Petri primatis successor, in quem ipse primatus jure successione transierit, ac transeat. Sola ergo hujus successoris electio Ecclesiæ concessa est, ut uno mortuo alius, qui magis placeat, & in eam methodum, quæ magis expedire videatur, in ejus locum subrogetur. Id autem in divina primatus institutione, quam Anonymus agnoscit, nihil immutat, nec Ecclesiasticum jus in ipsum primatum inducit. Semper enim electio, quæ per eos fit, qui Papa inferiores, sicut in se non habent primatum, ita nec conferre electo possunt, ecclesiasticum quidem jus in ipsa eligendi ratione præsumit; at ad ipsa primatus & divinæ institutionis jura quod pertinet, mera est conditio, sine qua Petri successor non haberetur, in quem primatus divinæ institutionis transiret. Itaque successoris electione Ecclesiæ licet permiffa, electi successoris

*Bellarmin. l.  
2. de Rom.  
Pont. c. 12.*

primatus & jurisdictio Deum immediatum habet auctorem, ita ut electione legitime peracta, statim in electo divini juris primatus exeratur, ob quem electus eadem Petri auctoritate ex divina institutione fungitur, perinde ac si ab ipso Christo toti Ecclesiæ præpositus fuisset, ut S. Petrus quondam præpositus fuit.

5. Illa vero perpauca nonnullorum veterum Scriptorum testimonia a memorato Anonymo collecta, quibus primatus ab antiquitate vel decretis Patrum Romanæ sedis assertus, seu tributus præfertur, huic divinæ institutioni nihil præjudicii creant; cum non alium primatum ei tribuerit antiquitas, nisi eum, quem divinæ institutionis esse alia plura & explorata antiquorum testimonia profitentur; cui si peculiaris honor Conciliorum decretis delatus fuit, in ejusdem divinæ institutionis gratiam delatus, ipsam præsumit, non destruit. Notanda hoc loco, quæ P. Constantius monet in epist. 14. Bonifacii I. not. 6. ubi in hanc rem opportune allegat & laudat Nicolai I. verba ex epist. 8. *Ista igitur privilegia huic Ecclesiæ Christi (id est Romanæ) a Christo donata, a Synodis non donata, sed jam solummodo celebrata & venerata.* Nicænum porro canonem sextum, qui hæc privilegia Romanæ sedis tribuisse ex unius & recentioris codicis Oxoniensis lectione a Quesnello edita videri poterat, ita corrigendum monet, ut in veteribus codicibus legitur: *Ecclesia Romana semper habuit* (non, ut Quesnellus prætulit, *habeat*) *primatum*: de qua correctione vide plura tomo tertio novissimæ editionis operum S. Leonis not. 32. in canones Nicænos col. 52. Posteriores vero Auctores, qui sub Constantiensis Synodi tempora primatum Romani Pontificis, immo & S. Petri, ex Ecclesiastico & Apostolico jure derivare videntur, nisi eandem interpretationem ferant, maximo errore lapsi dicendi sunt: unde jam ab omnibus (præsertim post definitionem Concilii Florentini) & ab ipsis Gallicanis adversariis hac in parte rejiciuntur, qui non modo divinam primatus institutionem passim profitentur, sed illam etiam adeo certam & de fide credendam habent, ut contrariam sententiam in M. Antonio de Dominis hæreseos notaverint, ut vidimus, & idem Anonymus animadvertit. Hinc pariter cum anno 1723. in lucem prodiiisset opus posthumum Claudii Fleury, cui titulus: *Nouvelle discours de M. l'Abbé Fleury sur les libertes de l'Eglise Gallicane*, ubi hæresis nota inuritur sententiæ, quæ humanæ insti-

institutioni meræque Ecclesiasticæ disciplinæ primatum summi Pontificis tribuit; hæc autem nota displicuisset cuidam Anonymo, qui idem opus recudens, hanc censuram corrigendam censuit: non tulit hoc ipse Rex Christianissimus, ac decreto supremi Consistorii diei 9. Septembris anni ejusdem recusum opus cum notis suppressit, atque prohibuit, & ut in editorem auctoremque notarum diligenter inquireretur, præcepit, quemadmodum refert Tournely quæst. 4. *De Romano Pontifice* tom. 1. pag. 94.

## CAPUT V.

## PROPOSITIO QUINTA.

*Divinum illud jus, quo primatum præcipuæ jurisdictionis & personalem S. Petri ac summorum Pontificum constitutum diximus, præcipua habet fundamenta in iis Evangelicis testimoniis, quæ de S. Petro primo Romano Pontifice totius Ecclesiæ primatè passim recitantur, nimirum, Tu es Petrus, & super hanc petram &c. Pasce oves meas &c. Confirma fratres tuos &c.*

1. **E**TSI in sacris libris, qui canonici appellantur, non omnia expressa fuerunt, quæcumque Christus instituit ac docuit (quædam enim sola traditione, seu solo verbo Dei tradito ad nos pervenerunt); tamen ad S. Petri primatum quod pertinet, hujus præcipua fundamenta in Evangelio contineri ipsa SS. Patrum prodit traditio, quæ eundem S. Petri primatum commendans infinitis propemodum in locis, certa quædam de Petro Evangelica testimonia fere inculcat: ex quo sequitur, antiquos Ecclesiæ Patres iisdem Evangelicis testimoniis primatum Petro commissum accepisse. Jure igitur Milevitani Concilii Patres in Epistola ad Innocentium I. *auctoritatem* (seu primatum in ipsum Pontificem a S. Petro transmissum) *ex sanctarum Scripturarum auctoritate depromptam* affirmarunt; & S. Gregorius lib. 4. epist. 32. *Cunctis, inquit, Evangelium scientibus liquet, quod voce Domini Sancto & omnium Apostolorum Principi Petro totius Ecclesiæ cura com-*

Fundamen-  
ta Pontificii  
primatus in  
Evangelio.

Inter Aug.  
ep. 176. al.  
92. n. 5.



*missa est.* Qua in re non dissentientes illi ipsi adversarii, quibuscum nobis res est, quando primatum vindicaturi adversus hæreticos vel schismaticos disputant, eadem Evangelii testimonia Patrum traditione laudata opponere, & inculcare coguntur, optime intelligentes, non alia esse ex Scripturis insigniora primatus documenta, radicemque ejus in iisdem esse potiore. Recitant quidem plures etiam traditionis textus,

*Exist. ad Gallic. eccles. Presules.* unde ipsum divinitus institutum, & ab Evangelio discimus, & tota docet Ecclesiastica traditio, inquit Clerus Gallicanus in Comitibus anni 1682. Cum vero in ipsis traditionis textibus eadem Evangelica testimonia tamquam primatus fundamenta referantur; si quis hæc ad primatum præcipui juris & personalem statuendum nihil valere contenderet; ipsam quoque traditionem iisdem testimoniis subnixam eo nihil conferre existimet, necesse est: quod idem esset ac divinam institutionem omnino subvertere. Stet itaque in Evangelicis testimoniis de S. Petro insignibus contineri debere præcipuum ac personale illius jus, quo præcipuæ atque personalis jurisdictionis primatus a Christo eidem collatus, & ad successores ejus transmissus constituitur.

2. Testimonia autem in hanc rem celeberrima, quæ Patrum præcipuum traditione ex Evangelio frequentius inculcantur, hæc loca Evangelice sunt. Primo illud Matthæi c. 16. vers. 18. quo Christica indicata. stus ante suam passionem Petro supremam in Ecclesia auctoritatem promittens dixit: *Ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalebunt adversus eam: & tibi dabo claves regni cælorum &c.* Alterum Joannis c. 21. vers. 15. cum idem Christus, postquam resurrexit, totius Ecclesiæ curam Petro committens, ait: *Pasce agnos meos, pasce oves meas.* Illud etiam ex Luca c. 22. vers. 32. identidem a Patribus ingeritur, cum Christus coram omnibus Apostolis pro Petri fide se præcipue orasse professus, ipsi id officii dedit, ut fratres confirmaret: *Rogavi pro te, ut non deficiat fides tua, & tu aliquando conversus confirma fratres tuos.* Hæc sunt testimonia maxime insignia, ad quæ referuntur commode reliqua, eaque frequentius a Patribus, immo & ab ipsis adversariis catholicis ad primatum Petro asserendum asseri solent. Ex his ergo peculiaris in Petrum primatus jurisdictio manavit, quæ tam ipsius ac successorum ejus est propria ac personalis,



lis, quam primatus ipsorum proprius ac personalis esse debet ex constitutis c. 3.

3. Huic propositioni, quæ satis probata videtur, assensum præbent omnes catholici, vel illi, quos adversarios habeo, ut colligere licet (1) ex Jo. Majore, Jo. Brevicoxa, Antonio de Rosellis, Maimburgo, & aliis, qui in vindicando primatu ea Evangelica testimonia produciunt. De duobus quidem prioribus textibus adeo constans catholicorum sententia semper existit, ut ipse Lutherus, antequam ab Ecclesia plane descisceret, in opere scripto contra Silvestrum de Prierate iisdem testimoniis allegatis, omnes facteri affirmaverit, Pontificis auctoritatem ex illis derivari. Confer P. Constantium in præfatione ad epistolas Romanorum Pontificum num. 6. ubi hanc eandem rem a Patribus antiquissimis traditam profitetur; quos tamen si consulamus, tertium quoque testimonium pro eodem primatu proferentes invenire licebit: unde Bossuetus in prævia dissertatione inserta *Defensioni declarationis Cleri Gallicani* novissimæ editionis Amstelodamensis anni 1745. c. 34. hoc etiam tertium testimonium complectens, palam pronuntiat: *Theologi omnes, ac Parisienses vel maxime adversus hæreticos primatum Apostolicum probant ex his locis: Tu es Petrus, & confirma fratres tuos, & pascere oves meas.* T. 1. pag. 31.

4. Nullos hac in re adversos me habere posse olim putabam nisi schismaticos vel hæreticos, qui ut primatum divinæ institutionis ac divini juris excluderent, hæc testimonia ad eum nihilum pertinere contenderent. At dein evolvens dissertationem quartam Dupini *De antiqua Ecclesiæ disciplina*, magna cum admiratione deprehendi, eum concedere quidem, primatum Pontificis jure divino institutum ex Evangelio potissimum erui: at ea testimonia Evangelica, quæ indicavimus, quæque traditio præsertim inculcat, ad pri-

(1) Jo. Major. t. 2. oper. Geson. edit. Dupini pag. 1121. Jo. Brevicoxa t. 1. ejusdem edit. pag. 873. Antonius Rosell. *De potest. Imper. & Papæ* pag. 20. edit. anno 1487. Maimburg. *De prerog. Rom.*

*eccles.* c. 4. Bossuetus in *Meditationibus supra Evangelium* & alibi, *Catechismus* Caroli Colbert Episc. Montispeffulani c. 3. *De Eccles.* §. 7. &c.

primatum asserendum referenda nequaquam existimat. Immo cap. 1. §. 1. eos ex proposito impugnans, qui eadem testimonia pro primatu attulerant, ipsa eodem modo explicat, quo explicare solent heterodoxi: quæ sola ipsius cum heterodoxis consensio multum suspicionis debet ingerere. Ostensurus porro quæ sint loca Evangelica, unde primatus elici debet (*nunc*, inquit, *aliunde primatum Petri stabilimus*), illud principii loco ponit: *In omnium hominum Collegio debet aliquis ordo servari, & necesse est aliquem primum inter plures esse.* Talem vero fuisse S. Petrum ut ex sacris libris probet, tria allegat, primo illud Matthæi c. 10. *Duodecim Apostolorum nomina hæc sunt: Primus Simon, qui dicitur Petrus.* Tum illud simile Marci c. 3. ubi *Simon Petrus*, inquit, *primus commemoratur, & in multis exemplaribus græcis πῶτος etiam dicitur, non secus ac apud Matthæum.* Demum Lucas c. 6. vers. 14. *electos a Christo Apostolos numerans, ordinatur a Petro.* Ex his autem primatum ejusdem Petri idcirco colligi evidenter putat, quia *Evangelistæ, cum Apostolos enumerant, Petrum non modo semper primo collocant ordine, sed primum fuisse affirmant.* Porro ut ostendat Petrum etiam post Christi mortem eundem locum retinuisse, quem ea testimonia a Christo ante mortem ipsi attributum demonstrant, profert acta Apostolorum, ubi c. 1. *commemorantur omnes Apostoli, & inter eos primus nominatur Petrus, primus ibi ceteros alloquitur, & quid sit faciendum præscribit; c. 2. primus omnium Apostolorum Christus annuntiat &c.* Testimonia vero Evangelica, quæ retulimus, non aliter ait in eundem primatum statuendum posse conferre, nisi quia *in his locis Petrus personam gerit Ecclesiæ, præ ceteris Apostolis loquitur, & ipse a Christo nomine eorum compellatur quasi primus & præcipuus.*

Refellitur.

5. Si Pontificium primatum SS. Patres & catholicæ Ecclesiæ traditio ex allegatis a Dupino textibus in eandem ipsius rationem unice, vel potissimum assererent, nihil laborarem. At cum non ex his testimoniis, sed ex illis antea a nobis descriptis eundem primatum præcipue statuant, quis Dupini sententiam probare jure poterit? Huc accedit, quod ex allatis a Dupino locis nonnisi meri ordinis primatus deduci videri potest, ut primatum quidem meri ordinis exinde collegisse videtur idem Dupinus, non solum quia ex ipsis illud tantum evinci ait, quod *Petrus semper primus collocatur in ordine, & primus fuisse affirmatur, quæ a meri*

meri ordinis & honoris primatu nihilum discrepant; sed magis multo quia ejusmodi primatus rationem præstituens §. 1. unius ordinis necessitatem inculcat, propterea quod in omnium hominum Collegio debet servari, ut aliquis primus inter omnes sit; & inferius §. 3. responsurus hæreticis opposentibus Apostolorum æqualitatem in potestate & jure, ex qua æqualitate primatus Petri videtur excludi, reponit eo ipsius primatu æqualitati nihil derogari; nam, ut monuimus, inquit, *plures esse non possunt primi, sed unum esse primum necesse est.* Hinc autem primatum aliis Apostolis haudquaquam fuisse communicatum ait, *quod primatus res sit, quæ uni tantum convenit, nec potest, alteri communicari, licet potestate auctoritateque æquales fuisse contendat:* quæ uni primatui ordinis & honoris competere queunt, Hæretici quoque atque schismatici ex memoratis Evangelii locis Petri primatum pari ratione posse concedi neutiquam inficiabuntur, cum meri ordinis & honoris primatui non omnino repugnent. Equidem Claudius Salmasius in Apparatu præmissio operi *De primatu Papa* pag. 13. ex iisdem testimoniis ordinis & honoris primatum solummodo colligit.

6. Si vero non meri ordinis, sed præcipuæ jurisdictionis primatus a viris catholicis est admittendus, ut ipsum quoque Dupinum (minus licet cohærenter) admittere ostendimus cap. 2. hic autem præcipuæ jurisdictionis primatus jure divino constitutus, ipso pariter concedente est ex sacris libris potissimum eruendus; non illa tantum testimonia a Dupino ingesta, quæ meri ordinis primatum statuere queunt, ad ipsum probandum asserri debent, sed alia potiora a nobis indicata, quæ quidem in eundem jurisdictionis primatum adstruendum traditio ipsa Patrum potissimum ingerit. In his sane cum totum vel præcipuum ipsius traditionis fundamentum sit positum; heterodoxi ea subvertere toto conatu nisi sunt, intelligentes (ut fatetur M. Antonius de Dominis lib. 1. c. 6. n. 1.) nihil præterea reliquum esse, quod ex scriptura ipsis negotium facessat. Hinc ergo cognoscitur, quantum in principiis ipsis Dupinus exorbitet; quantaque perturbatione vel præjudicio actus, heterodoxis faverit. Id profecto monendum fuit, tam ut liqueat vel ex hoc, Auctorem ejusmodi in consequentibus subinde sententiis non potuisse non transcurre ultra crepidam, tum ut alii, si qui eodem ingenio iisdemque præ-

Ballerinius de Primatu RR. PP. D

judiciis

judiciis impediatur, sibi maxime caveant, ne in similes prolapsiones, quæ hæreticis & schismaticis prosint, turpiter offendant.

## CAPUT VI.

## PROPOSITIO SEXTA.

*Cum primatus peculiaris jurisdictionis & personalis S. Petri & Romanorum Pontificum laudatis Evangelicis testimoniis potissimum incumbar; in iisdem interpretandis non omnia aliis Apostolis eorumque successoribus, idest Episcopis debent esse & censi communia, ita ut quod Petro dictum fuit a Christo, æque omnibus dictum fuerit in Petro, eademque in ipso facultates æque omnibus traditæ fuerint; sed præter facultates aliis Apostolis communes aliquid juris præcipui ac personalis Petri in ipsis testimoniis contineri debet, quod in Romanos Pontifices eius successores transiens, primatum peculiaris & personalis jurisdictionis divino jure institutum constituat.*

**H**æc propositio ex præcedentibus per consequentiam, ut scholæ vocant, immediatam necessario fluit, ut cuius consideranti patebit; simulque palam ipsi fiet, eam ab adversariis, qui præmissa dederunt, negari non posse. Quicumque sive schismatici, sive hæretici primatum Romanorum Pontificum sunt aggressi, cum viderent ipsum Evangelicis, quæ indicavimus, testimoniis niti; hæc perinde distorquere & explicare studuerunt, ut nihil Petro juris peculiaris relinqueretur, quod ad alios pariter Apostolos non pertinuerit. Græcos schismaticos, ac præsertim Armenos ea explicandi ratione ulos patet ex eorum libris, quibus suarum partium schisma defendere studentes, Pontificum primatum impetiverunt. Inter hæreticos Joannes Wicleffus, & Joannes Hus, Martinus Lutherus; & ceteri istorum assecræ iisdem vestigiis insitere; & Marcus Antonius de Dominis quondam Archiepiscopus Spalatensis, & dein apostata,

ut

ut suam dignitatem Episcopalem Pontificiæ æqualem suaderet, primatumque Pontificium infringeret, in libris de Republica Christiana eadem testimonia Evangelica æqualiter de omnibus Apostolis, quibus Episcopi succedunt, intelligenda contendit, ut ne quid peculiaris juris & personalis S. Petro reliquum fuerit. Quod si inter hos quidam æquius sentientes aliquid præcipuum laudatis testimoniis Petro concessum alicubi fatentur; ita tamen subinde explicant, ut id ad primatum meri ordinis pertineat. Ita ex gr. Joannes Camerounus in cap. 16. Matthæi sermonem faciens de primo loco Evangelii, *Tu es Petrus, & super hanc petram &c.* eos primum late impugnans, qui nihil præcipuum his verbis Petro collatum prædicant, apertissime statuit, *liquere quidem aliquid singulare a Christo Petro fuisse his verbis collatum, quod non fuit illi cum aliis Apostolis commune.* At deinde ipsum testimonium explicans de Petro primo fidei præcone, qui prima Ecclesiæ fundamenta jecit, id tantum profert, quod in meri ordinis primatum recidit. Idem est de interpretationibus, quas nonnulli hæretici aliis Evangelicis testimoniis subjiciunt.

*T. 4. Critic.  
sacr. p. 487.*

2. Hic autem illud vel maxime in rem nostram animadvertendum est, omnes ejusmodi interpretationes easdem plane esse, ac illæ sunt, quas afferunt quidam ex nostris adversariis catholicis, cum aliquas Pontificias facultates impugnandas suscipiunt; & iisdem plane adminiculis, iisdemque nonnullorum Patrum auctoritatibus, quæ eas interpretationes videntur fulciri, pariter abutuntur. Nonne horrorem catholicis injicere deberet tanta interpretandi cum hæreticis & schismaticis conspiratio atque consensio? Hæc si quid probarent, primatum peculiaris jurisdictionis, qui jure divino constitutus, Evangelio potissimum innititur, penitus evertendum probarent, ut schismatici & hæretici similiter interpretantes contendunt. Quod si primatus ejusmodi everti non debet ex catholicorum sententia; ea profecto testimonia Evangelica non ita interpretanda sunt, ut omnia jura, facultates omnes, quæ iisdem locis collatæ fuerunt S. Petro, aliis Apostolis fuerint communes, nihil autem præcipuæ jurisdictionis illi fuerit tributum. Aliquid ergo præcipui & personalis juris in ipsis testimoniis contineri ac reperiri debet, quod uni Petro, non vero aliis Apostolis congruat; specialemque primatus prærogativam & auctoritatem in ipso uno constituat, ne, si id vocetur in dubium, præcipua primatus fundamenta ever-

Quantum a catholicis adversariis cavendæ.

tantur. Itaque peculiarem aliquam Petri facultatem debemus ex eo colligere: quod ipsum Christus petram Ecclesiæ posuit, eidem cum clavibus regni coelorum ligandi & solvendi potestatem tradidit, totique Ecclesiæ pastorem præfecit, &c.

Obiectio. 3. Opponi solet, vel ceteros Apostolos pastores institutos fuisse: ovium Christi; omnibusque datam ligandi solvendi que potestatem; ipsos etiam esse lapides duodecim a Joanne memoratos Apoc. c. 21. quibus Ecclesia incumbit,

*Ephes. c. 2. vers. 20.*

*super edificata, ut ait Paulus, super fundamentum Apostolorum & Prophetarum.* Igitur cum hæc sint aliis Apostolis communia;

Solvitur.

non ex eo tantum quod S. Petrus Ecclesiæ petra & fundamentum positus fuerit, quod cum clavibus acceperit potestatem ligandi atque solvendi, & quod ovium Christi cura ipsi fuerit commissa, ceteris ita præstat, ut jurisdictionis primatus ipsi præ omnibus delatus ex laudatis locis Evangelicis colligi queat. Quid ergo? Corruetne idcirco primatus præcipui juris & potestatis, eo que adducenda erit (quod hæretici & schismatici contendunt) primatus vis & ratio in Evangelio potissimum fundata, ut honoris unius causa Petrus præcipue nominatus fuerit a Christo, vel primo loco? Nihil minus. Id autem si ex animo nolint adversarii nostri catholici (neque enim suspicor eos primatum specialis jurisdictionis verbis tantum asserere, ut catholici habeantur, re autem una cum hæreticis atque schismaticis nequaquam agnoscere); desinant, quæso (quod satis superque nituntur heterodoxi) communem ceteris Apostolis Evangelicorum textuum de Petro interpretationem iugerere, cum de primatus natura & facultatibus, seu jurisdictione illius propria differitur, perinde ac si hæc sola interpretatio ipsis textibus subsit: & eo saltem consilio desinant, ne hac methodo primatus fundamenta subruere, ipsum-

Aliquod jus que præcipuæ ac personalis jurisdictionis primatum rejicere proprii existentur, sicque arma sectariis præbeant, quibus insurgant contra nos, catholicumque dogma de primatu ex nobis ipsis oppugnent.

4. Alia igitur nobis ineunda est via, qua in memoratis Evangelicis testimoniis, præter potestates aliis quoque Apostolis communicatas, alicuid juris solius Petri proprium nanciscamur, quod ceteris Apostolis minime competens, primatum in eo constituat non meri ordinis, sed peculiaris

jurisdictionis, quæ jure divino instituta ex iisdem Evangelicis locis colligenda est. Pares quidem Petro fuisse omnes Apostolos in Apostolatus facultatibus, at non in primatu vidimus cap. 3. adeo ut ipse solus, Apostolatus primatum obtinuerit. Qui cum non fuerit meri honoris primatus, sed jurisdictionis præcipuæ ac personalis, ob quam admitti nequit *quimoda aequalitas* inter S. Petrum & S. Paulum; sed is & similiter ceteri Apostoli S. Petro fuerint aliqua ratione subiecti atque subordinati, ut annuentibus quoque Episcopis & Scriptoribus Gallis ostendimus eodem capite tertio; quodnam fuerit hoc peculiare & personale solius S. Petri jus in aliarum facultatum Apostolicarum æqualitate & jus quidem Evangelicis indicatis testimoniis potissimum innixum, ex quo primatus peculiaris jurisdictionis constat, in sequentibus capitibus inquirendum & explicandam erit.

## CAPUT VII.

## PROPOSITIO SEPTIMA.

*Hoc præcipuum & personale S. Petri ius primatus proprium, quod in laudatis Evangelicis testimoniis continetur, ( ne quid confingamus ex arbitrio ) ex traditione iisdem testimoniis cohærente eruendum est.*

1. **N**ulla probatione indiget hæc propositio, quæ exploratissimis theologicis principiis maxime congruens, ab adversariis catholicis non negabitur. Notum est enim omnibus catholicam religionem callentibus, traditionem Patrum tutissimum esse sacræ Scripturæ interpretem; ac proinde ea laudatorum testimoniorum sancti Evangelii interpretatio catholicis adversariis non poterit non probari, quæ ex obvio verborum sensu illud idem peculiare ac personale S. Petri jus explicet, quod cum jure eidem S. Petro a Patrum traditione asserto plane concordet. Id autem multo patebit evidentius, si hoc idem jus congruat etiam, immo requiratur a fine, quem in instituendo primatu Christum sibi proposuisse traditio declaravit, ipsique adversarii non solum non negent, sed traditione edocti fateantur. Hæc in

sequentibus probanda erunt, Exordiemur autem a fine instituendi primatus, quippe ex eo ceterorum ratio ac intelligentia pendet.

## CAPUT VIII.

## PROPOSITIO OCTAVA.

*Ex Patrum traditione liquet, Pontificii primatus instituendi rationem seu finem fuisse totius Ecclesie unitatem, ob quam componendam & conservandam idem primatus utilis ac necessarius, a Christo institutus fuit.*

1. **A**ntequam textuum Evangelicorum interpretationem traditione suffragante proferam, ex qua primatus propria vis & jurisdictio dignosci & constitui queat; ipsius primatus a Christo instituendi ratio ac finis aperiendus est, quem tum Patres Ecclesie prodiderunt, tum adversarii ipsi e doctrina SS. Patrum professi sunt & profitentur. Ita enim facilius patebit aditus tum ad dignoscendam propriam primatus vim & jurisditionem, quæ sane rationi ejus instituendi congruens & consentanea esse debuit, tum ad discernendam propriam laudatorum testimoniorum interpretationem atque sententiam, quæ ad eandem vim ac jurisditionem primatus solius Petri ac successorum ejus propriam referatur.

2. Cum de ratione primatus quæritur, non illud hoc loco quæritur, cur Petro potius quam alii ex Apostolis primatus delatus fuerit, sed cur ipse primatus a Christo fuerit institutus. Duplicis hujus quæstionis discrimen animadvertendum maxime est, ne quis forte, si legat vel S. Hieronymum scribentem primatum ætati delatum, quia Petrus senior erat; vel SS. Hilarium & Chrysostomum primatus causam referentes in illud, quod Petrus primo vocatus a Christo, primus Christo credidit; vel tandem origenem & Augustinum, qui eximie Petri caritati primatus eidem conferendi rationem adscribunt: ne quis, inquam, hæc vel his similia legens, existimet in his rationem contineri instituendi primatus,

Duplex quæstio distinguenda.

Hier. lib. 1. in Jovin.

Hilar. c. 7. in Matth.

Chrys. hom.

9. de penit.

Aug. serm.

76. & 346.



matus, cum hæ non primatus instituendi, sed primatus Petro potius, quam alii ex Apostolis conferendi rationes extiterint. Non alias primatus rationes afferri vellent heterodoxi, quippe quæ si solæ essent, non modo honorarius tantum & meri ordinis primatus Petro delatus probari posset, verum etiam primatum ejusmodi cum ipso Petro deluisse, nec in ejus successores, ad quos eadem rationes non pertinent, haudquaquam transisse perfacile convinceretur. Hac quidem de causa Marcus Antonius de Dominis Pontificii primatus oppugnator insensissimus, postquam lib. 1. de Republica c. 4. eas tres rationes attulit deferendi Petro primatus, exinde primo collegit primatum ejus nihil peculiaris juris habere; sic enim scribit num. 7. *Invenio ego Petrum primatum aliquem, citra tamen primatum potestativum & jurisdictionalem, esse consequutum, nimirum ex ætate, ordine vocationis, amoris fervore & propriis virtutibus; unde factum est, ut aliquo modo primas inter Apostolos retineret: hunc autem amorem præcipue asserit fuisse præcisam & formalem rationem primatus.* Dein vero alibi hunc primatum una cum Petro interiusse affirmare non dubitat. Quibus similia plane scripsit Claudius Salmasius in Apparatu ad libros De primatu pag. 2. Absit ergo a catholicis eas solas rationes urgere, ne hac via primatum juris in Petri successores transfusi cum hæreticis negare & evertere videantur. Itaque prætermisiss his rationibus, quæ ad eam quæstionem spectant, cur Petrus inter Apostolos primatu donatus fuerit, alia altior ratio inquirenda est ad eam hujus loci propriam quæstionem pertinens, cur primatum ipsum juris præcipui S. Petro commissum, & ad successores ejus transmittendum Christus in Ecclesia instituerit; id enim cognoscere ad primatus ipsius naturam & vim cognoscendam, ac ex Evangelicis de Petro testimoniis tute eliciendam maxime conferet.

3. Hæc autem ratio non perinde in hac, atque in priori quæstione evenit, varia & anceps est, sed una & omnino certa, quæ exploratæ traditioni innixa, concordi omnium etiam adversariorum confessione probatur, nimirum unitas Ecclesiæ catholicæ, cui ut ex æquo prospiceretur, unus supremus pastor, qui eam unitatem custodiret atque tueretur, toti Ecclesiæ præpositus fuit. Omnes quidem Pastores & doctores, seu (quod eodem recidit) Episcopi omnes eo consilio Ecclesiæ fuerunt præfecti, ut ejus unitati pro-

spice-

spicerent, quemadmodum tradit Apostolus ad Ephes. c. 4. At inter summum Pontificem & inter Episcopos reliquos illud maxime interest, quod \* hi, cum in particularibus tantum ecclesiis primatum teneant; ad unitatem tantum particularium ecclesiarum, quæ tamen in totius Ecclesiæ unitatem confluit, tuendam proprio jure per se se utantur; Romanus autem Pontifex cum in S. Petro primatum acceperit in universalem Ecclesiam, ad totius Ecclesiæ unitatem proprio jure vindicandam & conservandam positus sit. Itaque primatus ejus instituenti ratio non unitatem solummodo, sed totius catholicæ Ecclesiæ unitatem conservandam prospexit, ut in propositionis prima parte diximus. Id autem tot Patrum testimoniis liquet, ut de constanti Ecclesiæ traditione in eo addubitare catholicorum nemo possit. Ipsa Sanctorum Patrum verba hic referrem, nisi eadem fusius opportunitiori loco describenda essent capite 13. ubi Patrum traditio in totum systema comprobandum exponetur. Confer ibidem præsertim textus Cypriani, Optati, Paciani, Hieronymi, Leonis Magni, & aliorum similium, qui primatum S. Petro traditum pronuntiant bono unitatis, ut Ecclesiæ unitas in eo formaretur, & schismatibus, quæ unitatem scinderent, auferretur occasio.

4. Neque id auctores, quos adversarios habemus, inficari, aut in dubium revocare potuerunt. Quin cum in aliis non paucis circa auctoritatem Pontificum ratione primatus dissentiant a nobis, in hoc plane consentiunt, & vane ipsius traditionis consentiunt: unde Nicolius inter Gallicanos adversarios celebris in instruct. 10. in Symbolum scripsit §. 10. *la tradition nous apprend, que Dieu pour conserver son Eglise en unité à établi une chaire & autorité supérieure pour veiller à la maintenir, que est celle de l'église de Rome. Idest: Docet nos traditio, Deum ob conservandam suam Ecclesiam in unitate, constituisse cathedram & auctoritatem superiorem, ut in ejus conservationem invigilaret, quæ est Romana ecclesiæ cathedra.* Hac quidem de causa iidem Gallicani Romanum Pontificem & Romanam sedem, seu cathedram catholicæ unitatis centrum appellare solent, in quo scilicet unitas servatur Ecclesiæ, ut legimus in ipsa Declaratione Cleri Gallicani edita in Comitibus generalibus anni 1682. Hoc sane consilio primatum præcipui juris in totam Ecclesiam S. Petro & successoribus traditum, ut conservetur Ec-

clesiæ

clesiæ unitas, & schismatum occasiones præcidantur (quemadmodum traditio docet) differte affirmavit etiam Carolus Episcopus Antissiodorensis adversariis nostris satis notus, cum primatum præcipuæ jurisdictionis professus, istum articulum veluti certissimum subjecit: *Nos credimus Jesum Christum tradidisse illum (primatum) S. Petro, ex quo ad successores ejus transit* (*pour conserver l'unité de l'Eglise, & ôter tout occasion de schisme*) *Job conservandam unitatem Ecclesiæ, & ut omnis schismatis tollatur occasio.* Et similiter Claudius Fleury in *Institutione juris Eccles.* c. 14. n. 7. Romanum Pontificem jure divino ceteris præfectum pronuntiat ad unitatem Ecclesiæ conservandam. Exploratus autem Cl. Bossuetus in Defensione declarationis Cleri Gallicani (1) lib. 3. c. 12. professus se in celebri *Expositione doctrinæ catholicæ* c. 21. ubi de auctoritate sedis Apostolicæ sermo est, ea tantum exposuisse, quæ de sede Apostolica vera Ecclesiæ fides docet, id statim ibi expositum ait: *Ecclesiam unitate nixam, tuendæ ac firmandæ unitati primatum S. Petri a Christo institutum, sedemque Apostolicam hujus unitatis centrum & radicem esse.* Id ergo non dubiæ opinionis, sed veræ fidei Ecclesiæ catholicæ credidit. Alia ejusdem generis adversariorum testimonia nunc referre opus non est: cum hæc tenus recitata in rem præsentem sufficiant. Quod si plura desideres, lege quæ ex adversariis afferentur c. 14.

5. Adeo ob unitatem conservandam hic Primas Ecclesiæ præpositus fuit, ut ipsum in eundem finem præficere non solum utile, sed necessarium etiam habitum fuerit. Inter errores Joannis Hus damnatos in synodo Constantiensis ille inter præcipuos censetur, quo hujus visibilis Ecclesiæ capitis, seu primatis necessitatem inficiabatur art. 27. *Non est scintilla apparentiæ, quod oporteat esse unum caput in spiritualibus regens Ecclesiam, quod semper cum ipsa militante Ecclesia conversetur & conservetur.* Necessitas autem hujus capitis non aliunde derivatur traditione Patrum, quam ex unitate Ecclesiæ. De Petro enim, ait Romanus Catechismus, *suit illa omnium Patrum ratio & sententia consentiens, hoc visibile caput ad unitatem Ecclesiæ constituendam & conservandam necessarium fuisse.* *Ad art. 9. Symbol. 4. 12.*

Ballerinius de Primatu RR. PP. E

Idi-

(1) Hic liber tertius cum editione invenietur in Appen-  
duobus præcedentibus in nova dice pag. 106. t. 2.

Idipsum deprehenderunt cum omnibus catholicis etiam adversarii nostri, qui adeo necessarium Ecclesiæ hocce caput professi sunt, ut eidem Ecclesiæ necessaria est unitas, quæ ab ejus capitis unitate maxime pendet. Nicolius in expositione Symboli art. 9. c. 2. *Neceſſe eſt*, inquit, *ob unitatem Ecclesiæ, non solum ut particulares Ecclesiæ ministri una cum laicis & ecclesiasticis Episcopo adhareant, verum etiam ut inter Episcopos primus exiſtat, qui omnibus præſideat proſpiciatque omnibus, quæcumque ad conservandam unitatem neceſſaria ſunt.* Bossuetus in Defensione declarationis Cleri Gallicani Romanam cathedram pro sui Pontificis dignitate uniendæ Ecclesiæ necessariam declarat. Maimburgus in tractatu historico de Ecclesia Romana c. 4. necessitatem hujus capitis ad catholicam unitatem perspicue statuit; & non abſimiliter alii earundem partium Scriptores, apud quos frequens est ac recepta assertio, Romanam sedem esse centrum neceſſarium unitatis catholicæ.

Lib. 10. al  
15. c. 5.

T. 4. Oper.  
Grot. p. 658.  
edit. Basil.  
1732.

Ibi pag. 695.

6. Quid, quod nonnulli etiam ex acatholicis idipsum fateri coacti sunt? Hugo Grotius in *Voto pro pace Ecclesiastica* ad art. 7. hæc habet. *Ordo ſive in partibus, ſive in toto continetur in principatu quodam, ſive in præpoſiti unitate: & hoc eſt quod in Petro Chriſtus nos docuit.* Et aliquanto poſt: *Hæc ordo ſemper in Eccleſia manere debet; quia ſemper manet cauſa, ideſt periculum a ſchiſmate.* Similia tradit in *Diſcuſſione Rivetiani Apologetici*, ubi de Petri primatu diſſerens, teſtatur cum Hieronymo unum fuiſſe præſectum, uti oportebat, ob unitatem ſervandam, ut ſchiſmatibus præcaveretur. Nam ſine tali primatu, inquit, *exiri a controverſiis non poterat, ſicut hodie apud Proteſtantes nulla eſt ratio, qua ortarum inter ipſos controverſiarum, reperiatur ſinis.* Eamdem porro neceſſitatem primatus confirmat ex Cypriano, a quo ſatetur in unitatis bonum agnoſci *Petri primatum cum auctoritate.* Unius quidem ſummi Sacerdotis neceſſitatem quamdam cum auctoritate bono unitatis in veteri Teſtamento Deum demonſtraſſe pernovit Calvinus, hæc ſcribens lib. 4. *Inſtit.* c. 6. §. 2. *Quia undique ab idololatriæ ſepti erant Judæi, ne religionum varietate diſtraherentur, cultus ſui ſedem in medio terræ ſinu Deus collocaſcit, illi UNUM Antiſtitem præſcit, quem binnes reſpicerent, quo melius in unitate continerentur.* Eamdem unius ſummi Pontificis auctoritatem in nova quoque Eccleſia neceſſariam affirmant alii Proteſtantes, quorum textus aſſert P. Ignatius Fiume *Ordinis Prædicatorum*, cui lucubranti adverſus novatores

opus

opus inscriptum *Schola veritatis orthodoxæ* præsto fuit non exigua ejusmodi auctorum, & librorum etiam rarissimorum supellex. Aliqua tantum testimonia rei præsentim maxime congrua recitare sufficiet. Cowellus Calvinista in *Examinatione doctrinæ contra actionem causæ innocentium* impressa an. 1564. postquam folio 106. de Petro & ceteris Apostolis dixerat, *Unum ceteris præponi necesse est ad evitanda schismata & dissensiones tollendas*, folio 107. sub initium addidit: *Hoc tunc optimum fuit medium in primitiva Ecclesia, cum Dei gratia major, & copiosior erat, quam nunc conferri videmus. Immo ipsi duodecim Apostoli vix satis inter se convenissent, nisi UNUS (Petrus) ceteris præfatus fuisset. Inde est illud S. Hieronymi: Inter duodecim unus eligitur, ut capite constituto schismatis tollatur occasio.* Cartwrightus in *Defensione Wirgii* pag. 390. ait: *Si necessarium est ad unitatem in Ecclesia tuendam unum Archiepiscopum aliis præesse; cur non pari ratione toti Ecclesiæ Dei unus præerit Archiepiscopus?* Et in secunda Repl. part. 1. pag. 582. in medio: *Ad pacem Ecclesiæ tuendam atque necessarium est Papam præesse Archiepiscopis, atque Archiepiscopos omnibus unius regni provinciis.* Hospinianus in *Historia sacramentaria* de Jacobo Andrea primario Luterano tradit: *Demonstrare conatur ecclesiarum statum tranquillum tueri difficile esse, nisi ad supremum Pontificem & administratorem aliquem rerum summa deferatur.* Hinc Hookerus *De Ecclesiastica politia* in præfatione sect. 6. fol. 26. & 38. scripsit: *Hoc unum sat scimus tam natura & experientia, quam ipsa Scriptura edoceri, contentionibus istis (circa fidem) tandem finem imponendum esse, definitivæ alicujus judicis sententiæ nos submitiendo, cui neutra litigantium pars sub quovis prætextu contradicat . . . alioquin semper confusio erit, nec spes ulla pacis consequenda.*

7. Quid plura? Iidem hæretici Presbyteriani, qui veterem Aerii hæresim excitaverunt, licet unum presbyteratum admittentes, Episcopatum jure divino institutum negent; fatentur tamen istum jure humano fuisse necessario constitutum, eo quod ad schismata impedienda, seu ad unitatem Ecclesiæ servandam eo supremo gradu unum aliquem potiri opus sit. Quam in sententiam unum e presbyteris olim præfectum docuit Calvinus lib. 4. Institutionum c. 4. n. 2. *Quibus, inquit, docendi munus injectum erat, eos omnes nominarunt presbyteros. Illi ex suo numero in singulis civitatibus unum eligebant, cui specialiter dabant titulum Episcopi, ne ex æqualitate,*

*Apud Fium*  
l. 2 p. 303.

lb. pag. 170

tate, ut fieri solet, dissidia nascerentur. Sicut porro cuique urbi unus Episcopus ad unitatem in ea continendam præesse debet; ita ad tuendam unitatem in tota Ecclesia unus summus Pontifex totius Ecclesiæ præsit necesse est; huiusque summi Pontificis necessitas ad unitatem servandam in tota Ecclesia tanto major est necessitate unius Episcopi in singulis civitatibus, quanto præstantior ac magis necessaria est totius Ecclesiæ, quam particularium ecclesiarum unitas; & quod majus periculum imminet ex schismate, quod totam Ecclesiam moliretur scindere, quam ex schismate, quo particulares tantum ecclesiæ in partes discindantur. Hinc autem patet Doduelli error, qui cum animadvertisset, S. Cyprianum Ecclesiæ unitatem ab unitate præpositi derivare, statuit ab eo S.

*Disert. 7. Martyre non agi de illius Ecclesiæ unitate, quam catholicam hodie dicimus, quæ nimirum omnes ambitu suo per terrarum orbem particulares complectitur, sed de ipsis dumtaxat ecclesiis particularibus.* Quem errorem ex ipso Cypriano egregie refellit novissimus editor Benedictinus Congregationis S. Mauri in præfatione editionis Cyprianicæ Stephani Baluzii §. 1. Ipse Johannes Laurentius Moshemius quantumvis heterodoxus in *Disputationibus ad historiam catholicam pertinentibus* Altonaviæ vul-

*T. 1. de Gal-gatis anno 1733. eundem Doduellum aliosque cum eo similiter interpretantès S. Cypriani sententiam coarguit. Cum enim negari non posse fateatur, S. Martyrem & alios etiam antiquiores Patres visibilem unitatem tribuisse Ecclesiæ, eamque derivasse ab uno Episcopo; quem ejus unitatis originem & centrum statuunt, ut probaverat §. 10. & seqq. tum vero id de solis ecclesiis particularibus accipiendum negat, eo quod si unus ad particularis ecclesiæ unitatem sit necessarius; unus pariter ad unitatem totius Ecclesiæ necessarius dicendus est. Id vero quin sentiat, inquit, nemo unus tam hebes esse potest, inter unitatem quamdam universæ Ecclesiæ in Romano Pontifice desinentem, talemque, qualem ex Irenæo & Cypriano descripsimus, communitatem, vix tantum esse spatii, quantum inter atrium & cubiculum, aut inter manum & digitor.*

8. Quod si ex hætenus dictis ad unitatem totius Ecclesiæ tuendam S. Petri & successorum ejus primatus necessarius debet admitti; non video, quomodo se tueri possint hæretici, qui hanc necessitatem consistentes in genere, institutionem ejus, perinde ac institutionem Episcopatus a Christo derivare nolunt, sed vel ab Apostolis, vel ab Ecclesia aliquan-

quanto post Apostolorum mortem colligunt : cum certum esse debeat, Christum & prævidisse, & providisse omnia, quaecumque ad suam Ecclesiam ejusque unitatem custodiendam & conservandam opus essent. Hinc jure merito Catholici hosce hæreticos impugnantes, inimicos plane habent ejus unitatis, quam Ecclesiae necessariam negare non possunt; & idcirco Bossuetus in *Expositione doctrinae catholicae* c. 21. unitatem Ecclesiae professus, ad quam custodiendam uniendamque primatum S. Petri institutum a Christo docet; eos ejusmodi unitatis hostes pronuntiat, eo quod tollant primatum, qui commune totius catholicae unitatis centrum est. Et non absimiliter in *Variationum historia* lib. 7. n. 70. eos Anglicanos perstrinxit, qui maluerunt etiam in religionis negotio Regem caput habere, quam in cathedra S. Petri agnoscere principium a Deo institutum ob unitatem Christianam. Sed hæc potius contra hæreticos disputanda, quam contra adversarios catholicos, qui hac in re nobiscum plane sentientes, confitentur cum Joanne de Parisiis, *Traët. de* caput unitati Ecclesiae tam necessarium cum idoneo principi-*poteft Reg. &* patu præpositum non quidem synodali ordinatione, sed ex ore *Papal. l. 2.* Domini, qui Ecclesiae suae noluit deficere in necessariis ad salutem. *Vindic. Ri-* Hæc tamen dixisse juerit, ut quisque intelligat, eam do-*cher.* ctrinam, qua ad unitatem Ecclesiae congrua potestate continendam institutum fuisse diximus primatum S. Petri ac Romanorum Pontificum, non tam traditioni Patrum, cui nostri adversarii calculos adiiiciunt, quam rationi ipsi heterodoxis quoque aliquatenus cognitæ maxime consonam inveniri.





## CAPUT IX.

## PROPOSITIO NONA.

*Memorata totius unitatis catholicæ a Petro componendæ & conservandæ rationem ne sibi Christus frustra proposuisse dicatur in instituendo ejus primatu; vim & potestatem ipsi primati ad eum finem obtinendum idoneam dedisse credendus est, jus scilicet coactivum unitati componendæ & conservandæ necessarium, non vero merum officium representandæ unitatis. Hoc autem jus coactivum ad unitatem catholicam ex primatus ratione ac fine S. Petro tributum, ipsius peculiare ac personale primatus jus potissimum constituere percommode intelligitur.*

1. **D**Eum nemini officium commisisse unquam, quin facultates ad illud exequendum idoneas eidem largiretur, exploratum est omnibus. Id autem multo magis dicendum, cum de officio agitur necessario Ecclesiæ catholicæ, cui Deus nec defuit umquam, nec deerit, uti certum ex fide est. Itaque cum S. Petro ac successoribus ejus primatum Christus tradiderit in universam Ecclesiam ad unitatem ejus formandam atque tuendam; quin facultates ad hunc finem assequendum idoneas eisdem contulerit, (1) dubitare non licet: quod ipsum exigit ratio a Bossueto proposita in sermone ad Comitata Cleri Gallicani anni 1681. *Etenim Jesus Christus se communicat tali mensura, quæ ipsi placeat: semper autem se eo modo communicat, qui statuendæ unitati*

---

(1) Hinc etiam Guillelmus Leibnitijs ipso naturali lumine utens, in eo textu, quem recitavimus capite quarto n. 1., in fine, supremum spirituale magistratum Ecclesiæ regendæ ju-

re divino præpositum, eodem jure omni necessaria ad explendum munus pro salute Ecclesiæ agendi potestate instructum affirmavit.



*tati suæ Ecclesiæ sit congruentior.* Sancti quidem Patres constanti Ecclesiæ traditione ita unitatem S. Petro creditam prædicant, ut apta & necessaria ad id potestate eundem præditum innuant, vel præsumant, ut mox videbimus, ac pluribus liquebit ex testimoniis afferendis cap. 13.

2. Hæc autem idonea unitatis catholicæ compingendæ atque custodiendæ potestas, non meram unitatis repræsentandæ facultatem, sed ejus formandæ & continendæ vim plane coactivam, jurisdictionis propriam efflagitat. Quod ea de causa distincte monitum volo, ne quem fortassis fallant, vel moveant quædam aliquorum Patrum sententiæ, in quibus unitatis repræsentandæ officium seu munus S. Petro ob primatum tribuitur. Ea autem vis coactiva ex constitutis capite præcedenti manifestissime colligi potest. Si enim unum caput ad schismata impedienda unitatemque Ecclesiæ servandam necessarium fuit, & eo quidem consilio Petrus a Christo caput Ecclesiæ constitutus est, ut unitatem eandem custodiret & vindicaret, quod præcedenti capite ex traditione, ipsis etiam adversariis fatentibus, demonstravimus; vim proculdubio cogendi ad unitatem obtinere debuit: sola etenim unitatis figura atque repræsentatione schismata tolli vel impediri non possunt. Præterquam quod si sola unitatis repræsentatio absque coactivo jure Petri primatum constitueret; primatus meri ordinis & honoris inde oriretur, quem nemo catholicorum admittit. Equidem Marcus Antonius de Dominis cum suis affectis tantum, qui primatum jurisdictionis excludunt, hanc vim coactivam, quæ jurisdictioni necessaria a catholicis adstruitur, inficiatus libro primo *de Republica Eccles.* cap. 1. n. 1., meram vim unitatis & Ecclesiæ repræsentativam in Petro consequenter agnovit cap. 7. n. 8. Catholicos autem secus tradere fatetur, qui cum *veram jurisdictionem* in summo Pontifice admittant, *vim coactivam* jurisdictionis nomine intelligunt & admittunt: *Quia in eo requirunt*, inquit c. 1. n. 1. *veram jurisdictionem, hoc est vim coactivam.* Hinc penes nos catholicos illa Augustini & aliorum Patrum testimonia, in quibus S. Petrus, cum ob primatum claves regni cælorum accepit, unitatem repræsentasse traditur, non perinde accipienda sunt, ac si ille ratione primatus merum fuerit signum unitatem, seu unam Ecclesiam catholicam repræsentans, quod in eo præter ceteros Apostolos positum fuerit (sic enim ille meri honoris

noris & ordinis, nulla autem jurisdictionis prærogativa reliquis Apostolis præstitisset); sed ita ut præcipuæ jurisdictionis primatus (1) non excludatur qui cum vim aliquam coactivam debeat continere (neque enim jurisdictio sine vi coactiva, quæ subditos obliget, intelligi potest); hæc ad eam unitatem catholicam potissimum debet adigere, ad quam continendam & vindicandam primatus institutus fuit.

3. Equidem SS. Patres de instituendi primatus ratione enucleatius agentes, hanc vim coactivam primati collatam

*Vid. inf.* non obscure insinuant, cum dicunt vel cum S. Irenæo, *necesse esse omnes undique fideles cum Romana Apostolica sede convenire*, seu unitatem tenere, *propter potentiores principalitatem*, idest propter primatum, vel cum S. Hieronymo; Petrum prælatum ceteris, *ut capite constituto schismatis tollatur occasio*; vel cum Optato, S. Petro claves, quæ jurisdictionem ac vim coactivam significant, *bono unitatis* datas fuisse: quæ sententia fati indicat, S. Petrum claves, idest coactivam jurisdictionem accepisse, non ut unitatem tantum repræsentaret, ad quod nihil clavibus, vel præcipua jurisdictione opus est; sed ut eam componeret & custodiret; quod sine vi ad unitatem catholicam cogente, quæ schismata ac divisiones impediatur, vel difficiat, præstari non potest. Unde celebre illud laudati doctoris S. Hieronymi in dialogo contra Luciferianos num. 9.

*Ecclesie salus in summi Sacerdotis dignitate pendet, cui si non EXORS quædam & ab omnibus EMINENS DETUR POTESTAS, tot in ecclesiis efficientur schismata, quot sacerdotes. Aliter primatus bono unitatis institutus, UT (quod ait idem Hieronymus) schismatis tollatur occasio, nihil in hoc bonum utique conservandum & vindicandum conferret. Hinc nonnulli etiam ex ipsis acatholicis vim aliquam coactivam primati tribuendam præsumserunt, cum ipsum ad unitatem Ecclesiæ necessarium aliquando fateri coacti sunt, ut præcedenti capite vidimus.*

Adversarii quidem nostri hanc unitatem cum Romano

(1) Vim quidem coactivam non excludi ob representationem, seu figuram unitatis, vel Ecclesiæ, patet ex Cen-

ciliis generalibus, quæ licet universam Ecclesiam repræsentent, vi tamen maxime coactiva potiuntur.

no Pontifice veluti catholicæ unitatis centro necessariam statu-  
tuentes, ut Ecclesiæ unitas servetur, vim proculdubio co-  
activam, quæ ad eam unitatem cogat, in eodem agnoscunt.  
Enimvero id Declaratione Cleri Gallicani anni 1682. ubi  
primatus asseveratur *sedis Apostolicæ, in qua unitas servatur  
Ecclesiæ, eidem sedi potestas asseritur, quæ pax Ecclesiæ conti-  
netur*: ubi *pax Ecclesiæ continetur* idem est, ac quod paulo  
ante dictum fuerat, *unitas servatur Ecclesiæ*: potestas autem,  
qua huiusmodi *pax* seu *unitas continetur*, atque *servatur*, vim  
utique coactivam exprimit præcipuæ jurisdictionis, quæ ei  
unitati continendæ & conservandæ necessaria est. Quin cum  
ejusmodi *potestas* ibidem asseratur adversus hæreticos, qui  
illam fraudibus moliuntur destruere, & in hanc causam re-  
feratur ejusdem potestatis assertio, quod nimirum illi *simplices  
animas ab Ecclesiæ matris Christi quæ adeo communione* (idest  
unitate) *dissociant*; satis ostenditur eam potestatem negari non  
posse, quin Ecclesiæ unitas scissuris exponatur. Adeo vi  
ejus sedis coactiva Ecclesiæ unitatem servari, eidemque ser-  
vandæ adeo necessariam illam esse *Declarationis* auctores nove-  
runt, ut solos hæreticos inficiari eandem vim posse satis in-  
dicaverint. Hinc Nicolius in expositione Symboli art. 9. c. 2.  
postquam necessitatem primatus statuit ob unitatem Ecclesiæ,  
de ea potestate primatis itidem necessaria his verbis conclu-  
dit. *Oportet igitur hocce caput auctoritate frui, quæ ipsi necessa-  
ria est, ut unitatem conservet.* Et post pauca. *Quamquam sum-  
mus pontifex hac potestate non utatur nisi ex constitutionibus &  
decretis canonum; verum nihilominus est juris esse divini & ex  
institutione Christi, ut omni potestate & prærogativis ad unitatem  
EFFICACITER* (idest vi prorsus coactiva) *conservandam neces-  
sarii prædixit sit.* Similia leguntur apud alios, qui aliis in ca-  
pitibus nobis adversantur. Quare Ludovicus Habert Doctor  
Sorbonicus tom. 7. Theologiæ dogmaticæ part. 2. c. 4. §. 3.  
proposita quæstione: *Quænam summo Pontifici convéniant jure  
divino, uti capiti totius Ecclesiæ non solum in Occidente, sed et-  
iam in Oriente, & in universo terrarum orbe, id in responsione  
omnino certum & a nullo catholico in dubitationem addu-  
ctum ponit: Omittis iis, de quibus est controversia, certum est  
ea ipsi competere jure divino, si e quibus servari non potest Ec-  
clesiæ unitas.*

5. Obtrudant nunc, qui jure se posse confidunt, eas Au-  
gustini formulas, quibus scripsit S. Petrum propter primatum  
*Ballerinius de Primatu RR. PP.* F      gessit-

gessisse typum, seu figuram unitatis, cum ad eum Christus laudatis Evangelicis testimoniis loquutus est; perinde ac si meram unitatis representationem, non autem præcipuum jus in unitatis bonum ipsi uti primati attribuerit. Quo evaderet hac in hypothesi primatus peculiaris vis & jurisdictio, quæ ex primatus instituendi sine ipsi unitati constituendæ atque conservandæ necessaria, adversariis quoque nostris consentientibus, negari non potest? Nihil sane in hunc scopum profuisset merum unitatis typum in Petro collocasse, si vis ad unitatem cogens addita non fuisset. Certe typus seu representatio unitatis jus coactivum nequaquam excludit, ut patet ex generalibus Conciliis, (1) quæ etsi universam Ecclesiam representent, jure tamen coactivo non carent. Augustinus quidem cum S. Petrum, dum claves regni coelorum, idest ecclesiasticam jurisdictionem, clavium nomine designatam accepit, personam ac figuram Ecclesiæ gessisse scripsit *propter primatum, quem in discipulis habuit*, seu *propter Apostolatus sui primatum*, (quia scilicet primus cujuslibet coetus totum coetum representare solet); non idcirco cogitavit primatum nudatum omni jure proprio & personali ipsius primatis, quod & ipse alibi, & aliorum Patrum traditio adversariis quoque consentientibus in bonum unitatis S. Petro differte asserit, ut in uno

In ps. 108.  
num. 1 tract.  
124. in Jo.  
n. 5.

\* Vid. infra  
a. 13. §. 2. &  
9.

&

(1) Hic obiter notare liceat a duobus representari universam Ecclesiam, a Concilio generali, & a Petro, ac successoribus ejus, sed diverso modo. Concilium generale representat Ecclesiam uti *universalem*, seu *catholicam*, quatenus ex Episcopis ex tota Ecclesia convocatis constat, in quibus tota continetur Ecclesia; in Episcopis enim Ecclesia est, ut ex Cypriano discimus epist. 69. Petrus vero ejusque successores representant Ecclesiam ut *unam*, & unitatis figuram gerunt, quatenus Ecclesiæ unitas, quæ ab uno ducit origi-

nem, per unum Petrum & successores formatur & continetur, ut ex eodem Cypriano atque Paciano suo loco videbimus; & in eo uno, in quo formatur Ecclesiæ unitas, ipsa Ecclesia una continetur. Sicuti porro generali Concilio, quod Ecclesiam uti catholicam representat, non negatur vis, quæ eandem Ecclesiam cogit; ita nec neganda Petro ac successoribus, qui Ecclesiam representant ut *unam propter primatum*, cui vim peculiarem in bonum unitatis adscribendam etiam adversarii fatentur.

& per unum unitas compingatur & conservetur in tota Ecclesia, seu ut in *Petro unitatis negotium formaretur*, quod ex Oprato notavit <sup>2</sup> Bossuetus eo quoque loco, ubi de typo & figura unitatis sermonem facit: qui sane finis instituendi primatus <sup>\* Li. 8 De-sens. c. 3.</sup>, jurisdictionem primatus propriam eidemque fini consequendo necessariam satis declarat.

6. Hac porro ratione intelligitur, quomodo primatus bono unitatis institutus, unitatem totius Ecclesiæ in Romanæ sedis centro compactam & coalescentem præcipuo jure tueatur, & cur hanc unitatem cum eadem sede, seu cum Romana Ecclesia catholice unitatis centro necessariam dixerit <sup>\* L. 3. de hæ-ref. c. 3.</sup> S. Irenæus, non ob *principalitatem* tantum, qua voce primatus exprimitur, sed propter *principalitatem potentior*, nimirum ob primatum, qui unitati formandæ & conservandæ vim *potentior* & omnino coactivam habet: unde etiam Bossuetus primatum præcipui juris, vimque ejus præcipuam indicaturus, *potestatem uniendæ Ecclesiæ* natam appellavit, & libro primo historiæ Variationum num. 4. ex Petro de Alliaco vocavit *sanctam auctoritatem a Jesu Christo institutam ob conservandam unitatem inter ipsius membra*, quæ auctoritas sine vi coactiva intelligi nequit: & ex hac quidem coactiva vi tantum effici potest illud, quod Romanæ sedi tribuit Auctor præfationis *Defensionis declarationis* novissimæ editionis præfixæ pag. XXII. Quæ (Romana sedes) *ceteras sibi obnoxias habet spirituales potestates; quæ ecclesiasticæ unitatis commune centrum, omnes ecclesias unitate consociat.* Ex his autem omnibus illud consequitur, in hac potestate, quæ S. Petro & Romanis Pontificibus jure successionis competit in unitatem Ecclesiæ, cum ex primatus ratione ac sine competat & fluat; in hac, inquam, potestate ipsum primatus peculiare & personale jus contineri, adeo ut potestas & vis coactiva ad catholicam unitatem in tota Ecclesia conservandam ac vindicandam potior sit primatus ratio atque facultas. Hinc Natalis Alexander tom 3. dissert. 4. in sæculum primum §. 1. n. 7. post recitata aliquot Patrum testimonia, ex quibus constat S. Petro singularem cathedram, & ceteris superiorem constitutam fuisse, quæ unitatis ecclesiasticæ centrum esset; ipsumque fuisse caput huic unitati servandæ a Christo præpositum, concludit in rem præsentem satis opportune his verbis, quæ primatus rationem & jus præcipuum ac proprium innuunt: Quo in munere primatus ratio potissimum splendet. Concinit non obscu-

*In Corollar. defens. n. 10. part. 2. pag. 407.*

Quæ sit potior primatus ratio.



re Bossuetus, cum in Cathedris de festis ad diem SS. Petri & Pauli proposita interrogatione, *En quoi consiste la primauté de l'église Romaine*, hanc responsum secundo loco posuit: *En ce que toutes les églises doivent garder l'unité avec elle*. Idest latine: *In quo consistit primatus ecclesiae Romanae*. R. *In hoc, quod omnes ecclesiae debent cum ipsa unitatem servare*: ob vim utique cogentem ad unitatem.

De interpretatione  
Evangelicorum  
textuum  
propria primatus.

7. Cum tandem Evangelica testimonia capite quinto laudata, quibus potissimum S. Petri primatus innitur, ali-quod praeceptum & personale ipsius jus continere debeant ex capite sexto; hoc autem jus ipsius praeceptum & personale primatus causa ipsi competens, jus sit cogendae & vindicandae catholicae unitatis, ut ex traditione Patrum & ex ipsorum adversariorum doctrinis demonstrasse mihi videor hoc capite non disjuncto a praecedenti; ea profecto memoratorum testimoniorum interpretatio, quae praeceptum & personale ipsius jus ad hanc unitatem constituendam & conservandam exhibeat, non violenta, nec conficta ex arbitrio, sed germana, & ad genuinam primatus naturam cognoscendam & explicandam congrua, traditionique Patrum & ipsorum adversariorum principiis consentiens, eademque unius Petri ac successorum ejus propria habenda erit; sicut primatus ipse proprius istorum est. Id sane cum aperte sequatur ex hactenus constitutis, nostri adversarii inficari non poterunt. Maimburgus quidem id ipsum expresse docet in *tractatu historico de Romana ecclesia* c. 4 ubi relatis Evangelicis testimoniis, quibus S. Petri primatum praecipui juris constitutum nobiscum agnoscit & probat; ei objectioni, qua eadem testimonia ad alios quoque Apostolos extendi traduntur, responsurus, omnes facultates in Evangelio indicatas aliis communes affirmat praeter hanc, quae ad unitatem in tota Ecclesia custodiendam pertinet. *Hoc, inquit, inter Petrum & reliquos Apostolos interest, quod cum Christus sermonem ad omnes simul habuit, iisdem tribuit, quod commune est omnibus, & in quo omnes aequales sunt, uti est potestas sacrificii offerendi, docendi omnes gentes, baptizandi, remittendi peccata, & quidquid ad alia munera spectat. At quando ad unum Petrum in singulari sermonem convertit; ipsi tribuit quidquid ipsius proprium est, ipsum unum alloquens, ut in Ecclesia statueret unitatem, cujus principium & fundamentum eundem Petrum constituit, quocum ceteros omnes coherere opus est, ut sint*

unum ob unionem, quam habere debent cum capite, sine quo nihil sunt, nullamque potestatem exercere queunt. Non absimilia tradit Petrus de Marca in opusculo de *Discrimine clericorum & laicorum* c. 3. in quo ex sanctorum Patrum doctrina affirmat communicatam a Christo aliis Apostolis omnem potestatem præter illam, quæ pro tuenda unitate in universalis Ecclesiæ regimine illi præ ceteris indulta est. Quid ab adversariis exprelius scribi potuit, ut Evangelica testimonia Petro & aliis Apostolis aliquatenus communia, in eam unam interpretationem Petri & primatus ejus propriam accipienda cognoscantur, quatenus ad unitatem in tota Ecclesia tuendam pertinent? Quam. verò in sententiam hæc unitas ab eo tuenda iisdem testimoniis spectetur, explicabimus cap. 12.

## CAPUT X.

## PROPOSITIO DECIMA.

*Ecclesiæ unitas nunc consideranda duplex est; alia fidei, qua omnes Christifideles in unius fidei professione debent convenire; alia caritatis, qua omnia Ecclesiæ membra inter se eodem pacis & communionis vinculo debent copulari: sed potior est illa prior unitas fidei, cui potissimum conservandæ posterior est Ecclesiæ maxime necessaria. Primatus vero S. Petri & successorum ejus ob unitatem in tota Ecclesia continendam & conservandam institutus, ea vi præditus esse debet, qua utramque hanc unitatem Ecclesiæ necessariam contineat atque conservet.*

**C**um nos hic Ecclesiam appellamus, non eam intelligimus sanctorum atque electorum, quæ cum interior potissimum sit, oculis hominum non omnino patet; sed de illa loquimur, quæ exterior est, atque visibilis, qua omnes tam boni, quam mali Christiani in eandem fidei societatem caritatis & communionis vinculo copulati, licet toto orbe effusi, locorumque intervallo discreti, unum cœtum & corpus efficiunt. Hæc autem Ecclesiastica una est, at-

que esse debet una, ut ejus unitas prærogativa sit ipsius Ecclesiæ potior, quam eidem primo loco Concilium Constantinopolitanum I. in fidei symbolo vindicavit, & S. Joannes Chrysostomus hom. 1. in epist. 1. ad Cor. hanc unitatem in definitione Ecclesiæ ponendam duxerit veluti omnino essentialem; quæ Ecclesiæ adimi nequit, quin ipsa destruat Ecclesia: *Ecclesiæ nomen, inquit non ambitum, sed unionem & consonantiam significat.* Christus quidem non plures, sed unam Ecclesiam voluit constituere; & (quod legitur Joannis cap. 10.) mortuus idcirco est, ut filios Dei, qui erant dispersi, congregaret in unum, nimirum ut in unam Ecclesiam coadunaret illos, qui partim ex Judæis, partim ex gentibus in ipsum essent credituri. Istud vero est illud, quod de Christo Paulus prodidit ad Ephesios 2. v. 13. *Ipsa enim est pax nostra, qui fecit utraque unum, idest Judæos & Gentes: ac in eandem sententiam idem Christus, antequam ad mortem progrediretur, hanc Ecclesiæ suæ unitatem Patri maxime commendans dixit Jo. 17. Pater sancte serva eos in nomine tuo, quos dedisti mihi, ut sint unum, sicut nos.*

2. Sicuti vero hæc una Ecclesia, quæ exterior est atque visibilis; eos complectitur, qui eandem fidem profitentur, & eodem caritatis vinculo conglutinantur; ita ejus unitas, quæ totum Ecclesiæ corpus & singula membra proprius attingit, duplici ex capite potissimum pendet, ex fide nimirum, quæ una est in omnibus, & ex caritate, cujus vinculo omnes colligantur. Nam quod \* unus sit Christus caput Ecclesiæ; nec proprie, nec proxime respicit singulorum membrorum unitatem: quod autem una sit \* sacramentorum participatio, id non unitatem ipsam, sed unitatis potius significationem. argumentum, vel medium innuit; idemque censendum de reliquis, quæ ad unitatem referri solent. Duæ itaque fidei & caritatis unitates eæ sunt, quæ ad singula membra proprie & proxime spectant, unumque ex omnibus membris Ecclesiæ corpus, & Ecclesiam unam efficiunt. Unde \* Ambrosius Ecclesiam definit *congregationem, quæ in unum connexum corpus atque compactum unitate fidei & caritatis surgit.*

3. Ecclesia porro una est potissimum ob fidem, quatenus omnes Christiani unam eandemque fidem profitentur. Fides profecto, ut idem ait Ambrosius, *Ecclesiæ fundamentum est: & hoc fundamentum, quod in singulis ædificiis debet*

\* Ephes.

6. 22. & Co-

loss. 1. 18.

\* 1. Cor. 10.

18.

\* Lib. 3. Offic.

6. 3. n. 19.

Lib. 1. de In-

car. c. 5.



debet esse unum, unius Ecclesiæ ædificium constituit, ipsamque Ecclesiam efficit unam. Quapropter Christus ante mortem pro Ecclesiæ unitate Patrem exorans; non pro solis Apostolis se orare dixit, sed pro illis etiam omnibus, qui in se credituri, Ecclesiam hac fidei unitate effecturi erant unam: *Non pro eis autem rogo tantum, sed & pro eis, qui fidei credituri sunt per verbum eorum in me, ut omnes unum sint, sicut tu Pater in me & ego in te, ut & ipsi in nobis unum sint.* Huc respiciens Paulus exigit, ut occuramus omnes in unitatem fidei; & agnitionis filii Dei .. ut non jam simus parvuli fluctuantes, & circumferamur omni vento doctrinæ. Ex hac unitate fidei unam Ecclesiam noverunt & Patres. Tertullianus de Præscriptionibus omnes toto orbe diffusas Ecclesias unam appellavit, propterea quod omnes tenentes eandem fidem, unam omnes probant unitatem. Pari ratione Theodoretus in psalmum 47. *Communiter, inquit, omnes ecclesiæ ad unam rediguntur ob consonantiam veterum dogmatum.* Et antiquus auctor commentarii in psalmum 23. Hieronymi operibus olim inserti n. 11. *Ecclesia, ait, ex pluribus personis congregatur; & tamen una dicitur propter unitatem fidei.* Cui mirifice concinens Euthymius in psal. 88. *Si loca respiciat, inquit, ecclesiæ plures sunt; si religionem & fidei communicationem, omnes quæ ubique sunt ecclesiæ, unam constituunt fidelium Ecclesiam.* Præclare quoque in eandem sententiam Athanasius Sinaita *Anagog. in exam. l. 3. Congregentur aquæ, quæ quidem ex diversis populis, & gentibus, & sectis sub unitate fidei congregantur.* Patet igitur ob unitatem fidei, quæ singulis Ecclesiæ membris inesse debet, Ecclesiam præcipue unam vocari.

4. Porro ubi variæ essent fidelium scissuræ, hæc fidei unitas non exiguum periculum subiret: *Neque enim scissio, vel schisma fieri potest, nisi diversum aliquid sequantur, qui faciunt,* inquit Augustinus lib. 2. in Cresconium c. 7. Et S. Hieronymus in epist. ad Tit. c. 3. *Nullum schisma non sibi aliquom confingit hæresim, ut recte ab Ecclesia recessisse videatur.* Hinc ad fidei unitatem tuendam, quæ est unitas Ecclesiæ potior, altera eidem unitas necessaria est, qua scilicet Christiani conjungantur inter se, solliciti, ut ait Apostolus, *servare unitatem spiritus in vinculo pacis: sicque omnes idem sapiant, eandem caritatem habentes, unanimes, id ipsum sentientes.* Hæc itaque unitas, quam caritatis & pacis appel-

Ephes. 4.

13.

Ephes. 4.

Philip. 2.

2.

lamus,

Iamus, ob unitatem potissimum fidei conservandam Ecclesiae necessaria est; ita ut ad hanc veluti ad primariam unitatem referatur: quod inter ipsos heterodoxos (1) Claudius Salmasius omnino necessarium ex sola naturali ratione perspexit. Equidem haec unitas caritatis, quam inter proprias verae Ecclesiae notas SS. Patres referunt, non illam caritatem respicit, qua diligere nos debemus mutuo uti homines (hoc enim amore debemus coniungi vel cum infidelibus, qui extra Ecclesiam sunt; nec si quis ejusmodi amore careat, dum cetera adsint, ab Ecclesiae unitate idcirco descivit), sed specialem quamdam caritatem innuit Christianorum propriam, qua adhaerentes pastoribus & Episcopis nulla scissura divisus, nulla dogmatum varietate dissidentibus, ita inter se se fidei consensione junguntur, ut id ipsum invicem sentientes, quod Apostolus monuit, omnes eamdem fidei unitatem pacis vinculo custodiant. Hinc unitate caritatis contineri unitatem fidei Africani Episcopi in Sardinia exules prodiderunt. Membra, inquiunt, Ecclesiastici corporis . . . in unitate fidei compages retinet caritatis. Et similiter cum post Acacianum schismata caritatis & communionis unitas restituta fuit, \* de unitate quoque fidei simul reddita & Occidentales & Orientales laetatos legimus, propterea quod illa ad hanc ita sit necessaria, ut haec sine illa stare non possit. Hac de causa laudatus Apostolus unitatem caritatis Corinthiis commendans, sententiarum unitatem commendavit:

Rom. 12.  
v. 16.

T. 5. Concil.  
Ven. edit. col.  
2733. d.

\* Ibid. 626.  
b. 628. d. 629.  
c. 630. c &  
alibi.

1. Cor. 1.  
v. 10.

De praescript.  
c. 21.

1. Cor. 1. Obsecro autem vos, fratres, per nomen Domini nostri Jesu Christi, ut id ipsum dicatis omnes, & non sint in vobis schismata; sitis autem perfecti in eodem sensu, in eadem sententia: quasi non alium finem quam unitatem fidei unitas caritatis respiceret, de qua propterea affirmavit (2) Felix III., aut potius Gelasius. Communio (quo nomine veteri formula visibilis unitas caritatis significatur) ad fidem pertinet: & Tertullianus: Communio ecclesiis Apostolicis, quod nulla doctrina diversa: id est

(1) In Appar. ad tract. de primatu Papa pag. 226. & 267.

(2) Vide tom. 5. Concil. Ven. edit. col. 196. ubi Felici III. hoc opusculum tribuitur:

sed verius tribuendum esse Gelasio I. ostendimus in tractatu De collectionibus part. 2. c. 11. §. 4. v. 9. tom. 3. S. Leonis novissimae editionis.

ideft quod una omnium eft fides, feu ob ejusdem fidei unitatem.

5. Porro hæ duæ unitates fidei & caritatis tam veræ Chrifti Ecclefiæ fingulorumque ejus membrorum propriæ ac neceffariæ funt, ut qui alterutra careat, is effe definat in verâ Ecclefia. Hinc duo funt, quæ homines ab Ecclefia potiffimum excludunt, hærefis, qua tollitur unitas fidei, & fchisma, quo caritatis unitas adimitur. Cum autem primatus S. Petri ac fuffefforum ejus ob unitatem totius Ecclefiæ confervandam institutus, vi coactiva eidem unitati fervandæ & continendæ neceffaria præditus fit ex conftitutis capite præcedenti; vi utique præcipua & coactiva præditus dicendus eft ad fervandam & continendam utramque fidei & caritatis unitatem, ex quibus ea Ecclefiæ unitas conftat; & primario quidem unitatem fidei, quæ eft unitas Ecclefiæ potior, ad quam unitas caritatis, feu communionis refertur. Id ex præmiſſis laudati capitis palam fequitur. Cum vero in hoc fita fit potior vis primatus, quam hoc in opere explicandam & ftatuendam fufcepi; idipſum latius probandum mihi eft per partes ſingulas, ut ne quid uſpiam difficultatis, ſi fieri poteſt, ſuperſit. Probabitur autem, ut arbitror, luculentiffime quatuor ſequentibus capitibus; ſi nimirum capite XI. neceſſariam prorfus oftendero unitatem caritatis ſeu communionis omnium Chriſtiffidelium cum Romanis Pontificibus ſucceſſoribus S. Petri, quæ cum ob unitatem fidei neceſſaria ſit, ad neceſſitatem quoque unitatis fidei cum iisdem eodem capite præſtituendam aditum aperiet: ſi poſtea eandem fidei potiffimum unitatem cum ipſis neceſſariam plenius evicero capite XII. argumentis locupletiffimis ex Evangelio petitis, ubi Evangelicorum teſtimoniorum promiſſa interpretatio peculiarem & perſonalem primatus facultatem continens, ex obvio verborum ſenſu proferetur, ex qua vis cogens præcipue ad unitatem fidei manifeſta fiet: ſi præterea capite XIII. traditionem producam, quæ dum utramque communionis & fidei unitatem cum ipſis Pontificibus neceſſariam præferet, nihil a nobis ex ingenio conſictum comprobabit: ſi tandem ( ne quid ad evidentiam deſit ) capite XIV. concinentia quoque adverſariorum teſtimonia ſubjiciam, ex quibus ipſi pariter, ſi cohærenter loqui velint, nec ad inanes exceptiones diſtinctionesque, ſitidem expendendas & diſciendas confugere, jure diſſentire non poſſint.

*Ballerinius de Primatu RR. PP.*

G

CA-

## CAPUT XI.

## PROPOSITIO UNDECIMA.

*Primatus S. Petri & successorum ejus adeo præditus est vi cogente ad utramque caritatis seu communionis, & fidei unitatem, ut necesse omnino sit, omnes catholicos cum successoribus S. Petri unitatem tenere non solum caritatis & communionis, sed præsertim fidei.*

## §. I.

*De necessaria unitate communionis omnium fidelium cum Summis Pontificibus ratione primatus. Oppositio a nonnullis ingesta ex schismatibus Meletii Antiocheni & Acacii Constantinopolitani diluitur.*

1. **I**N statuenda necessitate unitatis communionis omnium catholicorum cum Romanis Pontificibus non multum laborandum nobis esset, dum iis cum adversariis agimus, qui ex evidentissima & constanti Patrum traditione fusius proferenda cap. 13. Romanum Pontificem ratione primatus catholicæ communionis centrum agnoscentes, communionem cum eodem omnibus veræ Ecclesiæ membris necessariam fatentur, ut ex eorum verbis paulo post recitandis, vel allegandis patebit. Juverit vero altius aliquanto modum proponere, quo hæc caritatis seu communionis unitas compingatur: sic enim hujus unitatis necessitas manifestior fiet. Illud autem primo certum esse catholicis debet contra sectarios, non minus Ecclesiam, quam ejus unitatem debere esse visibilem. Si enim Ecclesia una & ejus unitas non pateret, nulla esset, ut cum Augustino loquamur, securitas Unitatis cœcunitatis. Unitas vero caritatis, quæ visibilis sit, non in metatis quæ necessaria. exterioribus caritatis signis declarata, catholicæ communionis nomen ex antiqua formula obtinuit. Hinc unitas caritatis

*Lib. 3. in  
Parmen. n.  
28.*

tatis visibili Ecclesiæ necessaria communionis catholicæ unitatem ita efflagitat, ut vera Christi Ecclesia, quæ una & visibilis est, in unica communione invenitur, a qua quicumque separantur, non sint in Ecclesia. Porro ut omnes Christi fideles hoc caritatis & communionis vinculo in unum coeant, unamque visibilem Christi Ecclesiam constituent; cum singuli inter se se immediate uniri & communicare non possint; satis est, si uniantur & communicent cum suo cuiusque Episcopo, qui uniatur atque communicet cum aliis catholicæ communionis Episcopis, & potissimum cum Romano, qui catholicæ unitatis & communionis centrum & origo est. Ita enim qui cum hoc communicat atque unitur, communicat & unitur cum omnibus catholicis cum ipso unitis & communicantibus, & ex huiusmodi unione atque communione omnium cum hoc centro unitatis exurgit ea catholica caritatis & communionis unitas, quæ in una visibili Ecclesia visibilis esse debet, & cuique fidelium est ad salutem necessaria.

2. Unitas scilicet, quæ ex S. Cypriani sententia late explicanda cap. 13. §. 3. ab uno ducit originem, sicuti in particularibus ecclesiis oritur ab uno Episcopo unitatis earundem ecclesiarum centro, quocum omnia ejusdem ecclesiæ membra uniri debent atque communicare; ita in universalis Ecclesia a Romano Pontifice catholicæ unitatis & communionis centro exoritur, quocum omnes particularium ecclesiarum Episcopi cum suis cuiusque membris uniantur atque communicent. Hanc quidem compingendæ catholicæ unitatis rationem indicavit Bossuetus in expositione doctrinæ Ecclesiæ catholicæ cap. 21. cum scripsit, *authoritatem Episcopatus ista vere unitatem in ecclesiis particularibus, primum vero S. Petri esse centrum commune totius unitatis catholicæ, ubi hanc compingendæ unitatis seu communionis catholicæ vim ad primum refert. Quod hic Bossuetus dicit de S. Petro, in Defensione declarationis Cleri Gallicani lib. 9. c. 32. idipsum affirmat de Romanis Pontificibus successoribus S. Petri, idque divinæ Christi institutioni tribuit scribens: Certum est Romanum Pontificem a Deo esse positum, qui catholicæ societatis communionisque esset vinculum, ubi vinculum pro centro accipitur: & post pauca: Tesseram Christianæ fraternitatis in Romani Pontificis communione a Christo constitutam pronuntiat. Legatur etiam Nicolius part. 2. in articulum*

Part. 2.  
pag. 161. novæ editionis.

nonum symboli *De communione sanctorum* c. 1. &, si libet; conferatur quoque Dupinus in tractatu *De excommunicatione* part. 1. § 3. n. 5. ubi non absimilem unitatis formandæ explicationem ex S. Cypriano derivat. Ita enim ea unius Ecclesiæ definitio ab hoc sancto martyre proposita epist. 69. *Plebs sacerdoti suo coadunata, & pastori suo grex adherens*, qua particularium ecclesiarum unitatem in Episcopo tamquam in centro collocavit, eatenus exprimit, & jure transfertur ad declarandam unitatem totius Ecclesiæ catholicæ, quatenus Romanus Pontifex *Sacerdos & Pastor* est, cui omnes particulares ecclesiæ per suos quæque Episcopos, *Sacerdotum* ( ut ait idem Cyprianus ) *glutino* coadunantur & cohærescunt. Ex hac explicatione, quæ sane verissima est, & sanctorum Patrum traditioni maxime consona, non solum probe intelligitur, quomodo in Ecclesia unitas caritatis visibiliter cordescat, sed illud etiam explorate dignoscitur, cur ea caritatis & communionis unitas cum summo Pontifice quibusque catholicæ Ecclesiæ membris necessaria sit. Si enim caritatis & catholicæ communionis unitas, Ecclesiæ visibili omnino necessaria, non aliunde oritur, quam ex unitate & communione omnium universæ Ecclesiæ Episcoporum & suarum cujusque plebium cum Romano Pontifice, qui idcirco catholicæ unitatis centrum & radix ab omnibus etiam adversariis agnoscitur, procul dubio quicumque catholicam Ecclesiæ unitatem tenere velit, uniri & communicare omnino debet cum eodem summo Pontifice, extra quem quæcumque esset paucorum, aut plurium unitas, catholicæ Christi Ecclesiæ unitas non esset. Id quidem sequitur ex institutione Christi, qui visibilis Ecclesiæ unitati prospecturus S. Petrum & successores ejus totius Ecclesiæ petram & fundamentum ita posuit, ut non alia sit Christi Ecclesia, nisi quæ huic fundamento incumbit, atque cohæret; unde S. Ambrosius enarrat. in psal. 50. n. 30. considerans illa de Petro, *Tu es Petrus & super hanc Petram ædificabo Ecclesiam meam*, statim intulit: *Ubi ergo Petrus* ( idem dicendum de successoribus ejus, in quibus Petrus vivit & præsidet ) *ibi Ecclesia*: quibus verbis profecto connexionem & communionem omnium Ecclesiæ membrorum cum eo fundamento necessariam præsumsit. De hujus ergo unionis necessitate dubitare nemo potest; ac propterea si quis hanc unitatem defereret, is non tam a Romano Pontifice sejungi, quam ipsum funda-

men-



mentum, quod a Christo suæ Ecclesiæ positum fuit, nec non Ecclesiam ipsam ei fundamento innixam deserere, & a catholica unitate & communione separari convinceretur.

3. Ex memorata vero, quæ institutioni Christi congruit, S. Ambrosii sententia, *Ubi, ergo Petrus, ibi Ecclesia*, perspicuum sit, quoddam sit verum & proprie dictum schisma,

quo quis caritatis & communionis catholicæ unitate deserta, in Ecclesia esse desinit. Illud nimirum est, quo quispiam separatus ab unitate & communione summi Pontificis, desiscit ab eo fundamento, in quo Ecclesia Christo instituta superstructa consistit.

Licet enim dissensiones & scissuræ, quæ olim inciderunt inter Episcopos, late dici poterint schismata; si tamen neutra pars separata fuit ab unitate & communione Romanæ sedis, seu Romanorum Pontificum successorum S. Petri; neutra dici potuit separata ab Ecclesia catholica, quæ ibi est, *ubi Petrus*, seu in unitate & communione Petri ejusque successorum; & neutra dici potuit in schisma proprie dictum incidisse.

Itaque in Episcoporum dissensionibus atque scissuris Romani Pontificis ratio potissimum habenda est, ut dignoscatur, num & in qua parte sit proprie dictum schisma.

Cum scilicet inter Episcopos & eorum particulares ecclesias ejusmodi scissura iotervenit, ut una pars cum Romano Antistite unitatem & communionem custodiat, altera non item; tum verum existit schisma, quod a catholica unitate eam partem dividit, quæ separatur ab unitate & communione Papæ.

Hæc enim pars deserto eo, quod Christus catholicæ communionis centrum, & suæ Ecclesiæ fundamentum instituit, non esset amplius in Ecclesia, quæ in ea sola communione, & in eo fundamento ex Christi institutione reperiri potest.

E contra vero in partem alteram, quæ cum Romano Pontifice unitur, atque communicat, & multo minus in ipsum Pontificem, a quo pars aliqua sejuncta sit, schisma verum & proprium, a catholica Ecclesia & unitate discindens, coherere nequit, cum ipse ita centrum & fundamentum sit unitatis catholicæ, a quo totius Ecclesiæ unitas pendet, ut a catholica unitate & ab Ecclesia separari non possit, quin prius a semetipso separetur: pars autem huic unita, hac unione catholicam unitatem certissime tenet, a qua dividi nequit, quin prius ab hoc unitatis centro & fundamento recedat.

Hinc in Constituto Vigili jure traditur, eos ab Ecclesia non posse abscindi,

quos

quos

quos

quos

quos

quos

quos

Quoddam  
verum &  
proprium  
schisma sepa-  
rans ab Ec-  
clesia.

T. S. Consil.  
Ven edit. col.  
1349. c.

quos sibi inconulse unitos Apostolica iudicavit, auctoritas: & e contra Firmilianus epist. 75. Inter Cyprianicas perperam omnino & per nimium æstum loquutus agnoscitur, cum schismatis notam inussit Stephano Papæ, qui complures Episcopos in controversia de hæreticorum baptismate communione ne privaſſe credebatur, dum ait Stephanum alloquens: *Excidisti enim te ipsum; noli te fallere; siquidem ille est verus schismaticus, qui se a communione Ecclesiastica unitatis apostolatam fecerit.* Male prorsus, male: nam Papa excommunicatione aliquos plectens, licet quodammodo se ab ipsis separaret; (1) cum tamen non se, sed illos abscindat a centro unitatis catholicæ; non se, sed illos a communione Ecclesiastica unitatis, & ab Ecclesia præcidit: ac propterea S. Irenæus, qui non eodem, quo Firmilianus æstu abripietur, contrario prorsus sensu Asianos, si vere a summo Pontifice excommunicarentur ob aliam controversiam de Paschate, ab unitate Ecclesiæ reipsa amputatum iri credidit, cum Victorem Papam rogavit, ne tam multas ecclesias omnino propter traditionis ex antiqua consuetudine inter illos usurpata observationem, a corpore universæ Ecclesiæ penitus amputaret, uti testatur Eusebius lib. 5. Hist. Eccl. c. 24. Hac quoque de causa in omni ambiguitate, num quis esset in corpore universalis Ecclesiæ, seu in unitate & communione catholica, semper observatum fuit, num cum Romanâ sede communicaret, ut aliquot exemplis patebit referendis cap. 13. ex Aureliano Imperatore, ex Satyro S. Ambrosii fratre, ex Imperatore Gratiano, S. Hieronymo, Menna Constantino-politano, & aliis: ac proinde Italiæ Episcopi in Concilio Aquilejensi, cui S. Ambrosius præfuit, ex Romana sede

(1) Hac eadem ratione, excluditur illud non ab simile Justiniani in epist. ad Synodum Constantinopolitanam tom. 6. Concil. Ven. edit. col. 197. d. ubi Vigilium Papam arguit, ac si ipse semetipsum alienum catholice Ecclesiæ fecerit . . . separans semetipsum a dextra communione. Hanc vero epistolam; & a idem

Imperator schismatico plane sensu Vigilium in diptycha inseri vetat, cum ceteris documentis ex codice Iuliano insertis in eſſa Synodi V. & a Baluzio vulgatis, supposititium plane eſſe ostendimus in *Defensione Dissertationis Norisiana de Synodo V. c. 6. tom. 4. Oper. Norisii* col. 1035. & seqq.



*jura communionis manare in omnes profecti sunt, eoquod nulli jus competat communionis catholicæ, nisi cum Romana sede unitatem & communionem habeat.*

4. Neque forte quispiam reponat, cum Romana sede unitatem adhuc posse servari, dum quis separatus est a communione Pontificis, si Apostolicæ sedis communionem teneat: Romana enim Apostolica sedes, supra quam Christus fundavit Ecclesiam, quæ idcirco catholicæ unitatis & communionis centrum & origo est, non alia profecto est, quam ipse Romanus Pontifex S. Petri successor; ita ut qui cum hoc unitatem & communionem non habet, neque habeat cum Apostolica sede. Romanæ scilicet & Apostolicæ sedis privilegia ad primatum pertinentia, ex constitutis cap. 3. Romani Pontificis personalia sunt; ac proinde Romani Pontificis persona a Romana sede frustra distinguitur, ubi agitur de unitate & communionem catholica, cujus servandæ causa Romana sedes, seu Romani Pontifices ex primatus personalis prærogativa ac jure ejusdem unitatis & communionis centrum instituti fuere. Confer, quæ contra ejusmodi distinctionem fufius differentur cap. 14. §. 5.

5. Quid autem pluribus immoror in constituenda necessitate unitatis & communionis cum Romana sede Romanove Pontificis, si hac in re ipsos quoque adversarios confidentes habeo? Nicolius part. 2. in Symbolum Apostolorum art. 9. *De communionem sanctorum c. 1.* veluti dogma fidei certum hoc ponit: *Nobis præterea adhærendum est per communionem expressam atque præcipuam cum capite Ecclesiæ Summo Pontifice.* Et Claudius Fleury in catechismo historico lib. 2. part. 2. lect. 9. catholicam Ecclesiam idcirco Romanam appellari ait, quia *veræ Ecclesiæ nota est communio cum sancta sede Romana*, seu cum Romano Pontifice, qui eam sedem tenet. Alia similia aliorum testimonia proferrentur cap. 14. Hinc quoque solemnes & frequentissimæ illæ protestationes sunt eorum etiam Gallorum, qui auctoritati Apostolicæ novissimis temporibus restiterunt, dum professi sunt se inviolabiliter *adhærere S. Petri cathedræ uti communis centro unitatis catholicæ, a quo numquam licet se separare*: appell. 3. *Adont il n' est jamais permis de se separer*: quæ professio etsi ab iis prolata, qui a Romana sede & Antistite Romano maxime dissidebant, inanis professio est, ut alibi videbimus; cum tamen edita fuerit, ut schismatis declinaretur suspicio,

Card. Noail-  
les Act. d'  
appel. 3. A-  
pril. 1717. &  
a. n. similiter.

ex certa etiam apud ipsos doctrina de necessitate unitatis & communionis cum eadem sedē originem ducit. Itaque ad statuendam hujus unitatis necessitatem, quæ ab adversariis conceditur, pluribus opus non est.

6. Neque vero concedentibus hoc principium dubitationem possunt ingerere quædam personalia facta ex Meletii Antiocheni, & Acacii Constantinopolitani schismatibus, in quibus nonnulli, etiam si actualis communionis cum Romanis Pontificibus essent expertes, non solum tamen æternam salutem consequi, verum etiam inter sanctos potuerunt referri. Hæc siquidem facta in dubium revocare nequeunt, multo autem minus destruere principium, quod ex catholico dogmate ab ipsis adversariis certum conceditur. Tota difficultas in eo sita est, num, & quomodo ejusmodi peculiaris facta cum concessio certoque principio componi, & conciliari queant. Ubi vero de factis quibusdam difficilioribus ad certum principium exigendis agitur, omnes circumstantiæ cognoscendæ & expendendæ essent, quarum quædam si lateant, vera quandoque responsio & conciliatio ex ipsis deducenda lateret. Certe vero si conciliatio ex notis circumstantiis producta difficultatem patiatur, non idcirco principium ex dogmate certum repudiandum, aut revocandum erit in dubium. Factum Meletii Antiocheni facile componitur, si consideres eum excommunicatione proprie dicta numquam fuisse præcisum ab unitate & communione catholica, & sedis Apostolicæ, sed ipsi tantum negatas fuisse a summo Pontifice Damaso litteras communionis Episcopalis, eo quod hic Pontifex, qui Paulinum Antiochenæ sedis Episcopum probaverat, eique tamquam Antiocheno Episcopo litteras communionis Episcopalis tradiderat, noluit simul Meletium ejusdem sedis Episcopum agnoscere, ne contra Nicænum decretum duo ejusdem urbis Episcopi ab Apostolica Sede probari viderentur. Tempore autem schismatis Acaciani, quo vigente Orientales communionem sedis Apostolicæ fuerunt expertes ob nomen Acacii, quod nisi e diptychis deleteretur, eos in communionem haud recipiendos Romani Pontifices jure merito censuerunt; hujus, inquam, schismatis tempore nonnullos quidem sanctissimos viros, & in Sanctorum album relatos in Oriente floruisse negari non potest. At hac in re multis & obscuris facti circumstantiis involuta, cum certum est Orientales statim post Acacii obitum unitatem

tatem & communionem cum sede Apostolica uti omnino necessariam quærentes, & a summo Pontifice enixe postulant, hoc ipso facto ejusmodi necessitatem fuisse confesos, uti patebit ex dicendis c. 13. n. 82.; tum vero est pariter certum, Sanctos, qui in Oriente per idem tempus Apostolicæ sedis communione caruerunt, anathemati in Acacium & ceteros cum ipso communicantes lato nec causam, nec favorem præstitisse, & absque sua culpa fuisse impositos, ne ad actualem unitatem & communionem Apostolicam, quam summopere expetebant, pervenirent: quod quatenus ipsorum sanctitati nihilum obsit, nec generali principio hac sectione constituto, & ab adversariis concessio præjudicare queat, si vellem explicare; fusior disputatio instituenda esset, quæ cum principiorum & systematis filum nimium abrumpens, in alias quæstiones a proposito alienas distraheret, & ad vindicandum principium alias certum atque concessum necessaria non sit, hoc loco omit-tenda visa est. Si quis vero ad intelligenda, quæ de utroque schismate paucis hic indicavimus, plura desideret; legat Appendiculam in calce hujus operis subjiciendam, ubi, quid probabilius existimem, latius explicatum inveniet.

7. Hic tandem non prætereundum est, quod nonnullos movet ex Asianis Episcopis, quos Victor Papa, & ex S. Cypriano, quem Pontifex Stephanus a Romanæ sedis communione abscidisse, & in hac separatione obiisse præsumunt. Utraque vero hypothesis falsa est. Nam quoad S. Cyprianum, S. Stephanus Papa in eum quidem & in ceteros ejusdem sententiæ fautores in controversia de hæreticorum baptismate excommunicationem minatus est, non tamen actu tulit, ut inter Gallicanos adversarii nequaquam suspectus probavit. \* P. Coustantius in dissertatione epistolis Stephani subjecta §. 7. & ego pariter ex Augustino confirmatus sum c. 13. n. 53. Asianos vero in quæstione de die paschatis S. Irenæo agente vel non excommunicavit Victor Papa, ut Valesius alique contendunt, vel unitas & communio ita mox fuit restituta, ut ab ea (unitate) aliquando discessum fuisse S. Cypriani ætate non recoletetur, quemadmodum ex Firmiliani litteris collegit laudatus P. Coustantius in Victorem n. 7. ac propterea aliquis Asianus Sanctus extra communionem sedis Apostolicæ vita functus falso præsumitur.

\* Tom. 1.  
epist. Roman.  
Pontif.

## §. II.

*Necessitas unitatis fidei cum fide Romanæ sedis, seu Romanorum Pontificum ex præstituta necessitate unitatis communionis & caritatis cum iisdem colligitur.*

8. In ea parte, quæ caritatis & communionis unitatem cum Romano Pontifice necessariam statuit, adversarii facile acquiescunt, cum vel ipsi alicujus unitatis necessitatem adstruere debeant cum eo, quem catholicæ unitatis centrum fatentur, & magnifice prædicant, nec minor admitti unitas possit, quam quæ caritatis & communionis unitas appellatur. At de necessitate unitatis fidei non levis forsitan quæstio ab ipsis movebitur. Itaque hæc mihi pluribus constituenda est. Huc sequentia capita dirigantur. Hac autem in sectione ex hætenus probata, ipsorumque adversariorum doctrinis confirmata necessitate unitatis communionis & caritatis cum Romano Pontifice, unitatem quoque fidei cum eodem potissimum necessariam ostendam.

9. Pontificum primatum ad unitatem totius Ecclesiæ per summum Pontificem peculiari potestate conservandam atque continendam a Christo institutum vidimus cap. 8. Hæc autem Ecclesiæ unitas cum duplex sit, caritatis scilicet, seu communionis, & fidei; non minus ad unam quam ad aliam tuendam Pontificii primatus jus porrigatur necesse est. Quod jus cum includat vim unitatis coactivam ex constitutis cap. 9. summus utique Pontifex sicut ad tuendam unitatem caritatis & communionis est tamquam centrum, quocum omnes Christiani uno caritatis & communionis vinculo debent conjungi; ita ad vindicandam unitatem fidei positus dici debet tamquam centrum, quocum omnes in eandem fidem conspirare atque convenire cogantur. Ita sane fiet, quod adversarii ipsi cum Bossueto fatentur, ut primatus sedis S. Petri sit centrum commune, non partis, sed totius unitatis catholicæ, quæ non solum caritatis & communionis, sed & alteram fidei unitatem potissimum complectitur. Enimvero si caritatis & communionis unitati, quæ minor est, hoc visibili Romanæ sedis centro, cum quo omnes communicent, a Christo provisum fuit; num sine certo visibili centro, cui in fide sit adhærendum,

*In exposi-  
tione cathol.  
c. 21.*

dum, relicta credenda est unitas fidei, quæ est unitas Ecclesiæ potior? Immo si caritatis & communionis unitas Ecclesiæ necessaria est ob unitatem fidei, ad quam illa refertur, uti statuimus capite 10.; cum eo profecto, quocum necessaria est unitas caritatis & communionis, necessaria item dicenda est unitas fidei, ita ut discrepare non liceat a fide per eum tradita jure primatus, quocum ob unitatem fidei communicandum est. Equidem communionis unitas cum Papa idcirco potissimum Ecclesiæ est necessaria, ut præcaveatur schismatibus, quæ fidei divisionem & hæreses sæpissime pariunt; atque ut schismatibus exortis discernatur, ubi vera Christi Ecclesia sit inter plures, quæ se pro Christi Ecclesia venditant. Discernere autem ubi sit vera Christi Ecclesia, idem est ac discernere, ubinam vera revelatio & fides, cui adhærendum sit, reperiatur. Itaque externæ communionis unitas cum Romanâ sede idcirco Ecclesiæ necessaria est, ut non tam schismata impediuntur, quam dissensiones fidei, vel iis obortis in solo coetu illi sedi adhærente & cum illa communicante vera Ecclesia, veraque revelatio ac fides discernatur, cui adhærendum illi sit, qui in vera Christi Ecclesia esse velit. Necessitas ergo communionis cum Romano Pontifice fidei pariter unius cum eo retinendæ necessitatem involvit.

10. Adde quod, si non servetur cum Papa unitas fidei, nec communionis cum ipso unitas necessaria servabitur: omnes enim discrepantes a fide Papæ idem Pontifex cum tota Ecclesia sibi adhærente a sua communione præcidit, quam præcisionis sententiam inanem haud posse præferri patebit ex dicendis in Appendice num. 13. & 14. Vel ergo communionis unitas cum Papa necessaria dici nequit; vel si necessaria dicenda est, ut ipsis adversariis fatentibus probavimus; necessaria quoque dici debet cum eodem unitas fidei, sine qua communionis unitas haberi non potest. Communicandum quidem esse cum Ecclesia catholica in unitate ejusdem fidei nemo catholicus negaverit. Quænam vero est Ecclesia catholica, nisi quæ cum Romanæ sedis Pontifice in unitate fidei communicat? Quicumque enim ab isto discreparunt in fide, aut discrepant, sicut ab ejus communione semper fuerunt præcisi, ita ad Christi Ecclesiam amplius non spectarunt, nec spectant; quæ alia non est, nec fuit unquam, nisi quæ cum Papa communionem servavit ac servat. Igitur qua ratione cum Ecclesia catholica communicandum est in fi-



Tom. 5. Conc.  
Ven. edit. col.  
523. 2.

col. 622. c.

dei unitate, eadem est communicandum in unitate fidei cum sede Apostolica, quacum qui non communicat in fide, præcisus ab Ecclesiæ corpore, neque cum vera Ecclesiæ communicat: unde in formula fidei sub Hormisdæ Pontifice tradita anno 517 *sequestrati a communione Ecclesiæ catholicæ* traduntur, qui *non consentiunt sedi Apostolicæ*, idest qui cum fide ejusdem sedis seu Romanorum Pontificum non concordant. Quæ eadem formula legitur tum in libello Joannis Constantinopolitani dato an. 519., tum in alio inserto actioni primæ synodi œcumenicæ octavæ. Hinc quidem S. Cyrillus Episcopus Alexandrinus adhærendum sibi esse sensit fidei a S. Cœlestino Pontifice declaratæ, ne ejus communione privaretur, & ita separaretur a communione Ecclesiæ catholicæ, ut constabit ex dicendis c. 13. §. 11.

pag. 4.

In commonit.  
n. 3. & 28.

11. Quid tandem, si consideremus unitatem communionis adeo exigere ejusdem fidei unitatem, ut ea nonnisi unam eandemque fidem profitentibus exhibenda sit? Præclare admodum Dupinus in tractatu *De excommunicatione* communionis unitatem exponens, postquam docuit illam omnibus fidelibus necessariam, uti societatibus necessaria est unio inter membra, affirmat Ecclesiæ membra debere esse unita non tam fidei professione, quam signis unitatis externæ, quæ quis debet præstare alii eandem fidem profitenti; & hæc signa communionem apud antiquos appellata animadvertit. Si ergo communio, quam Vincentius Lirinensis fidei communionem vocat, iis solis præstanda est, qui eandem fidem profitentur; in Romano utique summo Pontifice, quocum est necessaria communio, eandem fidem agnoscamus oportet: quod ejusdem fidei unitatem ac necessitatem præsumit. Id autem ex antiquitate exploratius fiet, si antiquam praxim rationemque expendamus, qua totius catholici orbis ecclesiæ cum Romana communicabant. Hæc communio, quæ uno caritatis vinculo omnes catholicas ecclesias cum Romano Pontifice totius catholicæ communionis centro compingebat, fiebat per litteras, quas pacificas, seu communicatorias appellabant. Harum litterarum frequens apud veteres mentio, hæcque præcipua Ecclesiasticæ unionis probandæ & continendæ ratio habita semper fuit. Sacramenta enim communia cum Romana ecclesia, habere poterant plures sectæ ab eadem divisæ: litteræ autem communicatoriæ inter catholicæ tantum unitatis Episcopos ultro citroque tradebantur. Electi scilicet Romani Pontifices

initio statim ad catholicos Patriarchas & Autocephalos litteras id genus mittebant, quibus eos sua in communione & unitate esse declarabant, & in eadem communione & unitate esse significabant omnes, quæ sub iisdem Patriarchis, atque Autocephalis continebantur ecclesiæ: & similiter Patriarchæ, atque Autocephali statim post electionem litteras ejusdem generis mittebant Romam, ut se se Romanæ sedis unitos & cum ipsa communicantes ostenderent. Si porro ejusmodi litterarum, quæ supersunt, expendamus indicia; hæc ipsarum transmissio non meræ cærimonie & communionis erat formula, sed præter notitiam novæ electionis, aut ordinationis professionem fidei potissimum continebat. Hinc Gelasius in epistola secunda ad Laurentium Episcopum de Lignido unius meminit professionis fidei, perinde ac si hic unus earum litterarum scopus esset. *Mos est Romanæ ecclesiæ sacerdoti noviter constituto formam fidei suæ ad sanctas ecclesias prærogare.* Hinc palam sit communionis ejusmodi vim unitatem fidei sive probandam, sive statuendam spectasse; unde sequitur ibidem Gelasius ejus moris instituendi causam & finem declarans, ut *sub qua fide vivendum sit secundum statuta Patrum,* \* *in hanc nostram epistolam* (cui mox inferitur professio fidei) *propter brevitatem sine fastidio lector agnoscat.* Hinc etiam sacrum videmus, ut quorum Episcoporum ad Romanam sedem litteræ exploratæ non exhiberent professionem fidei, illæ nequaquam reciperentur, nec iisdem redderetur communionis responsio, quamdiu ipsarum scriptores in professione fidei aliisve fidem tangentibus non satisfecissent. Ita cum non omnino placeret fidei professio, quam Epiri veteris Episcopi ad Hormisdam dederant; misit ipse formulam fidei cum Romanæ ecclesiæ fide penitus concordem, cui illa una cum Joanne Nicopolitano Metropolita aperte subscriberent, ut communicatoriæ litteræ ipsis redderentur. Vide epist. 8. & 9, laudati Pontificis. Ita etiam Felix III. monuerat Thalassium Archimandritam Monachorum Constantinopoleos, ne communicaret cum regię urbis Episcopo, nisi prius fidem professus esset, quæ Romano Pontifici probaretur. Similia leguntur de Anatolio Constantinopolitano Episcopo, cui communicatorias reddere litteras S. Leo tamdiu distulit, quod circa fidem fecisset satis, ut liquet ex ejusdem Pontificis epistolis 69. 70. 71. & 111. nostræ novissimæ editionis. Confer etiam epistolas 127. 129, & 130. quibus plenioræ fidei expositioni-

*In append.  
ad not. Diur-  
nic. 2. n. 24.*

fictionem a S. Proterio Alexandrino eundem S. Leonem exegisse manifestum est. Itaque vides, Lector optime, unitatem communionis memoratis litteris compactam ita ad unitatem fidei directam fuisse, & utramque inter se se ita fuisse conjunctam, ut (quod notavit P. Garnerius) alteram sine altera cum Romana sede obtinere nemo potuerit. Negari quidem nequit, communicatorias litteras & communionis unitatem aliquando fuisse negatam intacta fide ob læsum aliquod caput meræ disciplinæ: ac diversæ fidei hominibus umquam fuisse concessam probari non poterit. Alia nimirum capita præter fidem nonnumquam tangebantur in summorum Pontificum communicatoriis litteris: hoc vero semper cautum, ut una eademque fides servaretur, nec nisi profitentibus eandem fidem traderentur. Unitas ergo fidei cum Romano Pontifice unitati communionis necessaria semper fuit. Hinc factum est, ut præferentes Romanam communionem, ubi dubium esset, de unitate fidei interrogarentur, uti Flavianus Antiochenæ ecclesiæ præbyter a Paulino quæsisse fertur, *Si*

*Theodoret.  
l. 5. hist. c. 3.  
Confer infra  
c. 13. n. 30.*

*Damasi communionem amplecteris, o Ænice; doctrinæ nobis manifestam similitudinem ostende . . . Ostende igitur consensionem doctrinæ; quod scilicet notum esset, sine doctrinæ consensione, idest sine unitate fidei, communionis unitatem non posse consistere. Redit ergo argumentum superius institutum, videlicet si communionis unitas cum Romana sede, ut adversarii quoque concedunt, cuilibet Christiano necessaria est; fidei pariter unitas, sine qua communio non subsistit, æque saltem necessaria negari non potest. Æque saltem, inquam; cum fieri queat, ut quidam absque culpa, & absque salutis periculo careant actuali communionem Romanam, si ipsam toto nisu quærentes, ab eadem actu obtinenda citra suam culpam aliunde impediuntur, ut in Appendice de Sanctis tempore schismatis Acaciani pluribus explicabitur: at fieri nullo casu potest, ut quis unitate fidei, quæ a nullo potest aliunde impediri, absque suo vitio careat: ac proinde hæc actu & absolute, & magis quam actualis communicatio generatim est necessaria.*

12. In statuenda vero necessitate unitatis fidei, quæ sicuti majori controversiæ videtur obnoxia, ita & majori usui futura est, accuratior est opera collocanda. Hastenus ex necessitate communionis illam deduximus. Potiora & apertiora in sequentibus dabimus; & primo quidem ex sa-



etiam Scriptura, tum ex traditione, ac tandem ex ipsorum adversariorum testimoniis, ne hincere amplius possint, nisi & sacrarum litterarum satis obvio sensui, & doctrinae omnibus sæculis traditæ, & suis ipsorum principiis & confessionibus se se opponere velint. Nonnulla quandoque incident, quæ communionis necessitatem adfuerunt eo præsertim superiori capite, in quo traditionem late exponemus: sed pleraque necessitatem unitatis fidei manifestissime comprobabunt.

## CAPUT XII

### PROPOSITIO DUODECIMA.

*Unitatem præsertim in fide cum fide S. Petri ac successorum ejus Romanorum Pontificum omnibus Christianis necessariam evincunt ex sacra Scriptura illa Evangelica testimonia, quæ de primatu S. Petri insigniora sunt.*

1. **E**O tandem pervenimus, ubi Evangelicorum testimoniorum, quibus primatus peculiaris jurisdictionis & personalis S. Petri ac successorum ejus Romanorum Pontificum constitutus fuit, interpretationem ejusdem Petri ac successorum ejus ratione primatus propriam & obvio verborum sensui congruentem asseramus, concinentem postea traditionem allaturi. Insigniora testimonia Evangelica, quæ primatus fundamenta jecerunt, sunt illa tria de S. Petro, quæ commemoravimus cap. 5. Hæc autem quatenus unitatem fidei cum fide Petri & successorum ejus omnino tenendam potissimum statuunt atque demonstrent, antequam singillatim expono; egregiam clarissimi Bossueti de intellectu sacrarum litterarum doctrinam præmittere plurimum interest. Is in prima pastoralis epistola de promissis Christi suæ Ecclesiæ factis distinguendum notat inter fidem & intellectum fidei. Licet enim fides, quæ divinæ revelationi innititur una semper in Ecclesia fuerit, nec quidpiam in eam novi induci possit; intellectus tamen fidei, quo scilicet

cet fidei rationes & fundamenta explicantur, quique sacris Doctoribus debetur, cum per examen subtile & accuratum dogmatum intelligentiam aperuerunt, sicut ad recte credendum necessarium non est, ita fide intacta nunc minor, nunc major esse in Ecclesia potest. Doctores enim & expositores sacri quandoque nullis obstrepentibus hæresibus contenti quorundam dogmatum fide ob divinæ revelationis auctoritatem ab Ecclesia propositam, accuratorem explicationem præterierunt. At subortæ deinceps hæreses, quæ dogma catholicum oppugnarunt, acuere sacrorum Doctorum aciem, ut ob retundendam heterodoxorum audaciam, fidei impetivæ rationem eruerent, & ita nonnullorum dogmatum intellectum, qui desiderabatur, in Ecclesia pepererunt. Præclara in hanc rem illa Augustini in Psalmum 54. num. 22. *Ex*

*T. 4. col. hæreticis asserta est catholica, & ex his qui male sentiunt, 513. d. edit. probati sunt qui bene sentiunt. Multa enim latebant in Scripturis, & cum præcisi essent hæretici, quæstionibus agitaverunt Ecclesiam Dei. Aperta sunt quæ latebant, & intellecta est voluntas Dei . . . Multi, qui optime possent Scripturas dignoscere & pertractare, latebant in populo Dei, nec asserere solutionem quæstionum difficilium, cum calumniator nullus inflaret. Numquid enim perfecte de Trinitate tractatum est, antequam oblatrarent Ariani? Numquid perfecte de pœnitentia tractatum est, antequam obsisterent Novatiani? Sic non perfecte de baptismate tractatum est, antequam contradicerent foris rebaptizatores; nec de ipsa unitate Christi enucleate dicta erant, quæ dicta sunt, nisi postea quam separatio illa urgere caput fratres infirmos, ut jam illi, qui noverant hæc tractare atque dissolvere, ne perirent infirmi, sollicitati quæstionibus impiorum, sermonibus & disputationibus suis obscura Legis in publicum deducerent. Similia idem S. Doctor inculcat in libro De dono perseverantiæ num 53. fateturque loca Scripturarum occasione Pelagianæ hæreseos copiosius & enucleatius explicata atque defensa, quam si nulla talis necessitas coegisset. Plura eiusdem generis exempla Bossuetus loco laudato subicit, ex quibus palam est, inquit, hæreses aperire viam ad explicationem sacrorum testimoniorum exaltioorem, & ita a fide, quæ prius eadem obtinebat, ad intellectum, quatinus imbecillitati nostræ congruit, nos pervenire. Quorsum hæc ad nos? Nimirum ne novitas, quæ fidei intellectum tantum respiciat, damnanda perinde credatur, ac novitas, quæ tangit substantiam fidei, ac idcirco nemo mihi*

sue-

succenseat, si occasione præsentis controversiæ contra Pontificiam auctoritatem excitatæ, intellectum ac explicationem, quæ non satis hætenus observata videatur, divinis de Petro testimoniis asseram.

2. Ut autem explicationis, seu interpretationis ipsorum testimoniorum hoc capite asserendæ æquitas & veritas facilius innotescant, certum ex propositionibus antea constitutis præsumendum est, S. Petri primatum, qui in Romanos Pontifices successores ejus transivit, esse primatum non meri ordinis, sed præcipuæ ac personalis jurisdictionis, quæ solius primatis propria, non est alii communis, sicut nec communis fuit ipsis Apostolis, qui in Apostolatus jure erant æquales, non vero in jurisdictione personali primatus uni Petro delati. Certum item est, hunc primatum, & jus proprium ac personale primatus Petro delati fundari in locis Evangelicis, quibus primatus Petro concessus fuit, adeo ut licet ea loca aptari queant aliis Apostolis in aliis prærogativis ac juribus, non tamen in jurisdictione propria & personali primatus. Hoc autem jus primatus proprium ac personale detexisse & constituisse mihi videor ex ratione seu fine instituendi primatus, ut scilicet per unum toti Ecclesiæ præpositum unitas conjungeretur, atque conservaretur ipsius Ecclesiæ, cui proinde compingendæ & custodiendæ in tota Ecclesia speciale jus ei fini obtinendo necessarium. S. Petro & successoribus traditum probavimus: idque non tam quoad unitatem caritatis & communionis fatendum est, quam de unitate fidei, quæ est unitas Ecclesiæ potior. Hæc ex præstitutis certa. In explicandis igitur Evangelicis testimoniis, quibus S. Petri primatus in successores ejus traductus innitur, ea interpretatio, quæ utriusque unitatis in tota Ecclesia continendæ ac vindicandæ vim & facultatem congruentem S. Petro traditam exhibeat, non arbitraria, nec violenta, aliisve communis, sed propria & personalis solius primatis habenda erit, quæ proprium ac personale primatus jus declarabit. Id quidem illud est, quod hoc capite explicandum & constituendum mihi sumo: quod si ex æquo conficiam, & si præterea id ipsum quoad substantiam traditioni apprime consonum ex dicendis sequenti capite invenietur; nisi il ad statuendam veram primatus vim atque rationem, veramque Evangelicorum testimoniorum sententiam detegendam desiderabitur.

Kallerinius de Primatu RR. PP.

I

§. I.

## §. I.

*Ille Christi verba Matthæi c. 16. v. 18. Tu es Petrus & super hanc petram ædificabo Ecclesiam meam &c. necessitatem unitatis fidei cum fide S. Petri ac successorum ejus Romanorum Pontificum manifestissime evincunt.*

3. Hic Evangelicus textus quatenus necessitatem exigit unitatis communionis cum S. Petro & Romanis Pontificibus ejus successoribus, vidimus capite præcedenti num. 2. & seqq. Quatenus vero unitatem potissimum fidei cum ipso- rum fide jure primatus tradita omnino necessariam probet, nunc constituendum est. Hunc textum exigere unionem Ecclesiæ cum petra, supra quam Christo instituyente ipsa Ecclesia ædificata est, nemo ibit inficias: ædificium enim illi petræ, seu fundamento, supra quod constructum est, necessario debet incumbere & adhærere. Id ab omnibus Romanæ & catholicæ communionis hominibus certo & constanter agnitum fatetur etiam M. Antonius de Dominis lib. 6. de Rep. Ecclef. c. 6. ubi etfi hocce testimonium Evangelicum primatui conetur eripere; ex obvio tamen sensu, & ex ædificii similitudine Romanos & se quoque cum ipsis necessariam totius Ecclesiæ unionem cum eo fundamento sic profitentes inducit num. 2. *Hic jam nos Romani sistere solemus, & dicere, Petrum a Domino designari pro fundamento totius Ecclesiæ, quæ debet eidem inniti, quemadmodum ædificium innititur fundamento.* Videndum ergo, quid in Petro designatum fuerit nomine *petræ*, supra quam Christus Ecclesiam se ædificaturum promisit. Et siquidem palam ostendam *petræ* vocabulo significatam fuisse illam fidem, seu professionem fidei, quam S. Petrus inter varias hominum sententias de Christo edidit; hanc fidem, seu fidei professionem positam a Christo suæ Ecclesiæ fundamentum, necessariamque esse totius Ecclesiæ unionem cum eadem Petri fide omnino liquebit. Id porro si ad primatum ejusdem Apostoli pertinere, ac propterea ad successores quoque S. Petri Romanos Pontifices eodem jure tractum deinceps ostendero; necessitatem quoque adhærendi Romanorum Pontificum dei

dei toti Ecclesiæ impositam exploratum fiet. *De petræ significatione*, quam proposui, in primis cognoscamus: & ne quid ex ingenio videar educere, non meam, sed Patrum interpretationem in medium asseram.

**I. Petræ nomine fidem S. Petri significari Patrum traditione ostenditur.**

4. Etsi petræ nomine Petrum ipsum designari Patrum traditio doceat, cum Ecclesiam super Petrum ædificatam compluribus ipsorum testimoniis proditum sit; nemo tamen huic traditioni aliam traditionem me contraponere existimet, cum Petri fidem eo nomine proprie significari ex traditione demonstrandum suscipiam; & multo minus suspicetur, me hac via favere heterodoxis, qui ut primatui S. Petri hunc Evangelicum textum eripiant, non S. Petrum, sed fidem petræ vocabulo indicari contendunt. Qui enim non fidem cujuscumque, nec fidem in genere, sed fidem S. Petri, quam scilicet S. Petrus in ædificanda Ecclesia fundamentum jecit, petram Ecclesiæ a Christo positam ostendit; satis in hac fide ipsum Petrum petram Ecclesiæ constitutum probat, & solum qua ratione petra & fundamentum Ecclesiæ idem Petrus intelligendus sit, apertius exponit: ac propterea is traditionem nequaquam opponit traditioni, sed genasum, & congruum Evangelici textus sensum proferens, traditionem ex traditione potius explicat atque confirmat. Cum porro hinc statuendum nobis sit præcipuum primatus jus in unitatem fidei; dum hanc interpretationem statuimus, non solum ab heterodoxorum consilio maxime recedimus, verum etiam illorum nulum omnem exinde ejjendum confidimus. Eja igitur Patrum testimonia proferantur.

5. Audimus primo hac in re differentem S. Hilarium, qui S. Petri fidem, seu confessionem fidei laudans, *Super hæc igitur confessionis; etiam, inquit, Ecclesiæ ædificatio est...* *Lib. 6. de Trin. n. 36. & 37.* Hæc fides Ecclesiæ fundamentum est. Et alio loco: *Felix fidei petra Petri o e confessio.* *Lib. 1. de Trin. n. 28.*

6. S. Gregorius Nyssenus de Trinitate cap. ultimo inscripto: *Ut petra vitæ Christus in divinis Scripturis prædicatur, ait: Petra vero fidei tamquam fundamentum, quia ipse Dominus ait ad Principem Apostolorum: Tu es Petrus, & super hanc*

petram ædificabo Ecclesiam meam, *super confessionem videlicet Christi, quia dixerat: Tu es Christus filius Dei vivi. Hæc fuit quidem confessio Christi, sed edita a Petro.*

7. Nequē aliter S. Ambrosius *De Incarnatione* c. 5. n. 34. *Fides ergo est Ecclesiæ fundamentum; non enim de carne Petri, sed de fide dictum est, quia portæ mortis ei non prævalerunt: ubi respicit illud Evangelium: Super hanc petram ædificabo Ecclesiam meam, & portæ inferi non prævalerunt adversus eam.*

*In Append.  
Ambros.*

8. Ab Ambrosio non disjungendi duo antiqui auctores, quorum opera sub illius nomine quondam inscripta fuerunt. Auctor commentariorum in epistolas Pauli in cap. 2. ad Ephesios v. 20. *Dixit Dominus ad Petrum: Super istam petram ædificabo Ecclesiam meam, hoc est in hac catholice fidei confessione statum fideles ad vitam.*

*Append.  
Aug. ser. 201.  
col. 234*

9. Auctor item sermonis in Natali Apostolorum Petri & Pauli, qui etsi Augustino item tributus, Ambrosio tamen verius tribuendus a Patribus Benedictinis creditur, S. Petrum in Ecclesia fidei fundamenta continere tradit: quod idem est ac sateri eum sua fide Ecclesiæ fundamenta jecisse.

10. S. Epiphanius hæresi 59. n. 7. *Princeps Apostolorum Petrus . . . qui quidem solidæ petriæ instar nobis extitit, cui velut fundamento Domini fides innititur, supra quam Ecclesia modis omnibus ædificata est. In primis quidem quod Christum Dei vivi filium esse confessus est, idque vicissim audiit, Super hanc solidæ fidei petram ædificabo Ecclesiam meam.*

*T. 3. part. 2.  
col. 351.*

11. His accedat S. Augustinus, qui tract. 7. in Joan. n. 20. de Christo ait: *Nominavit petram, & laudavit firmamentum Ecclesiæ in ista fide, quam scilicet Petrus professus fuerat, ut in antecedentibus dixerat. Apertius in ps. 69. n. 4. Petrus, qui paulo ante eum (Christum) confessus erat filium Dei, & in illa confessione appellatus erat petra, supra quam fabricaretur Ecclesia, &c.*

*T. 7. col.  
543. edit. Ben.  
Ib. col. 785.  
786.*

12. S. Joannes Chrysostomus hom. 54. al. 55. in Matthæum n. 2. *Super hanc petram ædificabo Ecclesiam meam, id est super fidei confessionem. Et hom. 82. al. 83. in eundem Ib. col. 785. Matthæum n. 3. Super confessionem ejus (Petri) Ecclesiam ita fundavit & munivit, &c. Rursus in cap. 1. epist. ad Galatas: Itaque cum Petro dixisset, Beatus es Simon Bariona, promississetque futurum, ut Ecclesia fundamenta super illius con-*

*fessio-*

professionem faceret &c. Hinc homilia *De debito deceni millium talentorum Patrum vocat firmamentum fidei, confessionis fundamentum*, & hom. contra ludos *Petrum fundamentum fidei*.

T. 3 col. 4.

T. 6 col. 273.

13. Subiiciam auctorem sermonis i. in Pentecosten inter Chrysostomi opera: *Super hanc petram: Non dixit super Petrum; neque enim super hominem, sed super fidem ejus (Petri) ædificavit. Fidem autem Petri qui dicit, non excludit Petrum, sed id ponit, quo in Petro fundamenti rationem continet, nempe fidem ejus, seu fidem ab eo prædicatam, super quam Ecclesia ædificata vere fuit, cujusque gratia Petrus fidei petra, & rectæ fidei fundamentum appellatur ab alio auctore sermonis septimi de Martyrio SS. Apostolorum Petri & Pauli, qui in ejusdem Chrysostomi operibus legitur. Similes formulæ apud alios frequenter occurrunt. S. Leo epist. 119. al. 92. ad Maximum Antiochenum c. 2. catholicæ fidei petram S. Petrum vocat. Asterius Ambrosius apud Lambecium fidei petram ac basin Dei Ecclesiæ. Auctor serm. 79. Appendicis Augustinianæ confessionis Christi crepidinem, immobilis fidei fundamentum. Petra item fidei dicitur a Flavita CP. a Zenone Imperatore, & ab aliis, quos recensere non vacat. Et hinc fundamentum credentium appellatur ab Euthymio in c. 16. Matth & a Philippo Cœlestini legato in Ephesina Synodo act. 3. columna fidei: quæ omnia indicant, petræ vocabulo non aliud significari nisi S. Petri fidem.*

T. 3. col. 790.

T. 8. col. 9.

T. 5 col. 145.

14. S. Eucherius Episcopus Lugdunensis, seu alius quis auctor homiliæ in S. Petri natali: *videamus itaque quid sit, Et super hanc petram ædificabo Ecclesiam meam. Super hanc petram, quam tu modo docuisti dicens, Tu es Christus filius Dei vivi, Super hanc petram, & super hanc fidem ædificabo Ecclesiam meam.*

15. S. Cyrillus Alexandrinus lib. 4. de Trinitate hunc eundem locum exponens, *Petram, inquit, opinor, nihil aliud quam inconcussam & firmissimam discipuli fidem vocavit. in qua Ecclesia Christi ita fundata & firmata esset, ut non laberetur, & esset inexpugnabilis inferorum portis.*

16. Juvenalis Hierosolymorum Episcopus in Synodica ad presbyteros & archymandritas Palæstinæ, *Cum summus ait, & primus Apostolorum Petrus dixisset, Tu es Christus filius Dei vivi; Dominus intulit dicens: Beatus es &c. & ego dico tibi, quia tu es Petrus & super hanc petram &c. quæ*

T. 4 Conc. col. 1835. Ven. edit.



ad laudatam Petri professionem referens, subdit: *Super hanc confessionem roborata est Ecclesia Dei.*

17. Theodoretus epist. 77. ad Eulalium Persicæ Armeniæ Episcopum: *Dominus noster Apostolorum principem, cuius confessionem veluti basim quamdam & fundamentum Ecclesiæ defixerat &c.* Iterum epist. 177. ad Joannem Oeconomum recitatis Petri verbis *Tu es Christus &c.* subiicit: *Audiamus & Christum Dominum confessionem hanc confirmantem: Super hanc enim petram, inquit, ædificabo Ecclesiam meam.*

18. S. Petrus Chrysologus serm. 154. de S. Stephano: *Petrus a petra nomen adeptus est, quia primus meruit Ecclesiam fidei firmitate fundare. Si per fidem Petrus fundavit Ecclesiam, Petri fides Ecclesiæ petra & fundamentum fuit.*

19. S. Maximus Taurinensis in eandem plane sententiam hom. 4. de Petro Apostolo: *Petra dicitur, eo quod primus in nationibus fidei fundamenta posuerit.*

Pag. 795.

20. Eusebius Gallicanus, seu alius quilibet auctor sermonis in Natali S. Petri apud Combesium: *Ego dico tibi, quia tu es Petrus fide fortis, doctrina stabilis &c.* idque petra nomine significari affirmat.

21. Anonymus relatus in Catena Nicetæ super Matthæum: *Petram fidei confessionem vocavit: cum autem super hanc ædificari nuntiatur, inde ostendit, multos jam futuros, qui in eum crederent.*

Pag. 338.

22. Stephanus Cameracenus apud laudatum Combesium in die Sanctorum Petri & Pauli: *Tu, qui Petrus existens, petra fies fidei Verbi, & constituenda Ecclesiæ fundamentum &c. . . . . Hac basi superposita, reliqua etiam dogmata, puto, superstruentur.*

23. S. Isidorus Hispalensis lib. 7. Originum c. 9. Dixerat Petrus, *Tu es Christus filius Dei vivi.* Deinde ei Dominus: *Super hanc petram, quam confessus es, ædificabo Ecclesiam meam.*

Tom. 2.  
795.

24. S. Joannes Damascenus orat. de Transfiguratione laudans Petri confessionem ait num 6. *Hæc est firma illa, & immota fides, supra quam tanquam petram Ecclesia fundata est.* Et in sacris Parallelis ex veteri Græco scriptore tit. 3. *Ibi. p. 558.* Christus ad Petrum sic loquens inducitur: *Super tuam instar petra firmam fidem ædificabo Ecclesiam meam.*

25. Synodus Foro-Julienfis sub S. Paulino Aquilejensi: *Ecclesia super eam persistit petram, quam B. Petrus non car-*  
ne,



ne, vel sanguine, sed Patre, qui in cælis est, revelante sibi confessus est, & illius fide regitur & gubernatur.

26. Hanc interpretationem communiorum suo ævo testatur Jonas Aurelianensis lib. 3. De cultu imaginum: Multi namque, ait, & pene omnes petram, supra quam ædificatur Ecclesia, fidem intelligunt B. Petri, quæ communis est sanctæ totius Ecclesiæ &c.

27. Hincmarus Remensis in opusculo adversus Hincmarum Laudunensem c. 5. Tu es Petrus, & super hanc petram, idest rectæ fidei, quam Patre tibi revelante confessus es, ædificabo Ecclesiam meam.

28. Trosleianum Concilium can. 15. loquens de Ecclesia, quæ, inquit, cum generaliter ab ipso suo capite super Petrum, idest, super confessionem Petri sit ædificata &c.

29. Rupertus Tuitiensis Abbas lib. 3. in Matthæum: Super petram fidei, quam confessus est Petrus &c.

30. S. Thomas Cantuariensis epist. 97. libri primi: Nonne in fide & doctrina Petri totius Ecclesiæ structura confurgit?

31. S. Bruno Astensis in expositione capituli 33. Exodus: Vocatur fides petra: unde cum Domino Petrus diceret: Tu es Christus Filius Dei vivi; mox ejus fidem confirmans ait: Et ego dico tibi, quia tu es Petrus, & super hanc petram, idest; super hanc fidem tuam, qua me dicis filium Dei vivi; ædificabo Ecclesiam meam.

32. Cæfarius Cisterciensis homilia De cathedra S. Petri: Super hanc Petram, idest super fidei tuæ firmitatem, a qua cognominaris, ædificabo Ecclesiam meam.

33. Magister Menegaldus in opusculo contra Wolfelmum Coloniensem, quod Muratorius in Latinis Anecdotis edidit cap. 17. recitata confessione Petri, Propterea, inquit, tam perspicacis fidei soliditas ab ipso Dei filio fundamentum Ecclesiæ facta est, super quod totius ædificii structura confurgit. T. 4. pag. 192.

34. Similiter inter Scholasticos S. Thomas 2. 2. q. 174. a. 6. Super hanc petram, scilicet confessionis tuæ, ædificabo Ecclesiam meam: quibus similia leguntur in supplemento q. 25. a. 1.

35. Neque Romani Pontifices ab hac interpretatione, quam aliis antiquorum Scriptorum testimoniis confirmare liceret, dissentiant. S. Leo serm. 62. al. 60 c. 2. novæ edit.

edit. col. 239. illam Petri confessionem, *Tu es Christus filius Dei vivi* Deo revelante editam affirmat, ut ad regimen totius Ecclesiae preparatus, primum disceret quod doceret, & pro soliditate fidei, quam erat praedicaturus, audiret: *Tu es Petrus &c.* In quem locum vide quae fusius adnotavimus in eadem editione tom. 1. col. 451. & 462. Item serm. 51. al. 94. c. 1. *Tantum in hac fidei (a Petro declaratae) sublimitate complacuit, ut beatitudinis felicitate donatus, sacram. inviolabilis petrae acciperet firmitatem, super quam fundata Ecclesia portis inferi, & mortis legibus praevaleret.*

T. 2. col. 718.

36. S. Gregorius lib. 4. epist. 38. ad Theodelindam reginam: *In vera fide persistite & vitam vestram in petra Ecclesiae, hoc est, in confessione B. Petri Apostolorum Principis solidate.*

37. Joannes VII. epist. 76. ad Petrum Comitem: *Super quam etiam solidam confessionis petram suam Dominus fabricavit Ecclesiam.*

38. Hadrianus I. in epistola, quae act. 2. synodi VII. lecta & probata est, de Petro ait: *Isse tam praecellso praetulus honore, promeruit confiteri fidem, supra quam fundatur Ecclesia.* Iterum in epistola ad Episcopos Hispaniae Concilio Francofordiensi praefixa: *Super hanc, inquit (Christus), petram quam confessus es, & a qua vocabuli sortitus es dignitatem, super hanc soliditatem fidei aedificabo Ecclesiam meam.*

39. Nicolaus I. epist. 6. ad Photium: *Christus super soliditatem fidei suam sanctam dignatus est stabilire Ecclesiam secundum illius veridicam vocem dicentis: Amen dico tibi, Tu es Petrus &c.*

40. Stephanus VI. epist. 2. ad universos Episcopos: *Catholica Christi & Dei nostri Ecclesia fundata super firmam petram, Apostolicae videlicet petrae confessionem &c.*

41. Innocentius II. epistola ad Episcopos Senonensis Concilii, quae a S. Bernardo dictata creditur, & est epist. 194. inter illas ejusdem S. Bernardi: *Testante Apostolo, sicut unus Deus, ita una fides esse dignoscitur, in qua tamquam in immobili fundamento, praeter quod nemo potest aliud ponere, firmitas Ecclesiae catholicae inviolata consistit. Inde est quod B. Petrus Apostolorum Princeps pro eximia hujus fidei confessione a Domino ac Salvatore nostro audire meruit: Tu es, inquit, Petrus & super hanc petram aedificabo Ecclesiam meam, petram, quae firmitatem fidei, & catholicam unitatis soliditatem manjeste designans.*

42. Ur-

42. Urbanus III. in epistola ad Archiepiscopos, Episcopos, & Abbates: *Cælestis altitudo consilii . . . sacro, sanctam Romanam ecclesiam . . . supra petram fidei soliditate fundavit, illud ei tribuens Apostolicæ confessionis sortitudine firmamentum, ut &c.*

43. Sed quid plura commemoro? Concludam testimoniis Ecclesiæ, quæ in publicis Missarum precibus idipsum expresse docuit, & docet. In Sacramentario Gallicano, quod Ma-  
billonius produxit in lucem, hæc leguntur *ad contestationem* Missæ in die cathedræ S. Petri: *Testis est hæc divina B. Petri cathedra Episcopatus exposita, in qua fidei merito revelationis mysterium fidei Filium Dei confitendo præfatus Apostolus ordinatur, in cujus confessione est fundamentum Ecclesiæ, nec adversus hanc petram portæ inferi prævalent.* Eadem occurrit in Missali Gothico, quod Ven. Cardinalis Thomasius edidit: ac præterea in eodem Cathedræ festo præmittitur oratio, in qua habetur: *Fide prælatus est (Petrus), & per hanc Petri petram (idest fidem) basis Ecclesiæ fixus est.* In Benedictionali, quod vulgavit Lambecius, die natali SS. Petri & Pauli hæc benedictio describitur, quæ Gallicanæ originis inserta legitur etiam in Sacramentarium editionis Menardi: *Benedicat vos omnipotens Deus, qui nos B. Petri saluberrima confessione in Ecclesiastica fidei fundavit soliditate. Amen.* Similiter in collecta, quam apud Romanos vetustissimam cognoscimus ex Gregorianis antiquioribus Sacramentariis, a Pamelio atque Muratorio impressis, quæque vel hoc tempore recitatur in Missa vigiliæ eorundem Apostolorum, hæc leguntur: *Præsta quæsumus omnipotens Deus, ut nullis nos permittas perturbationibus concuti, quos in Apostolicæ confessionis petra solidasti.*

44. Itaque *petræ* nomine S. Petri confessionem ac fidem esse accipiendam tanta ac tam aperta Patrum, Pontificum, ac Ecclesiasticorum librorum traditio nos dubitare non finit: unde id apud omnes catholicos constans & certum pronuntiare non dubitavit Joannes Ekhus lib. 1. *De primatu Petri* contra Lutherum cap. 13. ubi huic explicanti Evangelicum testimonium de fide Petri, & affirmanti *supra fidem Petri ædificatam Ecclesiam*, reponit incunctanter: *Quis ei in hoc repugnat? quis negat? quis inficiatur? Ille prodit, nomen quem huius dissensores.*

Ballerinius de Primatu RR. PP.

K

II. In

T. 1. Musæi  
Ital. 297.

T. 2. Bibliotheca  
Cesar. c. 5.  
T. 3. Oper.  
S. Greg. col.  
113.

**II.** *In hanc petrae interpretationem quomodo Ecclesia super Petrum aedificata commode intelligatur. Aliæ interpretationes conciliatæ. Non singularis illa fides, qua S. Petrus Christum Dei Filium professus est, sed universa fides Christiana, quam in aedificanda Ecclesia prædicavit, petrae nomine accipienda monstratur.*

45. Qui fidem non quamcumque, sed Petri confessione aut prædicatione propositam *Ecclesia petram* intelligit; is, ut monuimus, non excludit Petrum, sed ipsum satis in ea fide & confessione Ecclesiæ fundamentum agnoscit, quæ sane *per hanc fidei petram basis Ecclesiæ fixus est*, ut in Missali Gothico traditur, quique proinde non petra & fundamentum solummodo, sed *petra fidei & fidei fundamentum* appellatur a Patribus laudatis supra num. 12. & 13. Ibi nimirum habes personam meam, ubi confessionem meam, hic quoque dicere potest S. Petrus, uti alia occasione dixit apud Cassianum lib. 3. *De Incarnatione* c. 12, Enimvero qua congrua ratione Evangelicus textus aliter exponi possit, non video. Qui enim fieri potuit, ut super Petrum aedificaretur Ecclesia? Non super ossa, nec super carnem quidem S. Petri aedificata intelligi potest; at super fidem ab eo prædicatam constructa optime intelligitur, cum S. Ambrosius & alius auctor sermonis editi inter Chrysostomi opera observarunt, Vide supra n. 7. & 13. Cum scilicet verum Ecclesiæ fundamentum sit fides, ut tradit idem Ambrosius, quatenus Ecclesia ex fidelibus constans, per fidei prædicationem constructa est, ac sine ipsa homines nec sunt, nec esse possunt Ecclesiæ membra; non alia profecto congrua ratione S. Petrus intelligi potest ipsius Ecclesiæ petra & fundamentum nisi per fidem, quam dum prædicavit, Ecclesiastici ædificii fundamentum posuit. Ita Patrum testimonia, quibus S. Petrus, & testimonia, quibus ejus fides *petra* nomine explicatur, nihil pugnant inter se, sed optime cohærent, & in unam eandemque catholicam doctrinam ac traditionem conspirant. Ex una enim parte Evangelicus textus de S. Petro proprie accipiendus statuitur; ex alia vero, qua congrua de eo ratione proprie intelligendus sit, commode exponitur: quod utrumque S. Gregorius Nazian-

Lib. 6. in  
Luc. n. 98.  
p. 1407.

Nazianzenus apte complectens scripsit: *Petrus petra vocatur, atque Ecclesiae fundamenta fidei suae credita habet.* *Orat. de moderat. serv. in disj. ut.*

46. Neque difficultatem afferant quidam Patres Evangelici textus verba super hanc petram explicantes de Christo principali petra & fundamento Ecclesiae, de quo Paulus ait: *Fundamentum enim aliud nemo potest ponere præter id, quod positum est, quod est Christus Jesus.* Et si negari non potest, quin Christus sit vera & principalis petra & fundamentum Ecclesiae; cum tamen Evangelicus textus, de quo nunc agimus, expresse loquatur de Petro, eumque ob fidem Christi, quam professus est, & prædicavit, *petrae* voce ibidem designatum traditione Patrum affirmet; in dubium vocari nequit, quin & ipse, qui ex principali illa petra communionem & virtutis accepit & nominis (verbis utor antiqui Scriptoris librorum *De vocatione omnium gentium*), ob eandem fidem constitutus fuerit petra, supra quam Ecclesia constructa est. Cum porro exploratum sit, Christum esse petram & fundamentum Ecclesiae per eam fidem, quam in ædificationem & fundamentum Ecclesiae ipse tradidit; ex alia autem parte constet, post Christi mortem & ascensionem prædicatione traditæ a Christo fidei ædificatam fuisse Ecclesiam, quam idem Christus laudato Evangelico textu promiserat ædificandam super Petrum, seu super Christi fidem prædicandam a Petro (unde Cyprianus scripsit: *Petrus super quem ædificanda fuerat Ecclesia*); non aliter Christus, seu fides Christi fuit petra & fundamentum Ecclesiae, nisi quatenus Petro prædicante Ecclesiae ædificandæ fundamentum posita fuit. Ita hæc interpretatio de Christo principali petra redit ad Petrum, quatenus Christi fides prædicata a Petro fuit illa petra, supra quam Ecclesia Christo instituenta ædificata est, quamque cum Petrus in ædificationem Ecclesiae prædicavit, non aliud fundamentum posuit præter illud, quod a Christo positum, erat ipse Christus annuntiatus prædicatione fidei. Verum quidem est in ædificationem Ecclesiae prædicatione fidei laborasse etiam alios Apostolos, ex quo ipsi etiam fundamentum Ecclesiae sunt juxta illa, *Superædificati super fundamentum Apostolorum* (1), idest

1. Cor. 3 v.

11.

Lib. 2. c. 28.

Epist. 69.

Ephes. 2.

K 2

supra

(1) Additur in textu Pauli & Prophetarum, qui scilicet fidei Christi venturi prænuntia-

runt: unde tum in Apostolis, tum in Prophetis eadem Christi fides est fundamentum Ecclesiae.

supra Christi fidem, quam Apostoli prædicarunt. Quid vero sit illud peculiare ac proprium prædicationis S. Petri, ex quo præcipua & propria primatus ejus vis ac ratio deduci queat, laudatumque Evangelicum textum ad primatum ipsius personalem jure referri demonstretur, planum fiet ex dicendis num. 49.

47. Interim ex hæcenus dictis facile intelliges, fidem Petri, quæ Ecclesiæ visibilis fundamentum est, haud esse fidem ejus internam & invisibilem, sed externam, uti diximus, professionem fidei, nec singularem quidem illam, qua idem Apostolus interrogatus a Christo, ipsum Dei vivi Filium confessus est, sed illam, qua totam Christi & fidei doctrinam in ædificanda Ecclesia prædicavit: neque enim per illam primam de Christi divinitate professionem Ecclesia ædificata fuit, sed deinde prædicatione fidei, qua post Spiritus Sancti adventum fides Christi posita est uti fundamentum Ecclesiæ. Porro cum in ejusmodi ædificationem prædicavit Petrus Christi fidem; non unum illud de divinitate ejus dogma prædicavit, sed totam Christi doctrinam, quæ in Christi fide continetur, & fidelibus necessaria est. Itaque hac tota, in qua Ecclesiæ ædificatio assurgit, *petra* nomine significata intelligi debet. Hinc sane plures sancti Patres laudati num. 13. & 14. *Fidei fundamentum, petram fidei, fidei columnam*, vel etiam *catholicæ fidei petram* S. Petrum generatim appellant, quæ formulæ non unius articuli, sed universa fidei dogmata comprehendunt. Quod si aliquot antiqui specialem ejus fidei, qua Christum Dei Filium Petrus confessus est, mentionem fecerunt; id fecerunt, propterea quod contra eos hæreticos agerent, qui Christi divinitatem impugnabant. Negari tamen nequit, quin hæc particularis confessio ceteris dogmatibus, quæ Christus tradidit, fundamentum Petro fuerit, ut omni obsequio crederet quæcumque de illo audivit, quem Patre revelante Dei Filium profitebatur. At sicut non ea una singularis fides prædicanda fuit in ædificationem Ecclesiæ; ita non ea una funoamentum Ecclesiæ habenda est. Quare Sanctus Leo, qui ea singulari confessione præparatum quodammodo innuit Sanctum Petrum ad totius fidei prædicationem, ut nimirum de Christo *disceret quæ doceret*; mox hanc totius fidei prædicationem, quæ tota & integra est fides Christi, Ecclesiæ petram satis designans addidit: *Et pro soliditate fidei, quam*  
**ERAT**

ERAT PRÆDICATURUS, *audivit: Et super hanc petram &c.* In re explorata plura differere opus non est.

III. *Quatenus ex hac interpretatione laudati textus Evangelici unitas præsertim fidei omnium Christi-fidelium cum fide S. Petri, seu prædicata a Sancto Petro necessaria probetur. Eadem unitas fidei quatenus ab aliis Apostolis servata in fundandis ecclesiis.*

48 Evangelicum textum, *Tu es Petrus, & super hanc petram &c.* ad primum præcipuæ jurisdictionis S. Petro ex Christi institutione tributum pertinere vidimus cap. 5. Itaque haud satis est eundem textum explicasse de Petri fide, ut hactenus fecimus; sed aliquid inde præcipui juris primatus proprium ipsi Petro ac fidei ejus asseratur necesse est. Cum porro præcipuum jus proprium primatus ad unitatem Ecclesiæ vi coactiva compingendam & conservandam pertineat, ut ostendimus cap. 8. & 9; ex laudato Evangelico textu jus aliquod præcipuum, quod ad eandem Ecclesiæ unitatem componendam & custodiendam apte referatur, eliciendum est. Ex duplici autem Ecclesiæ unitate caritatis, seu communionis, & fidei, hunc textum, qui Sancti Petri fidem *petræ* vocabulo Ecclesiæ fundamentum præfert, unitatem potissimum fidei totius Ecclesiæ cum fide Sancti Petri necessariam evincere, obvia & litteralis, ut ita dicam, interpretatio significat. Si enim Christus, cum primum præcipui juris in unitatem Ecclesiæ instituens, Sancto Petro dixit: *Tu es Petrus, & super hanc petram ædificabo Ecclesiam meam*; petræ nomine Petri fidem, seu professionem fidei tunc editam, & postea prædicandam in ædificanda Ecclesia designavit; quid, amabo, est super hanc fidem a Petro prædicandam Ecclesiam ædificabo? Nihil aliud profecto, quam innuere Ecclesiam ipsam fidei a Petro prædicandæ tamquam basi adhærere debere; quod unitatem fidei omnino requirit. Cum igitur in eadem Petri fide tamquam in fundamento, quod Christus posuit, tota stare debeat Christi Ecclesia; nec alia sit, aut esse possit Ecclesia Christi, nisi quæ super hanc petram, idest super



hanc Petri prædicationem & fidem ædificata, eidem inhæret; quicumque ad Ecclesiam Christi pertinere velit, huic petræ, seu fidei a Petro prædicatæ debet inniti, adeo ut qui huic fidei nolit inhærere, nec unitatem ejusdem fidei teneat, is neque in fundamento Ecclesiæ, quod Christus constituit, nec in ipsa Ecclesia subsistat. Quam in rem Beda de Petri fide & confessione sermonem faciens, quam esse dixit illam petram, supra quam Christus construxit Ecclesiam, *A cujus societate (idest unitate) confessionis, inquit, quisquis devia-verit, quamvis sibi magnus videatur, ad ædificium Ecclesiæ non pertinet.* Et S. Leo in epistola 33. al. 29. num. 1. ad synodum Ephesinam: *Nimis a compage hujus ædificationis alienus est, qui beati Petri confessionem non capit.* Necessitatem ergo unitatis fidei servandæ cum Petri fide hoc testimonio Evangelico atque institutione ipsius Christi cunctis fidelibus impositam liquet; ac idcirco vis coactiva unitatis fidei necessitatem imponens ex institutione Christi, primatus Petri prærogativam, ac jus præcipuum statuit, quod in memoratis Evangelii verbis contentum hoc paragrapho evolvendum proposuimus. Hinc Petri primatus peculiaris prærogativæ *primatus fidei* jure vocatur ab Ambrosio, *fidei principatus* a Cassiano, & *principatus in episcopatu fidei* a Marciano Imperatore, quippe qui vim suam per fidem, seu professionem fidei a S. Petro prædicatæ potissimum exerens, ad unitatem fidei custodiendam in Ecclesia præcipuo jure præditus fuit.

*Serm. de feria 3. palmarum.*

*Ambros. lib. de Incar. c. 4. n. 32. Cass. l. 3 de Incar. c. 12. Marc ep 73. a S. Petro prædicatæ potissimum exerens, ad unitatem fidei custodiendam in Ecclesia præcipuo jure præditus fuit. Ep. 57.*

*Ephes. 2.*

49. Hoc autem præcipuum jus coactivum ad unitatem totius Ecclesiæ si consideretur proprium primatus ex constitutis cap. 9. proprium item habendum est fidei Petri, qui solus inter Apostolos primatum obtinuit; ac propterea ad ceterorum Apostolorum fidem extendi non potest. Ne quid vero hac in re difficultatem faciat; quid inter Petri & Apostolorum fidem interfuerit, explicandum est. Quamvis Apostolorum omnium fides dici aliquo modo possit petra & fundamentum Ecclesiæ, quæ *supra fundamentum Apostolorum* extructa traditur a Paulo; non tamen unitatis totius Ecclesiæ petra & fundamentum est, cui totius Ecclesiæ fides inniti debeat: hæc enim primatus propria vis est, unique proinde S. Petro ejusque fidei competit. Quod si quis totius etiam Ecclesiæ petram Apostolorum fidem esse contendat, quippe cui adhærere oportet omnes catholicos; non repu-



repugnabo, si modo Apostolorum prædicationi & fidei ea vis tribuatur, quatenus cum prædicatione & fide Petri unitatem tenuit; ita ut unitatem cum hac Petri fide atque prædicatione necessariam nihilum infirmet, sed potius statuatur atque præsumatur. Apostolorum scilicet prædicationi & fides petra vere ac proprie fuit earum particularium ecclesiarum, quæ ipsorum prædicatione constructæ, super eam petram ædificatæ fuerunt; non autem proprie fuit petra totius Ecclesiæ catholicæ, quæ bono unitatis super unam Petri fidem Christo instituyente ædificata fuit. Hinc Sanctus Cyprianus epist. 73. scripsit: *Ecclesia est una, & super unum, qui claves accepit, Domini voce fundata.* Et in libro *De unitate Ecclesiæ* unitatis bonum proponens, ejus causa super illum unum (inquit de Sancto Petro) *Dominus ædificat Ecclesiam suam.* Quibus similia apud alios Patres invenies. Si ergo unus Petrus, idest una Petri fides universalis Ecclesiæ petra & fundamentum posita fuit a Christo; nec aliud fundamentum quispiam potest eidem Ecclesiæ ponere, nisi quod ab eodem positum fuit; ipsæ particulares ecclesiæ ab Apostolis extructæ, ad catholicam Christi Ecclesiam aliter pertinere non poterant, nisi super Petri fidem ædificatæ, ipsius unitatem tenerent; ac propterea Apostoli, cum illas construxerunt prædicando fidem, non aliam fidem potuerunt ponere fundamentum nisi eam, quæ prædicabatur a Petro, vel una esset cum Petri fide, ut super hanc fidem illæ ædificatæ dici possent, & eatenus ad Christi Ecclesiam super unum ædificatam spectarent. Hinc ipsa etiam Apostolorum fides, quæ sane fuit fundamentum Ecclesiæ, non aliter fuit Ecclesiæ fundamentum, nisi quia fuit una cum fide Petri, & sic ipsi quodammodo inhærebat, cui tota Ecclesia, ac totius Ecclesiæ fides Christo instituyente debet incumbere. Hoc Christi institutum non eo spectat, ut per se in suspicionem adducatur aliorum Apostolorum fides, sed ut intelligamus (1) Ecclesiæ & unitatis bonum id postulasse, ut non alia haberetur

---

(1) Sicut Ecclesiæ & unitatis bonum efflagitabat, ut centrum unitatis communionis catholicæ, cum quo omnes catholici communionem serva-

rent, esset in Petro ac in ejus sede, quam idcirco adversarii *centrum catholicæ unitatis* fatentur (Vid. infr. c. 14. §. 1.); ita etiam postulabat, ut cen-

retur fides Ecclesiæ, nisi quæ in unum cohæreret cum fide Petri, quam unam ejusdem unitatis bono totius Ecclesiæ petram Christus ponendam instituit.

50. Hanc forte unitatem suæ fidei cum fide Petri ut  
*Gal. i. v. 18.* Paulus Apostolus probaret, Hierosolymam ascendit *videre Petrum* cum ipso aliquid collaturus (*ἰσχυρα* enim in Græco textu est Latine *videre percontandi, seu conferendi aliquid gratia,*

trum unitatis fidei catholicæ, cum quo omnes unitatem ejusdem fidei custodirent, in Petri prædicatione ac fide ab eodem depolita in sua sede collocaretur; ipsique Apostoli in futurorum temporum exemplum ac normam, dum ecclesias fundarent, eas fundantes in fide, quæ una esset cum fide Petri, de hac unitate fidei cum hoc centro ab omnibus tenenda easdem instruerent.

Quam in sententiam de Apostolis prædicatione fidei ecclesias ædificandis affirmavit Petrus de Marcâ in opusculo *De discrimine clericorum & laicorum* n. 13. Tenebantur Apostoli fundare ecclesias in unitate, cujus caput cum esset Petrus, illius communioni eas subijcere tenebantur. Hæc de unitate communionis. De fidei autem unitate addit n. 21. Porro unitatem ab omnibus Apostolis servandam in illa una cathedra (cathedræ nomen ad fidei doctrinam refertur) ne si ab ejus unitate recedentes in ecclesiis ædificandis aliam cathedram constituerent, scismatici & peccatores haberentur. Nullum erat periculum, ne scissa unitate Ecclesiæ, Apostoli proprias sibi ec-

clesias defenderent, se junctas a communione Petri. Sed regimnis semel constituti forma exposcebat, ut sciremus Apostolos quoque ipsos huic regulæ a Christo præscriptæ subditos fuisse. Præverat Petro de Marca alius Gallus, laudatus a Tournely, Cardinalis Perronius in responsione ad Regem Angliæ scribens c. 56. Hanc unitatem in Ecclesia servandam cum decrevisset Christus, principium ejus & radicem in Petro constituit. Cum autem ad stabilendum hoc unitatis Ecclesiasticæ caput eximia quadam auctoritate opus esset, quæ valeret schismata compescere, aut avertere ab Ecclesia; præter auctoritatem Apostolatus essentialem, facta est personæ Petri. quam huic muni obediendo destinavit Christus, singularis dignitatis & potestatis accessio, ut nimirum omnes fideles, atque ipsos Apostolos in officio suo contineret, ac prohiberet, ne quis Ecclesiæ scinderet unitatem; non quidem quasi hæc disciplina egerent Apostoli, quibus singulis speciatim in orbis Christiani administratione Deus adfuturus erat; sed ut Ecclesiæ formam aliquam proponeret, qua res essent post mortem suam componen-

*gratia*, ut Erasmus & Heinsius a Calmeto laudati observant (Paulus Hierosolymam ascendit ob-  
 runt); & in hunc finem apud eundem diebus quindecim argumen-  
 tetur. Quod cum idem Apostolus adhibeat veluti argumen-  
 tum rectæ sive prædicationis, quemadmodum (1) Bossuetus probandam  
 animadvertit; satis innuit, prædicatum abs se Evangelium unitatem fi-  
 se cum eo contulisse, non quod ipse de eo quicquam am-  
 bingeret, sed ut hac collatione & unitate cum Petri prædi-  
 catione & fide aliis, qui dubitarent, ipsum omnino certum  
 demonstraret. S. Jacobus Hierosolymis erat (addit Bossuetus)  
 & S. Paulus eo non ascendit, ut Jacobum videret, sed ut vi-  
 derem, inquit, Petrum: cum eo fuit diebus quindecim, & hoc  
 testimonio suam prædicationem confirmavit. Id autem ostendit,  
 quod cum post annos quatuordecim inspirante Spiritu Sancto Hier-  
 osolymam iterum perrexit, ut cum Apostolis conferret Evangelium,  
 quod Gentilibus prædicabat; S. Petrum potissimum eo consilio in-  
 visit, ne in vacuum curreret, aut cucurrisset. Quibus concin-  
 gens S. Thomas Cantuariensis, Doctor Gentium, inquit, qui  
 glorietur, se non ab homine, nec per hominem Evangelium di-  
 didisse, sed instructum a Christo, ascendit Hierosolymam, cum  
 ecclesiarum Principe de fide contulit, ne forte in vacuum cur-  
 reret, vel cucurrisset: vacua nimirum esse, aut videri pote-  
 rat prædicatio fidei, quæ cum Petri prædicatione ac fide  
 Ecclesiæ fundamento una esse, atque coherere non proba-  
 retur. Id ipsum etiam Tertullianus subindicit in libro de  
 Præscript c. 23. ubi affirmat S. Paulum ascendisse Hierosoly-  
 mam cognoscendi Petri gratia, ex officio & jure scilicet ejus-  
 dem fidei & prædicationis, quæ unitatis probandæ consilium  
 satis declarant. Hanc fortassis ob unitatem fidei, in quam  
 ipsorum Apostolorum prædicatio in novis ecclesiis toto mûn-  
 do erigendis conspirabat, de Romanæ ecclesiæ fide a S. Pe-  
 Ballerinius de Primatu RR. PP. L. tro

Lib. I.  
Epist. 97.

de. Hoc unitatis quidem bo-  
 num Petro, primati præ ecce-  
 ris Apostolis commissum respec-  
 tiens S. Hieronymus lib. 1. con-  
 tra Jovinianum ait: Licet su-  
 per omnes Apostolos ex æquo Ec-  
 clesiæ fortitudo solidetur; tamen  
 propterea inter duodecim unus eli-  
 gitur, ut capite constituto (idei

constituto hoc capite & centro  
 unitatis, prædico potestate ac  
 vi coactiva ad unitatem con-  
 solidandam) schismatis tollatur  
 occasio.

(1) Vide Bossueti Medi-  
 tationes in Evangelium, ubi agit  
 de sermone Christi tempore ulti-  
 mæ cænæ num. 70.

*Rom. 1. v. 8.* tro ibidem prædicata scriptum a Paulo fuit: *Fides vestra annuntiatur in universo mundo.* Neque enim alia ratione Romanorum fides videtur fuisse annuntiata in omnibus mundi ecclesiis, nisi quia ab Apostolis eorumque discipulis in ecclesiarum constructione prædicantibus fidem, quæ una erat cum fide, quam Petrus Romæ prædicaverat, de hac unitate ac de ipsius unitatis necessitate omnes moniti fuerant, ut animadverterent, non aliam futuram fidem veræ Christi Ecclesiæ, nisi quæ cum Petri fide Romanis tradita (1) conveniret. Hinc quidem profluxisse existimo, antiquissimam illam traditionem, cujus testis est vetustissimus Pater S. Irenæus, necesse esse scilicet omnes undique fideles & ecclesias convenire cum fide ecclesiæ Romanæ: de quo plura capite sequenti §. 1. Id ex eo potissimum pendet, quia Petri fides Romæ prædicata, & ad successores transmissa, Ecclesiæ petra & fundamentum est, cui omnes, qui volunt esse in Christi Ecclesia, inhæreant oportet, ut hæcenus probasse mihi videor. Ex his autem omnibus palam consequitur, Evangelicum testimonium *Tu es Petrus &c.* unius Petri fidem *petræ* nomine ita designare, ut cum hac fide totius Ecclesiæ unitatem efflagitet, sicque *primatum*, & *principatum fidei* in eo statuatur, cujus potestatem are jus ad unitatem potissimum fidei exigendam porrigatur.

*Lib. 3. advers.  
hær. c. 3.*

*IV. Eadem fidei unitas cum fide Romanorum Pontificum successorum S. Petri eodem primatus jure necessaria ostenditur. Pauca adduntur de clavium potestate, quæ eodem textu Evangelico promissa S. Petro, æquali jure in successores ejus transivit.*

*\*Supra c. 8.  
& 9.*

§. 1. Cum primatus propria vis sit, quæ ad unitatem totius Ecclesiæ præcipuo jure continendam protenditur;

(1) Hanc unitatis & concordie in fide vim ipse Quæstionellus detexit in laudatis Apostoli verbis, in quæ propterea notatum voluit in his ad Novum Testamentum observationibus: *Fides ecclesiæ Romanæ*

*jam inde ab initio Ecclesiæ usque ad hoc tempus in mundo universo celebratur. Consolatio est catholicis antiquis & novis videre se IN EADEM DOCTRINA JUNCTOS ILLI ECCLESIE.*

tur: vis utique coactiva unitatis potissimum fidei cum fide S. Petri, quam ex Evangelico textu hactenus explicato constituimus, primatus Petri propria habenda est. Quod autem fuit proprium primatus S. Petri, non in solo Petro sistere, sed in successores ejus Romanos Pontifices transire pariter debuit, in quos eundem primatum eodem cum jure ac vi in Ecclesiæ bonum transisse certum est. Igitur vis coactiva unitatis fidei totius Ecclesiæ cum fide Romanorum Pontificum æque admittenda est, ac illa, quæ in Petro fuit. Enimvero cum hæc vis a Christo fuerit primatui adnexa, ut unitati prospiceret; unitati autem Ecclesiæ non in illo initio tantum, quamdiu vixit Petrus, sed semper usque ad sæculi finem prospiciendum fuerit; eadem vis non minus Petri, quam successorum ejus primatui a Christo tributa dicenda est. Sicuti porro fides S. Petri, quæ totius Ecclesiæ unitatem divina institutione exigebat, ea fides fuit, quam Petrus sua prædicatione Ecclesiæ proposuit; ita & ea fides, quam eadem Petri auctoritate proponunt Romani Pontifices, eandem fidei unitatem divino pariter jure efflagitat, adeo ut non sola fides a Petro proposita & prædicata, sed illa etiam, quam proponunt & prædicant ejus successores, habenda sit illa *petra*, cui unitatis bono tota Ecclesia Christo instituyente debet incumbere & inhærere. Secus nihil erit præcipui juris, quod in unitatem Ecclesiæ ac in primatus rationem Petri simul & successorum ejus proprium ex laudato Evangelico textu congrua interpretatione eliciatur, ut consideranti patebit.

§2. Traditionem quidem si consulamus, eandem unitatis fidei necessitatem cum S. Petri ac Romanæ sedis, seu Romanorum Pontificum Petri successorum fide perpetuo agnovit, ut constabit ex dicendis capite sequenti. Certe iidem Petri successores eadem ratione, qua S. Petrus, Ecclesiæ *petra* a Sanctis Patribus dicti inveniuntur. S. Augustinus in Psalmo contra partem Donati memoratis Romanæ sedis Pontificibus, qui S. Petro successerunt, addidit: *Ipse est petra; quam non vincunt superbiæ insinorum porta.* S. Leo serm. 5. al. 4. in Anniversario assumptionis suæ c. 4. *Soliditas enim illa, quam de petra Christo etiam in se (Petrus) petra factus accepit, in suos quoque se transfudit heredes: & ante ipsum Bonifacius l. ep. 4. ad Rufum Thessalonicensem. n. 1. Quam (Romanam sedem) constat dignatione petra*

*spiritualis elatam.* Mitto alia ejusdem generis plura: quæ respiciens Bossuetus in sermone ad Comititia Cleri Gallicani an. 1681. id tamquam certum ex fide prodidit, S. Petrum in suis successoribus semper esse petram, seu fundamentum fide-  
*lium*; eademque comitia in litteris anni sequentis 1682. ad universos ecclesiæ Gallicanæ Præsules tunc viventem summum Pontificem *Ecclesiæ petram* appellant. Eadem porro significatione hoc *petræ* nomen accipiendum est in Petri successoribus ac in Petro, ita ut fidem ab ipsis prædicatam ac propositam indicet. Quod si consideres semper creditum fuisse Romanos Pontifices, cum fidei doctrinam proponunt, non aliam proponere, nisi quam a S. Petro traditam & non interrupta Antistitum successione in eadem Petri sede incorrupte servatam semper docuit (1) traditio, immo & adversarii ipsi confessi sunt; multo apertius intelligetur eorumdem Pontificum fidem, quam docent, habendam esse fidem ipsius S. Petri, quem sane semper in successoribus loquentem, ut Bossuetus monuit, agnovit antiquitas; ac propterea æque ac Petri fidem vere esse illam petram, cui tamquam fundamento ex divina institutione totam Ecclesiam in unitate adhærere necesse est, ut ex textu Evangelico antea explicato deduximus: qui cum ad primatum S. Petri pertineat, eadem ratione, qua ad Petri, ad ejus successor-

\* Vid. textus  
 inf. c. 15.

\* Serm. ad  
 Comit. an.  
 1681.

\* Vid. inf.  
 c. 13. n. 72.

(1) Hæc Romanorum Pontificum peculiaris laus a Vincentio Lirinenſi in Commonitorio u. 6. afferitur, ut traditam a majoribus doctrinam tenuerint, atque defenderint. S. Augustinus lib. 1. in Jul. n. 13. affirmat, Innocentium non aliud Africanis respondere potuisse nisi quod antiquitus Apostolica sedes & Romana cum ceteris tenet perseveranter ecclesiis. Et similiter Zosimus, cum in Cælestium tulgententiam, illud aitendisse ab eodem Augustino traditur in lib. de pecc. orig. c. 8. Quid de isto sentiret prædicanda in Domino Romanorum fides, ea scili-

cet quam Romanis a Petro traditam S. Paulus laudat ad Rom. 1. v. 8. Hinc fidem Apostolico ore laudatam se consilere affirmavit S. Hieronymus, cum Damasium in questione de hypostasis consultuit, quippe certum ipsi erat, non aliam fidem a Romanis Pontificibus pronuntiari, qui non minus Petri cathedram, quam fidem tenent, ut olim falsus fuerat ipse Pelagius in libello fidei. Vide quæ pluribus ex traditione addentur capite sequenti, ac præsertim, quæ adnotabatur cap. 14. n. 27.

cessorum ejusdem primatus heredum fidem in idem unitatis bonum porrigitur. Hinc quidem laudatus Bossuetus lib. 10. al. 15. Defensionis declar. Cler. Gallic. c. 1. ubi præsens Evangelicum testimonium exponit, ingenue ex eodem fateri coactus fuit, *quoties successores Petri communem Ecclesiarum fidem ex communi traditione pro officio promerent, eorum decretum, prædicationem, fidem fore Ecclesiæ fundamentum, seu illam petram fidei, cui in bonum unitatis, ut idem ait, maxime in fide tota adhærere debet Ecclesia.* Confer integrum textum asserendum c. 14. n. 19. & de conditione *quoties communem ecclesiarum fidem ex communi traditione promerent*, vide adnotanda ibidem num. 26.

53. Reliqua essent sequentia Evangelici textus verba; *Et tibi dabo claves regni cælorum, & quæcumque ligaveris super terram, &c.* Quæ non minus quam præcedentia ad primatum relata, aliquod peculiare jus primatus proprium & S. Petri ac successorum ejus personale debent continere. Clavium nomen potestatem, seu jurisdictionem Ecclesiasticam significat. Hæc clavium potestas non uni S. Petro, sed aliis etiam Apostolis a Christo communicata fuit iis verbis Matth. 18. *Amen dico vobis, Quæcumque alligaveritis super terram, erunt ligata & in cælo; quæcumque solveritis super terram, erunt soluta & in cælo.* Num ideo Apostoli potestate pares S. Petro dicendi sunt? Qui primatum jurisdictionis, & non meri ordinis super ipsos Apostolos S. Petro asserunt divino jure concessum, ut vel adversarii cum omnibus catholicis asserunt; ii jurisdictionem primatus propriam agnoscunt, quæ aliis Apostolis communis non fuit: unde iidem adversarii fatentur Apostolos Petro æquales fuisse in omnibus *excepto primatu*, id est *excepta jurisdictione propria primatus*, quæ cum inter Apostolos omnimodam æqualitatem excludit, tum vero necessariam adstruit illorum *subordinationem & subjectionem ad S. Petrum in potestate suprema, & regimine universalis Ecclesiæ*, ut liquet ex constitutis cap. 3. ubi propositionem contrariam a sede Apostolica Gallis Episcopis approbantibus damnatam expendimus. Jurisdictio autem primatus propria, cui & Apostoli suberant, (1) unitatem totius Ecclesiæ spectans, id potissimum

Quenam jurisdictionis primatus, cui Apostoli suberant.

L 3

&

(1) Hac de causa iidem cum unitatis necessitate juncti Galli primatus jurisdictionem gentes, ita illam explicant cum



& primario exigebat, ut Apostoli possent quidem omnia, quæ poterat S. Petrus, sed salva semper cum eo unitate communionis & fidei, cujus ipse centrum fuerat a Christo constitutus, idque ita ut non solum ipsi in futurorum temporum normam utramque unitatem præferrent & custodirent cum eodem S. Petro, verum etiam ecclesias toto orbe ædificandas de eadem unitate cum Petro & successoribus ejus servanda instruerent. Vide quæ in hanc rem de unitate potissimum fidei animadvertimus num. 49. & in subjecta adnotatione. Verba igitur Evangelici textus: *Et tibi dabo claves* &c. hanc jurisdictionem primatus propriam includant, quæ necessaria Petro erat, ut omnes non solum ad communionis, sed præsertim ad fidei ejusdem unitatem cogeret. Hinc jure Beda in eadem Matthæi verba scripsit: *Idco B. Petrus, qui Christum vera fide confessus, vero est amore sequutus, specialiter claves regni cælorum, & principatum judiciaria potestatis accepit, ut omnes per orbem credentes intelligant, quia quicumque AB UNITATE FIDEI, VEL SOCIETATE IL- LIUS quolibet modo semet ipsos segregant, tales nec vinculis peccatorum absolvi, nec janua possint regni cælestis ingredi.* Quid- quid autem jure primatus verum est de Petro, de successoribus pariter ejus dicendum est, qui eodem primatus jure in unitatis bonum potiuntur.

## §. II.

Habert part. 2. de Hierarchia Ecclesiastica c. 5. §. 5. quæst. 2. Ut servetur Ecclesie unitas & primatus summus Pontificis, satis est, quod Christus Apostolos & eorum successores (Episcopus) instruerit cum jure natione, illos ad le-

trum, istos ad Summum Pontificem Petri successorem. Et post pauca: Potestas clavium data est Ecclesie, hoc est Pontifici & Episcopis, & his quidem cum subordinatione ad Pontificem Petri successorem.

§. II.

*Confirmatur eadem necessitas unitatis fidei ex illis Lucae*

22. v. 32. Simon, Simon, ecce satanas expetivit vos, ut cribraret sicut triticum. Ego autem rogavi pro te, ut non deficiat fides tua, & tu aliquando conversus confirma fratres tuos.

54. Cum fratres, quos confirmari Christus jussit, fuerint praesertim Apostoli; ille autem, cui mandavit, ut eos confirmaret, Petrus fuerit; hic locus confirmandi officium & curam tradens, per se se non Apostolis communis, sed Petri proprius agnoscitur. Id etiam plane demonstrat contextus. Sermo Christi primum erat ad omnes. & de tentatione ac periculo omnium: *Ecce satanas expetivit vos, ut cribraret sicut triticum.* Dein huic tentationi, ac periculo omnium ut Christus prospiceret; non cum omnibus amplius loquitur, sed ad unum Petrum sermonem dirigens, *Ego autem, inquit, rogavi pro te &c. Et tu aliquando conversus confirma fratres tuos:* ex qua repentina mutatione, seu directione sermonis constat, in periculo omnium etiam Apostolorum Petro praecipue id curae dedisse, ut illos a daemone cribrandos seu tentandos confirmaret. Negari quidem nequit, quia & alios Apostolos praecipuum hujusmodi aliunde afficeret, cum & ipsi tentatos a daemone confirmare deberent: unde de cujuslibet etiam Praelati officio id testimonium nonnumquam accipitur. Sed aliud est quod proprie & per se vi verborum atque circumstantiarum cuipiam mandatur; aliud vero quod aliunde ob rationis similitudinem ad alios transfertur. Etsi confirmandi munus erga suos cujusque subditos & oves Praelatos omnes adstringat; id tamen officium erga omnes oves, & Praelatos, immo & Apostolos ipsos, sicut non convenit nisi illi, qui omnibus & ovibus & Praelatis, & Apostolis praefectus sit; ita non nisi Petro conveniebat, qui jure primatus omnibus praerat; ac proinde ad hunc uuum Christus ejusmodi sermonem convertit. Hinc etiam cum hic locus praelationis officium Petro committat, & praelationis quidem in omnes Christi discipulos & in Apostolos, quod primatus est proprium; jam hunc textum ad primatum

Quatenus hic textus praecipue & proprie Petrum respiciat.

tum statuendum pertinere dubitari non potest: ac propterea hocce Evangelicum testimonium ad primatus jura statuenda Patres æque & simul etiam afferunt & inculcant, ac illud antecedenti paragrapho memoratum de petra, supra quam Ecclesia ædificata est.

Quomodo  
referatur ad  
fidei unita-  
tem.

55. Unitatem vero fidei quatenus hic quoque textus respiciat, ejus explicatio ostendet. Primo Christus cum omnibus loquens, omnium periculum ac tentationem exposuit, uti monuimus. Hoc autem periculum, ac tentationem omnium fuisse circa fidem ex eo colligitur, quod in ejus tentationis periculique remedium se pro fide Petri rogasse Christus testatur: præter propositum enim fuisset rogare pro fide, nisi de fidei periculis ac tentationibus ageretur. Hinc etiam quod Petro præcipitur, ut in hisce tentationibus atque periculis a dæmone injectis fratres confirmet; id officii ad fidem item referri indicatur, Petroque præceptum fuisse intelligitur, ut fratres, si quæ tentatio aut dissensio circa fidem irrepat, confirmet in fide, ne aliorum distrahantur; quod fidei unitatem in fratribus ac in tota Ecclesia tuendam Petro ut primati concreditam atque commissam declarat. Si vero unitas fidei a Petro vindicanda & custodienda ratione primatus non sine coactivo jure commissi dici debet ex cap. 9. proculdubio vis cogendi ad hanc fidei unitatem Petro tributa dicenda est: adeo ut, quando ipse huic officio satisfactorius in insurgentibus dissensionibus circa fidem, quænam sit vera fides edocens, fratres confirmare studeat in fide; ipsi in eandem fidem & unitatem fidei eodem Christi præcepto adigantur. Frustra enim præceptum fuisset Petro, ut ex officio primatus fratres confirmaret in fide, nisi ipsi ad hanc unitatem fidei eodem præcepto obligarentur.

56. Nunc istud Evangelicum testimonium cum præcedenti, *Tu es Petrus* &c. conferre placet, ut quam præclare in unitatis scopum conspirent & congruant, palam fiat. In primo testimonio Christus Perto primatum promittens, fidem ipsius petram futuram receperat, in qua totius Ecclesiæ fides & unitas fidei tute consisteret; & ita tute consisteret, ut portæ inferi adversus ipsam petram & fidem non prævalerent, & sic non prævalerent adversus Ecclesiam, quæ tali fundamento incumbit: si enim prævalere possent adversus fundamentum, possent etiam prævalere ad-

versus Ecclesiam, quæ ei fundamento & adhæret, & debet adhærere, ut superiori paragrapho probavimus. Cum porro tempus accederet, quo promissa ædificatio Ecclesiæ supra Petri fidem prædicatione Evangelii facienda erat; ut hanc ejus fidem tanto fundamento & unitati conservandæ destinatam tutissime præparatam ostenderet; se orasse ait, ne illa deficeret, & ita juxta antecedentem promissionem adversus ipsam portæ inferi non prævalerent; ipsique Apostolo fidei unitatem ex primatus officio expressius committens, præcepit, ut fratres confirmans in periculis ac tentationibus fidei, eos in ejusdem fidei unitate contineret. Quod quidem officium Petro propterea impositum fuit a Christo, quia Ecclesiæ & fidei petra erat futurus, ut Theophilactus observavit. Sic enim Christum cum Petro inducit loquentem: *Quia te habeo ut principem discipulorum, postquam negato me fleveris, confirma ceteros: sic enim te decet, qui post me Ecclesiæ petra es, & fundamentum.* Immo Bosfuetus in prima pastoralis epistola de promissis Christi satis Ecclesiæ id officium non solum Petro ut petræ, sed in unitatis etiam bonum fuisse commissum fatetur a Christo, cum textu laudato Petri cathedram erexit, in qua sola, ut utamur S.S. Patrum formulis, unitas ab omnibus servata est; cui si adhareamus firmiter, de Christi promissis tuti erimus... Ipsi enim id curæ datum, ut fratres confirmet, ac idcirco evadat petra, supra quam immortale ædificium erat erigendum. Idipsum fufius explicat in Meditationibus super Evangelium die 70. ubi duo memorata Evangelica testimonia maxime cohærere demonstrat. Commemorata enim Christi oratione pro fide Petri, ne deficeret, nec non efficacia orationis Christi ex illis ejus verbis ad Patrem Jo. 21. vers. 42. Sciebam quod semper me audis, addit: *Quis dubitare potest, quin illius orationis vi S. Petrus obtinuerit fidem constantem, invincibilem, inconcussam, & ita copiosam, ut sufficeret ad confirmandos non tantum fideles, sedetiani suos fratres Apostolos & pastores gregis impediendo, ne cribrentur a Satana, quæ verba mirifice referuntur ad illa, quibus Christus dixerat: Tu es Petrus &c. Ego Simonis nomen mutavi in nomen Petri ob significandam soliditatem, quam tibi volo communicare non modo pro te, verum etiam pro tota mea Ecclesia, quia super hanc petram volo illam ædificare. Volo in te collocare modo eminenti & peculiari prædicationem fidei, quæ erit ejus fundamentum. Et portæ inferi non prævalebunt adversus*

In c. 52.  
Lucæ.

eam; idest illa firma consisset adversus omnes satanæ conatus, adeo ut concuti non possit: quod quid est aliud, nisi id quod Christus repetit, Satan expetivit vos, ut cribraret sicut triticum; Ego autem, Petre, rogavi pro te: tua fides non deficiet, & tu confirma fratres tuos.

57 Ita porro fides Petri, quæ Ecclesiæ petra & fundamentum futura erat, oratione & promissis Christi stabilis effecta, ceteros pariter, qui ei adhærescerent, & ioniterentur, satis tutos effecit. Hinc Christus pro Petri fide orans, pro ceterorum omnium & pro Ecclesiæ ipsius fide, quæ in ea petra ac fundamento subsistit, orasse intelligitur; unde Auctor quæstionum ex Novo Testamento quæst.

Appendicem.

3. Aug. col.

1058. a.

Serm. 4. al. 3.

n. 3.

75. non alia de causa affirmavit, Christum orantem pro Petro orasse pro omnibus, nisi quia manifestum est in Petro omnes contineri: semper enim in præposito populus aut corripitur, aut laudatur. Et apertius S. Leo: Commune erat omnibus Apostolis periculum de tentatione formidinis, & divinæ protectionis auxilio pariter indigebant, quoniam diabolus omnes exagitare, omnes cupiebat elidere: & tamen specialis a Domino Petri cura suscipitur, & pro fide Petri proprie supplicatur, tamquam aliorum status certior sit futurus, si mens principis victa non fuerit. In Petro ergo omnium fortitudo munitur, & divinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Præclare etiam Bossuetus in laudatis Meditationibus die 70. Quoniam (Christus) in cohibenda suorum Apostolorum ambitione ita erat loquutus, ut ab iis, qui ejus verba non satis ponderassent, credi potuerit, nullum primatum fuisse relictum, quin & diminutum fuisse illum, quem Petro tradiderat; hoc loco perinde assatur, ut oppositum palam demonstraret. Satanæ, inquit, expetivit vos, ut cribraret omnes: Ego autem, Petre, rogavi pro te, pro te in particulari, pro te distincte; non quod alios neglexerit, sed, ut Patres exponunt, quod firmato capite impedire voluit, ne membra nutarent. Ait igitur, rogavi pro te, non vero rogavi pro vobis. Quapropter qui hunc locum Evangelicum de oratione Christi pro Petro a Petro ad ceteros Apostolos transferunt, ac si non specialiter pro Petri fide Christus oraverit, sed æque pro fide ceterorum, perperam transferunt. Id contra litteralem sententiam est. Quid enim Christus de omnibus initio loquutus, cum de omnium periculo seu tentatione præmonuit, non se orasse dixit pro omnibus, ne eorum

fides

fides deficeret; sed sermonem de omnibus inchoatum veluti  
 abruptum, & ad unum Petrum convertens, se pro ipso o-  
 rasse affirmavit; si non specialiter & proprie orasset pro ejus  
 fide? Sequentia multo magis repugnant interpretantibus hunc  
 locum proprie de Christi oratione pro fide omnium. Si enim  
 æque pro ceterorum omnium fide specialiter orasset Christus  
 ac pro fide Petri; confirmata æque fuisset ipsa oratione om-  
 nium & singulorum fides, nihilque fuisset causæ, cur isto-  
 rum fides speciali fidei Petri confirmanda committeretur.  
 Numquam sane futurum erat, ut in fide deficerent Aposto-  
 li, qui si non hac speciali oratione Christi, certe Spiritus  
 Sancti adventu confirmandi erant, ut ne Petri confirmatione  
 indigerent. At cum Christus hoc loco, in quo non de Apo-  
 stolorum tantum, sed de Episcoporum omnium, qui Apo-  
 stolis debebant succedere, & de omnium Christianorum con-  
 firmatione agitur, Petri primatum institueret, & in hoc pri-  
 mato instituendo totius Ecclesiæ fidei & unitati vellet provi-  
 dere; docere ipsam Ecclesiam voluit, quid officii & juris  
 bono unitatis eidem Petro ejusque fidei specialiter traderet.  
 Et sicut bono unitatis Petri fidem se positurum spon-  
 derat tamquam firmam petram, cui omnes in unitate ejusdem fidei  
 adhærerent; ita affirmat hoc loco *specialem* hujus fidei *curam*  
*se suscepisse*, & pro ea *proprie supplicasse* ( Leonis verba re-  
 peto ), ut in ea omnes, qui illi adhærerent, confirmatum  
 iri pernoscerent.

58 Porro cum hic quoque textus Evangelicus ad Petri  
 primatum ex constitutis pertineat; vis ejus unitatem fidei exi-  
 gens, in Petro desiisse dici nequit, ut nonnulli perperam cen-  
 suere, sed ad successores ejus Romanos Pontifices vis omnino  
 eadem transiit, in quos idem primatus cum eadem vi præ-  
 sertim in unitatis bonum indimute traducta est. Equidem  
 nihil erat, quod sub Petro timeretur præsertim ab Aposto-  
 lis, quos in fide confirmatos animadvertimus. At declaratum  
 fuit hoc loco, quid a Petro & Petri successoribus præstan-  
 dum esset Apostolorum successoribus ceterisque Christianis in  
 periculis fidei, ut fidei unitas servaretur. Egregie admodum  
 Bossuetus in laudatis Meditationis die 72. *Debat semper in*  
*Ecclesia adesse Petrus, qui suos fratres confirmaret in fide. Id re-*  
*medium erat opportunum, ut sententiarum unitas servaretur,*  
*quam Salvator omnium maxime expetebat; Et hæc auctoritas*  
*tanto magis erat necessaria sub Apostolorum successoribus, quanto*  
*M 2*

horum fides minus erat firma, quam illa ipsorum Apostolorum: hancque auctoritatem in Romanos Pontifices Petri successores transfusam declarat. Hinc quidem Romanis Antistitibus Evangelicum hunc textum aptarunt antiqui, perinde ac si ipsis dictum fuerit a Christo, quod Petro dictum fuit (1). *Confirma fratres tuos*; & aptarunt etiam in dissensionibus & periculis fidei, de quibus eundem textum præcipue accipiendum ostendimus. Idem ergo officium confirmandi in fide, eademque vis cogendi ad unitatem fidei in Pontificibus Romanis, cum id officium exequantur, agnoscenda est ex hoc quoque Evangelico testimonio, quemadmodum in Petro fuit; nec eam negare, aut in dubium revocare quispiam potest, quin hanc vim Petro ratione primatus tributam cum primatu ipso in successores ejus transmissam neget quod ex præstitutiis principiis non licet.

### §. III.

*Illud quoque Joannis cap. 21 vers. 15. Petro specialiter dictum, Pasce agnos meos, pasce oves meas, eandem necessitatem unitatis fidei demonstrat.*

59 Ab hoc tertio Evangelico testimonio me brevius expediam. Christus Dominus de unitate Ecclesiæ differens Joannis 10. pastoris & gregis parabolam his verbis clausit: *Et alias oves habeo, quæ non sunt ex hoc ovili; & illas oportet me adducere, & vocem meam audient; & fiet unum ovile & unus pastor.* Hæc verba ad unitatem Ecclesiæ significandam prolata

(1) Ipsi etiam, cum ex officio fidem declarant, ut fidei unitatem teneantur, iidem antiqui aptarunt illam quoque contextus particulam, *Oravi pro te, ut non deficiat fides tua*, illa scilicet fides, quæ prædicatione fidei petra & fundamentum Ecclesiæ est. & qua

fratres confirmandi sunt. ob tuendam fidei unitatem. Hæc de re vide, quæ fustius differuntur cap. 15. §. 3: Causæ autem quorundam Pontificum, qui errore notantur, quatenus nihil obstat, eodem capite facile explicabitur.



ta Patres tradunt, inter quos satis sit audire S. Cyprianum epist. 76. ad Magnum: *Ad quam unitatem redigens (Christus) Ecclesiam, denuo dicit; Et erit unus grex Et unus pastor.* Ovile, seu grex unus unam Ecclesiam indicat, pastor autem unus ipse quidem Christus intelligitur apud Ezechielem promissus c. 34. vers. 33. *Suscitabo super eos pastorem unum, & c. 37. vers. 24. Pastor erit unus omnium eorum.* Cum autem Ecclesia una, & unitas ipsius visibilis esse debeat, exigitque unum visibilem pastorem, qui toti gregi præsint (1), omnesque in unitate contineat; Christus antequam hinc abiret, huic visibili unitati gregis prospecturus, unum visibilem ejusmodi pastorem post se relinquere omnibusque præficere voluit.

60 Hunc autem unum summum & visibilem Ecclesiae pastorem post Christi mortem Petrum fuisse, cui uni cum primatus in totam Ecclesiam actu traderetur, peculiariter bono unitatis dictum a Christo fuit, *Pasce agnos meos, pasce oves meas*; Patrum traditio dubitare non sinit. S. Augustinus serm. 46. c. 13. *In ipso Petro unitatem commendavit. Multi erant Apostoli, & uni dicitur: Pasce oves meas.* Aperius S. Bernardus lib. 2. de Consid. cap. 8. *Et forte praesentes ceteri discipuli erant, cum committens uni, unitatem commendaret in uno grege Et in uno pastore.* Licet ergo in Ecclesia plures pastores sint, & hi quidem dati Ecclesiae, ut suis quique in diocesisbus suarum ovium unitatem contineant atque custodiant; unus tamen Petrus & successores ejus Romani Pontifices sunt ille summus pastor, quem ad totius Ecclesiae unitatem vindicandam atque conservandam omnibus non tam ovibus, quam pastoribus præcipuo jure praelatum SS. Patres testantur. Non solum enim agnos Petro commissos animadvertunt, verum etiam oves, quo nomine ab agnis distincto pastores significantur. Hinc S. Bruno Astenfis homilia in vi-

M 3

gilia

---

(1) Enimvero cum grex esse unus nequeat, nisi unus pariter sit omnium ovium pastor, per quem omnes oves in unum gregem cogantur; ea duo Christus non sejunxit, sed veluti connexa simul posuit, *ovile unum Et unus pastor*, quo satis declaravit, Ecclesiam suam non aliter futuram unam, nisi unus pastor in unitatis gratiam omnibus prepositus sit.

gilia festi S. Petri ait : Prius agnos, deinde oves ei commisit, quia non solum pastorem, sed pastorem pastorum cum constituit. Pascit igitur Petrus agnos, pascit & oves; pascit filios, pascit & matres: regit & subditos; & praelatos. Omnium igitur pastor est, quia præter agnos & oves in Ecclesia nihil est. Quam sententiam excepit etiam Bossuetus in Meditationibus super Evangelium die 70. & in sermone habito ad Cleri Gallicani Comitia an. 1681. ubi etiam observat, eos, qui pastores sunt relate ad populum, relate ad Petrum oves esse. Hinc pastor pastorum omnium Romanus Pontifex dicitur a S. Bernardo, alii pastores particularium gregum. Vide quoque S. Epiphanium hæres. 75. in Aerio, & Reformatorium in Concilio Constantiensi c. 6.

Lib. 2. de  
Confid. c. 8.

61. Hæc autem prærogativa supra omnes agnos & pastores ipsos uni summo pastori Petro ac successoribus ejus tributa fuit a Christo in bonum unitatis, in quam cum omne primatus jus ipsis collatum vidimus, vis utique cogendæ unitatis negari eisdem nequit, qua cum ipsis cohærere debet universus Christi grex. In quo profecto grege cum inferiores quoque pastores tamquam Petri oves ex Bossueti loquutione contineantur; ipsi pariter suis cum gregibus in unitate Petri summi pastoris ac successorum ipsius debent consistere, ut sint ejus ovilis, quod Christus sub eodem uno pastore unum instituit. Non alia de causa quævis ecclesia unum ovile est, nisi quia est pastori suo grex adhærens, ut ex Cyrano diximus cap. 11. n. 2. Nec ex pluribus particularibus ecclesiis, seu ovilibus unum conflatur, nisi quia omnes greges & pastores omnes veluti oves & agni S. Petro summo pastori ejusque successoribus in unitate adhærescunt.

62. Ad id autem non sufficit sola caritatis & communionis unitas. Unitatem præsertim doctrinæ seu fidei omnino requiri vel ex eo patet, quod summus ille unus pastor uni ovili præfectus ea conditione fuit, ut unus omnes pasceret expresso Christi mandato : *Pasce agnos meos, pasce oves meas* ( & jure, nam pastor a pascendo appellatur ) : pascunt vero Dominicum gregem pastores Christi potissimum doctrina fidei; unde Bernardus: *Evangelizare, inquit, pascere est. Igitur in id præsertim summus pastor constitutus fuit S. Petrus, ac successores, ut omnes agni ovesque fidei doctrina ab iisdem pascantur: idque cum ad unitatem ovilis, seu Ecclesiæ sit a Christo institutum, quæ sine unitate fidei una esse*

Lib. 4. de  
Confid. c. 3.

se non posset; fidei profecto unitas in hoc uno summo pastore instituendo potissimum spectata fuit; ac propterea ab eo una eademque doctrina fidei omnes etiam inferiores pastores pasci; & (quod idem est) omnes cum eo in fide debent convenire, ut sint ex illo grege, quem Christus pascendum Petro commisit: & hac ratione ex ejusdem Christi instituto fiat *unum ovile*, & *unus pastor*. Hinc peropportune Facultas Theologica Duacensis die 31. Julii an. 1714. Evangelicum testimonium, *Pasce oves meas* &c. ad necessariam fidei unitatem referens, declaravit, *necesse esse; ut fideles cum Petro ejusque successoribus Ecclesiam pascentibus, seu ex cathedra docentibus perpetuo consentiant, nisi ab ovili Christi ut oves putridæ sejungi velint.* Ovium nimirum est pastoris sui vocem audire & sequi; quæ autem audire & sequi nolunt, ad eum pastorem nequaquam pertinent; ut ex Evangelio discimus; ac idcirco de ejus ovili non sunt.

63. Vides tandem quam probe omnia præcipua Evangelica testimonia de primatu Petri hanc fidei unitatem maxime exigant. Sicut enim ex primo, *Tu es Petrus* &c. nemo potest esse in Christi Ecclesia, nisi fidei Petri adhærescat, supra quam tota Ecclesia ædificata est; ex altero autem, *Simon, Simon, ecce Satanas* &c. nemo potest esse inter Christi discipulos, nisi confirmetur ejusdem Petri fide, cui omnes suos discipulos in tentationibus fidei confirmandos idem Christus tradidit; ita ex hoc tertio testimonio, *Pasce oves meas* &c. nemo in ovili Christi, quod Petro præsertim commissum est, censeari potest, nisi eadem Petri fide ac doctrina pascatur. Aptet nunc quicumque velit aliis Apostolis, vel Episcopis Evangelicos textus, quos S. Petro ac successoribus ejus hætenus consideravimus: aptet, inquam, in illis facultatibus, quæ ad communia Apostolatus, vel Episcopatus munia, aut jura pertinent: nihil morabor. At in unitatis totius Ecclesiæ, & unitatis præsertim fidei cogendæ ac tuendæ vi, quæ ad specialem & personalem Petri ac successorum ejus primatum, & ad propriam hujusce primatus prærogativam, jus, & officium spectat; si quis ea Evangelica testimonia peræque accommodet Apostolis vel Episcopis reliquis, minime ferendum erit a catholicis, qui præcipui juris primatum hac peculiari & propria vi, quæ totius Ecclesiæ ac præsertim fidei unitatem custodiat & vindicet, præditum fateri debent, ita ut hæc vis æque ad alios quoslibet nequeat extendi, quin primatus

Trium Evangelico-  
rum textuum  
coherentia  
in unitatem  
fidei.

matus ipse præcipui & personalis juris destruat. Vide, quod demum recident, si quæ contra hætenus constituta opponantur. Favebitur hac via procul dubio hæreticis atque schismaticis, qui si semel evincant, Evangelica de Petro testimonia ad primatum ejus præcipui juris adstruendum nihil conferre, nihil erit reliquum quod aliunde ipsis inviste objiciatur: facile enim eludent atque elident ipsa traditionis monumenta, quæ Petri primatum iisdem testimoniis innixum inculcant. Id ego hoc loco repeto, nam adversarii, quos probe catholicos novi, intelligant velim, quanta de re hoc capite egerimus, cum unitatis ac fidei centrum in Petri sede ratione primatus situm ex iisdem Evangelicis testimoniis collegimus, quantumque intersit, ipsos quoque æquæ eorundem interpretationi acquiescentes id ipsum fateri. Sed age jam, transeamus ad traditionem Patrum, quæ cum genuini Scripturarum sensus sit fidissima interpret, si eandem unitatis cum Romana sede, seu Romanis Pontificibus successoribus S. Petri necessitatem, non in caritate & comunione tantum, sed præsertim in fide palam prodiderit, nihil erit, quod de interpretatione ac sensu Evangelicorum testimoniorum hætenus a nobis explicato quispiam addubitet.

## CAPUT XIII.

### PROPOSITIO DECIMATERTIA.

*Eadem necessitas unitatis communionis & præsertim fidei omnium Christianorum cum S. Petri sede, & successoribus ejus Romanis Pontificibus traditione Patrum luculenter statuitur.*

**S**icuti sacre Scripturæ textus, quos antecedenti capite consideravimus, S. Petrum primum Romanum Pontificem catholicæ unitatis centrum statuunt, quocum omnes Christiani uniti esse debent non solum communionem, verum etiam in fide: ita traditionis testimonia, quæ in ejusdem unitatis necessitatem hoc capite proponuntur, ad Petri successores Romanos Pontifices potissimum pertinent. Quod si non pauca pro ipsis Romanis Antistitibus Romanam Petri sedem,

carhe-

cathedram, velecclēsiā nominant; nihil refert. Cum enim non alia de causa Romana sedes, cathedra, vel ecclesia prae aliis omnibus hoc peculiari jure potiat, nisi propter *potentiorē ejus principalitatem*, ut vetustissimus Gallicanus Pater S. Irenaeus loquitur eo celebri testimonio, quod §. I. expendemus, idest propter primatum, qui personalis est Romanorum Pontificum successorum S. Petri, quemadmodum capite tertio ostendi; quaecumque hac in re ad primatum personalem pertinente de necessaria unitate cum Romana sede, cathedra, vel ecclesia dicuntur, de Romanorum Pontificum persona accipienda sunt. Id autem hoc loco praemonendum est, ne quis forte in quibusdam testimoniis ex traditione recitandis legens mentionem fieri Romanae Apostolicae sedis, cathedrae, velecclēsiæ, solemnī illa nonnullorum adversariorum distinctione inter Romanam sedem, cathedram: seu ecclesiam, ac inter Pontificem in ea praesidentem abreptus, existimet traditionem explicandam de necessaria unitate cum ea sede, cathedra, & ecclesia, ut ne cum ipso Pontifice necessaria sit. Quae distinctio hoc in negotio personalem primatus praerogativam attingente quam sit inanis & inepta, satis ex hac monitione, seu potius ex constitutis laudato capite tertio detegitur, Plura vero si desideres, vide quae contra ipsam distinctionem fusius differuntur cap. 14. §. 5. De utraque porro caritatis, seu communionis, ac fidei unitate cum Romana sede, vel cum Romanis Pontificibus necessaria plures traditionis textus suppetunt, sed plerique, ut patebit, de necessaria fidei unitate loquuntur, uti ad hanc praecipue Evangelica testimonia referuntur: adeo haec praesertim unitas peculiari & praecipuo primatus jure spectatur.

2 Neque vero hac in re quempiam illud praedictum impediāt, quo ex multorum praesertim adversariorum sensu creditur, Romanus Pontifex errasse aliquando, & errare posse in fide. Vide, quaeso, num traditionis testimonia, quae allaturi sumus, in exigenda omnino unitate fidei omnium Christianorum cum fide Romanae sedis & Romanorum Pontificum sint clara & convincentia; & num animadversiones in eandem rem inde deducendae, sint prorsus legitimae & manifestae: & siquidem haec sint ejusmodi, de quo uno hoc capite agimus; sequetur quidem statim, eos in fide nec errasse, nec posse errare, quibuscum in unitate fidei adherendum.

N esse

Ballerinius de Primatu RR. PP.

esse traditio adeo constans & aperta prodit: nec quod nonnulli eos errasse aliquando, ac posse errare consueverint, aut censeant, movebit illos, qui certæ traditioni omnes opiniones subjiciendas, nullam præferendam cognoscunt. Id quoque plures adversarios pupugit, qui propterea ne tantæ ac tam manifestæ traditioni contrairent, inter Romanam sedem, vel ecclesiam, ad quam traditionis testimonia & unitatis necessitatem referendam opinantur, ac inter Romanos Pontifices distinguendum putarunt. At sicut hæc distinctio ad tuendam suam opinionem inducta, partim ex dictis, partim ex dicendis expungenda est; ita objectos errores quorundam Pontificum, ex quibus eadem opinio probabilis videri potuit, vel falsis præsumptionibus nixos esse, vel non pertinere ad eam fidem, quam iidem Pontifices ex primatus officio proposuerint, ac declararint, ut fratres confirmarent in fide, unitatemque fidei in Ecclesia tuerentur ( hæc illa est, quæ cum exigit unitatem, tum vero ex Christi promissis ab errore debet esse immunis ), satis patebit ex iis, quæ in ultimo hujus operis capite pluribus differemus.

3 Illud tandem præmittendum, ne quis forte inter traditionis testimonia omittenda fuisse existimet pauca quædam ex antiquis Pontificibus sumta, ac si istis suæ sedis, sui que primatus prærogativas commemorantibus, in propria causa credendum non sit. Sed absit ( pro me respondet Bossuetus ): pari enim jure dixerint, ne Episcopis quidem aut presbyteris esse adhibendam fidem, cum sacerdotii sui honorem prædicant, Quod contra est: nam quibus Deus singularis honoris dignitatisque prærogativam contulit; iisdem inspirat verum de sua potestate sensum; ut ea in Domino, cum res poposcerit, libere & confidenter utantur, fiatque illud, quod ait Paulus: Accepimus spiritum, qui a Deo est, ut sciamus, quæ ab eo donata sunt nobis. Quod quidem hic semel dicere placuit, ut temerariam ac pessimam responsionem confutarem; profiteorque me de sedis Apostolicæ majestate, Romanorum Pontificum doctrinæ & traditioni crediturum. Quamquam eorum sedem non ipsi magis, quam reliqui ac tota Ecclesia atque Orientales haud minus, quam Occidentales prædicant: quod sane sequentia declarabunt.

*Defens. declar.*

*rat. l. 10. al.*

*15. 8. 6.*

*1. Cor. 2. vers.*

*12.*

## §. I.

*Insignis locus S. Irenæi, quo unitatem fidei cum Romanæ ecclesiæ, seu Romanorum Pontificum fide ex primatus jure cunctis Christianis necessariam expresse affirmat.*

4 Traditionem exordiar ab antiquissimo Patre, Martyre & Lugdunensi Episcopo S. Irenæo, qui Apostolicorum Patrum suppar & auditor fuit. Is in libris, quos contra hæreses pro catholica fide scripsit, eximium de primatu Romanæ sedis testimonium ponens, hujus primatus vim in necessitate unitatis fidei omnibus Christianis imposita veluti præcipuam inculcat. Perspicue nimirum de fidei doctrina, quæ in ecclesia Romana jam inde ab Apostolis per summos Pontifices sibi invicem succedentes traditur, sermonem faciens, affirmat in primis hac doctrina hæreticos atque hæreses detegi atque refutari. *Maximæ & antiquissimæ & omnibus cognita a gloriosissimis duobus Apostolis Petro & Paulo Romæ fundatæ & constitutæ ecclesiæ eam, quam habet ab Apostolis traditionem & annuntiatam hominibus fidem per successionem Episcoporum venientem usque ad nos, indicantes confundimus omnes eos, qui quoquomodo vel per sui placentiam malam, vel vanam gloriam, vel per cæcitatem & malam sententiam, præterquam oportet, colligunt: Dein vero rationem allaturus, cur ex hujus Apostolicæ ecclesiæ potius, quam ex aliarum traditione ac fide hæreticos & hæreses dignoscendas atque confundendas proposuerit, primatum ejusdem Romanæ ecclesiæ proprium assert, cujus præcipuum jus illud esse declarat, ut cum ea omnes undique catholicæ ecclesiæ in eadem utique fide convenire, seu concordare debeant. Ad hanc enim ecclesiam, inquit, propter potentiorē principalitatem necesse est omnem convenire Ecclesiam, hoc est eos, qui sunt undique fideles: ut scilicet ex hac concordia, seu unitate fidei cum fide Romana discernatur, quænam ecclesiæ, vel quænam Christiani teneant veram fidem veramque Christi doctrinam: alias si qui discordent, eorum doctrina hæresi deputetur, Principalitatis nomen ( ut optime advertit Ducangius ) pro principatu vel primatu*

*Lib. 3. contra  
hæres. c. 3.*



Epist. ss.

matu acceptum liquet ex Tertulliano *De anima* c. 13. *Ad hoc discurrere superest principalitas ubi est, idest qui cui praeest*. Hinc Remigius Antistiodorensis in *Cantica*: *Caput ergo Ecclesiae principalitas mentis intelligitur*. Et in libello precum Marcellini & Faustini ad Valentinianum atque Theodosium, *Vestra principalitatis imperium*. Porro *principalitas*, seu primatus Romanae ecclesiae, vel sedis, quam & S. Cyprianus *principalem* similiter vocat, *potentior* ab Irenaeo dicitur, ut primatus non meri ordinis & honoris, sed praecipuae jurisdictionis significetur. Cum ergo eam vim unitatis in eandem fidem cogendae propter potentiores *principalitatem* Romanae ecclesiae tribuat, praecipuum hujusce primatus jus in unitate fidei ab omnibus *undique* fidelibus & ecclesiis exigenda collocatum expresse docet. Notandum est autem, quod vis haec coactiva unitatis fidei cum fide Romanae ecclesiae non refertur in puram & genuinam ejusdem ecclesiae traditionem, quae aequae pura ac genuina in aliis Apostolicis sedibus per id tempus poterat inveniri, ex gr. in Ephesina, & Smyrneni quas subinde Irenaeus laudat; sed in *potentiores* illius *principalitatem* refertur, quae ejusdem ecclesiae, seu Romanorum Pontificum propria, satis per se ad ejus fidei, quam iidem Pontifices tradunt, unitatem omnes Christianos cogit.

5. Idipsum alia ratione ex toto Irenaei contextu exploratius explicare & confirmare libet. Inviatum loco laudato & peremptorium contra omnes haereses argumentum S. Episcopus intorquet ex traditione *in toto mundo manifestata* ab Apostolis, seu ex omnium ecclesiarum, quas instituerunt Apostoli, traditione. Ut autem haec omnium ecclesiarum Apostolicarum traditio elucescat, recolendos ait eos, *qui ab Apostolis instituti sunt Episcopi in ecclesiis & successores eorum usque ad nos*; & videndum, quid docuerint ac doceant ii, quibus locum *magisterii* tradiderunt, & si quidem inveniatur ipsos *nihil tale docuisse, neque cognovisse, quale ab his* (haereticis) *deliratur*; hos statim confundi oportebit. Notandum obiter Irenaeum non existimasse provocandum ad populum, vel clerum ecclesiarum Apostolicarum, ut Apostolica traditio ac fides ex ipsis erueretur, sed ad Episcopos, quibus docendi munus & auctoritas est. Porro ut omnium ejusmodi ecclesiarum detegeretur traditio, num interrogandos credidit omnium vel plurium Apostolicarum sedium Episcopos? Cum id nimium difficile, ac longum nimis fuisset; solius Romanae ecclesiae suc-

successionem Irenæus subtexuit; & ad ostendendam omnium  
 aliarum sedium ac totius Ecclesiæ traditionem, qua satis su-  
 perque confunderentur quæcumque hæreses, unius Romanæ  
 ecclesiæ traditionem ac fidem a Romanis Pontificibus propo-  
 sitam sufficere iudicavit. *Sed quoniam, ait, valde longum est*  
*in hoc tali volumine omnium ecclesiarum enumerare successiones;*  
*maximæ & antiquissimæ & omnibus cognitæ a gloriosissimis duobus*  
*Apostolis Romæ fundatæ & constitutæ ecclesiæ* &c. ut supra. Cur  
 autem satis esse crediderit Romanorum Pontificum seriem ac  
 traditionem proferri ad ostendendam omnium aliarum eccle-  
 siarum ac totius catholicæ Ecclesiæ traditionem, qua hæreti-  
 ci detegantur & confundantur, ut ne opus sit aliarum Apo-  
 stolicarum ecclesiarum successiones traditionemque adjicere,  
 his ante relatis verbis probat: *Ad hanc enim ecclesiam (Ro-*  
*manam) propter potentiorē principalitatem necesse est omnem*  
*convenire Ecclesiam, hoc est eos, qui sunt undique fideles, in qua*  
*semper ab his, qui sunt undique, conservata est ea, quæ est ab*  
*Apostolis traditio.* Cognita ergo traditione ac doctrina fidei  
 Romanæ ecclesiæ ab ejus Pontificibus edificanda, omnium cat-  
 holicarum ecclesiarum ac universæ Ecclesiæ traditio innotescit,  
 quia certum est omnes cum ea vi primatus ejus in ne-  
 gōtio fidei convenire oportere, & ex necessaria fidei unitate  
 in ea semper conservatam fuisse ab his, qui sunt undique (idest  
 ab omnibus vere fidelibus totius orbis ecclesiis), eam, quæ ab  
 Apostolis est, traditionem. Vides non solum necessariam uni-  
 tatem omnium fidelium cum Romana traditione ac fide, ve-  
 rum etiam semper ab omnibus vere fidelibus ita fuisse custo-  
 ditam, ut ob hanc unitatem conservata fuerit Apostolica tra-  
 ditio ab iis vere fidelibus, qui eidem fidei constanter adhæ-  
 serunt; eos autem, qui ab ea defecere, ad hæresim deflexisse,  
 & hæreseos nota confundi oportere. Hoc argumentum a  
 successionem ac traditionem Romanam ductum adeo evidens & ef-  
 ficax Irenæo visum, ut recensitâ Pontificum Romanorum  
 successionem concluderet: *Hac ordinatione & successione ea, quæ*  
*est ab Apostolis in Ecclesia traditio & veritatis præconatio (idest*  
*prædicatio), pervenit usque ad nos: Et est plenissima hæc osten-*  
*sio, unam & eandem vivificatricem fidem esse, quæ in Ecclesia*  
*ab Apostolis usque nunc sit conservata & tradita in veritate.*  
 Non esset autem evidens & plenissima ostensio, nisi veram &  
 absolutam necessitatem conveniendi cum Romana fide omni-

bus catholicis impostam & exactè custoditam credidisset. Vide hoc de argumento dissertationem tertiam Cl. editoris Galii P. Massuet art. 4. ex quo hæc pauca excerpo ; *Unius ecclesiæ Romanæ traditionem per continuam Episcoporum successionem in ea conservatam consulere satis habuit (Irenæus) , ut hæreticos omnes confunderet , ratus jure merito , ea semel cognita illico aliarum omnium ecclesiarum traditionem , sententiam , atque doctrinam cognosci . Cum enim ecclesia Romana omnium princeps , caput , & prima sit ; omnium maxima & antiquissima , & maxime cognita , ab Apostolorum principe Petro ejusque socio Paulo fundata , quæ ceteris omnibus pro suo jure præsit & dominetur .* **CUM QUA OMNES omnino fideles UNIUS ET EIUSDEM FIDEI ET COMMUNIONIS VINCULIS COL-LIGARI NECESSE SIT**, inde liquido patet aliam esse non posse aliarum ecclesiarum traditionem & fidem a fide & traditione Romanæ ecclesiæ, Prætermisissis itaque totius orbis ecclesiarum Episcoporum catalogis, illius unius continuam successionem recensere ac, quæ per hunc veluti canalem manavit usque ad nos, traditionem Apostolorum declarare satis est, ut ex communi omnium ecclesiarum, quæ cum Romana consentire debent, sententia & traditione devincantur omnes hæretici. Obiter porro hoc loco animadvertendum maxime videtur, ecclesiæ Romanæ fidei non ideo tantam vim Irenæum attribuere, a qua dissentientes hæresis notam incurrant, quia ad ipsam reliquæ ecclesiæ conveniunt in fidei doctrina, seu earum assensus invenitur accedere, sed ideo Irenæus docet, omnes ecclesias in negotio fidei concordare cum Romana, quia propter vim primatus necesse est omnes ad eam, seu eum ea convenire in fide, quod propriam vel præcipuam primatus vim maxime declarat. Hæc ad explicandam genuinam sancti Doctoris sententiam fusius dicenda putavi.

6 Nequid vero studio partium videatur ingestum, non-nullos Scriptores adversariis minime suspectos, qui eandem fati obviæ Irenæi sententiam in recitato textu deprehenderunt, subicere juerit. Necessitatem quidem unitatis in fide cum Romana ecclesia ex eodem textu palam deduci fateri debuit Nectarius Hierosolymorum Patriarcha, quantumvis schismaticus ( si modo ejus sunt, quæ Photiana typographia Jassii ad Transfritanam Daciam edidit ), tametsi ad elevandam sanctissimi & antiquissimi Patris auctoritatem id dictum assentationi,

tioni, seu favori adscribat. (1) Non mirum, inquit, si is qui sedi Romanæ suberat, conabatur sibi subiectos ad perfectum ejus obsequium provocare, quia & omnes ubique, qui essent fideles, ad unitatem ipsius propter potentiorē, ut ait, principalitatem. Et postquam agnovit hoc testimonio Romanam sedem Alexandrinæ & Antiochenæ præferri, concludit ex S. Doctoris sententia: *Neceſſe igitur eſt, ſi orbis univerſus coeat congregeturque, hanc primum locum habere; ceteras vero huic adherere, non neceſſitate ſubjectionis, ſed lege ordinis & unitatis.* Quod ſubjectionis neceſſitatem contra primatum jurisdictionis vir ſchiſmaticus excludit, id ex ſua interpretatione ac pravo ſenſu eſt; quod autem unitatis legem neceſſitatem agnoſcit, Irenæi mentem vel invitus exprimit. Unitatem vero fidei neceſſariam hoc Irenæi loco affirmari pervidit, & confeſſus eſt etiam Salmaſius in eo libro, quem contra Pontificum primatum lucubravit; unde S. Scriptoris textum his verbis præſius expoſuit. *Neceſſe eſt, dicit, omnem Eccleſiam convenire ad Romanam, ideſt, ut Græce loquutus fuerat Irenæus, οὐμβαίνε πρὸς τὴν ῥωμαίων ἐκκλησίαν, quod ſignificat convenire & concordare in rebus fidei & doctrina cum Romana eccleſia.* Et poſt pauca ab interprete græciſſante dictum ait, *ad hanc convenire eccleſiam pro cum hac convenire eccleſia.* Conſentiunt & Gallicani. Hinc Conventus Cleri Medoluni habitus anno 1579. unitatem fidei cum Romana fide præcipiens, rationem attulit Irenæi verbis: *Ad hanc enim (eccleſiam Romanam) propter ſuam principalitatem neceſſum eſt omnem convenire Eccleſiam.* Adeo hunc S. Doctorem de neceſſitate unitatis fidei loquutum credidit. Similiter Petrus de Marca id ſignificare ait S. Irenæum juxta ſincerioſam illorum verborum interpretationem, eam eſſe vim unitatis, quæ principium & originem à Petri ſede trahit, ut cum ea ſentiendi (utique in fide, de qua ipſius Sancti contextus loquitur) neceſſitatem ceteris imponat. Neque diſjungendus locus Paſchali Quesnelli, quem in eadem interpretationem proferemus ſcap. 14. num, 25. ex ſeptimo Memoriali, ubi Irenæi auctoritatem ex eo præſertim

*De primatu*

*Papæ. ſ. pag.*

*65.*

*1. 1. Concord.*

*c. 2. n. 6.*

(1) In Antirethico De principatu Papæ demonſtrat. 4. apud Epapodopolim Prænotion. My-

ſagog. reſponſ. 6. §. 2. n. 3. pag. 351.

tim hac in re maximi faciendum monet, quod etsi Occidentis Episcopus fuerit, Orientalis tamen origine fuit, omniumque Orientis ecclesiarum traditionem ad nos attulit, litterisque transmisit, scripsitque ( ut addit Petrus de Marca ) quod omnes sentiebant. Notatu quoque dignum est testimonium Jacobi Nicolai Colbert Archiepiscopi Rothomagensis in Instructione pastorali ad parochos suæ diæcesis data die 5. Julii anni 1699. quæ legitur in editione Synodorum Rothomagensium part. 2. pag. 200. Hæc ad verbum Latine reddita profero: *S. Irenæus aque urget hæreticos argumento traditionis; & ad cognoscendum quid Apostoli docuerint, remittit ad doctrinam Apostolicarum ecclesiarum, ac præsertim ad illam ecclesiæ Romanæ, ad quam affirmat omnes fideles debere in unitate adhærere ob suam auctoritatem principalem.* Hæc ex Gallis, nec non ex hæreticis & schismaticis ipsis proferre libuit, ne quis Irenæum in meum systema a me violenter distortum suspicetur: sed eos potius, quicumque aliam interpretationem asserendam putarint, aliorum omnino a sensu obvio distrahere ejus verba omnes intelligant. Mirum enimvero accidere debet, inveniri quempiam potuisse, qui verbum *convenire* accipiendum crediderit de eo concursu, quo e toto Romano Imperio variis de causis Romam tamquam ad Imperii caput quamplurimi consuebant. Quid enim hoc ad rem, de qua Irenæus ibidem agit? Num ex Romanæ ecclesiæ fide ac traditione hæreticos confundi ( quod sibi probandum idem Sanctus proposuerat ) eo argumento vincitur, quia omnes ex universis Romanis provinciis in urbem concurrere necesse est? Ridiculum & impertinens id fuisset. At si de necessitate conveniendi in fide cum Romana ecclesia illud verbum sumatur, ut & præmissa, & sequentia contextus verba ad fidem pertinent; argumentatio legitima est, optimeque omnia cohærent. Confer, si libet, laudatum Irenæi editorem P. Massuetum in præfatione art. 4. n. 32. ubi hanc distortam interpretationem pluribus explodit.

## §. II.

*Tertulliani testimonium ductum ex necessitate conveniendi cum fide Ecclesiarum Apostolicarum, quæ necessitatem evincit conveniendi cum fide præsertim Romanæ & Apostolicæ ecclesiæ.*

7- Apostolicas ecclesias, quas scilicet ipsi Apostoli ædificaverunt, radices & matrices esse Apostolicæ fidei, quæ in alias subinde ab aliis in ejusdem fidei fundamento constructas manavit, recte probat Tertullianus in libro de *Præscriptiõibus* cap. 21. Hinc vera Apostolica fides ut discernatur, exquiri voluit, conspiret nec ne cum harum Ecclesiarum fide, ex quibus tantum propagari potuit: *Constat proinde, inquit, omnem doctrinam, quæ cum illis ecclesiis matricibus & originalibus fide conspiret, veritati deputandam; id sine dubio tenentem, quod ecclesiæ ab Apostolis, Apostoli à Christo, Christus à Deo suscepit: reliquam vero omnem doctrinam de mendacio præjudicandam.* Et infra: *Communiamus cum ecclesiis Apostolicis, quod nulla doctrina diversa: hoc est testimonium veritatis.* Quod si cum fide ecclesiarum Apostolicarum conspirare omnium catholicorum fides debet, ut Apostolica & vera esse probetur; convenire præsertim debet cum fide Romanæ ecclesiæ, quæ inter Apostolicas prima est, & primatus jure conveniendi necessitatem omnibus undique fidelibus, ac proinde ipsis etiam Apostolicis imposuit ecclesiis, ut ex Irenæo audivimus. Romanæ quidem ecclesiæ auctoritatem Africanis fuisse maximam idem Tertullianus eodem in opere disertè prodidit cap. 36. ubi Romam nominat, unde nobis quoque auctoritas præsto est. Et in unitatem profecto fidei, de qua totus ibidem ab eo instituitur sermo, hanc auctoritatem apud Africanos obtinuisse, satis ostendunt illa, quibus laudata Romanæ ecclesiæ doctrina fidei hæc subjicit: *Videamus, quid dixerit, quid docuerit, quid cum Africanis ecclesiis confesserit: quod postremum verbum tesseram illam catholicæ communionis indicat, quam unius & ejusdem fidei testimonium affirmaverat cap. 20. Confessio enim hospitalitatis, quæ hoc capite vigesimo memoratur, refertur ad tesseram, seu libellum fidei, quem ab ho-*

*Basiliensis de Primatu RR. PP.*

O

spiti-

spiritibus Romana Ecclesia exigebat, ut illos post unius & ejusdem fidei professionem in S. Petri communionem reciperet; quam consuetudinem colligere licet ex Concilio octavo act. 4. in fine, ubi hæc habentur: *Mox est in Romana ecclesia ab omni homine hospite libellum fidei exigendi, Et ita remitti hunc in S. Petrum intrare.* Idem ergo apud Tertullianum est videre quid Romana Ecclesia cum Africanis ecclesiis contesserarit, ac videre, num communionem ob fidei unitatem eisdem ecclesiis concesserit, non aliter sperandam, nisi credatur, quid illa ecclesia dixerit, quidve docuerit: unde totus hic Tertulliani textus refertur ad unitatem fidei atque doctrinæ.

8. Specialis sane ejusdem Romanæ ecclesiæ auctoritas in hac unitate, seu *contestatione fidei* ab Africanis exigenda repeti potest ex origine, qua videlicet a Romana ecclesia Evangelium ad ipsam African venit, ut Augustinus scribit epist. 43. n. 7. unde auctoritatis nomen pro origine, seu pro vi & auctoritate, quam originis ratio vindicat, a Tertulliano loco laudato de *Praescriptionibus* sumtum P. Lupus existimat. At hæc originis ratio pro Africanis aliisque Occidentalibus ecclesiis Romanæ sedis peculiaris, generalem primatus vim, quæ eandem fidei unitatem ab omnibus etiam Orientalibus & Apostolicis quoque ecclesiis? jam inde ab Apostolorum origine exigit, haudquaquam excludit. Immo fortiores esse in exigenda fidei unitate primatus vim, quæ uni Romanæ ecclesiæ præ omnibus Apostolicis competit, quam vim originis, quæ aliis quoque Ecclesiis Apostolicis congruit in illas, quæ ex ipsis propagatæ fuerunt, inde patet, quod aliis Apostolicis ecclesiis jus nullum exigendæ unitatis fidei potuit competere, nisi ipsæ unitatem fidei cum Romana ecclesia custodirent, a qua unitate cum primum desciverunt, nullum ipsis jus in unitatem exigendam reliquum fuit; uti sane nullum nunc eandem obtinent, cum jam omnes ab ejus unitate defecerint. Adeo solius Romanæ ecclesiæ unitas in fide præ omnibus aliis Apostolicis & originariis ecclesiis necessaria est; & non ob meram originis, sed ob fortiores & personalem primatus vim necessaria, uti hinc quidem propter potentiores principalem cum una Romana Ecclesia necessariam S. Irenæus affirmavit. Vide dicenda inferius n. 42. & seqq. ubi de Apostolicitatis titulo redibit sermo.

Schol. in  
c. 16. de Prescrip.

\* Vide supra  
c. 12. n. 49.



*Loca S. Cypriani, quæ unitatem communionis & fidelitatem cum S. Petri cathedra, seu summo Pontifice necessariam adstruunt. Difficultas ex questione de baptismo ab eo habita cum S. Stephano Papa excutitur.*

9. Plura hic sanctissimus Martyr unitatis Ecclesiasticæ propugnator acerrimus suggeret. Is nimirum Romanæ sedis seu S. Petri primatum magnifice prædicans, illud fere unum tamquam præcipuum frequenter urget, quod exinde unitas catholica originem ducit. *Petri cathedra atque ecclesia principalis*, inquit epist. 55. *unde unitas sacerdotalis exorta est.* Et epist. 70. *Una est Ecclesia a Christo Domino super Petrum origine unitatis & ratione fundata.* Et epist. 73. *Petrus super quem Dominus edificavit Ecclesiam, & unde unitatis originem instituit.* Et in libro de *Unitate Ecclesiæ* *Unitatis originem ab uno Petro* (de quo contextus loquitur) *incipientem sua auctoritate disposuit.* Si autem catholice unitatis origo ab uno Petro est; præcipuam ergo & personalem vim unitatis formandæ eidem Petro traditam a Christo S. Martyr agnovit, non vero meram vim ejus unitatis representandæ. Quod si in eodem libro hæc vis tantum unitatis representandæ Petro videtur attributa, cum scribitur, *ut unitatem manifestaret*, vel *ut Ecclesia Christi una monstraretur*; non ideo tamen hæc a vi præcipua Petri unitatis ipsius originem continentis atque formantis disjungitur. Sic enim integer textus habet etiam ex editione Oxoniensi & Baluziana, ubi nonnulla pro primatu Petri olim vulgata, ex nonnullorum codicum lectione expuncta fuerunt. *Quamvis Apostolis post resurrectionem suam parem potestatem tribuat, . . . tamen ut unitatem manifestaret, unitatem ejusdem originem ab uno incipientem sua auctoritate disposuit.* Hoc erant utique & ceteri Apostoli, quod fuit Petrus, pari consortio præditi & honoris & potestatis; sed exordium ab unitate profisciscitur, *ut Ecclesia Christi una monstraretur.* Petri primatum hinc everti Felus & Simon Goulartius contendunt; eo quod Apostoli S. Petri potestate pares dicantur. Sed non observarunt pares dici omnes excepta vi non solum representandæ, sed exor-



*dicenda præsertim, seu formandæ unitatis, quæ uni Petro asseritur. Hanc autem vim aliis in locis a S. Martyre constanter & luculentius expressam, ex ipsius mente vim esse primatus propriam atque præcipuam dubitare non licet, cum præsertim loco laudato ex epist. 55. Petri cathedram ecclesiæ principalem affirmet, ex qua unitas sacerdotalis exoritur: quæ verba unitatis ejus formandæ vim principalitatis ipsius cathedræ propriam atque præcipuam significant.*

10. Quomodo autem Petrus, & eodem jure successores ejus Romani Pontifices sint catholicæ unitatis origo, eamque præcipua vi forment in tota Ecclesia atque conservent, intelligi potest ex ejusdem epist. 69. ubi Ecclesiam unam definiens, ejusque unitatem describens ait: *Plebs sacerdotum coadunata, & pastori suo grex adhærens.* Sicuti vero in particularibus ecclesiis quilibet sacerdos & pastor, idest Episcopus unitatis suæ cujusque particularis ecclesiæ origo est, eandemque unitatem eatenus format atque conservat, quatenus ipsi, qui radix & centrum est unitatis, tota ipsius ecclesiæ plebs coadunari, & totus grex adhærere in unum debet, ut ex plebis ac gregis unione cum suo sacerdote atque pastore ecclesia una fiat; ita in universali Ecclesia unus summus sacerdos ac pastor S. Petrus & Romanus Pontifex, qui Petro succedit, catholicæ unitatis origo est, unitatemque totius Ecclesiæ catholicæ format & continet, quatenus ipsi ut radici ac centro ejusdem unitatis, coadunari atque adhærere debent omnes & fideles & Episcopi, ut ex pluribus particularibus plebibus gregibusque ei supremo sacerdoti atque pastori adhærentibus, unus grex, & Ecclesia una universalis coalescat. Ita quidem optime efficitur, ut Ecclesia catholica, pluribus licet in locis dispersa, sit utique connexa & coherens sibi invicem sacerdotum glutino copulata; uti a S. Cypriano in eadem epistola traditur. Id scilicet alia ratione non fit, nisi quia omnes particulares ecclesiæ suo cujusque Episcopo adhærentes, per ipsos Episcopos tamquam sacerdotum glutino omnes copulantur in Petro & successoribus ejus tamquam in centro & origine unitatis totius catholicæ Ecclesiæ, a quo cum sacerdotalem quoque unitatem exoriri tradat Cyprianus epist. 55. omnium quoque sacerdotum seu Episcoporum unitatem eo in centro formari, & per hoc centrum coherere sibi invicem omnes; eidemque una cum suis plebibus omnes adhærere, & ita totam connecti Ecclesiam, unitatem-

tatem-

tatemque catholicam compingi & contineri indicavit. Hinc porro intelligitur, quid sit, & quatenus primatui nihil præjudicet illud, quod idem S. Martyr scripsit in memorato libro *De unitate Ecclesiarum*, cum Episcopatum unum & indivisum affirmavit, *cujus a singulis in solidum pars tenetur*. Ita Episcopatus unus est ex Cypriani sententia, quomodo Ecclesia est una; ac proinde pars Episcopatus in solidum tenetur ab unoquoque Episcopo, quatenus ab unoquoque regitur sua particularis ecclesia, seu suus particularis grex, qui est (1) pars Ecclesiæ totius: summus autem Pontifex S. Petri successor, etsi uti Episcopus omnium particularem Romanorum gregem regit, qui item catholice Ecclesiæ pars est; cum tamen ex primatu, quo toti Ecclesiæ præsidet, unitatis totius Ecclesiæ centrum & origo sit ex ipsa Cypriani sententia; in eo particulari Romano Episcopatu, cui ob Ecclesiæ bonum alligatus fuit, uti ex (2) Bossueto notavimus c. 1. n. 2. eam Episcopatus partem tenet, in quam tamquam centrum ceteros omnes Episcopos cum suis cujusque gregibus secum coagmentans, ex universis istis partibus secum unitis unam Ecclesiam & Episcopatum unum efficit atque constituit. Hac de causa idem S. Doctor eodem in opere exempla aut similitudines subiicit multorum ramorum, qui unum robur, seu arborem in radice, cui adhærescunt, efformant; nec non multorum rivorum, quorum unitas servatur in origine: quibus exemplis indicare profecto voluit, ex multis Episcopis Episcopatum unum, & ex multis ipsorum gregibus atque ecclesiis particularibus unam Ecclesiam similiter constitui, propterea quod in Romano Pontifice, quem unitatis (3) radicem atque originem fassus est, omnes Episcopi cum suis ecclesiis coalescunt, atque conglutinantur.

11. Ex his autem principiis a Cypriano præstitutis

O 3

aper-

(1) *Portio gregis singulis pastoribus adscripta* dicitur a Cypriano epist. 55.

(2) Ita quoque unitatis catholice centrum fixum ac certum est, ut in bonum unitatis esse

debit.

(3) In epist. 45. *catholice ecclesie radicem & matricem* idem Cyprianus nominat Romanam ecclesiam.

aperte sequitur necessitas unitatis omnium ecclesiarum & Episcoporum cum Romano Pontifice, ut ecclesia una & Episcopatus unus compingatur, atque servetur. Sicut autem cum Episcopo, qui centrum est unitatis suae particularis ecclesiae, adeo necessaria est singulorum ejus gregis unitas ex ipsius

**Epist. 69.** Sancti Martyris sententia, ut *si quis cum Episcopo non sit, in Ecclesia non sit*; ita, immo multo magis cum Romano Pontifice, qui centrum est unitatis totius catholicae Ecclesiae, unitas omnium adeo est necessaria, ut (1) si quis cum Romano Pontifice non sit, nec sit in Ecclesia. Dixi multo magis, quia multo magis necessaria est unitas cum summo Pontifice centro universalis, quam cum Episcopo centro particularis ecclesiae. Cum hoc enim particulari centro eatenus necessaria est unitas, quatenus ab eo separatus, a catholica quoque seu universalis Ecclesiae centro, cui ipse cum suo grege adhaeret, ac proinde ab ipsa catholica Ecclesia separatus est.

adeo

(1) Hinc in lib. de Unit. Eccl. legitur: *Qui cathedram Petri, supra quem fundata est Ecclesia, deserit, in Ecclesia esse confudit?* Quae verba si glossa quispian velut Cyprianico textui insertum; similem tamen sententiam (uti recte monuit editor Benedictinus) ex aliis locis ejusdem operis eliciet, cum illum, ex. gr. qui ab ea unitate recedit, haberi vult tamquam ramum arboris a radice separatum, qui nec ad radicem, nec ad arborem amplius pertinet; ubi arbor ex Cypriani mente Ecclesiam significat, radix autem, unde arboris & ramorum unitas proficiscitur, significat Romanum Pontificem, ex quo unitas Ecclesiae originem ducit. Id pariter sequitur ex Cypriani principiis, quibus Petri cathedra unitatis Ecclesiae catholicae ori-

ginem asserit. Qui enim hanc deserit, deserens originem unitatis Ecclesiae catholicae, nec unitatem Ecclesiae se tenere, nec in Ecclesia se esse considere potest. Verum ea verba uti Cyprianica satis vindicantur ex Pelagii II. epist. ad Episcopos Istriae, & a nonnullis etiam codicibus antiquis, ex quibus ea praferuntur in editionibus Marnii, atque Pamelii, retinentur, quae in aliis Gallicanis etiam Regalii excepta Baluziana. Certe hunc locum veluti genuinum S. Cypriani laudavit Clericus Gallicanus coactus Parisiis an. 1682. in litteris ad Archiepiscopos, Episcopos &c. scribens: *Fidenter cum B. Cypriano pronuntiamus, cum, qui cathedram Petri, super quam fundata est Ecclesia, deserit, in Ecclesia non esse.*

adeo ut si unitas cum summo Pontifice unitatis catholice centro confisteret, nihil obesset separatio ab Episcopo; sicut e contra unitas cum suo Episcopo nihil prodesset, sicubi separatio a Papa obtineret. Cyprianus quidem perinde necessariam habuit unitatem cum Romano Pontifice, ac unitas cum catholica Ecclesia necessaria est; quippe quod non aliam novit Ecclesiam catholicam, nisi quæ *super unum Petrum ædificata*, eidem adhæret. Hinc unitatem cum Romana sede veluti unitatem catholice Ecclesiæ exhibet epist. 45. ad Corneliū Papam, ubi de eadem unitate sollicitus, se curasse ait, ut *Te conlegæ nostri, & communionem tuam, id est catholicæ Ecclesiæ unitatem pariter & caritatem probarent firmiter ac tenerent*. Rursum epist. 52. ad Antonianum communionem cum eodem Cornelio ita explicat: *Hoc est cum catholica Ecclesia communicare*. Qui ergo cum Romano Pontifice non communicat, nec communicat cum Ecclesia catholica; & unitatis Ecclesiæ catholice expers est, qui cum illo unitatem non tenet. Enimvero cum unitatis catholice centrum & radix sit Romanus Pontifex, qui eam unitatem format & continet, ut ex Cypriano collegimus; non alia proprie est catholice Ecclesiæ unitas nisi unitas cum Romano Pontifice, ita ut jure idem sit communicare & unitatem tenere cum hoc, atque Ecclesiæ catholice communionem & unitatem tenere: adeo altera sine altera stare non potest; nec minus una quam altera necessaria est.

12. Neque vero ex his solius communionis unitatem cum Romano Pontifice novit Cyprianus, non vero unitatem fidei. De hac quidem secunda unitate non ita expressa suppetant ejusdem S. Martyris testimonia, quia de hac expresse agendi occasio ipsi defuit. At nonnulla indicia seu principia ab eodem inspersa rem ipsam patefaciunt. In primis illud observare juvat, *Episcopatum unum* ab eo appellari epist. 52. *ex Episcoporum multorum concordia*: quæ quomodo fiat, explicat in libro de *Unitate Ecclesiæ*, ubi inculcat *unanimem consensionem in pascendo Christi grege*; & locum Pauli ad Ephesios c. 4. allegans, in quo varia inter capita unitatis *una fides* recensetur, hanc unitatem ab Episcopis tenendam & vindicandam monet, ut *Episcopatum quoque ipsum unum atque indivisum probent*. Hinc sane Salmasius hunc Cypriani textum exponens in libro *De primatu Papæ* c. 5. pag. 79. aperte fatetur, *Ut Episcopi sint concordēs & unum Episcopatum*

*omnes constituent. consensus sane omnium facit, & in unam fidem ac doctrinam unanimis conspiratio. Equidem Episcopatus eadem unitate unus est, qua Ecclesia est una, nimirum tum communionis tum fidei unitate: & quatenus omnes Episcopi in ejusdem communionis ac fidei unitate coalescunt, omnes quantumvis per Orbem dispersi unum Episcopatum constituent. Cum vero hujus unitatis sacerdotalis, seu Episcopalis centrum & origo ex Cypriani sententia sit Romanus Episcopus; ad istam unitatem formandam & continendam opus profecto est, omnes Episcopos in ejusdem communionis & fidei unitatem cum eodem centro & origine convenire, ne quis centrum hoc & originem unitatis deferens, ipsam deserat unitatem, & Episcopatum dividat atque discindat.*

13. Apertius aliquanto de unitate fidei suam mentem Cyprianus explicat epist. 55. ad Cornelium, ubi (1) unum in Ecclesia Episcopum esse & agnosci oportere statuit, non minus ut schismata, quam ut hæreses impediuntur. *Nique enim, inquit, aliunde hæreses abortæ sunt, aut nata sunt schismata, quam inde, quod sacerdoti Dei non obtemperatur, nec unus in Ecclesia ad tempus sacerdos, & ad tempus iudex vice Christi cogitur; quibus similia leguntur in epist. 69. Cum quispiam nullo in dogmate errans ab hujus sacerdotis communione se subtrahit, schismata exorta sunt; cum vero ab ejus fidei doctrina se subtrahit, natæ sunt hæreses. Agnosci igitur debet in Ecclesia unus sacerdos, vel Episcopus, cum quo omnes communicent, ut impediuntur schismata, & cui in fidei unitate omnes cohæreant, ut hæresibus aditus intercipiatur; sicque in illo, atque per illum tota catholicæ Ecclesiæ unitas vindicetur. Hic autem unus sacerdos aut Episcopus, non quivis particularium ecclesiarum Episcopus esse potest, qui solum suum particularem gregem jus habeat, sed unus est summus sacerdos Romanus Episcopus, cui tota Ecclesia, ac totius Ecclesiæ unitas commissa est. Quod si unum*  
sacer-

(1) Id sumptum videtur ex epist. 45. Cornelii ad ipsum Cyprianum, ubi unum Episcopum in catholica Ecclesia esse de-

bere ex ipsorum Novatianorum unitatem catholicam expetentium concessione proditur



*sacerdotem, vel Episcopum unum pro ipso Episcopatu, qui in omnibus Episcopis unus est, Cyprianus sumpsit, ut nonnulli existimant; quemadmodum & apud Agobardum omnes quoque fideles esse dicuntur sub capite summo unus sacerdos, id propositum nostrum ex Cypriani sententia nihil infirmat. Cum enim ex ipsius mente Episcopatus non aliter unus sit, quam in Romano Pontifice & in Petri cathedra, unde unitatem sacerdotalem, idest Episcopatus unitatem, exortam tradidit; communionis & fidei unitas ad impedienda schismata & hæreses non aliter per unum Episcopatum vindicare & custodiri poterit, nisi omnes etiam Episcopi cum Petri cathedra, seu cum Romano Pontifice S. Petri successore non minus communionis, quam fidei unitate adhærere, Id autem multo magis suadebitur, si animadvertamus hæreses quidem numquam natas fuisse in Ecclesia adhærendo huic centro unitatis & catholicæ fidei, at natas deferendo; licet idcirco quis se ab hujus sedis fide separaverit, ut adhæreret alicui etiam Apostolicarum sedium Episcopo, qui fidei causa Romanum Pontificem deseruerat, ut ex Ecclesiasticis Annalibus notum est. Itaque ex Cypriani principiis stat, cum Romano Pontifice non minus fidei, quam communionis unitate adhærendum esse, ne in partem alteram catholica unitas discindatur.*

14. Hic opponet fortasse quispiam ea, quæ idem Cy-De Cypriani prianus contra Stephani Pontificis decretum scripsit in disputatione de hæreticorum baptismo, in qua cum ipsius decreti sententiam errore notaverit; unitatem fidei cum eo tenendam non credidit. Hæc vero si intelligantur de errore definitionis Pontificiæ in doctrina fidei, conciliari proculdubio nequeunt cum iis, quæ ante exortam de baptismo quæstionem Cyprianus scripserat ad Cornelium Stephani prædecessorem epist. 55. ubi impugnans Fortunatum & Felicissimum, aliosque Africæ schismaticos, qui cum mendaciorum suorum merce Romam transmiserant ad fallendum Pontificem, eorum audaciam his verbis coarguit: *Navigare audent, & ad Petri cathedram a que ad ecclesiam principalem, unde unitas sacerdotalis orta est, a schismaticis & profanis litteras ferre; nec cogitare eos esse Romanos, quorum fides Apostolo prædicante laudata est, ad quos perfidia habere non possit accessum. Si perfidia, seu error in fide ad Roman-*

*De privi.  
& jure sa-  
cerd. c. 2.*

*sententia  
contra decre-  
tum Step-  
hani Papæ.*

Error in Cy-  
priano, non  
in Stephano  
fuit.

nos (1) Pontifices non solum non habuit, sed nec *habere potest accessum*; quis non videat, cum his haudquaquam cohaerere illa, quibus Cyprianus Stephano una cum Romanis eidem adhærentibus errorem in negotio fidei imegisse credatur? Ipse quidem Cyprianus in hac causa erravit, ut omnes fatentur, non vero Stephanus, quem ab omni erroris suspitione luculentissime vindicarunt inter ceteros P. Constantius dissertatione in tom. 1. Epist. Roman. Pontificum vulgata. & ejusdem Stephani epistolis subjecta pag. 227. nec non Jacobus Benignus Bossuetus in Gallico opere contra Dupinum tom. 2. operum posthumorum edit. Paris. an. 1753. pag. 538. & ideo quidem erravit Cyprianus, quia Stephani decreto non adhæsit. Errore ergo impeditus, non tam contra Stephanum scripsit Carthaginensis Episcopus, verum etiam contra se ipsum quodammodo, seu contra illa, quæ ante ejusmodi dissidium ad Cornelium scripserat. Num vero credendum est iis, quæ pro errore & ex erroris præjudicio scripsit contra decretum Stephani, an potius iis, quæ nullo erroris præjudicio abreptus, in litteris ad Cornelium professus fuerat cum aliis itidem ab se se alibi scriptis cohaerens, ex quibus non tam communionis quam fidei unitas necessaria colligitur cum ea cathedra principali unitatis centro atque radice, quæ omnes ecclesias secum adhærentes in unitate continens, fidem Apostolicæ ore laudatam ita integram servat, ut ad eam perfidia, & error fidei non habeat, nec habere possit accessum? Hac in re Tertulliani exemplum mihi venit in mentem, qui postquam Montanistarum hæresi fuit irretitus, Apostolicarum ecclesiarum communionem ac traditionem, quam antea tantopere prædicaverat, posthabuit. Num quis hinc contra Apostolicas traditiones argumentum ducet, earumque vim summam & ineluctabilem ex Tertulliani libro de *Prescriptionibus* constituendam omittet? Cum ille post tam insigne testimonium veluti tempestate delatus esset ad Montanistas, quibus uti-

(1) *Ad Romanos Pontifices* inquam; quæ enim prærogativæ Romanis tribuuntur & competunt, e ratione primatus dimanant, qui summorum Pontificum personalis est ex consti-

tutis c. 3. idque multo magis valet, cum agitur de materia fidei, cujus doctrina ab Episcopo, qui docendi cathedram tenet, omnino pendet.

utique nulla erat cum Apostolicis ecclesiis communio; omnisque Apostolica adversabatur traditio; tanto præjudicio occupatus, quid ex principiis in libro *prescriptionum* statutis fluere, videre non potuit. Simile quidpiam etiam de Cypriano dicendum videtur, cum in quæstione de hæreticorum baptismo pro errore contra Stephani Papæ decretum pugnavit. Quam comparisonem non perinde accipi velim, ac si parvis pertinaciæ & gravitatis fuerit Cypriani ac Tertulliani error, cum mihi notum sit multis nominibus errorem Cypriani sanctissimi Episcopi excusabilem, immo & venialem fuisse; sed eo tantum sensu atque consilio eandem comparisonem proposui, ut quisque animadvertat, veram Cypriani mentem circa Pontificiam auctoritatem, & unitatis necessitatem non ex iis locis deducendam, quæ idem Cyprianus æstu disputationis abreptus in defensionem erroris adversus Stephanum scripsit, sed ex iis, quæ ipse ab ejusmodi præjudiciis liber, pro Apostolicæ cathedræ prærogativa, & pro necessaria non tam communionis, quam fidei unitate, coherens cum aliorum Patrum traditione ante hanc controversiam statuerat.

15. Ceterum verior<sup>Verior Cy-</sup> S. Cypriani excusationem in memorato errore tuendo non ex eo tantum fumendam existimo, quod in re multis altercationum nebulis involuta ac tum maxime controversa majorum suorum consuetudinem gravissimis non tam rationum, quam auctoritatum momentis nitam, synodis etiam provincialibus approbatam, nondumque concilio plenario rejectam defenderit; verum etiam quia neque ab ipso Stephano fuerat dogmatico judicio definita in iis ad Cyprianum litteris, in quibus nulla fuit proprie dicta definitio fidei, sed præceptum practicum, quo idem Pontifex nihil ex catholica fide credendum proponens, in modo recipiendi eos, qui ab hæresi ad unitatem Ecclesiæ venirent, consuetudinem Romanæ ecclesiæ ita amplectendam præscribebat, ut ab illis, qui diversam consuetudinem non solum in Africanis, sed & in aliquot Asiæ populosisimis atque insignibus provinciis a majoribus receptam, synodicisque constitutis munitam sequerentur, Stephani decretum referri potuerit ad materiam non fidei, sed disciplinæ, vel opinionis nondum definitæ, in qua non perinde unitas cum Romana ecclesia necessaria est, ut in dogmatibus ac definitionibus fidei est penitus necessaria. Nullum vero proprie dictam definitio-



*Epist. ad  
Magnum.*

nem fidei in Stephani litteris ad Cyprianum hac in re fuisse expressam, sed merum præceptum, quod ad disciplinam & opinionem diutius etiam post Cypriani ac Stephani ætatem relatum fuit, patebit ex dicendis num. 53. ubi de hoc argumento alia congruentiori occasione agendum erit. Cyprianum proculdubio suam consuetudinem atque sententiam etsi ad materiam fidei aliquot in locis videatur referre, non tamen ad proprium & certum dogma fidei definitione constitutum, sed ad opinionem, quæ in ipsis disciplinæ controversiis locum habet, retulisse ex eo manifestum est, quod *nemini aliter sentienti præjudicari voluit, quominus unusquisque quod putaverit sentiat, & quod senserit faciat. Neminem* (ut in Concilio tertio Carthagenensi ait) *judicantes, & a jure communionis, si diversum senserit, amoventes.* Stephanus quoque in hac materia, quæ re ipsa pertinebat ad fidem, sed in magnam controversiam inter catholicos doctos sanctosque Episcopos adducta, nondum fuerat peremptorio judicio definita, suum decretum ita temperavit, ut Romanam consuetudinem, quæ veram doctrinam continebat, præcepto & excommunicationis minis sequendam præscribens, veræ doctrinæ provideret; sed œconomix causa in tanta tot provinciarum & Episcoporum dissensione definitionem proprie dictam suspendens, neminemque repugnantem actu separans a communione & unitate Ecclesiæ, ipsum dogma ita reliquit indecisum, ut si qui adhuc repugnarent, peccare quidem possent inobedientia, scandalo, temeritate, si præsertim in acerbiora verba contra præcipientem excurrerent; at quoad res, seu dogma indefinitum maneret, deduci exinde non posset, nec possit, eos deseruisse fidei unitatem, hancque cum sede Apostolica seu cum fide a Romanis Pontificibus proposita ac definita necessariam non credidisse. S. Cyprianum quidem, qui in hoc dissidio tantam sollicitudinem prætulit, ne abrumperet unitatem communionis & pacis cum Romano Pontifice & sede Apostolica, quam catholicæ unitatis centrum & originem fatebatur, a fidei unitate, ob quam unitas communionis est necessaria, voluisse desciscere, quasi hanc æque saltem necessariam non crederet, affirmare poterit nemo, qui cum principiis ejus antea propositis cohærere velit.

§. IV.

*Firmiliani, Paciani, & Optati testimonia. Donatistarum, aliorumque veterum schismaticorum hæreticorumque sententiæ expensæ.*

16. Cypriani testimoniis subijcio locum Firmiliani Episcopi Cæsareæ Cappadociæ ex epistola 75. inter Cyprianicas. Neque pro confirmanda necessitate unitatis cum Romano Pontifice minimi habenda credantur verba illius, qui adversus S. Stephanum Papam acerbius scribens, unitatem & communionem ejus parvi fecisse videri potest. Accidere enim Firmiliano potuit, quo alia occasione de aliis observavit Bossuetus, ut ille scilicet principium optimum in rem præsentem viderit, at præoccupationibus causæque præjudiciis impeditus, consequentiam non viderit. En Firmiliani textum. *Atque e-Col. 208. r*  
*go in hac parte juste indignor ad hanc tam apertam & manife-*  
*stam Stephani sultitiam, quod qui sic de Episcopatus sui loco glo-*  
*riatur, & se successionem Petri tenere contendit, super quem*  
*fundamenta Ecclesiæ collocata sunt, multas alias petras inducat,*  
*& ecclesiarum multarum nova ædificia constituat, dum esse illic*  
*baptisma sua auctoritate defendit. Nam qui baptizantur, com-*  
*plent sine dubio Ecclesiæ numerum. Qui autem baptisma eorum*  
*probat, de baptizatis & Ecclesiam illic esse confirmat: nec intelli-*  
*git obfufcari a se & quodammodo aboleri Christianæ petre verita-*  
*tem, qui sic prodit & deserit unitatem. Vidit ex his proculdu-*  
*bio Firmilianus nonnisi unam esse posse petram, super quam*  
*unius Ecclesiæ fundamentum collocatum est, & in hac una*  
*petra Ecclesiæ unitatem contineri. Hanc unam petram fun-*  
*damentum Ecclesiæ se ex Petri successionem esse Stephanus in*  
*suis litteris indicaverat. Non id Firmilianus reprehendit, aut*  
*negat: immo hinc argumentans alias petras non esse ponen-*  
*das, istud veluti principium certissimum habuit ex eo ipso*  
*Evangelico testimonio, quod de Petro ac successoribus ejus*  
*accipiendum etiam S. Cyprianus affirmavit. Id solum ille ex*  
*sua opinione quasi contradictorium reprehendit in Stephano,*  
*quod approbans baptisma ab hæreticis collatum, plures pe-*  
*tras, & plures Ecclesias pro hæresum multitudine inducere.*

& sic unitatem Ecclesiæ scindere crederetur. Erravit quidem ille, dum id credidit. At in una petra agnoscenda, quæ unitatem Ecclesiæ ab uno incipientem formaret & contineret, quæque a nullo deferenda esset, nisi unitatem Ecclesiæ simul deferret, nequaquam erravit, sed id agnovit, quod omnes catholici fatebantur: & si hanc petram novit Romanum Pontificem successorem S. Petri, *super quem fundamenta Ecclesiæ collocata sunt*, ut & Cyprianus Stephano concinens aliis verbis scripserat; utique in hac petra contineri novit unitatem Ecclesiæ, unitatemque cum eadem petra, seu cum Romanis Pontificibus omnino tenendam præsumere debuit, ut cum Cypriano penitus conspiraret. Hoc principium ex Firmiliano deduxisse satis mihi nunc est: qui si in disputationis æstu in quædam verba excurrit, ex quibus non multum timuisse videatur de ammittenda ejus petræ communionem & unitate, si quidem Stephanus communionem abruptisset, quod tamen \* factum non fuit; principium certum utique vidisset, consequentiam non vidisset; neque enim vidisset, eum, qui separari se sineret ab hac petra, aliam petram inducere ab illa diversam, super quam unam Ecclesia a Christo collocata est, sicque abs se vere, non autem a Stephano, obscurari & aboleri Christianæ petræ veritatem, qui sic proderet, & deferret unitatem. Confer, quæ de Firmiliano adnotavimus c. 11. n. 3.

\* *Id. inferius n. 53.*

17. Paciani Barcinonensis & Optati Melevitani, qui coætanei fuerunt auctores, testimonia producam. Pacianus epist. 3. *Ipsa referente Matthæo; paulo superius ad Petrum loquutus est Dominus, ad unum ideo, ut unitatem formaret ex uno, mox idipsum in commune præcipientem.* Respicit potestatem ligandi atque solvendi, quæ prius uni Petro data fuit a Christo, uti legitur apud Matthæum c. 16. dein vero post resurrectionem omnibus simul Apostolis communicata, uti apud Joannem c. 20. Vides autem rationem tradendæ ejus potestatis prius uni Petro (utique causa primatus, ad quem totus ille Evangelicus contextus pertinet) referri ad unitatem Ecclesiæ, quæ non mere repræsentaretur in uno Petro, sed *ex ipso uno formaretur*. Unitas porro omnium *ex uno formari* nequit, nisi omnes cum illo uno conveniant, atque uniantur, quod vim in eo præcipuam exigit, qua omnes ad unitatem secum custodiendam obligentur.

18. Similiter Optatus, qui lib. 7. in Parmenianum c. 3.

*Bono*

*Bono unitatis B. Petrum . . . . præferri Apostolis omnibus meruisse tradit; lib. 2. c. 2. Episcopalem cathedram. quam unam in tota Ecclesia esse pronuntiat, idcirco uni Petro collatam affirmat, ut in ea una cathedra unitas ab omnibus servaretur; quæ in eandem Paciani sententiam conspirant. Optati autem verba hæc sunt: Negare non potes, scire te in urbe Roma Petro primo cathedram Episcopalem esse collatam, in qua sederit omnium Apostolorum caput Petrus, unde & Cephas appellatus est, in qua una cathedra unitas ab omnibus servaretur, ne ceteri Apostoli singulas sibi quisque defenderent, ut jam schismaticus & peccator esset, qui contra singularem cathedram alteram collocaret. Ergo cathedram unicam, quæ est prima de dotibus (Ecclesiæ), sedit prior Petrus, cui successit Linus, Lino successit Clemens &c. ubi Petri successorum catalogum texit ad Siricium usque, qui nosser, inquit, est socius, cum quo nobiscum totus orbis commercio formatarum in una communionis societate concordat. In hunc Optati textum nonnulla consideranda sunt. Cathedræ nomen auctoritatem Episcopalem innuit; unde Episcoporum tantum cathedra propria est. Ita porro cathedra una, unica; singularis in tota Ecclesia dicitur ab Optato, uti Episcopatum unum a Cypriano appellatum vidimus non minus quam (1) cathedram unam, ut nefarii Episcopi ab Episcopatu vel cathedra excludantur. Sicut enim unius Episcopatus partem singuli tenent propriam, ex quibus omnibus simul cohererentibus unus Episcopatus coalescit; ita & cathedræ unius partem tenent singuli, ex quibus omnibus copulatis una cathedra efficitur. At sicut Episcopatus unitas formatur in Petro, quatenus omnes Petro supremo Episcopo in unitate communionis & fidei adhærescunt; ita quatenus omnes Petri cathedræ utraque unitate adherent, cathedra in Petro pariter una efficitur; & hac ratione in ea una cathedra unitas servatur ab omnibus; (2) ne ceteri Apostoli*

(1) Ita Cyprianus epist. 40. cathedram unam super petram Domini voce fundatam affirmat.

(2) Ne ceteri Apostoli, inquit, unde intelligimus ex Optati sententia etiam Apostolos in una Petri, nempe capitis sui, cathedra unitatem servare debuiss-

se, idipsumque debere præstare totius orbis Episcopos Apostolorum successores, quos quidem omnes hac de causa cum Romano Pontifice S. Petri successore formatarum societate communicare & concordare testatur.

*soli singulas, idest separatas cathedras, sibi quisque defendant, atque constituent.*

19. Unitatem quidem communionis cum Petri cathedra necessariam ex ipso Optati textu omnes agnoscunt, cum adversus Donatistas agat, ut eos ab hujus cathedræ communionem separatos aperti schismatis coarguat; unde ait: *Ut jam schismaticus & peccator esset, qui contra singularem cathedram aliter collocaret.* Hinc etiam mox se ac totum orbem cum ea cathedra, seu cum Romano Pontifice (1) in una communio. is societate concordem pro vera Ecclesia habendum contendit; eandemque communionem custodiendam iterum suadet lib. 7. c. 3. Apostolorum exemplo, qui bono unita. is per caritatem noluerunt a Petri (licet Christum negasset) communionem recedere; idque ex institutione ipsius Christi derivat, quem idcirco claves regni cælorum supremam auctoritatem significantes soli Petro dedisse ait, ut unitatis negotium formaretur. Unitatem quidem servari ab omnibus in Petri cathedra per unitatem communionis ipse Dupinus exponit: Cui adhæren es, inquit, in una communione persisterent. Et dein loquens de Siricio: Cum quo communionem habemus, Id. not. 37. & per eum cum omnibus aliis Episcopis, qui per epistolas, ut appellant, formatas cum ipso communicant.

20. At si consideremus cathedræ nomine, quo Episcopalis auctoritas innuitur, eam præsertim auctoritatem significari, qua Episcopi doctrinam fidei & morum ex cathedra, ut ajunt, idest tamquam Ecclesiæ magistri atque Doctores proponunt & docent, ut ex Hieronymo explicabimus n. 35.; unitatem potissimum fidei atque doctrinæ cum Romanæ cathedra custodiendam agnosces, ut cathedræ, idest doctrinæ & fidei unitas in illa servetur, & hac ratione intelligatur proprie dicta cathedra una in tota Ecclesia catholica, quatenus una est doctrina fidei, quæ ab omnibus catholicæ Ecclesiæ Episcopis in unitate Romanæ fidei traditur. Enimvero notandum est, hanc cathedram, quam Optatus unam & singularem

---

(1) Similiter c. 6. ait: Cathedra, quam probavimus per Petrum, nostra est: idest interpretante Albaspineo, per communionem, quam habemus cum summo Pontifice. Et c. 9. in eandem sententiam: Cathedra Petri, quæ nostra est.

*gularum* in tota Ecclesia affirmat, quamque omnes catholici Episcopi tenere aliquo modo debent, ne extra singularem cathedram alteram collocent, ab eodem Optato dici *cathedram Petri*, seu Romanam, in qua sedet prior Petrus, dein Linus, & ceteri Petri successores Romani Pontifices. *Eo autem sensu*, De prerog. Rom. Eccl. c. 3. inquit Maimburgus, omnes Episcopi sedent super Petri cathedram, quo omnes antiquæ Legis Doctores super Moysis cathedram sederunt. Optime. At non aliter illi, variis licet in locis dispersi, sederunt super cathedram Moysis, nisi quatenus omnes eandem Moysis doctrinam tradidere: unde hanc doctrinæ unitatem respiciens Christus dixit: *Super cathedram Moysis sederunt Scribæ & Pharisei. Quæcumque dixerint vobis, servate & facite*; in quæ verba Hieronymus: *Per cathedram doctrinam Legis intelligit*. Eodem igitur modo non aliter omnes catholici Episcopi unam Petri cathedram tenent, & super illam sedent, nisi quatenus e suis quique sedibus eandem doctrinam tradunt, quam Petrus & successores ejus e Romana Petri cathedra docent; quod exponi potest verbis illustribus Gallicani Theologi Ludovici Habert: *Omnes pastores fidem Romanæ ecclesiæ docent*. Non ergo de materialibus cathedris hic sermo est, quæ in singulis Episcopalibus ecclesiis diversæ & plures sunt; sed de doctrina fidei e cathedris singulorum tradita, quæ cum una & eadem esse in omnibus debeat, unam cathedram constituit ex pluribus; cumque una eademque esse debeat cum doctrina Petri ac successorum ejus, hæc una & singularis cathedra pro Romana Petri cathedra jure accipitur. Unitas itaque cum Romanorum Pontificum cathedra seu doctrina ex unitate cathedræ omnibus necessaria colligitur, ita ut hanc unitatem cathedræ sciadat, non modo qui ab ejus communione, verum etiam qui ab ejus fide atque doctrina desciscit. Ita vero qui eam cathedram deserit, nunc quidem schismaticus, nunc autem hæreticus est. Schismaticus erit tantum, si nullo in dogmate dissentiens, communionem ejus deserat; si vero deserat aliquo in capite ejus fidem, erit hæreticus, uti sane tam schismatici quam hæretici fuerunt Donatistæ, qui se ab ea cathedra utroque ex capite separarunt, licet schismatici sere appellantur, propterea quod non fidei, sed disciplinæ causa illos ab initio sejunxit. Ceterum Optatus ipse contra illos scribens etsi communionis unitatem expressius inculcat, memorans tamen communionis ejusmodi formam per formatarum

Prolog. Theologie c. 2. §. 2.

commercium, quibus totus orbis cum Romanâ cathedra concordat, unitatem quoque fidel iisdem formatis declaratam, in qua omnes, \* ut in communionem reciperentur, cum illa cathedra concordare oportebat, satis insinuat necessariam, ut quis catholicus habeatur: contra quam quidem singularem cathedram ille alteram collocat, seu erigit, qui doctrinam doctrinæ contrariam tradit.

21 Ipsorum Donatistarum factum, quod ab Optato proditum est, non obscuri testimonii loco esse potest: Cum nimirum ipsis, ut se ab Ecclesia separatos agnoscerent, opponeretur a catholicis separatio a Romano Pontifice, quocum vera Christi Ecclesia conjungitur; ad hanc objectionem elidendam illud regerebant, se cum Episcopo Romano partem, id est communionem habere. *Sed & habere vos in urbe Roma partem aliquam dicitis.* Intellegebant autem Donatistam Pseudo-episcopum, quem Romam eo consilio submiserant, ut cum Romano Pontifice communicare crederentur, unde Optatus Episcoporum partis Donati, qui Romæ sedem habuere, catalogum subiicit. In quæ Albaspineus notat: *Quod scirent Donatistas sine Pontificis Romani communionem Ecclesiam se habere, & in ea esse non posse, atque ab ejus communionem ut hæretici seperati essent; ideo Episcopum ex suis Romam mittebant, ut possent dicere, se Romæ habere Episcopum, & cum Episcopo Romano se communionem habere. Hoc patet ex hoc loco (Optati) & ex collatione Carthaginis, in qua volebant Pseudo episcopum suum Romanum interesse.* Catholici quidem reposuerunt hos Episcopos clam & aliunde subinductos & intrusos Romam, & in campestri vel montano loco occulte degentes, in Petri cathedra nunquam sedisse. At nihil impedit, quin hic ipse Donatistarum nifus communionem cum Romano Pontifice necessariam præferens, traditionis, quam nunc statuimus, satis idoneum testimonium suppeditet.

22 Frequens schismaticorum & hæreticorum veterum mos fuit, nunc Romanum Pontificem secum communicantem secumque sentientem jactare, nunc ejus communionem approbationemque suorum dogmatum dolose procurare, nunc creare, aut Romam submittere aliquem, qui se tamquam Romanum Pontificem gereret, ut ipsi exinde viderentur catholici, & catholica haberetur eorum doctrina. Id non aliunde duxit originem, nisi ex eo quod constans & notum omnibus catholicis esset, schismaticum, vel hæreticum esse eum,

\* Confer  
supra c. 11  
§. 2.

Optat. l. 2.  
c. 4.

Not. 42.  
pag. 32.

eum, qui communionis ac fidei unitatem cum Romano Pontifice nequaquam præsert. Ita non pauca veterum schismaticorum & hæreticorum facta, quæ ex sacris Annalibus in hanc rem proferre liceret, totidem traditionis testimonia sunt, ex quibus utriusque laudatæ unitatis necessitatem ipsis antiquis schismaticis & hæreticis cognitam fuisse deprehendimus. Ex schismaticis sufficere indicare Fortunati partem, quæ ut se catholicæ communionis esse probaret, Romam misit Felicissimum ad Petri cathedram, & ad ecclesiam principalem, unde unitas sacerdotalis exorta est; idemque cum S. Cornelio summo Pontifice multis egit, ut eum in suam partem adduceret: si enim hanc cathedram suam esse probare potuisset, prævidebat se declinaturum schismatis notam, & ob communionem cum ecclesia principali, ex qua sacerdotalis unitas oritur, unitati omnium Ecclesiæ sacerdotum suam partem esse accensendam confidebat. Ex hæreticis vero, ut præteream Marcionistas, & Montanistas, aliosque vetustiores, qui Romam profecti Romanis Pontificibus fucum facere conati sunt, solos Arianos interim considerare satis esto: qui Liberium pluribus tentarunt; ista secum impii cogitantes (teste Athanasio): *Si Liberium in nostram sententiam traxerimus, omnes brevi superabimus*: quia nimirum catholici omnes Romano pontifici ejusque fidei legitime propositæ adhærendum nossent. Alia ex posterioris ævi hæreticis hujus generis exempla vulgatissima sunt.

Cypr. Ep. 55.

Epist. ad Monach.

## §. V.

*Testimonia Eusebii Vercellensis, Gregorii Nazianzeni, Satyri, Ambrosii, & Concilii Aquilejensis, cui idem S. Ambrosius præfuit. Quomodo jus communionis e Romana sede dimanet.*

23 Insigne de S. Eusebio Vercellensi Episcopo testimonium eruitur ex epistola, quam Liberius Papa ad eundem scripsit. *Me, frater carissime, inquit, ad solatium vitæ præsentis erigit invicta fides tua, qua sequens Evangeliorum præcepta, nullo genere a consortio sedis Apostolicæ discrepasti. Viden' consortium. id est unitatem, sedis Apostolicæ custoditum a S. Eusebio, & consortium quidem præsertim in fi.*



de, de qua tum maxime agebatur, idque non ex peculiari quadam ipsius Eusebii in eandem sedem observantia, sed ex *Evangeliorum* præceptis, ex illis scilicet Evangelicis testimoniis, quæ dum ejus sedis primatum statuunt, unitatem potissimum fidei cum eadem sede cuique catholico omnino tenendam præcipiant, ut superiori capite vidimus.

24. Non minimum in rem præsentem conferunt sequentes S. Gregorii Nazianzeni versus ex libro de *Vita sua*, ubi sermonem faciens de utraque Roma, veteri & nova, hoc inter eas discrimen notat, quod Roma vetus fidem servaverit illæsam, nova autem Roma, idest Constantinopolis, non item. De fide vero Romæ veteris hæc habet.

*Fides vetustæ recta erat jam antiquitus,*

*Et recta perstat nunc item, nexu pio*

*Quodcumque labens sol videt devinciens,*

*Ut universi Præsidem mundi decet,*

*Totam colit quæ Numinis concordiam.*

In secundo versu pro vocibus *nexu pio*, quas interpret metro serviens recepit, substituendum ex Græco *salutari doctrina*. Quam belle! Vides Nazianzenum Romanæ fidei, cujus integritatem incorruptam laudat, tribuere *devincire ecclesias salutari doctrina*; quod idem est ac in unitate fidei eas continere, & in eadem Romana fide agnoscere vinculum & centrum unitatis catholicæ fidei, cum quo ecclesiæ catholicæ colligantur. Quod si hanc unitatem custoditam memorans, solas Occidentis ecclesias indicat illis verbis: *Quodcumque labens sol videt*; id ex eo factum est, quia post Arianam perfidiam pleræque Orientis ecclesiæ variis hæresibus implicitæ, turpiter ab ea unitate & a recta fide, quæ in Romanæ fidei centro servabatur, defecerant, ut in subsequentibus versibus deflet. Centrum hanc vim devinciendi & continendi ecclesias in fidei unitate Romanæ sedi attribuit ob primatum, quo eam non soli Occidenti; sed omni-quæ totius orbis ecclesiis præsidere affirmat eo versu:

*Ut universi Præsidem mundi decet.*

Quod tandem S. Doctor addit: *Totam colit quæ Numinis concordiam*, concordiæ nomine intellexisse videtur trium persona-

sonarum sanctissimæ Trinitatis concordiam, seu consubstantialitatem in unitate naturæ, quam Romana fides colens atque propugnans adversus Arianam perfidiam, concordiam simul & unitatem fidei a Deo præscriptam ex primatus officio colebat ac vindicabat.

25 Satyrus S. Ambrosii Mediolanensis Episcopi frater, ut idem Ambrosius in sermone de ipsius obitu narrat, cum *Lib. 1. n. 47.* in quendam locum transmississet, ubi de recta fide dubitatio inciderat; cupiens certa nota cognoscere, num Episcopus ejus loci catholicus esset, nec ne, ipsum interrogandum existimavit, num cum Romana ecclesia conveniret. *Advocavit ad se Episcopum, nec ullam veram putavit nisi veræ fidei gratiam, percunctatusque ex eo est, utrum eum Episcopis catholicis; hoc est, cum Romana sede conveniret: ubi conveniret ita dictum, uti apud Irenæum in eadem fide convenire, nisi forte malis a Satyro acceptum pro communicare, ea tamen communione. quæ ejusdem fidei vinculum & argumentum est. In S. Cypriani epist. 52. ad Antonianum, ut monui num. 11 communicare cum Papa explicatur, hoc est cum catholica Ecclesia communicare: hic autem conversa propositione convenire, seu communicare cum Episcopis catholicis exponitur, hoc est cum Romana sede convenire. Quid ita? Quia nempe connexa sunt hæc duo, ita ut catholicus & catholicæ communionis sit, qui convenit & communicat cum Romana sede & e contra qui cum hac non convenit, aut non communicat, non sit catholicus, neque communionis catholicæ; sicque alterum ex altero inferre & cognoscere licet. Confer locum Hieronymi inferius afferendum num. 36. Adeo communionis & fidei unitas cum Romana sede necessaria est, ut catholicus sit, qui eam tenet; qui autem ea caret, catholicus esse non possit.*

16 Rationem hujusce rei opportune suggerit ipse Satyri frater S. Ambrosius in psal. 50. n. 30. ubi ait: *Ipse est Pag. 279.* Petrus, cui dixit Christus: Tu es Petrus, & super hanc petram ædificabo Ecclesiam meam. Ubi ergo Petrus, ibi Ecclesia. Rationem ex ipsa Christi institutione derivat, qua Petrus, & in Petro successores ejus Romani Pontifices, petra & fundamentum Ecclesiæ ab eodem Christo sunt constituti, cui totum Ecclesiæ ædificium adhæreat, & incumbat necesse est, uti cap. 12. §. 1. pluribus ostendimus. Hinc ergo jure S. Ambrosius, ejusque frater Satyrus non aliam noverunt catholi-

tholicam Christi Ecclesiam, nisi eam quæ cum Romano Episcopo unitatem servat, adeo ut quicumque alius coetus hujus unitatis expers alibi sit, & non ibi, ubi Petrus & successores Petri, non sit Ecclesia catholica, quam Christus ei fundamento incumbentem & unitam instituit. Quod si consideres ex ipsius Ambrosii sententia recitata c. 12. n. 7. S. Petrum non fuisse fundamentum Ecclesiæ nisi per fidem, quam Ecclesiæ ædificandæ fundamentum posuit; palam sequitur præmissis ejus verbis hanc subesse sententiam: *Ubi ergo fides Petri. ibi Ecclesia*, quod unitatem potissimum fidei cum Petri fide cuique necessariam, ut sit in Ecclesia, manifestissime præfert: cumque hæc Petri prærogativa ad primatum pertinens, in successores ejus cum ipso primatu transferit, idem dicendum de fide successorum Petri. Idipsum quidem aliud ejusdem Ambrosii testimonium insinuat. Unitatem scilicet ejusdem fidei cum fide Romana adeo necessariam habuit, ut extra hanc neminem sperare posse salutem

\* *Al. minus* affirmaverit lib. 1. de Pœnit. c. 7. *Non habent enim*, inquit, *bene, sedem. Petri hereditatem, qui Petri \* fidem non habent, quam impia divisione discernunt.* Celebris quoque est illa multorum ore & approbatione circumlata & Ambrosio asserta sententia ex lib. 3. de Sacramentis c. 7. *In omnibus cupio sequi ecclesiam Romanam.* Cum enim hoc opus S. Ambrosio, vetustis quoque codicibus & auctoribus suffragantibus, fuerit adscriptum; hæc præclara sententia, quæ unitatis studium cum eadem ecclesia eximie præferebat, ejusdem S. Doctoris nomine allegata invenitur. S. Petrus Damianus in epistola ad Hildebrandum recitans eum sermonem, quem in Concilio ad Mediolanenses habuit, cum ipsos Romanæ ecclesiæ, a qua diffidebant, studeret subiicere; eosdem etiam atque etiam ad id impulit sanctissimi Ambrosii sui Episcopi exemplo, qui in omnibus sequi se magistræ sanctam Romanam profitetur ecclesiam. Arnulphus historicus Mediolanensis sæculi XI. licet in Romanam sedem non bene affectus, hanc tamen cum ea consensionem necessariam agnoscens, ob necessitatem quidem unitatis fidei statuendam hoc testimonium expresse producit, & explicat his verbis: *Hæc enim dicentes, Lib. 3. Hist. non adversamur vobis, o seniores Romani, cum magister noster Mediol. c. 15. dicat Ambrosius: Cupio in omnibus Romanam sequi ecclesiam. Vobiscum enim credimus, vobiscum cunctas hæreses abdicamus. Quodsi libros de Sacramentis a S. Ambrosio abjudicandos*

existimes; fateri tamen necesse est, pervetustum esse illorum auctorem, qui Ambrosii vestigiis insistentes, in rem præsentem veteris traditionis alius testis accedet.

27 Inter Ambrosii opera insertum legitur Concilium Aquilejense, quod Ambrosium præcipuum moderatorem habuit. Hoc autem Concilium *prope ex omnibus provinciis Occidentibus* congestum, totius Occidentis testimonium exhibebit. Iraque in epistola ad Imperatotes catholicæ communionis originem & fontem Romanam ecclesiam proficitur.

Tom. 2.

Ambr. clasi.

*Totius orbis Romani caput Romanam ecclesiam, a qua illam sacrosanctum Apostolorum fidem ne turbari sineret, obsecranda fuit clementia vestra; inde enim in omnes venerandæ communionis jura dimanant.* Quid, rogo, est quod catholicæ communionis jura ex Romana in alias omnes dimanant ecclesias? Id unum

profecto, ni fallor, quod nulla alia particularis ecclesia id habet: juris per se se, ut aliarum ecclesiarum communionem exigat, nisi ipsa communicet cum ecclesia Romana, quæ sola per se omnium ecclesiarum communionem & unitatem omnino requirit, idemque communionis jus aliis ecclesiis secum communicantibus impartitur. Hinc qui a Romana separati, vel præcisi sunt, jus communionis nullum habent: & idcirco de ea communione certior fieri voluit Saryrus, ut exinde cognosceret, num sibi cum Episcopo ejus ecclesiæ, ad quam venerat, communicandum esset:

cujus generis exempla aliquot alia suppetunt ex aliis sanctis & doctis viris, ex quibus nonnulla in sequentibus forsitan rescentur. Ratio etiam manifesta est. Jus enim catholicæ communionis soli competit Ecclesiæ catholicæ, idest iis qui in Ecclesiæ catholicæ unitate & communione consistunt: ac propterea cum separatis seu abscissis ab Ecclesia catholica communicare non licet. Ecclesia vero catholica non est nisi illa, quæ cum Romana sede communicat, eidemque tamquam

centro & fundamento adhærescit, ut vel ex ipso Ambrosio vidimus. Iis ergo solis, qui cum Romana sede communicantes eidemque adhærentes pertinent ad Ecclesiam catholicam, communionis catholicæ jus est. Adeo igitur communio cum sede & ecclesia Romana est necessaria ex Concilii Aquilejensis sententia, ut sine communione ejusmodi nullum cuiquam communionis jus sit. Sive magna ergo, sive exigua sit pars, quæ a Romana communione separatur, perinde est: ac proinde in Græcorum schismate a totius

tius

tius fere Orientis ecclesiis jus omne communionis amissum dolemus, quod non antea recuperare poterunt, nisi prius cum Romana sede reconciliati, in ejus communionem recipiantur.

## § VI.

*Damasi Papæ, Theodosii Imperatoris, & Flaviani presbyteri Antiocheni & postea Episcopi testimonia. Ad dicitur testimonium concinens ex Aureliano Augusto ab Eusebio & Rufino laudatum. Prudentii poetæ versus.*

*Epist. 5. apud  
Constanti.*

28 S. Damasus Papa in epistola, quam dedit Paulino Antiocheno, *fidem*, seu *fidei confessionem* ad eum misit, cui assentiri ac subscribere deberent, quicumque vellent *Ecclesiæ copulari*, id est nobis *per te voluerint sociari*. Unde, inquit, ne aut tibi *scrupulus resideret*, & volentes forsitan *Ecclesiæ copulari*, tua cautio probanda differret, *fidem* misimus non tam tibi, qui ejusdem *fidei communione sociaris*, quam his, qui in ea *subscribentes*, tibi, id est nobis *per te voluerint sociari*. Quibus palam affirmat, eum, qui Ecclesiæ copulari velit, non aliter id posse obtinere, nisi eandem, quam misit, *fidei confessionem* profiteatur. Confessio fidei, quam ad ipsum Paulinum misit Damasus, subjicitur epistolæ apud P. Constantium quintæ; ac in ea præsertim damnatur Macedonianorum error, quo sancti Spiritus divinitas impetebatur. De hac controversia apud Orientales tunc ebulliente libet referre quæ Sozomenus narrat. Cum hæc quæstio agigaretur, & contendendi studio magis magisque in dies cresceret, Episcopus Urbis Romæ scripsit ad Orientales ecclesias, ut Trinitatem consubstantialem, ac honore gloriaque æqualem una cum Occidentalibus Episcopis confiterentur. Id respicere videtur laudatam (1) epistolam ad Paulinum. seu potius confessionem fidei eidem subnexam, quam postremam etiam Theodoretus

*Sozom. lib. 6.  
c. 22.*

*Hist. 1. 5.  
c. 11.*

---

(1) Cum Sozomenus post Liberii mortem ( sic enim exorditur ejusmodi factum statim narret dicitur sequens caput 23. Per idem

tus recitat. Unitatem fidei, quem Idem Pontifex ab Orientalibus requisivit; si modo vellent *Ecclesiae copulari*, a catholicis omnibus, qui eam unitatem necessariam sciebant, eadem epistola obtinuit, ut ex his verbis liquet, quæ statim post præcedentia Sozomenus subdit. *Quo facto utpote controversia judicio Romanæ ecclesiæ terminata, singuli quiescere eaque questio finem accepisse visa est.* Romanæ sedis iudicium ac fides ideo controversiam apud Orientales fervescentem terminavit, quia omnes, qui nolent separari ab ecclesia, cum Apostolica sede in ejusdem fidei communionem sociari oportere, ipsis Orientalibus perspectum erat, ut ex ipso facto cum Damasi litteris concinente colligere licet. Extat alia ejusdem Pontificis epistola in Romana synodo scripta, cui adjecta sunt quædam decreta, in quibus idem dogma de divinitate Spiritus Sancti constituitur. Hæc primum ad Illyricianos missa, deinde per Sabinum diaconum ejusdem exemplum Orientalibus inscriptum, allatum fuit in Orientem, ipsique subscripsere in Antiochena synodo congregati Orientales Episcopi CLIII. omnes *consona fide credentes, & omnes ita consentientes*; unde in quibusdam codicibus hæc appellatur *synodus Romana & Antiochensis*; eaque Romanæ fidei decreta Antiocheni

tempore mortuo Liberto Damasus Romanæ sedis administratione functus. illud factum ad Libertum pertinere nonnulli arbitrantur. At S. Basilii, qui pro vindicanda divinitate Spiritus Sancti libros contra Euzemonium scripsit, libro 12. ante hunc primum fuisse significat, qui hæresim divinitati Spiritus Sancti insensam in Oriente disseminaret. Scripsit autem eos libros S. Doctor aliquot annis post Liberii mortem. Nondum ergo ea questio Orientem turbaverat Liberii tempore, ita ut is ad eam sedandam litteras ad Orientales dedisse dicendus sit. Enim

vero epistola ejusdem Pontificis paulo ante mortem ad Orientales missa, in qua omnes hæreses tunc fervescentes eliminare, studet, nihil tangit de errore contra Spiritum Sanctum, quia ipsi nondum in notitiam venerat. Factum igitur, quod a Sozomeno refertur, non Liberio, sed Damaso tribuendum, quem sane ad Orientales eo de argumento scripsisse certum est: ac proinde Sozomenum minus accurate illud retulisse ante indicatam Liberii mortem probabilius credimus.

cheni Patres obsequentissime susceperunt, atque subscriptione firmarunt, eademque cum propriis subscriptionibus Romanam transmissere, ut unitatem fidei ejusdem probantes, se se catholicos exhiberent, sicque tolleretur de medio illa hæreseos suspicio, qua ipsi apud Romanos aspersi fuerant. Vide hac de re plura in tractatu *De antiquis collectionibus canonum* part. 2. c. 9. quem tomo tertio novissimæ editionis operum S. Leonis præfiximus.

*Theodoret.*  
*2. 5. Hist. c. 2.* 29. Valente Ariano principe vita functo, qui plures catholicos Episcopos e suis sedibus pepulerat, Gratianus Imperator Orientis imperio potitus legem tulit, ut *ædes sacræ* traderentur, qui cum Damaso communicarent. Imperator scilicet catholicus ab Episcopis catholicæ fidei professoribus ecclesias regi volens, ex communione cum Damaso Romano Pontifice catholicæ fidei Episcopos dignosci sciebat, quippe qui non aliam intelligeret esse catholicam fidem, nisi quæ cum fide Romanorum Antistitum conveniret, neque cum hac fide convenire nisi illos Episcopos, qui cum iisdem summis Pontificibus communicarent: quod non minus communionis, quam fidei unitatem cum Romanæ sedis Antistitibus cuique catholico necessariam præsumit. Hæc interpretatio ne in mei systematis gratiam distorta credatur, explicatio fiet ex iis, quæ sub idem tempus in celeberrima Orientis ecclesia contigerunt.

*Id. Hist. l. 5. c. 3.* 30. Sapor militum Magister cum laudata lege ab eodem Gratiano missus in Orientem, ut eam exequendam curaret, Antiöchiæ tres Episcopos sacras ædes ab Euzojo Ariano ereptas sibi postulantes invenit, nimirum Meletium, Paulinum, atque Apollinarem, quem postremum e Laodicea, cujus erat Episcopus, Antiöchiam profectum, suæ factionis præsulatum assumpsisse Theodoretus testatur. Qui loco Apollinaris Vitalem ejus discipulum substituendum putant ex Hieronymi epistola ad Damasum, ubi non Apollinarem, sed Vitalem una cum Meletio & Paulino nominat; illi non observant, Theodoretum loqui de trium factionum ducibus, quorum causa institutum fuit Saporis judicium, cum nondum Vitalis ab Apokinari fuerat Episcopus ordinatus; Hieronymum vero memorasse Vitalem jam Episcopum, cujus ordinationem post Saporis judicium Theodoretus refert. His igitur tribus competitoribus ante Saporem constitutis, cum ex imperiali lege ædes sacræ illi essent adjudicandæ, qui communicaret



cum Damaso, Paulinus quidem affirmare ea, se Damaso communicare; idem quoque asserbat Apollinaris hæresim suam occultans. At cum sileret Meletius, presbyter eius Flavianus Episcopi sui causam acturus, ut duos illos competitores repelleret, Paulinum in primis sic allocutus est: *Si Damasi communionem amplexeris, amice; doctrinæ nobis manifestam similitudinem ostende.* Non ignorabat, nec ignorare poterat Flavianus Paulinum habuisse a Damaso communionis litteras; sed hanc communionem per litteras nihil eidem suffragari posse intelligens, nisi jungeretur cum unitate doctrinæ; proposita diversa utriusque doctrina in quæstione de tribus hypostasibus, quas (1) Damasum differte prædicare, Paulinum vero tollere affirmabat, his verbis concludens institit: *Ostende igitur consensionem doctrinæ, & ecclesias suscipe ut lex jubet.* Tum con-

R. 2

versus

(1) Etsi a vocibus trium hypostasum Damascus & Occidentales abstinerent, merentes nomen hypostasum Latinis innotarunt; & a nonnullis hæreticis in loco substantiæ acceptum erroris faveret; cum tamen Flavianus apud Theodoretum tam aperte affirmaverit, Damascum unam eandemque Trinitatis substantiam consistentem, tres hypostasim differte prædicare; expressam eisdem Pontificis de tribus personis in una substantia consistentis doctrinam, quam idem Damascus indicerat expositioni fidei editæ in Romano concilio habito non serius iniectæ anni 383, & ante Valentinis obitum per Dorotheum multis in Orientem, annoque sequenti receptæ & substantiæ in Antiochenâ synodo (Vid. Constantinium in monito ad Epist. 4. Damasi n. 4); hanc, inquam, doctrinam Damasci Flaviani de trium hypostasum

prædicatione interpretatus videtur maxime quia idem Pontifex in eadem expositione Sabellii simul & Marcelli placita respuens, iis verbis usus est (Vid. Ep. 4. Damasi p. 1. & 40), *quæ dum tres personas in se semper manentes, & Dei Filium non in Patre remanentem, sed in æternum SUBSISTENTEM* pronuntiant, hypostasim, seu subsistentiam singularum propriam distinctamque declarant. Porro Paulinus, qui in subscriptione synodica concilii Alexandrini an. 362. declaraverat posse dici hypostasim tres in significatione trium personarum, hac occasione trinitatem hypostasim tollere idcirco videri potuit Flaviano, quia fortassis cum ab ipso, uti & a Hieronymo Antiochiæ degente, exigeretur trium hypostasum nomen, Occidentalem morem & econ-



versus ad Apollinarem, qui certo certius novam doctrinam ab ipso Damaso reprobata inuenerat, dixit: *Miror te, o amice, tam impudenter resistere veritati, cum probe scias, Damasum asserere perfectum hominem a Deo assumum esse &c. Nunc saltem rursus tua novitati, quam exogitasti, & Damasi doctrinam amplectere, ac tum demum sacras aedes obtine.* Præclare admodum & belle. Non solum enim hinc Flaviani Antiocheni tum presbyteri, postea vero Episcopi celeberrimi, qui S. Joannis Chrysostomi magister extitit, & in Sanctorum album relatus fuit, luculentissimum testimonium profertur; sed Imperialis etiam legis superius laudatæ genuinus sensus eruitur. Nam etsi unam communionem Damasi lex, uti a Theodoretō memoratur, per se expresse requireret; Flaviani tamen interrogatio unitatem potissimum fidei, sine qua communio constare non poterat, cum Romano Pontifice præ requisitam ostendit. Idque non ex unius Flaviani, sed ex ipsius Imperatoris mente fuisse illud suadet, quod cum Imperator hac lege favere vellet religioni catholicæ, & unitati fidei in suo regno prospicere; communionem cum Damaso non alia de causa quæsierat, nisi ut unitatem fidei catholicæ ab Arii hæresi jamdiu distractam per eam communionem ubique restitueret; quo aliter fieri non poterat, nisi eamdem cum Damaso fidem, quam communicatoriæ litteræ testabantur, ab omnibus, qui catholici essent, prostandam credidisset. Enimvero hoc idem unitatis fidei Imperiale consilium confirmat alia Imperatoris Theodosii lex Thessaloniciæ data, Constantinopolique proposita, qua omnes Christianos cum fide Romanæ ecclesiæ convenire sancitum est. *Cunctos populos, quos clementiæ nostræ regit temperamentum, in tali volumus religione versari, quam divinum Petrum Apostolum tradidisse Romanis religio usque ad nunc insinuat declarat, quamque Pontificem Damasum sequi claret & Petrum Alexandrinæ urbis Episcopum, unum virum Apostolicæ sanctitatis.* Nonne hujus legis scopus in promovenda unitate Romanæ fidei utpote omnibus catholicis necessaria manifeste dignoscitur? Quod si non tam Damasi Romani Pontificis, quam Petri Alexandrini fides ingeritur; non tamen eadem ratione. Damasus enim memoratur propter suæ sedis fidem a S. Petro Romanis traditam, quam eundem sequi manifestum erat; Petrus autem Alexandrinus non ob fidem Alexandrinæ cathedræ profertur, sed quatenus fidem Romanæ sequebatur ecclesiæ, ac in eadem fide

Cod. Theod.  
lib. 16, tit. 1.  
L. 1.

fide communicabat cum Damaso, cujus quidem communio & unitas in doctrina fidei ( ut interpretatio Flaviani indicavit ) in Antiocheno dissidio ex Gratiani lege quaesita fuit, ut ne communio & fidei unitas cum Petro Alexandrino quaereretur.

31. Hoc argumentum ut elideret quidam \* Anonymus, suafurus nihil peculiare Romano Pontifici ea Gratiani lege communionem ejus requirente fuisse tributum, satis erat, inquit, Imperatorem credidisse Damasum fuisse orthodoxum, ut ejus communionem praecipere posset. Hinc tres alias leges ingerit, in quibus de communione cum aliis Episcopis decretum fuit, nulla Romani Pontificis mentione, qui praeternitendus non erat, si catholicae communionis centrum habitus fuisset. Prima est lex Theodosii, in qua undecim Episcopi, cum quibus communicandum esset, sine Romano recensentur. Altera Arcadii, qua eos ex ecclesiis pelli jubet, qui Theopili, Arfacii, & Porphyrii communionem recusarent. Tertia Theodosii junioris, qua eos similiter ab ecclesiis exturbari vult, qui cum Joanne Antiocheno nequaquam communicarent. At alia res est, si de communione cum catholicis in particulari agatur, alia vero si de catholica communione universim discernenda sermo sit. In primo casu communio cujusque catholici Episcopi, prout specialis ratio, vel occasio incideret, sufficere poterat: & ita in tribus objectis legibus, cur eorum tantum Episcoporum mentio fieret, specialis extitit causa. Lex a Theodosio majore post Constantinopolitanam synodum edita, & ab eodem subscripta, ad normam canonis secundi synodi ejusdem exacta fuit, in quo sicut pro Orientalium tantum ecclesiarum regimine de quinque Orientis provinciis statutum fuerat, ita ille eos tantum harum provinciarum Episcopos catholicos recensendos duxit, cum quibus communicandum esset ab iis, qui ecclesias ibidem recipere aut retinere vellent, ut vel ipse Jacobus Gothofredus observat. Nihil hinc opus erat Romanum Episcopum memorare, cujus tamen communionem nominatos ibidem Orientales Episcopos sequi, ut alia anteriori ejusdem Imperatoris lege cautum fuerat, exploratum erat. Porro ut Joannis Antiocheni communio Theodosii junioris lege praeciperetur, ea peculiaris extitit ratio, quod iis tantum Nestorii fautoribus proposita, seu praescripta esset, qui cum eodem Joanne ad catholicam &

\* *Traité de l'autorité du Pape. Haye 1720. tom. I. pag. 189.*

*Cod. Theod. lib. 16. tit. 4. L. 3. L. 6. tit. De his qui super religione contendunt.*

*In synodo adversus Traged. Graec. c. 143. p. 249. edit. Baluz.*

Romanam communionem reuelo communicare amplius nolebant. Miror vero aliam Arcadii Imperatoris legem obtrudi, quæ in schismate contra S. Joannem Chrysostomum Romana communionem sultum lata fuit aduersus illos, qui huic sanctissimo viro a Constantinopolitana sede pulso ut adhærerent constanter, cum Arsacio ejusdem sedis invasore, cum Theophilo Alexandrino, & Porphyrio Antiochæno, eidem Sancto inensis, communicare renuebant. Hinc autem quænam specialis esset causa, ob quam horum trium Episcoporum mentio facta fuerit, manifestum est. Cur vero Romanæ sedis communio, quam vel isti S. Joannis Chrysostomi hostes sibi retinendam duxerunt, hac in causa inculcaretur, nihil erat. At in Gratiani lege communionem cum Damaso idcirco fuisse præscriptam, ut ex ea discerneretur, quinam Orientis Episcopi catholici essent fideique unitatem tenerent cum eodem Damaso, nonne ex dictis antea ac præsertim ex Antiochæno facto manifestum est? Hinc autem aperte sequitur Romanam sedem non minus communionis, quam fidei catholicæ centrum agnitam, & a quovis catholico utramque cum ea unitatem esse tenendam. Neque in lege Magni Theodosii, quæ incipit *Cunctos populos*, alius ejusdem Principis scopus fuit, nisi unitas potissimum fidei, ut ex Sozomeno colligere licet. Ille ad imperium Orientis euectus, baptismate percepto statim pietatis ac religionis præcipuam curam gerens, ut totum Orientem variis fidei dissensionibus discissum tute componeret, unum certum exemplar proponendum agnovit, quod omnes tute sequerentur. Istud autem extra Orientem quærens, non alia de causa ex una Romana ecclesia proponit, nisi quod unius Romanæ ecclesiæ fidem primatus causa totius catholicæ unitatis centrum sciebat, quocum convenire omnes catholici debent, & ex quo in dissidiis circa fidem catholica fides dignoscenda est, ut Gothofredus quantumvis heterodoxus notavit: Sic enim etiam olim quoque Irenæus Lugdunensis de ipsamet sanctissima in fide ecclesia Romana, hujus, inquit, exemplo prænam omnem disciplinam præstigans. Imperator licet catholicum haberet Alexandrinum Episcopum, non tamen Alexandrinæ ecclesiæ fidem tamquam exemplar proposuit, sed Romanam, quam cum idem Alexandrinus Episcopus sequeretur, catholicus erat & habebatur. Cum vero fides Romana alia non sit, nisi ea quam Romanos S. Petrus docuit, &

quam

quam S. Petri successores ab eo acceptam docent & profitentur; Dainasum tum viventem Imperator nominavit eo consilio, ut ad ejus fidem & communionem cunctos populos specialis primatus prærogativa, in unitatis utique bonum, revocaret, quemadmodum laudatus Gothofredus ab adversariis non contemnendus fateri debuit. Hanc enim inter ceteras Romanæ sedis prærogativas ex hac lege eruendas quarto loco posuit, *summam inter Episcopos Pontificis Romani dignitatem & auctoritatem semper fuisse, atque ideo* (nota consequentiam) *ad ejus fidem & communionem potissimum provocatum*. Quis post tanti viri, qui nemini suspectus esse potest, testimonium, Theodosianæ legis interpretationem a sola veritate expressam aliorum distorquere, aut in dubium revocare audeat?

32. Ne autem peculiari Magni Theodosii in Romanæ sedis fidem observantiæ id factum tribuatur, Ethnicici quoque Imperatoris non absimilem sanctionem, seu sententiam hac occasione considerare plurimum juverit. In laudata Antiochena sede Aureliano Imperatore duo de Episcopatu decertabant, hinc Paulus Samosatenus, qui ob hæresim in synodo depositus fuerat, hinc autem Dominus qui eidem Paulo fuerat subrogatus. Cum ergo Paulus Domino Episcopales ædes & ecclesiam nollet cedere; catholici Episcopi de constituendo ibidem orthodoxæ fidei Antistite maxime solliciti, ad ipsum Imperatorem, qui tum forte post devictam Zenobiam Antiochiæ degebat, confugerunt. Is autem illi e duobus Antiochenam ecclesiam attribui iussit, cui *Italici Christiani sacerdotes & Romanus Pontifex scriberent*. Id rectissime præceptum agnoscit Eusebius, seu, ut vertit Rufinus, *religiose de hoc satis & sancte*, idest ad catholicæ religionis & iustitiæ normam. At si pro Domino interpellatus fuit Aurelianus, ut Paulum e sacris ædibus pelleret, quid rein velut ancipitem moratur? Si septuaginta, & eo plures Antiochenæ synodi Patres rei ejusdem fuerunt æqui & legitimi iudices, quid ex Italia ac ex Romano præsertim Antistite litteræ quærentur, aut expectantur? Cur non potius, aut simul quærentur, aut expectantur ab Alexandrino, ad quem eodem, quo ad Romanum exemplo Antiochena synodus scripserat, ut Domini litteras fusciperet, & ad eundem rescriberet? Eadem videtur in hoc ratio, ac illa, qua in posteriori ejusdem Antiochenæ sedis dissidio Imperator Gratianus ei sacras ædes tradi voluit, qui cum Damaso communicaret. Favere nimirum Aurelianus

*Ench. Hist.*  
7. c. 30.



relianus voluit catholicæ fidei, pro qua a catholicis Episcopis adversus Paulum fuerat interpellatus; & favere in eo voluit, ut catholicæ religionis Episcopus Antiochena sedē præficeretur. In duorum autem Episcoporum pugna, ne interpellantium favore erga Paulum ductus videretur, & rem satis caute transigeret, aliud iudicium Antiochena synodo superius requirendum persensit. Audierat forte pro communicatoris litteris, quæ fidem Domni probarent, Pauli autem errores repellerent, scriptum fuisse ab eadem synodo ad Romanum & Alexandrinum Episcopos; & Romani quidem potiore rationem habitam sive ab Antiochenis ejusdem synodi Patribus, sive ex frequenti Christianorum, inter quos versabatur, sententia intellexisse videtur. Hinc non ab Alexandrino, sed a Romano tantum Episcopo, & ab Italicis Antistitibus Romanæ fere synodo interessentibus litteras expectandas præcepit, ut qui ex duobus competitoribus fidem Romanæ adhærentem tenere eisdem litteris probaretur, is haberetur catholicus, ac propterea dignus, qui Antiochenam ecclesiam regeret. Hoc autem Imperatoris Ethnicum iudicium, quod *rectissimum* affirmat Eusebius, *sanctum & religiosum* Rufinus, tanto magis æstimandum est, quod tritam ac certam divulgatamque etiam apud Gentiles Antiochenorum Patrum aut catholicorum, ex quibus id Aurelianus didicerat, sententiam exhibet de necessaria unitate communionis & fidei cum Romana sedē, ut quis catholicus iudicaretur: id quod ex hoc facto deducendum intellexit etiam Cl. Bossuetus, cum ex praxi Christianorum illud rescriptum derivavit, quia Imperator, inquit, *Christianorum corpus in hac* (Romani Episcopi) *communione semper contineri viderat*. Et similiter Claudius Fleury: *Tam erat notorium etiam Pagenis vera Christianæ religionis notam esse communionem cum ecclesia Romana.*

32. Nunc ad Patres Ecclesiæ rediens, Prudentii antiqui Poetæ catholici testimonium proferam, breve illud quidem, sed pro unitate fidei cum Romana cathedra satis expressum. In hymno enim S. Hippolyti martyris unitatem commendat non communionis tantum, quam Novati schisma abrupterat, sed etiam fidei, quam cum Romana Petri cathedra tenendam tradit.

*Fugite, o miseri, execranda Novati Schismata, catholicis reddite vos populis.*

Una

*Discours sur  
l'Hist. uni-  
vers.  
Tom. 2. Hist.  
lib. 8. c. 8.*

*Una fides vigeat, prisco quæ condita templo est,  
Quam tenet cathedra Petri.*

## §. VII.

*Hieronymi testimonia, Argumentum ductum ex necessaria unitate cum Petri cathedra, quo cathedræ vocabulo fidem Romanæ sedis a S. Petro ejusque successoribus traditam significari ostenditur. Ecclesia catholica & fides catholice Ecclesiæ dicta est Romana ob unitatem præsertim fidei cum Romana catholico cuique necessariam.*

33. Sanctus & maximus Doctor Hieronymus plura supeditabit. Primatum S. Petro unitatis causa delatum exploratetur. Propterea inter duodecim unus eligitur, ut capite constituto schismatis tollatur occasio. Constituto autem hoc capite non tolleretur, nec auferri posset occasio schismatum, nisi eidem capiti vis ad unitatem obligans attributa credatur. Hanc sane vim idem S. Doctor satis indicavit, cum in dialogo contra Luciferianos n. 9. facultatem præcipuam & eminentem summo Sacerdoti asserendam affirmavit, ne, si negetur, schismata exoriantur. *Ecclesia salus*, inquit, *in summi Sacerdotis dignitate pendet; cui si non exors quædam & ab omnibus eminens tribuatur potestas, tot in Ecclesia essent schismata, quot Sacerdotes.* Itaque ad vitandum schismata (ut ex mente S. Scriptoris recte collegit Stephanus Baluzius) necesse est, ut unitatem Ecclesiæ sequamur, idest, Romanam ecclesiam, ubi est origo & radix unitatis.

34. Porro unitatem non solius communionis, sed potissimum fidei cum Romanorum Pontificum fide custodiendam S. Hieronymus pluribus in locis inculcat. Mitto quod præscripsit Demetriadi: *Illud te pio caritatis affectu præmonerem, puto; ut S. Innocentii, qui Apostolicæ cathedræ successor est, teneas fidem; nec peregrinam, quatenus tibi prudens callidaque videaris, doctrinam recipias.* Luculentiora sunt quæ in controversia de tribus hypostasibus prodidit. Cum trium hypostasum nomen ab Orientalibus catholicis pro significandis tribus Trinitatis personis acciperetur, Occidentales

*L. 1. in  
Jovin. n. 26.*

*Baluz. in  
not. ad Com.  
monit. Vin-  
cent. c. 19.*

*Epist. 130.  
n. 16.*

*Ballerinus de Primatu RR. PP. S vero*

vero ne cum hæreticis quibusdam fumeretur significatione substantiæ, vehementer timerent; male apud hos idem nomen audiebat, eodemque metu Ægyptii cum Episcopo Alexandrino tres hypostasies dicere respuebant. Orientales interim Antiochenſes, qui trium hypostasum appellatione utebantur, ne viderentur hæretici, Romanæ sedis communionem quærebant. *Campenſes* (ideſt illi Antiocheni, qui Meletio addiſti, ante ejus reditum in agris synaxes agebant), *Ep. 15. n. 5.* inquit ad Damasum Hieronymus, *cum Tarsensibus hæreticis copulati, nihil aliud ambiunt, quam ut auctoritatem communionis vestræ sulti tres hypostasies cum antiquo, ideſt hæretico sensu prædicent.* Hæc quidem Hieronymi suspicio erat, eo quod Ariano sensu tres hypostasies pro tribus distinctis substantiis dictæ fuerant. At Campenſes illi cum ii essent, qui Meletii catholici Episcopi, & Confessoris adversus Arianam perfidiam præstantissimi partes sequebantur, (quidquid Hieronymus metueret) a tam pravo & hæretico sensu erant alienissimi; uti & explicatio eidem Hieronymo ab ipsis significata patet. Hi ergo una cum suo Antistite Meletio Romanæ sedis communionem & unitatem necessariam videbant, ut se catholicos probarent, omnemque hæreseos suspicionem depellerent. Interim Hieronymus Antiochiæ degens; cum urgeretur tres hypostasies dicere, in tres autem partes divisam cerneret Antiochenam ecclesiam ob tres Episcopos Meletium, Paulinum, atque Vitalem, quorum singuli suæ cuique parti præſidentes, Damasi communionem præferebant; ad hunc dedit litteras, ut intelligeret, num una, an tres hypostasies dicendæ essent, & quocum Episcopo deberet communicare. Ita vero se se sollicitum in hoc exhibet, ut non minus fidei, quam communionis unitatem cum Romano Pontifice necessariam ostendat. In primis enim epist. 15. fidei negotium in hypostasum controversa agitari indicant illa, quibus *cathedram Petri, & fidem Apostolico ore laudatam* (ideſt Romanam laudatam a Paulo) sibi ea in quæſtione consulendam censuisse n. 1. fatetur. Tum vero num. 2. addens: *Ego nullum primum nisi Christum sequens, Beatitudini tuæ, ideſt cathedræ Petri communionem consocior;* communionem utique intelligit, quæ unitatem ejusdem Romanæ fidei exigit atque præſumit, ejusdem, inquam, Romanæ fidei, cui firmissime adhærebat, quamque *cathedræ* nomine ab eodem acceptam post



pauca videbimus. Rationem porro allaturus, cur huic *cathedrae*, seu Romanæ fidei, sibi adhærendum putaret, & hanc præ ceteris ea in quæstione consulendam crediderit, illud subiicit, quod cum Evangelico textu apud Matthæum, & cum nostra ejusdem textus explicatione superius proposita c. 12. §. I. maxime concinit, nimirum: *Super illam petram ædificatam Ecclesiam scio*, id est super illius cathedræ doctrinam fidei. Quam belle in nostram sententiam! Cum enim super fidem Romanæ cathedræ Ecclesiam ædificatam sciret; in controversia fidei Romanam fidem Apostolico item ore laudatam requirendam judicavit, ut dignosceret fidem catholicæ Ecclesiæ, quæ Romanæ fidei tamquam petræ & fundamento adhærescit, ac ita perspiceret, quam fidem ea in quæstione deberet profiteri, ne ab ea recedens, ab Ecclesia ipsa recederet. Id manifestius ostendunt subjunctæ similitudines, quibus ejusdem unitatis necessitatem multo apertius ingerit inquit: *Quicumque extra hanc domum agnum comederit, profanus est. Si quis in Noë arca non fuerit, peribit . . . Non novi Vitalem, Meletium respuo, ignoro Paulinum. Quicumque tecum non colligit, spargit; hoc est, qui Christi non est, Antichristi est.* Tandem proposita trium hypostaseon quæstione solutionem petit a Damaso, nec non ut sibi significet, quocum ex illis tribus Antiochiæ debeat communicare. Similia urget epist. 16. ad eundem Pontificem, ex qua hæc tantum exscribo, quibus n. 2. in tres partes discissam memorans Antiochenam ecclesiam, certum se ac tutum in ea parte pollicetur, quæ Damaso ejusque fidei adhæresceret. *In tres partes, inquit, scissa ecclesia ad se rapere me festinat, monachorum circa manentium antiqua in me surgit auctoritas. Ego interim clamo: Si quis cathedræ Petri jungitur, meus est. Meletius, Vitalis, Paulinus tibi hæerere se dicunt . . . Obtestor Beatitudinem tuam, ut mihi literis tuis, apud quem in Syria debeam communicare, significes.* Etsi vero quæstio de vocibus trium hypostaseon, quæ cum laudatis monachis potissimum a Hieronymo habebatur, modicum a nonnullis fiat, eo quod re omnes catholicos convenisse, solis autem verbis, vel suspicione discrepasse existiment; quæ tamen ille in medium profert pro asserenda communionis & fidei necessaria unitate cum Romana fede, ne quis extra hanc unitatem existens, Ecclesiæ petram deseruisse, extra domum agnum comedere, ac profanus esse,

extra arcam naufragus fluctuare, inaniter spargere, & Antichristi esse convincatur; cum & traditioni Patrum, & Scripturæ sententiis conveniant, maximæ in rem nostram auctoritatis sunt, tantique Doctoris testimonium luculentissimum exhibent.

35. Antequam alia ejusdem testimonia profero, nomen *cathedræ*, cui adhærendum omnino esse S. Doctor (æque ac alii Patres) tam expresse pronuntiavit, ex ipsius, nec non etiam aliorum Patrum interpretatione explicare libet, quod ad statuendam necessitatem unitatis fidei maxime conferet. *Cathedræ* appellatio apud Ecclesiam ex Hebræis, ac præsertim ex Evangelico textu Matthæi c. 23. sumpta est, ubi Moysis cathedra memoratur, ex qua Scribæ & Pharisei legem explicabant. Hic autem *cathedra Moysis* non materiale aliquam cathedram a Moysæ quondam occupatam, sed doctrinam legis Mosaicæ, quam Scribæ quoque & Pharisei docebant, palam significat, ut ipse observavit Hieronymus. *Per cathedram doctrinam legis intelligit.* Quod idem & Athanasius confirmat in expositione psalmi primi ad illa: *Et cathedram presbiteria*, inquit: *Per cathedram doctrinam significat, ut ipse ait: Super cathedram Moysis.* Itaque simili sensu & apud Ecclesiam cathedra sive Episcopalis, sive Pontificia nihil aliud innuit nisi doctrinam legis & fidei Christianæ, quam Episcopi atque Pontifices tradunt. Hiuc idem Hieronymus epist. 45. ad Damasum Papam *cathedram Petri*, *Et fidem Apostolico ore laudatam* velut unum & idem accepit. & epist. 97. al. 78. ad Pammachium *prædicationem cathedræ Marci* nominat paschalem epistolam Theophili Alexandrini, in qua contra errores Origenis catholica fides explicabatur; & similiter *prædicationem cathedræ Petri* vocat Anastasii Papæ litteras, quibus eam epistolam ab hoc Pontifice confirmandam postulabat. *Prædicationem cathedræ Marci Evangelistæ cathedra Petri Apostoli sua prædicatione confirmet.* Eodem quoque sensu Rufinus in epistola ad Gaudentium Episcopum interpretationi *Recognitionum* præfixa docendi *cathedram* appellat, & successorem in cathedra Petri, *doctrinæ* ipsius successorem vocat. Similiter Augustinus *doctrinæ salutaris cathedram* nominat epist. 105. n. 16. & Bacharius quarti sæculi scriptor in *Apologia* seu libello fidei edito primum a Muratorio tom. 2. Anecd. dein a Canonico Francisco Florio in Bacharii opusculis *cathedram Petri* inter-

Lib. 3. in  
Matth.

Pag. 7.

interpretatur, hoc est, *sedem fidei*. Tandem, ut alia præteream, cum S. Fulgentius in libro de Trinitate ad Felicem Nolanum illam fidem memorat, quæ usque nunc per successionum seriem in cathedra Petri Apostoli Romæ, vel Antiochiæ, in cathedra Marci Evangelistæ in Alexandria, in cathedra Joannis Evangelistæ Ephesi, in cathedra Jacobi Hierosolymæ ab inferum Episcopis prædicatur; cathedræ utique nomen ad fidem, quam Episcopi docent, evidentissime refert. Igitur quod ait Hieronymus *jungi cathedræ Petri* proprie est *jungi doctrinæ fidei*, quæ a Romanis Pontificibus Petri successoribus traditur; & quotquot Patres unitatem cum hac cathedra necessariam affirmarunt, unitatem cum fide ab ipsis tradita docuerunt necessariam.

36. Sed ut ad alia Hieronymi testimonia progrediar, non se solum, sed Alexandrinam etiam ecclesiam de hac unitate fidei cum Romanæ cathedra gloriatam prodit epist. 63. ad Theophilum n. 2. Cum scilicet Hieronymo, qui a Joannis Hierosolymitani communionem desciverat in Origeniana causa, objecti fuissent a Theophilo sacri canones, qui Episcopo omnes adherere jubent, nihil aliud respondit nisi se meminisse Romanam fidem Apostolico ore laudatam, cujus se esse participem Alexandrina gloriantur Ecclesia. Quibus indicare volebat, se quamvis separatam fidei causam ab Episcopo Hierosolymitano, unitum tamen esse fidei Romanæ, cujus unitatem Alexandrina ecclesia deprædicat, idque sufficere, ut se quis catholicum præstet. Catholicam quidem fidem, a fide Romanæ ecclesiæ non potuisse disjungi tam persuasum Hieronymo fuit, ut libro 1. in Rufinum n. 4. notam, qua distinguatur catholica fides, hanc esse constituat, quærere, utrum Romana sit, necne. *Fidem suam quam vocat? Eamne, qua Romana pollet ecclesia, an illa, quæ in Origenis voluminibus continetur? Si Romanam responderit, ergo catholici sumus.* Hinc effluxit catholicam fidem peculiari nota dici Romanam & Romanam item appellari Ecclesiam catholicam, ob unitatem scilicet fidei, quam cum fide Romanæ sedis universa Ecclesia peculiariter custodit ac proficitur. Etsi enim cujuscumque catholice ecclesiæ fides catholica est; præcipua tamen ratione catholica habita est fides ecclesiæ Romanæ, propterea quod omnium catholicarum ecclesiarum fides cum Romana convenire debet, ut Irenæus docuit, ita ut sicut non alia est Ecclesia catholica,

nisi quæ Romanæ tamquam communi fundamento & centro unitatis adhæret, ita non alia sit catholicæ Ecclesiæ fides, nisi quæ fidei ejusdem Apostolicæ sedis tamquam petræ incumbit, & cum eadem omnino concordat: unde Hieronymus ad hanc unitatis fidei necessitatem adstruendam jure scripsit: *Super hanc petram ædificatam Ecclesiam scio.*

37. Non itaque novum hoc posterioris ætatis inventum est, ut *Romana* habeatur dicaturque catholica fides; neque ex schismate Græcorum (ut nonnulli perperam existimant) id originem duxit; sed vetustiora multo principia agnoscit. Ex Cypriani epist. 52. communicare cum Cornelio Papa idem habitum vidimus num 12. ac cum catholica Ecclesia communicare: hujusque rationem in unitatem fidei refert Stephanus Baluzius monens not. 6. *Ecclesia catholica vocabulo intelligi corpus Ecclesiæ universalis, quæ tenet fidem Christi, quæ tenet fidem Petri, idest Romanam.* Similia ex Satyro S. Ambrosii fratre observavimus num 25. Apud Augustinum lib. de Gratia Christi c. 43. ipse Pelagius S. Ambrosii fidem laudans, *Romanam* appellavit, ut ejus fidem Romanæ adhærentem catholicam significaret. Theodosius junior in epistola ad Acacium aliosque Episcopos & Anachoretas, quæ in Ephesino Concilio recitatur, *Romanam religionem* eodem sensu nominat. Hormisdæ epist. 10. ad Avitum Viennensem Romanæ sedis *Apostolicam, idest catholicam* (ut explicat) *sententiam*; & epist. 18. ad Ennodium & Peregrinum, *Qui cum sede Apostolica, hoc est Ecclesia catholica non communicant*; & apertius de fide loquens epist. 70. ad Possessorem illud inquiri vult circa doctrinam de gratia & libero arbitrio, *quod Romana, hoc est catholica sequatur & asseveret Ecclesia.* Eadem leguntur & approbantur a S. Fulgentio Ruspensi cæterisque Episcopis Africæ exilibus in Sardinia, ut liquet ex epistola ad Joannem & Venerium, quam in Appendice tomi decimi operum S. Augustini reculam invenies. S. Gregorius Papa II. in litteris ad Episcopos & Duces Germaniæ scribens se commississe Bonifacio Moguntino, ut populos ex *Apostolica hujus sedis doctrina informet*, & in eadem *catholica fide permanere instituat*, Romanam Apostolicæ sedis fidem seu doctrinam pro *catholica fide* accepit. Hæc omnia Græcorum schismate anteriora sunt testimonia. Ita porro Romani dicti sunt catholici, ut Ecclesia catholica *Romana* appellata est, nimirum ob unitatem potissimum fidei cum

Romana, ut ipsi adversarii fateri coacti sunt. Romana enim dicitur catholica Christi Ecclesia non ob disciplinam, quæ varia esse potest in diversis locis, sed maxime ab ipsa fide, quæ una esse debet cum Romanis in omnibus & singulis ecclesiis. Ita Honoratus Tournely de Ecclesia quæst. 2. a. 7. Hinc etiam Bossuetus in sermone habito ad Comitum Cleri Gallicani an. 1681. confessus est ingenue: *Fides Ecclesiæ catholicæ, quæ semper est fides ecclesiæ Romanæ*. Similia repetit tom. 3. Meditationum in Evangelium die 72. & in corollario ad Defensionem declarationis Cleri Gallicani §. 8. indubie pronuntiavit, *catholicam fidem ad finem usque sæculi non aliam quam Romanam futuram*. Ita ergo necesse est tenere Romanam fidem, ut necesse est tenere fidem catholicam, quæ non alia nisi Romana est. Specialis hæc prærogativa Romanæ sedis nulli alii particulari sedi convenit, quippe quod nulla alia particularis sedes primatu donata est, cujus unius causa omnes undique fideles, idest totam Ecclesiam catholicam cum Romanæ Ecclesiæ fide convenire necesse est, ut ex S. Irenæo. Bossuetus statuit, & cum eodem statuerunt pariter Gallicani Episcopi in Concijs Mediolanensibus anni 1579. quorum verba recitabimus capite sequenti num. 11.

### §. VIII.

S. Augustini testimonia expenduntur, illa præsertim, quæ in libris contra Donatistas scriptis inveniuntur. Argumentum summum ex nota ecclesiæ uti Apostolicæ dicitur, quatenus necessariam adstruit unitatem fidei cum Romana Apostolica sede; aliæque aliorum Patrum in eandem rem testimonia proferuntur.

38. S. Hieronymo subjiciendus S. Augustinus, de cujus mente circa auctoritatem Apostolicæ sedis ob unitatem communionis & fidei continendam in tota Ecclesia nemo ambiget, si ea perpenderit, quæ idem sanctus Doctor adversus Donatistas schismaticos & adversum Pelagianos hæreticos scripsit. In primis contra Donatistas catholicæ unitatis, seu communionis desertores libro tertio in Cresconium c. 34. Romanum Episcopum ejusdem communionis catholicæ centrum agnoscit, quocum qui non

com-

communicarent, catholici haberi non possent. Cum enim Cresconius pro se allegasset Orientalium societatem & auctoritatem, quos ex Sardicensi Concilio ad Donatistiarum Carthaginensem, uti ferebatur, Episcopum scribentes, a ceterorum Occidentalium, quos traditores vocabat, communionem se se separasse dicitabat; S. Doctor, postquam affirmavit, illud Concilium non catholicorum fuisse, sed hæreticorum, qui Arianam hæresim propugnabant, eos hæreticos vel hac de causa fuisse probavit, quod Orientales catholici numquam ad quemquam magnæ licet sedis Episcopum scripsissent *Romano prætermisso. Africanam hæresim (Donatistarum) Orientalis hæresis (Pseudo-Sardicensium) sibi tentavit adungere, quod hinc maxime credibile est, quod ad Carthaginis Episcopum Romano prætermisso numquam Orientalis catholica scriberet. Fatetur ergo omnem ecclesiam, quæ catholica sit, cum Romana ita communionem debere coniungi, ut si quæ ejus communionem prætermittat, catholica nequaquam esse convincatur. Hinc itaque communionis catholicæ centrum in Romano Pontifice positum perspicue novit Augustinus; immo & cum Augustino novit ipsa catholica Orientalis ecclesia, cujus morem hoc loco Augustinus profert.*

39. Rursus cum Donatistæ Cæcilianum catholicum Carthaginensem Episcopum a suarum ecclesiarum *communione sejunxissent, & ob id illum dicerent separatam ab ecclesia; Augustinus e contra ut eundem in Ecclesia constituisse probaret, communionem ejus opposuit cum aliis totius orbis Ecclesiis, ac in primis cum Romana, cujus unitatem cum Cæcilianus teneret, nihil erat, quod ex Donatistarum separatione sibi metueret: Non mediocri Carthago auctoritatis habebat Episcopum, qui posset non curere conspirantem multitudinem inimicorum, cum se videret Et Romanæ ecclesiæ, in qua semper Apostolica cathedra viguit principatus, Et ceteris terris, unde Evangelium ad ipsam Africam venit, per communicatorias litteras esse conjunctum. Ita epist. 43. n. 7.*

40. Verum enim vero hanc cum Romana Ecclesia communionem, quam ex primatus prærogativa maxime commendavit, necessariam præ communionem cum ceteris prorsus significat in *Palmis contra partem Donati, ubi allaturus certum argumentum, quo illos ab Ecclesia separatos demonstret, unam profert Romanam sedem, a qua palam erat eos esse præcisos. Postquam enim ipsos declaravit a catho-*

catholica vera Ecclesia sejunctos, ad quam ut revertantur, si consulere sibi velint, hortatur inquires,

*Venite fratres, si vultis, ut inseramini in vite.  
Dolor est, cum vos videmus præcisos ita jacere:*

statim ad Romanæ sedis Pontifices eosdem provocat his verbis:

*Numerate sacerdotes vel ab ipsa Petri sede,  
Et in ordine illo Patrum quis cui successit videte.  
Ipsa est petra, quam non vincunt superbæ inferorum  
portæ.*

Simile quidpiam legitur in epist. 53. n. 2. quam Fortunatus, Alypius, & Augustinus ad Generosum dederunt. Ut enim Donatistas ab ecclesia separatos ostenderent (quidquid secus quidam ex ipsis angelicam revelationem mentitus distitasset) Romanæ sedis Pontifices in medium proferrunt sic: Si enim ordo Episcoporum sibi succedentium considerandum est; quanto certius & vere salubriter ab ipso Petro numeramus, cui totius ecclesiæ figuram gerenti Dominus ait: Super hanc petram ædificabo ecclesiam meam, & portæ inferi non prævalebunt adversus eam. Petro enim successit Linus, Lina Clemens; & sequuntur ad Anastasium usque, qui eo tempore Romanæ cathedræ præsidebat. Tum concludunt quasi Donatistas hoc argumento ab Ecclesia præcisos confirmaturi: In hoc ordine successionis nullus Donatista Episcopus invenitur; sed ex transverso ex Africa ordinatum miserunt, qui paucis præsidens Afris in urbe Roma Montensium, vel Cataguitarum vocabulum propagavit. Mira profecto videri nonnullis poterit hæc argumentandi ratio. Quid enim ad separationem ab Ecclesia Donatistis probandam Romanorum Pontificum series, seu catalogus confert? Id quidem haud facile intelligitur in adversariorum sententia; in nostra autem fit omnino perspicuum. Considerandum scilicet est, Augustinum utrobique proponere Evangelicum textum, quo Romana Petri sedes, seu Petrus & successores ejus, quos recenset, constituti fuerunt a Christo illa petra, cui totius Ecclesiæ ædificium incumbit, & fidei communionisque unitate adhærescit. Ut quis ad hoc Ecclesiæ ædificium pertinet, Ballerinius de Primatu RR. PP. T. neat,



neat, hanc unitatem teneat necesse est. Cum ergo neque in horum Pontificum serie ullus Donatista Episcopus invenitur, neque cum illis Petri successoribus Donatistæ communicarent, quippe qui cum Donatista Episcopo ex Africa Romam submisso, & a Romani Antistitis unitate separato solummodo communicabant; satis ex hoc Donatistarum factionem a Romanæ sedis unitate præcisam, ab ipsa quoque Ecclesia catholica præcisam Augustinus & Afri Episcopi argumento certissimo se demonstrare crediderunt. Adeo certum & exploratum illis fuit, non esse in Ecclesia catholica eum, qui hujus petrae non teneret unitatem. Quod si præterea animadvertas id in postremo textu tribui S. Petro ejusque successoribus, licet *totius Ecclesiæ figura* ipsis vindicetur; hanc *totius Ecclesiæ figuram* in Petro ac successoribus ejus ex Augustini mente jus cogendæ unitatis laudatis testimoniis assertum haudquam excludere, sed potius præsumere manifestissime intelleges.

41. Verum hæc S. Augustini argumentatio ducta ex serie ac successionē Romanorum Pontificum mihi in mentem inducit animadversionem quamdam, quæ ad necessitatem unitatis fidei cum Romana sedē statuendam maxime conferet. Fusiū aliquanto exponenda erit, & ex aliis quoque Patribus testimonia asserenda. Patrum præsertim antiquorum, quando in hæreticos vel schismaticos disputabant, frequens mos fuit, ad continuam Episcoporum successionem jam inde ab Apostolis ductam eos provocare. *Cedant ergo origines ecclesiarum suarum*, inquiebat Tertullianus, *evolvant ordinem Episcoporum suorum ita per successiones ab initio decurrentem, ut primus ille Episcopus aliquem ex Apostolis, vel Apostolicis viris . . . habuerit auctorem & antecessorem*. Cumque illi hanc successionem in suarum ecclesiarum censu proferre non possent; apud ipsos veram Christi Ecclesiam nequaquam reperiri antiqui illi Patres collegerunt. Uti sunt hoc argumento tamquam certissimo præter Tertullianum S. Irenæus l. 3. adversus hæreticos c. 3. Optatus lib. 2. in Parmenianum contra Donatistas, contra quos egit etiam Augustinus duobus locis recitatis; qui idem argumentum pariter objecit Manichæis quinquies, vel sexies; Auctor quæstionum veteris & novi Testamenti quæst. 110. S. Ephrem apud Assemanum tom. 1. Bibliothecæ Orientalis pag. 129. S. Epiphanius ad Carpocratis hæresim 27. n. 6. & alii. At quid, amabo, ad veram ecclesiam dignoscendam

De Præscript. c. 32.

dam non interrupta ab Apostolis Episcoporum successio? Inter veræ Ecclesiæ notas semper hæc fuit, ut *Apostolica* sit, ob fidem scilicet, quæ in vera Ecclesia alia non est, nec esse debet, nisi quam Apostoli tradiderunt. Quam autem fidem tradiderint Apostoli, ubi Apostolicæ desint litteræ, non aliunde cognoscere & probare licet, nisi per Episcoporum successionem, qui jam inde ab Apostolis eandem semper doctrinam non interrupta successione docuerint. Ne vero ecclesiæ, quæ multo post Apostolorum ætatem institutæ, hanc successionem in suis Episcopis nequeunt præferre, hac Apostolicitatis veræque Ecclesiæ nota careant, fatis est, ipso Tertulliano explicante c. 20. ut, si nec ab Apostolis, nec ab Apostolicis viris originem ducant, fidei saltem traducem hauriant ab ipsis ecclesiis Apostolicis, ut ecclesiæ fiant: nam per hoc, inquit, *Et ipsæ Apostolicæ deputantur, ut soboles Apostolicarum ecclesiarum.* Omne genus ad originem suam censetur necesse est. At monet, acceptam semel ab iisdem ecclesiis doctrinam perpetuo teneant oportet, ut tot *Et tantæ ecclesiæ illa habeatur ab Apostolis prima, ex qua omnes.* Sic enim omnes primæ *Et Apostolicæ, dum unam omnes probant unitatem.* Itaque ex tot ac tantorum Patrum sententia tam necesse est fidei unitatem tenere cum aliqua Apostolica ecclesia, quæ non interruptam successionem Episcoporum exhibeat, quam necesse est veram ecclesiam & veram fidem esse & probari Apostolicam.

42. At dum ejusmodi Apostolicarum sedium successiones pro vera Ecclesia & vera fide discernenda inculcantur a Patribus; ceteris Apostolicis ecclesiis vel indicatis tantum, vel prætermittis, unius Romanæ sedis Pontifices distincto catalogo recensentur, & ad hos potissimum hæretici, vel schismatici provocantur, ut ex Irenæi, Optati, Augustini, & Epiphaniï locis antea laudatis liquet: cumque nemo (quod observaverim) aliarum Apostolicarum sedium successionem sine Romana commemoret; tum vero multi-solius Romanæ successionis mentionem faciunt. Quid ita? Rationem præfert S. Irenæus antiquissimus omnium, qui hujus Romanæ successionis distinctum catalogum attulit. Is nimirum expositurus, cur e tam multis ecclesiis Apostolicam successionem suo ævo exhibentibus, quibuscum fidem conspirare debere affirmaverat ut probetur Apostolica, unius Romanæ ecclesiæ successionem doctrinamque hac non interrupta

successione traditam in medium adduceret, hanc rationem subicit §. 1. superius fufe explicatam: *Ad hanc enim ecclesiam propter potentiorē principalitatem necesse est omnem convenire Ecclesiam.* Optime. Si enim cum Romanæ ecclesiæ fide, de qua contextus loquitur, *necesse est omnem Ecclesiam*, ac proinde (1) etiam Apostolicas, convenire; ut quis se certum præitet de Apostolica fide, satis est cognoscat ac teneat Romanæ Apostolicæ ecclesiæ fidem, cum qua ipsæ Apostolicæ ecclesiæ debent convenire. Hæc autem necessitas conveniendi cum Romana fide ipsis quoque Apostolicis ecclesiis imposita tanta est, ut cum iisdem convenire debeat nemo, nisi quatenus cum Romana fide conveniant: a qua unitate fidei Romanæ si forte desciscant, non solum cum ipsis convenire amplius necessarium non sit, sed necesse potius sit non convenire, uti sane conveniendum non erat neque cum Alexandrina, neque cum Antiochena, Ephesina, aut aliis ecclesiis originis Apostolicæ, cum Episcopos alicujus hæresis auctores, aut patronos habuere.

43. Afferri & hic potest Hieronymi ratio antea explicata num. 34. qua dubius de fide Antiochenorum Episcoporum in quæstione de hypostasibus, Romanam fidem consuluit, propterea quod, inquit, *Super illam petram edificatam Ecclesiam scio: cui si qua ecclesia non adhæreat in eadem fide; quantumvis Apostolicam originem hæbeat, ad veram Christi Ecclesiam amplius non pertinet.* Adeo cum sola Romana ecclesia convenire necessarium est, ut cum aliis quantumvis Apostolicis tamdiu conveniendum sit, quamdiu conveniunt cum Romana; cum hac autem convenire semper necesse sit, etiamsi ceteræ ab ipsa discordent. Id autem eo magis hoc tempore opus est, cum jam ceteræ omnes Apostolicæ ecclesiæ variis hæresibus distractæ,

ab

---

(1) Hinc quidem P. le Nourri in Appendice ad Bibliothecam veterum Patrum disert. 6. in Irenæum c. 5. §. 2. tom. 1. pag. 579. [S. Doctoris textum fufe exponens, postquam Apostolicæ Romanæ ec-

clesiæ fidem ceterarum Apostolicarum fidei ab eodem præponi observavit; Immo vero, addit, & has matrices & Apostolicas ecclesias ad Romanam in causis fidei jubet convenire.

ab Apostolica fide defecerint. Si enim vera Christi Ecclesia Apostolica est ex fide Apostolica; fides autem, ut sit Apostolica, ex tot Patrum sententiis convenire debet cum aliqua ecclesia, quæ jam inde ab Apostolis non interruptam Episcoporum successionem ac traditionem exhibeat; cum modo nullæ jam sint Apostolicæ ejusmodi ecclesiæ nisi Romana; cum hac procul dubio conveniendum omnino est, ne Apostolicæ fidei nota per continuam Episcoporum successionem ex laudatis Patribus probanda, Ecclesiæ nunc desesse dicatur. Hæc quidem præsumunt Romanam ecclesiam Apostolicæ fidei eo Patrum argumento demonstrandæ hoc tempore necessariam, in tradita a Petro doctrina nec defecisse, nec defecturam umquam, sicut aliæ Apostolicæ defecerunt. (1) Id quoque in eo argumento urgendo præsumferunt inter ceteros S. Irenæus, & Augustinus, quorum

T 3

postre-

(c) Præclarum in hanc rem subnectam testimonium Bahauis Patricii relatum in generali Concilio VIII. act. 8. tom. 10. Concil. Ven. edit. col. 612. ubi indicatis quinque Patriarchalibus sedibus, in quibus Deum posuissent suam Ecclesiam affirmat, & statuisse in Evangeliiis suis, ut nunquam (illæ) aliquando penitus deciderint, eo quod capita Ecclesiæ sint; hanc rationem & explanationem subiicit. Etenim illud, quod dicitur, Et portæ inferi non prævalerunt adversus eam, hoc denuntiat, quando duo ceciderint, currunt ad tria; cum tria ceciderint, currunt ad duo; cum vero quatuor forte ceciderint, unum quod permanet in omnium capite Christo Deo nostro, revocatur iterum reliquum corpus Ecclesiæ. Certum est hoc textu præsumi, necesse quidem esse omnes catholicos concordare debere in

fide cum sedibus Apostolicis atque Patriarchalibus, quarum fides ex promissis Christi non est defectura: id tamen non ita ut semper conveniendum sit etiam cum iis, si quæ ex ipsis a fide defecerint; sed ita ut, si quibusdam deficientibus (quod fieri potest) una tantum rectam fidem custodiat (quod saltem ex Christi promissis necessarium est); catholici debeant cum ea convenire in fide, & hac ratione conservare unius & ejusdem Apostolicæ fidei unitatem. Cum igitur aliis Apostolicis & Patriarchalibus sedibus jamdiu a fide dilapsis una Romana totius catholice Ecclesiæ caput ex omnibus Apostolicis & Patriarchalibus illa sit, contra quam portæ inferi non prævaluerint; ex vi verborum Bahauis sequitur, ad hanc totum Ecclesiæ corpus esse revocandum in ejusdem fidei unitate.

*Psal. in par-  
tem Donati.*

*Irenæus lib.  
3. de hæres.  
6. 3.*

postremus idcirco monuit successionem Romanorum Pontificum, ad quam provocavit Donatistas, esse illam *petram, quam non vincunt superba inferorum portæ*: primus vero non solum in ea successione conservatam semper traditionem asseruimus, verum etiam in ea *ab his, qui sunt undique fidelibus*, idest a tota Christi Ecclesia, conservatam aperte prodidit, quippe quod non alia ratione Ecclesia in Apostolica fide se tutam præstitit, nisi quatenus in unitate fidei Apostolicæ Romanæ constitit. *In qua semper ab his, qui sunt undique, conservata est ea, quæ est ab Apostolis traditio*: de quo argumento plura dicenda erunt cap. 15. §. 2. & 4. ubi de indefectibilitate Romanæ fidei ex proposito agitur. Hinc tandem etsi Apostolica universim dicatur ecclesia ob fidem ab Apostolis ad nos usque productam per non interruptam Episcoporum successionem in iis sedibus, quæ Apostolos habent auctores; non tamen peræque de aliis Apostolicis sedibus ac de Romana censendum est, specialisque de hac ratio habenda, ita ut ad Apostolicitatem fidei tuto præstandam, unitas fidei cum hac sit penitus necessaria, ut hætenus dicta demonstrasse videntur. Quo forte respiciens

Clau-

tem. Quod peculiare Romanæ sedis privilegium præ ceteris Apostolicis in promissionem Christi Petro factam expresse retulit S. Anselmus Episcopus Lucensis in libro contra Guibertum Pseudo-Pontificem scripto: *Uno vel duobus (e tribus præcipuis Patriarchis) a fide corruentibus, inquit, Romanus in ejusdem fidei fundamento licet pulsatus, licet concussus, tamen stetit immobilis. Cælum enim & terra transibunt, verba autem ejus non transibunt, qui dixit: Tu es Petrus. & super hanc petram ædificabo Ecclesiam meam, & portæ inferi non prævalent adversus eam.* In hoc fundamen-

posuit, & in hoc unitatis catholicæ centro stetit semper stabitque catholicæ Ecclesiæ fides; & ob hanc unitatem in Romana potissimum traditione ac fide semper conservata est illibata totius Ecclesiæ fides & Apostolica traditio, ut ex Irenæo accepimus. Non ita conservata in aliis Apostolicis & Patriarchalibus sedibus, quæ jam defecerunt a fide: unde Christi promissio non ita alias uti Romanam respicit; & eatenus eadem promissio ad catholicam Ecclesiam refertur, quatenus hæc semper in unitate fidei Romanæ, seu in hoc fundamento ac centro stetit ac stabit.

Claudius Fleury in disputatione, quam præfixit sex priorum sæculorum historiæ, scripsit num. 12. Ecclesiam Apostolicam agnoscere per successionem Episcoporum præcipue earum sedium, quas Apostoli immediate instituerunt, nec non per unionem cum cathedra S. Petri, quæ est centrum unitatis catholicæ.

44. Sed ut ad Augustinum redeam, is unitatem cum Romanæ sedis Pontificibus tanti fecit, ut non tam schismatis reprehenderit Donatistas, qui ab ea desciverant, verum etiam se ea successione in Ecclesia teneri affirmaverit in libro contra Epistolam fundamenti c. 4. *Tenet me (in Ecclesia) ab ipsa sede Petri, cui pascendas oves suas post resurrectionem Dominus commendavit, usque ad præsentem Episcopatum successio Sacerdotum*: eo nimirum quod hæc Romanorum Antistitem successio, cui universum gregem, seu totam Ecclesiam Dominus in Petro commisit, tantæ penes ipsum auctoritatis esset, ut eidem tamquam firmissimæ petrae (quam alibi nominat, ut vidimus) omnino adhærendum ratus, vel ex hoc retineretur in Ecclesia; quæ pariter illi petrae ex Christi institutione adhærescit. Hanc autem auctoritatem in doctrina præsertim fidei ab Augustino agnitam fuisse ostendit Psalmus contra partem Donati, ubi memorata eadem Romanorum Pontificum successione petra vocabulo donata, quam non vincunt superba inferiorum portæ, subdit statim; *Talis si quis ad me veniat plenus catholicæ fidei, qualis illos sanctos viros*, (idest Romanæ ecclesiæ sacerdotes) *omnes solemus audire*: quæ sane non tam Augustinum, quam omnes catholicos ei fidei, quæ Romanorum Pontificum esset, promte adhærentes significant.



## §. IX.

*Alia ejusdem Augustini testimonia ex scriptis contra Pelagianos pro unitate fidei cum Romana. Validissimum argumentum ductum ex antiquissimo more referendi causas fidei ad Romanam sedem. Innocentii I. trium Conciliorum Africae, & aliorum Patrum auctoritates. Loca Augustini ex libris de baptismo objecta explicantur, ubi inter alia disquiritur, num in quaestione de baptismo extra ecclesiam percepto Stephanus ediderit propriè dictam definitionem fidei.*

45. Nunc ex Augustini scriptis contra Pelagianos editis pro unitate fidei exploratiora educuntur. Celebres sunt hac in re tres ad Innocentium I. epistolæ, duæ Conciliorum Carthagenensis atque Milevitani, tertia quinque Episcoporum Africae, quæ omnes ab Augustino scriptæ, & inter ejusdem epistolæ editæ non tam ipsius, quam totius Africanæ Ecclesiæ testimonium exhibent. Refertur in his de Pelagii Cælestique erroribus ad Romanam sedem, ut hujus hac super re exquiratur sententia. Antiquus hic referendi mos est, cum præsertim fidei quaestiones inciderent, & a primis quoque sæculis accurate observatus : cuius quidem initia ad ipsa Apostolorum tempora Theodoretus refert in epistola ad S. Leonem, ejusque primum exemplum profert ex Apostolo Paulo, qui tametsi esset *præco veritatis & tuba Spiritus Sancti*; in prima tamen illa de legalibus controversia, ut exemplum posteris relinqueret, ad magnum Petrum se contulit, ut iis, qui Antiochiæ de legali conversatione ambigebant, explicationem ab ipso referret. Si antiquissima monumenta superessent, plura id genus exempla e quatuor primis sæculis produci possent. At pleraque devoravit tempus edax, unde nihil quoque reliquum est ex iis multis, quæ Hieronymus sub Damaso relata & responsa commemorat epist. 91. ad Ageruchiam n. 1. Cum in chartis Ecclesiasticis juvenem Damasum Romanæ urbis Episcopum, & Orientis Occidentisque Synodicis consultationibus responderem, &c. Quæ tamen conservata nobis fuere, satis in-

• Inter Leonis  
epist. novæ  
edit. ep. 12.  
c. 1.



innuunt omnium ejusmodi relationum scopum atque consilium: quod in rem nostram maxime congruens ex tribus laudatis Africanorum Antistitum relationibus cognoscimus. Duæ scilicet referendi causæ ibidem allegantur: prima, ut ex responsionibus sedis Apostolicæ cognoscatur, quænam sit in proposita controversia Romanæ ecclesiæ fides; altera, ut ejusdem sedis auctoritate compescatur error, & errantes ad catholicam mentem revocentur. Utrumque autem ad unitatem fidei cum Romanæ sedis fide necessariam pertinet.

46. Primam referendi causam præclare exprimit epistola 177. a quinque Episcopis Aurelio, Alypio, Augustino, Evodio, & Possidio scripta post duo Carthaginense & Milevitanum concilia, ubi num. 19. post petitam veniam prolixioris sermonis additur: *Non enim rivulum nostrum, tam largo fonti augendo refundimus; sed in hac non tamen parva tentatione temporis... utrum etiam noster licet exiguus, eodem quo etiam tuus abundans emanet capite fluentorum, hoc a te probari volumus, tuisque rescriptis de communi participatione unius gratiæ consolari.* Qua illi allegoria cum rectæ fidei fontem esse indicant Romanam fidem, tum vero fidei doctrinam sua relatione propositam rectam esse non posse innuunt, nisi ex eodem fonte in ejusdem fidei unitatem derivet; ac idcirco quidem se ad Romanam sedem in causa Pelagiana retulisse significant, non ut rectam fidem doceant eandem Romanam sedem, sed ut intelligant, num sua fides cum fide ipsius sedis una & eadem sit, ac ex eodem fonte dimanet (*rivorum enim unitas servatur in origine*, ut loquitur S. Cyprianus de Unitate Ecclesiæ, ex quo fortassis hanc allegoriam Afri sumserunt): quod unitatis fidei necessitatem manifeste præsumit. Hæc autem cum scripserunt Africani, non per meram externam cæremoniam, seu officium, ut captarent Pontificis gratiam, scripserunt, eo scilicet animo, ut Pontifici assentirentur, si in ipsorum sententiam responderet, secus vero repugnarent. Hæreticorum & Pelagianorum proprium hocce consilium fuit, cum suam sententiam Romanæ sedis judicio submisere: quod vitium cum Africani Antistites in Pelagianis condemnarint, ut ex multis Augustini locis notum est; ab eo ipsi, sicut & catholici omnes, alienissimi fuisse dicendi sunt. Simplici ergo & sincera mente ea scribere, ut si quid in datis epistolis a Romanæ sedis fide, quam Pontifex respondendo significaret, dissonum reperiretur; id tamquam aquam

cisternæ dissipatæ, alienam a nativo fonte, unde pura aqua dimanat, reprobarent atque corrigerent: quo sane consilio Augustinus ad Bonifacium Papam misit libros quatuor contra duas Pelagianorum epistolas, ut hæc ejus verba declarant:

*Lit. 1. n. 3. Hæc ergo, quæ istis, ut dixi, duabus epistolis illorum ista dissertatione respondeo, ad tuam potissimum dirigere Sanctitatem non tam discenda, quam examinanda, & ubi forsitan aliquid dissipaverit, emendanda constitui.*

47. Hanc eandem mentem, quæ fidei unitatem cum Romana sede tamquam totius catholicæ doctrinæ originali fonte necessariam præsert, gessisse omnes catholicos in relationibus de controversiis fidei Innocentius I. testatur rescribens ad Patres concilii Milevitani, quibus proinde gratulatur, quod *super anxiiis rebus quæ sit tenenda* (nota hanc vocem tenenda) *sententia ab eadem sede quæsierint, antiquæ regulæ formam sequuti, quam toto semper orbe necum, inquit, nostris esse servatam; id nimirum scientes, nec non adione firmantes, quod per omnes provincias de Apostolico fonte petentibus responsa semper emanent.* Ubi vides Innocentium eidem Afrorum allegoriæ insistere. Et similiter in alia responsione ad concilium Carthaginense eandem allegoriam repetens, *antiquæ traditionis exempla, nec non instituta Patrum in eo aperte commemorat, ut inde ex Apostolica sede sumerent ceteræ ecclesiæ (velut de natali suo fonte aquæ cunctæ procederent, & per diversas totius mundi regiones, puri latices capitis incorrupti manarent) quid præciperent, quos abluerent, quos veluti cæno inmundabili sordidatos mundis digna corporibus undâ vitaret.* Hæc ex Africanorum loquutione ac sensu ab Innocentio sumpta, nemo per excëssum dicta criminetur. Quod si quis suspicaretur, eum statim revinceret Augustinus, cujus iudicio ad omnia ille rescripsit, eodem modo, quo fas erat atque oportebat Apostolicæ sedis Antistitem. Quo rursus testimonio unitatis in fide necessitas, quæ ab eodem Pontifice in iisdem litteris enucleatus exprimitur, ab Africanis approbata confirmatur. Neque enim ea tantum, quæ de Pelagiana causa, sed illa etiam, quæ ex ipsorum allegoria atque sententia de suæ sedis prærogativa in unitatem fidei Innocentius respondit, approbasse dicendi sunt. Quæ sane ab eisdem comprobata vel ex eo convinci potest, ut P. Coustantius optime observavit; quod eorum posterius scripserunt in exordio epistolæ, quæ a tribus Africæ conciliis ad Theodorum Papam missa, postmodum in

*Epist. 156.  
n. 2.*

*Admonit. in  
epist. 26. In-  
nocent. n. 3.  
pag. 865.*

in Lateranensi concilio sub S. Martino I. aet. 2 recitata fuit. Ibi enim eadem allegoria, iisdemque Innocentii sententiis ac fere etiam verbis utentes, *Magnum*, inquit, *& indeficientem omnibus Christianis fluentem redundantem apud Apostolicam sedem consistere fontem*, nullus ambigere potest, de quo rivuli prodeunt affluenter, universim largissime irrigantes orbem Christianorum, cui etiam in honorem beatissimi Petri Patrum decreta peculiarem omnem decrevere reverentiam in requirendis Dei rebus, quæ omnino & sollicite debent, maxime vero iustæque ab ipso Præsulum examinari vertice Apostolico, *cujus vetusta sollicitudo est tam mala damnare, quam probare laudanda*. Antiquis enim regulis sancitum est, ut quidquid quamvis in remotis, vel in longinquo positis ageretur provinciis, non prius tractandum, vel accipiendum sit, nisi ad notitiam almæ sedis vestræ fuisset deductum, ut hujus auctoritate iusta quæ fuisset pronuntiatio, firmaretur: indeque sumerent ceteræ ecclesiæ velut de natali suo fonte predicationis exordium, *& per diversas totius mundi regiones puritatis incorruptæ maneat fidei sacramenta salutis*.

48. Huic formulæ, quæ fidei unitatem ingerit sub allegoria fontis, a quo fidei veritas in totum orbem manare debet, affinis est alia in aliis relationibus, qua Romana sedes tamquam caput, cui cetera membra debent adhærere, exhibetur. Legatur inter ceteras relatio synodi Sardicenis anni 347. ad Julium Papam. Cum enim ad eandem sedem tamquam ad caput relationes mittebantur, non tam capitis requirebatur officium, *cujus est ceterorum membrorum regimini, sanitati, unitatique prospicere, quam eorumdem membrorum declarabatur obligatio, quorum est, (1) caput sequi,*

Unitas Romana sedi tamquam capiti debita.

(1) Chalcedonenſis concilii Patres in relatione ad S. Leonem, quem ſibi ſicut membris caput præſuiſſe teſtantur, poſtquam ex officio capitis eundem commendarunt, quod corpus Eccleſiæ unire feſtinaveſſet, hæc de ſuo ac membrorum officio prodidere: Nos capiti in bonis adjecimus conſonantiam. Quibus ſimilia leguntur de E-

phesiſis Patribus, quos, dum Cæleſtini judicio contra Neſtorianam hæreſim acclamarunt, ſancta membra ſancto capiti ſe adjunxiſſe Philippus Apoſtolice ſedis legatus pronuntiavit. Vid. act. 2. Concilii Epheſ. t. 3. col. 1147. edit. Venetæ. In hunc quidem finem capiti membra Eccleſiæ Chriſto inſtitute ſubjecta fuiſſe S. Hie-

T. 5. Concil.  
col. 886. d.

Cod. Justin.  
lib. 1. tit. 1.  
L. 7.

Pag. 70. edit.  
Ven. an.  
1487.

Quanta &  
quam pecu-  
liaris Roma-  
næ sedis au-  
ctoritas.

qui eidemque adhærere. huc spectat illud Aviti Viennensis epist. 36. *Scitis synodaliū legum esse, ut in rebus, quæ ad Ecclesiæ statum pertinent, siquid dubitationis fuerit, exortum, ad Romanæ ecclesiæ maximum sacerdotem quasi ad caput nostrum membra sequentia (quod unitatem indicat) recurramus.* Et Justinianus, qui in causa fidei ad Joannem II. retulerat, *quia caput est omnium sanctarum ecclesiarum; se unitatis in hoc rationem habuisse diserte affirmavit in litteris ad Epiphanium regis urbis Episcopum, quem propterea monet de promulgato ea super re edicto, servato statu unitatis omnium ecclesiarum cum ipso sanctissimo Patre a veteris Romæ, ad quem, inquit, similia hinc præscripsimus.* Non enim potimur, quidquam eorum, quæ ad Ecclesiasticum spectant statum, non etiam ad ejusdem referantur Beatitudinem, cum ea sit caput omnium sanctissimorum Dei sacerdotum. Confer Gregorii II. epistolam ad S. Bonifacium Episcopum Moguntinum inserta in hujus viri scripta ab Otlone Fuldensi, quam Henricus Canisius edidit. Verissimum scilicet est, quod in hanc rem Antonius de Rosellis unus ex adversariis prodidit in tractatu *De potestate Imperatoris & Papæ: Dicendum est quod potestas majorum causarum sit in Petro & Apostolica sede tamquam in capite, ita quod in ipsa habeatur respectus ad fidem Petri & illius beatissimæ sedis tamquam ad solem; unde lumen fidei & splendor unitatis in totam causetur Ecclesiam: ubi unitatem, & fidei quidem unitatem ex eo capite derivatam in totam Ecclesiam, relationibus fidei ad Romanam sedem causam dedisse fatetur.* At de prima referendi causa nimis fortasse multa.

49. Brevius me expediam ab altera, quæ Romanæ sedis auctoritatem respicit. Hanc causam Afri Carthagine congregati in litteris ad Innocentium I. exposuerunt his verbis: *Hoc itaque gestum, Domine frater, sanctæ caritati tuæ intimandum duximus, ut statutis nostræ mediocritatis etiam Apostolicæ sedis adhibeatur auctoritas pro tuenda salute multorum, & quorundam perversitate etiam corrigenda.* Et in eandem sententiam

Mile-

onymus testatur in libro contra Jovinianum, ut capite constituto schismatis tolleretur occasio: & ut addit S. Leo ep. 14. al. 12.

ad Anastasium Thessalonicensem e. 10. nihil usquam a suo capite dissideret.



Milevitani concilii Patres: *Arbitramur . . . . auctoritate sanctitatis tuæ de sanctarum Scripturarum auctoritate depromit* (quod auctoritatem primatus divini juris & in Scripturis probati respicit) *facilius eos, qui tam perversa & pernicioſa ſentiunt, eſſe ceſſuros.* Hic auctoritatem primatus propriam in Pelagianos, ut ad ſanam doctrinam revocentur, interpellatam vides. Quomodo vero auctoritas hæc in id conſilium interpellata fuiſſet, ſi non præcipuam cogendi vim eidem ratione primatus competere Africani credidiſſent? Hæc potior cauſa, cur Romanæ ſedi tam ſollicite ex univerſis provinciis referretur. Nonnulla quidem exempla litterarum ſuperſunt, quibus ab aliis eccleſiis conſilium petitum fuit, ut Lugdunenſis atque Viennenſis eccleſiæ ab eccleſiis Aſiæ ac Phrygiæ conſultæ fuerunt, quid de Cataphrygis ſentirent, teſte Eusebio lib. 5. Hiſt. c. 2. & 3. Conſulti etiam Metropolitani ab Episcopis provinciæ; immo & Episcopi, qui inſigniores fama erant ab aliis extra provinciam quandoque conſulti leguntur. At illi, tamenſi fama celebres, auctoritate tamen intra ſuæ diœceſeos fines circumſcripta uti poterant, nec niſi rogati, quod perraro accidit, de alienis cauſis cognoscebant, ut ne tamen eorum reſponſa quemquam per ſe cogerent. Una Apoſtolica ſedes ratione primatus omnibus eccleſiis prælata, auctoritatem in omnes exerere & ad unitatem omnes cogere poterat. Hinc ſi in cauſis gravioribus ad alios Episcopos ex libera voluntate quandoque relatum fuit; ad Romanam ſedem ut referretur, neceſſitas & debitum ſemper agnitum: unde S. Cyrillus ſe in culpa futurum affirmavit, ſi de Neſtorii dogmatibus ad Cæleſtinum non referret, additque ſe *ſcribere plane neceſſitate adactum.* Cui conſonans Ephesine ſynodus ſe ad eundem idcirco referre ait, *quoniam oportebat omnia ad ſcientiam tuæ Sanctitatis referri.* Et Innocentius I. in litteris ad concilium Milevitanum hujus neceſſitatis cauſam eo revocans num. 2. *quod per totum mundum poſſit Eccleſiis omnibus in commune prodeſſe, & auctoritatem illam indicat, qua una omnes totius orbis eccleſiæ ad unitatem fidei cogerentur. Nempe, ut poſtrema verba innuunt (obſervat P. Couſtantius), oportuit unam aliquam & ſingularem eccleſiam a Deo conſtitutam eſſe, quæ præſet aliis, cujus ope atque auctoritate per orbem terrarum omnem innoteſcerent, quæ in provinciis peculiaribus detegantur hæreticorum ſlagitia, errores, doli, quæque his malis adhibenda ſint remedia, ut (nota ſcopum unitatis ſi-*

*Epist. 8. inter Cæleſtini epiſt. edit. t. P. Couſtantii n. 1. Ibi ep. 20. n. 1.*

*In præſat. ad epiſt. Roman. Pontif. pag. XII.*

dei) *UNA EADEMQUE* omnium persisteret incorrupta *FIDES*, neque communionis aut pacis vincula solverentur, Vis ergo coactiva unitatis fidei hisce in relationibus Romanæ sedis auctoritati attributa fuit, sine qua cur tantopere ad illam auctoritatis causa ex universo orbe referrentur controversiæ circa fidem, nihil fuisset.

50. Hac quidem de re ne quicquam dubitemus, ipsi Gallicani postremæ quoque ætatis Episcopi luculentissimum testimonium præbent, cum anno 1653. scribentes ad Innocentium X. in causa Janseniana, veterem referendi morem summæ Romanæ sedis auctoritati apud antiquam Ecclesiam perscriptæ tribuunt, cui *Christiani omnes ex officio ipsius quoque mentis obsequium præstare tenentur*: quibus sane ad vim plane coactivam declarandam pressius dici nihil potuit. Hac sane eadem mente & persuasione Augustinum cum ceteris Africanis Episcopis de Pelagiano dogmate retulisse ad Innocentium I. quod certo crederent dogmaticum hujus responsum ex auctoritate Apostolica omnes catholicos cogere, manifestum sit ex illis ipsiusmet Augustini verbis, quibus post acceptum dogmaticum Innocentii responsum in publica concione edixit: *Inde rescripta venerunt, causa finita est; utinam aliquando finitur error!* quæ verba ab universa Ecclesia ita fuerunt suscepta, ut in solemnem quamdam veluti formulam identidem repetitam transierint. Rescripto Innocentii *causa finita* dici non poterat, nisi omnino cogeret, & obligaret. Quod apertissime confirmant etiam illa ejusdem Doctoris lib. 2. contra duas epistolas Pelagianorum c. 3. quibus eodem rescripto *totam dubitationem sublatam* testatus est; & ita sublatam credidit, ut quam hæresim duobus Africæ conciliis damnatam ante ipsam rescriptum (\*) *non evidenter exclusam de ecclesia* confessus fuerat, propterea quod illa concilia omnem Ecclesiam non cogerent; eandem post laudatum rescriptum, quod universalem cobeat Ecclesiam, ubique amputatam, & hæreticos ubique habitos, qui eidem rescripto non acquiescerent, in posterioribus libris passim tradiderit: tanta cogendæ unitatis vis ei auctoritati delata fuit.

51. Non

Serm. 131.  
n. 10.

(\*) Epistola 178. in qua leguntur hæc verba, *non evidenter exclusa de Ecclesia*, sunt rescripta post duo Africana concilia, & ante rescriptum Innocentii.

51. Non me latent adversariorum cavillationes, quibus perspicuum & peremptorium Augustini testimonium *causa finita est* extorquere & eludere studentes, contendunt, ad finendam causam tunc Apostolicum iudicium posse sufficere, cum agitur de errore per se manifesto, qui paucos patronos habeat, aut cujus damnationi Ecclesiae dispersae consensus accesserit. Eae autem cavillationes si quid valerent; quis non videat, nullo unquam casu rescripta Romanae sedis vim habitura, cum exploratum sit, quam facile contumaces ac refractarii haec & his similia effugia asserre queant, quam difficile sit definire, num error sit manifestus, an obscurus, num pauci & exiguae auctoritatis sint, qui pro illo dimicant, & quantum hoc quoque tempore disputetur circa Ecclesiae consensum, & circa conditiones in eo requisitas &c. Ne autem in his, de quibus alibi fortassis erit fufius dicendum, distrahatur hoc loco; haec profecto & alia similia, quae proferri possent effugia, ne cogitavit quidem Augustinus, qui sicut in relatione Pelagianae causae ad Romanam sedem nihil aliud intendit nisi ejusdem sedis auctoritatem; ita eandem solam auctoritatem respexit, cum eam causam (\*) *finitam* pronuntiavit rescripto ejusdem sedis, quae satis per se propter primum ad unitatem fidei omnes catholicos cogit. Hinc quidem libro 2. ad Bonifacium cap. 3. nihil subindicans ejusmodi cavillationum, Innocentii rescripto *totam omnino dubitationem sublatam* declarans, ipsi per se & absolute cogendi vim asseruit. Si enim liberum aut licitum putasset negari illi assensum; quomodo ab eodem *totam dubitationem sublatam dixisset?*

(\*) Id affirmavit serm. 131. habito eodem anno 417. quo Innocentii litterae datae fuerunt; quae quidem cum ad solos Africanos, non autem ad omnes totius Ecclesiae Episcopos fuerint transmissae; aliarum ecclesiarum consensum, de quo Augustinus nihil indicavit, ita asserre, ut ratione ejus *causam finitam* dixerit, chimericum est. Adeo vero uni hujus rescripti auctoritati

insistit, ut licet deinceps scripserit libros ad Bonifacium post Trajectoriam Zosimi ad omnes Episcopos missam, cui cum omnes catholici subscripserint, evidens in hoc erat totius Ecclesiae, seu omnium Episcoporum consensus; *totam* nihilominus *dubitationem* anterioribus Innocentii litteris, quae co consensu non erant praeditae, *sublatam* affirmavit l. 2. c. 3.



Marius Mer-  
cator p. 138.  
edist. Bahuzii.

xisset? Certe non dixit totam sublatam, eo quod post illas litteras dubitaverit nemo; nam Pelagiani & in his aliquot etiam Episcopi, nedum post rescriptum Innocentii, verum & post Zosimi Tractoriam *per totum orbem missam ac Patrum subscriptionibus roboratam*, suam sententiam adhuc tueri & propugnare conati sunt; sed ex eo *sublatam* dixit, & *totam* quidem *sublatam*, non facto tamen, sed jure, eo quod nemo catholicus postea dubitaverit, nec potuerit dubitare, qui vellet esse catholicus, & unitatem fidei cum Romana sede perspicua traditione necessariam, factam testam servare. Hinc igitur palam fit, Augustinum existimasse Pontificia rescripta circa fidem ligare, & ad assentiendum, atque unitatem omnes catholicos cogere. Judicium in Pelagiana causa ante Innocentianum rescriptum tulerant duo Africana concilia Milevitanum & Carthaginense; sed quia hæc concilia particularia jus non habebant coactivum in omnes, ipsorum auctoritate *causa finita* nec dicta fuit ab Augustino, nec dici poterat. *Finitam* vero affirmavit rescripto & auctoritate Apostolicæ sedis, cui jus cogendi omnes competere ratione primatus ex constanti traditione non ignorabat. Stet igitur de vi Romanæ sedis ad fidei unitatem cogente Augustinum & Africanos certos fuisse, cum Pelagianam causam ad Romanam sedem retulerunt, & cum Augustinus omnium mentem explicans, Apostolico Innocentii rescripto eam *causam finitam, totamque dubitationem sublatam* pronuntiavit.

\* Lib. 3. de  
Bapt. c. 4.  
\* Lib. 2. de  
Bapt. c. 4.

52. Video hic fortassis aliquem Augustini testimoniis hætenus propositis oppositurum illa ejusdem Doctoris loca ex libris *De baptismo*, ubi in causa de hæreticorum baptismate, in qua Stephanus Papa contra Cypriani sententiam decretum ediderat, Augustinus scripsit, se quoque <sup>\*</sup>iturum fuisse in Cypriani sententiam, nec <sup>\*</sup>ausurum contrarium asserere, nisi Ecclesiæ toto orbe diffusæ plenariique concilii auctoritate teneretur. Decretum ergo Stephani per se ad unitatem cogere nequaquam credidit, quoad Ecclesiæ conciliique plenarii judicium non accederet. Si hoc sensu objecta Augustini loca stricte intelligantur, S. Doctor sibi met ipsi contradixisse dicendus esset, cum in causa Donatistarum tanti fecerit auctoritatem Romanæ sedis ut hac sola eos satis perstringendos censuerit tum in Psalmo contra partem Donati, tum in Epistola ad Generosum, ut præcedenti paragrapho animadvertimus; in causa autem Pelagiana

lagiana decretum Innocentii I. per se se ita cogere crediderit, ut eo solo causam finitam affirmaverit. Immo non solum contra se pugnare videri potest, si ea loca nude sumantur, verum etiam contra catholicam doctrinam. Cur enim iturus fuisset in Cypriani sententiam hac ratione probans, *Non quia fieri non potuit, ut in obscurissima questione verius pluribus unus paucius sentirent; sed quia non facile pro uno vel paucis adversus innumerabiles ejusdem religionis & unitatis viros, & magno ingenio & uberi doctrina præditos, nisi pertractatis pro viribus atque perspectis rebus ferenda sententia est; docere videtur his verbis, evenire posse, ut in rebus fidei ac religionis pauci veritatem teneant potius, quam innumeri, ut in illa de baptismo controversia innumeri erant, qui Stephani sententiæ adhærentes contra Cyprianum sentiebant: quod certe promissionibus a Christo factis Ecclesiæ sive per orbem dispersæ, sive in generali concilio congregatæ omnino repugnat. Hæc itaque verba non a nobis solum, sed ab ipsis etiam adversariis explicanda sunt, ne non tam Pontificiæ, quam ecclesiæ & conciliorum generalium auctoritati noceant. Quid igitur? Hic duplex solutio præsto est. Cedo primam. Cum Ecclesiæ catholicæ & conciliorum auctoritate certis Christi promissis constituta non fuissent convicti Donatistæ, quos Augustinus impugnandos susceperat; objectis verbis ratione naturali & humano more cum ipsis agendum credidit. Quam in rem recitata verba attente consideranti manifestum fiet, ibidem Augustinum vim argumenti non deducere ex auctoritate Ecclesiæ per se, quatenus divinis promissis innititur, sed ex manifestatione veritatis atque evidentiæ morali, quia non facile pro uno vel paucis adversus innumerabiles . . . nisi pertractatis pro viribus atque perspectis rebus ferenda sententia est. Eodemque humano ratiocinandi modo scripserat lib. 2. De baptismo c. 4. Neque nos ipsi tale aliquid (contra Cypriani sententiam) auderemus asserere, nisi universæ Ecclesiæ concordissima auctoritate firmati, cui & ipse sine dubio cederet, si jam illo tempore questionis hujus veritas eliquata & declarata, per plenarium concilium solidaretur: ubi futurum Cypriani assensum non repetit ex Ecclesiæ auctoritate ac promissis Christi per se, sed ex eo repetit, quia moraliter rem æstimando fieri nequit, ut erret Ecclesia, tum cum post diutinas disputationes in variis regionibus, veritas tandem ita eliquata eluxit, ut ad plenariam synodum per-*

Lib. 3. de  
Bapt. c. 4.

ducta, omnium Episcoporum consensu agnita & confirmata fuerit; unde ibidem subdit: *Quomodo enim potuit ista res tantis altercationum nebulis involuta ad plenarii concilii luculentam illustrationem confirmationemque perducī, nisi primo diutius per orbis terrarum regiones multis hinc atque hinc disputationibus & collationibus Episcoporum pertractata constaret?* Augustini scopus in iisdem locis hic fuit, ut Cypriani auctoritatem Donatistis eriperet, ostenderetque, quam illi perperam ejus nomine abuterentur, cum mutatae jam essent ejus temporis circumstantiae: nam Cypriani aëvo res erat magnis difficultatibus ac tenebris involuta; ac postea ad ejusmodi manifestationem plenario etiā concilio cognitā jam erat perducta, cui cessisset ipse Cyprianus, si illo tempore *questionis hujus veritas eliquata & declarata fuisset.* Hanc autem humanam ratiocinandi viam, qua Donatistae (si humano more uti vellent) debebant convinci, Augustinus eorum infirmitati se se quodāmodo accomodans inire voluit, ut renitentem eorum mentem facilius expugnet. Humano autem more acturus, ut moralem evidentiam demonstraret, non ita ingerere debebat decretum Stephani, uti plenariae synodi decretum ingessit. Humano enim & morali modo rem perpendentibus, praescindendo ab auctoritate sacra, & promissis divinis, quibus (\*) Pontificia sulcitur auctoritas, cum ex una parte absurdum plane videbitur, unius hominis praecepto & auctoritati in re multis adhuc altercationum nebulis involuta universum orbem debere cedere; tum vero ex parte alia perabsurdum plane judicabitur, totius orbis Episcoporum post diutinas concertationes eliquata jam veritate in unam sententiam conspirantium multitudini refragari. Hoc itaque more humano Augustinus differens ex sola evidentia morali, nihil mirum, si in illa verba excurrat, quibus se iturum fuisse ait in Cypriani sententiam, nisi ea in quaestione discussis & solutis difficultatibus *universali concilio unum aliquid eliquatum sincerumque placuisset.* Mirandum citius erit illud, si quis Augustini mentem circa auctoritatem Pontificiam ex his locis elicere velit, in quibus non auctoritate sacra per se, sed evidentia morali adversarios

Lib. 1. de  
Bapt. c. 18.

(\*) Vide quae hac de re differunt pluribus cap. 15.

rios convincere nifus est; & non ex illis locis potius, in quibus contra Donatistas & Pelagianos propriam & Africanorum de eadem Romanorum Pontificum auctoritate sententiam expressit.

53. Nunc alteram solutionem proferam, quæ forsitan judicabitur (ut mihi quidem videtur) probabilior & verior. Certum est Augustinum, cum ea, quæ objecta fuerunt verba; scripsit, ut S. Cypriani auctoritatem Donatistis eriperet, considerasse hunc sanctissimum Martyrem in iis circumstantiis, in quibus res, de qua tunc agebatur, nondum erat ita disputando eliquata, ut quid circa eam esset sentiendum, post multas discussiones in provinciis, in plenario tandem Concilio contra Cypriani sententiam dictum fuisset. Porro Cypriani ætate nullam definitionem proprie dictam fidei in eo negotio emanasse certum existimo. Neque enim decretum seu litteræ Stephani, quibus rebaptizantibus obstitit, dogmaticæ definitionis formam ac vim præferebant; quam si ille edidisset, cum Cypriano & cæteris contrariam & abs se proscriptam doctrinam propugnantis non egisset solis excommunicationis minis, sed actu eos abscedisset a communione & unitate catholica, ut intendendis proprie dictis definitionibus dogmaticis fieri consuevit. Hac de re non cum solis Africanis Stephano quæstio fuit, sed & ante aliquanto etiam cum Asianis, ut ex Firmilianæ epistolæ liquet. Asianos autem in decreto, quod eorundem causa scripsit, non abscedit a communione; sed minatus solummodo est, se se ob eandem illam causam ab illorum communione DISCESSURUM, quemadmodum discimus ex Dionysii Alexandrini litteris ad Xystum, ubi etiam se se interposuisse indicat, ne eos a communione sua segregaret. Rationem addit idem Dionysius in aliis litteris ad Philemonem Romanum presbyterum, quia hæc praxis baptizandi eos, qui ex hæresi ad Ecclesiam veniunt, cum apud populosissimas ecclesias jamdiu ante recepta; Leonii & Synnadae conciliis probata fuisset, quamplurimis placuit; quorum, inquit, subvertens sententias in iurgio & contentiones conjicere nolumus. Hæc circa Asianos scripta sub Xysto S. Stephani successore; nihil præter minas a Stephano cum iisdem gestum præferunt. Idem etiam actum cum Afris, in quos solas minas Stephanum pariter intendisse, non autem actu ipsos excommunicasse luculenter probavit P. Coustantius, satisque explicavit,

Stephanus definitionem proprie dictam non edidit.

\* Vid. vitam S. Cypriani novæ edit. Baluz. præmissam §. 29. col. 76. 77. Ayud Euseb. Hist. l. 7. c. 5. Ibid. c. 7.

Dissert. post epist. Stephanum §. 7.

\* §. XXX.

cavit; quæ vulgo opponuntur, concordante etiam Benedictino scriptore \* vitæ S. Cypriani præmissæ editioni Baluzii. Enimvero cum Dionysius Alexandrinus eodem modo de Afriis ac de Asianis scripserit ad Philemonem Xysti presbyterum, Stephani minas ulterius non processisse, sed potius eodem agente Dionysio omne dissidium, quod sub Stephano coeperat, plane sedatum sub eodem Xysto (quem idcirco fortassis *bonum & pacificum sacerdotem* in Cypriani vita Pontius nominat) conjicere licet, Communionem quidem inter Cyprianum & Stephanum actu non fuisse sublatam manifeste deducitur ex Augustino, qui de ambobus sermonem faciens, eos in unitate & communione perstitisse multis in locis pronuntiat, ac ita perstitisse affirmat lib. 5. *de Baptismo* num. 36. *ut in tali disceptatione nullum inter eos malum schismatis oriretur*, idest nulla discissio unitatis ex parte Cypriani neque ulla ex parte Stephani communionis abruptio; cumque multi cum Stephano, aliqui cum Cypriano sentirent, utroque tamen *cum eis in unitate constituisse* scripsit in libro *de Unico baptismo* c. 14. Verba quidem litterarum Stephani, quæ supersunt, & decreti formam exhibent, *Siquis ergo a quacunque hæresi venerit ad nos, nihil innovetur, nisi quod traditum est, ut manus illi imponatur in pœnitentiam*, non dogma aliquod ex fide catholica credendum, nec fidei definitionem proprie dictam exprimunt, sed consuetudinem in Romana ecclesia receptam ac traditam, ut hæretici ad Ecclesiam venientes sola manus impositione recipiantur, declarant, & ne quicquam hac in re innovetur, præscribunt: quæ autem in materiæ ejusmodi practicis, in quibus aliæ præsertim magnæ ecclesiæ, insignesque Episcopi alia consuetudine utentes dissentiant, ita præscribuntur, ut nihil ex fide credendum statuatur expresse, nec unitas atque communio actu abruptatur, dissentientibus ab unitate catholica nequaquam præcisis, non sunt proprie dictæ definitiones fidei, si præsertim versentur in materia, quæ ad disciplinam referri queat. Consuetudo, qua hæretici ad Ecclesiam venientes baptizabantur, obtinebat non solum apud Africanos jam inde ab Agrippini Episcopi tempore, verum etiam apud præstantissimas Orientales ecclesias Cappadociæ, Ciliciæ, finitimarumque provinciarum Asiæ; eaque concilio Africano sub Agrippino, ac duabus aliis synodis Iconii & Synnadæ fulciebatur. Consuetudines autem ejusmodi diversæ, quæ salva unitate apud catholicos

Quæstio disciplinæ quatenus habita.



tholicos utrinque vigent, ita rem obscuram faciunt, ut quamvis versentur in materia sacramentorum, incertum videri possit, num ad fidem, an vero ad disciplinam diversam pertineant. Licet enim Stephanus suæ ecclesiæ consuetudinem Apostolicam, uti vere erat, affirmaret; non omnes tamen consuetudines, quæ Apostolicam originem habent, ad jus divinum & dogma catholicum spectant; siquidem quædam etiam in sacramentorum administratione meræ sunt disciplinæ, uti disciplinæ quidem diversæ tribuitur forma ministrandi baptismatis apud Græcos & apud Latinos diversa, ac similiter forma ministrandi sacramenti poenitentiae per deprecationem, vel absolutionem. Aliquæ vero consuetudines, quæ reipsa per se includunt aliquod dogma juris divini, ita cursu temporis intermitteri, & involvi difficultatibus potuerunt, ut contrariis hinc inde magnorum sanctorumque Episcoporum sententiis agitatæ, nisi definitio accedat Ecclesiæ (1), opinio num limites non excedant. Ad disciplinam quidem totum hoc de modo recipiendi baptizatos ab hæreticis dissidium retulisse videtur Firmilianus, dum in litteris ad S. Cyprianum hanc quæstionem comparat cum quæstione de die paschatis aliisque diversis consuetudinibus, quæ profecto sunt disciplinæ, cum quis circa celebrandos dies paschæ, & circa multa alia divinæ rei sacramenta, videat esse apud illos (Romanos) aliquas diversitates, nec observari illic omnia æqualiter, quæ Hierosolymis observantur, secundum quod in ceteris quoque plurimis provinciis multa pro locorum & nominum diversitate variantur. S. Basilii quoque eandem rem disciplinæ adscripsit, cum pro varietate locorum & œconomix causa divetsam in

Ep. 75. in-  
ter Cyprian.  
col. 303.

X 3. reci-

(1) Erii quoad characterem sacramenti eadem sit sacrorum ordinum ac baptismatis ratio; ob nonnullas tamen auctoritates, quibus rejectæ fuerunt tamquam irritæ ordinationes sacre nedum ab hæreticis, aut schismaticis, verum etiam ab excommunicatis, degradatis, & quævis peractæ, adhuc post

decisam circa baptismum quæstionem ita quoad ordinationes sacras veritas coarsa & involuta tenebris fuit, ut multi diutius easdem irritas opinati sint, & non nemo etiam materiem ejusmodi Ecclesiasticæ dispositioni subiciens, ad disciplinæ speciem retulerit. Vide Morinum *De sacris ordinationibus* Exercitat. 5.

*Epist. 1<sup>re</sup>.  
Basil. tom. 3.  
col. 268.*

col. 27c.

*Basil. epist.*  
*col. 296.*

recipiendis hæreticis consuetudinem obtinere posse prodidit in  
epistolis canonicis prima & secunda ad Amphiloichium. In  
prima enim epistola can. 1. de Catharorum receptione lo-  
quens, ejusdemque Amphiloichii sententiam approbans, *Re-  
de admonuisti*, inquit, *uniuscujusque regionis morem sequi opor-  
tere*, quod ii, qui tunc de illis statuerunt, in varias de ipsorum  
baptismate sententias obierint. Et aliquanto post: *Si hoc gene-  
rali æconomia impedimento erit, rursus consuetudinem attendi uis-  
si*, & sequi oportet Patres, quique ad nos pertinent dispensauerint.  
Et post recensitam Firmiliani & Cypriani sententiam, quæ  
Novatianorum, seu Catharorum baptismum rejiciebat, et si  
eam per se non censuit improbandam; addit tamen, quasi  
res disciplinæ fuisset, *Sed quoniam nonnullis Asiaticis visum est  
propter multorum æconomiam; & dispensationem eorum baptisma  
suscipi, suscipiatur*. In secunda vero epistola canonica ad eun-  
dem Amphiloichium can. 47. Stephani Papæ rebaptizationem  
interdicens decretum, non dogmaticæ constitutioni, sed  
æconomia tribuens, quæ apud suos effectum non erat conse-  
quuta, *Si apud vos, ait, prohibita est rebaptizatio, sicut &  
apud Romanos, æconomia aliquis gratia, nostra tamen ratio vini  
obteneat*. Dum porro subdidit, optare se, ut cõiret plurimum  
Episcoporum concilium, qui rem accuratius discentientes ca-  
nonem conderent (1) omnemque dubitationem abigerent,

(A) Mirantur non pauci hæc Basilium de rebaptizatione scriptissimè post Nicænam quoque synodum, a qua ejusmodi questionem terminatam fuisse plerique arbitrantur; sed crediderim illud accidisse Basilio, quod occasione alius Nicæni canonis contigit S. Augustino, quem vivente Valerio Episcopo ordinatum contra interdictum Nicænam, quod nulli ignorabat, non solum tradidit Possidius, sed ipse etiam Augustinus testatur epist. 213. n. 4. Noti quidem erant Africanis

Nicæni canones, quos ex antiquissima verlicue Cæciliarius in Africam detulerat. Hos Augustinum nunquam ante ordinationem legisse incredibile est. At interdictum memoratum nullo Nicæno canone expressum legitur, sed solum canone octavo, ubi de Cathariss statuitur, ut ipsorum Episcopis ad unitatem venientibus, si in locis sint, ubi Episcopi catholici inveniuntur, presbyterii honor aut nudam Episcopi nomen concedatur, hæc ratio additur, *ne in una ciuitate duo*



rem adhuc sub opinione versari indicavit; quoad definitio non prodiret. Hac de causa alios atque alios Episcopos in conciliis diversarum provinciarum hac de re nondum definita & obscura, salva pace utrinque disputasse, ac diversis opinionibus fluctuasse affirmavit Augustinus; adeo ut d. u. in suis quibusque Regionibus diversa statuta nuntiaverint; donec plenario totius orbis concilio, quod saluberrime sentiebatur, etiam remotis dubitationibus saluberrime firmaretur. Disputando quidem factum est, ut ea Romanae ecclesiae consuetudo in recipiendis

Lib. 1. de  
Bapt. n. 9.

Episcopi prudentem existere: quod quidem ratio interdicti generalis Synodi involvit; at cum expressum interdictum non sit, Augustini considerationem fugit, cum olim ante ordinationem Nicenis canones legiti. Id autem tunc tantum probabiliter detexit, cum incidit in Rufini historiam, quae eosdem canones abbreviatis representans, distinctum interdictum praefert canone decimo. Ne in una visitate duo Episcopi sint. Vide hac de re admonitionem praemissam cap. 2. Codicis canonum tom. 3. nostrae editionis Venetæ operum S. Leonis n. 8. fol. 81. Non dissimiliter in questione de haeticorum baptismo nullus Nicæus canon expressum & generale decretum exhibet, sed ex canonibus duobus octavo & decimo nono legitima deductione colligitur quippe cath. 8. Catharos ad Ecclesiam venientes impositione manuum recipi, ca none vero 19. Paulinianos omnino baptizari jubet. Discrimen si quis attente inquirat, in eo situm deprehendet, ut notavit Innocentius L. in

epistola ad Macedones n. 10. quae Cathari, seu Novatiani in nomine Patris & Filii & Spiritus Sancti baptizabant, Pauliniani vero non item. Hanc discriminis rationem quicumque observavit, questionem de baptismo Nicenis canonibus definitam deprehendit. Cum vero hac discriminis ratio ex ipsorum canonum verbis non incurrit in oculos; nihil mirum, si non omnes, qui legerunt ipsos canones eandem questionem ipsis canonibus definitam cognovere: nihilque pariter mirandum, si ob eundem animadversionis defectum S. Basilii ad eam questionem definitam aliquod concilium desiderans, & a Nicenis Patribus definitam non animadvertens, causam varietatis ea in materia diversae discipline & oeconomiae vindicavit. Eadem animadversio patet fugit S. Cyrillum Hierosolymitanum Episcopum, cum adhuc post Nicenum concilium scripsit in prologo ad suas catecheses: Soli heretici rebaptizantur, siquidem prius illud non erat baptisma.

hæreticis legitima forma baptizatis sola impositione manuum sine novo baptisinate, quam ab Apostolis deduxit Stephanus, detegeretur fuisse non solum Romana, sed etiam ceterarum omnium ecclesiarum tum Occidentalium, tum Orientalium, quæ in ipsa Africa, & in Asia quoque vigeat ante synodos Agrippini, Iconii, & Synnadæ, ex quibus rebaptizandorum hæreticorum consuetudo originem, & auctoritatem coeperat: ac proinde agnitum fuit, illam fuisse consuetudinem totius Ecclesiæ ab Apostolis omnibus traditam, quæ ad baptismi substantiam ex Christi institutione referenda est. Hinc canones, qui hac de re jam eliquata in plenario concilio, ac deinceps in aliis synodis editi sunt, dogma & definitionem fidei constituunt, a quo neminem catholicum desciscere licet. Cypriani autem ætate cum id non esset adeo exploratum, nec a Stephano ulla prodisset proprie dicta dogmatica definitio (quam in materiis practicis, ubi magnarum ecclesiarum ac provinciarum consuetudines sunt diversæ, & magnos utrinque sanctosque Episcopos habent patronos, Apostolica prudentia (1) differre solet); sed præcepto tantum solisque ex-

commu-

(1) Notum est inter alia, synodum Tridentinam, cui propositum erat novatorum errores configere, maxime cavisse, ne, ubi incidebant gravium Theologorum hinc inde opiniones, definitivam in iisdem sententiam ferret. In questione autem, num matrimonium adulterii causa dissolvatur, veræ doctrinæ prospiciens sess. 24. can. 7. anathema quidem dixit in eos, qui dicerent Ecclesiam errare, cum docet ejusmodi viniculum ea de causa non posse dissolvi: at instantibus Oratoribus Reipublicæ Venetæ ob Græcos regnorum ejusdem Domini, abstinuit ab anathemate iis infligendo, qui ob adulterium conjugis ad a-

lias nuptias transirent, ne hoc anathemate nimium offenderet eosdem Græcos, qui licet alia consuetudine uterentur, Præsulibus tamen Romanæ sedis adherentibus suberant, eorumque conversionem difficiliorem redderet, ut Cardinalis Pallavicinus lib. 22. Hist. Conc. Trid. c. 4. pluribus explicat. Porro in questione de hæreticorum baptismo Cypriani tempore nondum definita, in qua Asiani Cappadociæ & Ciliciæ finitimarumque provinciarum, una cum Africanis majorum suorum traditionem & consuetudinem a sanctis doctisque Episcopis receptam, conciliorumque provincialium Orientis & Africa approbatam conjunctis

communicationis minis, ut sanæ veræque doctrinæ satis provideret, laudatus Pontifex usus fuisset; hujus decretum, quo Romanam consuetudinem ab Africana diversam observandam urgebat, eam quæstionem dogmaticam, num ipsa consuetudo

*Bellarminus de Primatu RR. PP.*

Y

ad

studiis propugnabant; quid mirum, si instante S. Dionysio Alexandrino, & coadjuvantibus duobus præsantissimis Romanæ ecclesiæ presbyteris Philemone atque Dionysio, ad quos idem Dionysius Alexandrinus litteras dederat (apud Euseb. Hist. l. 7. c. 5.), Stephano Papa excommunicationem inferre volenti persuasum tandem fuit non expedit a præcepto & minis ad actuali excommunicationem procedere, cum ex una parte uniri posset, ne acerbiores contentiones atque scissuræ fierent, quod laudatus Dionysius Alexandrinus monuerat; ex alia vero parte Asianorum & Africanorum consuetudo in re nondum definita, nullum animabus periculum asserret, cum baptizantes vel in simplici dubio de valore baptismi ante collati tutiorem partem sequerentur. Consulens itaque visum est in solo præcepto & minis sistere, definitionemque in aliud opportunitus tempus remittere, quoad materies discussa & eliquata in variis conciliis, plenariæ tandem synodi sententia terminaretur. Cum semper dogmaticis definitionibus congrua disceptatio & a conciliis & a summis Pontificibus præmittatur; scite movuit eum Cardinali Perronio Eminenti

mus Ursinus (l. 2. de Rom. Pont. auctoritate part. 2. c. 19. pag. 336.) fieri aliquando posse, quæstionem aliquam tot esse altercationum ac difficultatum nebulis involutam, ut ad eam dogmatico certoque iudicio finiendam sibi ipse Pontifex opus esse iudicet, non modo domesticæ & sibi jugiter adhaerentis, verum etiam plenioris, immo & generalis synodi consaltatione: quo casu definitionem ad plenioris, aut generalis synodi tempus remitti opus est. Deo utique sic inspirante, qui ob rationes nobis inscrutabiles ipsas magni momenti quæstiones non semper statim, nec uno semper modo definiendas disponit. Neque dubitare licet, quin eodem Deo pariter disponente & inspirante factum fuerit, ut de collato ab hæreticis baptismate contra Asianorum atque Cypriani sententiam non statim a Stephano prodiret expressa dogmatica definitio; Pontifex scilicet noluit rem ipsam de fide facere sine generali concilio: ut Bellarminus notavit lib. 4. de Rom. Pont. c. 7. Certe ut hac in re veritas aperiretur, multa hinc & inde in variis provinciis fuerunt disputata, ex quibus multa veritates atque multa principia ad catholicam aliorum quoque dogma-

ad fidem, an ad disciplinam (1) pertineret; indecisam relquit. His autem in circumstantiis cum salva fide & veritate ob veritatem detegendam rationum momentis agendum esset; momenta rationum, quæ pro Cypriani sententia allata fuerant, ita fortiora visa sunt Augustino, ut scripserit se cessurum fuisse in eandem sententiam, nec ausurum quicquam contra illam asserere, si vixisset eo tempore, quo res nondum eliquata, nec in concilio plenario definita fuisset. Quod si hujus quæstionis definitionem non Stephano Papæ, sed plenario concilio adscripsit; non ea de causa factum est, quia summis Pontificibus definiendi auctoritatem deesse crederet, quæ Pelagianam causam omnino finitam fuisse confessus est; sed quia non ita in causa de hæreticorum baptismo, uti in Pelagii causa delinquerat Apostolica sedes, sed concilium plenarium; vel etiam quia (ut hoc quoque cum priori responsione concinens addam) humano more differenti contra Donatistas ecclesiasticam auctoritatem nihili facientes, non ita efficax apud eos esse poterat unus Pontificis decretum, uti decretum concilii plenarii, in quo post multam multis in provinciis discussionem manifestata jam veritate tot Patrum sententiæ in unam conspirarunt, cum præsertim ex his confiterit, consuetudinem, quæ Romæ vigeat, fuisse universalem totius Ecclesiæ catholicæ, ac proinde traditionis divinæ, quod ex solo decreto Stephani solam iugerente consuetudinem Romanam, quæ discipline potuit adscribi, inferri evidenter, & convinci non poterat.

Hæc

tum veritatem cognoscendam constituendamque, & ad varios errores refellendos pervenerunt, ut vel ex iis, quæ contra Donatistas scripsit S. Augustinus, manifestum est. Lege hujus sancti Doctoris textum in Psal. 54. supra recitatum c. 12. n. 1, ubi occasione quæstionum in Ecclesia excitatarum illam memorans de baptismo, multa obscura a catholicis tractatoribus in lucem deducta, &

loca Scripturarum copiose & enucleate explicata tellatur.

(1) Addi potest vel ad opinionem; rationes enim & opiniones diversæ etiam in materiis diversis discipline locum habent; & in hac quidem controversia de baptismo extra Ecclesiam collato statutus diversis ab Augustino memoratis lib. 1. de Bapt. n. 9. causam dederunt.

Hæc ob difficiendam objectionem ex Augustini auctoritate ductam, quæ juncta cum facto S. Cypriani inter omnes præcipua & fortior, multisque etiam uisibus aptata ab adversariis pluribus in locis urgetur, fusius dicenda fuere; ac ex his illud detectum arbitror, eandem objectionem duplici falsa hypothese innixam esse. Ut enim argumentum ex ipsa contra nos intortum vim habeat, duo ab adversariis præsumantur ne esse est: primo Augustinum credidisse decretum Stephani huic proprie dictam definitionem fidei, dein existimasse eam definitionem in causa tot difficultatibus involuta non potuisse obligare ad assensum, nisi concilii plenarii confirmatio accederet. Cum porro ex dictis hætenus Stephani decretum non fuerit proprie dicta definitio; utraque hypothesis cadit. Difficultates autem, quibus eadem quæstio Cypriani ætate erat involuta; potuerunt quidem elucere, & probabiliter etiam fuerunt in causa, cur S. Stephanus non definierit; sed nec fuerunt, nec possunt credi rationes, ob quas definitio proprie dicta, si a Stephano, vel ab aliquo ejus successore ea in re edita fuisset, vim obligandi peremptoriam non haberet ex Augustini mente, antequam plenarii concilii judicio probaretur; cum idem S. Doctor causam Pelagianam non minoribus involutam (1) difficultatibus sola Innocentii I. definitione finitam, nec ad eam solvendam opus fuisse generali concilio disertissime pronuntiaverit. Cum itaque hæc potissima ex Augustino objectio falsis hypothesebus fulta, adversariis nihil prodesse queat; integrum relinquitur argumentum, quo ex aliis S. Doctoris testimoniis ipsius sententiam de vi cogente ad fidei unitatem Apostolicis definitionibus ab eo tributa explicavimus.

54. Ut autem de relationibus ad Romanam sedem, de quibus hoc in paragrapho fusius egi, paucis concludam, illud ex disputatis hætenus palam factum esse arbitror, Africanorum relationibus circa Pelagii hæresim spectatam fuisse fidei unitatem, eundemque scopum præter Innocentium I. qui illorum probavit consilia, prospexisse etiam ceteros

(1) Hinc in confutandis Pelagianis pluribus operibus laborandum fuit Augustino, quam in Donatistas.

teros omnes, quotquot in causis fidei sedem Apostolicam consuluerunt. Eodem pariter collimat illa S. Hieronymi ratio, qua in quaestione de hypostasibus Romanam fidem se consulere scripsit ad Damasum, quia *super illam petram aedificatam Ecclesiam scio*. In quam sententiam Bonifacius I. in litteris ad Rufum Thessalonicensem num. 1. Apostolicam sedem consultam prodiit, quippe *quam constat dignatione petrae spiritualis elatam*, ejus scilicet fidei petrae, cui totam Ecclesiam ex institutione Christi inniti & incumbere necesse est, ut explicavimus pluribus c. 12. §. 1.

## §. X.

*Pelagii Caestiique textus. Argumentum ductum ex antiquo more subiiciendi opera praesertim dogmatica Romanae sedis judicio.*

55. Mirum cuiquam videbitur, me ob statuendam necessitatem unitatis fidei cum fide Romanorum Pontificum, allegare ea testimonia haereticorum ante condemnationem producta, quibus iidem post condemnationem & facto & scriptis contradixerunt. At ne hoc testimoniorum genus imbecille credatur, illud animadvertendum est, quod ea, quae ipsi ante condemnationem & antequam de Ecclesia pellerentur, confessi sunt, ex traditione & communi catholicorum sensu fuerunt expressa, dum catholicam illi mentem gererent, catholicosque se exhibere & probare catholicis vellent. Itaque ejusmodi ipsorum testimonia catholicorum sensum & praxim praefertentia maximi facienda sunt, quibus sane non contradixere, nisi postquam a Romana sede condemnati, mentem & veritatem catholicam exuerunt, atque deseruere. Neque enim existimandum est Luthero ex. gr. magis deferendum, cum post condemnationem Romani Pontificis primatum sibi insensum negavit, quam cum illum ante condemnationem ex communi catholico sensu professus est. Id quidem nec adversarios ipsos judicare suadent illa cujusdam Anonymi nobis in hac causa contrarii: *Methodus priorum Reformatorum est argumentum magni ponderis adversus ipsos. Disputationis initio confessi sunt Papam esse supremum Christi vicarium; nec ejus auctoritatem in dubium re-*

*Traité de l'autorité du Pape. Heye 1720. lib. 1. c. 3. n. 8. pag. 92.*

*voca-*

vocare caperunt, nisi cum contra ipsos desinuit, perinde ac si iudex desinat esse iudex, cum adversus aliquam partem sententiam pronuntiat, vel ac si veritas, cum incommoda esse incipit, veritas amplius non sit. Quæ peræque in rem nostram faciunt, ut testimonia pro unitate fidei ab hæreticis ipsis initio producta maximi habenda credantur, nec ex iis, quæ post derelictam Ecclesiæ unitatem edidere, infirmentur.

56. Itaque Cælestius atque Pelagius, qui Romanam fidem tenentes pro catholicis habebantur, ut ceteris quoque, quibus idem persuasum erat, se probarent catholicos, eandem fidem se tenere & sequi professi sunt. Hinc Cælestius, quamquam objectos sibi a Paulino errores damnare noluit,

tamen Beati Papæ Innocentii litteris non est ausus obssistere: *Aug. l. 2. de immo se omnia, quæ sedes illa damnaret, damnaturum promittit. peccato orig. fit, ut Augustinus testatur. Id quoque apparet ex libello* *Aug. l. 2. de cont. anas. epist. Pelag. n. 6.*

fidei, quem Romæ Zosimo obtulit, Apostolicoque iudicio ita subjecit, ut si forte ut hominibus, inquit, quibus iam ignorantia error obrepfit, vestra sententia corrigatur. Immo cum a Zosimo interrogationibus urgeretur, eas responsiones adhibuit, quibus se B. Papæ Innocentii litteris consentire professus est.

Pelagius quoque in libello fidei, quem cum litteris Romam ad S. Innocentium misit, in fidem suam ejus sententiæ subdidit, ut in Romanæ sedis fide S. Petri fidem agnoscens, catholicum, qui fidem ab ea sede probatam teneret; qui vero ab ea dissentiret, non catholicum seu hæreticum se existimare prodiderit. *Hæc est fides, inquit, Patris Beatissime, quam in Ecclesia catholica dicimus . . . . in qua si minus perite, aut parum caute aliquid forte positum est, emendari cupimus a te, qui Petri fidem & sedem tenes. Sin autem hæc nostra confessio Apostolatus tui iudicio comprobatur, quicumque me maculare (al. culpæ) voluerit, se imperitum, vel malivolum, vel etiam non catholicum, non me hæreticum comprobabit.*

Felix, si in hac sententia perstitisset, in qua quidem perstiteret, quotquot catholici suam professionem Romano Pontifici subiicientes, a catholica Ecclesia noluerunt rebellare. Non igitur officiosa verba, & multo minus adulatorium quiddam haberi hoc debet, nec postremis tantum hisce temporibus investum, ut opera præsertim ad fidem pertinentia, Romanæ sedis iudicio potissimum subiiciantur. Catholicorum id semper proprium fuit, & eodem quidem consilio, quo in negotiis fidei ad eandem sedem fuisse re-

latum

Y 3

latum

*Aug. l. 2. de immo se omnia, quæ sedes illa damnaret, damnaturum promittit. peccato orig. fit, ut Augustinus testatur. Id quoque apparet ex libello*

*Aug. l. 2. de cont. anas. epist. Pelag. n. 6.*

*Aug. l. 2. de cont. anas. epist. Pelag. n. 6.*

*Append. Aug. l. 1. c. 9. pag. 97.*



latum explicavimus §. IX. ea nimirum præparatione animi, ut ejusdem sedis judicium fidemque sequerentur, eo quod fidei unitatem cum ipsa sedē necessariam scirent. Privati siquidem scriptores non minorem animi dispositionem gerere & exhibere debent in suis scriptis subiciendis Romanæ sedis judicio, quam prætulerunt concilia Africana, quæ ea mente ad Innocentium I. remiserunt suam de Pelagiano dogmate sententiam, ut si Apostolico judicio conformem delegerent, ex hac consonantia catholicam doctrinam cognoscerent in sua: secus autem, ad Apostolicam normam se se revocarent, emendarentque, si quid esset dissonum, ut se facturum in suo fidei libello protestatus est Pelagius, dum catholicum sensum & animum prætulit: uti & Pelagii item verbis, sed sinceriori & firmo consilio protestata est Universitas Parisiensis Collegii Navarrici perorante Petro de Aliaco coram Clemente VII. qui a Gallicanis legitimus Pontifex habebatur: *Hæc est, inquit, fides, Beatissime Pater, quam in catholica Ecclesia didicimus; in qua si minus perile ac parum caute forte aliquid possumus, EMENDARI petimus a te, qui Petri fidem & fidenter tenes*: quæ ex professione Pelagii sumpta sunt. Notanda etiam ratio, quæ statim subicitur: *Non ignoramus enim, sed firmissime tenemus, & nullatenus dubitamus, quod sancta sedes Apostolica est illa cathedra Petri, supra quam fundata Ecclesia . . . De qua sede in persona Petri Apostoli in ea sedentis dictum est: Petre rogaui pro te, ut non deficiat fides tua. Hæc est igitur, ad quam determinatio fidei, & approbatio veritatis catholica, & hæretica impietatis delectatio maxime pertinet. Non solum præmissa ratio, sed & multo magis conclusio obsequentem & consentientem animum, ac unitatis Apostolicis fidei decretis præstandæ debitum satis aperte significant.*

T. 4. Hist.  
Univ. ers. Pa-  
ris. ad an.  
1387. pag.  
127.

## §. XI.

*Testimonia S. Cyrilli Episcopi Alexandrini, synodi Ephesinæ oecumenicæ, Celestini I. Auctoris Capitulorum de Gratia, & Xysti III.*

57. S. Cyrillus Episcopus Alexandrinus, etsi Nestorii Constantinopolitani errorem ac pertinaciam exploratam haberet;

beret; noluit tamen se se ab ejus communione separare, antequam Cælestini Romani Pontificis sententiam audiret. *Digneris igitur, inquit in epistola ad eundem Pontificem, nobis declarare, quid tibi videatur, & utrum aliquando cum illo communicare oporteat, an libere denuntiare, neminem cum eo, qui talia sentit ac docet, communicare: ac propterea opus esse affirmat, ut suam sententiam aliis quoque Episcopis significet bono unitatis, ut omnes uno animo in una sententia persistant.* En clare a tanto viro Apostolicæ sedis expectitum judicium, ex quo non solum communionis regulam sumeret, verum etiam catholici omnes ad fidei unitatem cogerentur. Cum porro Cælestini epistolas suscepisset, eas, ad quos erant missæ, direxit, adjectis ad Joannem Antiochenum litteris suis, quibus eum hortatur, ut ejusdem Pontificis sententiæ in Romana Occidentali synodo prolatae acquiescat, ut necessarium est iis, qui a totius Occidentis communionem excidere noluerint: quod idem est ac dicere, ita necesse esse tenere Romani Pontificis & Episcoporum ei adherentium fidem, uti eorum communionem unitatemque tenere catholicis omnibus necessarium est; unde ipse de se concludit: *Nos enim sequemur, quæ illi judicaverunt. Veremur nemine, ne a tantorum communione excidamus.* Licet vero omnium Occidentalium, qui Cælestino adhaerebant, communio nominetur; Cælestini tamen, qui catholicæ communionis centrum erat, potior est habita ratio, cujus quidem unius nomen præferebat epistola, quam Cyrillus ad Joannem Antiochenum direxit: ac propterea in antiqua versione unius Cælestini mentio fit his verbis: *Nos enim sequimur, quæ ab eo (Cælestino) sunt judicata, formidantes ne tantorum communionem labesceamus.* Ex quibus mirifice confirmatur, quod capite 12. §. 2. supe probavimus, communionis Romanæ necessitatem ab adversariis non posse adstrui, quin necessaria simul statuatur unitas fidei Romanæ, sine qua communio cum Romana sede haberi non potest, ut S. Cyrillus hoc loco palam insinuat.

58. Notanda in rem præsentem vel maxime sunt ipsius Ephesinæ synodi verba in sententia depositionis Nestorii, quam se ferre Patres professi sunt COACTI (Græce ἀναγκάσιος κατεργασθέντες; necessario impulsī) per sacros canones, & epistolam sanctissimi Patris nostri . . . Cælestini Romanæ ecclesiæ Episcopi: ubi adjectivum coacti vim coactivam declarat.

*Epist. 8. apud P. Constant. n. 7.*

*T. 3. Concil. Ven. edit. col. 928. c. 21.*

Cano-

Canonum vis referri nequit ad errorem dogmaticum Nestorii, de quo nulli anteriores canones decreverant, sed ad depositionem ejus tantum, cum canonibus cautum fuerit, ut servato judiciorum ordine pertinaces in hæresi deponantur. Vis autem cogendi Cælestini litteris attributa non modo ipsius depositionem respiciebat, sed hæresim etiam, quam idem Pontifex ita damnaverat, ut nisi ille infra decem dies resipisceret, deponeretur. Si enim Cælestini litteræ synodum cogeant ad depositionem Nestorii, cogeant etiam ad damnandum ejus errorem in fide, cujus causa ipsius depositio præscripta fuerat. Num forte cogi poterant Ephesini Patres ad deponendum Nestorium, quin ad errorem depositionis causa proscribendum, & ad fidei unitatem cum Romano Pontifice custodiendam cogerentur? Unitas sane in fide magis est necessaria, quam in depositionis sententia, quæ cum ad disciplinam pertineat, aliquibus nonnumquam de causis differri poterat, uti profecto post præscriptos decem Nestorio dies aliquamdiu dilata fuit.

59. Atqui, inquit adversarii, hæc Nestorii causa solius Cælestini litteris finita non fuit, sed generalis synodi Ephesinæ decreto: novumque de ea causa examen in eodem concilio institutum assentiente ipso Romano Pontifice, liberam assentiendi, vel dissentiendi facultatem fuisse præsetulit. Hæc si ita essent; male igitur Ephesini Patres se *coactos* dixissent ad ferendam sententiam, a qua liberum fuisset recedere. Quis id auferit affirmare? Quod si post Cælestini litteras a Cyrillo executioni mandatas ad generalem synodum causa delata est, idque ipso assentiente Pontifice, qui suos legatos ad eam synodum direxit: nihil

*Epist. ad Syn. Ephes.* atamen liberum quoad Apostolica decreta idem Pontifex esse voluit; unde hos se *direxisse*, ait, ut iis, quæ aguntur, *intersint*, & quæ a nobis antea statuta sunt, exquantur; jussit eos, si res ab aliquibus in disceptationem vocaretur,

*Commonit. dat. legatis.* de eorum sententiis judicare, non *subire certamen*. Concilio quidem assensum præbuit, ac in eo novum causæ examen fuit institutum ante legatorum adventum actione prima. Hoc autem concilium ad finiendam causam absolute & per se non fuisse necessarium, sicuti neque necessarium fuit in

*Defens. decel. Cleri Gallie.* causa Pelagianorum, ipsi adversarii fateri coguntur. Audiat Bossuetus: Plane consensimus Cælestini sententiam, ita ut  
part. 3. l. 7. Cyrillus speraverat, valituram fuisse ad novam hæresim compri-  
c. 10. pag. 14. men-

*mandam, nisi graves suborti motus, resque ea visa esset, quæ ad universalem synodum deferretur. Nestorius regie civitatis Episcopus ea auctoritate pollebat, ea specie pietatis hominum animis illuserat, eos sibi conciliaverat Episcopos, ea denique gratia apud Theodosium juniorem Imperatorem & proceres erat, ut facile omnia commoveret. Ubi tam graves excitati sunt motus, quibus omnia perturbentur, generalium synodorum convocatio utilis, & quandoque etiam necessaria judicata est post Romani Pontificis sententiam, ut decepti ab hæreticis, aut præjudiciis atque difficultatum nebulis impediti, tot Patrum doctrinis & sermonibus instructi atque convicti, ad catholicum sensum & unitatem adducantur; ut ne tamen liberum ac licitum crederetur Apostolicæ definitioni, quam semper œcumenicæ synodi ratam habuerunt, numquam repudiarunt, contradicere ac repugnare. Novum examen in hujusmodi synodis eo tantum fine institutum; ut disiectis difficultatibus confirmatoque catholico ac definito dogmate, veritas clarius elucescat, dubitantesque vel etiam repugnantes convincantur, nihil præjudicat auctoritati præcedentis definitionis, neque vim coactivam juris eidem denegat, sed potius illam præsumit, cum renitentes ad debitum assensum hac faciliiori via nitatur manuducere. Illud solum examen præjudicio esset auctoritati definientis, quo liberum & licitum fieret assentiri, vel dissentire. Quis autem probare queat, id liberum ac licitum fuisse habitum ab Ephesinis Patribus circa dogmaticas Cælestini litteras, quibus se ad ferendum judicium coactos protestati sunt? Esto quod prima actione actum fuerit de merito causæ; non tamen aliud, neque aliter actum, nisi ut error manifestius pateret, & definitum dogma apertius confirmaretur. Esto quod Nestorius evolutis decem diebus ipsius resipiscentiæ a Cælestino præstitutis, nondum ab Episcopali sede dejectus habitus fuerit a Patribus, sed solum post sententiam synodi; id indulgentiæ causa toleratum, ut resipiscentiæ ejus tempus concederetur longius, quo si abuteretur, pertinacia fieret manifestior, & potentium patrocinia expulsionem non impedirent. Quod si proposito hinc Nicæni concilii symbolo, & hinc Cyrilli epistola, quam Cælestinus plenissime probaverat, idem Cyrillus petiit a synodi Patribus, ut exponerent, recte ne & inculcate sanctoque illi ( Nicæno ) concilio convenienter scripserim, inquit, an secus; non id petiit*

*Ballerinius de Primatu RR. PP.*      Z      quasi

quasi dubius de *exposita a se fide*, & de *confirmatione facta a Cælestino* (jam enim antea professus fuerat: *Persuasum habeo, nihil me ab orthodoxa fide aut symbolo Nicæno discessisse*); sed idcirco petit, quia ad convincendos adversarios expediebat ita rogare, ut non ex præjudicio aliquo, sed ex intima rei ac veritatis cognitione iudicium ferretur. Ita quoque illi Theologi, qui canonicum aliquem librum ab heterodoxis e sacrorum albo expunctum ad examen vocant, ut decretum Tridentinum, quo sacris libris accensetur, vindicent, præscindunt a Tridentini auctoritate, aliisque documentis utuntur, ut ne tamen idcirco decreto Tridentino coactivam vim per se deesse arbitrentur. Nihil itaque novum examen post Pontificia decreta ad generales synodos delatum, eorumdem decretorum ac definitionum auctoritati detrahit: quod exploratius patebit ex iis, quæ circa hæresim Eutychetis a Leone I. damnatam, & in Chalcedonenſi generali concilio novo examini subjectam afferuntur infra num. 68. & seqq.

*Liberat. Bre-  
viar. c. 5.*

60. Unitatem communionis cum Apostolica sede tanti fecit Cælestinus Papa, ut iis, qui ea fruerentur, nihil metuendum esse affirmaverit, si a Nestorii Constantinopolitani communionem se viderent præcisos, scientes ab eo excommunicatos, vel dejectos in Apostolica sedis permanere communionem, ut ex ejusdem Pontificis litteris Liberatus diserte prodidit. Vide ipsius Pontificis epist. 11. n. 3. epist. 12. n. 2. & epist. 14. n. 7. editionis P. Constantii. Conſer etiam, quæ in ſimilem S. Augustini ſententiam contra Donatiſtas editam obſervavimus ſupra num. 40.

61. Auctor *Capitulorum de gratia Dei*, quæ ſubjiciuntur Cæleſtini epistolæ ad Venerium cæterosque Gallicanos Epiſcopos, quicumque ille ſit, ſive idem Cæleſtinus Papa, ſive S. Leo Magnus, ſive (quod \*) probabilius credimus) S. Proſper, ita ſententias, ſeu auctoritates Romanæ ſedis credendas proponit, ut *prorſus, inquit, non opinemur catholicum, quod apparuerit præfixis ſententiis eſſe contrarium. Tan-  
tam*

(\*) Lege noſtras obſervationes in diſſertationem tertiam Queſnellii tomo 2. noſtræ Ve-

netæ editionis operum S. Leonis col. 722. & ſeqq.



tam ergo necessitatem unitatis cum decretis fidei Romanæ sedis idem auctor agnovit, ut quidquid cum ejus definitionibus non conveniret, catholicum haudquaquam habendum crediderit.

62. Joannes Antiochenus Nestorio primum favens, a catholica communione segregatus fuerat. Cum vero Nestorio postmodum derelicto in communionem catholicam fuisset receptus, Xystus III. litteras ad ipsum dedit, in quibus unitatem fidei cum Romano Pontifice (*nobiscum sentire*) non modo utilem, sed necessariam etiam ea efficaci ratione adstruit, quod fides, quam Petri successores Romani Pontifices sequuntur & docent, eadem sit ac fides, quam S. Petrus de Christi ore acceptam Romanæ ecclesiæ tradidit; a qua profecto nemo catholicus separari potest. *Expertus es*, inquit, *negotii præsentis eventum, quid sit sentire nobiscum.* B. Petrus Apostolus in successoribus suis, quod accepit, hoc tradidit. Quis ab ejus velit se separare doctrina, quem ipse inter Apostolos primum Magister edocuit? Non hunc auditus per alterum, non sermo lectus instruxit: doctus est cum aliis ore Doctoris. Non scripturæ, non scriptorum passus est quæestionem. Absolutam & simplicem fidem, & quæ controversiam non haberet, accepit. In quæ verba observat egregie P. Coustantius: *Ubi obiter notanda vis argumenti, quo Xystus ab sedis Apostolicæ doctrina discedendum non esse probat: quia nimirum hæc ipsissima est doctrina, quam non ex incerta hominum relatione, aut ex libris obscuris & ambigue scriptis, sed ex primario veritatis fonte, hoc est ex ipso Christi ore, accepit Petrus, & exinde ecclesiæ suæ servandam imperiit. Unde sequitur absolutam, simplicem, & controversiæ expertem esse Apostolicæ sedis fidem.* Pref. in  
epist. Rom.  
Pontif. n. 36. Commentarium viri minime suspecti satis esto.

## §. XII.

### Testimonia S. Leonis Magni.

63. S. Leo Magnus, qui S. Petri primatum ex Evangelico illo textu itentidem inculcat, *Tu es Petrus, & super hanc petram &c.* unitatem fidei cum fide Petri ex eodem textu ita necessariam elicit, ut eum ad ipsam unitatem in Ecclesia continendam petram constitutum, & in Ecclesiæ

\* Al. 89.  
o. 1.

clēsiae fundamento positum, Apostolisque ceteris praelatum agnoscat. Christum scilicet, qui *petra* est, cui tota adhæ-  
rere debet Ecclesia, cum hinc migraturus esset ad Patrem, eamdem *petra* vim communicasse Petro tradit, ut eadem, qua ipse, vi Ecclesiæ unitatem contineret. Proponam in-  
primis insignem illum textum epistolæ 10. \* ad Episcopos provinciae Viennensis, ubi postquam de prædicatione Apo-  
stolorum, qua in ædificationem Ecclesiæ fundamenta toto orbe iasta fuerunt, pauca attigit, hæc de Petro addit: *Hujus muneris (idest prædicationis Evangelii) sacramentum ita Dominus ad omnium Apostolorum officium pertinere voluit, ut in Beatissimo Petro Apostolorum omnium summo principaliter col-locarit. Et ab ipso quasi quodam capite dona sua velit in corpus omne manare, ut exortem se mysterii intelligeret esse divini, qui ausus fuisset a Petri soliditate recedere. Hunc enim in consortium individuae unitatis assumptum, id quod ipse erat, voluit nominari dicendo: Tu es Petrus, & super hanc petram ædificabo Ecclesiam meam: ut æterni templi ædificatio mirabili munere gratiæ Dei in Petri soliditate consisteret. Hæc quamvis belle primatum, & vim exigendæ unitatis fidei cum Romana tamquam potio-rem ejusdem primatus prærogativam declarent, aliquanto fufius explicandum, aliisque Leonis textibus, qui apertio-rem & constantem ejus mentem patefacient, confirmandum est.*

64. Verba, quibus Petrus Apostolorum omnium summus dicitur, primatum ejus supra omnes Apostolos indicant. Hujus autem primatus vim præcipuam ad fidei unitatem a Petro & successoribus ejus Romanis Pontificibus conservandam potissimum referri totus contextus manifestum facit. Munus, de quo ibidem agitur, est prædicatio fidei in universo mundo, quam Christus Apostolis commisit, sicut scriptum est: *In omnem terram exivit sonus eorum &c.* Hoc autem munus ita principaliter delatum Petro dicitur, ut exors sit mysterii divini, quicumque ausus fuerit a Petri soliditate recedere. Quid porro Petri soliditas ex S. Pontificis mente, nisi soliditas prædicatæ ab eo fidei, ut declaravit sermone 62. c. 2. cum Petrum in professione fidei omnibus Apostolis Deo revelante idcirco prævisse docuit, ut ad regimen totius Ecclesiæ præparatus, primum disceret quod doceret, & PRO SOLIDITATE FIDEI, QUAM ERAT PRÆDICATURUS, audiuit: *Tu es Petrus & super hanc petram ædificabo Eccle-*  
siam



fiam meam, & portæ inferi non prævalebunt adversus eam. En soliditatem petrae; supra quam ædificanda erat Ecclesia, & adversus quam non prævalebunt inferorum portæ; ei fidei tribuit, quam Petrus erat prædicaturus, & quam prædicando ædificaturus erat Ecclesiam. Ob hanc vero fidem ipse quoque Petrus petra a Christo appellatus, catholica fidei petra a Leone dicitur epist. 119. ad Maximum Antiochenum c. 2. quia in fide ab eo prædicata universæ Ecclesiæ fides firma manet tamquam in fundamentali solida petra, cui omnes Christiani, qui pertinere velint ad Christi Ecclesiam, debent inniti & adhærere firmiter, ne si quis ab hoc fundamento, seu a soliditate Petri recedat, recedens a Christi Ecclesia super ipsum fundamentum ædificata, divini mysterii exors, & expers sit: quod necessitatem unitatis cum Petri fide manifestissime statuit. Idipsum confirmat ratio, quam S. Pontifex subiicit. Hunc enim in consortium individue unitatis assumptum, id quod ipse erat, voluit nominari dicendo, Tu es Petrus, & super hanc petram ædificabo Ecclesiam meam, ut æterni templi ædificatio mirabili munere gratiæ Dei in Petri soliditate consisteret: hac Ecclesiam suam firmitate corroborans, ut illam nec humana temeritas posset appetere, nec portæ contra illam inferi prævalerent. Nonne hic exploratum est individue unitatis consortium illud significare, quod sicut Christus ob unitatem Ecclesiæ petra est & fundamentum, cui tota Ecclesia debet adhærere, ita ejusdem unitatis bono in hujus prærogativæ consortium Petrus assumptus fuit a Christo, cum hinc migraturus ipsum sui loco constituit Ecclesiæ petram, & petram ita solidam, ut contra ipsam portæ inferi non prævalerent. Unde similiter ait serm. 4. c. 2. Cum ego sim inviolabilis petra, ego lapis angularis, qui facio utraque unum (en bonum unitatis); ego fundamentum, præter quod nemo potest aliud ponere; tamen tu quoque petra es, quia mea virtute solidaris, ut quæ mihi sunt propria, sint tibi mecum participatione communia. Et super hanc petram ædificabo Ecclesiam meam, & portæ inferi non prævalebunt adversus eam. Super hanc, inquit, fortitudinem æternum ædificavi templum, & Ecclesia mea cælo inferenda sublimitas in hujus fidei firmitate consurget. Quæ cum recitatis epistolæ decimæ verbis mirifice concinentia palam faciunt; S. Petrum petram Ecclesiæ constitutum ob prædicationem fidei, ea fidei soliditate ac firmitate

tate donatum fuisse a Christo, ut in ea Ecclesia corroborata consisteret, quod non nisi per unitatem fidei cum fide Petri fieri potest: ac propterea laudato serm. 4. c. 3. postquam S. Pontifex scripsit: *Specialis a Domino Petri cura suscipitur, & pro fide Petri proprie supplicatur, tamquam aliorum status certior sit futurus, si mens Principis visita non fuerit;* his verbis concludit: *In Petro ergo omnium fortitudo munitur, & divinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur, quæ pariter unitatem fidei cum Petri fide effluant.*

65. Eadem porro ratio, qua S. Petrus post Christum relictus fuit visibilis Ecclesiæ petra ad formandam & custodiendam visibilem ejusdem Ecclesiæ & fidei unitatem, exigebat quoque, ut post Petrum alius atque alius succederet, qui eandem unitatem custodiret. Id autem Romanis Pontificibus S. Petri successoribus competere notavit S. Leo serm. 5. al. 4. c. 4. *Soliditas enim illa, quam de petra Christo etiam ipse (Petrus) petra factus accepit; in suos quoque se transfudit heredes.* Ob hanc quidem soliditatem in Petri successores transfusam ipsum Petrum Romanæ sedi adhuc præesse, & præfuturum semper, semperque in ipsis successoribus vivere pronuntiavit. Id vero in Ecclesiæ & fidei unitatem factum indicant illa sermonis tertii c. 2. *Soliditas enim illa fidei, quæ in Apostolorum Principe est laudata, perpetua est: quatenus scilicet perpetua est & esse debet Ecclesiæ unitas, quæ super ejusdem fidei petram constructa, non desinere cum Petro, sed perseverare usque ad finem mundi, atque consistere in ejus successoribus debet: unde sequitur: Et sicut permanet quod in Christo Petrus credidit, ita permanet quod in Petro Christus instituit.* Petrus nimirum ob suam solidissimam fidem petra Ecclesiæ constitutus a Christo ob formandam continendamque in Ecclesia fidei unitatem, eadem ratione in successoribus ita permanet, ut cum ipsorum quoque fide, quam idem Petrus in Romana ecclesia æque solidam deposuit, & ad successores transmisit, totius Ecclesiæ fides unita permaneat, perinde ac si in successoribus ipse Petrus viveret, fidemque doceret, ut Leo pluribus in locis tradidit. Quam in rem serm. 3. c. 3. soliditatem petræ semper perseverantem Petro tribuens ait: *Manet ergo dispositio veritatis & B. Petrus in accepta fortitudi-*

tudine petrae perseverans; suscepta ecclesiae gubernacula non reliquit. Quoties igitur Romani Pontifices fidem docent, S. Petrus in ipsis docere, & (ut loquuti sunt Patres Chalcedonenses) per os ipsorum loqui credendus est; ac proinde recedet proculdubio a soliditate & fide S. Petri, quisquis a doctrina fidei Romanorum Pontificum, quae eadem soliditate fidei Petri in successores ejus transivit, recedere voluerit. Haec profecto necessitatem indicant conveniendi cum istorum fide, aequae ac cum fide S. Petri: hocque sensu praedicationi fidei omnibus licet Apostolis commissa, S. Petro principaliter credita fuit, quia soli Petro ita fuit credita, ut eadem soliditas fidei ad successores ejus transiens omnibus catholicis conveniendi necessitatem imponat: quod nullis aliarum etiam Apostolicarum sedium Episcopis concessum est.

### §. XIII.

*De gestis circa dogmaticam Leonis epistolam ad Flavianum praesertim in Concilio Chalcedonensi. Quale examen ejusdem epistolae in eo institutum, & quae concessa libertas examinis, Pontificiae auctoritati nihil praedjudicans. Testimonium Anatolii Episcopi Constantinopolitani.*

66. Hanc quidem unitatem fidei cum dogmaticis Romanorum Pontificum decretis necessariam ostendunt evidentius gesta circa celebrem Leonis epistolam ad Flavianum, qua haeresim Eutychis confixit. Cum Eutyches post Constantinopolitanum judicium, quo damnatus fuerat, turbas commovisset: S. Flavianus Episcopus CP. ad S. Leonem scribens, jam praemonuerat hanc causam egere solummodo vestro solatio atque defensione, qui debeat consensu proprio ad tranquillitatem & pacem (idest ad unitatem) cuncta perducere. Sic enim haeresis, quae surrexit, & turbæ, quae propter eam factæ sunt, facillime destruentur; Deo cooperante, per vestras sacratissimas litteras. Additque hac ratione remotum iri concilium, quod fieri divulgatur, quatenus nequaquam ubique sanctissima turbentur ecclesiae. Qui tantum Apostolicæ sedis aucto-

*Ep. 28. ut  
ve edit.*

*Ep. 26.*

auctoritati tribuit, ut solam ejus sententiam requiri ac sufficere affirmaverit ad errorem destruendum, & conciliandam pacem fideique unitatem, eademque auctoritate remotionem iri concilium, quod cogendum serebatur, uti amplius non necessarium, immo ex quo majores turbas excitandas metueret; vim utique coactivam in Apostolica sententia inesse indicavit, qua Eutychis causa ita terminaretur, uti Pelagianam finitam Augustinus tradidit: Cum vero Eutyche omnia commovente, & agente in primis Chrysaphio magno ejusdem patrono, non expectato Apostolicæ sedis judicio, Theodosius Imperator indixisset synodum Ephesi, ut judicium in ea ferretur de Constantinopolitano S. Flaviani concilio, quod Eutychem condemnaverat; S. Pontifex, qui mox dogmaticam ad eundem Flavianum epistolam exaravit, etsi in litteris ad Imperatorem assermet, *rationalius ab indicenda synodo fuisse abstinendum*; tamen ne ipsius voluntati videretur obsequere, ejusdem concilii indictioni assentiens, ut pleniori judicio omnis possit error aboleri, in litteris ad synodi Patres legatos se direxisse ait, *qui vicē meā sancto conventui vestræ fraternitatis intersint, & communī vobiscum sententiā, quæ Domino sint placitura, constituent; hoc est, ut primitus pestifero errore damnato, etiam de ipsius, qui imprudenter erravit, restitutione tractetur*: & conditiones statim subjicit, ex quibus liquet, totam quæstionem, de qua in concilio agendum præstituit, non respexisse dogma in sua ad Flavianum epistola definitum, quod factum tectum servari jussit; sed Eutychis restitutionem ita spectasse, ut restituendum concedat, si perversum errorem exploratè & aperte condemnet. Similia leguntur in aliis epistolis a vigesima octava ad trigessimam quartam. Cum porro synodus indicta Ephesi ob illatam Patribus vim supressamque dogmaticam Leonis epistolam evasisset in latrocinium; ita omnia contra jus & fas perturbata fuerunt, ut in tot malorum remedium judicatum fuerit necessarium aliud liberum generale concilium, necessarium, inquam, non necessitate juris, sed facti, quod jus habenti nihil præjudicat, ut pluribus explicavimus & constituimus in observationibus ad dissertationem octavam Quæsnelli, quam una cum ipsa Quæsnelliana dissertatione legere licebit tomo secundo Operum S. Leonis nostræ editionis Venetæ col. 1163. n. 14. & seqq. Etsi vero post Theodosii Imperatoris mortem, qui Eutychi

& Pseu-

Ep. 28.

Ep. 37.

Ep. 33.

& pseudosynodo Ephesinæ impense patrocinabatur, evecto ad Imperium Marciano, quo catholicam fidem protegente multi lapsi ad satisfactionis remedia quotidie accedebant, dogmaticæque Leonis epistolæ Episcopi in toto Oriente subscripserant, idem Pontifex generale concilium non amplius ita necessarium videret, ut sub Theodosio visum fuerat; cum tamen Marcianus studio componendæ cilius pacis generalem synodum indixisset Chalcedone, S. Leo ea tantum de causa assensum præbuit, ne devoto obviare videretur arbitrio, & ut quæcumque in querelam perturbatio nemque venerunt, ad UNITATEM pacis & fidei, compressa omni dissensione, revocarentur: non vero quod dubium putaret dogma in sua Epistola definitum, aut liberum crederet de dogmate ibidem definito quempiam ambigere. Jam enim ipsum Imperatorem monuerat, ne cujusquam prociaci imprudentique versutia quasi de incerto quid sentientum sit sineret inquiri, nec cujusmodi sit fides tenenda, esse tractandum, sed quorum precibus, & qualiter annuendum. Et similiter in aliis litteris eundem Principem rogavit, ne pateretur fidem quasi dubiam in synodo retractari: quod in aliis item epistolis inculcat & repetit. Vide epist. 93. c. 2. & epist. 94.

Ep. 59. al.  
69.

Ep. 42. al.  
62. c. 1.

C. 2.

Ep. 90. al.  
73. c. 2.

67. Neque Chalcedonenſis concilii Patres aliquid tale tentarunt. Exacta enim in prima actione causa, circa personam Dioscori, & circa gesta latrocinii Ephesini, cum in secunda actione agendum esset de fidei dogmate, petita a iudicibus formula, qua omnis circa fidem diri, meretur contentio; statim acclamatum fuit, sufficere formam, quam S. Leo in suis ad Flavianum litteris proposuerat. Emerſerunt, quæ ad Eutychem pertinebant, & super his forma data est a sanctissimo Archiepiscopo Romanae urbis, & sequitur eam. & epistolæ omnes subscripsimus. Ita omnes dicimus: sufficiunt quæ exposita sunt: aliam expositionem non licet fieri. Cum autem subinde lecta fuisset Leonis epistola, concilii Patres statim eam nullo instituto examine perinde susceperunt, ac si a S. Petro Apostolo edita fuisset. Anathema erit, qui non ita credit. Petrus per Leonem ita loquitur est. Nihil pro Apostolicarum definitionum auctoritate illustrius hoc generalis concilii testimonio, quod S. Petrum in suis successoribus definitorem & loquentem agnoscit, ita ut ab eo discordare, aut de definitis addub-

T. 4. Concil.  
mam, quam S. Leo in suis ad Flavianum litteris proposuerat. Emerſerunt, quæ ad Eutychem pertinebant, & super his forma data est a sanctissimo Archiepiscopo Romanae urbis, & sequitur eam. & epistolæ omnes subscripsimus. Ita omnes dicimus: sufficiunt quæ exposita sunt: aliam expositionem non licet fieri. Cum autem subinde lecta fuisset Leonis epistola, concilii Patres statim eam nullo instituto examine perinde susceperunt, ac si a S. Petro Apostolo edita fuisset. Anathema erit, qui non ita credit. Petrus per Leonem ita loquitur est. Nihil pro Apostolicarum definitionum auctoritate illustrius hoc generalis concilii testimonio, quod S. Petrum in suis successoribus definitorem & loquentem agnoscit, ita ut ab eo discordare, aut de definitis addub-

Col. 1235. d.

Col. 1403 b.

Ballerinius de Primatu RR. PP. A a tare

tare non liceat: unde & actione 4. Patres iterum clamaverunt: *Qui non consentit epistolæ sanctissimi Episcopi Leonis, hæreticus est.* En consensus & unitatis necessitas.

T. 4. Conc.  
col. 1239. b.

Finis con-  
cessi exami-  
nis.

\* Ep. 77.  
al. 53.

Ep. 69.

68. Tractatus quidem & examen aliquod ejusdem epistolæ institutum fuit sub finem secundæ actionis, *dubitantibus Illyricianis & Palæstinis*, non quod licitum crederetur de ea dubitare, sed ut qui *dubitabant docerentur*. Novum examen hoc consilio factum etiam circa sacras Scripturas & circa definitiones generalium conciliorum, nihil supremæ istorum auctoritati præjudicat, ut monuimus num. 59. Cum de docendis & convincendis dubitantibus aut repugnantibus agitur, non ea auctoritate, quæ in controversiam cadit, utendum est, sed ex aliis momentis & auctoritatibus apud ipsos minime dubiis doctrinæ ejusdem consonantia est declaranda, & difficultates, si quæ impediunt, sunt disiciendæ. Ita & S. Leo ad compescendos priores tumultus sub Theodosio excitatos auctoritates Patrum collectas, quæ in editione conciliorum epistolæ ad Flavianum subjici solent, ad eundem Imperatorem transmisit, ut ex ipsarum collatione ejusdem doctrinæ concordiam quisque perspiceret: unde in epistola ad ipsum Principem post indicatas ejusmodi auctoritates Patrum, *Non aspernetur*, inquit, *meam epistolam recensere, quam pietati Patrum per omnia concordare reperiet.* Idipsum fieri solet, cum de proprio judicio, & de ratione reddenda agitur, ne cæco modo, ac ex præoccupatione, sed ex intimo sensu ac persuasione judicium latum appareat, tametsi versetur circa rem, quæ summæ sit auctoritatis ac certissimæ fidei. Ita certæ fidei erat apud Patres Chalcedonenis doctrina Leoninæ ad Flavianum epistolæ, quam ante omne examen secunda actione susceperant veluti ab ipso S. Petro prolatam, cuique jam ante synodum omnes subscripserant. At cum proprium judicium declarandum fuit ad omnem ambiguitatem auferendam ex omnium sanctorum Patrum concordia & consensu, ita ut & qui videbantur non eadem cum omnibus sapere, per veritatis agnitionem ad concordiam revocarentur; sub finem secundæ actionis collatione facta ejusdem epistolæ cum Nicæno & Constantinopolitano symbolo, & cum Cyrilli epistola in Ephesino concilio approbata, consonantiam & concordiam contestati fuerunt Patres; & dein actione quarta eorumdem Patrum suffragium ita fuit expressum a multis, ut

con-



consensus ideo adhibitus dicatur, quia ea epistola cum di-  
ctis documentis concors inventa est. Nihil efficacius ad  
convincendos renitentes. Et hac quidem ratione Illyriciani  
& Palæstini, qui dubitaverant, edocti, omnique difficulta-  
te per anteriorem tractatum sublata, Leonis definitionem  
suscepientes, ad assensum & unitatem fidei perducti fuerunt;  
sicque pleniori tractatu examen utile expertum fuit, ut Leo  
ipse notavit in litteris ad Theodoretum cap. I. *Gloriamur*  
*in Domino cum Propheta canentes, Adjutorium nostrum in no-*  
*mine Domini, qui fecit cælum & terram: qui nullum nos in*  
*nostris fratribus detrimentum sustinere permisit: sed quæ nostro*  
*prius ministerio definierat (in epistola ad Flavianum), univer-*  
*sæ fraternitatis irretractabili firmavit assensu, ut vere a se pro-*  
*diisse ostenderet, quod prius a prima omnium Sede formatum,*  
*totius Christiani orbis judicium recepisset: ut in hoc quoque*  
*capiti membra concordent. . . . Nam ne aliarum sedium*  
*ad eam, quam ceteris omnium Dominus statuit præsidere, con-*  
*sensus assentatio videretur, aut alia qualibet sabrepere posset*  
*adversa suspicio; inventi prius sunt, qui de iudiciis nostris am-*  
*bigerent. Et dum nonnulli a dissensionis incitati auctore ad con-*  
*tradictionum bella prosiliunt, ad majus bonum, malo ejus, au-*  
*ctore totius bonitatis dispensante, perventum est. . . Ipsa quo-*  
*que veritas & clarius renitescit, & fortius retinetur, dum quæ*  
*fides prius docuerat (in laudata epistola), hæc postea exami-*  
*natio confirmavit. Multum denique sacerdotalis officii meritum*  
*splendescit, ubi sic summorum servatur auctoritas, ut in nul-*  
*lo inferiorum putetur imminuta libertas: & ad majorem Dei*  
*gloriam proficit finis examinis, quando ad hoc se accipit exe-*  
*rendi fiducia, ut vincatur adversitas.*

Ep. 120.

ah. 93.

69. Nonnulli ex hoc textu ingerunt illa: *Quæ (Deus)* Objectio.  
*nostro prius ministerio definierat, universæ fraternitatis irretra-*  
*ctabili firmavit assensu; ac si ante assensum & confirmatio-*  
*nem fraternitatis universæ seu synodi œcumenicæ decretum*  
*dogmaticum sedis Apostolicæ per se se retractari, & ad*  
*calculos, seu examen liberum revocari queat. Addunt in*  
*confirmationem sequentia: Sic summorum servatur auctoritas,*  
*ut in nullo inferiorum putetur imminuta libertas: ex quibus*  
*colligunt Leonem existimasse Episcopis in Chæcedonensi*  
*concilio licitum ac liberum fuisse suam definitionem in epi-*  
*stola ad Flavianum expositam ita retractare examiniq; subi-*  
*icere, ut, si videretur, possent ab ea dissentire, & sen-*



Responsio. tentiam eidem contrariam dicere. At fallunt manifestissime. Leonem enim satis firmam per se se & irretractabilem agnovisse suam definitionem ex eo liquet, quod nullam in concilio de fide abs se definita moveri voluit quæstionem, quasi dubia & incerta esset doctrina, quam in laudata epistola definierat. Vide quæ attulimus sub finem num. 66. *Irretractabilem* solum appellavit *actum* Patrum concilii, cum ea confirmassent; quæ Apostolica sedes prius definierat; quia tota vis irretractabilis decretorum concilii generalis potissimum circa fidem, ab unitate pendet cum Apostolica Romanæ sedis fide: ac proinde dum Patres Chalcedonenses, & dein Marcianus Imperator concilii confirmationem a Pontifice postularunt, ne dubium haberetur, quod in concilio fuerat definitum, concilii etiam generalis iudicia, ut irretractabilia sint, primæ sedis confirmatione fidei unitatem probante indigere præsumserunt.

Ep 98. &  
110. inter  
Leoninas.

Quæ liber-  
tas examinis  
post defini-  
tiones Apo-  
stolicas sine  
libertate dis-  
sentiendi.

70. Porro ad libertatem examinis quod pertinet, S. Leo indicare voluit tantum eam libertatem a Patribus Chalcedonensibus utiliter adhibitam, ut illis Episcopis, qui de Leonis definitione ambigebant, per tractatum & discussionem satisfacerent, eosdemque catholicum sensum, quem minus intelligebant, edocerent, & confirmarent in fides. Ita fit ut ipsa veritas & clarius innotescat, & fortius retineatur, dum quæ fides prius docuit, (per summum Pontificem), hæc postea examinatio confirmarit, & ad maiorem Dei gloriam proficiat; finis examinis, quando ad hoc se accipit, exerceendi fiducia, ut vincatur adversitas, eorum scilicet, qui definitis obstitabant. Cum vero hunc finem tantum ejusmodi libertas & examen spectent, ut quæ definivit summus Pontifex, Episcopi confirment in concilio, & oppugnantes edoceant, & ab errore deducant; facile intelligitur, quatenus sic summorum servetur auctoritas, ut in nullo inferiorum putetur imminuta libertas. Qui hæc de libertate examinis cum potestate dissentendi interpretantur, præcedentia, quæso, attente considerent. Ad Leonis definitionem referuntur profecto illa, Quæ fides prius docuerat, nec non & illa, Quæ (Deus) nostro prius ministerio definierat. Num ab iis, quæ fides docuit, quæ Deus definivit, per quodcumque examen dissentire culpiam licet? Quid quod Chalcedonenis concilii tempore agebatur non solum de definitione primæ & Apostolicæ sedis, verum etiam de definitione Episcoporum sub-

Confirmatur  
exemplis.

scri-

scriptionibus ab universa Ecclesia recepta, ut traditur Leonis epistola 88. c. 1. & 3. ac epist. 91. Quis etiam in liberiori systemate definitioni ejusmodi contrarium sentire, & contrariam sententiam ferre licitum opinetur? Adversarii quidem Galii cum dogmaticas Apostolicas definitiones Ecclesiae etiam dispersae tacito quoque assensu receptas certissimae auctoritatis & irreformabiles esse fateantur, a quibus citra fidei laesionem nemo recedere, ac de ipsis nemo licite ambigere queat; liberum de Leonis epistola examen in Chalcedonensi cum facultate dissentendi admittere nequeunt, siquidem ante ipsum concilium non modo tacitus, sed & expressus Ecclesiae consensus Episcoporum subscriptionibus firmatus accesserat. Inanis ergo & inefficax detegitur illorum labor, qui pluribus paginis ex Chalcedonensis concilii gestis eam libertatem non solum examinis, sed etiam dissensus Patribus concessam probare nituntur, quam in data hypothese ipsi quoque adversarii debent excludere. Totam libertatem examinis a Leone tributa concilii Patribus, cum id unum respiceret, ut decepti ad unitatem pacis & fidei compressa omni dissensione revocarentur; assensum requirebat, non permittebat dissentire. Nonne etiam post oecumenicam Chalcedonensem synodum ad compescendas, seu retundendas injustas Eutychianorum de ejusdem synodi definitione querelas novum examen Leone Imperatore postulante institutum fuit? Promoto siquidem ab Eutychianis ad Alexandrinam sedem Timotheo Eluro, & occiso S. Proterio, maximoque tumultu inter Eutychianos & catholicos Aegyptios excitato, utrique cum libellis supplicibus ad laudatum Leonem Imperatorem confugerunt. Hic autem utrosque libellos cum suis litteris ad omnes Metropolitanos direxit, petens ut concilium cogerent, ibique de praedicto Timotheo, inquit, & de Chalcedonensi concilio quid in commune sapitis, sine quolibet humano terrore, & absque gratia cujuscumque vel odio cum omni celeritate meam facite cognoscere pietatem. Haec in litteris ad Anatolium, quibus similes erant ceterae ad alios Metropolitanos, ut ex Codice encyclo cognoscere licet. Mox habita a singulis Metropolitanis concilia, & litterae editae quae in eodem Codice continentur. Ex his novum examen, quod Imperator postulabat, institutum apparet; sed post definitionem non solum summi Pontificis, verum etiam oecumenicae synodi Chalcedonensis non alia proculdubio tri-

Ep. 19.

 T. 5. Conc.  
I<sup>en</sup>. edit. col.  
83.

buta fuit, nec tribui potuit Episcopis novi examinis potestas, nisi ut quæ concilium prius definierat, hæc novo examine comprobarentur: ac proinde ejusdem synodi auctoritas nihil exinde detrimenti cepit. Neque nova est hæc concessi examinis ratio, qua novum examen sine libertate dissentiendi concessum irreformabili auctoritati nihil præjudicet. Tertullianus enim etsi in libro de præscriptionibus Apostolicarum sedium traditionem, quam *præscriptionem* vocat, irreformabilis & infallibilis auctoritatis ad revincendos hæreticorum errores efficacissimam esse contendat; nullo tamen hujus auctoritatis præjudicio fieri posse censuit, ut ildem errores certæ traditioni repugnantes novo examini subiicerentur. *Salva*, inquit, *ista præscriptione* (idest auctoritate traditionis sedium Apostolicarum) *ubique tamen propter instructionem & munitionem quorundam dandus est etiam retractatibus locus, vel ne videatur unaquæque perversitas non examinata, vel præjudicata damnari.* Ex Tertulliani ergo mente potest aliquid esse irreformabilis auctoritatis; & nihilominus ob instructionem docilium, aut emendationem confusionemve refractoriorum examini iterum subiici, ut ne cum libertate examinis libertas dissentiendi concessa dicenda sit. Non alia igitur libertas in recitato Leonis textu circa suæ dogmaticæ epistolæ examen intelligenda est; nimiumque ejus verbis abuteretur, qui ex ea libertate examinis ab eo concessi tantum in remedium & suasionem dissidentium, licitum fuisse colligeret dubitare, aliterque sentire. Adeo quidem hæc examinis libertas in eum finem asserta, unitatis necessitatem non destruit, ut assensum unitatemque necessariam potius adstruat, atque præsumat; dum hoc examen eo consilio concessum affirmatur, ut dubitantes aliterve sentientes *ad unitatem pacis & fidei* (catholicis utique necessariam) *revocentur*: nam, ut in epist. 101. ad Leonem c. 3. confessus est Anatolius Constantino- politanus, apud quem novum illud examen, ad convincendos ambigentes Leonis verba & mentem minus assequutos, jubente concilio habitum fuit: *Opus erat, ut in recta fidei vestra sensum omnium conveniret intelligentia*: ubi cum *recta vestra fidei* nomine dogmaticam Leonis epistolam intelligit; tum vero cum ea conveniendi necessitatem omnibus impositam agnoscit.

71. Ex hoc novo examine Eutychanæ causæ in tractatu,

*Lib. contra  
Praxeam c. 2.*

statu, qui apud Anatolium Chalcedonensis concilii jussu cum dubitantibus habitus est, ut hi adducerentur ad debitum ac necessarium assensum, quis recte ratiocinans legitime inferri posse existimet libertatem dissensus? Adversarii, qui ita videntur ratiocinari, libertatem examinis confundunt cum libertate consensus vel dissensus, ac si una sine altera stare non possit. Multis de causis liberum est novum examen, immo quandoque etiam est necessarium, uti cum agitur de ferendo proprio judicio expressæque approbatione atque sententia, quæ ob aliquam rationem utilis, aut necessaria credatur, quæ sane absque cognitione & examine causæ recte ferri non potest. Hinc illa Concilii V. act. 6. quibus asseritur, generales synodos earum epistolarum, quæ ab ipsis approbatæ fuerunt, *comprobationem non simpliciter, nec sine inquisitione fecisse, nisi per omnia cognovissent consonare eas expositioni ac doctrinæ sanctorum Patrum, ad quam collatio facta est.* Non tamen idcirco ubi novum examen, inquisitio, & collatio nova utilis aut necessaria instituitur; semper adest consensus vel dissensus libertas. Si enim de re Ecclesiæ auctoritate nondum definita sermo sit; assentire, vel dissentire liberum erit: secus vero, si agatur de re definita ab ea Ecclesiastica potestate, quæ definiendo vim habeat coactivam ad unitatem & assensum. Cum itaque ex institutione & natura Pontificii primatus ea vi prædita esse definitiones dogmaticas summorum Pontificum præstituta principia, in quibus adversarii conveniunt, plane convinçant; in his libertas dissensus admitti nequit, ubi etiam novum examen sit liberum, si præsertim non alia ratione concessum dici possit, nisi ut adducat dubitantes ad necessarium assensum & unitatem, quemadmodum in examine Leoninæ epistolæ accidit. Ob hunc eundem finem in novo examine contradicendi facultas repugnantibus quandoque data a catholicis, ut ne tamen id per se liberum aut licitum crederetur. Id patet ex sexto concilio œcumenico, in quo de impia Monothelitarum doctrina agendum erat cum Orientalibus, qui post definitionem S. Martini in frequentissima Romana synodo editam tantæ auctoritati non acquiescentes, schisma consecerant. Ut isti ad unitatem revocarentur, ab Imperatore Constantino \* in litteris ad Do-

T. 6. Concil.  
col. 169.

\* Hæ litteræ  
concilii ge-  
neralis præmi-  
tuntur.

trum

trum, de quibus nemo ambigebat, doctrina conferretur cum sententia in quæstionem adducta; & ne ex præjudicio Pontificiæ auctoritatis disputari quispiam suspicaretur, nulla de Martino I. ejusque synodo mentione facta, disputandi plenissima libertas dissentientibus concessa fuit. In hanc quidem rem antiquiorum synodorum & Patrum producti collatique codices cum (1) dogmaticis Agathonis litteris; & hac methodo probata catholica veritate; contradicentes fere omnes convicti, & ad unitatem adducti, paucis exceptis, qui in pravo sensu pertinaces in eadem sexta generali synodo condemnati, vel etiam depositi, inter hæreticos recensiti fuere. In hisce circumstantiis quis ejusmodi examen cum libertate quadam dissentienti aut contradicendi hereticis, vel schismaticis bono unitatis concessum, in argumentum trahere potest contrarium auctoritati Apostolicæ, ac si de Apostolica definitione licuerit ambigere, antequam concilium post examen & cognitionem concordiæ ejusdem definitionis cum veterum conciliorum ac Patrum doctrina sententiam ferret? Nonne hæc ratio si quid valeret, libertas quoque concessa dicenda esset dissentienti vel a definitionibus synodi generalis; si ad persuadendos contumaces novum examen, novumque judicium institueretur, uti factum fuit a Leone Imperatore, cum post Chalcedonenfis definitionem totius orbis Episcopos ad illud examen excitavit, de quo diximus antecedenti num. 70. Id nihil officere agnitum quoque a Clarissimo Bossueto patet ex iis, quæ animadvertit in novum examen causæ Donatistarum habitum in celebri Collatione Carthaginensi an. 411. Cum enim Africani duce potissimum Augustino Donatistas toties victos, & toties ab Ecclesia damnatos non solum adduxerunt ad ineundum novum causæ examen, novamque discussionem coram Marcellino, sed præterea ipsis proposuerunt hanc conditionem, ut si nobis ii, cum quibus agimus, demonstrare potuerint . . . subito Ecclesiam Christi nescio quo-

Aug. ep.  
127. n. 2.

(1) In illis litteris act. 4. synodi VI. descriptis, quæ non solum Agathonis sed & Episcoporum Occidentalium nomine chartæ fuerunt, cavetur, ut

de definitis, qui velent, non tamquam de incertis contenderent, sed ut certa atque immutabilia compendiosa definitione proferrent.



quorum, quos illi accusant, peccatorum periisse contagio, & in sola remansisse parte Donati; si hoc, ut dictum est, demonstrare potuerint; nullos apud eos honores Episcopalis muneris requiremus, sed eorum sequemur pro sola æterna salute consilium, quibus tanti gratiam beneficii pro cognita veritate debebimus: numquid ex hoc novo examine atque propositione rem veluti dubiam, liberique dissensus eos credidisse Bossuetus putavit? An cunctabundi (inquit lib. 5. Defensionis Declar. c. 27.), an dubii, an catholica Ecclesie ejusque auctoritatis incerti, qui eam tot tantique documentis non modo certam, sed etiam perspicuam demonstrabant? Absit. Id tantum indulgentiæ & oeconomicæ caritativæ dispensationis causa gestum atque propositum \* cum Augustino fatetur (1), ut, si fieri potest, corda hominum vel infirma vel dura, pia caritas aut sanet, aut edomet, id est ob restituendam necessariam pacem & unitatem. Desinant ergo adversarii novum examen atque judicium in generalibus conciliis post Apostolicas definitiones ob eosdem fines institutum opponere, agnoscantque ipsum nihil præjudicare Apostolicæ definitioni, sicut nec præjudicium creavit definitioni generalis concilii Chalcedonenlis examen, quod post Chalcedonense judicium Leone Imperatore agente institutum diximus.

\* Aug. ep.  
123. n. 4.



**Ballerimus de Primatu RR. PP. B b §. XIV.**

(1) Simili quadam æconomia atque consilio antiquioribus Donatistis post judicium Romanum sub Melchiade Imperator Constantinus dedit aliam Arelatense judicium aliorum scilicet Episcoporum, non quia, inquit Augustinus epist. 43. num. 20. jam necesse erat, sed eorum perversitatibus cedens, & omnimode cupiens tantam impudentiam cohibere.

## §. XIV.

*Testimonium S. Petri Chrysologi. Argumentum ductum ex obedientia, quam Romani Pontifici debere etiam adversarii fatentur.*

72. Non leve necessariae unitatis fidei cum fide Romanæ sedis testimonium est illud S. Petri Chrysologi in epistola ad Eutychem, quæ inter Leoninas nostræ editionis est epist. 25. Ibi eam integram dedimus, luculenterque in præmissa admonitione eam partem genuinam probavimus, in qua sequentia verba proposito nostro maxime congruentia leguntur. Scripserat ad ipsum Eutychem de exorta controversia, ob quam ad Romanum quoque Pontificem litteras se dedisse significasse videtur. Respondens autem ipsi S. Ravennas Archiepiscopus, cum se a dicenda sententia quibusdam nominibus subducit, tum vero respiciens Pontificium iudicium, quod etsi ad eum missum præsumebat, nondum tamen scriptum in laudata admonitione ostendimus: *In omnibus, ait, hortamur te, frater honorabilis, ut his, quæ a beatissimo Papa Romanæ civitatis scripta sunt, obedienter attendas, quoniam B. Petrus, qui in propria sede & vivit & præsidet, præstat quærentibus fidei veritatem.* Notanda in primis hæc ratio, propter quam S. Episcopus Eutychem ad obedientiam Pontificio fidei decreto præstandam hortatur: *Quoniam B. Petrus, qui in propria sede & vivit & præsidet, præstat quærentibus fidei veritatem.* Cum hæc ille ante Pontificium decretum ad Eutychem scripserit; non sunt peculiaria ejusdem decreti, quo ea controversia a S. Leone definita fuit; sed generale exprimunt certumque principium omnibus Pontificiis definitionibus commune, nimirum S. Petrum præcipuo modo ita in Romanis Præsulibus suis successoribus vivere, ut in causis fidei præstat quærentibus fidei veritatem. Id ex traditione majorum acceperat S. Antistes, ut ex traditione acceperat etiam S. Leo Magnus, qui eandem rem alicubi inculcat, ac præsertim sermone nostræ editionis tertio, alias secundo cap 3. Immo ante S. Leonem ex traditione quoque sunserat, & in Ephesino concilio ve-

luti



hæc rem vulgatissimam & omnibus sæculis traditam, atque omnino certam affirmaverat Philippus presbyter Apostolicæ sedis legatus, Nulli dubium, inquit, immo sæculis omnibus notum est, quod sanctus beatissimusque Petrus Apostolorum princeps & caput, fideique columna; & Ecclesiæ catholica fundamentum a Domino nostro Jesu Christo salvatore humani generis & redemptore claves regni caelestis accepit; solvendique & ligandi peccata potestas ipsi data est, qui ad hoc usque tempus & semper in suis successoribus vivit, & judicium exercet. Hinc etiam Xystus III. post synodum Ephesinam in litteris ad Joannem Antiochenum doctrinam fidei a Petri successoribus traditam perinde suscipiendam indicavit, ac si tradita esset a S. Petro Apostolo, qui in suis successoribus quod accepit hoc tradidit. Vide integrum textum supra num. 62. Eadem traditione instructi Ceretius, Salonijs, & Veranus Episcopi Gallicani in epist. 68. ad S. Leonem loquentes de dogmatica definitione ejusdem contra errorem Euthychis scribere: Merito illic principatum sedis Apostolicæ constitutum, unde adhuc Apostolici spiritus oracula proferuntur: ubi oracula Apostolici spiritus S. Petrum in sua sede ac successoribus fidei veritatem adhuc docentem indicant. Ex hac eadem traditione Chalcedonensis concilii Patres, qui S. Leonem catholicum dogma definientem *Ep. 98. in vocis B. Petri omnibus constitutum interpretem confessi sunt, ter Leonin.* post lectam dogmaticam ejus epistolam ad Flavianum acclamantur his verbis act. 2. *Petrus per Leonem ita loquutus est: T. 4. Concil. Ven. edit. col. 1235. d.* quæ in quamdam solemnem veluti formulam a pluribus subinde usurpatam transierunt: unde Bossuetus in sermone habito ad Comitibus Cleri Gallicani an. 1681. iisdemque Comitibus jubentibus edito fateri non dubitavit, non posse dici Petri ministerium cum ipso extinctum. . . . Petrus loquatur semper in sua cathedra, ut confirmant Patres sexcenti in concilio Chalcedonensi. Hinc & in sexta oecumenica synodo act. 8. Domitius Episcopus Agathonis Papæ litteras contra Monothelitarum errorem editas, tamquam ex Spiritu Sancto dictatas per os sancti ac beatissimi Principis Apostolorum Petri, & digito ter beatissimi Papæ Agathonis scriptas affirmavit. Quibus concinentes ejusdem synodi Patres in sermone prophanetico de iisdem litteris dixerant: Charta & atramentum videbatur, & per Agathonem Petrus loquebatur.

73. Si autem S. Petrus in suis successoribus vivens, cum hi aliquod dogma definiunt, per os ipsorum Sancto Spiritu

B b 2

diri-

dirigent loquitur, semperque (1) loquatur, & præstat, præstabitque *querentibus fidei veritatem*; quidquid illi circa fidem definiendo decernunt, perinde accipiendum est, ac si a S. Petro Spiritu Sancto afflante decretum fuërit: & idcirco jure S. Petrus Chrysologus Eutychi suasit, ut decreto dogmatico, quod a S. Leone Pontifice editum putabat, obedientiam exhiberet; obedientiam utique non oris tantum, sed potissimum mentis & cordis, qualis præstanda est *veritati fidei*, quam ipse S. Petrus doceret: quod fidei assensum & unitatem requirit, unde in sexta synodo laudatus Domitius Episcopus, postquam dogmaticas litteras Agathonis memoravit *tamquam dictas per os S. Petri*, subjecit statim: *Ita credo, ita sentio*. Hinc porro colligitur, obedientiam, quæ a cunctis Christianis Romano Pontifici debetur, deberi præcipue in definitionibus fidei. Etsi enim obedientia alijs quoque Episcopis & Præpositis ab eorum subditis debet impendi; cum ta-

(1) Indicata ratio obediendi ut in definitionibus fidei, quod in memorato capite fusus explicabitur: ne proinde intelligatur, cur obedientia Romanis Pontificibus debita simplex & absoluta, nullaque conditione restricta esse debeat generatim quoad definitiones dogmaticas, quibus infallibilitas convenit: non vero quoad opiniones, iudicia, aut præcepta particularia & similia, in quibus illi eadem prærogativa generatim non gaudent. Cænes quidam, et alii textus, qui obedientiam ipsi deberi pronuntiant ea conditione, aut exceptione adjecta, nisi mandent aliquid contrarium legi Dei, aut Evangelio, vel fidei, de particularibus præceptis loquuntur, non de definitionibus fidei, ut ex toto ipsorum contextu cuius manifestum fiet.

Digitized by Google

men ea ratio, quam S. Petrus Chrysologus indicavit in controversiis fidei, non sit aliis Episcopis aut Præpositis communis (neque enim de aliis dici potest, S. Petrum in ipsis vivere, & præfere quærentibus fidei veritatem), sed propria sit Romanorum Pontificum successorum S. Petri; hinc obedientia istis debita in decretis fidei, peculiarem obsequendi obligationem inducit: unde cum iisdem Pontificibus, in quibus vivit & loquitur S. Petrus, necessaria est unitas fidei; cum aliis autem Episcopis eatenus est necessaria, quatenus cum fide Romanorum Pontificum concordent; a qua si discedant, nullum unitatis & communionis jus habent, ut Nestorio, Dioscuro, aliisque Romanam fidem deferentibus evenit.

74. Hujus quidem obedientiæ debitum, de quo ex Petri Chrysologi testimonio incidit mentio, accuratius explicandum arbitror præsertim ex Gallorum testimoniis, quæ adversariis suspecta esse non possunt. Hoc debitum, quod ex necessitate unitatis fidei cum Romana sede profluit, doctrinæ innuitur S. Irenæi vetustissimi Episcopi Gallicani, de qua multis egimus §. 1. Ex hoc eodem fonte nihil apud Gallicos frequentius, quam obedientiam Romanæ sedi debitam profiteri; unde in ipsa quoque Declaratione Conventus Gallicani an. 1682. Romanis Pontificibus debita ab omnibus Christianis obedientia expresse statuitur. Hoc obedientiæ debitum juris divini esse docuit Gilbertus Tornacensis, qui unus e præcipuis ejusdem Conventus moderatoribus fuit. *Ipsis* (summis Pontificibus), inquit, *obdire jure divini se debent* Gallis prædictum super testat; ac proinde idem obedientiæ debitum e divini juris primatu originem ducit; qui cum obedientiam Ecclesiæ formandam custodiendamque fuerit a Christo institutus, ita ob eandem unitatem illis deberi obedientiam Bossuetus aperte constituit in celebri Expositione doctrinæ Christianæ, ubi tamquam certum dogma, in Defensione quæ Declarationis Cleri Galliæni repetitum, posuit, tuenda ac formandæ unitatis primatum S. Petri a Christo institutum; sedemque Apostolicam hujus unitatis centrum ac radicem esse; ac propterea (nota hanc consequentiam) Petri successoribus deberi obedientiam eam, quam Concilia & Patres semper agnoverunt. Sicut autem unitas a summis Pontificibus tuenda jure primatus, ipsis Gallis consentibus est potissimum unitas fidei; ob quam quidem in tota Ecclesia continendam propter potentiorum principalitatem omnes undique fideles cum fide Ro-

manæ sedis atque summorum Pontificum *convenire necesse est*, quemadmodum laudatus S. Irenæus tradidit; ita obedientia ob potentioris primatus prærogativam illis debita, eandem præcipue fidei unitatem prospiciens, necessitatem includit & inserti parendi & adhærendi decretis fidei, quæ ob rectæ fidei unitatem custodiendam a Romanis Antistitibus eduntur. Inanis & inepta hic est illa nonnullorum restrictio seu limitatio, qua obedientiam illis debitam & jurejurando etiam firmatam affirmant, *sed secundum canones & jure servato*. Nulli enim canones, nullum jus restringit, aut certis conditionibus coercere potest obedientiam jure divino debitam definitionibus fidei ab Apostolica sede editis, in quibus S. Petrus loquitur & præstat quærentibus fidei veritatem. Immo omnes canones, concilia omnia definitiones ejus sedis *obedienter* (ut Chrysologi voce utar) tamquam Petri ore prolatas susceperunt semper, ut vel ex Ephesino & Chalcedonensi conciliis ante memoratis liquet. In causis & definitionibus fidei omnes totius orbis Christiani iis, quæ e Romana cathedra prodeunt, nulla exceptione, limitatione nulla obligantur; quia omnes undique fideles cum Romana fide iisdem definitionibus proposita *convenire necesse est* (conveniendi necessitas idem est ac necessitas obediendi), ut ex S. Irenæo audivimus.

Bossuet. Co-  
rollar. De-  
sens. c. 10.

Obedientia  
debita cum  
assensu inter-  
no.

75. Hæc obedientia ut vera & sincera sit, & non simulata, non solum externa esse debet, verum etiam interna, quæ cordis assensum mentisque obsequium efflagitat. Id quidem Episcopi Galli professi sunt apertissime in litteris ad Innocentium X. datis anno 1653. die 19. Julii, ubi affirmarunt, dogmatica sedis Apostolicæ judicia divina acque ac summa per universam Ecclesiam auctoritate viti, *et Christiani omnes ex officio IPSIUS QUOQUE MENTIS OBSEQUIUM præstare tenentur*. Idem confirmarunt luculentius occasione celeberrimi Casus, ut vocant, *conscientiæ*, quo Pontificiis decretis obedientiæ nomine debitum asserbatur externum quidem obsequium, non vero assensus internus. Contra hanc propositionem insurrexerunt statim plures Gallicani doctissimi Præsules, inter quos Bossuetus & Cardinalis de Noailles. Re ad Apostolicam sedem delata, die 14. Julii anni 1705. edita fuit constitutio *Vineam Domini Sabaoth*, qua declaratum est, obedientiæ, quæ constitutionibus Romanæ sedis debetur, non satisfieri obsequioso, ut auctores casus vocabant, *silentio*, nec licere professionem ore vel scripto edere, si discordet a sensu & obsequio



quo cordis, in quo sita est vera orthodoxi hominis obedientia.

Hæc constitutio ab universa Gallicana ecclesia mox suscepta, & in omnibus diocesisibus publicata, nihil dubit relinquit, quin eadem ecclesia idem cordis quoque obsequium Pontificiis constitutionibus ex obedientia debitum agnoscat.

Insigne hac in re, quod præcesserat, Francisci de Salignac Feneloni Archiepiscopi & Ducis Cameracensis exemplum in frequentissimis Gallicani Cleri Comitibus maxime approbatum, hoc argumentum concludet. Hic piissimus æque ac doctissimus Præsul librum ediderat inscriptum, *Explications des Maximes des Saints*.

Excerptæ ex ipso propositiones tres & viginti, ac Decreto Innocentii XII. die 12. Martii anno 1699. condemnatæ. Et si ille ante condemnationem in ipsis vindicandis ab adversariorum censuris pluribus editis apologeticis libellis laborasset; ut primum tamen Apostolicum breve accepit, statim mandato diei 9. Aprilis anni ejusdem primus omnium constitutionem promulgans, eique simpliciter, absolute, & absque ulla umbra restrictionis adherens, cordis obsequium ex obedientia debitum declaravit; publiceque librum suum & propositiones ab Apostolica sede proscriptas expresse damnans, ac interdicens, eandem obedientiam omnibus sibi commissis commendavit his verbis: *Vos igitur toto animo ad sinceram obedientiam absolutamque docilitatem adhortamur, ne sensim contabescat simplicitas obedientiæ sanctæ Sedi debitæ, cujus exemplum per Dei gratiam ad extremum usque spiritum vobis præbere volumus.* Hoc tam eximium obedientiæ non tam theoreticæ, quam practicæ testimonium admirati Gallicani Præsules in Comitibus anni sequentis 1700. non solum laudarunt, sed rationes etiam ejusmodi obedientiæ summo Pontifici exhibendæ subdiderunt. In actis enim, uti appellant, verbalibus eorundem Comitiorum post descriptum illud Feneloni mandatum, quo suam Apostolico Brevis obedientiam contra ea, quæ antea senserat, typis dederat, & vindictis propugnauerat, publice declaravit, hæc subiungitur: *Ecclesiæ inimicos stupore perculit mutatio tam subita tamque exemplaris. Fidem ei habere nullam maxime exoptassent. Verum Ecclesiæ, quæ novit gratiam obedientiæ annexam, agnovit in hoc Archipræsulis obsequio effectum naturalem Christianæ humilitatis & subordinationis Ecclesiasticæ. Nempe unus est primus Episcopus, unus existit Petrus ad totum gregem regendum a Christo præpositus, una est mater ceterarum ecclesia ad illas omnes docendas*

\* Vid. Comitia Gall. 22. Septemb. 1705.

Process. Verbal. an. 1700. pag. 296. & Memoir. du Clerg. tom. 1. pag. 415.

cedas constituta. Quicumque has sinceræ obediencie Apostolicis decretis ex Christiana humilitate & subordinatione Ecclesiastica exhibendæ rationes a frequentissimo Gallicani Cleri Conventu propositas serio consideret; non externum tantum, sed internum præcipue assensum ipsis deberi eodem Cloro docente & confirmante intelliget. Sed interruptam traditionis seriem prosequamur.

### §. XV.

*De synodicis Episcoporum Gallia & Italiae ad S. Leonem Pontificem contra Eutychis hæresim. De Theodoro Episcopo Cyrensi, & Maximo Antiocheno. Testimonium vetustissimi Sacramentorum libri ecclesiæ Romanæ.*

*Ep. 99. inter Leonin. no. itaque in ea gaudentes pariter & exultantes recognoverunt fidei suæ edit.*

76. In memorata Eutychis causa Galli Episcopi recepta S. Leonis dogmatica epistola ad Flavianum, ut ad retundendos hæreticorum conatus se se cum Romano Pontifice unirent, sic de ea ad eundem Leonem scripserunt: *Multis* sua sensum; & ita se semper ex traditione paterna tenuisse, ut vestra Apostolatus exposuit, jure lætantur. Nonnulli sollicitiores facti, Beatitudinis vestræ admonitione percepta, modis omnibus se gratulantur instructos, datamque sibi occasionem gaudent, qua libere & fiducialiter, suffragante etiam Apostolica fidei autoritate, eloquantur, & asserat unusquisque quod credit. Vides Gallos gaudere, eo quod suam fidem eandem, seu concordem cum fide Romani Pontificis recognoverint? Idcirco autem gaudent, quia ex hac concordia seu unitate suæ fidei cum Romana eam veram esse certo perspiciunt; ac proinde addunt posse unumquemque libere & fiducialiter eloqui, & asserere quod credit; ac si antequam ea concordia constaret, de veritate ejus, quod credit, dubium posset incidere. Quare subjiciunt: *Doctrina post Deum vestra debet fidelis, ut constanter teneat, quod credebat. Constanter, inquit, quia ob consonantiam cum Apostolicis litteris quod quisque credebat, certæ catholice fidei esse dignoscitur.*

77. Id ut clare intelligatur, notandum quidem est universa-

versalis Ecclesiæ traditionem ex omnium catholicarum ecclesiarum in unam eandemque doctrinam conspirantium traditione coalescere. Num vero ad dignoscendum, utrum aliqua traditio catholica sit, cum omnium ecclesiarum traditione conferenda erit? Minime gentium. Id enim longum nimis ac fere impossibile. Sufficere autem consulere traditionem Romanam ex eo probavit S. Irenæus, quia, cum ob primum ejus potentior omnes undique fideles & omnes ecclesiæ debeant cum ea convenire in fide, ut patet ex dictis §. I. cognoscere Romanam traditionem ac fidem idem erit atque cognoscere traditionem ac fidem aliarum omnium totius catholici orbis ecclesiarum, ac proinde traditionem fidemque catholicam. Hinc igitur signum & nota veræ traditionis catholicæ? est consonantia & unitas cum Romana. Quare S. Hieronymus lib. 1. in Rufinum, *Fidem suam quam vocat?* inquit: *Eamne, qua Romana pollet ecclesia?* Et mox ex concordia cum Romana intulit: *Si Romanam respondebit, ergo catholici sumus.* Hoc nimirum discrimen intercedit inter traditionem aliarum ecclesiarum & Romanam, quod illarum traditio; ut catholica sit, cum Romana debet convenire; & si qua non conveniat, debet ad Romanam revocari; cum qua omnes catholicæ ecclesiæ non solum conveniunt, sed etiam conveniant necesse est; at idcirco aliarum singularum ecclesiarum traditio per se se non probatur catholica nisi in unitate cum Romana: Romana autem per se se catholica satis probatur, quia cum omnes catholicæ ecclesiæ cum ipsa conveniant, traditio, quæ probatur Romana, simul catholica omnium aliarum & catholicæ ecclesiæ traditio probatur. Hoc sensu quicumque Episcopi, Romanæ sedis doctrinam aliqua dogmatica summorum Pontificum epistola definitam conferre possunt cum suæ cujusque ecclesiæ traditione atque doctrina; ut si hanc cum illa concordem deprehenderit, catholicam esse agnoscentes lætentur. Hac sane methodo usi Gallicani Antistites S. Irenæi præcessoris sui principio necessariæ unitatis imbuti, suarum ecclesiarum traditionem cum Leonina seu Romana consentientem nasti, gaudium suum declararunt, & Leonis doctrinam, quam per os ejus Deum docuisse crediderunt, non judicarunt veram, quia concordabat cum sua, sed suam veram constanterque tenendam deprehenderunt, quia cum Romana Leonis fide concordare inventa est.

\* Confer  
supra n. 36.



78. Hac eadem ratione eandem S. Leonis epistolam cum suæ ecclesiæ & S. Ambrosii traditione contulisse dicendi sunt Episcopi provinciæ Mediolanensis, quin exinde aliquid præjudicii illatum iudicetur Romanæ doctrinæ; quæcum debere convenire omnem doctrinam, quæ catholica sit, eadem Mediolanensis traditio docuerat. Quod si illi præter S. Ambrosii traditionem collatis etiam cum Leonina epistola aliis antiquorum Patrum sententiis, Eutychianum errorem se damnaſſe affirmarunt, eo quia omnia (ejus epistolæ) majorum fidei nobis antiquius tradita tota puritate conveniunt; id se fecisse addiderunt, auctoritatis vestræ (\* Leoni Papæ respondent). præcedente sententia & litterarum vestrarum formam sequitor: quæ auctoritatis & unitatis rationem satis indignant. Neque doctrinæ concordiam cum doctrina antiquorum laudare, neque concordiam ipsam tamquam rationem proferre quicquam officit. Nihil enim Ecclesiæ dogmatibus præjudicii creat, qui veritatem satis per se certam, aut aliunde probatam aliis atque aliis monumentis confirmat, si præsertim id faciat, uti & Galli & Mediolanenses fecerunt, ut ex concordia traditionis suarum ecclesiarum & antiquorum Patrum cum Romana, omnes uniti cum capite hæreticæ pravitati fortiori nisu resistant.

\* Inter Leoninas ep. 97.

Ep. 93. c. 5.  
edit. Leon.

79. Quid dicemus de Theodoro Cyrensi Episcopo? Depositus in Pseudosynodo Ephesina hæresis nomine, ad S. Leonem confugit, ut apud ipsum de sua fide, num Apostolicis vestigiis inſisteret, iudicium ferretur. Hinc in epistola ad eundem Pontificem; Oro, & obſeſor ſanctitatem tuam, inquit, ut mihi rectum ac juſtum tribunal veſtrum invocanti opem ſerāt, jubeatque ad vos venire, & doctrinam meam, Apoſtolicis veſtigiiſ in hærentem oſtendere. Rationem hujus appellationis explicat in epistola 106. ad Renatum Romanæ ecclesiæ presbyterum. Habet enim ſanctiſſima illa ſedes (Romana) eccleſiarum, quæ in toto ſunt orbe, principatum multis nominibus, atque ante hæc omnia, quod ab hæretica labe immunis manſit, nec ullus fidei contraria ſententiſ in ea ſedit, ſed Apoſtolicam gratiam integram conſervavit. Hæc ratio cum Romanæ ſedis primatum reſpicit, tum vero ejusdem ſedis incorruptam fidem potiſſimum laudat, cui ſi ſuam ille doctrinam in hærentem oſtenderet, ſe ab omni hæreſis & erroris ſuſpicionē purgaret. Ipſum quidem cum poſt probatam ejusdem fidei unitatem in ſuam communionem S. Leo Pontifex

rece-

recepisset, hac Apostolica communione, quæ non conceditur sine unitate fidei, eundem Deus ab omni hærese & maledict. *L. 1. ep. 120. 5.* nundum secundam Apostolicam sedis iudicium demonstravit, & per Leonem in suum Episcopatum restituit: unde uti Episcopus catholicus in Chalcedonensi concilio statim prima actione susceptus fuit inter Patres: *Ingrédiaur & Reveren. T. 4. Concil. diffimus Episcopus Theodoretus, ut sit particeps synodi; quia & col. 824.* restituit ei Episcopatum sanctissimus Archiepiscopus Leo. Quodsi iterum de ipso actum est octava actione; id ad revincendos ejus adversarios actum, Apostolicumque de ipso iudicium synodalis sententiæ ratio & regula extitit. Vide si libet, plura in nostris Observationibus ad dissertationem decimam Quesnelli tom. 2. nostræ Venetæ editionis Operam S. Leonis col. 1257. & seqq. Non absimili ratione in eadem synodo Chalcedonensi sine ullo examine, sine protestatione ulla receptus quoque fuit Maximus Antiochenus; quia scilicet S. Leo eum, tametsi a Dioscoro ordinatum contra canones, post rectæ fidei probationem in suam communionem recipiens, Episcopatum ejus approbaverat, ut liquet ex testimoniis inferis act. 10. Confer nostras Observationes in dissertationem nonam Quesnelli eodem secundo tom. impressam. Hinc autem Apostolicæ sedis communio & unitas fidelum eadem in Orientalibus quoque Episcopis etiam Patriarchalium sedium necessaria, sufficiens judicata est ab œcumenico Patrum sexcentorum & fere Græcorum concilio, ut qui ea gauderent, haberentur catholici; & inter catholicos ejusdem concilii Patres absque ulla alia discussione reciperentur.

80. Ab his non disjungam testimonium vetustissimi Sacramentarii Romanæ ecclesiæ, quod e n. an. scripto pervetusto Capituli Veronensis editum a P. Josepho Blanchinio, & dein a Muratorio recusum, novissime a nobis insertum fuit, & multis illustratum tom. 2. editionis S. Leonis, propterea quod Leoni Magno in antea vulgatis adscriptum, non pauca continet, quæ eundem Pontificem habent auctorem. Hæc certe cum Leone concinentia in scopum unitatis fidei leguntur in præfatione Missæ XIV. diei natalis Apostolorum Petri & Pauli: Qui (Deus) secundum promissionis tuæ inviolabile constitutum Apostolicæ confessioni superna dignatione largiris, ut in veritatis tuæ fundamine solidata nulla mortiferæ falsitatis jura prævaleant . . . ipsaque sit sacri corporis ubi-

*quæ vera compago, quæ te dispensante devota subsequitur quidquid sedes illa censuerit, quam tenere voluisti totius Ecclesiæ principatum.* Notanda præsertim verba: *Te dispensante, id est instituyente, devota subsequitur quidquid sedes illa censuerit: quæ repetita etiam in præfatione Missæ XIX. non ad unam Petri confessionem, sed ad omnem Romanæ sedis doctrinam atque definitionem fidei proculdubio extenduntur.* Similis sententia inferitur etiam in præfatione Missæ XX. in qua eadem unitatis fidei necessitas his verbis innuitur: *Qui ut hanc sedem regimen Ecclesiæ totius efficeres, & quod hæc prædicasset, ostenderes ubique servandum.* Romanæ fidei eruditio, quæ a SS. Apostolorum Petri & Pauli prædicatione manavit, sicut per eos ab ipsa veritate (idest a Christo) suscepta, posterisque (Romanis Pontificibus in Romana cathedra succedentibus) mandata est; ita iisdem suffragantibus intemerata perdurat: uti traditur in præfatione Missæ nonæ. Tum in præfatione Missæ decimæ eidem Romanæ ipsorum Apostolorum eruditioni, seu doctrinæ fidei in totum orbem diffusæ ea unitatis vis & prærogativa jure Apostolici principatus commemorato tribuitur, ut quod ex Apostolica Romanæ sedis traditione ad posteros transmissa, & in iisdem conservata manavit, Christianæ devotionis sequeretur universitas, salubrique compendio & hi, qui ab illorum tramite deviascent, haberentur externi, & tantummodo filii veritatis existerent, qui a principali (idest Romana) nullo minus traditione discederent.

## §. XVI.

*Testimonia S. Gelasii Papæ, ex libello fidei a S. Hormisdæ ad Orientales misso, & a tota Ecclesia recepto, ex Justiniano Imperatore, Avito Viennensi, Epiphanio Constantinopolitano, Stephano Larissæ, Menna Constantinopolitano, & Profuturo Bracarensi.*

81. S. Gelasii epistolæ ad Orientales plenæ sunt sententiis, quibus de necessitate communionis cum Romana sede agitur. In epistola vero 14. recitatis tribus illis Evangelicis testimoniis, quæ S. Petri primatum potissimum inniti diximus cap. 5. hujus primatus instituendi scopum fuisse unitatem Ecclesiæ hæc verba declarant, quæ statim subjecit.

jecit. Quare igitur ad Petrum tam frequens Domini sermo dirigitur? Numquid nam reliqui sancti & beati Apostoli non erant simili virtute succincti? Quis hoc audeat affirmare? Sed ut caritate constituto schismatis tolleretur occasio, & una monstraretur compago corporis Christi, quæ ad unum caput gloriosissima dilectionis societate concurreret, & una esset Ecclesia, cui fideliter crederetur: idest ecclesia Romana in Petri fide fundata, cui esse credendum adhærendumque innuunt etiam illa, quibus post nonnulla affirmat, S. Petrum præstitisse sedi, quam ipse benedixit, ut a portis inferi numquam pro Domini promissione vincatur, omniumque sit fluctuantium tutissimus portus, in quo qui requieverit, beata & æterna statione gaudebit; qui vero contempserit, ipse videbit, qualia genera excusationum in die obtendat iudicii. Et in decreto ejusdem Pontificis de libris recipiendis, vel non recipiendis eos tantum approbans orthodoxorum Patrum libros, qui in nullo a sanctæ Romanæ ecclesiæ consortio deviarunt, nec ab ejus fide, vel prædicatione sejuncti sunt, communionis & fidei unitatem cum Romana ecclesia orthodoxo necessariam patefacit.

82. Utriusque hujus unitatis necessitas maxime confirmatur ex iis, quæ occasione schismatis Acaciani sub Felice III. Gelasio, & sequentibus Pontificibus contigerunt. Acacius Constantinopolitanus Episcopus, qui primum ab Eutychanis abhorruit, eorumque communionem devitavit, cum sensim in communionem & favorem illorum, qui cum eis communicabant, disfluxisset, suspicionemque non levem injecisset Romanis; post nonnulla experimenta & monita, quæ incassum cesserunt, anathemate præcisus fuit ab Ecclesia, magnoque patrocínio fultus, plures totius Orientis secum in idem schisma pertraxit, qui Romana item communione privati fuerunt. Hujus communionis necessitatem quidam agnoscentes, se statim separarunt a communione Acacii, nec ulla ratione, ullo aliorum Orientalium exemplo, vi ulla adduci potuerunt, ut cum Acacio, aut Acacianis communicantes, Romanæ sedis communionem desererent, quemadmodum de Dardaniæ Episcopis legitur. Alii etsi primo cum Acacianis communicassent; moniti subinde, suæ animæ periculum metuentes ab ipsorum communionem recesserunt, & in communionem Romanam redire, ut Epirotis accidit. Post Acacii vero mortem fere omnes hanc communionem, quam catholicis necessariam sciebant, sum-



T. r. Conc.  
col. 622. d. in  
epistola Jo-  
annis CP. ad  
Hormisdam.

Defens. decl.  
Cler. Gal. lib.  
10. al. 15.  
c. 7.

mis precibus enixe petiere, eamque concessissent Romani Præfules; nisi obtitisset nomen Aecii in sacris diptychis adhuc retentum, de quo plura in Appendicula ad caput xi. in calce hujus operis subiicienda num 8. & seqq. Cum tandem sub Hormisda Justino imperantē illius nomen e diptychis fuisset expunctum; tunc communio S. sedis Orientalibus data fuit ea conditione, ut certæ formulæ, seu professioni subscriberent, qua de utraque communionis & fidei unitate caveretur. Initium hujus professionis est. *Prima salus est rectæ fidei regulam custodire, & a Patrum traditione nullatenus deviare; quia non potest Domini nostri Jesu Christi prætermitti sententia dicentis: Tu es Petrus, & super hanc petram ædificabo Ecclesiam meam. Hac, quæ dicta sunt, verum probantur effectibus; quia in sede Apostolica inviolabilis semper catholica custoditur religio. De hac igitur fide non cadere cupientes, & Patrum sequentes in omnibus constituta, anathematizamus omnes hæreses &c. Et post nonnulla: Quapropter sequentes in omnibus sedem Apostolicam, & prædicamus omnia, quæ ab ipsa decreta sunt, & propterea spero in una communione vobiscum; quam Apostolica sedes prædicat, me futurum, in qua est integra religionis & perfecta soliditas: promittentes in sequenti tempore sequestratos a communione ecclesiæ catholicæ, idest in omnibus non consentientes sedi Apostolicæ, eorum nomina inter sacra non recitanda esse mysteria.* Huic vero professioni subscripsi mea manu, & direxi per scripta tibi Hormisdæ sancto & beatissimo fratri & Papæ magnæ Romæ: quibus unitas communionis ab unitate fidei nequaquam disjuncta, & catholicæ professioni indita dignoscitur. In hæc autem præclara est Bosueti adnotatio: *Atque hæc professio, ait, ab Hormisdæ Pontifice dictata, ab omnibus Episcopis Orientalibus, eorumque antesignanis Constantinopolitanis Patriarchis est recepta. Qua de re Occidentales Episcopi præsertim Gallicani multum collatantur; ut certum sit hanc formulam a tota Ecclesiâ catholica comprobata. Eandem fidem Justinianus Imperator ad S. Agapetum Papam iteratis vicibus mittit. In secunda vero subscriptione sic legitur. Quapropter, sicut præ-*  
*„fati sumus, sequentes in omnibus sedem Apostolicam, quæ*  
*„ab ea statuta sunt, prædicamus, ac promittimus incon-*  
*„cussè servari, & compellere, ut juxta tenorem libelli istius*  
*„omnes faciant Episcopi, ut sanctissimi quidem Patriarchæ*  
*„ad vestram faciant Sanctitatem, Metropolitani vero Pa-*  
*triar-*

„ triarchis, & alii ut suis faciant Metropolitanis, quatenus  
 „ per omnia sancta catholica Ecclesia nostra suam habeat  
 firmitatem „, *universali scilicet, ut sæpe diximus, consensio-  
 ne constantem.* Post quæ idem Bossuetus sic concludit. *O-  
 mnes ergo ecclesiæ subsignata formula profitebantur Romanam fidem  
 sedis Apostolicæ, & ecclesiæ Romanæ fidem integra & per-  
 fecta soliditate constare, ac ne umquam deficiat, certa Domini  
 sollicitatione firmatam. Nempe hanc fidem ab Episcopis ad Me-  
 tropolitanos, ab his ad Patriarchas, a Patriarchis ad Papam  
 mitti oportebat, ut omnium confessionem unus exciperet, ac pro  
 confessione fidei communionem omnibus unitatemque rependeret.  
 Hanc professionem eodem initio, eadem conclusione, additis sub-  
 inde hæresibus atque hæreticis, qui suis temporibus ecclesiam con-  
 turbassent, per sequuta sæcula frequentatam scimus. Hanc uti  
 Sancto Hormisdæ Papæ, Sanctoque Agapeto, ac Nicolao I. omnes  
 Episcopi fecerant; ita iisdem verbis Hadriano II. Papæ Nicolai  
 successoris factam in concilio VIII. æcumenico legimus. Hæc ergo  
 ubique diffusa, omnibus sæculis propagata, ab æcumenico concilio  
 consecrata, quis respuat Christianus? Tanti viri Testimonium  
 eo in operè exhibitum, quo declarationem Cleri Gallicani  
 defendendam sumsit, adversariorum nemo repudiare, ut ar-  
 bitror, auserit. Si autem nullus Christianus hanc professio-  
 nem unitatis fidei & communionis cum Romana sede ab uni-  
 versa Ecclesia confirmatam potest respuere; nonne utriusque  
 unitatis necessitas manifestissime sequitur? (1)*

83. Lau-

(1) Appendam hac in re  
 aliud omnino concinens com-  
 mentarium quod eidem for-  
 mule, seu professioni subjecit  
 illius Gallicanus doctissimus E-  
 piscopus Francicus Fevelonus  
 Metropoli Cameracensis in pa-  
 storali instructione diei 20. Junii  
 anni 1714. Post recitata lauda-  
 te professionis verba hæc ille,  
 quæ sic ex Gallico sermone La-  
 tine reddimus. Utinam actum  
 tam solennem, quo Episcopi schi-  
 smatici ad unitatem redibant,

nemo accipiat tamquam vaga &  
 ampullosa inanis obsequii verba,  
 quæ nihil præcisi ac serium si-  
 gnificent. Agitur hic de promissio-  
 ne Filii Dei S. Petro facta,  
 quæ quotidie ipsis rerum probatur  
 effectibus. Quinam vero sunt ejus-  
 modi effectus? Id est quia in sede  
 Apostolica inviolabilis semper ca-  
 tholica custoditur religio. Id est  
 quia hæc ecclesia, ut audiemus  
 ex Bossueto Episcopo Meldensi,  
 semper est virgo, semper Petrus  
 loquetur in sua cathedra, & Ro-

33. Laudatus Justinianus Imperator aliis quoque testi-  
*Tom. 5.* moniis unitatem fidei cum eadem sede ejusdemque sedis  
*Cencil. Ven.* auctoritatem in tota Ecclesia constitutam commendat, ac  
*edit. col. 649.* praefertim in epistola ad Hormisdam: *Unitas, inquit, san-*  
*b.* *ctarum ecclesiarum per doctrinam & auctoritatem Apostolatus ve-*  
*stri* provenit: hujusque unitatis se sollicitum semper fuisse  
*lbi col. 585.* testatur in alia epistola ad Joannem II. *Semper nobis fuit*  
*b.* *magnum studium, unitatem vestrae Apostolicae sedis & statum*  
*sanctarum Dei ecclesiarum custodire . . . . Itaque omnes sacerdo-*  
*tes universi Orientalis tractus & subicere & unire sedi vestrae*  
*Sanctitatis properavimus.*

34. Avitus Episcopus Viennensis in epistola ad Hor-  
*Inter epist.* misdam Papam scribens, *Jam securus non dicam de Vienn-*  
*Hormis. ibi* *si, sed de totius Galliae devotione, polliceor omnes vestram su-*  
*col. 584. c.* *per statu fidei captare sententiam, illustre testimonium prae-*  
*bet ejus obsequii, quo Gallicana ecclesia Apostolicae sedis*  
*judi-*

mana fides semper est fides Ec-  
 clesiae. Idest quando in ejus com-  
 munionem quis manet, integram &  
 perfectam soliditatem Christianae  
 religionis tenet. Idest nihil dif-  
 ferre inter eos, qui privantur com-  
 munionem Ecclesiae catholicae, & eos,  
 qui sententiis non consentiunt o-  
 mnino cum eadem sede. Immo  
 quicumque contradicit Romanae fi-  
 dei, quae est centrum traditionis  
 communis, contradicit traditioni  
 totius Ecclesiae: e contra quicum-  
 que unitur doctrinae hujus eccle-  
 siae semper virginis, suam fidem  
 nulli discrimini exponit. Hec  
 promissio quantumvis generalis &  
 absoluta, nihil temerarium, nihil  
 exorbitans continet relate ad Epi-  
 scopos ipsos, qui ad ejus subscri-  
 ptionem cogebantur, ut in com-  
 munionem reciperentur. Cavete  
 igitur, fratres dilectissimi, ne il-  
 lis praebeatis aures, qui auferint  
 dicere, hoc formularium Papae

Hormisdæ factum, ut asserretur  
 remedium schismati Acacii, non  
 fuisse nisi temporarium sedis Ro-  
 manae conatum. Hec tam expli-  
 cita fidei professio ob unitatem  
 renovata fuit sub Adriano II.  
 post annos trecentos & amplius ob  
 finiendum Photii schisma, & uni-  
 versum fuit approbata in octavo  
 generali concilio . . . . Quisque  
 episcopus in ea spondet se non se-  
 paraturum unquam a fide & do-  
 ctrina, sed sequuturum praesertim  
 in omnibus decisionibus ejusdem se-  
 dis Pontificum . . . . Hac condi-  
 tione Episcopi ad unitatem redie-  
 re. Hoc pretio illi inter catholi-  
 cos recensiti; sine hac subscriptio-  
 ne nemo sperare poterat locum in  
 octava aecumenica synodo. Omnia  
 tum communionis tum fidei  
 unitatem cum Romana sede &  
 in ea praesidentibus Romanis  
 Antistitibus necessariam decla-  
 rant.



judicia in materia fidei suscipiens, unitatem ejusmodi sedulo custodiebat.

85. Epiphanius Constantinopolitanus ad eundem Pontificem de sua electione litteras tradens, adhaesionem dogmatibus a sede Apostolica potissimum traditis sic declarat: *Est mihi oratio (al. ratio) magnopere uniri me vobis, & divina amplexi dogmata, quae ex beatis & sanctis discipulis & Apostolis Dei, praecipue summi Petri Apostolorum sedis sanctae veterae sunt tradita, & nihil eis pretiosius existimare.* Ibi. col. 666. d.

86. Stephanus Larissae Episcopus in libello, quem obtulit Bonifacio II. Pontifici & Romanae synodo anno 531. *Auctoritas, inquit, sedis Apostolicae, quae a Deo salvatore nostro summo Apostolorum data est, sanctarum ecclesiarum privilegium antecellit, in cujus confessione (idest fide) omnes requiescunt ecclesiae. Quid autem est, omnes ecclesias in sedis Apostolicae confessione, seu fide requiescere, nisi omnes cum ejus fide cohaerentes tute conquiescere? quippe quod in hujus petrae fide, idest Apostolorum Principis firmitate Orientalis (uti & Occidentalis) ecclesiae fundamenta solidantur, quemadmodum ad Joannem Constantinopolitanum scripserat S. Hormisdas.* Ibi col. 841. b.

87. Mennas Episcopus Constantinopolitanus in synodo Constantinopoli habita anno 536. actionem quartam his verbis claudit: *Nos enim, sicut scit vestra caritas, Apostolicam sedem sequimur, & obsequimus, & ipsius communicatores, communicatores habemus, & condemnatos ab ipsa & nos condemnamus.* Ibi col. 1058. c.

88. Profuturus Episcopus Bracarensis quantifecerit fidei unitatem cum sede Apostolica, explicavit in litteris ad Vigilium Papam, ex quibus haec de ipso idem Pontifex retulit in responsione apud Labbeum epistola ejusdem Pontificis secunda: *Regulam catholicam fidei iisdem studet tenere vestigiis, quibus eam in Apostolica fide cognoscis esse fundatam. Hanc eandem unitatem fidei idem Pontifex laudans in Menna Constantinopolitano Episcopo scripsit: Quid est caritati tuae dignius, quod conveniat, nisi a Romanorum Praesulum non deviare doctrina?* Ibi col. 1291. a.  
Epist. 5. Vigil. ibi. col. 1292. c.

## §. XVII.

*Testimonia ex summis Pontificibus Gregorio I. & II. ex venerabili Beda, ex Auctore operis Carolini, Hadriano I., Alcuino, S. Nicephoro Constantinopolitano, Theodoro Studita, Nicolao I., & Hincmaro Remensi. Ex his antiquis traditionis argumentum concluditur, subjecta animadversione, qua uno ictu plures objectiones ex antiquis perperam ingesta diluuntur.*

89. Quid dicam de magno Gregorio, qui profecto reprehendi in eo nequit, quasi suæ sedis privilegia nimium extulerit? Is epist. 38. lib. 4. Indict. 12. ad Theodelindam Reginam, *Dignum est, inquit, ut de ecclesia B. Petri Apostolorum Principis nullum ulterius scrupulum habeatis, sed in vera fide persistite, & vitam vestram in petra Ecclesiæ, hoc est in confessione B. Petri Apostolorum Principis solidate, ne tot vestræ lacrimæ tantaque bona opera pereant, si a fide vera inveniantur aliena.* His verbis non obscure innuit, Romanæ ecclesiæ fidem, de qua in Theodelindæ animum aliquod dubium fortassis inciderat, solidam esse ecclesiæ petram, ac in ea tamquam in confessione ac fide ipsius S. Petri omnes catholicos debere consistere & solidari. Hæc de fidei unitate. Porro de unitate communionis notanda sunt illa verba expressa in promissione ejusdem Episcopi hæresim suam anathematizantis, quæ in Appendice epistolarum ejusdem Pontificis legitur. *Prona & spontanea voluntate ad unitatem sedis Apostolicæ divina gratia duce reversus sum; & ne non pura mente, seu simulate reversus existimer, sub mei ordinis casu spondeo, & anathematis obligatione . . . . semper me in unitate sanctæ Ecclesiæ catholicæ, & communionis Romani Pontificis per omnia permanisurum, &c.* Quibus unitas cum Ecclesiâ catholicâ, & communio cum Romano Pontifice ita copulantur, ut altera sine altera stare non possit.

90. Gregorius II. unitatem fidei cum Romana sede ita credidit necessariam, ut scripserit ad Episcopos Ducesque Germaniæ, se ad ipsos mittere S. Bonifacium, qui populos

Tom. 2. col.

1300. edit.

Maurine.

los non ex alia quam ex Apostolicæ sedis hujus doctrina informet, & in eadem catholica fide permanere instituat. Et in litteris ad eundem Bonifacium idipsum inculcans ait: Itaque non desinas, frater reverendissime, docere eor sanctam catholicam & Apostolicam Romanæ ecclesiæ traditionem. Porro in vita ipsius S. Bonifacii scripta ab Othlone Fuldensi describitur juramentum, quod laudato Gregorio II. summo Pontifici idem Bonifacius præstitit, cum Episcopus electus fuit. Promitto ego Bonifacius Dei gratia Episcopus tibi B. Petro, Apostolorum Princeps, vicarioque tuo B. Gregorio Papæ & successoribus ejus per Patrem, & Filium, & Spiritum Sanctum, Trinitatem inseparabilem; & hoc sacratissimum corpus tuum, me omnem fidem & unitatem sanctæ fidei catholicæ exhibere, & in unitate ejusdem fidei Deo operante persistere: ubi verbis unitatem sanctæ fidei catholicæ, cohærens præmissis mandato, seu instructioni Gregorii, intelligit unitatem fidei, quam ex sancta catholica & Apostolica Romanæ ecclesiæ traditione didicerat. Eandem potissimum fidei unitatem respiciunt & illa ejusdem S. Bonifacii in epist. 105. ad Cudbertum Archiepiscopum loquentis de statutis synodi abs se habitæ sub Pipino & Carlomanno: Decevimus autem in nostro synodali conventu, & confessi sumus fidem catholicam, & unitatem & subjectionem Romanæ ecclesiæ sine tenus vitæ nostræ velle servare S. Petro & vicario ejus velle subiaci. Vide tom. 8. Concil. Ven. edit. col. 231.

91. In sexta œcumenica synodo aet. 4. debito cum honore lectæ & susceptæ fuerunt; atque actis insertæ Agathonis Papæ litteræ ad Imperatores Constantinum, Heraclium, ac Tiberium, in quibus Romanæ Apostolicæ ecclesiæ auctoritatem a S. Petro manantem, semper, inquit, omnis catholica Christi Ecclesia, & universales synodi fideliter amplectentes, in cunctis sequutæ sunt, omnesque venerabiles Patres Apostolicam ejus doctrinam amplexi, per quam & probatissima Ecclesiæ Christi lumina claruerunt, & sancti quidem Doctores orthodoxi venerati atque sequuti sunt. Audin' omnem catholicam Ecclesiam in cunctis semper sequuntur, omnesque Patres atque Doctores veneratos & amplexos Apostolicæ Romanæ ecclesiæ auctoritatem atque doctrinam?

92. Venerabilis Beda inter homilias de tempore explicans illa cap. 16. Matthæi, Et tibi dabo claves regni cælorum ait: Ideo B. Petrus, qui Christum vera fide confessus, vero

T. 7. edit.  
Colon. pag.  
112.

est amore sequutus; specialiter claves regni caelorum; Et principatum iudicariæ potestatis accepit. (nota principatus, seu primatus Petro traditi scōpum) ut omnes per orbem recedentes intelligant, quia quicumque AB UNITATE FIDEI, VEL SOCIETATIS ILLIUS, quolibet modo semetipsos segregant, tales nec vinculis peccatorum absolvi, nec januam possint regni caelestis ingredi. Ita cum fidei, tum societatis, seu communionis catholicæ centrum, quocum omnibus catholicis adhærendum sit ratione primatus, in S. Petro, ac Petri sede collocat.

93. Auctor Operis Carolini lib. 1. c. 6. ex Gallicanæ & Germanicæ Ecclesiæ sensu scribens, Hac ergo (sedes Apostolica), inquit, sancta fidei spiritualibus munita armis, Et a fonte lucis, Et origine bonitatis salutaribus satiata fluentis, Et horrendis atrocibusque hæresum obstitit monstris; Et melissuæ prædicationis pocula catholicis per orbem ministrat ecclesiis. Nam beatissimus Hieronymus vir, divinis legibus Et multarum linguarum peritia eruditus, dum Bethleemiticis moraretur in arvis, Et a B. Papa Damaso Romæ posito de difficultibus consuleretur quæstionibus; eum pro causis fidei vice versa consuluisse dignoscitur, Et sive tacendarum, sive dicendarum hypostasicon, vel quibus in Orientalibus partibus communicare debeant, humillimis apicibus, ut apices accipiat, deprecatur. . . Unde datur intelligi, sanctos Et eruditos viros per diversas mundi partes prædicationis Et scientiæ lampade corruscantes, non solum a S. Romana ecclesia non recessisse; sed etiam tempore necessitatis ob fidei corroborationem ab ea adiutorium implorasse. Quod regulariter, ut præfati sumus, Et exemplis docuimus, omnes catholicæ debent observare ecclesiæ, ut ab ea post Christum ad muniendam fidem adiutorium petant, quæ non habet maculam neque rugam, Et portentosa hæresum capita calcet, Et fidelium mentes in fide corroborat, a cuius sancta Et veneranda communionem, multis recedentibus, nostræ tamen partis numquam recessit ecclesia, sed ea Apostolica eruditione instruenta, Et eo, a quo est omne donum optimum Et omne datum perfectum, tribuente, semper suscepit reverenda chrismata. Nonne hæc fidei communionisque unitatem cum sede Apostolica tenendam significant? Hoc autem testimonium tanto pluris faciendum est, quanto ecclesiarum Galliæ & Germanicæ sensum declarat eo quoque tempore, quo ob decretum synodi VII. contra Iconomachos inter ipsarum partium Episcopos & Roma-

Romanum Pontificem intercedebat non levis dissensio. Hac autem in dissensione, quæ in aliquot annos progressa est, vide ne existimes eos reipsa descivisse ab ea unitate fidei, quam cum sede Apostolica tenendam tam manifestis verbis professi sunt. Etsi enim illorum sententiam circa cultum imaginum multis ac diversis circumstantiis implexam, ad unum quiddam certum revocare. & explicare difficile sit; in his tamen ambagibus certum affirmari posse arbitror, ipsam dissensionem quoad substantiam non tetigisse negotium fidei, sed merum articulum disciplinæ. Scite nimirum monuit Mabillonius cum Petavio, imagines sacras, de quibus erat quæstio, ex eorum per se genere esse, quæ ad fidem non *Mabil. præfat. 1. in sec. 4. ord. Ben. p. 16.* Minantur, hoc est, quæ ad salutem omnino necessaria non sunt, nec ad substantiam ipsam religionis attinent, sed in potestate sunt Ecclesiæ, ut eas vel adhibeat, vel ableget, prout satius esse decreverit: quod refertur ad materiem disciplinæ. Dissensio *Petav. l. 15. c. 13. Theol. dog.* autem Gallorum Germanorumque non tangebatur negotium fidei: damnabant enim & ipsi Iconomachos, qui sacras imagines evertendas & ubique abolendas curaverant; easdemque ad docendos rudes, ad memoriam sanctorum, piosque affectus excitandos, & alios salutares effectus promovendos utiles, atque in ecclesiis aliisque dignis in locis collocari ac retineri posse existimabant. Solum dissentiebant circa earum cultum externum, tametsi relativum, quem cum Patribus synodi VII. approbabat Romanus Pontifex. Hunc autem illos non idcirco noluisse approbare & in suas ecclesias inducere, quod honorarium cultum externum etiamsi relativum per se se, idest omni vitiosa circumstantia expertem, illicitum crederent, ex eo manifestum sit, quia Romanos aliosque hoc cultu relativo ac moderato utentes idololatrias non habent, nec ullo simili convicio, aut censura notare, neque se ab eis quasi ab idololatriis separare voluerint. Hinc ergo in substantia fidei cum Romanis Pontificibus & cum synodi VII. Patribus erant concordēs. Ipsum vero cultum, quem per se licitum agnoscebant, ea de causa noluerunt practice approbare, seu recipere, quia apud suos non erat in usu, & metuebant, ne si induceretur, cultus relativus ex abusibus & superstitionibus, quæ sicut apud aliquos Græcos irrepserant, apud indotam plebem facile possunt irrepere; cultus, inquam, relativus in absolutum commutaretur, ac in supersticiosum desllectet:



ret: cum præsertim quædam etiam voces, & quidam ritus honorarii cultus ex disciplina apud suos obtinente soli Deo tributi, si imaginibus concederentur, apud eosdem ad latrepticum cultum referendi crederentur. Cum itaque laudati Episcopi ob cavenda hæc superstitionum & abusuum pericula obstiterint cultui ceteroquin ex catholica religione minime necessario, quem per se licitum agnoscabant; quis non videat eorum dissensionem, non ad fidei, sed ad disciplinæ negotium referri oportere? *Et sane perspectam probatamque fuisse Romanis Pontificibus Gallorum religionem in imagines sacras (verba sunt laudati Mabillonii loco citato num. 45.) satis apparet tum ex responsis Hadriani I. qui eos nusquam erroris notat, tum ex aliis Pontificibus, qui nullum hac de re negotium ecclesiæ Gallicanæ facesserunt.* Ipsos scilicet in fide quoad substantiam concordēs noluerunt vexare ob dissidium disciplinæ, in quo œconomica dispensatione, suasionibus, & explicationibus agendum crediderunt, quoad illos sensim ad externum illum & moderatum cultum recipiendum adducerent: uti prospere tandem obtinere.

94. Hadrianus I. in epistola ad Tarasium CP. Episcopum lecta & approbata in septima generali synodo act. 2. cum de rebus fidei esset sermo; præmisso S. Petri elogio, *Tu es Petrus &c.* cujus vis & ratio ad successores Romanos Pontifices cum primatu transivit, *Nostræ*, inquit, *Beata & Apostolica sedi, quæ est omnium ecclesiarum Dei caput, velim beata vestra sanctitas ex sincera mente, & toto corde agglutinetur, utpote quæ revera sit recte sentiens, & pietatis incorrupta conservatrix.* Et in epistola ad Episcopos Gallicianæ & Hispaniarum de fide S. Petri loquens, quæ non solum in Petro fuit, sed adhuc in sua sede & in successoribus ejus custoditur, illum, qui ab ea discordat, non esse in Ecclesia aperte pronuntiavit. *Qui se a B. Petri fidei communione dissociant, relicta (heu miseri!) inviolabilis petræ inconcussa firmitate, super lubrica & arenosa ruralia perfidiæ domum fabricare festinant.*

Pag. 1593.  
câst. Paris.

95. Alcuinus epist. 70. *Ne schismaticus inveniat, & non catholicus, sequatur probatissimam S. Romanæ ecclesiæ auctoritatem; ut unde catholica fidei initia accepimus, inde exemplaria salutis nostræ semper habeamus; ne membra a caute separerentur suo, ne claviger regni celestis abiciat, quos a suis deviasse intelligit doctrinis.* Et in epistola ad Leonem postquam

dictit

dixit commendatas Petro oves fuisse a Christo, & cupere se inter eas numerari, hæc addit: *Vere dignum esse fateor, omnem illius gregis multitudinem suo pascori, licet in suis diversis terrarum pascuis immorantem, una caritatis fide subje-*

T. 2. Carit.  
pag. 68.

96. Nicephorus Patriarcha Constantinopolitanus in synodica ad Leonem III. Papam fidei unitatem his verbis profitetur: *vestra fraternitas . . . . opportunis sermonibus, & ipsis quoque verbis nos confirmet in se, quo vestris legibus, vestraque suffulti doctrina, in hac fide stabiles, simplices, & ab omni defectu immunes persistamus; & universum denique rationabilem nostrum gregem summi pastoris nomine & unctione insignitum, intraque ecclesiastica causâ septa constitutum, manifesta divinæ illius & Apostolicæ spiritualis doctrinæ fissura ebuccinatione, vocibusque divinitus inspiratis IN UNUM congregemus.* Multi nimirum ob Iconomachorum hæresim Constantinopoli a Romana catholica fide & communione recesserant. Nicephorus vero patriarcha catholicum sensum nutriendum, in Romana doctrina persistendum, & ad eiusdem fidei unitatem suum gregem revocandum censuit.

Tom. 9.  
Conc. Lab.  
Ven. edit. col.  
314. d.

97. Theodorus Studita lib. 2. epist. 63. ad Neocratium Iconomachos separatos tradit a Christi corpore, quod est Ecclesia, qui se se a Fide Romanæ sedis separaverunt. *Tessor nunc coram Deo & hominibus: seipsos avulserunt a corpore Christi, & supremo verticali throno (Romana sede), in quo Christus claves posuit fidei, adversus quem non prævaluerunt hæcenus, neque prævalebunt usque ad consummationem portæ inferi, ora videlicet hæreticorum, sicut pollicitus est ille qui non mentitur.*

98. Nicolaus I. in litteris ad Venilonem Archiepiscopum Senonensem ipsi & suffraganeis ejus eandem unitatem commendans scripsit: *Vos, fratres carissimi, qui Sancto utique Spiritu revelante Apostolicæ sedis auctoritatem sensu capere, & ad splendorem luminis ejus incedere laudabiliter inchoastis, cum illa usque in finem sapere, cum illa semper ambulare studete, ab illa deviare nefas judicate, ab ejus discrepare sensu ne ad modicum quoque momentum consentiatis. Quos illa recipit, & vos recipite quoque; & quos illa respuit, abigere ipsi, sicut ipsa, mementote. Non enim illa respuit nisi membra, quæ sibi non coherant; nec a se recidit, nisi quos in scandalum multis positos comprehendit. Non, inquam, recidit vel eruit a se nisi*



nisi membrum, quod sanis membris in offensionem & perniciem noscitur extitisse.

99. Hincmarus Remensis in præfatione opusculi de Divortio Lotharii & Teutbergæ, *De omnibus dubiis*, ait, *vel obscuris, quæ ad rectæ fidei tenorem, vel pietatis dogmata pertinent, S. Romana ecclesia ut omnium ecclesiarum mater & magistra, nutrix ac doctrix est consulenda, & ejus salubria monita sunt tenenda.* Et in libro de Prædestinatione cap. 4. *Sequitur autem, quæ catholica & Apostolica nos docet S. Romana ecclesia.* Et c. 24. *Piis, devotis, atque catholicis hoc debet sufficere, quod omnium ecclesiarum mater sancta, catholica, atque Apostolica docet Romana ecclesia.*

100. Multa alia similia aliorum testimonia subjicere possem, quæ hoc vel sequentibus sæculis eandem tum communionis tum fidei potissimum unitatem cum Romana sede summisque Pontificibus pari ratione commendant, ac utriusque necessitatem declarant. Sed antiquiora, quæ hætenus protuli, apud adversarios antiquitatis maxime studiosos sufficere arbitror, ut traditio, quam hoc capite exponendam proposui, satis superque probata ab ipsis quoque judicetur: cum præsertim certum sit, subsequenter ac posterioribus sæculis catholicos doctores de Romanæ sedis auctoritate ita scripsisse, ut in dogmaticis præsertim propriè dictis definitionibus eam plures amplioribus quam olim verbis atque nominibus commendarent, explicarentque luculentius; nec quisquam quoad unitatis cogendæ prærogativam, quam omnes ex principiis communibus antiquorumque doctrinis habebant exploratam, quæstionem moverit. (\*) Ita porro traditio non minus quam Scriptura sacra comprobatur rationem ac vim propriam Pontificii primatus, quem ad unitatem non communionis tantum, sed potissimum fidei in universa Ecclesia continendam & conservandam ab ipso

Chri-

(\*) Quamquam si quidam etiam movissent in eo quæstionem, Bossueti sententiæ lib. IV. *Defensionis declar. Cler. Gallic. c. 16. part. 2. pag. 213.* hic maxime locum haberet: *Theo-*

*logi graves, postquam exploratam habent Patrum sententiam, non multum commoveri solent novellis Scholasticorum opinionibus, quæ si novæ sunt, & antiquitati contrariæ, sunt repudiandæ.*

Christo institutum, & vi apta ad hunc finem obtinendum, idest vi cogente præditum, ex \* principiis, quibus adversarii quoque calculos addiderunt, demonstrasse videmur. Quid pluribus opus est, ut hoc systema ad certa principia ab ipsis adversariis concessa revocatum, ac exinde legitime deductum evolutumque, ac tum Scriptura, tum traditione comprobatum, omnino certum ac demonstratum dicatur? Quod si quædam pauca veterum facta, aut etiam testimonia systemati perinde demonstrato videantur difficultatem asserre; quicumque ejusmodi systematum naturam & vim intelligit, nihil movebitur. Veritatum enim Theologiae systema Theologiae, quæ ex multis testimoniis in unum logicum desinentiam conspirantibus demonstrationem accipiunt, ut monstratum demonstrata dicantur, haud opus est, ut omnia omnino, d. ci possit. sed sufficit, si plura, vel pleraque testimonia satis aperta & concinentia id ipsum constituent. Quæ autem pauca videantur obesse, ea rectus ejusmodi systematum æstimator, vel congrue explicanda esse, & cum ipso systemate aliisque testimoniis concilianda cognoscet (uti sane (1) præstiti in

*Ballerinius de Primatu RR. PP.* E e re

(1) Ita ex. gr. me conciliasse seu explicasse arbitror objectionem, quæ omnium maxima ac difficillima videtur, ex facto & verbis S. Cypriani circa decretum S. Stephani Papæ de hæreticorum baptismate, nec non ex illis S. Augustini de facto & verbis ejusdem Cypriani, ut videre licet ex cap. 13. §. 3. & 9. Si quæ tamen adhuc difficultas apud aliquem superest; contemnenda & nihili habenda erit, cum locus unus vel alter objectus, nequeat infringere, aut elidere vim systematis, quod tot aliis testimoniis cum Scriptura concinentibus probatum fuit; cumque præterea per omnia conflict Cyprianum ea in sententia errasse, & ideo qui-

dem errasse, quia unitatem cum Stephani sententia non tenuit. Nonne in aliis fidei doctrinis complurimum Patrum traditione probatis nihil officit, si qui pauci textus alicujus etiam celeberrimi & antiqui Patris contrarium videantur ingerere? Nonne complexus testimoniorum, quæ ex Patribus sequentibus sanctum & antiquissimum Episcopum Irenæum Romanæ fidei unitatem omnino necessariam propter primatum tam expresse affirmantem recitavimus, quæque cum institutione & fine instituendi primatus, & cum Evangelicis de Petro primo primatus testimoniis conspirant, demonstrationem satis aptam exhibuit, quæ nullam majorem

re præfenti quoad aliqua præcipua objecta nonnullorum Patrum facta, aut textus); vel si non ita facile explicari & conciliari posse credantur, non tanti facienda perspiciet, ut ipsum systema demonstratum, deferendum, aut in dubitationem adducendum existimet. Hæc in eorum præsertim gratiam monenda fuere, qui levioribus aliquot objectis moventur, quibus si voluissim singillatim respondere, traditionis seriem identidem importune abrumpere coactus fuissim, & morosius immorari in minimis, quæ ex difficilioribus suo loco solutis, ac præcipue ex ipso systemate bene percepto faciliem solutionem accipiunt.

Textus, qui cum auctoritate Apostolica conjungunt conciliorum generalium, aut Ecclesiæ auctoritatem, nihil obstant vi coactivæ illius.

101. Mirum vero maxime esset, si ad infirmandam vim traditionis hoc capite propositæ quempiam moverent adhuc ea antiquorum testimonia a Bossueto diligentius collecta & ingesta, quibus decreta fidei sedis Apostolicæ nunc conciliorum generalium, nunc Episcoporum Ecclesiæ catholicæ auctoritate firmata, roborata, irretactabilia, aut alio æquivalenti titulo donata præferuntur. Ex his quidem omnibus suffragiis Pontificiæ auctoritati additis vim coactivam exsurgere nemo negarit, & vim quidem majorem quam ex Pontificiæ auctoritate tantum; hocque sensu dictum illud obtinuit: *Orbis major est Urbe*. At num inferri etiam potest (quod Episcopi Meldenis commentarium ingerit), Pontificiam auctoritatem per se non cogere, quia cum conciliorum generalium, & Episcoporum totius Ecclesiæ auctoritate conjungitur, & ex hac unitate invictum robur elicitur? Num ubi duo vel plures vi coactiva & ineluctabili per se præditi, ad aliquid firmiter statuendum afferuntur, alter alteri præjudicium creat? Nonne cum sacræ Scripturæ auctoritate traditio jungi solet a Theologis, & cum Scriptu-

in aliis non paucis dogmatibus quispiam requireret, aut inveniret? Objecta ex præsumptis quorundam Pontificum erroribus in materia fidei, qui (ut in præfatione monimus) ad caput ultimum hujus dissertationis, ubi de illorum infallibilitate agatur, pertinent, ibi-

dem §. VI. & seqq. ita disjiciuntur, ut nihil exinde difficultatis contra systema hæcenus constitutum superesse queat; vel, si quid videatur superesse, nequeat in dubium adducere eam primatus vim atque rationem, quæ tot exploratis documentis plane demonstrata videtur.

ra ac traditione jungitur etiam synodorum præsertim generalium auctoritas? Num hinc deduci potest nec solam Scripturam sacram, nec traditionem solam; nec solam synodorum generalium auctoritatem ad vim coactivam sufficere? Minime gentium; cum singularum vis omnino coactiva aliunde probetur, & explorata sit. Solam vero Pontificiam auctoritatem per se pariter cogere ad fidei unitatem ratione primatus; propter quem omnes undique fideles cum Romana fide tamquam cum centro unitatis convenire necesse est, ex institutione Christi, ex Evangelicis textibus, ac traditione ipsa, conciliorum quoque generalium suffragiis munita, una verbo ex toto systemate jam demonstrato palam factum arbitror; idque ita ut ipsius Apostolicæ auctoritatis coactiva vis e ratione propria instituendi primatus proficiscens, a conciliorum generalium, aut Episcoporum, & Ecclesiæ consensu non pendeat: quam conditionem consensus Ecclesiæ ab adversariis requisitam resellemus pluribus capite sequenti n. 29. & seqq. Neque tamen superflua fuit horum suffragiorum additio, quæ ad fortius argumentum utilis, ad infirmiores docendos, & ad pertinacium contumaciam revincendam necessaria quandoque habita est, ut plenius statueretur laudato capite num. 34. cum præsertim definitione Apostolica per se se explicetur, quæ sit fides centri catholicæ unitatis, cum quo tota cohaeret Ecclesia; conciliorum vero generalium, seu Episcoporum totius orbis suffragiis fides totius catholicæ cum unitatis centro coherens declaretur Ecclesiæ, quæ declaratio ad facilitatem unitatis alias per se Apostolicis definitionibus debitæ conciliationem quantum valeat, nemo non videt. Quot obiecta a Bossueto testimonia hoc uno ictu cadunt, seu potius in ejus consilium & scopum convincuntur inania (1);

Discrimen  
inter defini-  
tionem Apo-  
stolicam, &  
illam concilii generalis.

E e 2      inte

(1) Inania quidem non essent, si quæ ille attulisset antiquorum testimonia, quibus palam traderetur, Apostolicas definitiones non cogere, autquam conciliorum, aut Episcoporum totius Ecclesiæ approbatio & confirmatio accederet. At cum

ne unum quidem ejusmodi testimonium asserre nec invenire posuerit, quis non videat, in propositum ipsius ea tantum, quæ Pontificiis definitionibus, conciliis, Episcopis simul conspirantibus, invictum robur tribuant, nihil suffragari?

integramque relinquunt vim argumenti ex traditione hoc capite expositi, quod ex iisdem objectis nihil detrimenti capit. Ejusdem vero argumenti vis multo forsitan evidentior fiet, si ipsorum adversariorum, qui inter catholicos sequiori ævo Pontificiam auctoritatem certis limitibus restringere, & quasdam prærogativas ejus in controversiam studuerunt vocare, in adstruenda vi cogendæ utriusque unitatis consensum demonstravero, ex quo palam fiet, ipsos etsi in quibusdam aliis capitibus repugnantes, in hoc tamen satis apertis debuisse testimoniis convenire, ne ab antiquorum traditione ipsis quoque explorata recederent.

## CAPUT XIV.

*Adversariorum catholicorum testimonia, quibus utriusque unitatis cum Romana sede necessitatem professi sunt.*

**C**UM non omnes Pontificiæ auctoritatis adversarios etiam hæreticos & schismaticos, sed catholicos tantum hoc in opere confutandos susceperim; horum testimonia tantummodo producenda erunt, quibus communis fideique unitatem cum Romana sede ejusque Pontificibus necessariam, ut ex antiquorum traditione acceperant, satis aperte affirmarunt. Neque vero hos omnes & singulos (quod nimis esset longum) producere oportet: sufficit enim præstantiores atque præcipuos allegare, qui cum in hac thesi non particularem & controversam, sed omnino certam, omnibusque catholicis communem, atque ex antiquorum traditione, nec non ex Evangelicis de Petri primatu testimoniis elicitam protulerint sententiam; ceterorum pariter omnium, qui catholici fuerunt, mentem aperuisse judicabitur, adeo ut soli hæretici atque schismatici sentire aliter queant. Hic quidem adversariorum consensus quoad utriusque unitatis necessitatem si idoneis eorundem testimoniis statuatur, invictum contra ipsos argumentum suppeditabit ad ea revincenda, quibus alibi Pontificiam auctoritatem præsertim in fidei definitionibus limitant, atque ex parte etiam oppugnant: quod potissimum ego respiciens in præfatione monui, illos principia de primatu Romanorum Pontificum omnino

omnino certa vidisse, consequutiones non vidisse. At de hoc in sequenti capite agendum erit. Nunc ipsa consentientia illorum testimonia promamus, nec dissimulabimus sub finem hujus capitis celebrem quamdam distinctionem inter Apostolicam sedem & sedentem, aliaque duo ipsorum effugia notare atque refellere, quibus consensum, quem non potuerunt itentidem non declarare, aliorum distrahere ac distorquere frustra nisi sunt.

### §. I.

*Communis adversariorum formula, qua centrum unitatis in Romana sede positum agnoscunt, explicata præsertim ex comitiis Gallicanis anni 1682.*

2. Unitatis cogendæ vim, ac centrum in Romana sede positum omnes Gallos etiam adversarios confiteri res vulgarissima est, totque ipsorum asserta testimoniis, ut omnia colligere satietatem pareret. Hanc autem receptissimam appellationem unitatis centrum, quæ ad primatum Romanæ sedis ab iisdem Gallicanis adversariis refertur, celeberrimus Gallicani Cleri conventus anni 1682. in ea *Declaratione de ecclesiastica potestate*, qua die 19. Martij famosi articuli constituti fuerunt, satis comprobaturus atque explicaturus, declaravit Romanam sedem illam esse, in qua unitas servatur *Ecclesiæ*: quæ sententia ex SS. Patribus præsertim Cypriano, Paciano, ac Optato similia scribentibus sumta fuit: unde in epistola encyclica ejusdem conventus ad omnes Archiepiscopos, & Episcopos regni hæc in rem præsentem ex S. Cypriano præfatur: *Fidenter cum B. Cypriano pronuntiāmus, carissimi collegæ, Christum, ut unitatem manifestaret, unam cathedram constituisse, & unitatis originem ab uno incipientem sua auctoritate disposuisse, eumque, qui cathedram Petri, super quam fundata est Ecclesia, deserit, in Ecclesia non esse: qui vero unitatem non tenet, nec fidem habere*: quæ profecto verba ita centrum unitatis Ecclesiæ cum vi ad unitatem cogente positum præferunt in Romana cathedra, ut hanc cathedram ejusque unitatem quicumque deserat, in catholica Ecclesia, quæ eidem centro adhæret, esse non possit. Hæc centri unitatis notio & explicatio ex adversariorum



frequentissimo conventu deducta, & ea quidem occasione edita, de ceterorum adversariorum mente non finit ambigere. Ipse Dupinus, etsi inter adversarios Pontificis prærogativis minus æquus fuerit, ut alibi vidimus; hoc tamen in dubium revocare minime potuit. Quin in præfatione ad Optatum §. 2. inter cetera fidei dogmata ab eodem Patre asserta istud adstruit: *Romanam ecclesiam ceterarum matrem & UNITATIS CENTRUM* propter Petrum; qui caput Apostolorum fuit, Optatus agnoscit; centrum scilicet ejusmodi, in quo unitas (ut idem ait Optatus) ab omnibus servetur. Hinc veluti in formulam solemnem transit apud Gallos præsertim etiam adversarios *centrum catholicæ unitatis* appellare Romanam sedem, Romanumque Pontificem S. Petri successorem, & ita appellare, cum primatum ejus profiteri volunt adversus hæreticos atque schismaticos; quemadmodum sane adversus eosdem primatum Pontificium peculiaris juris asserturus idem conventus Gallicanus, vim præcipuam ob unitatem Ecclesiæ continendam & conservandam eidem centro non obscure asseruit: unde & Rex ipse Galliarum Declarationem ejusdem Gallicani conventus confirmans die 23. Martii anni laudati, adversus Novatores Pontificium primatum oppugnantes constitutam ab eodem conventu agnoscit *potestatem legitimam visibilis Ecclesiæ capitis, & centri unitatis ecclesiasticæ*. Legitima potestas centri unitatis ecclesiasticæ sine vi cogente ad unitatem cum eodem centro intelligi nequit.

3. Solum dubitari potest; num qui hæc fatentur tamquam dogma fidei certum, de centro unitatis fidei intelligent, an vero de centro unitatis communionis tantum. De centro quidem communionis nihil cum ipsis controversiæ est, cum Nicolius superius laudatus c. 11. n. 5. ex omnium etiam Gallorum doctrina ac fide certum tradiderit: *Nobis præterea adhærendum est per communionem expressam* atque præcipuam *cum capite Ecclesiæ summo Pontifice*. Quibus concinens Claudius Fleury inter veræ Ecclesiæ notas recenset *Romanam, ut demonstretur, inquit, signum veræ Ecclesiæ esse communionem cum sancta sede Romano*. Hinc etiam memoratus Dupinus, licet plura Romanæ sedis decerpere non dubitaverit, communionis tamen unitatem cum ipsa, quam unitatis centrum asseruerat, tenendam extra omnis dubitationis aleam posuit notatione 26. & 37. in Optati li-  
brum

Exposi-  
t. symb. part.  
2. a. 9. c. 1.

Catech. hi-  
stor. c. 2. par.  
2. lect. 9.

brum secundum. Immo dissertatione 5. *De antiqua Ecclesiæ disciplina* cap. 2. recitato S. Hieronymi textu, qui unitatem cum Romano Pontifice necessariam apertissime efflagitat, in eo laborat, ut ab unitate fidei, quæ ibidem proprius intelligitur, illud testimonium abstrahat; & ad solam communionis unitatem desleat, inquit: *Nihil id facit ad fidem, & iudicium Romani Episcopi, sed tantum ad communionem*; quam profecto Romanæ sedis communionem adeo necessariam Clerus Gallicanus in laudata Declaratione expressit, ut eandem illam habeat cum communione Christi; unde hæreticos, qui simplices animas ab ecclesiæ matris (idest Romanæ) communione dissociant, à Christi communione dissociare affirmavit. infinitum propemodum esset, si quæ pro hac unitate ab adversariis catholicis aperta concordique sententia afferuntur, agglomerare vellem. Sed præter quam quod nonnulla alia in sequentibus ipsorum testimoniis occurrent, in thesi haudquaquam controversa plura congerere opus non est.

4. Quidquid porro Dupinus ex Hieronymiani loci occasione contra necessitatem unitatis fidei contenderit, id aliis plerisque & præstantioribus adversariis, quos deinceps proferemus, persuaderi neutiquam potuit. In memorata Gallicani Cleri Declaratione nonnulla huius necessariæ unitatis indicia inspersa fuere. Primo enim Romanæ sedis primatum ab hæreticorum disertiis vindicans, eam appellat *sedem Apostolicam, in qua fides prædicatur; & unitas servatur Ecclesiæ*; quæ postrema verba unitatis centrum in ea constitutum indicantia; cum fidei prædicationi subiciantur; unitatem fidei, quæ fidei prædicatione servatur, quæque est præcipua Ecclesiæ unitas, spectare videntur, ita ut unitas fidei in eadem sede, & cum eadem sede servanda potissimum sit. Numquid enim unitas communionis tantum, & non unitas fidei tenenda est cum ea sede, quæ fidem prædicat Ecclesiæ (sic nimirum hunc locum interpretatur Dupinus, où l'on enseigne la vraie foi de l'Eglise, & qui conserve son unité), eam videlicet fidem, quæ non minus Apostolicæ sedis, quam totius Ecclesiæ fides est; quatenus non alia est fides Ecclesiæ, quam quæ in Romana sede prædicatur, & traditur, ut cap. 13. n. 36. fusius ostendi? Ei sane, qui fidem prædicat, fidei unitas subtrahi non potest, quin ipsi fidei, quæ prædicatur, & fides Ecclesiæ esse conceditur, uni-

*Traité de la puissance Ecclésiastique.*

tas subducatur, quod profecto non licet. Gallicanum certe Clerum, dum ea verba scripsit, aliquid tale sensisse (ne dubitemus) satis indicat Bossuetus in oratione iisdem in comitiis habita, & encyclicis ipsius Cleri litteris approbata, ubi unitatem quidem commendans, Ecclesiæ catholicæ fidem eandem esse affirmat ac fidem Romanæ Ecclesiæ, quæ scilicet in Romana sede a S. Petro, ut ait, in successoribus ejus loquente prædicatur. Verba ejus dabimus numer. 18.

5. Addam aliam observationem non contemnendam in ea ejusdem conventus Gallicani verba, quibus *potestatem, qua pax ecclesiæ continetur*, Apostolicæ sedi tribuendam fateatur adversus hæreticos: qui eam potestatem destruere molientes, *simplices animarum ab ecclesiæ matris, Christianique adeo communionem dissociant*. Quæ etsi primo aspectu insinuent, potestatem primatus propriam, *qua pax*, seu unitas, *Ecclesiæ continetur*, infirmari vel negari non posse, quin ipsa Ecclesiæ pax seu unitas, *communione* deinceps nomine appellata, quæ per eam non continetur amplius, discindatur; cum tamen hæc inculcentur adversus hæreticos, qui unitatem fidei proprie impetunt, de ea *communione, unitate, ac pace*, quæ fidem respicit, accipienda pariter sunt. Neque enim alia de causa communionis unitatem cum summo Pontifice dissociarunt hæretici, nisi quia unitatem fidei, ad quam ea potestate adigebantur, renuebant: quæ si ab ipsis exacta non fuisset, communionem cum eo tenere non recussissent: unde initio scissuræ communicare se cum eo velle dicebant, dum in fidei dissidiis aliter sentire liceret: neque istud propositum abjecere, nisi cum viderunt alterum sine altero se obtinere non posse. Sed apertiora adversariorum testimonia proferantur.

## §. II.

*Testimonia Gersonis, Cardinalis Cusani, Joannis de Parisiis, Alphonsi Toftati, & Petri de Marca.*

6. Cum præcipuæ potestatis primatum Petro ac successoribus ejus a Christo delatum fuisse ob unitatem conser-

van-

vandam adversarii fatentur; tum vero ob *conservationem unitatis fidei* potissimum delatum Joannes Gerson adversariorum coriphæus diserte prodidit in opere *De potestate Ecclesiastica* confid. 9. ubi memorata Christi ordinatione primaria, qua voluit Ecclesiam suam regi principaliter sub uno, & ab uno, monarcha, sicut est una fides, unum baptisma; & una Ecclesia unitate capitis tam primarii, quam vicarii, hanc rationem addidit: Quoniam iste est optimus principatus præsertim in spiritualibus **AD CONSERVATIONEM UNITATIS FIDEI**, ad quam obligantur omnes. Potestatem ergo hujus principatus, seu primatus, unitati fidei conservanda institutam & collatam agnovit, qua omnes ad eam unitatem obligantur. Quibus concinens in tractatu *De statibus Ecclesiæ* tit. de statu Prælatorum confid. 13. ait: *Status Episcopalis habet rationaliter monarcham supremum, scilicet Papam, ratione unitatis fidei.*

7. Neque omittendum est testimonium Cardinalis Cusani inter adversarios celeberrimi, qui cum Basileensis synodi, cui maxime faverat, infelicem exitum deprehendisset, in epistola secunda de usu calicis ad Boemos, quam deinceps scripsit, non solum unitatem in genere cum Romana sede necessariam statuit ex S. Cypriano, cujus ex sententia Erit, inquit, *neccessario catholica Ecclesia illa, quæ primæ sedi adhæret*; verum etiam unitatem in fide cum eadem sede adeo necessariam censuit, ut, cum observavit alias sedes, quæ ab ea se se diviserunt, in errores fidei fuisse prolapsas, nec rediisse ad veram fidem nisi eas, quæ ad unitatem fidei ejus reversæ sunt, tutum ab erroribus refugium in unione (utique fidei) cum principe in Ecclesia positum pronuntiaverit.

8. Joannes de Parisiis in tractatu *De potestate regia & papali* c. 3. postquam affirmavit, unum in tota Ecclesia post Christum debere semper præsidere ob unitatem, rationem refert in fidem, quæ quæstionibus & controversiis obnoxia hoc capite eget, ut ipsius fidei unitas vi hujusce capitis præcipua contineatur. Nam post corporalem, inquit, subtractionem præsentia corporalis Christi; contigit interdum circa ea, quæ sunt fidei, quæstionem moveri, in quibus propter diversitatem opinionum, vel sententiarum discinderetur Ecclesia, quæ ad sui unitatem requirit fidei unitatem, nisi per unius sententiam Ecclesiæ, & fidei unitas servaretur. Hic autem unus principatum hujusmodi habens est Petrus successor Christi . . . qui Ecclesiæ Ballerini de Primatu RR. PP. F f sua



*sua noluit deficere in necessariis ad salutem. Principatus ergo huiusmodi, quo unitas Ecclesiæ ac fidei servaretur, vim profecto coactivam, sine qua unitas servari non posset, ex ipsa Christi institutione vindicat, ne idem Christus Ecclesiæ suæ defuisse dicendus sit in necessariis ad salutem: quod rationem pro vi coactiva adstruenda a nobis propositam cap. 9. n. 1. mirifice confirmat.*

9. Subjiciam Alphonsum Tostatum, qui etsi in *Defensorio* adversariorum partibus patrocinatus; nihilo tamen minus in caput XVI. Matthæi proposita quæstione, cur Christo interroganti omnes Apostolos circa fidem, unus Petrus responderit, cum antea eidem Christo interroganti quid homines de se dicerent, omnes respondissent, hanc solutionem quinto loco ponit, quæ unitatem fidei cum Romana sede tenendam expresse ingerit. *Quinto quia cum Petrus futurus esset pastor, & populus debet tenere talem fidem, qualem pastor constituitur; & Petrus futurus erat universalis pastor; voluit Christus, quod confessio fidei esset per Petrum solum, ut insinuaretur, quod talis fides tenenda est, quam prædicat Romana sedes, quæ est caput & mater ecclesiarum, cui Petrus præfuit.*

10. Petrum de Marca apud adversarios celebrem, etsi non æque in omnibus cum iisdem sentientem, præterire non possum, quippe qui in utriusque unitatis bonum eximia testimonia suppeditat, quæ cum ipsorum adversariorum sententiis conveniunt, nostroque systemati maxime congruunt. In *Concordiæ* opere ab adversariis commendato lib. 2. c. 2. postquam num. 2. asseruit necessitatem communionis cum Romana sede, adeo ut nulli licuerit, nec ipsis etiam Apostolis Episcopatum tenere alienum a communione & consortio unitatis, quæ viget in cathedra Petri; & num. 5. affirmavit, eum, qui alienus sit ab ecclesiæ Romanæ communione, a corpore totius Ecclesiæ avulsum in peregrinitatem quandam redigi; mox num. 6. cum communionis unitate fidei quoque unitatem jungendam præscriben s ait: *Commune hoc officium communionis cum ecclesia Romana, cui impendendo cum ceteris provinciis Gallia adstringitur; cognoverat ante omnes vetustissimus ille Lugdunensium Antistes Irenæus, qui unus scripsit QUOD OMNES SENTIEBANT.* Ad Romanam ecclesiam, inquit, propter potentiorum principalem necessesse est omnem convenire Ecclesiam; quasi diceret juxta sinceriores illorum

illorum verborum interpretationem, eam esse vim unitatis, quæ principatum & originem a Petri sede trahit, ut cum ad sentiendi (utique in fide, de qua expresse ibidem Irenæus loquitur) necessitatem ceteris imponat. Propagatam in sequentes ætates apud Gallos hujus veritatis apertam professionem ex Avito confirmat. Alia plura ejusdem Petri de Marca testimonia suppetunt ex dissertatione *De discrimine clericorum & laicorum*, quibus primatum S. Petro præ ceteris Apostolis concessum ad conservandam Ecclesiæ unitatem, eumque vi coactiva præditum declarat. Sententiarum ejus summam indicabo. Clavium potestatem S. Petro supra alios Apostolos a Christo traditam affirmat *pro tuenda unitate in universalis Ecclesiæ regimine*, & ita quidem traditam, ut non solum ad hanc unitatem servandam possit omnes cogere; verum etiam nullam in aliis fore pronuntiet clavium potestatem, nisi in unitate cum Petro. Cum æquales fuisse ait omnes Apostolos potestate ipsis tradita in universum mundum, monet constanter excipiendam esse potestatem, seu jus cogendi totam Ecclesiam ad unitatem cum Petro; jus ita proprium istius ratione primatus, ut vel ipsi Apostoli in consuendis prædicatione fidei totius orbis ecclesiis, has omnes subicere deberent unitati, & petræ primariæ adjungere, idest ei fidei, quam S. Petrus in Romana principali sede deposuit; ne alioquin schismaticæ essent, ut docuit Optatus. Alia atque alia similia præteriens, selecta tantum ejus verba (1) in notatione descripta appendam. A testimo-

F f 2

mo-

(1) Sic nimirum ait in laudato opere *De discrimine clericorum* cap. 3. n. 2. Christus Dominus noster Apostolis omnibus & singulis in solidum Ecclesiam suam fundendam, docendam, & regendam commisit, ea tamen lege adjecta, ut Petrus inter eos primatum gereret, & caput esset collegii illius Apostolici, eo sine scilicet, ut præter communem cum aliis curam; unitatis conservandæ in exercendo regimine sollicitudo.

præcipua & specialiter illi competeret. Vim autem coactivam declarat post pauca, ubi claves Ecclesiæ cum potestate ligandi atque solvendi ideo primum promissas soli Petro affirmat (licet aliis postea eadem potestas tradita fuerit), ut scirent omnes Pontifici, potestatem semper cum Petri Ecclesiæ capitis communionem & unitatem retinendam, ad quod ipse præcipue cum potestate ligandi connotaciones huic unitati cogere possit.



monio Petri de Marca non disjungam testimonium ejus laudatoris Stephani Baluzii in notis ad Salvianum & Vincetium Lerinensem editionis Venetæ 1728. pag. 457. *Itaque ad vitandam schisma necesse est, ut unitatem Ecclesiæ sequamur, id est Romanam ecclesiam, ubi est origo & radix unitatis.*

## §. III.

Et num. 3. considerans mandatum ter repetitum pascendi Ecclesiam, *Quibus verbis, ait, promissa Petro capitis potestas pro tuenda unitate in universalis Ecclesiæ regimine, illi præ ceteris indulta est. aliquid enim specialiter datum necesse est intèligi per sententiam Domini ter repetitam, post acceptam comminiter eandem cum aliis potestatem.* Ceteri quippe Apostoli sic una potestate instructi sunt in solidum, ut ejus inter se divisionem faciendam . . . non ignorarent. . . Petrus quoque partem sibi excolendam assumpsi, quem admodum & Paulus, & reliqui Apostoli præstiterunt. Sed Petrus præter specialem sibi que assignatam partem, universum gregem a Christo pascendum, & IN UNITATE regendum accepit. Et num. 4. Quare dicendum est ex Christi instituto regiminis ecclesiastici formam hanc, ut diversis pastoribus committatur, quorum unus sit caput collegii ad tuendam unitatem. Et num. 11. Ex superius dictis patet collatam collegio Apostolorum auctoritatem ea lege, ut Petrus præesset Ecclesiæ unitati, eamque custodiret. Quam prærogativam ad successores ejus Romanos Pontifices traductam cum potestate præcipua in custodiam unitatis, ver-

bis sequentibus pronuntiat scribens de Romano Episcopo: *Quare poterit ille ex officio & vi potestatis sibi collatæ unitatem tueri, erudiendo ignaros, & contumaces ligando, sive censuris percussendo, cujuscumque sint conditionis, sive Episcopi & Clerici, sive laici &c.* Et num. 19. In executione paris illius potestatis tenebantur Apostoli fundare ecclesias in unitate, cujus caput cum esset Petrus, illius communioni eas subicere tenebantur. Et num. 21. ex Optati doctrina hæc tria colligit, quæ non a catholicis solum, sed neque a Parmeniano Donatista negari posse contendebat: a Christo unam solum cathedram constitutam in Ecclesia, eamque Petro collatam in urbe Roma, qui hæc ratione factus est caput Apostolorum: porro unitatem ab omnibus Apostolis servandam in illa una cathedra, ne si ab ejus unitate recedentes in ecclesiis edificandis aliam cathedram constituerent, schismatici, & peccatores haberentur. Nulum erat periculum, ne scissa unitate Ecclesiæ proprias sibi ecclesias defenderent sejunctas a communione Petri. Sed regiminis semel constituti forma exposcebat, ut sciremus, Apostolos quoque huc regula a Christo præscripta subdi-

## §. III.

*Testimonia ex comitiis Cleri Gallicani, annorum  
1579. 1650. 1653. & 1663.*

II. Clerus Gallicanus, qui Fevreto teste magnam omni  
revo dignitatem consequutus ob indissolubilem cum sancta Ro-  
mana sede unitatem, a quo numquam desciverat (ecclesia  
enim Romana erat veluti spiritus, seu mens principalis, quæ  
cunctos ejus sensus ac facultates regebat; centrum, cum quo  
coibant omnes lineæ ejus circumferentiæ . . . denique primum  
mobile, cujus omnes motus sequebantur); hic, inquam, Cle-  
rus Gallicanus S. Irenæi vetustissimi sui Doctoris & Epi-  
scopi sententiam amplexus, unitatem potissimum fidei cum  
eadem sede custodire antiquius habuit. Afferam verba co-  
mitiorum Medolunensium anni 1579. Operam dabunt illi, qui-  
bus cura demandata est, Episcopi scilicet & eorum Vicarii, ut  
in omnibus tam diæcesanis, quam provincialibus, omnes & sin-  
guli tum clerici, tum laici amplectantur, & aperta professione  
eam fidem pronuntient, quam sancta Romana ecclesia, magi-  
stra, columna & firmamentum veritatis proficitur & colit.  
Ratio vero subiicitur ex ejus primatu S. Irenæi verbis ex-  
pressa :

Lab. 1. c.  
num. 4.

F f 3

tos fuisse. Pares quidem in cate-  
ris erant Petro, sed in retinenda  
unitate eum respicere debebant ut  
totius collegii caput, & rectorem  
agrisatis. Et similiter num. 23.  
ex Optati, & Hieronymi doctri-  
na affirmat, ad Apostolos quoque  
pertinuisse, ut unitatem cum Pe-  
tro, qui origo illius & caput in-  
stitutus erat a Christo, sibi ne-  
cessario retinendam esse scirent.  
Ac tandem num. 24. Petro præ  
ceteris Apostolis tributum ait,  
quod esset caput unitatis, adeo-  
que tenerentur Apostoli particu-  
lares ecclesias subicere huic unita-

ti, ut docuit Optatus, cujus spe-  
cialis custodia in universa Ecce-  
sia erat penes Petrum. Uno ver-  
bo res ista comprehendendi potest.  
Pares Apostoli inter se, & in  
Apostolatu: sed ratione habita ad  
unitatem ecclesiarum servandam,  
Petrus EXIMIO JURE ET  
PRÆCIPUO erat caput unita-  
tis, adeoque sub illo respectu erat  
caput Apostolorum, caput scili-  
cet cum eximio jure & præcipuo  
ad unitatem ecclesiarum servan-  
dam, quod vim utique coacti-  
vam ad unitatem in Ecclesia  
tuendam requirit.

pressa: *Ad hanc propter suam potentio- rem principalitatem necesse est omnem convenire Ecclesiam.* Cum quibus concinenter Gallicani Episcopi concilii provincialis Aquensis anni 1585. tit. *De professione fidei, eam vocarunt catholicam fidem, quam S. Romana ecclesia colit & docet; & addiderunt, Universos, qui aliter quam catholica Apostolica & Romana credit & prædicat Ecclesia, credere & pertinaciter asserere ausi fuerint, veluti hæreticos & pertinaces, atque a communione fidelium separatos declaramus.*

12. Sæculo pariter decimo septimo idem Clerus Gallicanus in comitiis anni 1650. etsi litteris ad Innocentium X. diei VIII. Kalendas Novembris Gallicanas libertates tue- retur, unitatem tamen fidei Romanæ sedi debitam confes- sus est tum initio, tum etiam in fine. Initio his verbis:

*A cunctis retro sæculis regni hujusmodi Galliarum Christianissimi Episcopos primaria sedis Apostolica tum amicitia ut fratres, tum obedientia ut filios, tum vero ut semper orthodoxos fidei com- munionem conjunctos fuisse, & vestra non ignorat beatitudo, & nos fatemur universi. In quibus Gallicani Episcopi a cunctis sæculis Romanæ sedi conjuncti dicuntur communionem fidei, & conjuncti quidem ut orthodoxi, quod communionem ejusmo- di omnibus orthodoxis, ipsique orthodoxiæ necessariam si- gnificat. In fine autem sic: Is omnium nostrum sensus est, is animus singulorum, Romanæ scilicet matrici ecclesiæ & origi- nali per doctrinæ consanguinitatem jungi (hæc unitatem fidei indicant) per disciplinæ tesseram & fœdus sociari, vobiscum seminare, vestris quoque cum messibus nostros in Episcopi magni animarum horreis manipulos colligere.*

13. Neque minus illustre est ejusdem Cleri documen- tum anni 1653. Edita ab eodem Innocentio X. die 9. Ju- nii celebri Constitutione in errores Janfenii, quos Gallica- ni Episcopi ad Apostolicam sedem detulerant, vix in Gal- liis ab Apostolico Nuntio exhibita fuit die 3. Julii, Cleri cointitia statim coacta, quæ die 15. ejusdem mensis gratulatorias litteras ad laudatum Pontificem dederunt, his verbis uni- tatem fidei suæ declarantes: Quo in negotio illud observatione dignum accidit, ut quemadmodum ad Episcoporum Africa re- lationem Innocentius I. Pelagianam hæresim damnavit olim; sic ad Gallicanorum Episcoporum consultationem hæresim ex adver- so Pelagianæ oppositam Innocentius X. auctoritate sua proscri- pserit. Enim vero vetusta illius ætatis Ecclesia catholica, sola

Petri

*Fid. Dupin  
Traité de la  
puissance eccl.  
& tempor.  
pag. 606.*

*Petri communione & auctoritate fulta, quæ in decretali epistola Innocentii ad Africanos data elucebat, quamque dein Zosimi altera ad universos Orbis Episcopos epistola subsequuta est. Pelagianæ hæresis damnationi absque cunctatione subscripsit. Perpetuum enim habebat non solum ex Christi Domini pollicitatione Petro facta, sed etiam ex actis priorum Pontificum, & ex anathematismis adversus Apollinarium & Macelonium nondum ab ulla synodo æcumenica damnatos a Damaso paulo ante jactis, judicia prosarcienda regula fidei ( idest pro vindicanda fidei unitate ) a summis Pontificibus lata super Episcoporum consultatione, siue suam in actis relationis sententiam ponant, siue omittant, prout illis collibuerit ( ut hæc quidem in causa omiserunt ) divina æque ac summa per universam Ecclesiam auctoritate niti, cui Christiani omnes ex officio, ipsius quoque mentis obsequium ( idest unitatem fidei ) præstare tenentur. Et addunt se in eodem sensu ac fide contineri. Hoc testimonium, quod tam explorete declarat necessitatem unitatis fidei omnino præstandæ dogmaticis Romanæ sedis decretis vix editis, hoc est antequam ipsa nedum a generali concilio, sed nec Ecclesiæ saltem dispersæ consensu vel tacito approbata noscerentur; hoc, inquam, testimonium in mea causa luculentissimum, ac ex priscorum sæculorum sensibus expressum, & ab iisdem Gallis commendatum, atque ipso facto impletum displicuit nonnullis, qui illud suis principiis adversum sentire; ac propterea eam epistolam veluti subreptam & incaute scriptam, nec a Gallicana ecclesia probatam traduxere. At ne hæc dicteria inanissima cuiquam succum faciant, satis erit monere eandem epistolam iussu comitiorum anni 1655. rursus descriptam & actis insertam, nec non iterum in actis Gallicani conventus anni 1675. ac in postremis Cleri Memorjiis recusam legi. Itaque non tam unius, quam omnium istorum Cleri comitiorum cognitione probata, insigne pro necessaria fidei unitate Gallicanæ ecclesiæ testimonium exhibet.*

14. Audiantur etiam comitia anni 1660. quæ, dum in litteris ad Alexandrum VII. Apostolicam sedem *Montis* nomine appellant, in eo omnes catholicos debere pasci, doctrina utique fidei, de qua tum agebatur, satis insinuant. *In hoc monte, inquit, nos ipsi pascimur, ut ait D. Augustinus ad populum suum, pascimus vos, pascimus vobiscum; & quia in eo Dominus docet, statuimus ibi secundum verba*

*Proces-  
verbal. Af-  
sembl. 1660.*

*Ter-*

*Tertulliani finem querendi, stationem credendi &c. Tum ad Pontificem: Tu ille es, in quo, & per quem Episcopatus est unus. Tu jure vocaris suprema sacerdotii pars, unitatis Ecclesiasticæ origo . . . Fac igitur, ut idem omnes dicamus, & ne qua inter nos divisio fiat. Fiat pax in virtute tua. Vim ergo unitatis continendæ eidem attribuunt.*

15. Eximium quoque est testimonium ejusdem Gallicani Cleri in conventu anni 1663. quod in encyclicis diæi 2. Octobris ad omnes Regni Archiepiscopos & Episcopos legitur: *Obsequium, quod sancto Patri exhibere consuevimus, Episcoporum Galliæ veluti hæreditas est. Hoc est prædium solidum gloriæ nostræ, quod & nostram fidem invincibilem reddit, & nostram auctoritatem infallibilem, cum utramque inseparabiliter junctam tenemus cum centro religionis, nos colligantes cum Petri sede per fidem & disciplinam in unitate spiritus Ecclesiæ. Portæ inferi prævalere non possent adversus vim, quæ omnibus tenebrarum potestatibus terribilis est.*

16. In infinitum fere protrahendus esset hic paragraphus, si aliorum subsequentiū comitiū Galliæ, aliorumque Gallorum Episcoporum testimonia vellem proferre, quibus in celebrioribus controversiis fidei deinde excitatis Romanorum Pontificum decretis omnino adhærendum quam pluribus editis instructionibus edictisque propugnant. Hæc quidem cum ad primatus Pontificii prærogativam, quam universi Galliarum Episcopi certam de fide agnoscunt, referuntur; tum vero primatui ipsi vim coactivam unitatis fidei adeo concordī sententia attribuunt, ut hac super re de Gallicanæ ecclesiæ mente tot documentis declarata dubitare non liceat. Hæc animadversio necessaria visa est ob ea, quæ adversarii cum Bossueto identidem ingerunt, nimirum testimonia ejusmodi sive veterum, sive recentiorum Episcoporum Galliæ, quæ aliis in libris pro Romanæ sedis auctoritate editis collecta leguntur, ad primatum quidem, quem Galli ultro profitentur, non vero ad Pontificiam infallibilitatem, de qua eorum librorum Auctores disputant, revocari. Num, & qua ratione ea testimonia infallibilitatem Romanorum Pontificum adstruant, alibi expendendum erit. Nunc sufficit, si ex ipsis Gallis Episcopis evidens sit, ea ad primatum ita pertinere, ut ratio primatus vim unitatis coactivam, de qua in præsentiarum agimus, iisdem explicantibus involvat.

## §. IV.

*Testimonia Jacobi Benigni Bossueti Episcopi Meldensis.*

17. Distinctum paragraphum reservavi Jacobo Benigno Bossueto Episcopo-Meldensi, qui maximè apud Gallos præsertim adversarios auctoritatis habetur. Hujus ergo unius testimonia, quæ in rem nostram non obscura subjiciam, satis erunt pro testimoniis ceterorum omnium, quæ afferri ex adversariis possent, cum ipse contrariæ nobis sententiæ vindex & patrocinator præcipuus suscipiatur ab omnibus uti caput & princeps, qui omnium sententiam enucleatius expresserit & propugnaverit. Incipiam ab extrema ipsisque Gallis probatissima *Expositione doctrinæ catholicæ*, ubi sepositis questionibus inter catholicos controversis, sola certa Ecclesiæ dogmata proposuit. Circa Pontificium autem primatum hoc apud catholicos certum statuit c. 21. nimirum, *Dei filium cum suam Ecclesiam unam esse, & supra unitatem firmiter edificatam vultet, tuendam ac firmandam unitati S. Petri Præmatum insituisse, sedemque Apostolicam hujus unitatis centrum ac radicem esse* (Ita hunc locum Gallice scriptum ipsemet Bossuetus interpretatur Latine tomo 1. Defensionis declar. Cleri Gallic. lib. 3. c. 12. primæ editionis pag. 85. in Appendice autem novissimæ editionis legitur pag. 106. tomi 2. necnon in dissertatione prævia §. 93. tom. 1. pag. 81.); ac propterea Petri successoribus deberi obedientiam eam, quam Concilia & Patres semper agnoverint. Et post pauca reprehendit hæreticos tamquam unitatis catholicæ eversores, eo quod evertere student auctoritatem Episcopatus, qui in ecclesiis particularibus unitatem custodit, & primatum sedis S. Petri, quæ est commune totius unitatis catholicæ centrum. Id igitur in primatu Romanæ sedis præcipuum agnoscit, quod in unitatem totius Ecclesiæ tuendam atque firmandam institutos, ejusdem continendæ in tota Ecclesia sit centrum. Vim ergo in hujusmodi unitatem tuendam primatui competere dogma catholicum esse, quod a solis heterodoxis in dubium vocari possit, explorate fatetur. (1) Si porro totius

*Ballerinius de Primatu RR. PP.*      G g      unita-

(1) Hinc etiam in Catechismo pro diebus festis ad diem



*unitatis catholice centrum ex catholico dogmate in primatu est collocandum, non solum communionis, sed fidei etiam, quæ potior est ecclesie unitas, centrum agnoscendum debet, vi ac potestate idcirco ad utramque unitatem tuendam & continendam præditum, cui proinde cohærere omnes catholici debent in ejusdem communionis ac fidei unitate. Quod si, ob hanc unitatem Petro ac successoribus ejus debetur obedientia, quam Concilia & Patres semper agnouerint; obedientia ejusmodi non solum in rebus, quæ communionis, sed in iis etiam, quæ fidei unitatem factam testam servandam prospiciunt, Petro ac successoribus debita, ex primatus vi præcipua dimanat, sine qua totius unitatis catholice centrum frustra constitutus fuisset a Christo, cum sine hujusmodi vi totam catholicam unitatem tueri & custodire non posset.*

18. Id autem adeo ex catholica fide certum habuit, ut in ipso sermone, quem recitavit in comitiis Cleri Gallicani, ubi de coercenda celebribus articulis Pontificia auctoritate actum fuit, hoc fere unum non tam ex Gallicanæ ecclesie doctrina, quam ex omnium Patrum traditione collegerit, fuseque exposuerit, primatum S. Petro ac Romanis Pontificibus in unitatem Ecclesie fuisse traditum, ac si hæc una, vel præcipua primatus vis atque prærogativa sit; unde & ad hanc vim unitatis statuendam retulit, quæcumque de Romana sede a Patribus illustriora primatus testimonia celebrantur. Longum nimis esset recitare singula. Ea tantum indicabo, quæ fidei unitatem ac centrum in Romana cathedra ratione primatus positum adstruunt. Postquam unitatis mysterium Ecclesie regimini necessarium, ac in eadem semper custodiendum exposuit; inter duodecim Apostolos unum bono unitatis a Christo præpositum ait, quem appellavit Petrum, propterea quod *super hanc petram suum ædificium erigere meditabatur*. Initio quidem in ejusmodi ædificationem Christus omnes Apostolos simul alloquutus legitur:

diem festum sanctorum Petri & Pauli proposita interrogatione, *In quanam consistat primatus ecclesie Romanæ; secunda respon-*

sio est: *In hoc, quod omnes ecclesie debent cum ipsa servare unitatem.* Vide tom. 10. novissimæ editionis operum pag. 218.

tur: *Ite, predicate, nisi vos.* At cum eidem constructioni supremam manum voluit imponere, in unitatis mysterium non omnibus simul, sed uni Petro verba fecit. Tum ad unitatem fidei propius accedens Bossuetus, affirmat Christum, ut Petrum huic officio & honori praepareret, cum seipso fidem erga se esse fundamentum Ecclesiae inspirasse Petro fidem dignam, qua huic mirabili aedificio fundamentum poneret. Tu es Christus Filius Dei vivi. Ob hanc gloriosam professionem fidei dignus fuit ea inviolabili promissione, qua Ecclesiae fundamentum constitutus fuit. Jesus Christus verbis, quae ex nihilo efficiunt quicquid libet, hanc vim mortali homini impertivit. Neque dicitur, aut cogitur hoc S. Petri ministerium cum ipso desisse. Quod perpetua aedificationis esse debet fundamentum, finem habere non potest. Petrus semper in suis successoribus vivet, semper in sua cathedra loquitur. Ad Patres dicunt, id sexcenti & trigenti Episcopi in Chalcedonensi synodo confirmant. Et post multa iterum de fide Romanae ecclesiae loquens ait: Petrus isti adhuc in successoribus fundamentum fidelium: eo quod nimirum petra sit, cui tota ecclesia omnesque fideles fidei unitate incumbunt; unde sub ejusdem sermonis finem hanc fidei unitatem expressius memorans, haec maxime notanda verba ad Romanam ecclesiam convertit. Sancta Romana ecclesia, ecclesiarum omnium fidelium mater, ecclesia a Deo electa, ut filios suos in eadem fide atque caritate unires, nos semper tuam unitatem tenebimus. Ob hanc unitatem fidei, quam omnes ecclesiae catholicae similiter tenent, fidem ecclesiae Romanae esse semper fidem ecclesiae catholicae profitetur, ad quam sane Romanae ecclesiae fidem propter principalitatem omnes undique fideles convenire debere, & in qua omnes ecclesias traditionem conservasse, ex Irenaeo commemorans; hoc tanti Doctoris testimonium pro oraculo certissimo omnibus saeculis habitum pronuntiat. S. Irenaeus pronunciet oraculo revere en tous les siecles. Oraculum ergo omnibus saeculis receptum judicavit, omnes undique fideles cum Romanae ecclesiae traditione ac fide propter principalitatem ejus potentiorē convenire oportere. Ad Romanam ecclesiam.

19. Idipsum apertius explicavit, libro 10. al. 15. *Defensionis* declarat. Cleri Gallic. c. 1. quod ipfius testimonium, cum fusius interpretetur locum Matthaei c. 16. in eandem plane sententiam a nobis propositam cap. 12. §. 1. totum hic exscribendum est. Ne quid tam necessariae disputationi

desit, placet exponere luculentius illud immotum, quod in fide Petri omnis ab origine novit antiquitas. Id duplici modo a Patribus intellectum: primum ut Ecclesia catholica in Petri fide immota consistat, tum ut immotum aliquid & invictum in ecclesiam quoque peculiarem Romanam ac sedem Apostolicam, Petri fide, predicatione, sanguine, auctoritate, ac successione translatum fuerit. Et quidem immotum illud, quod a Petri fide in universam Ecclesiam diffundatur, sancti Patres ducunt ab illa egregia S. Petri confessione, Tu es Christus, & deinde subsequuta Christi sententia, Tu es Petrus. Petrus enim Apostolus jam primus Apostolorum a Christo constitutus, jam a Christo Petrus dictus, atque his causis omnium primus ab Evangelistis appellatus, quod ipse textus Evangelii prodit legentibus, cum Christus quaereret, Quem me esse dicitis? omnium nomine confessionem hanc edidit, qua fidei Christianae summa continetur, Tu es Christus Filius Dei vivi. Quam cum Petrus dixisset, statim audivit a Christo, Tu es Petrus & super hanc petram aedificabo Ecclesiam meam. Quibus verbis Christus, qui suam maxime UNAM volebat Ecclesiam, creavit magistratum amplissima praeter ceteris potestate ac maiestate praeditum, qui omnes moveret ad UNITATEM MAXIME IN FIDE. Atque his duo quidem confirmavit; alterum, haud immerito Petrum omnium nomine respondisse, qui omnium princeps ab ipso magistro Christo constitutus esset; alterum, quoties successores Petri communem ecclesiarum fidem ex communi traditione pro officio promerent, eorum decretum, predicationem, fidem fore Ecclesiae fundamentum. Hinc Christus pollicetur hanc Petri confitentis fide ecclesiam aeternum constituram. Super hanc petram inquit, aedificabo ecclesiam meam, & portae inferi non prevalebunt adversus eam, nempe Ecclesiam ea fide nitam. Quo loco S. Leo, Super hanc, inquit, fortitudinem aeternum extruam templum, & Ecclesiae meae caelo inferenda sublimitas, in hujus fidei firmitate confurget. Haec idem Pontifex passim inculcat; haec omnes uno ore Romani Pontifices; haec denique Patres omnes, ut in re clara, & confessa plures locos congerere supervacaneum sit. Omnino fixum illud est & immotum, cum ecclesia catholica aedificio comparetur, eam, quam Petrus confessus est fidem, aeterni aedificii aeternum fundamentum esse. Haecenus ille. Fatetur ergo, ac ex omnium non tam Pontificum, quam Patrum certissima traditione fatetur, laudato Evangelico textu Christum in Petro creasse magistratum

Serm. 3.  
Munc. 4. c. 2.

am-

*amplissima præ ceteris potestate ac majestate præditum; quæ verba indicant primatum non tam peculiaris majestatis, seu honoris, quam potestatis, seu juris præcipui præ ceteris & personalis. Sequentia porro, qui omnes moveret ad unitatem maxime in fide, finem innuunt a Christo intentum in ea primatus institutione ob unitatem potissimum fidei. Potestas amplissima in hunc finem tradita sine vi coactiva esse non potest. Quod porro subdit *Ecclesiam ea fide nixam*, unitatem utique fidei totius Ecclesiæ cum Petri fide ex institutione Christi ad laudatum finem obtinendum necessariam significat. Neque vero hoc jus solius fidei a Petro prædicatæ proprium, sed successoribus quoque ejus, in quos idem primatus eadem cum potestate, & in idem unitatis bonum traductum fuit, agnoscit commune, dum ait: *Quoties successores Petri communem ecclesiarum fidem ex communi traditione pro officio promerent, eorum decretum, prædicationem, fidem fore Ecclesiæ fundamentum*; cui scilicet Ecclesia ex eadem institutione Christi debet inniti tamquam ipsius Petri fidei; Nonne hæc unitatis debitum ingerunt decretis fidei, quæ Romani Pontifices edunt pro officio, seu in finem primatus ob tuendam fidei unitatem? Quid autem censendum de verbis, quæ conditionem quamdam insinuant, *quoties communem ecclesiarum fidem ex communi traditione promerent*, inferius hoc ipso capite expendetur §. 5. num. 26. Neque hic omittendi duo alii ejusdem libri textus de Romanæ ecclesiæ traditione ac fide: unus ex cap. 5. pag. 191. tom. secundi novissimæ editionis, ubi fatetur *Romanæ ecclesiæ fidem non distinguere a Romanorum Pontificum fide, quam scilicet non aliter quam a Petro primo atque a Petri successoribus Romani didicerint*: alter ex cap. 14. pag. 206. ubi eandem Romanæ ecclesiæ fidem, seu traditionem ex S. Irenæo eam esse affirmat, in qua omnes unitatem servare debeant. Quid clarius?*

20. Idem Scriptor in prima pastoralis epistola *De promissis Jesu Christi factis Ecclesiæ* agens adversus hæreticos, qui Ecclesiam visibilem in fide posse deficere autumant, ac proinde indefectibilitatem ejusdem Ecclesiæ in fidei doctrina ex Christi pollicitationibus demonstraturus, cum num. 32. *unitatis signum exploratissimum* statuit in *communione cum cathedra S. Petri*, in qua sola, ut sanctorum Patrum formulis utar, *unitas ab omnibus servata est*; unitatem utique fidei, de qua potissimum erat cum hæreticis controversia, in

ejus cathedræ communionem ac unitatem servatam insinuat; & ob hanc communionem & unitatem veram fidem ex promissis Christi tutam præstans, addit: Si ergo firmè adhærebimus huic cathedræ, tui erimus ex Jesu Christi promissis. Rationem vero hujusce rei allaturus, Evangelicum textum allegat, ex quo Petrus prædicatione fidei constitutus fuit & evasit firmissima Ecclesiæ petra; cui omnes innitantur; & in qua confirmentur omnes. Tum cum Apostolis, inquit, Christus dixit, Ego vobiscum sum (hoc promissum jam exposuerat), erat cum aliis sane etiam Petrus; sed non ita ut aut amitteret præstantissimam prærogativam primi ministri, Primus Petrus, aut mysticum Petri nomen, quod paulo ante de Christo acceperat, ut ministerii ejus firmitatem & præstantiam cognosceremus. Ad ipsum spectabat, ut primus aliorum etiam fratrum nomine fidem annuntiaret, & confirmaret ceteros, & sic evaderet petra, supra quam immortalis ædificatio erat construenda. Id ob Ecclesiæ bonum non debuisse cum Petro definire, sed perseverasse in ejus successoribus docet; ac proinde In Pontificibus, ait, subsistit primatus, ac totius Ecclesiæ fundamentum. Huic ergo petræ fidei, quam Petrus ex Christi institutione posuit fundamentum Ecclesiæ, quæque, cum ex primatus officio ab ejus successoribus traditur, eodem Bosueto in anterioribus locis explicante est pariter fundamentum Ecclesiæ, omnes debere adhærere adeo certum præsumsit, ut non aliter nos, nisi eidem adhæreamus firmiter, de vera fide ex promissis Christi tutos affirmet. Conferri possunt quæ in altera pastorali epistola ejusdem argumenti in eadem rem similiter asserit num. 84. & 85.

21. Addam & testimonium non obscurum ex opere inscripto *Refutation du Catechisme du sieur Paul Ferri*, ubi ex sanctis Hieronymo, Optato, & Cypriano unitatis centrum in Romana cathedra collocat. Responsum enim Ministro heterodoxo, qui Romanam sedem Antichristo destinatam dixerat, Hieronymi testimonium in primis considerans in epistola ad Marcellam, in qua S. Doctor Romanam ecclesiam a civitate distinguens, cum illam laudibus extollit, tum vero istius tumultus & pericula deslet, quorum causa ex ea discedere & Bethleem sese recipere coactus fuit; hæc subiicit: *Quare quantumlibet averfaretur ab ea civitate, e Palaestina tamen confinio scribere non omisit ejus Episcopo & ecclesiæ.* „ Ego nullum primum nisi Christum sequens, Beatitudi-  
„ tuæ,

*Veritè se-  
conde cap. 3.  
pag. 416. edit.  
Vnet. Ope-  
rum t. 1.*

*Epist. ad  
Damasum.*

„ tuæ, idest cathedræ Petri, communione consocior. Super  
 „ illam petram ædificatam Ecclesiam scio. Quicumque ex-  
 „ tra hanc domum agnum comederit, profanus est. Si qui  
 „ in Noe arca non fuerit, peribit regnante diluvio . . . .  
 „ Quicumque tecum non colligit, spargit; hoc est, qui  
 „ Christi non est, Antichristi est. Quibus ex verbis tantum  
 „ absuit a credendo ecclesiam Romanam quasi sedem Antichristi,  
 „ ut potius crediderit Antichristum eum, qui cum illa non co-  
 „ hæret. Enimvero si consideremus Romanam ecclesiam juxta an-  
 „ tiquorum Doctorem principia, absit ut credamus cum Ministris  
 „ ipsam esse Babylonem, a qua recedendum sit; nos cum Patribus  
 „ sanctis dicemus ipsam esse centrum, in quo uniendi sumus. Id  
 „ perspicimus in egregio testimonio S. Optati, qui vivebat sæculo  
 „ quarto. Hic magnus Episcopus scribens contra Parmenianum  
 „ Donatistam, Ecclesiæ unitatem explicat ex unitate cathedræ prin-  
 „ cipalis, cui aliæ omnes unitæ esse debent: „ Negare non po-  
 „ tes, scire te in urbe Roma Petro primo cathedram Epi-  
 „ scopalem esse collatam, in qua sederit omnium Aposto-  
 „ lorum caput Petrus, unde & Cephas appellatus est, in  
 „ qua una cathedra unitas ab omnibus servaretur, ne ce-  
 „ teri Apostoli singulas sibi quisque defenderent, ut jam  
 „ schismaticus, & peccator esset, qui contra singularem  
 „ cathedram alteram collocaret “ *Hic Sanctus vir negare non*  
*vult, omnibus aliis Apostolis suam cathedram fuisse tributam;*  
*erant enim omnes Doctores mundi. At ipsi non habebant, in-*  
*quit, cathedram; idest, ista cathedra unica & principalis, in qua*  
*una unitas ab omnibus servaretur, non pertinebat nisi ad S. Pe-*  
*trum. Et ne quis suspicetur, ipsam debuisse desicere cum eodem*  
*Apostolo, recenset successores ejus, qui in ea post ipsum sederunt,*  
 „ Ergo cathedra unica est: sedit prior Petrus, successit  
 „ Linus, & omnes nominat ad Siricium usque, & nos facili  
 „ possumus hanc seriem proferre usque ad Innocentium X. glo-  
 „ riosæ memoriæ, & ad eum, quem S. Spiritus eidem successorem  
 „ dabit: quibus recensitis nostris adversariis dicemus cum S.  
 „ Optato: „ Vestræ cathedræ vos originem reddite, qui vo-  
 „ bis vultis sanctam Ecclesiam vindicare. “ *Nonne schi-*  
*smatici & peccatores vos estis, qui insurgitis contra cathedram*  
*unicam & contra Petri cathedram & ecclesiam principalem,*  
*unde unitas sacerdotalis exorta est, ut ait S. Cyprianus*  
*antiquior Optato? Quid respondere potestis duabus auctoritatibus*  
*tam præcis? At si verum est, ecclesiam Romanam esse locum*



concordia & pacis, in qua UNIRI debent filii Dei; undenam nostri adversarii docent ipsam esse illam Babel confusionis, a qua recedendum est? Vis traditionis laudatorum Patrum tamen certa & efficax Bosueto visa est ad unitatis centrum in Romana sede & ecclesia statuendum, ut heterodoxis ipsis revincendis sufficiat.

22. Præclarum tandem in nostrum systema est integrum caput Meditationum in Evangelium diei 72. cui hic titulus: *Fides S. Petri est fides Romana ecclesia, in qua centrum catholicae unitatis situm est*: ubi fides Romanæ ecclesiæ catholicae unitatis (utique fidei) centrum adstruitur. Id ex ipso capite manifestius fiet. Hæc verba (Christi ad Petrum) *Confirma fratres tuos, non sunt merum præceptum Petri personæ factum, sed officium declarant, quod ipse Christus exigit, ac in ecclesia perpetuum instituit. Exemplar, quod Christus discipulis circa se adunatis proposuit, futurum est perennis regula Ecclesiæ Christianæ. Ex eo tempore, quo Simon Apostolici collegii caput constitutus fuit, appellatus est Petrus, factisque a Jesu Christo suæ Ecclesiæ fundamentum per eam fidem, quam omnium nomine annuntiare debebat. Ex eo tempore in persona S. Petri facta est ædificatio, seu designatio primatus in Ecclesia, dum Apostolus ait, Ego vobiscum ero usque ad consumptionem sæculi: ubi formam inter ipsos constitutam in successores transiturem significavit. Perpetua successio S. Petro perinde ac ceteris Apostolis designata fuit, atque decreta. Semper in Ecclesia Petrus debuit existere, qui fratres confirmaret in fide. Hoc erat medium opportunius, ut sententiarum (idest fidei) stabiliret unitatem, quam Salvator præ omnibus peroptabat; & hæc auctoritas (confirmandi scilicet & cogendi ad fidei unitatem; auctoritas enim sine vi cogente non intelligitur) eo magis necessaria erat Apostolorum successoribus, quominus horum fides erant confirmata, quam fides Apostolorum. Viden' S. Petri fidem ratione primatus fundamentum Ecclesiæ iterum affirmari, idque cum præcipua auctoritate in successores ejus transisse, ut fidei unitatem contineant, atque confirment? Hinc latetur post pauca, S. Petrum Romam profectum ibidem fixisse principalem Christianorum sedem, in qua fides confirmaretur. Et paulo post Christum alloquens, Quare, ait, Domine ita discessisti negotium, ut S. Petri successores, quibus Patris, idest Patris nomen per antonomasiam tribuitur, suos fratres confirmarint in fide, & sedes S. Petri unita-*

Matth. 28. 2.

unitatis sedes fuerit, in qua omnes Episcopi, omnes fideles, patres omnes, omnesque oves in unum coiverunt. . . . In ipsa semper vera fides confirmata est: additque nonnulla, quibus Christum pro hujus sedis fide, ne deficeret, orasse profectur: qua de re ultimo capite ex proposito agemus. Quod si conditiones quasdam interferit, quas ad calculos revocabimus paragrapho sequenti; nunc in rem præsentem sufficit, testimoniis ejus probasse, ipsum cum principiis hæcenus constitutis penitus convenire. Ipsum enim palam profitentem audivimus, tuendam ac firmandam totius Ecclesiæ unitati S. Petri primatum fuisse institutum, eumque amplissima præ ceteris potestate præditum ad unitatis finem efficaciter consequendum: hunc primatum ex fide potissimum S. Petri pendere, ac respicere potissimum fidei unitatem, ac propterea ejus fidem fuisse petram & fundamentum Ecclesiæ, cui omnes catholici debent unitate fidei adhærere: hunc primatum non defuisse in Petro, sed ad successores ejus Romanos Pontifices transisse, quos eadem unitatis tuendæ prærogativa ac potestate præditos ita agnovit, ut & ipsi ob fidem præsertim, quam cum e Petri cathedra docent, S. Petrus in ipsis loquitur & docet, semperque loquetur, sint fundamentum Ecclesiæ & centrum totius catholicæ unitatis, ex quo omnes fideles debent cum Romana fide convenire, uti Irenæi textus ab ipso laudatus declarat. Quid plura, ut principiorum, quæ præstitimus, approbatio, tantique viri consensus demonstretur?

### §. V.

*Refellitur distinctio inter sedem, cathedram, vel ecclesiam Romanam & Romanos Pontifices ab adversariis ingesta, eaque inepta ostenditur in præsentî argumento, ubi de vi coactiva primatus propria & personali eorundem Pontificum agitur. Refelluntur quoque duo alia adversariorum effugia, seu conditiones duæ, quas illi in Pontificiis decretis dogmaticis requirunt, ut cogant omnes ad fidei unitatem, nimirum, si ejusmodi decreta ex cathedræ Romanæ doctrina, ac traditione communi Ecclesiæ catholicæ edita sint, vel si ipsis accedat Ecclesiæ tacitus saltem consensus.*

23. Post tam solemnia & expressa Episcoporum Gallicanorum, & præsertim Bossuëti testimonia, quibus necessitas asseritur unitatis potissimum fidei cum Romanâ; quid opus est alia multa, quæ præsto mihi sunt, adversariorum Theologorum & Canonistarum recentioris quoque ævi testimonia in medium proferre, ut in eadem re communis istorum etiam consensus probetur? Iam enim omnes concordantes cum laudatorum Episcoporum doctrina, unitatem fidei omnium Christianorum cum Romanæ sedis, cathedræ, atque ecclesiæ fide necessariam fatentur. Ne vero quidpiam dissimulem, quod istorum consensum posset infirmare, & minus cautis non levem difficultatem ingerere, animadvertendum est, ipsos apertissimis traditionis testimoniis coactos fateri quidem, Christianos omnes debere convenire cum Romanæ sedis, cathedræ, seu ecclesiæ fide; at simul ingerentes distinctionem celebrem inter Romanam sedem, cathedram, seu ecclesiam, ac inter Pontifices Romanos, qui eam sedem atque cathedram occupant, eique præfunt ecclesiæ, contendere, necessitatem, quam ex traditione negare non possunt, adhærendi fidei Romanæ sedis, cathedræ, seu ecclesiæ, non probare parem seu absolutam necessitatem conveniendi cum fide Romanorum Pontificum, de qua tantum quæstionem movent; hocque sensu se subtrahunt a testimoniis traditionis, quæ fere de Romanæ sedis, seu cathedræ, vel ecclesiæ fide loquuntur. Absolutam necessitatem inquirunt, quia conditionatam admittunt; necesse enim esse fatentur convenire cum fide Pontificum definitionibus constituta, si vel constet eos definisse ex communi Ecclesiæ Apostolicæ fide, aut traditione, vel si definitis accedat tacitus saltem Ecclesiæ consensus, ex quo eos ex communi fide ac traditione definisse cognoscamus. Ita & distinctio inter sedem atque sedentem, & duæ ejusmodi conditiones, quæ nostro systemati opponi queunt, dissolviendæ supersunt; & siquidem ex præstitutis concessisque principiis apte dissolvantur, inanissimæque probentur, nihil supererit, quominus demonstratum sit, necessitatem conveniendi cum fide Romanæ sedis, cathedræ, & ecclesiæ ex traditione ab ipsis adversariis assertam, idem esse ac necessitatem conveniendi cum Romanorum Pontificum fide, quam vi primatus definiunt; eademque necessitas nulli conditioni alligata vim absolutam parere cognoscetur.

24. Ut autem incipiam a distinctione apud adversarios pervulgata inter Romanam sedem atque sedentem; cum ei auctoritatem concilient e duobus S. Leonis testimoniis, horum testimoniorum vis atque sententia in primis explicanda est. Si attente legantur illæ duæ S. Pontificis epistolæ, ex quibus objecta testimonia sumta fuerunt; palam fiet S. Doctorem inter merita Præsidentium & sedium jura ita voluisse distinguere, ut quæcumque sint merita sive bona sive mala Præsidentis, nihil augeri, vel minui debeant sedium jura, quæ olim constituta, & a Nicænis Patribus confirmata, immota debent consistere. Primum testimonium, Aliud sunt sedes, aliud Præsidentes, quod eam distinctionem expressius exhibet, sumtum est ex epist. 106. al. 89. c. 5. ad Anatolium Constantinopolitanum, qui contra Nicænorum canonem constituta secundæ sedis locum & jus, quod Alexandrinæ sedi competebat; sibi in Chalcedonenſi deferendum curaverat, illud tempus opportunum captans, quo, ut idem Leo ait c. 2. *secundi honoris privilegium sedes Alexandrina perdidit*, ob nequitiam scilicet ejus Episcopi Dioscori, qui in eodem concilio depositus fuerat. Id autem nihil præjudicii creare posse eidem sedi S. Leo indicaturus cap. 5. postquam in eo institit, ne convellantur jura primatum, ne privilegiis a Nicæno constitutis Metropolitanis fraudentur Antistites, subdit: *Nihil Alexandrinæ sedi ejus, quam per S. Marcum Evangelistam B. Petri discipulum meruit, pereat dignitatis; nec Dioscori impietatis suæ pervicacia corrumpente (ob memoratam ipsius depositionem) splendor tantæ ecclesiæ tenebris obscuratur alienis.* Post quæ verba hanc rationem mox subiiciens, *Aliud enim sunt sedes, aliud Præsidentes*, nonne manifeste respicit demerita & impietatem Dioscori, quæ cum pertineant ad vitium Præsidentis, juri ipsius sedis Nicænis canonibus munito præjudicare non possunt. Idipsum clarius elicitur ex epist. 119. al. 92. ad Maximum Antiochenum, cap. 3. ubi legitur hæc alia sententia: *Et si enim dispersa nonnumquam sunt merita Præsulum, jura tamen permanent sedium; hoc est, ut optime explicat P. Coustantius, jura illa cum sint ipsis sedibus, non sedentium meritis concessa, pro sedentium diversitate non mutantur.* Viden totam distinctionem collocari inter merita Præsulum & jura sedium? neque enim ex meritis Præsulum metenda sunt sedium jura, nec pro demeritis illorum aliquid juris ipsis sedibus

De distinctione inter sedem & sedentem.

S. Leonis locus male ab adversariis acceptus explicatur.

Epist. 106. al. 89. c. 5. ad Anatolium Constantinopolitanum.

Alius S. Leonis textus exponitur.

Præfat. ad epist. Rom. Pont. n. 11.

potest auferri, aut deperire. Totus Leonis scopus fuit sacros sanctos custodire canones Nicænos, qui sua cuique sedi jura custodienda præfinierant; neque sinebant, ut ob Dioscori demerita ac depositionem secundæ sedis jus adimeretur Alexandrinæ, & ad Constantinopolitanam sedem atque Episcopum transferretur. Distinguere igitur inter sedes & Præsidentes idem est ex Leonis mente ac distinguere inter jura sedium ac merita, vel demerita Præsidentum. Quid autem in hac distinctione subest, ex quo sedis nomine aliquid a Præsidentis persona distinctum excogitandum sit? Nonne ipsa jura sedium, quæ sedis vocabulo indicantur, Præsidentis personæ ita sunt alligata, ut nulli alii competant ex ipso jure canonum nisi Præsidenti, qui sedem pro tempore obtinet, licet nec ex ejus meritis originem habeant; nec ex ejus demeritis detrimentum patiantur, quamdiu ipsam sedem legitime teneat?

Ratio primatus respicit distinctionem inter sedem & Præsidentem.

25. Id porro si verum est de cujuslibet sedis Præsidente, multo magis de Romano ratione primatus, cum primatus jura non ex canonum, sed Christi institutione personalia sint, uti primatus ipse est personalis. Vide cap. 3. Potissimum primatus Pontificii jus situm est, ut vidimus, in vi, seu potestate cogente ad conservationem præsertim unitatis fidei in tota Ecclesia. Cum vero hæc coactiva vis ad unitatem fidei propria primatus ex ipsorum adversariorum consensu tribuenda sit fidei sedis, cathedræ, & ecclesiæ Romanæ, cum qua necesse est omnes undique fideles convenire; his diversis vocibus *sedis cathedræ, vel ecclesiæ Romanæ fides*, quæ ea vi primatus propria gaudet, alia non est nisi Pontificum Romanorum fides, quam ex primatus officio ad custodiendam fidei unitatem docent, prædicant, sive definiunt. Cum de munere & jure primatus agitur, aliquid quærere extra personam Pontificum est ipsum primatum quærere extra eos, quorum personæ divino jure est alligatus. Hæc quidem ratio mihi demonstrationis loquax est, omnibusque esse debet, qui primatum cum prærogativis ejus propriis esse personalem inficari non possunt. Traditio sane Patrum si consulatur, cum hi necessitatem inculcarunt conveniendi cum Romanæ cathedræ, sedis, vel ecclesiæ fide jure primatus, non aliam nisi (1) Romanorum Pon-

(1) Si quis forte hanc distinctionem inter Romanam &

Pontificum personam, nec aliam fidem, nisi quam ipsi e Petri cathedra prædicant, intellexerunt. Ita S. Hieronymus Romanam fidem consulturus, Damasum consuluit; & de unitate fidei eundem alloquens illis verbis, *Ego Beatitudin tua, idest cathedra Petri communione confocior*, Damasum ipsum, cujus responsum e Petri cathedra petebat, pro eadem cathedra palam accepit. Ita & Augustinus modo Innocentium Papam, modo Apostolicam sedem contra Pelagianos pronuntiasse promiscue scribens, eundem Pontificem pro sede Apostolica sumit, iudiciumque ipsius Pontificis *Apostolica sedis Episcopale iudicium* vocavit; eo quod unum & idem sit huius sedis, & summi Pontificis in ea Præsidentis iudicium. Quo sensu S. Prosper scripsit, *Sacrosancta B. Petri sedes per universum orbem Papæ Zosimi sic ore loquitur*. Quin etiam Pelagius ipse cum ex communi Ecclesiæ loquutione Innocentium Papam *Petri fidem & sedem tenere* professus est; summum Pontificem in tradenda fidei doctrina a sede Petri nequaquam distinguendum agnovit: & similiter alii quamplures; qui allegari in rem præsentem possent. Unde *Apostolicam sedem pro Romano Episcopo* sumtam vel in indice ad Romanorum Pontificum epistolas notandum credidit P. Constantius. Quod & de *Romanæ ecclesiæ* appellatione, cum de prærogativa personali primatus agitur, peræque valet. Ac

*De pecc. orig.*  
c. 17.

*Contra Col.*  
lat. n. 15.

H h 3

pro-

dem, & Romanum Pontificem viadicandam existimet ex Iustini epistola ad Patres synodi V. in qua idem Imperator, licet e dyptychis expungi iubeat ipsum Pontificem, quasi Nestoriana hæresi infectum, adhuc tamen unitatem se servare protestatur cum sede Apostolica (Vide tom. 6. Concil. Venetæ edit. col. 597. d. e.); animadvertat, quæso, ipsam epistolam supposititiam plane esse, sicut & cetera documenta actis quintæ synodi ex unico Iuliano codice inserta, & a Baluzio edita, uti probavimus in defensione dissertationis Nori-

sianæ de synodo quinta cap. 6. & Operum Norisii col. 1035. & seqq. Quæ ipsius epistolæ falsitas præter ibi scripta vel ex eo confirmari potest, quod in eadem allegentur duæ Vigiliæ epistolæ, altera ad Imperatorem, altera ad Theodorum ejus conjugem, quæ item falsæ eodem capite demonstrantur; cumque Monothelitarum errori saveant, a quopiam Monothelita, vel Monothelitarum præcentore creduntur conficta in patrocinium erroris: quem ejus distinctionis auctorem adversarii, ut arbitror, ingerere verrebuntur.



*Opusc.* 20.  
6. 1.

propterea S. Petrus Damianus ad Alexandrum II. non dubitavit scribere: *Vos Apostolica sedes, Vos Romana estis ecclesia*; idipsumque etiam adversarii confessi sunt apud Andream Episcopum Magarensensem in opere inscripto, *Gubernaculum conciliorum*, lucubrato concilii Basileensis tempore, ubi cap. 2. ex vulgato illorum dicto traditur: *Ipse Papa solet Romana ecclesia vocari*. Licet enim ecclesiae nomen late non tam Episcopum, quam clerum, & plebem Episcopo adunatam significet ex celebri S. Cypriani doctrina, latius vero extendatur ad totam Ecclesiam catholicam Romano Episcopo adhaerentem, quae idcirco Romana dicitur, ut alibi animadvertimus; centrum tamen unitatis, quae ab uno ducit exordium, in uno tantum Episcopo est; & sicut in particularibus ecclesiis suis: cujusque Episcopus est centrum, cui & clerus & populus debet adhaerescere; ita in universali seu catholica Ecclesia, centrum catholicae unitatis est Episcopus Romanus & centrum quidem utriusque unitatis, communionis scilicet, & potissimum fidei, ex quo omnes catholicos cum Romano Episcopo communicare, & cum ejus fide convenire necesse est. Quod si id propter potentiores principalitatem Romanae ecclesiae fidei tribuit S. Irenaeus; Romanae ecclesiae nomen accepit pro Romanis Antistitibus, quibus solis eam principalitatem seu primatum competere noverat; unde mox indicaturus quibus id competat, subtexuit seriem Romanorum Pontificum, ad quos tantum S. Petrus primatum transmisit non minus, quam & docendi cathedram, quacum unitas omnino tenenda tantopere praedicatur. Ex tam exploratis & rationum, & auctoritatum momentis quis non inanissimam, & constitutis concessisque principiis contrariam illam distinctionem agnoscat, qua plures adversarii Romanam sedem, cathedram, seu ecclesiam in negotio fidei, & in praerogativa cogendi ad fidei unitatem propria primatus a Romano Pontifice distinguendam contendunt?

26. Bossuetus quidem accuratius rem introspicieus, maxime repugnantem hanc distinctionem pervidit, ac proinde lib. 10. al. 15. Defensionis declarat. Cleri Gallicani cap. 5. recitato S. Leonis textu, cui ea distinctio inter sedem & Praesidentem perperam superstructa fuit, *Neque propterea dicimus, inquit, ipsam sedem aliquid exercere posse potestatis, aut jurisdictionis aliter quam per ipsum Praesidentem*: quibus sedis jurisdictionem ac potestatem a jurisdictione ac potestate ipsius

Præ-

Præſidentis, qui ſolus eam poteſt exercere, haud diſtinguen-  
dam concedit. Tum vero de diſtinctione eccleſiæ Romanæ  
in doctrina fidei a Romano Pontifice addit: *Neque vero di-*  
*ſtinguimus a Romanorum Pontificum fide Romanæ eccleſiæ fidem,*  
*quam ſcilicet non aliter quam a Petro primo atque Petri ſucceſ-*  
*ſoribus Romani didicerint.* Qui ergo Romanæ eccleſiæ fidem  
non diſtinguit ab ea, quam Romani Pontifices tradunt, ſi  
cum prima neceſſariam ſatetur unitatem, uti ſatetur Boſſue-  
tus; cum fide quoque a ſummis Pontificibus tradita neceſſa-  
riam negare non poteſt. Ne vero hac ratione ſententiam,  
quam propugnant adverſarii, prorsus evertat, vide quomodo  
ſe ſubducatur. Unitatem cum doctrina fidei Romanorum Pon-  
tificum obedientiæ nomine præſtandam non negat. At eam  
cautionem ſeu conditionem adhibendam ſit, quouſque pa-  
teat quid concilia, quid canones, quid ipſi Romani Pontifices,  
quid denique Scriptura, & Scripturæ interpretes traditio poſcat:  
quod his aliis verbis alibi expreſſit: *Quoties ſucceſſores Pe-*  
*tri communem eccleſiarum fidem ex communi traditione pro officio*  
*promerent.* Hæc conditio appoſita ab ipſo fuit ex præjudicio  
fallibilitatis, ut vocant, Romanorum Pontificum in decre-  
tis fidei: quod præjudicium num concordet cum principiis  
hactenus conſtitutis atque conſeſſis, & num aliquo certo er-  
rore definitionum Pontificiarum in negotio fidei nitatur, di-  
ſcutiendum erit capite ſequenti. Nunc ut inſiſtamus in vi  
coactiva unitatis fidei propria primatus, de qua in præſentia-  
rum agitur, ſi ea conditio oppoſita fuiſſet ab eo, qui cen-  
trum unitatis catholicæ ad continendam poſſimum fidei  
unitatem cum Petri cathedra ratione primatus poſitum mini-  
me agnovit, mitius ferendum videretur. At cum de ejusmo-  
di centro, & de neceſſitate unitatis fidei cum eodem tam  
multa atque expreſſa multis in locis prædicaverit; horum  
pugna cum conditione memorata ut evidens fiat, velim pri-  
mo Boſſuetus in memoriam revocet, quæ contra ſectarios  
Pontificiam auctoritatem paulo abſimili conditione circum-  
ſcribentes inferuit libro quinto *Variationum* n. 24. Melanchtho-  
nis locum recitaverat, quo Romani Antiquiſtis primatum in  
Eccleſia neceſſarium profeſſus fuerat *ad conſervandam in na-*  
*tionibus unitatem doctrinæ.* At cum ille hanc poteſtatem uni-  
tatis fidei coactivam ea ratione reſtrinxiſſet, quatenus Papa ſa-  
nam doctrinam non opprimeret; ſi liceret, ſubjicit Boſſuetus, di-  
cere eam a Pontificibus opprimi, & hoc prætextu negare iſdem  
debi-

*Lib. 1. Defen.*  
*de-cl. c. 1. in*  
*Append. no-*  
*væ edit.*

*\* Lib. 10.*  
*al. 15. c. 1.*

Prima condi-  
tio ab adver-  
ſariis inge-  
ſta.

Rejicitur.

debitam obedientiam; recidimus statim in pericula, quæ evitare studemus, & auctoritas ecclesiastica ludibrio est omnibus, qui se se eidem opponere velint: quibus verbis Cl. Auctor eam fidei unitatem, cui conservandæ Pontificiam auctoritatem necessariam Melancthon affirmaverat, schismatibus patere, facileque discissum iri judicavit, si ea libertas & conditio permittatur. Absolutam itaque eam potestatem esse oportere censuit, ut vis in unitatem fidei tuendam apta & efficax sit. Vis & auctoritas, quæ in unitatem non mere repræsentandam, sed custodiendam instituta a Deo fuit, sitque per se apta & efficax, ut <sup>o</sup> vel adversarii debere esse fatentur; nulli conditioni hominum iudicio, aut arbitrio subjectæ alligari debuit; facile enim eluderetur, neque hæreticis succenseri invictæ posset, si dogmaticis Pontificum decretis eorum errores condemnantibus, in quibus traditionem desertam opinentur, acquiescere nolint. Itaque ne unitati fidei male provisum a Christo dicamus in Romana cathedra, absolutam vim, quæ nulli conditioni sublit, Romanis Pontificibus ex primatu competere debemus agnoscere, si quidem in ea cathedra, seu in fide, quam illi ex officio proponunt jure primatus, unitatis centrum a Christo positum fateamur, ut Bossuetus, & adversarii Galli fatentur.

27. Patres quidem cum docuerunt adhærendum Romanæ fidei ratione primatus, qui in tuitionem unitatis potissimum fidei institutus fuit, nullius conditionis meminerunt; & Apostolicam traditionem in Romana doctrina custoditam semper præsumentes veluti omnino certum, eidem adhærendum affirmarunt absolute sine conditione ulla, ut patet inter ceteros ex S. Irenæo, qui necessitatem absolutam conveniendi cum fide Romanæ Ecclesiæ apertissimis verbis professus *propter potentiorē ejus principalitatem*, num Apostolica traditio in ea servata esset, non vocavit in dubium; sed certum id omnino præsumens statim subdidit: *In qua semper conservata est ea, quæ ab Apostolis est traditio*. Idipsum quoque præsumserunt etiam generalia concilia, alique subsequentium temporum Patres, dum loquentes de dogmaticis Romanorum Pontificum definitionibus dixerunt, <sup>o</sup> per os eorum loquutum fuisse S. Petrum, qui in ipsis suis successoribus vivit, & præstat quærentibus fidei veritatem; & ita semper præstitit, ut Romana fides ejus sedis semper incorrupta permanferit, ut constabit ex antiquorum testimoniis recitandis cap. 15. §. 4.

Hæc

\* Vide *antata*  
c. 9.

\* Vide *supra*  
c. 13. §. 14. n.  
72.

Hæc enim non potuissent affirmare, nisi dogmaticas illorum definitiones ex traditione S. Petri deductas, & in ipsis ejusdem Petri traditionem ac fidei doctrinam conservatam credidissent. Confer adnotata cap. 12. n. 52. not. 1. Cum porro aliorum Apostolorum & aliarum catholicarum ecclesiarum traditio diversa non sit, neque fuerit, neque futura sit a traditione & fide S. Petri, cum qua tamquam cum communi centro unitatis omnes catholicæ ecclesiæ conveniunt, & conveniant oportet; Romani utique Pontifices, dum definitiones dogmaticas edunt ex S. Petri in ipsis loquentis traditione ac fide, communem simul omnium catholicarum ecclesiarum fidem ex communi traditione pronuntiant; inanisque cognoscitur Bosuetti conditio, *quoties successores Petri communem ecclesiarum fidem ex communi traditione pro officio promerent*, ac si aliquando aliter posset contingere. Idem Bosuetus lib. 10. al. 15. Defensionis cap. 14. expendens S. Irenæi testimonium toties a nobis laudatum affirmavit, eundem S. Doctorem merito *universali* (omnium scilicet catholicarum ecclesiarum) *traditione proposita*, partem ejus necessariam ecclesiæ Romanæ traditionem commendasse, cum profecto **CERTUM ESSET NON POTUISSE FIERI, UT A RELIQUIS ECCLESIIS (Romana traditio), IN QUÆ OMNES UNITATEM SERVARE DEBEANT.** Si a catholicarum ecclesiarum traditione discrepare non potest Romana traditio, in qua omnes debent servare unitatem; Romani autem Pontifices, quoties aliquid definiunt circa fidem, id proferunt ex S. Petri in ipsis loquentis fide ac traditione Romana; in dubium revocari profecto nequit, quin illi; quoties definiunt ex officio aliquod fidei dogma, *communem ecclesiarum fidem ex communi traditione promant.*

28. Neque vero ex eodem Bosueto reponas S. Petri fidem, & traditionem Romanam, cum qua omnes ecclesiæ debent servare unitatem, non id esse, quod unus forte Pontifex, sed quod ipsa Pontificum successio & series, & ecclesiæ Romanæ ecclesiarum matris perpetua & constans & firma professio pro certo fidei dogmate tenuerit, docuerit, prædicat: id enim in conditionem recidit paulo dissimilem præcedenti, nimirum adhærendum fidei, quam Romanus Pontifex definiendo proponit, si ex fide ac traditione totius seriei suorum prædecessorum eum docere fidem constet. Hæc autem conditio cum æque ac præcedens iisdem periculis at-



que incommodis sit obnoxia, iisdem responsionibus evertitur, ut conferenti patebit. Num vis coactiva & efficax ad conservandam in tota Ecclesia fidei unitatem primatui Pontifici a Christo tributa, toti seriei summorum Pontificum, non vero cuilibet Pontifici concessa fuit? Nonne sicut primatus cuilibet competit, ita & cuilibet asserenda est ea vis primatus propria? Nonne bonum unitatis æque sub quolibet Pontifice, ac sub tota Pontificum successione eandem vim coactivam requirit, ne si liceat sub hoc vel illo Pontifice a fide ex primatus officio & ob unitatem conservandam proposita dissentire memoratæ conditionis prætextu, fidei unitas discindatur, & hæresibus atque schismatibus aditus pateat, ob quæ impedienda bono unitatis primatus institutus, & cuilibet Pontifici attributus fuit? Hæc porro conditio, quæ ex nonnullorum errorum Pontificibus attributorum præiudicio originem ducit, multo manifestius difficietur \* capite sequenti, ubi de infallibilitate eorumdem Pontificum in definitionibus fidei erit disputatio. Quæ vero ex constitutis principiis hætenus reposuimus, interim sufficere credimus.

\*Vid. præfationem n. 18.

De conditione consensuum Ecclesiæ.

29. Nunc expendenda & expungenda restat alia ab adversariis ingesta conditio, quæ liquid valeret, omnis vis coactiva ad unitatem fidei cum Romanorum Pontificum fide a nobis propugnata, & unitati tuendæ ex primatus fine necessaria in irritum caderet. In quæstionibus scilicet fidei definiendis primas quidem partes iisdem Pontificibus adversarii tribuunt ratione primatus. At cum ipsorum definitiones irretractabiles solummodo velint, si accedat Ecclesiæ consensus; vim coactivam, quam illis ex primatu asseruimus, iisdem per se se denegant, ita ut putent eas non cogere ad unitatem, nisi postquam Ecclesiæ consensus accesserit. Hanc autem in rem illi jam non exigunt consensum Ecclesiæ in generali concilio coactæ, cum remedium ejusmodi hoc præsertim tempore difficillimum, acere impossibile sit. Sufficere vero existimant consensum Ecclesiæ dispersæ non solum expressum, sed etiam tacitum, quem satis prodire credunt, si definitioni a Romano Pontifice editæ nemo, vel pauci repugnent: qui enim non resistunt, consentire iudicantur. Id autem ea de causa communi jam ipsorum adversariorum sententia concedendum censuerunt, propterea quod observant, Apostolicis iudiciis ad excindendos non

De consensu tacito, quem adversarii sufficere existimant.

paucos, non solum antiquos, sed posteriores etiam errores coactivam vim fuisse attributam, etiamsi nulla generalia concilia eos profligassent; & in plerisque nullus quoque Episcoporum totius orbis, saltem plurium, expressus intervenisset consensus, qui catholice Ecclesie consensus dici posset; solus enim expressus consensus Antistitum unius, vel alterius provincie, seu regionis, Ecclesie catholice consensus appellari nequit. Ubi igitur neque generalis synodi, neque Episcoporum per orbem dispersorum expressus adfuit consensus; coactivam vim, quam illi Pontificio decreto per se se non concedunt, tacito saltem Ecclesie, seu Episcoporum consensui tribuendam contendunt.

30. Huic vero excogitatie adversariorum adinventioni conditionique consensus saltem taciti Ecclesie manifeste opponuntur principia, quae adversariis concinentibus praestitimus, ac praesertim Scripturae sacrae testimonia, atque traditio Patrum. Enimvero nonne ex praemissis principiis, quae ipsi adversarii concesserunt, Pontificius primatus uniendae Ecclesie institutus a Christo, ne inanis haec institutio cederet, vim eidem fini obtinendo congruentem & efficacem ipsi primati ab eodem Christo traditam exigit, qua ad unitatem cogere possit universam Ecclesiam? Si autem in definitionibus fidei, quae ad ipsius fidei unitatem custodiendam a Romanis Pontificibus eduntur, vis ipsarum coactiva penderet ab Ecclesie consensu, ita ut ante exploratum detectumque ejusmodi consensum, illae non cogerent ad unitatem, agnito autem consensu cogerent; vis & jus cogendi ad unitatem non esset prerogativa personalis & propria primatus, sed potius Ecclesie, cujus consensus eam cogendi vim laudatis definitionibus tribueret. Adde hac in sententia remedium conservandae unitatis, quod a Christo commissum fuit ipsi primati, inutile plerumque futurum, cum ad cognoscendum ejusmodi consensum non solum requiratur aliquod non breve tempus, & non exigua, nec facilis indagatio; verum etiam ob injectas plerumque facultates ab iis, qui definitioni adversentur, nec non ob conditiones ejusdem consensus, de quibus adversarii invicem disputant, dubitari facile possit, num sufficiens consensus totius orbis Episcoporum praesto sit: & ita lata pateret sere refractariis via impediendae ejus unitatis, cui Christus prospicere voluit. Falsum est itaque eam vim cogendi ad unitatem, quam

Consensus  
conditio re-  
jecta.



Christus Petro ac successoribus ejus attribuit ratione primatus, conditioni consensus Ecclesiæ fuisse alligatam.

\* *Vid. c. 13.*  
§. 14.

31. Sed quam hæc conditio contraria quoque sit testimoniis sacrae Scripturæ ac traditionis Patrum, quæ jam exposuimus, facile intelligere licet. Cum Romani Pontifices in controversiis fidei dogmaticas definitiones promulgant, quibus ex primatus institutione ac officio unitati fidei in tota Ecclesia custodiendæ prospiciant; (\*) illas S. Petrus, qui in ipsis vivit, per os eorum pronuntiat, & loquitur fidei veritatem, ac judicia ejusmodi habita semper fuerunt in Ecclesia veluti judicia ipsius S. Petri, seu illa S. Petri fides, quam Christus posuit *petram* & fundamentum Ecclesiæ. Non est autem hæc Petri, seu successorum ejus fides fundamentum Ecclesiæ ex ipsius Ecclesiæ consensu, sed per se se ex institutione Christi, quæ profecto exigit, ut illi absolute omnes adhaereant, & consensum præstent bono unitatis, quæ in hac fidei petra tamquam in centro formatur & continetur. Quid quod Christus, cum Petri fidei commisit, ut in periculis & dissensionibus circa fidem confirmaret fratres, commisit, ut eos ad assensum cogeret, & in unitate contineret, non vero cogendi vim ex eorum consensu derivavit: alias non commisisset, ut ipse confirmaret fratres, sed ut ipsi, si ei præstarent assensum, se se confirmarent. Idem itaque confirmandi mandatum, quod ex primatus officio Romanos quoque Petri successores similiter afficit, a fratribus & Ecclesiæ consensu cogendi vim expectare dici non potest.

32. Quid dicam de traditione Patrum? S. Irenæus, qui cogendi vim Romanæ fidei tam differte attribuit, ut scripserit omnes undique fideles cum ea convenire oportere; hanc conveniendi necessitatem atque vim coactivam ad unitatem ejusdem fidei non deduxit ex consensu Ecclesiæ, vel Episcoporum: quod cum ideam fuisset, ac dicere *Necesse est omnes undique ecclesias convenire in fide cum Romana, quando earum accedat consensus*; ridiculum plane, illusorium, ac tanto doctore fuisset indignum; (\*) sed eam necessitatem deduxit

---

(\*) Confer, quæ in hanc num. 5. sub finem. rem animadvertimus cap. 13.

duxit ex prærogativa primatus; quæ quidem cum ab aliarum ecclesiarum consensu non pendet, tum vero ad compingendam continendamque unitatem instituta, non ex earundem ecclesiarum consensu, sed per se se vim cogendi habeat necesse est. Ea igitur coactiva vis, qua omnes undique fideles convenire debent cum Romana fide propter ejus sedis primatum, ex Irenæi mente illi utique competit, qui ejusdem sedis primatu fruitur. Mirum maxime si Gallicani Auctores cum hoc vetustissimo doctissimoque Episcopo communem sui ævi doctrinam exponente concordare renuerent. Neque dissimiliter alii Patres, cum primatus prærogativam asserrent, ob quam fidei unitas cum Romana fede traditur necessaria, nullam mentionem faciant consensu Ecclesiæ; neque ejus unitatis debitum ingerunt, quia Ecclesiæ accessit consensus, sed vel quia *Super hanc petram ædificatam Ecclesiam scio*, ut S. Hieronymus scripsit; vel quia *Illa est petra, quam non vincunt superba inferorum petrae*, ut S. Augustinus; vel quia *est fides illa Apostolica ore laudata, ad quam perfidia habere nequit accessum*, ut S. Cyprianus; vel quia S. Petrus per os successorum loquitur; ut Patres Chalcedonenses; vel quia Petrus in suis successoribus vivens, ut aiebat S. Petrus Chrysologus, *præstat quærentibus fidei veritatem*; ac propterea omnium catholicorum obedientiam & assensum exigit per se se, antequam aliarum ecclesiarum aut Episcoporum catholicæ Ecclesiæ innotescat consensus, quo nomine sinceram obedientiam definitioni S. Leonis ab Eutyche præstandam exegit laudatus S. Petrus Chrysologus, ut cap. 13 §. 14. ostendimus.

33. Ceterum catholica Christi Ecclesia adhæsit semper semperque adhærebit cathedræ S. Petri, seu doctrinæ fidei, quam Petrus & successores ejus proponunt, ac docent: neque alia erit aut esse poterit vera Christi Ecclesia, nisi quæ huic cathedræ unitatis catholicæ centro adhærescit, & adhærebit: ob quam quidem fidei unitatem, sicuti semper in Romana fide ac traditione conservatam fuisse Apostolicam traditionem ac fidem docuit S. Irenæus; ita & semper in ea esse conservandam nihil est dubitandum. Vide notata superius n. 27. Igitur proposita ab iisdem Petri successoribus doctrina fidei, Ecclesiæ assensus, sicut semper adfuit, ut Nicolaus I. notavit, ita & aderit semper, semperque erit præsumendus, nihilque morosius expectandam vel re-

Ecclesia catholica semper adhæsit, & adhærebit definitionibus Apostolicis.

\* *Epist. ad Clerum CP.*

quirendum, ut se quis hoc prætextu ab assensu & obsequio, atque ab unitate debita eximat. Ecclesiæ consensum expressum ipsi adversarii non requirunt, uti paulo ante observavimus, sed tacitum sufficere existimant, quem adesse aiunt, si post editam Pontificiam definitionem nulli, vel pauci refragentur. Ipsi autem definitionum decretis per se ante omnem Ecclesiæ consensum obedientiam & obsequium deberi non inficiantur, & obsequium quidem non solum externum, sed etiam internum, quod idem est ac mentis assensus. Vide quæ in hanc rem ex Gallicanis attulimus cap. 13. §. 14. n. 75. & hoc ipso cap. 14. §. 3. n. 13. (1) En-  
igitur

\*(1) Notanda hoc loco Bossueti explicatio lib. 10. *Defensionis*, alias 15. c. 17. pag. 216. ne cuiuspiam fucum faciat. Recitato eo textu epistolæ trium & triginta Episcoporum Galliarum ad Innocentium X. quo affirmarunt, non solum ex Christi Domini pollicitatione Petro facta, sed etiam ex actis priorum Pontificum, & anathematismis adversus Apollinarium & Macedonium, nondum ab illa æcumenica synodo damnatos, a Damaso ipso paulo antea factis, iudicia pro sancienda regula fidei, a Summis Pontificibus lata, juxta Episcoporum consultationem (sive suam in actis relationis sententiam ponant, sive omittant, promittit illis collibuerit) divina æque ac summa auctoritate niti: cuius Christiani omnes ex officio, ipsius quoque mentis obsequium præstare teneantur; hanc explicationem subiicit: Quo loco id volebant, non esse semper necessariam synodi æcumenicæ sententiam, ut Christiani ad fidei officium tenerentur: sed omnino sufficere, consulentibus Episcopis,

Romani Pontificis auctoritatem; siquidem (nota conditionem) decretum ejus recipere, ut ipsi fecerant, atque a se factum esse gestis indiderant ad rei memoriam. Hæc autem conditio, quam Bossuetus ex vero sui systematis præjudicio ingerit, ab ipso Episcoporum Galliarum contextu expungitur. Ratio enim, cur omnes Christiani Apostolicis definitionibus præstare teneantur mentis obsequium, eo ab ipsis refertur, quia divina æque ac summa per universam Ecclesiam auctoritate nituntur. Num summa æque ac divina isthæc auctoritas ex ea conditione a Bossueto ingesta pendet, siquidem decreta recipiantur, an potius ex Christi Domini nostri pollicitatione Petro facta, cujus mentionem iidem Episcopi antecedentibus verbis fecerunt? Nonne pollicitationes Christi, de quibus agemus capite sequenti, absolutæ sunt, nullique Episcoporum recipientium conditioni alligatæ? Est ille Apostolici iudicii receptio-

igitur vel ipsi Auctores Galli hunc assensum debent præsumere in Ecclesia, & in Ecclesiæ filiis. Quinam enim nisi refractarii & inobedientes filii debitam obedientiam & obsequium mentis denegare dogmaticis Apostolicæ sedis definitionibus possunt? Quod siqui Episcopi in recipiendis decretis fidei ejusdem sedis uti velint libertate examinis, atque judicandi de materia definita (nam de ipso superioris judicio inferiores non posse judicare vel adversarii fatentur); semper adhuc in Episcopis catholicis assensus ex obedientia debitus erit præsumendus; ea enim examinis & judicandi libertas cum ipsos quoque Episcopos non eximit a debito obedientiæ, quam sancte jurarunt; tum eos non liberat ab eo cordis obsequio & assensu, quem ex obedientia omnes debere iidem Galli professi sunt. Adde quod ea sola libertas examinis atque judicii post editas Apostolicas definitiones catholicis Antistitibus Ecclesiæ filiis concessa est, qua usi sunt Patres Chalcedonenses post promulgatam dogmaticam S. Leonis epistolam contra errores Eutychis, qua scilicet

non

nem abs se factam gestis indiderint, & receptionem quidem non nudi tantum obsequii, sed etiam judicii; non tamen sibi atrogarunt libertatem dissentientiendi a judicio divina æque ac summa auctoritate, & Christi pollicitatione nixi, cui sicut omnes Christianos obsequium mentis debere præstare in epistola ad Innocentium professi sunt; ita Episcopos ex ipsa hierarchica subordinatione debere unitatem, in litteris ad Episcopos regni ab eodem Bosueto recitatis expresse declararunt, dum scribere: *Episcopos congregatos, ut deliberarent, quid in hoc negotio factum opus esset, uno spiritu, uno corde, uno ore consensisse ad recipiendum illius judicium, cui PER UNITATEM*

*Christiani Episcopatus Hierarchica subordinatione colligati essent, ut merito crediderint, propositionem condemnationem una cum eo a se quoque esse prolatam, ac pronuntiatam. Hæc hierarchica subordinatio Episcoporum erga summum Pontificem obedientiam ab ipsis debitam atque juratam respicit, quæ in decretis, seu definitionibus fidei mentis obsequium ab illis æque ac ab omnibus Christianis ita requirit, ut si judices velint agere, in unitate cum summo Pontifice judicent, quemadmodum antiquiores Gallie Episcopi sub S. Leone & omnes alii catholici Antistites in ipsis generalibus conciliis fecerunt, nemini unquam data dissentiendi libertate, ut alibi vidimus.*

non licuit de definitis ambigere, sed post receptam ipsam epistolam ac definitionem actione prima, licuit examen instituere actione tertia, ut suum iudicium cum Pontificio unientes, dissentientes docerent, & ad unitatem facilius adducerent. Vide quæ adnotavimus fusius cap. 13. §. 13. numero præsertim 68. & sequentibus. Cum Episcopi in suis sedibus residentes hoc examen instituunt, suarum ecclesiarum traditionem ac fidem potissimum expendunt, & cum definitione Apostolica conferunt; & siquidem eam cum hac concordare inveniant, suam lætitiâ declarare suo calculo solent, eo quod hac ex concordia certi fiant, se & suas ecclesias veram fidem tenuisse atque tenere. Hac ratione olim Episcopi Galli examen fecerunt transmissa ad se S. Leonis epistola, ut constat ex dictis supra cap. 13. §. 15. n. 76. (1) eademque pariter ratione ac iisdem fere formulis usi sunt posteriores Gallicani Episcopi, cum receperunt dogmaticas constitutiones posteriorum Pontificum. Quod si quo casu deprehenderent suarum ecclesiarum doctrinam a Romana definitione discrepare; hoc ipso monerentur, eam a veritate abhorre; quia Romana fides est lydius lapis, ad quem ex S. Irenæi regula exigenda est cujusque ecclesiæ traditio, ut discernatur, quæ vera sit fides, vel quæ errori deputanda: & ita illi semper & se, & suas ecclesias ad unitatem cum Romana fide, quæ catholicæ unitatis est centrum, deberent revocare, ne ab ea fidei pe-

tra

(1) Hoc nimirum loco recitatis eorumdem Episcoporum verbis animadvertimus, ipsos facta collatione fidei, quam S. Leo suis in litteris definierat, cum traditione suarum ecclesiarum, hanc ideo cognovisse certam & catholicam fidem, quia cum Romana definitione concordabat; non vero e contra collegisse; Leonis definitionem esse veram; quia cum suarum Ecclesiarum traditione convenire inventa est: & multo minus indicasse hanc consensio-

nem illam esse, quæ iudiciis Pontificiis firmum & ineluctabile robur conciliet, uti Bossuetus ex suis systematis præoccupatione intulit lib. 9. al. 14. c. 1. pag. 114. Confer aliud recentiorum Gallicanorum testimonium editum in comitiis anni 1663. recitatum supra hoc eodem capite §. 3. n. 15. quo ex unitate & concordia suæ fidei cum fide sedis Apostolicæ eandem suam fidem invincibilem infallibilemque deducunt, non autem e contra.

tra desciscerent, cum qua omnes undique fideles convenire necesse est ratione primatus, uti cum eodem S. Irenæo toties monuimus. Eadem igitur consensus præsumtio est in iis catholicis Episcopis, qui cum aliquo examine Pontificia fidei decreta recipiunt (pauciores semper erunt), non minus quam in illis, qui plurimi numero ea recipiunt ex obedientia: ex quibus omnibus elicicitur Ecclesiæ consensus. Inanis ergo illa tergiversatio atque conditio cognoscitur, qua quis ad vim coactivam dogmaticarum constitutionum sedis Apostolicæ adstruendam expectandum affirmet Ecclesiæ consensum, qui semper præsumendus est.

34. Quid porro censendum sit de iis antiquorum testimoniis a Bossueto congestis, quibus cum decretis dogmaticis Romanorum Pontificum jungitur vel generalis synodi, vel totius orbis Episcoporum auctoritas, & ex utrisque simul coactivum prorsus atque irreformabile seu irrefragabile ejusmodi judicium declaratur, & quatenus ex his nihil præjudicii creetur auctoritati omnino coactivæ per se se eorumdem decretorum; intelliges ex dictis capite præcedenti num. 101. At enim, inquires fortassis, si coactiva vis per se se inest definitionibus Apostolicis, cur post editas ejusmodi definitiones congregatæ fuerunt aliquando synodi oecumenicæ? Cur in aliquot testimoniis Patrum earumdem synodorum addita auctoritas, aut Episcoporum totius orbis consensus? Id expedire creditum est adversus refractarios, aut dubitantes, ut tot Patrum concursu veritatem facilius edocerentur, & revocarentur ad sanum sensum, atque obedientiam debitam; vel, si in errore adhuc persisterent, contumacia eorum palam innotescere, tamquam hæretici ab omnibus haberentur. Hoc remedium obedientibus Ecclesiæ filiis necessarium non fuit. S. Augustinus exorta Pelagiana hæresi sufficere credidit solam Apostolicam Innocentii Pontificis sententiam, qua causam finitam pro concione affirmavit; & affirmavit, cum nondum haberi poterat tacitus saltem universalis Ecclesiæ consensus. Crescente vero Pelagianorum tumultu, Zosimus etsi nihil minus tribueret Apostolicis Innocentii litteris, quam Augustinus; ad illorum tamen nisus fortius toto orbe retundendos, Episcoporum subscriptiones Tractoria edita obtinuit; & ita catholici Patres utramque Apostolicæ sedis omniumque Episcoporum cum ea conspirantium auctoritatem eidem hæresi opposuere, ut

Objectio.

Solvitur.

Vid. sup.

c. 13. n. 510

Ballerinius de Primatu RR. PP. K k ne



*Vid. Epist.  
26. inter  
Leon. novissi-  
mæ edit.*

ne tamen de vi coactiva litterarum Innocentii quicquam ambigerent. In causa Eutychis dogmatica S. Leonis epistola cogendi vim apud catholicos habuit: eam solam sufficere credidit S. Flavianus, ut ne opus esset convocatione generalis synodi commovere universas ecclesias. Renitentibus nihilominus Eutychianis, Leoninæ epistolæ additæ fuerunt subscriptiones Episcoporum tum Orientis, tum Occidentis, quæ expressum declarabant istorum Episcoporum consensum. Cum tamen id quoque apud refractarios non fuisset satis; convocata synodus Chalcedonenfis, in quâ ex ipsorum adversariorum sententia dubitari a catholicis non poterat de dogmate, quod & Apostolicis litteris, & expresso tot Episcoporum consensu fuerat firmatum. Sicut ergo cum sancti Patres contra Eutychianos opposuerunt ejusdem concilii auctoritatem, non propterea inferendum est ipsos vim coactivam non cognovisse in expresso illo Episcoporum subscribentium consensu; ita nec quicquam efficaciam ademisse dicendi sunt Leonis decreto, cum utramque & Leonis & synodi auctoritatem iisdem hæreticis opposuere. Hoc quidem decretum per se se coactivum & irreformabile ratus S. Pontifex, in examen & quæstionem adduci noluit in laudata synodo: sicut neque de Apostolica definitione contra errores Nestorii S. Cælestinus dubitationem moveri permisit in generali concilio Ephesino, ut cap. 13. suo loco observavimus. Generalium igitur conciliorum convocatio ob refractarios quandoque necessaria, vi coactivæ Apostolicarum definitionum nihil præjudicat, quibus sane per se se tanta vis tribuenda est cum S. Irenæo, ut cum Apostolica Romana fide iisdem litteris proposita omnes Christianos necesse sit convenire; idque unum, ut ex eodem vetustissimo Patre audivimus, per se se ad hæreses discernendas ac revincendas sufficiat. Ne vero tantam vim tribuentes definitionibus Apostolicis quicquam videamur detrudere synodorum generalium auctoritati, recolendum maxime est discrimen, quod alibi indicavimus, inter definitiones Romanorum Antistitum, ac inter definitiones generalis synodi, aut expressum Episcoporum totius orbis consensum. Illæ per se fidem ac traditionem proponunt centri ejus ecclesiæ, quæ jure primatus omnibus undique fidelibus conveniendi, seu unitatis, & consensus necessitatem imponit. Istæ autem proferunt fidem ac traditionem omnium eccle-

*Vid. c. 13.  
n. 66.*

*Vid. ibi n. 59.*

*Vid. c. 13.  
n. 101.*

fiarum totius catholicæ Ecclesiæ, quæ conveniens, ut necesse est, cum fide ac traditione Romana, demonstrat evidentius fidem a Romana sede propositam ac definitam esse simul fidem totius Ecclesiæ catholicæ, adeo ut nemo ab illa desciscere queat, quin simul desciscat a totius Ecclesiæ catholicæ fide: quod si maxime est utile ad persuadendum, non tamen absolute necessarium est, cum per se sufficere debeat Romanæ cathedræ fides, quæ jure primatus unitatem requirit.

35. Neque hic quispiam existimet, in definitionibus Pontificiis ad fidei unitatem vi coactiva exigendam certum saltem esse debere Romanæ synodi, aut Romani Cleri consensum. Ratio enim, ob quam cogendi vim S. Irenæus cum ceteris Romanæ fidei tribuit, in *potentiori* ipsius sedis *principalitate* fundata, illum tantum respicit, in quo primatus residet. Hic autem primatus personæ unius Petri ac successorum ejus alligatus a Christo, ut capite constituto schismatis tollatur occasio, & fidei potissimum unitas ab eo vindicetur; vim coactivam primatus propriam ipsi uni ita adjudicat, ut ad eam exerendam in tota Ecclesia nullius consortium aut consensum efflagitet. Hac de causa definitiones dogmaticæ, quæ ex veteri consuetudine in Romana synodo condi solebant, cum ederentur in publicum, non ejusdem synodi, sed solius summi Pontificis nomine inscribebantur; quia scilicet earum tota vis coactiva in universam Ecclesiam, non ex Romanæ particularis synodi auctoritate atque consensu, sed ex solius Pontificis personali primatu atque jurisdictione originem ducit. Sed ut concludamus tandem hocce caput, rejectis jam omnibus adversariorum esugiis, nihil debet impedire, quo minus unitas præsertim fidei, quam ipsa Gallicana ecclesia cum Romana fide constanter tenendam fatetur, fidei a Romanis Pontificibus propositæ ac definitæ ratione primatus, ex adversariorum quoque catholicorum doctrinis & confessione exhibenda sit.

## CAPUT XV.

**COROLLARIUM**, quo constituitur, quid ex præstitutis principiis sequatur in ea questione, num dogmaticæ Romanorum Pontificum definitiones fidei infallibiles sint & haberi debeant. Adversariorum incoherrentia notata. Antiquorum sensus ac testimonia Christi promissis innixa. Unum negandæ infallibilitatis fundamentum, quo adversarii fortius impediuntur, & præsumptis quorundam Pontificum erroribus ductum excutitur, atque difficitur.

## §. I.

*Synopsis principiorum, quæ præmissimus, & consequens proximum ex ipsis legitime deductum quoad infallibilitatem Romanorum Pontificum in definiendis controversiis fidei. Quam incoherenter adversarii concessis laudatis principiis Pontificiarum definitionum infallibilitatem, quæ ex iisdem legitime sequitur, inficiuntur.*

**I.** **H**actenus principia proposuimus, in quibus nobiscum, seu potius cum Ecclesiæ catholicæ sententia, cum Scripturæ ac traditionis sensu adversarii catholici vel omnes, vel fere omnes, & sapientiores conveniunt. Primo enim

\* *Vid. cap. 1.* \* convenit, S. Petri primatum in Romanos Pontifices ejusdem

\* *Vid. cap. 2.* S. Petri successores transiisse, eumque esse primatum \* non meri ordinis, sed præcipuæ jurisdictionis, ex quo præcipua ipsis jura primatus propria, seu aliqua præcipua jurisdictionis tribuenda est. Convenit pariter hunc jurisdictionis primatum \* soli S. Petro, Romanisque Pontificibus ejus successoribus ita fuisse alligatum, ut jurisdictionis propria primatus iisdem tantum competat, & personalis ipsorum sit, nec alii cuiquam communis. Convenit etiam hanc jurisdictionem

*Vid. cap. 4.* primatus propriam & personalem \* non humanæ, sed divinæ

vinæ institutionis esse, quæ \* celebribus Evangelicis testimoniis de S. Petro innitur; in quibus idem primatus, seu ratio & jurisdictio propria primatus & institutionis divinæ \* ita contineri dicenda est, ut eadem testimonia, licet aliis quoque Apostolis, vel etiam Episcopis Apostolorum successoribus aliqua ratione aptari possint & convenire; non tamen in ratione & jurisditione propria primatus, qui cum sit personalis, propria ejus ratio & jurisdictio soli Petro & successoribus ejus competit.

2. Quænam porro sit hæc jurisdictio propria & personalis primatus S. Petri & successorum ejus Romanorum Antistitum in laudatis Evangelicis testimoniis contenta, \* ex fine instituendi primatus, seu jurisditionis præcipuæ & propriæ solius primatis colligenda est traditione interprete ac duce. Ex traditione autem ipsi adversarii fatentur, \* finem primatus instituendi fuisse unitatem catholicæ Ecclesiæ, ob quam formandam & custodiendam primatus uni tantum concedendus, soli Petro ejusque successoribus ab ipso Christo traditus fuit. Jus ergo, seu jurisdictio propria & personalis primatus spectare debet hanc totius Ecclesiæ unitatem, cujus quidem centrum Romanus Pontifex seu Romana cathedra ab iisdem adversariis agnoscitur. \* Jus itaque proprium primatus huic unitati formandæ & conservandæ idoneum in Petro ejusque successoribus agnoscitur pariter debet, nimirum jus, quod ad unitatem Ecclesiæ necessariam omnes catholicos cogat. Porro \* duplex unitas, scilicet unius fidei, & communionis unius adeo catholicæ Ecclesiæ necessaria est, ut inter omnes etiam adversarios conveniat, eum esse extra Ecclesiam, qui vel per hæresim deserit fidei unitatem, vel a communionem Ecclesiæ separatur per schisma. Ut ergo Romanus Pontifex utramque hanc unitatem catholicæ Ecclesiæ necessariam ex primatus institutione conservet in universa Ecclesia; idoneum jus ipsi asserendum est primatus causa, quo cogere possit omnes ad utramque fidem & communionis unitatem, seu ad tenendam secum communionem & eandem fidem. Hoc quidem jus, in quo præcipua ac personalis primatus ratio & jurisdictio sita est, ne quid ex ingenio, aut assentatione videremur comminisci, pluribus constituimus non solum \* ex obvia Evangelicorum testimoniorum sententia, sed potissimum \* ex traditione constantissima Patrum, quam decem & septem paragraphis enucleatius

\* Vid. c. 5.

\* Vid. c. 6.

\* Vid. c. 7.

\* Vid. c. 8.

\* Cap. 2.

\* Cap. 10.

\* Cap. 21.

\* 12.

\* Cap. 12.

tius digessimus. Quin cum hanc traditionem a majoribus acceptam adversarii catholici & docti manifestissimam noverint; ipsi aliquot testimoniis fateri coacti sunt, quorum insigniora capite decimo quarto collegimus, detectis subinde in eodem capite, ac refutatis inanissimis quibusdam effugiis, quæ non solum carent traditionis subsidio, verum etiam ex traditione repelluntur. Hæc sunt principia, quæ in præcedentibus capitibus atque paragraphis constituimus.

3. Quid autem ex his sequatur in eam sententiam de inerrantia & infallibilitate summorum Pontificum in definitionibus fidei, quam adversarii maximo conatu impetunt & impugnant; quisque omni præjudicio vacuus facile intelliget. Si enim Romani Pontificis jus præcipuum, proprium, & personale ratione primatus est jus cogendi omnes catholicos totamque catholicam Ecclesiam ad eandem secum unitatem præsertim in fide; si hoc jus Petro tributum ob continendam & conservandam fidei unitatem ratione primatus, non debuit in Petro desinere, sed ad successores ejus transivit; si ob hujusmodi finem S. Petri fides a Christo posita fuit tamquam petra & fundamentum Ecclesiæ, cui tota Ecclesiâ incumberet & adhæreret unitate ejusdem fidei; si ob eundem finem Christus voluit, ut in periculis & controversiis fidei, quibus dæmon cribrare niteretur Christianos, Petrus sua fide confirmaret fratres, seu contineret in ejusdem suæ fidei unitate; si ob eundem finem & officium, quod etiam post Apostolorum mortem Ecclesiæ in perpetuum duraturæ necessarium futurum erat, Petri fides ac doctrina fidei non debebat desinere in Petro; sed transire ad ejus successores, in quibus ipse semper vivens, ac per eorum os semper loquens & docens veram fidem, hujus unitatem contineret; si fiat de causa Romanorum Pontificum fides habenda est uti fides Petri, & veluti ore ipsius Petri tradita, cui obedientia & obsequium etiam cordis præstandum est; si hinc orta est illa prærogativa Romanæ fidei peculiaris; quam omnes profiteri necesse est, ut se catholicos probent, & a qua qui absunt, minime catholici habiti, & habendi sunt; Romanæ autem fidei nomine intelligitur doctrina non solum a Petro, verum etiam a successoribus ejus tradita ac definita, quæ ratione primatus ad ipsos traducti eodem jure cogit omnes ad unitatem, ac coegbat fides Petri; & idcirco quod S. Irenæus dixit neces-

se esse omnes undique fideles convenire cum Romana fide, idem est ac dicere necesse esse omnes convenire cum fide, quam Romani Pontifices ex officio tradunt atque definiunt: si hæc inquam, & alia ejusdem generis, quæ ex præmissis fluunt, vera sunt, & consequenter verum est, dogmaticas eorumdem Pontificum definitiones cingere totam Ecclesiam ad assentiendum eisdem, & ad ejusdem fidei unitatem omnino præstandam; quis non videat, ejusmodi definitiones debere esse infallibiles? Bossuetus ser-  
*Lib. 15. Variat n. 3.*  
 monem faciens de doctrina Ecclesiæ catholicæ hoc principium certissimum quarto loco ponit; *non licere discedere ab ejus Ecclesiæ doctrina idem esse aliis verbis ac dicere eam doctrinam esse infallibilem.* Similiter igitur fateri necessarium esse convenire & non deferere unitatem cum definitionibus, seu doctrina fidei Romanorum Pontificum idem est ac fateri hanc esse infallibilem. Enimvero si qua ejusmodi definitio esse posset erronea; Ecclesia, quæ ad unitatem ejusdem fidei ratione primatus cogitur, cogeretur ad assentiendum errori, quod ex promissis Christi Ecclesiæ factis est impossibile. Vel ergo negandum est primatus sui præcipuum non respicere unitatem Ecclesiæ cum fide Petri & successorum ejus, quod ex Scriptura ac traditione ipsi adversarii concedere ac fateri compulsi sunt: vel si hoc extra dubium est; definitionum, quæ in unitatis bonum a Romanis Pontificibus prodeuntes vi coactiva præditæ sunt, inerrantia in dubium revocari non potest. Videant ergo adversarii, num cum laudatis principiis, quæ ipsi quoque consitentur, cohæreant; quando concessis principiis inerrantiæ seu infallibilitatis consequentiam ceteroquin legitimam ac necessariam impugnant.

4. Neque vero hanc incohærentiam se declinare existiment, eo quod fateantur necesse quidem esse omnes Christianos convenire cum fide Romanæ sedis seu ecclesiæ, (1) quam erroris expertem & infallibilem agnoscunt; non vero convenire etiam cum fide, quam definiunt summi Pontifici-

Inane adversariorum  
 esugium re-  
 jectum.

(1) Vide Launojum part. 5. epist. 2. ad Antonium Varrill. Nicolii instructionem in

articulum 10. symboli c. 10. Dupinum *De antiq. Eccles. disciplina* c. 2. &c.



tifices, quibus tantummodo infallibilitatem denegant. Hæc enim distinctio inter Romanam sedem, aut ecclesiam & Romanos Pontifices, cum de doctrina fidei & de jure cogendi ad fidei unitatem agitur, ex principiis jam constitutis ita refellitur, ut qui eam obtrudunt, cum iisdem principiis per ipsos quoque concessis haud concordantes, in idem incohærentiæ vitium recidant, quod vitare contendunt. Enimvero cur, rogo, necessarium esse fatentur, omnes Christianos convenire, seu unitatem servare cum Romanæ sedis & ecclesiæ fide, hancque prærogativam soli Romanæ & nulli alii particulari ecclesiæ vel sedi attribuunt? Utique *propter potentiorum principalem* respondebunt cum S. Irenæo, idest propter primum ejus unius proprium, qui quidem ob unitatem potissimum fidei conservandam institutus, vi cogendi præditus ipsam necessitatem conveniendi in fide omnibus vere Christianis imponit. Quæ autem vis ac prærogativa Romanæ sedi, aut ecclesiæ propter primum concedenda est, Romanis Pontificibus competit, in quibus tantum est tota ratio primatus, ita ut neminem in eo confortem, aut coadjutorem requirat, ut pluribus explicavimus & constituimus capite præcedenti §. 5. Fides ergo Romanæ sedis vel ecclesiæ, quæ eam conveniendi necessitatem affert ratione primatus, alia non est nisi fides a Romanis Pontificibus tradita, & in unitatis bonum, cum opus est, ex ejusdem primatus officio ac jure definita. Qui igitur apertissimis traditionis testimoniis convicti, necessarium fatentur convenire cum Romanæ sedis, seu ecclesiæ fide, necessarium quoque fateri debent cum doctrina fidei a Romanis Pontificibus proposita seu definita convenire; ac propterea infallibilem agnoscant oportet eam, quam iidem proponunt definiuntque doctrinam fidei, quæ eadem est ac Romanæ sedis & ecclesiæ doctrina ac fides, cum qua totam Ecclesiam convenire necesse est. Si quis adversariorum in hoc adhuc repugnet, quomodo cum concessis principiis concordet, non video.

## §. II.

*Antiquorum traditio Christi promissionibus innixa, eandem infallibilitatem atque inerrantiam satis declarat. Patrum testimonia deducta ex illa Christi promissione: Portæ inferi non prævalebunt adversus eam.*

5. Quid refert, si apud antiquos, quos adversarij jure laudant, hæc quæstio ex proposito discussa non legitur, num Romani Pontifices in definiendis controversiis fidei sint infallibiles? Idcirco enim id apud ipsos non legitur, quia nemo id in dubium & quæstionem adduxit. Certam verò apud antiquos viguisse sententiam, Pontificias ejusmodi definitiones per se se errori non fuisse obnoxias ex certis Christi promissis, duo præsertim probationum genera ex antiquis petita prorsus evincunt. Vulgatissima est illa promissio Christi, qua postquam affirmavit se ædificaturum Ecclesiam supra S. Petri Confessionem, seu fidem, quam \* *Vid. c. 12.*  
*petræ nomine designavit, spondit, & portæ inferi non præ-*  
*valebunt adversus eam.* Ipsum *petræ* vocabulum firmitatem soliditatemque indeficientem ejusdem fidei indicat; ex quo plures Patres eandem soliditatem, quæ in Petri fide fuit, ad successores ejus transisse affirmarunt. Hinc S. Leo, *Soliditas illius fidei, inquit, quæ in Apostolorum Principe est lauda-* *Serm. 3. al.*  
*ta, perpetua est; & sicut permanet quod in Christo Petrus cre-* *2. c. 2.*  
*didit, ita permanet, quod in Petro Christus instituit.* Et recitato Evangelico textu, *Super hanc petram &c.* concludit: *Ma-* *Serm. 5. al.*  
*net ergo dispositio veritatis, & B. Petrus in accepta fortitudine* *4. c. 4.*  
*petræ perseverans, suscepta Ecclesiæ gubernacula non reliquit.* Et alibi: *Soliditas enim illa, quam de petra Christo etiam ipse (Pe-*  
*trus) petra factus accepit, in suos quoque se transfudit hæredes.* Tanta autem, ac tam indeficiens soliditas Romanæ fidei, quæ a S. Petro in successores ejus Romanos Pontifices transfusa est, debetur illi promissioni Christi: *Et portæ inferi non prævalebunt adversus eam.* Hæc quidem verba proprie referri ad eam petram, supra quam Christus Ecclesiam ædificandam constituit, ex obvio contextus sensu manifestum est. *Petræ* autem nomine significatam S. Petri confessionem ac fidem, quam prædicans fundamentum jecit Ecclesiæ, ex  
*Ballerinijs de Primatu RR. PP. L I Patrum*

Patrum traditione probavimus cap. 12. §. 1. Cum itaque Christus super hanc Petri fidem, cujus depositum in Romana sede reliquit, & ad successores transmisit, suam Ecclesiam ædificari vellet; ut hoc ædificium in hujus fidei fundamento firmum consisteret, *petra* soliditatem eidem fidei attributum iri promisit, contra quam portæ inferi non prævalebunt: cumque hoc ædificium perpetuo esset duraturum, eidem fidei perpetua soliditas attribuenda erat, contra quam inferorum portæ non prævalerent, non solum quoad S. Petrus viveret, verum etiam sub successoribus ejus, ne sub his nutante eo fidei fundamento, & contra hoc prævalentibus portis inferni, contra ipsum ædificium Ecclesiæ eidem fundamento innixum prævalerent. Ita illa Christi verba, & *portæ inferi non prævalebunt adversus eam*; dum fundamenti stabilitati prospiciunt, ipsi quoque prospiciunt Ecclesiæ; ac propterea ad utrumque commode referri queunt, uti sane a Patribus nunc ad petram, seu ad fidem Petri & successorum referuntur, nunc ad ipsam Ecclesiam, ne duæ istæ interpretationes invicem pugnare credantur, aut una alteram iudicetur destruere: unde Origenes utraque explanatione proposita, utramque veram asseruit: *Nec enim*, inquit, *adversus petram, supra quam Christus Ecclesiam ædificat, nec adversus Ecclesiam portæ inferi prævalebunt.*

In cap. 16.  
Matth. t. 2.  
edit. Huet. p.  
276.

6. Profero jam selectiora Patrum testimonia, quibus illa promissio Christi refertur ad Petrum, seu ad Petri fidem, quæ in ejus successoribus æque stabilis eodem privilegio fruitur.

S. Hilarius Petri fidem laudans lib. 6. de Trinit. c. 37. *Hæc fides*, ait, *Ecclesiæ fundamentum est. Per hanc fidem infirmæ adversus eam sunt portæ inferorum.* quibus illa, & *portæ inferi non prævalebunt adversus eam*, ideo ad Ecclesiam pertinere innuit, quia non prævalebunt adversus fidem Petri; necesse enim omnino est, ne portæ inferi prævaleant contra eam fidem, per quam fiet, ne adversus Ecclesiam prævaleant. Cum nimirum Ecclesia super Petri fidem ædificata, ipsi tamquam fundamento ex Christi institutione debeat adhærere & incumbere; tuta non esset ab inferi portis, nisi hoc fundamentum ab iisdem nihil metueret.

S. Ambrosius de Incarnat. c. 5. n. 34. cum Petri fidem agnoscat fundamentum Ecclesiæ, ipsam contra omnes hæreses debere prævalere affirmat hac ratione: *Non enim de carne*

*carne Petri, sed de fide dictum est, quia portæ mortis ei non prævalebunt.*

S. Augustinus in *Psalmo contra partem Donati* Romanorum Pontificum serie laudata scribens, *ipsa est petra, quam non vincunt superba inferorum portæ, non ad unum Petrum, sed ad successores etiam ipsius in Romana sede eam Christi promissionem pertinere ostendit. Id quidem affirmavit probaturus nullum Donatistam in illo ordine fuisse; quod recte consequitur, quia cum Romani Pontifices successores S. Petri, non minus quam Petrus, sint illa petra, contra quam inferorum portæ non prævalebunt; fieri non potuit, ut inter illos quispiam Donatistarum schisma & errores propugnans irreperet.*

S. Cyrillus Alexandrinus lib. 4. de Trinit. exponens locum Matthæi c. 16. *Tu es Petrus, & super hanc petram &c.* ait: *Petram opinor, nihil aliud, quam inconcussam & firmissimam discipuli fidem vocavit, in qua ecclesia ita fundata & firmata esset, ut non laberetur, & esset inexpugnabilis inferorum portis.*

S. Leo epist. IV. ad Episcopos Gallicanos provincie Viennensis cap. I. *Hunc (S. Petrum), inquit, in consortium individue unitatis assumptum, id quod ipse (Christus) erat, voluit nominari dicendo: Tu es Petrus & super hanc petram ædificabo Ecclesiam, ut æterni templi ædificatio mirabili munere gratiæ Dei in Petri soliditate confisteret, hac Ecclesiam suam firmitate corroborans, ut illam nec humana temeritas posset appetere, nec portæ contra illam inferi prævalerent: ubi soliditatem Ecclesiæ, contra quam portæ inferi non prævalebunt, ex Petri firmitate deducit. Quod item confirmans serm. 52. novæ editionis c. 1. Petri fide commemorata, Tantum, ait, in hac fidei sublimitate complacuit, ut . . . sacram inviolabilis petræ acciperet firmitatem, supra quam fundata Ecclesia, portis inferi & mortis legibus prævaleret. Et serm. 83. c. 2. Christi verba, Et super hanc petram ædificabo Ecclesiam meam, & portæ inferi non prævalebunt adversus eam, sic exposuit: Super hanc inquit Christus, fortitudinem æternum exstruam templum, & Ecclesiæ meæ cælo inferenda sublimitas in hujus fidei firmitate consurget. Hanc confessionem inferi portæ non tenebunt.*

Cum his concinit vetustissimum Sacramentarium Romanum, quod S. Leoni primo attributum, in nova Leonis editione recudimus. In prima enim oratione Missæ XVII.

Confer, quæ de Leonis mente plenius exposuimus cap. 13. §. 12.

1. 2. *I. con. diei festi sanctorum Petri & Pauli hæc leguntur. Deus, qui oper. p. 42. Ecclesiam tuam in Apostolica soliditate fundatam ab inferorum eruis terrore portarum. Et similiter in præfatione Missæ XXI. festi ejusdem: Tui enim muneris tuæque virtutis est, ut Ecclesia tua in Apostolica soliditate fundata, infernarum non vincatur terrore portarum.*

*tom. 5. Concil. Ven. edit. Coleti col. 98. c.* Simplicius Papa epist. 4. ad Zenonem Augustum eandem Christi promissionem, non ad solius Petri, sed etiam ad successorum ejus Romanorum Pontificum fidem extendi testatur. *Perstat enim, inquit, in successoribus suis hæc & eadem Apostolica norma doctrinæ . . . cui Dominus . . . se usque ad finem sæculi minime defuturum, cui portas inferi nunquam: prævalituras esse promisit.*

*Ibid. col. 297. c.* S. Gelasius in Commonitorio ad Faustum: *Cogitantes Christi vocem non esse superfluum, quæ confessioni B. Petri Apostoli inferni portas nunquam prævalituras asseruit. Idem habet in epist. I. ad Euphemium. Ne autem id solius Petri confessioni, seu fidei concessum credatur, legi poterit epistola 14. ipsius ad Acacium, in qua S. Petrum, qui Romæ requiescit, Romanæ sedis, idest successoribus suis in eadem sede, istud præstitisse affirmat, ut a portis inferi nunquam pro Domini promissione vincatur.*

*pag. 10. cap. 2. tit. 1.* In Romano Diurno, quem P. Garnerius edidit, proferitur vetus formula litterarum Romani Cleri ad *Exarchum* de morte Pontificis, in qua de Romana Ecclesia scribunt, se confugisse ad Christum, ut ipse dignetur dare illi rectorem, a quo fundata est, qui etiam est pollicitus non ei prævalere portas inferi.

Concordat inter Græcos Patres S. Theodorus Studita lib. 2. epist. 63. ad Neucratium, ubi mentionem faciens Apostolicæ sedis, in qua Christus claves posuit fidei, hæc addit: *Adversus quam (fidem in ea depositam) non prævaluerunt hætenus, nec prævalebunt usque ad consummationem portæ inferi, ora scilicet hæreticorum, sicut pollicitus est ille, qui non mentitur.* Hinc nihil mirum debet accidere, si idem Sanctus ex hac Romana fide Christi promissis firmata in gravissimis dissensionibus inter catholicos derivandam scripserit certitudinem fidei. Eodem nimirum libro 2. epist. 129. ad Leonem Sacellarium scribens de quæstione circa cultum sacrarum imaginum, quæ Græcos diviserat, si ad partes conciliandas generalis synodus convocari non posset, *Mittenda est, inquit, ad*

ad Romanum ex utraque parte legatio, & inde fidei accipienda est certitudo: ea scilicet pars certa erit se tenere veram fidem, quæ suam fidem cum Romanâ consentientem, aut a Romana sede approbatam inveniet.

Ne prolixior sim, omitto testimonia Leonis IX. ex epist. 9. ad Michaellem Cerularium cap. 7. Innocentii III. S. Anselmi Lucensis, Menologii Armeni, S. Brunonis Altenfis, Cardinalis Bessarionis, & aliorum, qui eadem Christi verba, & portæ inferi &c. ad S. Petrum, vel ad ejus fidem, aut ad Romanam sedem referunt. Quæ hactenus ex antiquis retulimus, sufficere debent.

7. Ex hac prima Christi promissione quatenus infallibilitas Romanorum Pontificum definitionibus asserenda sit, quis non intelligat? Si enim Ecclesiæ infallibilitatem ipsi quoque adversarii ex eo colligunt, quia Christus promisit fore, ne contra eam inferi portæ prævaleant; nonne exinde pariter deducenda est infallibilitas fidei a Romana Sede propositæ, cum eadem Christi promissio ex Patrum traditione & contextu ipso Evangelico referenda sit ad eam fidei petram, cui tota Ecclesia superstructa est? Præclare in hanc sententiam S. Franciscus Salesius in opere ms. contra hæreticos Gallicæ lingua exarato, quod in \* Bibliotheca Chigiana custoditum inscribitur: *De l' autorité & primauté de S. Pierre & des souverains Pontifes ses successeurs*. Recitato enim textu, *Tu es Petrus* &c. verbis illis & portæ inferi &c. quæ ad petram refert, hoc commentarium subiicit. *Par ces paroles Nostre Seigneur montre la perpétuité & immobilité de ce fondement. La pierre, sur la quelle en releve l' edifice, c' est la premiere: les autres s' affermissent sur elle. On peut bien renuer les autres pierres sans ruiner l' edifice; mais qui leve la fondamentale, renvers la maison. Si doncque les portes d' enfer ne peuvent rien contre l' Eglise, elles ne peuvent rien contre son fondement, & Chef, le quel elles ne sauroient lever & renverser, qu' elles ne mettent sens dessus dessous tout le bastiment. Idest: His verbis Dominus noster hujus fundamenti perpetuitatem & immobilitatem ostendit. Petra, supra quam constructum est ædificium, primaria est: ceteræ supra ipsam consistunt. Fieri quidem potest, ut dimoveantur, & corruant alii lapides absque ædificii ruina: at qui fundamentum submovet, ædificium subvertit. Si ergo portæ inferi nihil possunt contra Ecclesiam; nihil possunt contra ejus fundamentum & Caput, quod ipsæ non possent submovere & evertere, quin totum subverterent ædificium.*

\* Ibi phote  
A. ms. 74.



## §. III.

*De altera Christi promissione Petro facta, Oravi pro te, ut non deficiat fides tua &c. quid Patres tradiderint, unde adstruenda est Romanorum Pontificum inerrantia.*

3. Alterum promissum Christi exhibetur illis ejus ver-  
*Luc. 22. v. 32.* bis, quibus postquam de communi omnium discipulorum  
 tentatione & periculo monuit, *Ecce satanas expetivit vos, ut  
 cribraret sicut triticum, remedium subjecit ex fide Petri, pro  
 qua se orasse ait, ne deficeret, ut fide sua alios confirmans,  
 omnes diaboli molitiones irritæ fierent: Ego autem oravi pro  
 te, ut non deficiat fides tua, & tu aliquando conversus confirma  
 fratres tuos.* De hoc textu in vim cogendæ & conservandæ  
 unitatis omnium Christi fidelium non solum cum fide Petri,  
 verum etiam cum fide successorum ejus, vide quæ disserui-  
 mus cap. 12. §. 2. Nunc ad infallibilitatem & inerrantiam  
 quod attinet, ut aliquid dicam, certum est, hunc textum,  
 qui in conservationem unitatis fidei idoneum remedium præ-  
 scribit eorum scandalorum, quæ ad discindendam eam uni-  
 tatem diabolus excitaturus esset in Ecclesia, non minus ad  
 Petrum esse referendum, quam ad successores ejus, quibus  
 sane vi hujus mandati onus incumbere confirmandi fratres  
 in fide, Patrum traditio & adversarii quoque fatentur ipso  
*hb. 10. al. 15. Defens. declar. c. 3.* testante Bossueto: *Hoc ergo ex officio Petrus habet, hoc Petri  
 successores in Petro acceperunt, ut fra res confirmare jubeantur.*  
 Si autem ea pars textus recitati, qua Christus jussit Petrum  
 confirmare fratres in fide, ad Romanos quoque Pontifices Pe-  
 tri successores ob vindicandam custodiendamque in tota Ec-  
 clesia fidei unitatem ratione primatus pertinet; ad ipsos etiam  
 referenda est pars alia, *Ego autem oravi pro te, ut non de-  
 ficiat fides tua:* quæ in gratiam laudati præcepti de confir-  
 mandis fratribus præmissa fuit; cum præsertim hujus reme-  
 dii major sub Petri successoribus, quam sub Petro, necessi-  
 tas futura esset, ut vel Bossuetus, quem loco memorato lau-  
 davimus, confessus est.

9. Aliis quidem Episcopis idem confirmandi officium  
 commissum, si quando suis in ecclesiis aliquod scandalum  
 contra fidei unitatem excitaretur; nec tamen idcirco pro cu-  
 jusque

jusque Episcopi fide ita orasse Christus dicendus est, ne deficiat, ut pro fide Petri oravit; nec exinde cuique Episcopo infallibilitas asseri potest. Magnum siquidem est inter alios Episcopos & Romanos Pontifices discrimen. Cum illi singularibus præsint ecclesiis, si in fide deficerent, in errorem non traherent totam Ecclesiam; ac propterea infallibilitatis promissio totam Ecclesiam respiciens, ipsis necessaria non fuit. At Romani Pontifices cum non minus quam Petrus, ex primatu universæ præsint Ecclesiæ, & in periculis fidei unitatem ejusdem fidei debeant in ea tueri & continere confirmandorum fratrum officio: quod dum ex jurisdictione sibi competente & in finem primatus necessaria exercent, non sine vi coactiva unitatis exercent: si deficerent in fide, in errorem traherent totam Ecclesiam, quæ jure primatus ipsorum fidei debet adhærere; ac idcirco ne & ipsi deficerent in fide, oratio Christi interposita dicenda est. Evangelicus quidem textus specialem rationem pro fide Petri a Christo habitam præfert. Etsi enim is ad omnes Apostolos loqueretur, & de tentatione omnibus communi ageret; *Satan expetivit, ut cribraret VOS*; huic tamen omnium periculo prospecturus, pro Petri fide, ne deficeret, se orasse subjiciens, hanc promissionem ad solius Petri personam speciali primatus ratione referendam significavit, ut monuit S. Leo serm. 4. al. 3. c. 3. ubi recitato testimonio Evangelico; *Ego oravi pro te &c.* hanc observationem explicationemque subtexuit. *Commune erat omnibus Apostolis periculum de tentatione formidinis, & divina protectionis auxilio pariter indigebant, quoniam diabolus omnes exagitare, omnes cupiebat elidere: & tamen (1) specialis*

---

(1) Cum his concinit etiam Bossuetus in *Meditationibus* super Evangelium die 70. Sic enim Christi verba explicat. *Satan expetivit, ut cribraret vos: ego autem, Petre, oravi pro te, pro te specialim, pro te distincte, non quod alios nelexerit, sed, ut explicant Sancti Patres, quia firmato capite impedire volebat, ne membra nutarent. Quem in finem paulo post declarat, S. Pe-*

*trum ob orationem Christi recepisse fidem constantem, invincibilem, inconcussam, & ita abundantem, ut ipsa apta fuerit ad confirmandum non solum alios fideles, sed etiam fratres suos Apostolos & pastores gregis. Hæc autem ad primatum pertinere, qui ad successores transiit, & exinde Romanam fidem invincibilem efficere; adstruit in Meditatione diei 72.*

lis a Domino Petri cura suscipitur, & pro fide Petri proprie supplicatur; tamquam aliorum status certior sit futurus, si mens **PRINCIPIS** victa non fuerit. Quæ ratio ex primatu S. Petri ducta, ut vox *Principis* indicat, cum aliis Petri successoribus sit communis, ad ipsos quoque eundem orationis Christi effectum transisse non est dubitandum; adeo ut cum Christus proprie supplicavit pro Petri fide, pro fide quoque successorum ejus, in quibus vivit & loquitur S. Petrus, proprie supplicarit, tamquam aliorum totius orbis fidelium & Episcoporum status certior sit futurus, si mens *Principis* successoris S. Petri victa non fuerit: quod aliis Episcopis aliorum Apostolorum successoribus singillatim non competit.

10. Hinc sicut jure non minus præceptum confirmandi fratres, quam Christi orationem pro Petri fide, idest totum Evangelicum textum de Petro, Romanis Pontificibus ejus suc-

(1) *epist. 14. t. 5. Concil. col. 341.* Vitalianus, & (2) Hadrianus I. Pontifices; ita pariter ex eadem oratione & promissione Christi pro indefectibilitate &

(2) *epist. 5. ad Eliam. t. 6. Concil. col. 426.* inerrantia fidei Petri, inerrantiam & indefectibilitatem Romanæ sedis, seu Romanorum Pontificum in doctrina fidei collegerunt S. Agatho in epistola ad Imperatorem Constantinum, quæ in sexta synodo œcumenica a Patribus susce-

(3) *epist. ad Paulum Episc. Cretensem.*pta & approbata fuit, S. Leo IX. in epist. ad Petrum Antiochenum, \* Arnulfus Historiæ Mediolanensis lib. 5. c. 7. Paschalis II. in Concilio Lateranensi \* apud Urspergensem;

(4) *epist. ad Carolum Regem.* & Innocentius III. in litteris ad Patriarcham Cp. apud Bosquetum in *Gestis* ejusdem Pontificis pag. 41. Concordant

\* *tom. 4. Rev. Ital. col. 43. a.* Sancti Ecclesiæ Patres, qui cum confirmandi præceptum Petro impositum ad Romanos etiam Pontifices ejus succes-

\* *t. 12. Concil. Ven. edit. col. 1227.*sores extenderunt; orationem quoque Christi pro fide Petri, ne deficiat, ut fratres tute confirmaret ad illorum pariter fidem, dum confirmandi officio & præcepto satisfaciunt,

referri præsumserunt, uti ex vetustiorum utique Patrum traditione expresse inter ceteros declaravit S. Bernardus epist.

190. al. opusc. XI. ad Innocentium II. Oportet, ait, ad vestrum referre Apostolatum pericula quæque & scandala emergentia in regno Dei, & præcipue quæ de fide coniungunt. Dignum namque arbitror ibi potissimum resarciri damna fidei, ubi non possit fides sentire defectum. Hæc quidem hujus prærogativa sedis. Cui enim alteri aliquando dictum est. Ego pro te rogavi,

Petre, ut non deficiat fides tua? Ergo quod sequitur, a Petri

t. 1. edit Ver. Mabil. col. 449. c.

*Petri successore exigitur: Et tu aliquando conversus confirma fratres tuos.* " Vides confirmandi officium in Petri persona Romanis Pontificibus impositum, non disjungi a Christi promissione, ob quam certum præmiserat, in Romana sede non posse fidem sentire defectum? Quod utrumque paucis complexus venerabilis Guido Majoris Cartusie Prior in litteris ad eundem Pontificem \* tomo 3. Operum S. Bernardi insertis, sedis Apostolicæ fidem atque constantiam, ipso, qui eam dedit prædicente, & prædicendo roborante (Christi promissionem Petro factam respicit) non solum non defecturum, sed & aliorum confirmaturam scripsit. Et S. Anselmus Episcopus Lucensis in opusculo adversus Guibertum: Cum pro fide Petri, ne deficiat, a Christo oratum sit; unius Romani Patriarchæ fides, in qua fratres suos confirmet, nunquam deficit. col. 1164. 2.

12. Hanc traditionem Patrum exceperunt Scholastici, inter quos satis erit audire testimonium Angelici doctoris S. Thomæ Aquinatis, qui in caput 6. Matthæi Christi orationem S. Petri ecclesiæ aptans, *Sola Petri ecclesia:* inquit, *inviolata permansit; unde Luca 22. Ego rogavi pro te &c. Et 2. 2. quæst. 1. a. 10. id summo Pontifici necessarium fuisse insinuans, ut ad fidei unitatem omnes tute cogeret, ait: Dominus Luca 22. Petro dixit, quem summum Pontificem constituit, Ego pro te rogavi &c. Et hujus ratio est, quia UNA FIDES debet esse totius Ecclesiæ secundum illud 1. Cor. 1. Idipsum dicatis omnes, & non sint in vobis schismata: quod servari non posset, nisi quæstio fidei exorta determinetur per eum, qui toti Ecclesiæ præst, ut sic ejus sententia a tota Ecclesia firmiter teneatur.* Concinit vetustior auctor Gallicanus Iacobus Cardinalis de Vitriaco in Historia Orientali cap. 75. inquit: Cum super hanc petram, pro qua Dominus rogavit, ut non deficeret fides ejus, post Christum adificata sit & fundata Christi Ecclesia &c. Neque dissentiant Episcopi Galli, qui anno 1653. loquentes de vetustissimo more referendi causas majores, præsertim fidei, ad sedem Apostolicam, dum scripserunt ad Innocentium X. Quem (morem) fides Petri nunquam deficiens, perpetuo retineri pro jure suo postulat; verbis nunquam deficiens orationem & promissionem Christi Petro factam, ad successores quoque ejus propagatam respexere. Quod clarius explicarunt triginta ex iisdem Episcopis, cum paulo post in litteris ad eundem Pontificem affirmarunt. sum-  
Ballerinius de Primatu RR. PP. M m morum

morum Apostolicæ sedis Antistitum decreta circa fidem di-  
 vina aque ac summa per universam Ecclesiam auctoritate mili-  
 idque deduxerunt ex Christi Domini nostri pollicitatione Petro sa-  
 cta, ex illis scilicet verbis pravi pro te &c. quam utique senten-  
 tiam ex antiquorum traditione susceperunt. Antiqui igitur  
 cum Romanorum Pontificum, seu Romanæ ecclesiæ fidem  
 illam habuerint, contra quam portæ inferi non prævalerunt, &  
 pro qua Christus oravit, ne deficeret; nonne eam ex me-  
 moratis Christi promissis esse infallibilem credidisse satis aper-  
 te declarasse dicendi sunt? Id expresse collegit S. Franciscus  
 Salesius, cum in ms. opere, quod in Bibliotheca Chigiana  
 Romæ inventi, cap. 10. consideratis periculis fidei, quæ  
 cum identidem incidant, remedio semper prompto, & in-  
 fallibili indigent, scriptum reliquit: *L' Eglise a toujours beso-  
 in d' un confirmator infaillible, en quel on puisse s' adresser, d' un  
 fondement que les portes d' enfer, & principalement l' erreur ne  
 puisse renverser, & que son pasteur ne puisse conduire a l' erreur  
 ses enfans. Les successeurs doncque de S. Pierre ont tous ces me-  
 mes privileges, qui ne suivent pas la persone, mais la dignité &  
 la charge publique. idest: Ecclesia semper eget confirmatore in-  
 fallibili, ad quem confugere liceat, & fundamento, quod portæ  
 inferi, & præcipue error nequeat subvertere, & pastore, qui  
 suos filios ad errorem ducere nequaquam possit. Succesores ergo S.  
 Petri his omnibus privilegiis potiuntur, quæ non personæ (ita sci-  
 licet ut cum persona intereant) sed dignitatis & muneris pu-  
 blici (ad successores traducti) privilegia sunt. In his verbis  
 cum voces confirmatoris, & fundamenti ad ea duo Evangeli-  
 ca loca Romanis Pontificibus aptata referuntur, quæ duas  
 infallibilitatis promissiones continent; tum vero infallibilita-  
 tem eorundem in definitionibus fidei ex iisdem promissis  
 Christi agnitam manifestissime adstruunt; unde etiam in  
 sermonibus de quibusdam controversiis part. 3. ferm. 10.  
 idem Sanctus summum Pontificem Christi Vicarium & inter-  
 pretem infallibilem vocat.*

Ms. in Pluteo  
 A. n. 71.  
 pag. 42.





## § IV.

*Traditio Patrum de indefectibilitate & integritate constanti fidei in Romana cathedra.*

13. Hinc quidem Apostolicam fidem numquam defecisse in cathedra atque ecclesia Romana, intemeratamque semper fuisse custoditam perpetua Patrum traditio docuit. S. Irenæus, postquam affirmavit necesse esse, omnes undique fideles convenire cum Romanæ ecclesiæ fide; addidit: *In qua semper ab iis, qui sunt undique conservata est ea, quæ ab Apostolis est traditio.*

S. Cyprianus epist. 55. cum Pontifici & Clero Romano nihil se metuere affirmavit a Novatianorum fraudibus, qui ausi fuerant navigare ad Petri cathedram & ecclesiam principalem, unde unitas Sacerdotalis orta est; hanc veluti rationem adjecit: *Eos esse Romanos, quorum fides Apostolo prædicante laudata est, ad quos perfidia habere non possit accessum. Non dixit tantum non habet accessum, sed habere non possit. Censuit itaque Romanam fidem non solum non defecisse umquam, sed nec posse deficere.* Confer, quæ in hunc textum animadvertimus cap. 13. n. 15. ubi etiam objectum resistantiæ ejusdem Sancti contra decretum Stephani de non rebaptizandis venientibus ab hæresi, vel schismate disjecimus.

S. Hieronymus lib. 2. in Rufinum n. 12. Romanam fidem, quam laudavit S. Paulus, nec decipi, nec mutari posse pronuntiavit. *Scito Romanam fidem Apostolica voce laudatam istiusmodi præstigiis non recipere. Etiam si angelus aliter annuntiet, quam semel prædicatum est; Pauli auctoritate munitam non POSSE mutari.* In epistola ad Damasum scribens, *Apud vos solos incorrupta Patrum servatur hereditas, fidem a Petro & successoribus traditam in Romana sede tantum incorrupte custoditam significat.*

Bachiarius in Apologia de fide, quam Muratorius vulgavit, eandem Romanæ cathedræ indefectibilitatem in fide testatur. *Si pro culpa unius totius provincie anathema izanita generatio est; damnetur & illa beatissima discipula, hoc est, Roma, de qua nunc non una, sed duæ, vel tris, aut eo amplius*



*hæreses pullularunt; Et tamen nulla earum cathedram Petri, hoc est, sedem fidei aut tenere potuit, aut movere.*

Theodoretus epist. 116. ad Renatum Romanæ ecclesiæ presbyterum intemeratam & incorruptam Romanæ sedis fidem ex primatu eliciens, scripsit: *Habet sanctissima illa fides ecclesiarum, quæ in toto sunt orbe, principatum multis nominibus: atque ante hæc omnia quod ab hæretica labe immunis mansit, nec ullus fidei contraria sentiens in ea sedit, sed Apostolicam gratiam integram conservavit.*

Id persuasum fuisse antiquæ Romanæ ecclesiæ liquet ex vetustissimo Sacramentario Leonis nomine in priori editione inscripto, ubi hæc præfatio legitur in Missa IX. diei natalis SS. Petri & Pauli: *Tui est operis, tuæque virtutis, ut Beatorum Apostolorum Petri & Pauli gloriosa confessio nec capiatur umquam falsis, nec perturbetur adversis; sed cælestis eruditio sicut per eos ab ipsa veritate suscepta posterisque mandata est, ita iidem suffragantibus intemerata perduret.*

Sanctus quoque Gelasius in epist. 8. ad Imperatorem Anastasium inquit, *Hoc est, quod sedes Apostolica maxime odvet, ut quia mundo radix est (idest centrum unitatis fidei) Apostoli gloriosa confessio, nulla rima pravitatis, nulla propterea contagione maculetur. Nam si (quod Deus avertat, quod fieri non posse confidimus) tale aliquid proveniret; unde cuiquam resistere auderem errori? vel unde correctionem errantibus posceremus? Nonne verbis, quod fieri non posse (1) confidimus, indefectibilitatem in fide certissimam prætulit?*

Neque

(1) Hunc Gelasii textum Rosfuetus lib. 10. al. 15. *Defensio* c. 9. part. 2. pag. 199. eludere nititur affirmans verbum *confidimus* designare quidem *pium votum, piam fiduciam*, ne aliquid tale contingat, non vero certitudinem. Cum S. Paulus scripsit 1. Cor. 2. 7. *Puto autem quod & ego spiritum Dei habeam: num ex verbo puto opinionem tantum & fiduciam, non autem certitudinem divini Spiritus i. Paulo loquentis scribentisque quis-*

*piam colliget?* Gelasium vero ea de re veram certitudinem gessisse quis dubitet, cum indefectibilitatem Romanæ sedis & Pontificum Romanorum in fide duobus Christi promissionibus innixam tradiderit aliis in epistolis quas ante memoravimus n. 6. & 10. Cavendum itaque, ne aliz similes, vel etiam moderiores aliorum Pontificum de eo privilegioloquentium formulæ, quæ a modestia proficiscuntur, in argumentum incertitudinis transferantur.

Neque hæc constans traditio excidit sub Hormisdæ Pontifice, quippe qui eam professionem ab Orientalibus subscribendam direxit, in qua id aperte asseritur & ad Christi promissa refertur. *Prima salus est rectæ fidei regulam, custodire & a Patrum traditione non deviare. Quia non potest Domini nostri Jesu Christi prætermitti sententia dicentis, Tu es Petrus, & super hæc Petram ædificabo Ecclesiam meam. Hæc, quæ dicta sunt, rerum probantur effectibus; quia in sede Apostolica inviolabilis semper catholica servatur religio. Hæc autem ipsa professio a cunctis Orientis Episcopis subsignata, & a Justiniano etiam Imperatore ad Agapetum missa, nec non totidem verbis expressa & recepta legitur in concilio generali VIII. ut certum sit (utur \* Bossueti ver- \* Lib. 10. ad. his) hanc formulam in tota Ecclesia catholica comprobata, 15. Defens. omnesque ecclesias subsignata formula professas... sedis Apostolicæ & ecclesiæ Romanæ fidem integræ & perfectæ soliditate constare, ac ne umquam deficiat, CERTA Domini POLLICITATIONE firmatam. Illam igitur propositionem, in sede Apostolicâ inviolabilis semper catholica servatur religio, insertam formulæ fidei ubique diffusæ, omnibus sæculis propagatæ, ab œcumenico concilio consecratæ quis respuat Christianus? Sunt pariter laudati Bossueti verba. Confer, quæ in hanc celebrem fidei professionem diximus cap. 13. n. 82.*

Sextâ quoque generalis synodus Agathonis litteras recepit tamquam a Spiritu sancto dictatas, & S. Petri manu scriptas, in quibus de sede Apostolica traditur: *Numquam a via veritatis in qualibet erroris parte deflexa est, & a tramite Apostolicæ traditionis nunquam errasse probabitur, nec hæreticis pravitatibus depravata succubuit; sed ut ab exordio fidei Christianæ percepit ab auctoribus suis Apostolorum Christi principibus, ilibata sine tenus permanet, idque secundum ipsius Domini Salvatoris divinam pollicitationem; qui fidem Petri non defuturam promisit: eo nimirum textu Oravi prote, &c. quem totidem verbis recitavit. Hæc autem verba concilii Patres Lib. 7. al. 12. audisse & suscepisse Bossuetus fatetur. Defens. c. 24.*

Post tam illustria & antiqua testimonia, quæ vetustam traditionem abunde comprobant, alia atque alia permulta subsequenter sæculorum, quæ eandem traditionem ad nos usque perductam ostendunt, addere superfluum existimo. Hæc vero omnia, ex quibus exploratum sit antiquos tradidisse catholicam fidem semper intemeratam fuisse custodi-

tam in sede S. Petri & in Ecclesia Romana, hancque prærogativam retulisse in duo illa Christi promissa, *Et porta inferi non prævalebit* &c. *Ego autem oravi pro te* &c. nonne satis superque demonstrant, eos credidisse Romanos Pontifices in tradendis fidei dogmatibus esse infallibiles?

## §. V.

*Effugia Episcopi Meldensis, quibus memoratas Christi promissiones antiquorumque traditionem aliorum distrahere & interpretari studuit, reiciuntur.*

14. Cum hisce promissis Christi antiquorumque testimoniis, quæ ad inerrantiam & infallibilitatem asserendam efficacissima vidimus, premeretur contrariæ nobis sententiæ vindex præcipuus Jacobus Benignus Bossuetus Episcopus Meldensis; ut ab iisdem se se expediret, aliquot interpretationes attulit, quibus aliqua testimonia soli S. Petro convenire affirmavit, quædam Ecclesiæ catholicæ, quædam ecclesiæ seu cathedræ Romanæ, non autem solis Romanis Pontificibus successoribus S. Petri: & siquidem nonnulla de istis loqui negare non potuit; ea non de singulis seorsim sumtis, sed de ipsorum serie ac successione ita esse accipienda ingessit, ut in ea serie, semper fides a Petro, tradita fuerit custodita, & custodienda semper sit usque ad consummationem sæculi, semperque ab ea confirmandi sint fratres in fide; & hac ratione verum esse contra ipsam non prævaluisse umquam inferi portas, nec posse prævalere, efficacemque fuisse orationem Christi pro fide S. Petri, ne vel in successoribus ejus deficiat: ut ne tamen hinc sequatur, neminem ipsorum seorsim posse aliquando errare in doctrina fidei; hoc enim casu, quo quispiam illorum nutaret, aut deficeret in fide, vel mox correctus per se se resipisceret, vel error ejus corrigeretur a concilio, aut ab Ecclesia, aut a successore ipsius, sicque in serie Pontificum fides S. Petri numquam deficiens immota stabit & conservabitur usque in finem. Vide præsertim Bossueti librum 10. al. 15. *Defensionis* c. 5.

15 Hæc vero interpretationes, seu potius effugia quam vana & inutilia sint ad rem, de qua agimus, facillime detegatur, ni præjudicia justum rectumque judicium impediant.

diant: Promissiones illas divinas Petro factas de indefectibilitate fidei, quas antea explicavimus, ipsius Petri fidem præcipue respicere nemo negaverit. Id tantum dico eas non ad unius Petri, sed ad successorum quoque ejus fidem referri. Cum enim illa testimonia Evangelica, quæ laudatas Christi promissiones continent, ex traditione ab adversariis quoque approbata ad constituendum Petri primatum pertinent; id autem, quo primatus S. Petri constitutus fuit, non soli Petro, sed etiam successoribus ejus Romanis Pontificibus ejusdem primatus heredibus competat, ut iidem adversarii fatentur; necessario sequitur, ea testimonia atque promissiones Christi ipsis testimoniis contentas, quo sensu conveniunt fidei S. Petri, fidei etiam successorum ejus pariter convenire; & sicut fidei S. Petri conveniunt ratione primatus ob formandam & conservandam in tota Ecclesia unitatem potissimum fidei; eadem ratione de fide Romanorum Pontificum, quam ob vindicandam fidei unitatem eodem primatus jure atque officio definiunt, esse accipiendas.

16. Qui porro ea testimonia accomodant fidei Ecclesiæ catholicæ, si modo non excludant fidem a Petro & successoribus ejus catholicæ Ecclesiæ propositam; quæ ipsius Ecclesiæ fidem ex institutione Christi & jure primatus continet in catholica unitate, nemo reprehenderit. Ita enim promissiones Christi ad Petri & successorum ejus fidem pertinentes, ad ipsius Ecclesiæ catholicæ fidem bonumque revocantur, quatenus Ecclesiæ catholicæ fides adhærens fidei Petri & successorum ejus, ex hac adhæensione atque unitate perinde firma & indefectibilis futura sit, ut (1) ex laudatis

Rejicimus primum effugium, quo promissiones Christi dicantur spectare ad solam personam S. Petri.

De altero effugio, quo illæ ad Ecclesiam catholicam solummodo referendæ dicuntur.

Chri-

(1) Id sane innere videntur illa Bossueti, cum in prima pastoralis epistola de Christi promissis factis Ecclesiæ scripsit n. 12. Si ergo firmiter adheremus huic cathedræ (de Romana cathedræ S. Petri loquitur, idest de ea doctrina fidei, quæ e cathedræ S. Petri traditur) tuti erimus de Jesu Christi promissis. Si adherentes cathedræ Romanæ,

vnde eduntur definitiones & decreta fidei, tutos affirmat ex promissis Christi; promissiones utique Christi laudatas Romanæ cathedræ, seu fidei ex ea cathedræ editæ factas agnovit: cumque distinctio inter fidem cathedræ & fidem Romanorum Pontificum ei cathedræ insistentium ex ipso Bossueto repudianda sit, ut ex ejus verbis mox

Christi promissis firma & indefectibilis erit Petri & successorum ejus fides. Si autem negent convenire ei fidei, quæ est petra & fundamentum Ecclesiæ, certumque catholicæ unitatis & fidei centrum; repugnet necesse est Christi institutioni atque rationi primatus, qui ob unitatem potissimum fidei firmandam & custodiendam institutus, omnium fidelium unitatem cum Petri ac successorum ejus fide necessario requirit, ut ex Scriptura ac traditione probavimus.

De tertio  
effugio, quo  
explicatur  
de ecclesia,  
vel sede Ro-  
mana quasi a  
Pontifice di-  
stinguenda.

17. Cum porro hujus primatus ratio & vis S. Petri & successorum ejus sit personalis, nec ad hujusmodi jus personale exerendum a ius cujusquam consortium atque subsidium efflagitet, ut ante observavimus; quidquid ejusmodi primatus causa ob unitatem fidei vindicandam, Romanæ sedis, seu ecclesiæ fideitribuendum negari non potest; ipsorum Romanorum Pontificum personæ ac fidei adscribendum est, necperinde ei sedi, cathedræ, vel ecclesiæ potest attribui; ac si aliquid a persona & fide Pontificum distinctum intelligendum sit. Confer dicta supra n. 4. Bossuetus itaque cum lib. 10. al. 15. c. 5. expresse fateatur, se non distinguere a Romanorum Pontificum fide Romanæ ecclesiæ fidem; dum traditione coactus Romanæ ecclesiæ fidei inerrantiam & indefectibilitatem asserit; eandem Romanorum Pontificum fidei debet asserere: cum præsertim Romanæ ecclesiæ fidem eam esse affirmet, quam scilicet non aliter quam a Petro primo atque a Petri successoribus Romani didicerint.

Tom. 2. pag.  
291.

De quarto  
effugio, quo  
seriei Ponti-  
ficum aptan-  
tur.

18. Restat ultimum Bossueti effugium, quo indefectibilitatem in fide sedis Apostolicæ & Romanæ ecclesiæ a traditione assertam, non singulis Romanis Pontificibus, sed ipsorum seriei ac successionis adscribendam putavit. Vir in antiquorum lectione apprime versatus vidit, ex certa constantique omnium sæculorum traditione Christi promissis innixa, quam §. 4. explicavimus, fateri oportere nunquam de æturm Romanæ ecclesiæ fidem, ac proinde in fide ejusdem ecclesiæ aliquid immotum & firmum esse admitendum, quod nunquam deficiet. Id satis perspicitur ex ipso

in textu recitandis audiemus; dem, fidei Romanorum Pontificum ex ipsa cathedra proposita competere dicenda erunt.

ipso titulo capitis sexti libri decimi, al. 15. *Defensionis*, ubi <sup>Tom. 2. pag. 192.</sup> hæc leguntur: *Traditio Patrum de fide & ecclesia Romana, de- que sede Apostolica nunquam defutura; & apertius in textu ejusdem capitis his verbis: Sancti Patres ab ipsa Christianitatis origine dum quarunt illud IMMOTUM in fide, quod ecclesiam principali, Romanæ scilicet, inesse necesse sit: quibus fidem omnino immotam, & consequenter indefectibilem Romanæ ecclesiæ Sanctorum Patrum traditione ab ipsa Christianitatis origine tributam, & necessario tribuendam fatetur. Cum porro hæc peculiaris prærogativa non alio nomine a Patribus Romanæ fidei fuerit attributa; nisi ratione primatus, qui ipsorum Pontificum personalis est; idem vir Clar. necessarium quoque intellexit, hoc immotum & indefectibile ex traditione admittendum in Romana fide, non esse a fide ipsorum Pontificum distinguendum, ut in textu quinti capitis sub finem præcedentis numeri recitato expresse declaravit. Ne autem hoc immotum & indefectibile Romanæ fidei a fide, quam Romani tradunt Pontifices, haudquaquam separandum, assereret cuique Pontifici fidem docenti ac definienti, quod infallibilitatem omnium & singulorum in nostram sententiam adstrueret; illud non singulis seorsim sumtis, sed toti seriei ac successioni adjudicandum putavit. Ita conciliari posse censuit traditionem Patrum cum sua & adversariorum nostrorum sententia, si vi traditionis veram fidem in ea serie ac successionem immotam & nunquam defecturam credamus, quæ licet vacillare & deficere possit, & de facto nutaverit in nonnullis, mox tamen revictura, & vel ab ipso qui erravit, vel saltem a successoribus vindicanda, in ea serie ac successionem nequaquam deficiet. Hoc sensu laudato cap. 5. scripsit: Accipiendi ergo <sup>Tom. 2. pag. 191.</sup> Romani Pontifices tamquam una persona Petri, in qua NUM- QUAM fides Petri DEFICIAT. Atque ut in aliquibus vacillet, aut concidat, non tamen DEFICIT in totum, quæ statim revictura sit . . . . Nec porro aliter ad consummationem usque sæculi in tota Pontificum successionem evenurum esse CERTA FIDE credimus. In tota Pontificum successionem, inquit, non in singulis Pontificibus: & similiter in Corollario §. 8. de sola successionem affirmavit: Neque successionem ejus (S. Petri) nunquam <sup>Tom. 2. pag. 310.</sup> a fide abrumpendam; idque inter ea refert, quæ certa traditionem constare professus fuerat. Hæc susius proponenda, ne quid tanto Scriptori perperam afflictum putetur.*



Contradi-  
ctio notata.

19. Num vero de una eademque Romana fide a fide Romanorum Pontificum non distinguenda absque contradictione manifesta affirmari potuerint hæc duo, nimirum eam fidem in serie ac successione immotam numquam defecturam, numquamque a vera fide abrumpendam certa traditione constare; & nihilominus eandem in aliquibus ejus successionis Præsulibus potuisse deficere & defecisse, etsi *non in totum*, nec diutius, sed defecerit *mox revictura*, & saltem, ut ibidem ait, *a successoribus statim vindicanda*: num, inquam, hæc duo absque evidenti contradictione potuerint affirmari, nemo, ut arbitror, recte ratiocinans intelliget. Cum enim series seu successio Romanorum Pontificum non tam omnes, quam singulos, qui post S. Petrum Romanam cathedram obtinuerunt, & obtenturi sunt, complectatur; ut Romana fides a S. Petro Romanis tradita in hac serie *immota*, & *numquam defectura*, *numquamque abrumpenda sit*, opus est, ne quispiam ejus successionis in fide deficiat. Si quis enim inter eos deficeret in fide, non tacendo tantum, cum fidem loqui ac definire deberet (id siquidem esset deesse officio docendi, non autem errare in fide), sed docendo ac definiendo aliquid contrarium fidei; hic error in illa serie licet unus, aut alterius Pontificis, sufficeret, ne Romana fides in ea serie atque successione dici posset intemerata & immota, numquam defecisse, numquam contra eam prævaluisse inferi portas: quæ tamen omnia de eadem fide ex Christi promissis traditio docuit. Cum S. Augustinus Donatistis seriem Romanorum Pontificum opposuisset tamquam illam indefectibilem & inconcussam petram, *quam non vincunt superbæ part. Donat. inferorum portæ*; scribens, *In hoc ordine successionis nullus Donatista Episcopus invenitur*, satis profecto futurum existimavit ad eam seriem vitiandam, si vel unus ejus successionis Pontifex in Donatistarum errorem incidisset. Hæc de adversarii ceteroquin præstantissimi incohærentia & contradictione satis: quam quicumque vitandam existimabit, primum illud, quod de Romanæ sedis immota & indefectibili fide ex traditione certum posuit, recipiendum agnoscat; quod porro de eadem fide in nonnullis ejusdem seriei Pontificibus nutante ac deficiente ex suo præjudicio, nec cum traditione cohærens subjecit, rejiciendum.

20. Alia vero non desunt ad hoc effugium refellendum opportuna. Si nimirum aliquis in ea successione errasse posset

set docendo fidem, nullius Pontificis certa esset definitio, antequam ( ut adversarii vellent ) Ecclesiæ consensus accederet; sicque nullius Pontificis definitiones per se cogerent ad assensum, nec in primatu remedium idoneum fuisset a Christo institutum ad sopienda scandala contra fidem, & ad conservandam in Ecclesia fidei unitatem: quod ex constitutis concessisque principiis neque ab adversariis potest admitti. Certe primatus singulis Petri successoribus eadem ratione competit, quā in Petro Christi institutione fuit constitutus. Singulorum itaque doctrina fidei, quam ad continendam fidei unitatem ex officio primatus Ecclesiæ proponunt, est illa *petra*, cui tamquam fundamento tota Ecclesia debet adhærere & incumbam bono unitatis, ut ex traditione probavimus. Nonne semper, ut monuit S. Franciscus Salesius, hoc confirmandi officio Ecclesia indiget, cum semper satan eam unitatem discindere & fratres cribrare nitatur? Si autem Ecclesia semper indiget hoc officio, quicumque sit legitimus Petri successor, qui huic officio satisfactorius, ut unitatem fidei vindicet, fratresque confirmet, aliquod dogma declarat atque definiat, ejus doctrina accipienda erit uti doctrina S. Petri, pro qua Christus oravit, ne deficeret: unde non solum concilia & Patres S. Petrum in successoribus loqui professi sunt, dum fidem docent, sed ipse quoque Bossuetus in celebri sermone ad comitia Cleri Gallicani an. 1681. & in Meditationibus super Evangelium die 72. fateri debuit certissimum; ex Christi mandato Petro intimatum, semper ipsum Petrum in suis successoribus loqui, & loquuturum semper, qui fratres confirmet in fide. Vide ejus verba capite præcedenti num. 18. & 22. Quod si definitiones successorum Petri habendæ sunt uti doctrina edita a S. Petro; habendæ profecto sunt uti ea doctrina ac fides, pro qua Christus oravit. Neque vero si quis inter hos S. Petri successores in hac doctrina proponenda aliquando erraret, nihil præjudicii rediret in eam successionem, etiamsi vel ipse subinde se corrigeret, vel corrigeretur ab aliis. Semper enim verum esset petram, & fundamentum Ecclesiæ in eo Pontifice aliquando defecisse, eamque seriem ac successionem aliquando fuisse contaminatam; ipsaque Ecclesia ei adhærens ( uti ex institutione Christi, ac jure primatus deberet ), in fide deficeret; vel renuens illi adhærere, Christi institutionem desereret, & ineptam declararet.

21. Neque dicas : Hac ratione dicendum videtur, non solum Romanos Pontifices esse indefectibiles in fide, verum etiam esse impeccabiles. Fundamentum enim Ecclesiæ a Christo positum non est nisi fides a S. Petro prædicata, & ad successores ejus transmissa, & ab iisdem, quando opus est, definitionibus dogmaticis asserta & vindicata; unde sufficit, si in ejusmodi definitionibus ac doctrina fidei nequaquam deficiant. Si in aliis materiis præctice labantur, facta ejusmodi non sunt petra seu fundamentum Ecclesiæ, sed sola doctrina, quæ etiam in criminoso Pontifice indefectibilis, ad custodiendam fidei unitatem sufficit. Idem est, si quidam Pontifices, non doctrina falsa, sed omissione rectæ doctrinæ, cum definienda esset, labantur, & peccent: omissiones enim hujus generis non sunt petra Ecclesiæ, sed definitiones; satisque est, si non peccent id definiendo quod falsum est, qui possunt peccare tacendo, cum loqui ac definire necesse esset. Hinc etiam detegenda est alia Bossueti æquivocatio, cum libro 1. *Defensionis* in Appendicem novissimæ editionis rejecto cap. 3. pag. 88. suaserit Romanam fidem, quæ nunquam defectura est, non esse intelligendam fidem singulorum Pontificum scripsit: *Neque vero Romana fides in sola aliquo Pontifice est; alioquin intereunte Pontifice Romana interiret fides. At etiam vacante sede viget, vigeretque profecto, etiam si Pontifex plusquam mortuus quocumque tandem modo a fide deficeret.* Cum Romanam fidem ex promissis Christi nunquam defecturam, eodem Bossueto docente, diximus non distinguendam a fide, quam docent Romani Pontifices; Romanæ fidei nomine accipiendas diximus non physicas, ut ita dicam, ipsorum personas, sed fidei definitiones ab ipsis editas in unitatis bonum jure primatus; quæ cum non intereant morte Pontificum, his obeunribus & sede vacante non deficit Romana fides in ipsis definitionibus vicens, nec defectura umquam, quocumque alio personali errore quisquam illorum laberetur, dummodo in definiendo nemo illorum deficiat.

## §. VI.

*Potissimum adversariorum objectum ex præsumptis Romanorum Pontificum erroribus circa fidem expungitur, eo quod ea, quæ obtruduntur facta, non sint errores definitionum fidei. Præmittitur explicatio, quanam sint proprie dictæ definitiones fidei, seu, ut ajunt, ex cathedra editæ, quibus ex Christi promissis & Patrum traditione inerrantia, & infallibilitas tribuenda est.*

22. At enim, inquiunt, certum est aliquot Pontifices in doctrina fidei defecisse. Hic postremus est adversariorum recessus, atque conatus: & maxima quidem ex factis, seu erroribus hujusmodi oppositio ab ipsis obtruditur, in qua pluribus destinentur. Ad hæc sane objectionem tamquam invictam confugit Episcopus Meldensis, cum sacræ Scripturæ, Patrumque testimoniis adstrictus, allatas interpretationes suas, seu potius effugia per se se minus sufficientia deprehendens, scripsit inter cetera lib. 10. al. 15. *Defensionis declarat. cap. 5.* quod si ea, quæ ad explicandas Scripturæ & Patrum auctoritates Pontificiam inerrantiam adstruentes produxit, nostræ sententiæ defensoribus non sufficiunt, ii, ut se se in minuta atque oppido absurda & falsa conjiciant, non ratiociniis, sed jam experimentis vidimus: idest iis factis, erroribusque quorundam Pontificum, quos identidem & ibidem, & aliis ejusdem libri capitibus ingessit, aliis autem in libris studuit fufius demonstrare. Hæc scilicet errorum facta, ita certa & evidenter credidit, ut testimonia, quæ ex Christi promissis ac traditione inerrantiam & infallibilitatem fidei Romanæ sedis, & Romanorum Pontificum generatim pronuntiant, aliquam interpretationem requirant. Nolebam in hanc vastissimam silvam ingredi, quæ multis facti quæstionibus implicata & involuta, longam molestamque disputationem postularet. At cogitavi posse sufficere, si potiora, & quæ evidenter credantur, facta ex proposito discutiantur: quibus si perspicue satisfactum erit, de ceteris imbecillioribus, quid sit sentiendum, paucioribus expedietur, cum præsertim quædam hac

in re notiones ac principia sint præmittenda, ex quibus quisque per se se de quamplurimis aliis, qui opponuntur, vel opponi possunt, erroribus facile iudicium ferat, ut ne in singulis rejiciendis tempus superflue & inaniter conteramus.

Quænam  
sint definitio-  
nes fidei.

13. Antequam igitur ad objectos errores accedo, ne qua confusio lectoris impediatur, explicandum est, quænam sit illa Romanæ sedis, seu Romanorum Pontificum fides, quæ omnes undique fideles cogit ad unitatem, quæque ob hanc vim coactivam ex promissis Christi esse debet ab errore immunis. Id autem non obscure intelligetur, si perpendatur, quænam in institutione primatus fuerit ea S. Petri fides, contra quam ne inferi portæ prævalerent, Christus promissit, & pro qua idem oravit, ne deficeret, utrumque, ut vidimus, ob formandam conservandamque in Ecclesia fidei unitatem, cujus gratia Petri & successorum ejus primatus fuit institutus. S. Petri fides, contra quam ne prævalerent inferorum portæ, Christus promissit, fuit illa, qua inter diversas opiniones, seu potius errores hominum de Christo, aliis dicentibus ipsum esse Eliam, aliis Hieremiam &c S. Petrus veram sententiam Deo revelante edoctus, dixit: *Tu es Christus Filius Dei vivi*: quam quidem fidem continentem omnem doctrinam a Christo traditam, idem Petrus in ædificanda Ecclesia, præsertim Romana, erat prædicaturus, cuique tamquam petraë inconcussæ & fundamento totius ædifici, bono unitatis tota catholica Ecclesia debebat immobiliter adhærere; & incumbere. Cum autem in dubiis circa fidem quæstionibus a diabolo subinde excitandis, ut eam fidei unitatem discinderet, Christus præcepisset Petro, ut fratres confirmaret in fide, & ita unitatem fidei in Ecclesia custodiret; oravit, ne in his confirmandis & vindicanda fidei unitate deficeret ejus fides, quæ in ecclesia præsertim Romana debebat esse tamquam petra stabilis, in qua a cunctis fidelibus fidei unitas fervaretur. Cum porro diabolus non solum Apostolorum ætate, verum etiam postea connisurus esset, ut fidei dissensiones inter Christianos commoveret, eandemque fidei unitatem dirimeret, quæ semper conservanda erat in Ecclesia Christi; idem officium confirmandi fratres, tuendæque unitatis, quod Petro commissum fuit, ad Romanos Antistites ejus successores transisse omnes fatentur; ac propterea cum eadem vis cogens ad conservandam fidei unitatem in iisdem agnoscenda sit ratione primatus; pro ipsorum quoque fide a Pe-



tro tradita, & ad eosdem transmissa, qua in memoratis diffensionibus a diabolo excitandis fratres confirmarent, Christus orasse dicendus est. Ea igitur fides, seu doctrina fidei, quæ in controversiis fidei ab ipsis Pontificibus ita proponitur, ut fratres & fideles omnes confirmet in fide, & unitatem ejusdem fidei exigant, atque conservent in Ecclesia catholica, illa est (1), cui inerrantiæ privilegium ex promissis Christi est vindicandum. Solas itaque fidei definitiones id respicit a summis

(1) Bossuetus quidem lib. 10. *Defensionis* al. 15. c. 1. tom. 2. pag. 186. novæ editionis explicans Evangelicam Christi promissionem, *Super hanc petram edificabo Ecclesiam meam, & portæ inferi non prevalebunt adversus eam*, petra nomine habendam non solum illam Petri confessionem, Tu es Christus Filius Dei vivi, sed quamcumque etiam successorum ejus dogmaticam, quam ex officio proponunt, doctrinam fidei exerte fatetur. Quoties successores Petri communem ecclesiarum fidem ex communi traditione pro officio proponunt; eorum decretum, predicationem, fidem fore, Ecclesie fundamentum: cui nimirum fundamento tamquam petra immobili tota Ecclesia debet adherere, & de quo nun minus quam de Ecclesia ipsa verificari debet promissio: *Et portæ inferi non prevalebunt adversus eam*. Quod ait communem ecclesiarum fidem, & ex communi traditione verificatur etiam Pontifices definiant potissimum ex traditione, quam in ecclesia Romana S. Petrus deposuit: hæc enim est simul omnium catholicarum ecclesia-

rum fides atque traditio, ut probavimus cap. 14. num. 27. Romanos autem Pontifices in suis decretis dogmaticis semper traditionem a S. Petro per successionem predecessorum ad se usque perductam sequutos, complurum ipsorum testimonia confirmant, quorum aliqua recitat P. Constantius in præfatione ad Epistolas Romanorum Pontificum. Neque aliter eos, posse circa fidem decernere, indicare videntur illa S. Augustini lib. 1. in Julian. c. 2. quibus scripsit Innocentium in Pelagianorum causa non solum haud aliter respondisse, sed nec potuisse respondere concilio Africæ: *Quid enim, inquit, POTUIT ille vir sanctus Africanis respondere concilio, nisi quod antiquitus Apostolica sedes & Romana cum ceteris tenet perseveranter ecclesia?* Hinc in ipsis decretis fidei tempore Petrus loquitur, cum exprimant doctrinam a Petro traditam; eademque decreta sunt ea Petri fides, petra & fundamentum Ecclesie, quam, eodem Augustino testante in Plal. contra partem Donati, non vincunt *superbie insularum portæ*.



\* *Vid. supra*  
p. 196. not. 1.

summis Pontificibus Ecclesiae propositas contra insurgentes dissensiones & errores in materia fidei; non autem (1) opiniones, quibus etsi aliquid statuant, nihil tamen decernunt credendum ex catholica fide, nihilque damnant tamquam alienum ab eadem (de quo plura dicentur inferius num. 40. & 41.); non simplicia præcepta, quæ ad fidei definitionem referri non possint; non judicia (2) de personis tantum; non decreta disciplinæ, quæ ad fidem non pertinent; non tandem omissiones definitionum fidei, quæ si omittantur, cum definiendum esset, culpa omissionis non esset error definitionis dogmaticæ, nec error in fide.

24. Præterea fidei definitiones debent esse actus plane liberi & voluntarii: si quæ enim verba fidei contraria exteriori vi extorquerentur ab invito, etsi culpam involverent, manifesta tamen exterior vis satis patetaceret, ea verba non exprimere veram sententiam & fidem ejus, qui sic exterius adigitur ad id dicendum, quod ipse interius non credit, nec diceret, si non cogeretur. Hinc actus metu extorti tamquam non omnino liberi ex ipso civili jure nulli judicantur. Cum ergo Romani Pontifices nulla vi exteriori cogente ob vindicandam catholicæ fidei unitatem quibusdam dissensionibus impetitum aliquod dogma circa fidem credendum proponunt, atque constituunt, vel errorem aliquem fidei contrarium iis formulis damnant, quibus non opinionem privatam, sed catholicam doctrinam se exponere,

(1) P. Angelus de Nuce Abbas Cassinensis in. Excursu historico ad Chronicon Cassinense tom. 4. Rerum Italie. pag. 482. scite monuit, distinguenda quæ Pontifices tradunt ex opinione ab iis, quæ de fide credenda constituunt. Non enim, inquit, quæcumque Pontifex quanquam in conciliari oratione loquitur, dogma fidei constituit, aut fidei regulam intellectibus præstabit, sed tunc tantum, cum ex cathedra loqui-

tur, & sufficienter declarat, se id velle definire: & mox nonnulla exempla subjicit. Vide quæ inferius addemus n. 38.

(2) De judiciis circa personas agens Innocentius III. in cap. A nobis, de sent. excomm. ait: Judicium Dei veritate, quæ non fallit, nec fallitur, semper immittitur: judicium autem Ecclesie nonnumquam opinionem sequitur; quam & fallere sæpe contingit, & falli.

nere, erroremve ei doctrinae contrarium proscribere ita significant, ut quicumque aliter sentiant, a catholica, vel Romana fide abesse, & ab ecclesiae Romanae communione & unitate separatos declarent; anathemate percellant, aut haereseos, vel aliis æquivalentibus censuris propositiones, quas damnant, iurant; hæc erit illa proprie dicta definitio fidei, quæ cum ex Christi mandato confirmandi sint fratres in fide, ex ejusdem Christi promissis error ipsi nequit inesse. Hujus generis sunt omnia exempla definitionum antiquarum Innocentii I. contra Pelagianos, Cælestini I. contra Nestorium, Leonis I. contra Eutychem, Agathonis I. contra Monothelitas &c. atque similiter aliæ definitiones Apostolicæ etiam recentiores, quæ omnes infallibiles habendæ sunt, & jure habentur. Hæ autem sunt illæ definitiones, quas editas dicunt *ex cathedra*. Cathedræ enim Romanæ vocabulum, etsi latius sumtum, omnem auctoritatem Apostolicam e cathedræ primatu manantem complectitur; proprius tamen & primario fidei doctrinam circa speculativa aut practica dogmata significare ostendimus cap. 13. n. 35. Non omnia igitur, quæ eduntur auctoritate Apostolica, vel etiam iis formulis, quæ e clavium potestate, vel primatus jure proveniunt, etiamsi nihil statuunt credendum, vel damnandum ex catholica fide, ad definitiones fidei e cathedra editas referri queunt.

25. Scio quosdam adversarios, qui observantiam suam erga Romanam cathedram præferentes, ipsius definitiones erroris expertes fatentur, eas tantum e cathedra editas & infallibiles dicere, quas summi Pontifices edunt in unitate fidei totius Ecclesiæ catholicæ; eas vero nec e cathedra editas, nec infallibiles judicare, nisi postquam constiterit fidem ejusdem Ecclesiæ cum ipsis concordare. Id ex eo ipsorum præjudicio dimanat, quo ipsi vim coactivam ad unitatem, & infallibilitatem exinde consequentem Pontificiarum definitionum alligant conditioni expressi, vel saltem taciti consensus Ecclesiæ, quod præjudicium suscepiimus capite præcedenti n. 30. & seqq. Cum Christus S. Petri, ac Romanæ cathedræ, seu Romanorum Pontificum fidem ratione primatus & ob unitatis bonum constituit petram & fundamentum fidei totius catholicæ Ecclesiæ, in quo omnium fides consisteret atque confirmaretur; non constituit ex conditione consensus quasi liberi, sed potius eo fine constituit, ut ob illud unitatis bonum consensus omnium fidelium semper accederet, & hac debita unitate

*Ballerinius de Primatu RR. PP.* O o omnes

omnes confirmarentur in fide. A qua Christi institutione cum Ecclesia numquam recedet, semper fides catholice Ecclesie erit in unitate cum fide Romanorum Pontificum; & semper fides ab his definita ratione primatus, erit fides in unitate fidei Ecclesie catholice; ut ne umquam sit ambigendum, num illi, cum ex officio primatus ob vindicandam continendamque unitatem fidei aliquod dogma definiunt, in unitate fidei ecclesie definerint, nec ne. Infallibilitas, quae fidei cathedrae Romanae tamquam petrae inconcussae asserenda est, ex promissis Christi antea memoratis traditione explicante deducitur, quae ad Ecclesiam eatenus pertinent, quatenus Ecclesiae fides eidem Romanae fidei superstructa & inhærens, inhæret fidei, contra quam portæ inferi non prævalebunt, & pro qua oravit Christus, ne confirmandis fratribus & unitati continendae destinata aliquando deficeret. Semper itaque fides in eundem finem a Petri successoribus definita, habenda erit (1) *ex cathedra*, & erroris periculo expers.

26. Nemo

(1) Meldenfis Episcopus in *Corollario defensionis* §. 8. t. 2. pag. 309. expendens formulam definitionum, quæ vocatur *ex cathedra*, non diffidetur posse concedi summis Pontifices, dum fidem docent *ex cathedra*, esse infallibiles. At cum non semper doceant *ex cathedra*, inter conditiones & signa definitionis *e cathedra* editæ Ecclesie consensum requirit, additque; *decorum magnificumque Pontifici id esse, cum hac ratione pari fere loco atque concilia generalia habeatur. Certum est apud catholicos concilia generalia infallibilia esse. At cum dubitari possit, conciliumne aliquod generale sit; id ex Ecclesie consensione repetatur. Ita certum firmumque, si velint, habeatur Pontificem pro cathedra docentem esse infallibilem. At cum dubitari possit, an*

*pro cathedra dixerit adhibitis omnibus conditionibus; ultima nota & thesauri sit Pontificis ex cathedra docentis, cum Ecclesie catholice consensus accesserit. Quam multum in rem nostram hæc paritas seu comparatio impar, & exorbitans est! Si quo casu dubitetur, num aliquis sit verus & legitimus Pontifex, uti dubitaretur, num aliquod concilium esset generale; æqualis utrobique paritas esset, & utrobique decisionem ex Ecclesie consensione repetendam non repugnarem. At si sermo sit de definitione fidei, sicut conciliorum certo generalium definitiones ex ipsis verbis & notis definitionem exprimentibus satis dignoscuntur, ita etiam definitiones Pontificum Romanorum ex cathedra editæ satis ex eo discernuntur, si iis verbis sint*

26. Nemo hic mihi eam quæstionem curiosam magis, quam necessariam ingerat, num aliæ quædam conditiones a nonnullis recensitæ prærequirantur, ut definitio edita dicatur *ex cathedra*, nimirum oratio, examen Scripturarum & traditiones, consultatio &c. Cum epim ex indicatis Christi promissis ac traditione ipsa de indefectibilitate fidei Petri ac successorum ejus, cum qua necesse est totam convenire Ecclesiam ratione primatus ob custodiendam fidei unitatem; cum, inquam, ex his, nec non ex principiis adversariorum quoque assensu præstitutis certum haberi debeat, non errare Pontifices, cum definiunt fidei causas: si liqueat eos proponere aliquid tamquam dogma credendum ex fide, quibuscumque utantur verbis aut formulis, sufficit, ut conditiones ad id rite & recte præstandum requisitæ non defuisse credamus. Deus siquidem sapienter suaviterque disponens omnia; dum finem prospicit, media etiam prospicit ad finem necessaria. Si ergo ex constitutis hætenus promissa est summis Pontificibus inerrantia & infallibilitas, quando ex primatus officio aliquam fidei controversiam definiunt ob fidei unitatem servandam; promissum etiam fuisse intelligitur, ne ipsis, cum definiunt, quidquam desit, quod ad definitionem edendam necessarium fuerit. Eadem sane quæstio moveri posset, quoad definitiones editas in generali concilio. Si autem hæreticis semel hæc licentia permittatur, ut in quæstionem vocent, num Ecclesiæ judices eam diligentiam curamque, quæ opus erat, adhibuerint; quis non videat, omnia mox non tam Pontificum, quam ipsorum œcumenicorum conciliorum judicia labefactatum iri? Sicuti ergo cum eduntur definitiones concilii generalis, de conditionibus necessariis nemo catholicus dubitat, quo minus veritatem contineant; ita & de summorum Pontificum definitionibus iudicandum. Quæ humanæ rationi & industriæ innituntur, etiamsi nihil omissum sit diligentiae, errori subesse queunt; non vero, quæ incumbunt promissis divinis, Deo satis prospiciente ne quid erroris obrepat, & ne quid

Quid de conditionibus requisitis ad definitiones.

O O 2

omittat

propositæ, quibus ex officio & jure primatus fidei unitatem in Ecclesia custodiendam, & ab

omnibus catholicis præstandam declarent.

omittatur, vel desit, quod ad veritatem cognoscendam ac definiendam requiratur. Hinc etiam metus eorum retunditur, qui dicunt rem plenam periculi infallibilitatem in definiendis controversiis fidei unius Pontificis personæ attribueret, quæ pro aliquo præjudicio vel affectu posset aliquando opinionem minus veram, quam in animum induxerit, veluti certum dogma definire. Hi profecto, qui id timent considerata unius Pontificis persona, definitiones dogmaticas metiuntur humano more; nec cogitant dogmata fidei esse rem divinam, & infallibilitatem Romanorum Pontificum divinis promissis Petro factis ac traditione confirmante ad successores ejus una cum primatu traductis inniti, divinamque providentiam variis & occultis modis posse efficere, & (ne divinæ promissiones sint irritæ) certo effecturam, ut si qui Pontifices pro aliqua præoccupatione, aut affectu vellent aliquid falsum definire, vel mutant consilium, contrariumque definiant, vel a definiendo impediuntur omnino vel contineantur inter eorum decretorum limites, quæ definitiones non sunt.

## §. VII.

*Quatenus præsumpti & objecti errores Pontificum non pertineant ad definitiones fidei. Duo vel tria molestiora, quæ præcipue tamquam evidentiora opponuntur errorum facta, expresse solvenda. Primum de lapsu S. Petri explosum.*

Quam pauci  
objecti erro-  
res ad rem  
præsentem  
referantur.

27. His præmissis objectos errores Pontificum disicere non difficile fuerit. Plures ex illis errores facti præferunt, vel judicia circa personas tantum, ex quibus, etsi non pauci congrua explicatione ab erroris nota vindicari queant; cum tamen ad definitiones fidei proprie dictas nequaquam spectent, in præsentii controversia nec comemoratione indigent, nec responsione. Soli errores, qui circa fidem opponuntur, in rem, de qua agimus, considerandi sunt; & siquidem illi, qui majori conatu quasi omnium evidentissimi ab adversariis ingeruntur, inepti prorsus & inanes demonstrari queant, haud opus erit in ceteris levioribus & infirmioribus, qui facilius dijudicari poterunt, diutius distine-  
ri,



ri. Episcopus Meldenſis, \* qui in ejusmodi erroribus colligendis & inculcandis exactius laboravit, ſcribens *Meditationes* in Evangelium die 72. fateri debuit, facta errorum potiora, quæ in tota ſerie ac ſucceſſione ſummorum Pontificum moleſtiam & negotium facereſcere queunt, eſſe tantum duo, vel tria. Poſtquam enim Chriſti promiſſionibus ex Evangelio perpenſis & expoſitis in eam ſententiam, qua illæ ad ſucceſſores quoque S. Petri in unitatis bonum extendendæ ſunt, Romanæque cathedræ inerrantiam inſinuant; poſtquam, inquam, affirmavit, S. Petri fidem in Romanâ cathedra & eccleſia depoſitam ſemper inviolabiliter conſervatam fuiſſe, & fuiſſe ſemper fundamentum Eccleſiæ catholicæ, nec unquam fuiſſe corruptam; mox, ne cum his pugnare credantur præſumpti, ſeu objecti quorundam Pontificum errores, hæc verba ſubjicit: *Quid reſert, ſi in tota hac præclara ſucceſſione (1) duo aut tria loca moleſta forſitan inveniantur? Fides S. Petri non deſecit, etiamſi eclipſim aliquam paſſa ſit iterata negatione . . . Idem eſt de Petro, ſi in ſuis ſucceſſoribus conſideretur. Omnes ejus ſucceſſores ſunt unus Petrus. Quicumque deſectus in aliquo ipſorum deprehendi credatur, ſatis eſt Evangelicam veritatem perſiſtiſſe omnino, nec ullum dogma erroneum fixiſſe radicem, aut obtinuiſſe in ſucceſſione & cathedra S. Petri; adeo ut Romana fides, ideſt illa fides, quam Petrus prædicavit, & Romæ conſtituit, ſuæque ſanguine obſignavit, nunquam perierit, nec peritura unquam ſit.* His reſpicit ea, quæ in *Deſenſione declar.* lib. 10. al. 15. ſuſius explicat, ubi ne repugnet Scripturæ ac traditioni in- deſicientiam tribuentibus fidei, quam S. Petrus in Romana eccleſia depoſitam ad ſucceſſores tranſmiſit, hanc in iſtorum ſerie incorruptam contendit, quia eſſi quidam ipſorum in fide, ut putat, aliquando deſecerint, citius tamen emendato errore integra fides in ea ſerie perſiſtit: quam interpretationem

O o 3

Chri-

(1) Unum tantum, aut duo facta moleſta idem clariffimus Auctor notavit in ſermone habito in comitiis Cleri Gallicani an. 1681. Contra morem omnium prædeceſſorum unum aut duos ſummos Pontifices aut per vim, aut per ſubreptionem non deſendiſſe

conſtanter, aut non ſatis aperte explicaſſe doctrinam fidei, (quorum alterum ad Liberium, alterum ad Honorium referri videbimus) hi particulares lapſus in Sancti Petri cathedra nullam (ut vocavi) impreſſionem facere potuerunt.



1. 2. Defens.  
p. 191. novæ  
edit.

Christi promissis ab eodem Bossueto concessis repugnantem superius probavimus num. 18. & seqq. Eodem porro in libro explicat, quinam sint illi duo lapsus successorum molesti, lapsus scilicet Liberii, atque Honorii, quos ut magis exploratos atque præcipuos causa exempli expressè nominat tribus in capitibus 2. 5. & 9. aliis aliorum Pontificum indicatis tantum confuse generalibus verbis. Unum textum hic referam ex cap. 5. in quo ille, ne his erroribus obiectis quicquam asserere videatur promissis Christi contrarium, exemplum præmittit ex lapsu S. Petri, cui promissio Christi facta fuit. *Accipiendi ergo, inquit, Romani Pontifices tamquam una persona Petri, in qua numquam fides penitus deficit. Atque ut in aliquibus vacillet, aut concidat; non tamen deficit in totum, quæ statim revictura sit. Nam & Petrus negavit, & incredulus fuit, postquam audivit illud, Rogavi pro te, ut non deficiat fides tua; sed statim exsurgit, confirmaturus fratres, atque omnium nomine communem prædicaturus fidem, sicut in Actis legimus. Sit ergo in Leone, sit in Agathone, sit in aliis egregiis Pontificibus Petrus fratres confirmans: sit etiam in Liberio, sit in Honorio Petrus ad horam nutans & negans, sed statim respiciente Domino convalescens, seque ipso validior, ut firmitadini, Domino providente, etiam lapsus ipse serviat; neque superfit ullum errati vestigium. Et hac ratione eos errores nihil obesse Romanæ sedis fidei paulo ante affirmaverat: Stat enim Romana fides ab eorum antecessoribus stabilita, ab eorum successoribus vindicanda, ut factum in Liberio, Honorio, aliisque vidimus, nullo Romanæ fidei, aut Romani primatus detrimento. Quantum hi, si vere essent errores in definitionibus fidei in bonum unitatis jure primatus editis, promissis Christi opponerentur, & quantum adversarentur institutioni & fini primatus, fuisse ostensum est hoc eodem capite n. 18. & seqq. Nunc videndum, num quod de Liberio & Honorio veluti magis exploratum urgetur, ad definitiones fidei propriè dictas pertineat, paucis tamen præmissis de lapsu S. Petri, quem præsentī quæstioni incongruum facile est demonstrare.*

28. Hic de definitionibus fidei agimus, quæ eduntur a Pontificibus, ut confirmentur fratres in fide. Num S. Petrus, cum in atrio Principis sacerdotum Christum negavit, Ecclesiam docebat ex officio? Num quidquam credendum decernens fidei dogma edidit, quo fratres suos confirmaret? Præterea fidei definitiones, ut vidimus, liberæ omnino ac  
pla-

plane voluntariæ esse debent, non metu extortæ. Num metus Petro incussus negationis causa non fuit? Quid porro quod promissiones Christi, ex quibus inerrantia fidei S. Petri & successorum ejus ratione primatus colligitur, referuntur ad tempus & officium ejusdem primatus, quo, cum negavit Christum, nondum fruebatur? Primatum scilicet Petro ante Christi mortem promissum quidem, non vero actu traditum satis innuunt verba, quibus prima promissio expressa fuit: *Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam, & tibi dabo claves* &c. ubi omnia futuri temporis sunt, uti S. Hieronymus animadvertit libro 3. in Matthæum c. 16. n. 23. Similiter paulo ante passionem prædicens futuros diaboli conatus, ut dissensiones inter fideles spargeret in negotio fidei, prospecturus unitati ejusdem fidei, oravit pro ea Petri fide, qua post negationem conversus, fratres confirmaret, quod post conversionem ex primatus officio præstandum, futurum quoque tempus respicit, quo primatum obtinisset. Vide Theophylactum & Euthymium in ipsum textum Evangelicum Lucæ 22. necnon S. Ambrosium in psalmum 43. n. 40. Ipsum tandem primatum Petro actu collatum, cum Christus post resurrectionem hinc abiturus, eum vicarium suum relinquens, totius Ecclesiæ, ovium & agnorum omnium pastorem constituit iis verbis *pasce agnos meos, pasce oves meas*, Patres & interpretes observarunt. Ineptus ergo in re præsentis est ille S. Petri lapsus, qui non solum non fuit definitio fidei, verum etiam primatus tempus antecessit; ad quod cum Christi promissa Petro facta, & ad successores ejus transmissa pertineant, inerrantia doctrinæ fidei pariter referenda est. Certe S. Hieronymus loco laudato considerans primum Christi testimonium de primatu, qui in futuro promissus, non in præsentis datus Petro fuit, *Tu es Petrus* &c. omnia de futuro, inquit, quæ si statim dedisset ei, numquam in eo prævaræ opinionis error invenisset locum: quibus in enim, qui primatum actu consequutus, effectum pariter divinæ promissionis primatui alligatæ debuit obtinere, errorem non posse cadere in negotio fidei satis significavit.

## §. VIII.

*Lapsus item Liberii non fuit lapsus definitionis fidei.*

29. Seposito itaque S. Petri lapsu, qui tot nominibus in præsentī quæstione obtrudi non poterat, videamus, num lapsus Liberio & Honorio attributi aptius ingerantur. Si certum non esset ex Scriptura ac traditione necessariam esse omnium fidelium unitatem cum fide, quam Romani Pontifices Petri successores ex officio primatus docent, & docent quidem in dissensionibus fidei, ut ex Christi mandato ejusdem unitatis bono veram doctrinam declarantes, confirmant fratres in fide; dubitari posset, num quidam errores aliquibus Pontificibus impacti, essent veri errores fidei; aut definitionum fidei, ob quos unitas his adhiberi nec possit, nec debeat. At cum illa unitatis necessitas ex propositionibus ante constitutis sit omnino certa; manifeste sequitur, doctrinam fidei, quam Romani Pontifices jure primatus definiunt tradunt, non posse errori deputari; ac proinde errores ipsis adscriptos non esse errores in fide, vel ei fidei doctrinæ non esse accensendos, quæ ad fidei definitiones jure & officio primatus in bonum unitatis editas referenda sit, sed ad alia capita pertinere, in quibus sicut non debetur cum ipsis Pontificibus unitas, quemadmodum debetur in doctrina fidei; nec locum habent Christi promissiones, quæ fidem respiciunt; ita errorem aliquem posse eisdem aliquando subesse non est impossibile. Hinc post probatam, seu potius demonstratam necessitatem ejus unitatis, ut objecti errores vim haberent idoneam, adversarii certis documentis demonstrare deberent, eos esse certos errores definitionum fidei, de quibus tantummodo in præsentiarum est sermo. Contra certam unitatis necessitatem, quæ certam inerrantiam omnino efflagitat, probabiles tantum conjectationes, quæ certos definitionum errores non demonstrant, haudquaquam sufficiunt. Sæpè enim prævalere apud catholicos debet illa unitatis necessitas, cui & Scriptura & traditio apertissimis testimoniis suffragantur. & ex qua Romanæ cathedræ infallibilitas Christi promissis ac Patrum traditione innixa ita consequitur, ut per se se errores fidei

non

non omnino certos ac demonstratos a Pontificiis definitionibus prorsus excludat.

30. Ut autem omnino certus ac rei præsenti congruens evinceretur lapsus Liberii, tria ab adversariis probanda essent penitus certa. I. certum esse ejus lapsum, II. certum item esse ipsum fuisse lapsum in definitione fidei, III. si idem lapsus aliquid præferre credatur, quod ad fidei definitionem revocari queat, certum præterea esse nihil intercessisse, quod a vera & legitima definitione ipsum extrahat atque repellat. Num hæc tria omnino certa ab adversariis probantur? Lapsus quidem ejus satis certum probari existimant testimoniis Athanasii, Hilarii, Hieronymi, atque Sozomeni. At alii eruditi homines hunc lapsum, uti vulgo narratur, non ita certum putant, ut de eo gravissimis quidem momentis jure dubitari non possit. Ea ratio, qua Bossuetus in eo *Defensionis* exemplo, quod prima editione prodiiit, Liberium post exilium redeuntem a maxima Cleri & populi parte fuisse rejectum, eoque die, quo ille Romam ingressus est, maximam in Clerum persecutionem exarsisse prodidit; hæc, inquam, narratio sumpta fuerat ex spuriiis Actis S. Eusebii presbyteri, quæ cum subinde ipsi Bossueto in suspensionem venissent, integrum illud caput, quo hæc gesta descriperat, in plerisque mss. *Defensionis* exemplis ab ipso Autore deletum fuit, quippe qui intellexit, ea acta illa esse; quæ aut nullius, aut infirmæ admodum auctoritatæ apud doctos habentur, uti traditur in novâ *Defensionis* editione anni 1745. ubi idcirco idem caput e loco, in quo primum erat, submotum, in Appendicem rejectum fuit. Eadem vero ratione delenda erant in ejusdem libri capite 33. & alibi etiam quandoque inserta, quæ iisdem actis innituntur. Liberii quidem reditum a cunctis Romanis summo gaudio & plausibus decoratum tradiderunt Marcellinus & Faustinus in precibus ad Imperatorem: Cui Liberio cum gaudio populus Romanus exivit, adeo ut ejus ingressus veluti victoris triumphus videretur, ut Hieronymus scripsit in Chronico: Romam quasi victor intravit, Ex hoc tam festivo ac triumphali Liberii ingressu, quo Clerus populusque Romanus ipsum excepit, Felice Pseudo-pontifice expulso, nonne gravissimum exoritur argumentum dubitandi, num ea quæ de ejus lapsu narrantur, commentitia sint? Romani enim Nicænæ fidei ejus-

Num lapsus  
Liberii et  
certus.

\* Vide Tillemont. not.  
59. in Arian.  
\* Lib. 9. al.  
14. c. 34.

T. 2. Ap-  
pend. pag.  
115.

que defensori S. Athanasio maxime addicti, & ab Arriana hæresi summo opere averſi, ea potiſſimum de cauſa Liberio & reſtitutioni ejus impenſe faverunt, quia pro ſide Nicæna Athanaſique innocentia ſtrenue pugnaverant; ſicuti e contra Felici in Liberii locum intruſo fuere inſenſi, quia cum hæreticis communicare non erubuit. Quomodo igitur hic Clerus & populus potuiſſent tam feſtè Liberium excipere, ſi is relictæ priſtina conſtantia Nicæno ſymbolo Sirmiænſe prætuliffet, & ab Athanaſii deſenſione & communionē tranſiſſet ad communionem hæreticorum Orientalium, ac præſertim Valentis & Urfacii, Epiſceti atque Auxentii, quorum nomina cunctis Occidentalibus erant deſteſtabilia? Si vera eſſet Liberii epiſtola e Berea ad Romanum præſbyterium miſſa, qua ſuæ prævaricationis notiſſimam, ſeu potiſſimum infamiam declarabat; nonne ſtomachum, indignationem, & horrorem ejus lectio commoviſſet in Romani catholici Cleri animo, ut ne credibile ſit poſt tam inſignem ejus lapſum, quo magna ignominia Romanæ ſedi creabatur, Romanos potuiſſe eum, qui tam turpiter victus fuerat, tamquam victorem & glorioſum athletam recipere? Nonne hoc graviſſimum argumentum eſt, ne hæc epiſtola & ſimiliter aliæ eodem pertinentes, quæ inter *Fragmenta* S. Hilarii inſertæ ſunt, genuinæ credantur, & non potius habeantur ſuppoſitiſſimæ; ſicuti certo ſuppoſitiſſima eſt illa, quæ Liberii item nomine inſcripta ad Orientis Epiſcopos apud Hilarium fragmento quarto legitur? Et ſiquidem hanc Hilarius in Fragmentis incaute retulit, quidni æque incaute potuit recipere & ceteras ejusdem generis Liberio attributas, tametiſi ab Arianis aut Semiarianis ſimiliter conſectas & editas, ut Liberium ſibi faventem præferrent? Neque mirum debet accidere, ſi in ea iſtorum præpotentia atque violentia epiſtolæ Liberio aſſictæ, & toto in Oriente difſeminatæ apud Hilarium atque Athanaſium longius conſtitutos, atque ab Arianis vexatos, nihilque doli ſuſpicantes fidem invenerint, & ex hiſ lapſum ejus tum ipſi, tum alii atque alii poſteriores crediderint. Illud potiſſimum mirum poſt tantorum ejus ævi teſtimonia (quæ tamen alias exceptiones patiuntur) non omnes lapſui ejus fidem adhibuiſſe. Theodoretus enim, qui in ſua Arianorum hiſtoria Athanaſii operibus uſus eſt, cum Liberii reſtituendi cauſam reſert in matronarum Romanarum officia, non autem in præſum-

sumtum ipsius lapsus; tum vero eundem Pontificem cum laude semper nominans, nunc vocat *celeberrimum Liberium*, nunc *gloriosum veritatis athletam*; & ne credatur aliqua minus digna actione rediisse in suam sedem, ipsa in reditu mirabilem testatur: *Post has Christianæ plebis acclamationes* (Liberium ab Imperatore postulantis in Circo) *reversus est admirandus ille Liberius*: quæ laus redeunti lapsus turpissimæ causa nequaquam convenit. Sulpicius Severus, qui ex Hilarii fragmentis multum decerpit in texenda Arianorum historia, ne verbum quidem innuit de Liberii lapsu, ejusque restitutionem seditioni ac turbis Romanorum attribuit, de quibus non solum in fragmentis Hilarii nullum indicium est; verum si genuinæ essent habendæ epistolæ, quæ in illis inscribuntur Liberio, hæc ratio omnino esset rejicienda, cum ex iisdem epistolis colligatur, Constantium in ejus restitutionem fuisse difficilem, eamque tandem concessisse petitionibus Valentiæ, Ursacii, atque Germinii, Vincentii Capuani, & Fortunatiani Aquilejensis, aliorumque Orientalium. Socrates etiam, qui Liberii restitutionem seditioni populari adscribit, lapsum ejus non solum non memorat, sed videtur potius impugnare, cum Imperatorem seditione Romanorum permotum restitutioni *assensum præbuisse* scribit *licet invitum*; libenter enim perfidus eum restituisset, si constantiam ejus frangens obtinuisset, ut is tam turpi lapsu libertatem sibi compararet. Certum saltem non fuisse ineunte quoque sæculo quinto lapsum ejusdem, exploratum sit ex Rufino, qui libro 2. Hist. Eccl. scripto circa an. 402. c. 27. ait: *Liberius urbis Romanæ Episcopus Constantio vivente regressus est. Sed utrum quod acquieverit voluntati suæ ad subscribendum, an ad populi Romani gratiam, compertum non habeo.* Ni certiora & Rufino ignota documenta adversarii proferant, quibus idem lapsus certus probetur, nihil conficiet. Vide hac de re plura in Historia Eccles. Cardinalis Ursii lib. 14. n. 72. & seqq.

31. Quod si lapsus ejusdem Pontificis certus præsumatur, Num lapsus  
numquid lapsus dici potest definitionis fidei? *Num lapsus fuerit defini-*  
Duo capita in *tionis fidei.*  
hoc lapsu notantur, I. quod S. Athanasii defensionem deferens, eum a sua communione separatum declaraverit, & e contra in communionem receperit Arianorum principes, ac se cum iisdem pacem tenere professus sit; II, quod subscripserit formulæ Sirmienis, quam Arianam perfidiam Hilarius



larius appellavit. Primum ad rem meri facti pertinet; facti enim crimen est deferere innocentem Athanasium, cujus defensio constanter vindicanda erat, & ad hæreticorum communionem transire; in neutro autem invenitur erronea fidei definitio. Potuit enim utrumque fieri ab eo, qui humana aliqua ratione ex infirmitate ad utrumque agendum docatur, quin hæreticum dogma crederet, defenderet, vel doceret. Athanasio ab Arianis imputabantur crimina, quæ falsa erant, nec pertinebant ad doctrinam fidei; eorumdemque criminum nomine ab illis depositus fuerat. Liberius in præsumptis epistolis se melius edoctum prætulit, cum ipsum deseruit, & ad inimicorum ejus partem transivit. Hæc causa aliena per se a dogmate fidei, defectum quidem constantiæ in Liberio probat, non vero errorem in fide, multo minus definitionis errorem. Ex hoc quidem facto magnam scandalum oriebatur in ipsam fidem; at error fidei per se, & definitionis error hoc scandalii crimen dici non potest.

*Vid. Tillamont. n. 55. in Arian.*

Quoad subscriptionem vero formulæ Sirmiensi jam convenit fere inter omnes eruditos etiam adversarios, illam fuisse primam formulam Sirmii editam contra Photinum, quam in libro *De synodis* ipse S. Hilarius uti catholicam excusat: ideo autem in *Fragmentis* vocat *perfidiam*, quia ex ejus sententia *quidquid præter fidem unam* (Nicænam) *est, perfidia est*, ut ait in libro contra Constantium num. 24. Quidquid sane exprimebatur in hac formula, verum erat, si catholico

*Bossuet lib. 9. Defens. 1. p. 32.* sensu acciperetur. Illud tantum Liberio vitio datur *subscripsisse ei fidei, qua Christus consubstantialis ejusdemque cum Patre substantiæ taceretur*: quod in erroris patrociniū ab hæreticis transferri poterat. Tacere autem quod catholicum, & a catholicis profitendum est, crimen est omissionis; & subscriptio, quæ ex omissione ejusmodi trahebatur in confirmationem erroris, est peccatum scandalii, definitio autem proprie dicta erroris nequit appellari. Liberius itaque subscribens formulæ, quæ tacebat quod erat confitendum, non esset excusandus; sed formulæ id tacenti subscribere, fuisset onnittere debitam confessionem, non autem  *falsa definire*: quod tamen illi \* Bossuetus perperam imputat.

\* Lib. 9. c. 34. tom. 2. pag. 146. De vi illa, quæ definitionem excludit. *Vid. sup. n. 34.* 32. Multo autem minus dici potest errasse in definitione fidei, qui ad eam subscriptionem & lapsum non liber omnia, sed per metum externum notoriumque deductus fuit. Neque enim definitio fidei est, aut dici potest illa, quæ

quæ non libera planeque voluntaria, sed per vim manifestam metu extorta est. Ubi de solemnibus Pontificum & conciliorum dogmaticis decretis agitur, eorum vis & auctoritas e sensu ac sententia Spiritu sancto inspirante edita proficiscitur: *Visum est Spiritu sancto Et nobis*; ac propterea ubi constet decretum vi ac metu externo fuisse expressum, & non ex intima decernentis sententia; idem decretum potiori ac prorsus necessaria & essentiali conditione caret. Aperta in re præsentis & efficax omnino est S. Athanasii ratio, atque iudicium in Historia Ariarum ad Monachos num. 42. quod & a P. Constantio laudatur: Porro *Liberius*, inquit S. Doctor, *extorris factus, post biennium denique fractus est, mirisque mortis perterritus subscripsit.* - Verum ea ipsa re comprobatur cum violentia eorum, tum *Liberii* in hæresim illam odium, ejusque pro Athanasio suffragium, quamdiu scilicet libere arbitrioque suo agere licuit. Nam quæ tormentorum vi præter priorem sententiam eliciuntur, ea non reformidantium, sed vexantium sunt placita. Ne pluribus in re & ratione manifesta immorer, addam confessionem celeberrimi Bossueti, qui in secunda instructione de promissis Christi factis Ecclesiæ contra hæreticos agens, non absimiliter *Liberii* lapsum ab iisdem quoque ingestum ita excusandum putavit, ut Christi promissis nihil præjudicet, cum certum sit ipso facto, ait num 105. *eum nonnisi manifesta violentiæ cessisse, Et mox ex semetipso ad officium rediisse.* Cum autem Minister heterodoxus opposuisset, violentiam ipsi injectam fuisse levem, & exaggerasset tanquam veram causam recuperandi Episcopatus cupidinem; reponit Bossuetus: *At tacenda non erat crudelis Imperatoris savitia, cujus minæ non exilium tantum, sed tormenta etiam atque mortem secum trahebant.* Scitur nimirum testimonio constanti S. Athanasii omniumque ejus ætatis auctorum Constantium sparsisse multum sanguinem, eisque, qui repugnabant ejus voluntati circa Arianismum, ipsius iram fuisse metuendam. Ego id non dico, ut *Liberium* excusem, sed ut sciatur, omnem actum, qui vi extorquetur, ex quolibet jure nullum esse. Manifestam autem interfuisse violentiam, ex qua quisque dignoscere poterat, num actibus ejusmodi quolibet jure nullis, utpote non omnino liberis & voluntariis quicquam deferendum esset, etiamsi aliquid præferrent definitionis erroneæ circa fidem (quod tamen non est), idem Bossuetus confirmat num 110. *Violentia enim manifestatur,*

*Acti Apost.*  
c. 15. v. 22.

*Inpresat. ad*  
*Epist. R. P.*  
*pag. XXXV,*  
*n. 55.*

*cum quis non mutatur nisi per vim, Et quando ad pristinum redit sensum, statim ac in libertatem restituitur: ut in Liberio evenit, qui non solum ante exilium, sed statim etiam post restitutionem contra Arianismum strenue dimicavit. Cur ergo hic Auctor Liberii lapsum toties opposuit, qui cum tot ex capitibus nutet, certe autem non fuerit in definitione erronei dogmatis circa fidem, nec in definitione libera; ad præsentem thesim non pertinet, qua infallibilitas Romanis Episcopis asseritur tantummodo in liberis & proprie dictis fidei definitionibus: ad quæ solum referuntur promissiones Christi?*

### §. IX.

*Lapsus, qui Honorio tribuitur, quantum absit a definitione fidei.*

33. Videndum nunc de lapsu Honorii. Tota ejus culpa, quæcumque fuisse credatur, in omissione definitionis ex officio edendæ collocari ad summum potest, non vero in erronea definitione. Excitatis enim iis turbis circa duas Christi operationes & voluntates, quæ omnes Orientales dividebant ecclesias, & nisi citius sopirentur definitione catholici dogmatis de duabus operationibus & voluntatibus in Christo haud pugnantibus invicem, perniciosus error circa fidem late irrepsisset & obtinuisset; re a tribus Patriarchis ad Apostolicam sedem delata, summæ Pontificis erat ob unitatem fidei custodiendam, & ad confirmandos fratres in re minime obscura definitionem e Petri cathedra edere. Id autem Honorius haudquaquam præstitit, non quod aliquid catholico dogmati contrarium sentiret (duplicem enim voluntatem & operationem indicavit sufficienter, cum in S. Leonis sententiam rescripsit, ut mox videbimus); sed quod œconomix causa expedire judicavit definitionem suspendere, ne definiendo majores turbæ excitarentur, & major scissura fieret. Deceptus fuit hac spe: & interim error ex hac omissione latius propagatus, profundiores radices egit. At cum hæc omissio non fuerit fidei definitio; non erravit definiendo, sed tacendo, & omittendo, quod definiendum fuerat.

34. Sed eja expendamus ipsum lapsum, qui Honorio tribuitur ex epistolis, quas de una vel duabus Christi operationibus ac voluntatibus ad Sergium CP. Episcopum scripsit. In his autem nec Monothelitarum errorem docuisse, nec definitionem fidei edidisse demonstrandum aggredior. Quoad dogma catholicum recte quidem sensisse eundem Pontificem evidens fit ex iis ipsarum litterarum verbis, quibus operationes & voluntates utriusque naturæ humanæ & divinæ proprias satis distinxit. In sexta œcumenica synodo act. 2. recitatur tamquam peremptorium contra Monothelitarum hæresim illud S. Leonis testimonium ex celebri dogmatica ad Flavianum epistola nostræ editionis 28. *Agit enim utraque forma cum alterius communione quod proprium est, Verbo quidem operante quod Verbi est, carne autem exequente quod carnis est.* In quæ notantur Apostolicæ sedis legati: *Ecce, benignissime Domine, MANIFESTE duas naturales operationes inconfuse & indivise in Domino nostro Jesu Christo præsens sanctissimus prædicat Pater.* Si ea Leonis verba manifeste adstruunt duas operationes & voluntates in Christo; nonne æque manifeste, & forte etiam manifestius eas adstruunt hæc aperta Rectum dogma satis expressit. Honorii verba in secunda ad Sergium epistola: *Quantum ad dogma ecclesiasticum pertinet, utrasque naturas in uno Christo unitate naturali copulatas cum alterius communione operantes atque operatrices confiteri debemus, & divinam quidem quæ Dei sunt operantem, & humanam quæ carnis sunt exequentem, non divise, nec confuse, aut inconvertibiliter Dei naturam in hominem, & nec humanam in Deum conversam edocentes.* Et post pauca affirmat, *duas naturas; idest divinitatis & carnis assumptæ in una persona unigeniti Dei Patris inconfuse, indivise, & inconvertibiliter PROPRIA operari.* Quid in recitato & laudato S. Leonis testimonio legitur, quod non in Honorii verbis satis aperte inveniatur expressum? Si primus ait, *Agit utraque forma cum alterius communione;* secundus peræque scripsit: *utraque natura cum alterius communione operatur.* Si primus ad distinctionem operationum addidit, *Verbum operari quod Verbi est, carnem exequi quod carnis est;* Honorius ex catholico dogmate confutandum tradidit, *Divinam naturam, quæ Dei sunt, operari, & humanam, quæ carnis sunt, exequi, & utramque naturam propria operari.* Quid, rogo, est dicere *divinam naturam operari quæ Dei sunt,* nisi fateri operationem divinam? Quid est

est pronuntiare naturam humanam exequi quæ carnis sunt, nisi humanam operationem profiteri? Quid est affirmare duas naturas divinitatis & carnis inconfuse & indivise operantes propria, nisi operationes uniuscujusque naturæ proprias, ac proinde duas operationes agnoscere? Testimonium Leonino tam simile, & aliquatenus manifestius, nonne catholicam Honorii sententiam in tuto ponit: unde ipse Bossuetus fateri compellus est, ea Honorii verba orthodoxa esse

*Lib. 7. ad. 12. Defens. 1. 22. 1. 2. pag. 37.*

Quo Consa.  
Honorius u-  
nam volunta-  
tem memora-  
vit.

*MAXIME* videri? Quod si in prima epistola ad Sergium unam voluntatem memorat; ne cum duarum operationum distinctione in aliis ad eundem litteris tam clare expressa, secumque pugnare credatur, non divinitatis & humanitatis unam voluntatem intelligere potuit; sed unam tantum humanitatis voluntatem intellexit, ut duas humanas voluntates invicem repugnantes excluderet, quas nonnullos admittere Sergius suis in litteris significaverat. Id satis aperte colligitur ex ipso epistolarum contextu, in quibus solam voluntatem carnis spiritui ac divinæ repugnantem, & ex Adami vitio in nos traductam, fuisse negat in Christo, hac ratione inter ceteras subiecta, quia profecto a divinitate assumpta est nostra natura, non culpa, illa profecto quæ ante peccatum creata est, non quæ post prævaricationem vitiosa: & recitatis aliquot Scripturæ testimoniis, quæ carnis voluntatem vitiatam atque rationi repugnantem innuunt, hanc tantum se in Christo negare ostendens concludit: *Non est itaque assumpta, sicut præfati sumus, a Salvatore vitiosa natura, quæ repugnet legi mentis &c.* Ita non violenter, sed proprie locum, qui unam voluntatem memorat, explicarunt Joannes IV. in Apologia ad Imperatorem Constantinum, & S. Maximus martyr in Dialogo cum Pyrrho, qui postremus testimonium etiam attulit ejus Secretarii, qui eandem epistolam ex persona Honorii scripsit, & vivit adhuc. Cum enim, inquit idem Secretarius, scripsisset Sergius esse, qui dicerent in Christo duas contrarias voluntates, rescripsimus Christum non habuisse duas contrarias voluntates, carnis, inquam, & spiritus, sed unam tantum, quæ naturaliter humanitatem ejus signabat. Neque moveant illa, quibus Honorius affirmavit, Dominum Jesum Christum unum operatorem divinæ atque humanæ naturæ: hæc enim referuntur ad personam Verbi, quæ una erat in Christo; unde non ab similia leguntur in aliis Patribus, ac præsertim in synodica S. Sophro-

phronii Hierosolymitani Episcopi, & qua Monotheliticum erro-<sup>Concil. VI.</sup>  
 rem fuisse, rejecit. Nihil ergo dubium superesse potest de ca-<sup>act. 12. inser-</sup>  
 tholica Honorii sententia.

35. Illa tantum notari posse videntur, quibus Honorius  
 in iisdem epistolis unius aut duarum operationum, seu vo-  
 luntatum voces novitatis, seu novæ adinventionis accusans,  
 utramque a prædicatione fidei ex æquo sustulit: cum tamen  
 duarum operationum & voluntatum professionem catholica  
 fides doceat. Hanc autem vocum unius aut duarum volunta-  
 tum ac operationum reticentiam, seu etiam inhibitionem Ho-  
 norii non fuisse definitionem fidei, sed prudentem, uti vide-  
 batur, dispensationis œconomiam, in qua errare possunt  
 summi Pontifices, ut ne tamen errasse dicantur in doctrina,  
 seu definitione fidei, ex Sergii Constantinopolitani ad Hono-  
 rium litteris, quæ hujus rescriptis causam dederunt, explo-  
 ratum fiet. Exponit siquidem in ipsis litteris Sergius quæstio-  
 nem coram Heraclio Imperatore a Severianis, seu Acephalis  
 excitatam, num una, an duæ operationes & voluntates di-  
 cendæ essent in Christo, in qua quæstione idem Sergius ab  
 eodem Imperatore interrogatus pro una operatione & volun-  
 tate responderat. Heraclio huic responso eo libentius assen-  
 tiente, quod speraret fore, ut facilius hac via Severiani ad  
 unitatem Ecclesiæ adducerentur. Narrat porro Cyrum antea  
 Episcopum Lazorum, mox ad Alexandrinam sedem promo-  
 tum, eidem unitati procurandæ feliciter insudasse, constitu-  
 tisque septem capitulis, quorum unum erat de una voluntate  
 & operatione in Christo, obtinuisse, ut omnes populi per  
 Ægyptum, Libyam, finitimasque provincias variis hæresibus  
 impliciti, præsertim Eutychiæ, abdicatis erroribus ad ca-  
 tholicam fidem reverterentur. Huic conciliationi unum So-  
 phronium tunc monachum Alexandriæ restitisse assernat, qui  
 cum apud Cyrum nihil profecisset, mox Constantinopolim  
 veniens secum egit, ut memoratum capitulum tollendum cu-  
 raret. Id durum nimis sibi visum addit, metuenti ne scinde-  
 retur iterum unio cum Severianis aliisque hæreticis eo capi-  
 tulo inducta. Subjungit postea, Sophronium quamvis roga-  
 tum nulla profusum asserre potuisse testimonia Patrum proge-  
 mina in Christo voluntate & operatione. *Ille autem hoc face-  
 re penitus non valuit.* E contra, vero pro una operatione ac  
 voluntate non pauca collecta præfert in opusculo, quod olim  
 Mennas CP. Vigilio Papæ in regia urbe degenti obtulisse di-  
 cebatur.

Prescripta  
 ab Honorio  
 reticentia u-  
 nius aut dua-  
 rum volunta-  
 tum ac ope-  
 rationum  
 non fuit defi-  
 nitio fidei.

Cur ad œco-  
 nomicam dif-  
 fensationem  
 referenda.

Honorius  
 ad  
 Cyrum  
 Episcopum  
 Lazorum  
 ad  
 Alexandrinam  
 sedem  
 promotum  
 eidem unitati  
 procurandæ  
 feliciter  
 insudasse

ad  
 Constantinopolim  
 veniens  
 secum  
 egit  
 ut  
 memoratum  
 capitulum  
 tollendum  
 curaret

Id  
 durum  
 nimis  
 sibi  
 visum  
 addit  
 metuenti  
 ne  
 scinderetur  
 iterum  
 unio  
 cum  
 Severianis  
 aliisque  
 hæreticis  
 eo  
 capitulo  
 inducta

Subjungit  
 postea  
 Sophronium  
 quamvis  
 rogatum  
 nulla  
 profusum  
 asserre  
 potuisse  
 testimonia  
 Patrum  
 pro  
 gemina  
 in  
 Christo  
 voluntate  
 &  
 operatione

Ille autem  
 hoc  
 facere  
 penitus  
 non  
 valuit

E contra  
 vero  
 pro  
 una  
 operatione  
 ac  
 voluntate  
 non  
 pauca  
 collecta  
 præfert  
 in  
 opusculo  
 quod  
 olim  
 Mennas  
 CP.  
 Vigilio  
 Papæ  
 in  
 regia  
 urbe  
 degenti  
 obtulisse  
 dicebatur



ebatur. Huic porro *verborum*, ut vocat, *confictum*, qui in præjudicium compositæ unitatis vergebat, ut finem imponeret, se scripsisse ait ad Cyrum Alexandrinum, ut bono pacis de una vel gemina operatione ac voluntate silentium præciperet, eo præsertim nomine, quod *unius* voluntatis & operationis vocabulum duarum naturarum dogma videri potest impetere; duarum vero voluntatum & operationum mentio contrarias ac repugnantes voluntates in Christo videtur adstruere. Huic expositioni & conciliationi pacis Sophronium ipsum acquiescisse significat; ac tandem Apostolicum hac in re responsum efflagitat. Cum apud Honorium ne levis quidem suspicio esset de Sergii fide, memoratis vero litteris pacem initamentantibus solius catholicæ fidei & unitatis conservandæ studium ita præferretur, ut Sergius a sola vocum quæstione, quæ scandalum pareret, & utrinque periculo videbatur exposita, abstinendum contenderet; nihil mirum, si Honorius rescribens, de inita pace gratulatus, utriusque vocis silentium se posse, vel etiam debere præcipere existimavit, dum satis videbatur consultum catholico dogmati, si in Christo profiteretur duas naturas divinam & humanam indivise, inconfuse, & inconvertibiliter junctas, declararetque Jesum Christum operantem *propria* utriusque naturæ, adeo ut rem ipsam confiteri noscatur, tametsi novas voces ob vitanda scandala velit reticere. Iis in initiis nova hæresis nascens, parum nota Orientalibus, in Occidente erat omnino ignota. Certum erroris systema nondum prodierat ex ejus auctoribus, qui unius æque ac duarum operationum ac voluntatum silentium requirebant: neque tunc eo res progressa erat, ut non sine scandalo duarum operationum ac voluntatum voces possent omitti, ut postea accidit. Hinc ex interdicto earumdem vocum usu Honorius erroris, seu hæresis reus in iisdem initiis traductus non fuit, nec ullo modo damnatus: immo & a Joanne IV. & a Maximo martyre vindicatus invenitur luculentissimis apologiis. Cum porro sensim hac Honorii dispensatione seu oeconomia Monothelitæ abutentes, suo errori patrocinium exinde deduxissent; detectum fuit, eum a Sergio inani spe & mendaciis fuisse deceptum, & contra pravam illorum interpretationem atque sententiam necessariam esse expressam confessionem duplicis voluntatis, non tamen repugnantis in Christo, ac operationis item duplicis: & tunc Honorius ejusque epistolæ ad Sergium male audiri cœperunt; eadem-

Honorius ante sextam synodum defensus.

Cur in synodo VI. damnatus.

eademque de causa idem Pontifex una cum Sergio, Cyro, aliisque Monothelitis fuit in sexta generali synodo condemnatus, non tamen ob hæresim, sed quia ea cœcumenica im-

provida dispensatione, & nonnullis minus cautis locutionibus, quas illi in suum pravam dogma obtrudebant, eidem hæresi favore impendisse visus est. Ita Leo II. qui post sextam synodum Agathonis successit, scribens ad Imperatorem pro confirmatione laudatæ synodi, cum anathematizavit alios, quos appellavit *novi erroris inventores*, tum vero Honorium addidit, quippe qui, ait, hanc Apostolicam ecclesiam non Apostolicæ traditionis doctrina illustravit, sed profana traditione immaculatam maculari permisit; & in epist. ad Episcopos Hispaniæ, qui flammam hæretici dogmatis, non, ut dicitur Apostolicam auctoritatem, incipientem extinxit, sed negligendo consovit. Similiter in professione Romanorum Pontificum in Diurnum inserta post ceteros ejusdem erroris auctores anathema fertur in Honorium, qui pravis eorum erroribus favorem impendit. Lapsus ejusmodi in Honorio notatus, est error negligentiae & omissionis, eo quod ad præcavenda scandala catholica doctrinam non definierit, ut oportebat; quod officio sibi commissio confirmandorum fratrum desuerit; quod hæresi nascenti se se non objecerit, nimiumque credulus Sergiique litteris circumventus silentium indixerit, & loquutiones quasdam minus cautas usurpaverit, quæ in patrocinium hæresis tractatæ fuerunt. Error hic Honorii fuit error subreptionis & facti, seu œconomicae dispensationis, quæ ad disciplinam refertur, non fuit error dogmaticæ definitionis, quæ ad fidem e cathedra editam pertineat. Expendantur singula Honorii verba, & cum dogma duarum operationum & voluntatum quoad substantiam satis propositum, tum vero silentium solum œconomicae causa, non tamen definendo, sed hortando (*hortantes vos*, inquit,) invenietur præscriptum, ad quod revocantur nonnullæ minus cautas loquutiones (1) meram vocum quæstionem ac novitatem sug-

Non tamen  
damnatus ob  
hæresim.

Qualis fuerit  
Honorii er-  
ror & lapsus.

Epist. 1. act.  
12. syn. VI.

Q q 2

gillan-

(1) Cum Honorius in secundis ad Sergium litteris inseritis synodo VI. act. 13. scripserit, *Unius autem operationis vel duarum esse vel fuisse mediatorum Dei & hominum Do-*

Epist. 2. ad  
Sergium. act.  
13. Synod.  
VL.

gillantes, quæ ad definitionem dogmaticam trahi nulla ratione queunt: cum præsertim idem Pontifex scribens, *Non nos oportet, unam vel duas operationes DEFINIENTES prædicare*, fidei definitionem se non edidisse declarat. Quis ipso Pontifice definitionem abs se editam negante, fidei definitionem

minum Jesum Christum, sentire & promovere satis ineptum est; non tam voces catholicas duarum operationum promovere, quam rem ipsam & sensum ad dogma pertinentem sentire, tamquam ineptum præscripsit Bossueto vitæ est lib. 7. al. 12. *Defensio* cap. 25. Hæc vero objectio duplici ex capite refutatur. Primo, fuitque verbo *sentire*, quod tamen inductum a Latino interpretare ex Græca earum litterarum versione, nam legere in originali Latino ipse Honorius, quod desideratur, nemo probaverit. Deinde ei verbo affigitur sensus, qui nec possibilibus est, nec cum Honorii litterarum contextu coheret. Nam enim in explicatione, quæ non meras unius, vel duarum operationum voces, sed ipsarum etiam sensum proscriberet; nec unam, nec duas operationes in Christo sentire opus esset, quod est præter impossibile. Porro ex toto ambiguum Honorii litterarum contextu liquet, hunc Pontificem, et si unius, vel geminæ operationis voces suppressendas contulerit, duas tamen operationes in Christo re ipsa quoad substantiam & sensum, aliis licet verbis, apertissime fuisse confessum, ut notavimus supra

num 34. Alia itaque interpretatione intelligendum est verbum, quod in versione Latina ex versione Græca redditum est *sentire*, ita scilicet, ut non referatur ad proscribendum geminæ operationis sensum, quem idem Honorius tam expresse approbavit, sed ad suppressendam tantum earum vocem, quæ, quem quidem unum panis accendenda nomine Sergius sublegendum petierat, & de quo non tollendo Honorius ad eo decrepuit, se se sollicitum toto contextu exhibet. Si primigenium ipsarum litterarum Latinum exemplum præsto esset, nihil dubito, quin verbum præferret, quod verum earum vocum usum in præsumtis circumstantiis acci & unitati, uti forebatur, insensum, satis ineptum traduceret: quam quidem in sententiam idem Pontifex se scripsisse ait, tum ad Cyrillum qui pro unitate ad Sophronium, qui pro geminæ operatione pugnavat, se inquam, scripsisse ait ibidem post pauca, *ne move vocis, id est unius, vel gemine operationis VOCABULO insistere & immorari videantur*. En quid ineptum credidit, his in vocabulis insistere & immorari.

tionem, erroremque definitionis fidei in ejus litteris contineri audeat affirmare?

36. Nonnulli nec levibus quidem argumentis contendunt, Honorium in iisdem litteris privatam gessisse personam, non publicam; ac proinde eas vel hoc nomine non posse haberi tamquam Apostolicæ cathedræ definitionem atque doctrinam, ut videre est inter alios apud Thomassinum dissent. 20. in synodum VI. œcumenicam. Quod si id non ardeat iis; qui in litteris de re gravissima & ad fidem pertinente exaratis, duobus Patriarchis Apostolicam sedem consulentibus, Honorium silentium præscribentem praximque dirigentem privatam personam gessisse haudquaquam intelligunt; non idcirco definitionem fidei in iisdem litteris contineri evincere queunt. Sicut enim non omnia, in quibus summi Pontifices Apostolicam auctoritatem interponunt, sunt definitiones dogmaticæ, quibus immunitas ab errore tribuenda sit; uti sanè fidei definitiones ab omni errore immunes haudquaquam habentur judicia circa personas, statuta disciplinæ, & alia ejusmodi a negotio fidei aliena, quæ ex Apostolica auctoritate subinde proferuntur; ita fidei definitiones dici nequeunt epistolæ Honorii ad Sergium, quæ etsi circa negotium fidei versantur, & publicam personam creduntur præferre; nihil tamen credendum decernunt; nihil damnant uti contrarium fidei, uti definitio proprie dicta exigeret (confer dicenda num. 41.); sed œconomix causa unius & geminæ voluntatis atque operationis silentium ob impedienda scandala præscribentes, definitionem dogmaticam expressis, quæ indicavimus, verbis excludunt. Si autem in illis nulla fuit proprie dicta definitio fidei, extra præsens propositum evagantur, qui ipsas maximo nisu opponunt, ac si error, quem in illis inesse putant, pertineat ad definitionem fidei, de qua una nunc agimus.

37. Hic autem animadvertere libet, quam facile ex dictis hactenus intelligatur, quomodo hic Honorii lapsus, qui non dogmaticæ definitionis lapsus fuit, sed omissionis, subreptionis, improvidæ credulitatis, & œconomix, quæ in bonum cessura credebatur, & sola Monotheitarum malitia in scandalum conversa est; quomodo, inquam, hic Honorii lapsus nihil præjudicet ei promissioni Christi, *Oravi pro te &c.* ex qua in Petri persona indefectibilitatem fidei successorum ejus traditione testante deduximus. Distingue in eo



Notabilis  
distinctio in-  
ter promissi-  
ones Christi,  
& præcepta.  
Lib. 1. o. al. 15.  
Defens. c. 35.

textu promissionem Christi, ne deficiat Petri fides ad succes-  
sores ejus transmissa, a præcepto ejusdem successoribus æque  
imposito, *confirma fratres tuos*; & vide, quid inter promissio-  
nem & præceptum intersit. Illa promissio, *Ne Petri fides*  
*deficiat*, ut monuit etiam Bossuetus, semper implenda est,  
quia Christi promissiones infallibilem effectum habent. Præ-  
ceptum vero confirmandi fratres, non semper implendum,  
quia hujus præcepti semper implendi nulla fuit Christi pro-  
missio. Cum promissum illud, ne deficiat Petri fides, factum  
fuerit a Christo bono unitatis fidei, ut excitatis a satana con-  
troversis ob scindendam hanc unitatem, fratres edita doctrina  
fidei confirmarentur ab eo, qui vindicandæ eidem unitati  
toti Ecclesiæ præpositus fuit; semper implebitur, neque defectura erit umquam. Petri fides etiam in successoribus ejus,  
quandocumque in iisdem satanæ moliminibus fidei unitatem  
vindicturi, ex præcepto Christi ac præcipuo primatus officio  
dogmaticam definitionem edent, ut fratres confirmet,  
contineantque in veræ fidei unitate. Num vero huic præcepto  
& officio, de quo nulla promissio suppetit, illi sint semper  
satisfacturi, necne, æque certum non est; ac propterea  
si qui huic muneri desint, etiam cum opus esset confirmare,  
sive quod negligent, sive quod existiment non expedire, ut  
in Honorio accidit; deerunt quidem officio, non tamen dici  
poterunt defecisse in fide, seu in definitione fidei, quod  
unum ne eveniat, promissum fuit. Honorii itaque lapsus,  
quem non fuisse lapsum definitionis fidei luculenter, ut ar-  
bitror, constituimus, promissionem Christi, quæ ad solam  
fidei definitionem extenditur, intactam relinquit.



## §. X.

*De lapsibus, qui aliis Pontificibus tribuuntur, & de nonnullis antiquorum testimoniis, quæ errores Pontificum indicant, quædam attinguntur, ex quibus pateat nullos pertinere ad definitiones fidei.*

38. Si porro duo illa, vel tria objecta, quæ veluti potiora & magis explorata ex S. Petri, ex Liberii & Honorii lapsibus obtruduntur, in rem præsentem nihil probant; quid censendum de ceteris, quæ ex aliis Pontificibus ducta, minoris momenti & imbecilliora sunt multo, evidentioribusque responsionibus apud alios inerrantiæ Pontificiæ eruditos doctosque vindices uberrime diluta inveniuntur? Ne morosius percurramus singula, & ne deferamus plane omnia, animadversionem proferam, ex qua quisque exploratius cognoscat, quatenus aliis atque aliis objectis responderi queat. Illud apud non paucos præjudicium obtinet, quo omnia Pontificum dicta, vel scripta tamquam fidei definitiones existimant; nec cogitant, se hac ratione ipsis Pontificibus, dum favere nimium volunt, obesse plurimum, adversariisque Pontificiæ inerrantiæ plurium objectorum occasionem præbere. Præjudicium ejusmodi si deponatur, cum obvia erit quamplurimum objectorum solutio; tum facilius adversariorum catholicorum conciliatio. Ex quo summi Pontifices ad Petri sedem promoti sunt, sicut non idcirco exuerunt humanam naturam; ita neque humanam agendi & opinandi rationem deposuerunt. Quam multa agunt ex prudentiæ regulis, quæ ex varietate circumstantiarum judicium mutandum præscribunt, quæque illud sectari jubent, quod (ut scholæ loquuntur) in pluribus accidit, licet in paucioribus possit deficere? Quam multa decernunt ex opinione, quæ omnibus expensis longe probabilius, & certior judicatur, unde est illa juris canonici regula in Sexto: *Inspicimus in obscuris, quod est verisimilius*? Ad hæc fere revocantur pleraque rescripta Pontificum non tam circa personas & judicia particularia, quam in responsis ad dubia eisdem proposita circa practicos casus, ut ne ullum definitionis dogmaticæ judicium præferant. Respondent enim sæpe Pontifices, inquit \* Melchior Canus, ad privatas hu-

Præjudicium  
detectum, &  
deponendum.

\* Lib. 6. De  
locis Theol.  
c. 8. ad 8.

jur,



jur, aut illius Episcopi quæstiones suam opinionem de rebus propositis explicando, non sententiam ferendo, quæ fideles obligatos esse velint ad credendum. Et similiter Cardinalis Bellarminus notavit multa esse in epistolis decretalibus, quæ non faciunt rem aliquam esse de fide; sed solum opiniones Pontificum ea in re nobis declarant. His Apostolicis rescriptis summa quidem observantia debetur pro summa rescribentium dignitate atque auctoritate; & si quæ forte videantur aliquid difficultatis pati; explicanda, concilianda, & vindicanda sunt, si salva veritate fieri possit: at cum in eiusmodi responsis ad prudentiam, & opinandi regulas pertinentibus nullum fidei dogma (in quo continetur & (1) morum naturalis ac divini juris doctrina) definitum dici queat; objectæ, sicubi opponantur, difficultates non sunt necessario solvendæ ab illis, qui Pontificiam inerrantiam solis fidei definitionibus promissam vindicandam sumserunt. Quid quod multæ etiam sententiæ, quæ in Pontificum sive epistolis, sive concionibus, sive aliis quibuslibet eorum operibus inspersæ, etiam si veritatem, aut (2) aliquod dogma contineant, & verissimæ sint; non tamen fidei definitiones dici queunt; sicuti similes sententiæ in aliis Patribus inventæ, opinionis, vel dogmatis, uti materies fert, testimonia sunt, definitiones autem fidei non item. Fidei enim definitiones proprie dictæ, quibus per se debetur unitas fidei, illa tantum, ut antea explicavimus, Apostolica decreta sunt habenda, in quibus ob excitationes controversias vel dogma aliquod de fide credendum decernitur, vel error alicui dogmati contrarius damnatur, ut ex primatus officio unitas fidei servetur, fratresque confirmantur in fide; quibus tamen ipsis si qua obiter inferantur.

Nota discrimen inter testimonia traditionis ac definitiones dogmaticas.

(1) Hinc Clerus Gallicanus Censuram & declarationem scriptam in conventu anni 1700. his verbis exorditur. Religionem Christianam fide & moribus constare; dogmatum autem tum fidei tum morum eundem esse fontem, & bene vivendi regulam ad ipsum fidei caput pertinere Ecclesia catholica semper

intellexit. (2) Sententiæ ejusmodi, aliquod dogma exprimentes ex Pontificum operibus sumæ, ad probandam quidem Romanæ ecclesiæ traditionem, non vero ad probandam proprie dictam definitionem fidei, referenda sunt.

rantur, vel ut objectioni respondeatur, vel explicandi gratia præter præcipuam propositionem, ea non pertinere ad definitionem fidei Melchior Canus animadvertit. *Lib. 3. de Lo- cis c. 5.*

39. Hisce observationibus, si penitus intelligantur, quam inania detegentur plura objecta ex aliquot rescriptis aliisque Pontificum documentis, quæ ex prudentiæ regulis, vel ex opinione scripta, ad fidei definitiones non sunt revocanda? Ita ex. gr. perperam opponitur factum Vigilii, qui in Constituto diei 14. Maii anni 553. defendit tria Capitula, & postea damnavit; cum certum sit ex S. Gregorio Magno, in ea quæstione de quibusdam solummodo personis fuisse ventilatum, & nihil aliud quam de personis fuisse discipatum, uti affirmavit Pellagius II.; ac proinde quæstionem fuisse extra fidem, ut Pelagius I. scripsit ad Childebertum Regem Francorum. Egit autem in hac de personis controversia Vigilii ex prudentiæ regulis, quæ pro temporis & circumstantiarum ratione consilium esse sumendum tradunt. Tunc enim tria Capitula fortiter defendenda, seu non damnanda credidit, cum censuit ea non posse damnari absque injuria & periculo concilii Chalcedonensis. Cum vero post multam discussionem exploratum ipsi fuit, Nestorianos iisdem Capitulis perperam abuti cum evidenti periculo, ne damnatus eorum error vehementius repullularet; eadem astutum damnavit inflicto in eos anathemate, qui secus opinarentur, quod anathema in Constituto pro ipsorum defensione non tulerat. Vide hac de oeconomia peculiararem dissertationem Petri de Marca de decreto Vigilii, & Cardinalem Ursium in Hist. eccles. lib. 41. n. 84. ubi is etiam ostendit, post hoc postremum peremptoriumque Vigilii decretum quintam synodum inter œcumenicas haberi cœpisse, quæ prius Apostolicæ confirmationis defectu ea auctoritate caruerat.

40. Cum Joannes XXII. aliqua dixit pro ea sententia, qua animabus iustis visio beatifica deferenda tradebatur post extremi iudicii diem; id dixit opinando, vel potius, ut declarant Theologi Parisienses, referendo, & (si malis) favendo sententiæ nondum finali iudicio proscriptæ, non vero definiendo. Immo in diplomatibus canonizationis SS. Thomæ Aquinatis, Ludovici Tolosani Episcopi, & Thomæ Herfordiensis Antistitis ab eadem sententia decedens, Sanctorum animas in cælum receptas, ac beatâ visione donatas

De facto Vigilii.

Greg. lib. 2. epist. 10. ad Salvinum.

Pelag. I. ad Episcopos Istr.

De Joanne XXII. sententia circa visionem beatificam.

\* Vid. Tournel. de Decret. l. 1. pag. 578. edit. Venet.

professus est. Vide de hoc plura apud Odoricum Raynaldum ad annos 1333. & 1334. Ad opinionem quoque referenda sunt alia multa cum in sermonibus, tum in rescriptis asserta, quando non expresse definiunt, nec docent aliquid credendum, vel damnum ex fide. Nonne Clemens VI. in ipso Viennensi Concilio agens de quodam effectu baptismi inter auctores diversis opinionibus controverfo alteram opinionem tamquam probabiliorem amplectens, a definitione abstinuit? Hinc scite profecto Melchior Canus, postquam de decretalibus scripsit: quarum nonnullas constat a posterioribus meliori consilio refutas, hanc rationem subiecit: Quoniam non ex firmis decretis, sed ex Pontificum opinionibus prodierunt. Cum Gregorius XL. in testamento declaravit: Vo-

lunt, dicimus, & protestamur ex nostra certa scientia, quod si in Consistorio, aut in concilio, vel in sermonibus, vel in collationibus publicis, vel privatis, vel lapsu lingua, aut alias ex aliqua turbatione, vel etiam latitia inordinata, aut praesentia Magnatum, ad eorum forsitan complacentiam, seu ex aliqua dispendentia, vel inadvertentia, aut superfluitate, aliqua dixerimus erronea contra fidem catholicam, quam coram Deo & hominibus, ut tenemur praeter ceteris, profitemur, colimus, & colere cupimus, seu forsitan adhaerendo opinionibus contrariis fidei catholicae scienter, & quod non credimus, vel etiam ignoranter aut dando favorem aliquibus contra catholicam religionem obloquentibus, illa expresse & specialiter revocamus, de testamur, & haberi volumus pro non dictis cum haec, inquam, declaravit, nonne manifestum fecit, se loqui de dictis ex opinione, vel subreptione, vel infirmitate aliqua humana, quibus error subesse potest, quaeque proinde cum non sint habenda definitiones fidei, si quem errorem involverent, jure revocavit? Uti fecit etiam Joannes XXII.

qui propterea omnia ejusdem generis iudicio Ecclesiae ac suorum successorum subiecit. Haec profecto testimonia perperam obtruderentur ad statuum, eos credidisse errori obnoxias definitiones fidei, cum solum probent, non omnia, quae a Pontificibus aguntur, dicuntur, vel scribuntur, ad fidei decreta debere, aut posse referri. Hinc superfluum agnoscitur, alia multa objecta ex responsis, scriptis, aut dictis Pontificum expendere, quae aliquibus ex memoratis exceptionibus ad fidei definitiones non pertinent. Ubi quidem agebatur de definitionibus dogmaticis, eas semper a Roma-

\* Apud Raynald. ad an. 1334. n. 17. Vid. epist. i. ejusdem Patram obtruderentur ad statum, eos credidisse errori obnoxias definitiones fidei, cum solum probent, non omnia, quae a Pontificibus aguntur, dicuntur, vel scribuntur, ad fidei decreta debere, aut posse referri. Hinc superfluum agnoscitur, alia multa objecta ex responsis, scriptis, aut dictis Pontificum expendere, quae aliquibus ex memoratis exceptionibus ad fidei definitiones non pertinent. Ubi quidem agebatur de definitionibus dogmaticis, eas semper a Roma-



nis Pontificibus irrefragabiles atque infallibiles habitas invenimus; ut patet ex dictis ex. gr. de definitione Cælestini contra Nestorium, Leonis I. contra Eutychem &c. nec unus Pontifex Romanus asserri poterit, qui aliquam ejusmodi definitionem revocaverit, aut novo judicio Ecclesiastico veluti dubiam submiserit, ut in aliis rescriptis, aut documentis Pontificiis, quæ a definitionum natura absunt, reperire licebit.

41. Sed quid pluribus opus est distineri in re, quam idem Bossuetus satis confessus est? Libro enim tertio *Defensionis* al. 7. cap. 1. quædam testimonia decretorum sibi leste rejecturus in ea materia, de qua nobiscum non est quæstio, nonne ea decreta Pontificia ad fidei definitiones non pertinere contendit; allatisque Theologorum infallibilitatis Pontificiæ defensorum auctoritatibus, ad fidei definitionem duo requiri statuit: alterum ut res sit ad fidei & morum, essentialia pertinens; idque per se, & proxime, non accidentario & remote; alterum ut expressum sit id de fide credendum. Cum Romani Pontifices ad Petri cathedram erecti, non idcirco opinandi facultatem amiserint; sæpe autem ex opinione ac prudentiæ regulis respondeant, ut monuimus num. 38. & omnes etiam Pontificiæ auctoritatis defensores fatentur; non omnia eorum responsa atque decreta definitiones fidei haberi debent, nisi in eo, quod respondent decernuntve, satis exprimatur aliquid credendum aut reprobandum ex catholica fide. Id præsertim locum habet in quæstionibus & (1) casibus practicis, qui variis hinc inde difficultatibus sunt impliciti; & a certis divini ac naturalis juris principiis remoti, in quibus nisi de dogmate expresse

Quia ex Bossueti requiratur ad definitionem proprie dictam.

Bossuet. t. 1.  
Defens. novæ  
edit. pag. 271.  
Vide Odoric.  
Raynald. loc.  
cit. n. 32.

R. 12. ag-

(1) In his quidem practicis casibus a principiis juris naturalis ac divini valde remotis, cum nec habetur, nec haberi solet omnimoda certitudo, nec certitudo fidei ad faciendum sit necessaria, sufficiat autem illa certitudo moralis, quæ ex opinione moraliter certa proveniens in rebus morali-

bus sufficit, responsa summorum Pontificum vel probabiliora morali certitudinæ prædita continere solent, vel, ubi hæc certitudo desit, ad tutiora remittunt, ut ex aliquot decretalibus liquet: nec fidei dogma constituere credenda sunt, nisi cum aliquid ex fide credendum vel damnandum satis declarant.

Tria requisi-  
ta ad proban-  
dum errorem  
definitionis  
fidei.

agatur & statuatur, ex opinione responderi solet: ac propterea jure Bossuetus eam defensorum Pontificis infallibilitatis regulam laudavit, qua ad fidei definitionem discernendam requirunt, ut res, de qua Pontifices decernunt, non solum ad fidei & morum essentialia pertineat, idque *per se & proxime, non accidentario & remote*, verum etiam ut *expressum sit id de fide credendum*. Quid ergo tam multa ex aliquot Pontificiis responsis, seu decretis congessit objecitque, quibus satisfit hac una interrogatione, (1) *Nam quod ibidem respondetur, aut decernitur, expressum sit id de fide credendum?* Tria ab adversariis præstanda sunt, ut erratum probent in definitione fidei. Primo decretum, quod opponunt certum esse debet, non supposititium, aut dubium; quo nomine nihil certi probant quædam responsa Stephani II. seu potius III. quæ non solum (2) a P. Harduino, verum etiam ab uno ex ipsis adversariis (3) P. Natali Alexandro non satis certa, vel etiam supposititia judicantur. Secundo error, qui obiicitur, debet esse error non facti, sed fidei, & hic quidem ita evidens, ut verba nequeant æqua interpretatione explicari: nimis enim iniquum esset in pravum & erroneum sensum accipienda contendere, quæ sine errore explicari queunt: quo ex capite nihil obest error Zosimi, qui a Cælestio per subreptionem deceptus, mero errore facti laboravit; nihilque pariter obsunt aliquæ decretales, quarum verba æquum sensum ab errore fidei remotum commode ferunt, uti sane laudatus (4) Natalis Alexander explicat Gregorii II. responsum ad S. Bonifacium de infirmitate & impotentia antecedente matrimonium, at post matrimonium detecta, quæ matrimonium antea contractum irritum reddiderat. Ubi vero fidei error inveniretur in certo Pontificio documento, & ita apertus, ut nulla ratione posset

(1) Id valet vel maxime in objectis Honorii litteris, in quibus error, qui ipsis perpetam appingitur, nullibi de fide credendum traditur.

(2) Dissert. de baptismo in YMO.

(3) Theol. dogm. moral. lib. 1. De materia baptismi regul. 2. ubi responsum de baptismo in vino corruptum & facili correctione emendandum ostendit.

(4) Hist. eccl. sæc. VII. artic. 3.

fet congrue explicari, restaret adhuc tertium, num ex documentis verbis pateat hujusmodi erratum proponi & decerni tamquam credendum ex fide, ut in definitione fidei erratum fuisse probetur. Quo vel maxime nomine idem Bosuetus loco laudato a definitionibus dogmaticis aliena quoque cum Bellarmino agnoscit decreta in Formosum, nec non cum Odorico Raynaldo celebrem decretalem *Exiit* a Nicolao III. editam, quam tamen multo cum nisu alibi fulius obtrudit. In prævia autem dissertatione, quæ Posteriorius ab eodem Bosueto scripta, novissimæ editioni Definitionis præfixa fuit, §. 46. ubi Nicolai ejusdem decretum ex decretis Joannis XXII. erroris notavit, objectum ejusmodi valde ambiguum saltem declaravit scribens: *Ceterum neque hic sollicite quærimus, quæ de re præcise ageretur, & an revera Nicolaus pro cathedræ auctoritate ista decreverit, nec magis curamus hic, rectene, an secus ipse ac Joannes egerint, & an summa consentiant, verbis litigent: quæ sane non solum defensores Pontificiæ auctoritatis suse agitarunt, sed inter celebriores adversarios agitavit etiam P. Natalis Alexander diss. XI. in sæculum XIII. & XIV. art. 1. ubi Nicolai decretum decretis Joannis XXII. quoad substantiam non contraire constituit. Certe vero in decretali *Exiit* Nicolai mentem non fuisse proferre definitionem fidei late demonstravit Cardinalis Ursinus tom. 2. de Romani Pontificis auctoritate lib. 3. cap. 42. pag. 268. In his & similibus decretis (quod antea monui) potissimum cavendum, ne idem esse credatur aliquid pertinere ad materiam fidei, & decreta, quæ a Pontificibus eduntur, ut respondeant interpellantibus Apostolicam sententiam & auctoritatem, si quo hujus auctoritatis characterem muniantur, semper esse definitionem fidei. In re enim, quæ referri queat ad jus naturale, vel divinum, respondere possunt quod ex opinione probabilius judicant, vel tutius, nisi expriment aliquid credendum, aut damnum ex catholica fide; idque possunt, etiam si ad compescendas aciores contentiones sub excommunicationis poena vetent constitutis glossas addere, & aliter interpretari, ut Nicolaus vetuit. Potest enim excommunicatio ferri ob præsumptionem & inobedientiam, quæ pacem turbet, & scandala foveat; tamen si circa articulum nondum definitum ex catholica fide nullum læsæ fidei periculum sit. Hoc uno principio quam multæ Pontificum constitutiones aliquem characterem auctoritatis*

Tom. 1. *Defens. lib. 3. al.*  
7. c. 7.

De decretali *Exiit*.

\* Lib. 9. al.  
14. *Defens. c.*

42. & seq.

\* T. 1. pag. 42.

\* *Supra hoc cap. n. 36.*



Apostolicæ præferentes, a proprie dictæ definitionis fidei catalogo ~~excluduntur~~, ex quibus objectæ difficultates, in quo casu maxime probarent, non probarent errores in definitione fidei.

42. Ex hæstenus dictis inepta ad propositum deteguntur etiam pauca quædam objecta ex nonnullis antiquis Patribus, qui dum aliquorum Pontificum sententias, aut epistolas vellicant, dogmaticas definitiones non respiciunt, sed facta & scripta in causis a definitione fidei alienissimis, uti

Loca obiecta ex S. Basilii soluta. ex. gr. duo illa, quæ Bossuetus ingerit, testimonia (1) S. Basilii pertinent ad causam inter Paulinum & Meletium de Episcopatu Antiocheno contententes, in qua tota quaestio erat personalis & facti. Nec minus inepta est objectio ex

\* *Id. sup. c. 13. pag. 196. not. 1.* obedientiam Pontificibus debitam ea conditione coercent, nisi quid præciperent contrarium Evangelio, aut divinis mandatis, vel contra fidem. Primo enim ad errorem probandum non sufficiunt propositiones vagæ, & conditionatæ;

sicut illa verba Apostoli Pauli ad Galatas c. 1. v. 8. *Quod nos, aut angelus de cælo evangelizet vobis, præterquam quod evangelizavimus vobis*, &c, quæ hypotheticæ propositioni æquivalent, non probant, ipsum Paulum aut bonos angelos de cælo quidpiam tale Apostolicæ doctrinæ contrarium evangelizasse aut posse evangelizare. Dein illi textus agunt de præceptis particularibus, in quibus sicut Papæ non ita certo sunt infallibiles, ut in definitionibus dogmaticis; ita si quid forsitan præciperent contra fidem, aut Evangelium, errarent quidem, nec per devia sequendi essent, ut dixit Augustinus; sed error definitionis fidei dici non posset.

De propositionibus damnatis in glosa.

43. Pauca nunc cursim indicanda de iis, quæ quosdam movent, dum ea Pontificia decreta, quæ aliquot propositio-

(1) Ex Basilii epist. 314. ad Terentium Comitum, & epist. 239. ad Eusebium Samosatenum testimonia Bossuetus profert, in quibus rerum Orientalium, seu gestorum & sensuum ignorantia tamquam dissidii causa notatur. Nec mirum si Basilium, qui cum Orientalibus Melesio favebat, peritus aliquanto contra Romanos scripserit, qui cum Occidentalibus & Alexandrinis Paulino patrocinabatur.

tiones in globo variis censuris respective dampnant, erroris accusant, si inter propositiones ejusmodi aliqua veræ, & a piis sanctisque viris usurpata videantur. Id autem quam sit inane, facile quis agnoscat, si animadvertat peculiarem horum decretorum, & harum condemnationum naturam. Cum enim censuræ plures sunt, & propositiones item plures damnantur in globo & respective, nulla censura cuivis propositioni singillatim afficta; ut iustitia & veritas proscriptionis constet, haud necesse est omnes censuras & notas singulis propositionibus convenire; sed sufficit, si (1) aliqua saltem censura huic, vel illi conveniat, ut ex duabus Clementis XI. constitutionibus colligere licet. Porro inter censuras diversas, non omnes falsitatem aut hæresim notare solent, sed temeritatem, piarum aurium offensionem, æquivocationem, scandalum, vel captiosum sensum &c. quæ notæ cadere possunt etiam in propositiones aliquo sensu veras per se, sed quæ ob temeritatem, offensionem piarum aurium, scandalum, ac præsertim ob æquivocationem, ac falsum sensum, in quem trahi possunt, ac tractæ fuerunt a quibusdam, jure ab Ecclesia damnantur, ut ne idcirco verus sensus, quem sana interpretatione habere queunt, & in quod a viris piis sanctisque fuerint acceptæ, damnatus credatur. Hac in re, quæ laudata Pontificia proscriptionum decreta ab errore satis superque vindicat, si quis plura desideret, adeat Melchiorum Canum *de Locis Theolog.* lib. 12. c. 10. Confer etiam Cardinalis Norisii dissertationem H. apologeticam (2) Monachorum Scythiæ cap. 1. ubi quasdam pro-

(1) Clemens XI. in Bre-  
vi diei 26. Novembris 1716.  
ait; Censuris variis, quas respec-  
tive, ut ajunt, hoc est, singuli  
(articuli) eorum SALTEM ALI-  
QUAM merebantur, in istos usque  
to more proscripsimus. Et in Con-  
stitutione Pastoralis officii clarius  
explicans scribit: Constitutionem  
promulgavimus, in qua plures no-  
xios articuli ex eodem libro ex-

cerptos censuris variis, quas res-  
pective, ut ajunt, hoc est, sin-  
guli ALIQUAM SALTEM ea-  
rum notatos promiscue pro hujusce  
sanctæ sedis more proscripsimus.

(2) Horum Monachorum  
propositionem de uno ex Trinita-  
te &c. ab Hormisdâ Papa haud-  
quaquam damnatam, & quid  
in ipsis reprehensum, idem No-  
sius fuse explicat dissert. 1.

propositiones, immo & verba æquivoca in diverso sensu Ecclesiam modo approbasse, modo reprobasse ostendit, ut ne infallibilitati ejus præjudicium creetur.

Objectum ex  
epist. S. Co-  
lumbani.

44. Quid morer in respondendo objectis S. Columbani verbis ex epistola ad Bonifacium IV. ubi scripsit: *Multi dubitant de fidei vestra puritate; rogatque, ut caligo suspicionis tollatur de cathedra S. Petri; & addit: Jam vestra culpa est, si vos deviasis de vera fiducia, & primam fidem irritam fecistis. Merito vestri juniores (idest inferiores) vobis resistunt, & merito vobiscum non communicant.* Ita sanctus vir, novus homo ex Hibernia vel Scotia in Italiam vix adductus, ignarus rerum gestarum circa questionem de tribus Capitulis, deceptusque a schismaticis istarum partium; ita, inquam, læsæ fidei a Romanæ sedis Pontificibus; qui eadem Capitula jam inde a Vigilio damnaverant, dubium & suspicionem inspersit, ex schismaticorum utique sensu, a quibus ipsorum Capitulorum condemnatione, impetita venditabatur Chalcedonenſis concilii fides. Quid autem nobis obesse possunt verba ex schismaticorum sensu a S. viro per subreptionem scripta in causa, cujus definitio jam ab annis circiter sexaginta a generali Concilio V. edita, & approbata; atque confirmata non solum a Vigilio, sed a pluribus etiam continuatæ successionis Romanis Antistitibus, nec non a tota Ecclesia catholica eisdem consentiente recepta, ex ipsis adversariorum principiis in dubium revocari non poterat? Qua cohærentia objectum hoc ab illis ingeritur? Erravit profecto S. Columbanus criminationes schismaticorum incaute suscipiens, cum præsertim indicarit dubium de Pontificum fide in questione, quæ proprie non versabatur circa fidei materiam, sed circa personas, ut notavimus supra num. 39, qui porro ingerunt verba ejus per subreptionem ex schismaticorum erroneo sensu improvide suscepta, velim potius animadvertent illa ex suo sensu ab eodem Columbano in eandem epistolam inserta: *Ego enim credo semper columbanam Ecclesiam (idest fidem) firmam esse in Roma; sicut & ista: Nos enim (idest Scoti & Hiberni nationales sui) devincti sumus cathedra S. Petri: quæ communem suæ nationis, immo traditionis catholicæ sententiam, debitamque cum Romana cathedra unitatem, fidei ejusdem cathedræ firmitatem declarant.*

45. Ad hoc idem trium Capitulorum negotium pertinet non abfimilis objectio. Boslueti ex epistolis Pelagii I. de cuius fide cum dubitassent nonnulli ob eorundem trium Capitulorum condemnationem, uti S. Columbanus dubitationem ingessit de fide Bonifacii IV. rationem suæ fidei reddidit idem Pelagius, numquam allegato privilegio infallibilitatis. Huic autem objecto facilis responsio est. Qui enim de fide alicujus dubitant, de ipsius infallibilitate saltem dubitent oportet. Ad ejus vero fidem purgandam nihil apud dubitantes prodesset infallibilitatis privilegium proferre, quod iisdem certum non est. Rationes propriæ fidei, quæ in dubium vocatur, ab eo sunt asserendæ, omisso infallibilitatis argumento, quod in ejusmodi circumstantiis esset inefficax & ineptum. Dubium porro in re præsentī versabatur, non circa aliquam definitionem fidei a Pelagio I. editam (quod tamen propositum nostrum exigeret), sed circa decreta Pontificia, quæ in quæstione de quibusdam solummodo personis, & notante eodem Pelagio I. *extra fidem* posita, tria Capitula condemnaverant, perinde ac si dubium esset, num hæc Capitula condemnantes, fidem a S. Leone & a Chalcedonensi concilio definitam tenerent. Id ut revinceretur, pro fidei, quæ cum S. Leonis, & Chalcedonensis synodi definitione conveniret, necessaria fuit; nec infallibilitatis privilegium solas proprie dictas definitiones respiciens fuisset opportunum. Neque reponas, apud eos saltem ex antiquis, qui de ipsis proprie dictis definitionibus Pontificum aliquando dubitarunt, istorum infallibilitatem certam non fuisse. Numquid enim quia nonnulli antiqui dubitarunt de quibusdam dogmatibus definitis in generali concilio, hæc definitiones re ipsa non erant infallibiles? Erant utique, quia eorundem generalium conciliorum infallibilitas, apud illos licet incerta, ex certis principiis certa est. Num vero Romanorum quoque Pontificum infallibilitas in proprie dictis definitionibus fidei sit pariter certa, ex principiis hac in dissertatione constitutis Lector judicet: & siquidem ex iisdem principiis totoque systemate probe demonstrata ac per se certa judicetur; dubitationes nonnullorum etiam veterum nihil præjudicii asserre poterunt. Et sicut qui dubitarunt, vel etiam olim contradixerunt definitionibus conciliorum generalium, erras-

\* *L. 9 Defen-  
al. 14. c. 24.*

Cur a R.  
Pontificibus  
non allega-  
tum privile-  
gium infalli-  
bilitatis con-  
tra dubitan-  
tes.

se probantur; ita etiam errasse dicendi sunt; qui dubitarunt, vel se se opposuerunt proprie dictis definitionibus Pontificiis (ut illis accidit, qui in Chalcedonenſi difficultates moverunt contra dogmaticam S. Leonis epiſtolam; unde \* corrigendi fuere, & ad debitam unitatem adducendi): nec errantium quantumvis antiquorum auctoritas adverſariis Pontificiam infallibilitatem negantibus prodeſſe poteſt.

\* Vid. ſup.  
t. 13. n. 68.  
& ſeqq.

## ſ. XI.

### Concluſio Operis.

46. Interim ut concludamus, cum nulla Pontificum ſecta, nulli, qui objiciuntur, ipſorum errores, qui ſoli contra Pontificiam inegrantiam efficaces videri poterant, ſint errores definitionum fidei; ſtare igitur debet eorundem Pontificum infallibilitas in definiendis controverſiis fidei, quantum ex promiſſis Chriſti, tum ex Patrum traditione aſſerendam vidimus Apoſtolicæ cathedræ Romanisque Antiſtitibus, cum ex primatus officio aliquid decernunt ob vindicandam fidei unitatem, & ob confirmandos fratres in fide: nihilque excuſationis ſuperest errorum prætextu, quominus definitionibus ejusmodi, cum e S. Petri cathedra eduntur, ea fidei unitas adhibeatur, quam jure primatus eiſdem præſtandam toto hoc opere demonſtravimus.

47. Nolim hic quempiam adverſariorum offenſionis & querelarum occaſionem capere ex verbo *demonſtravimus*, aliisque ſimilibus, quæ Pontificiæ infallibilitatis theſis omnino certam ac evidenter demonſtratam præſerunt. Is autem, quicumque ſit, animadvertat, quæſo, me hujus demonſtrationis naturam ex duobus deduxiſſe; primo ex principiis de vi ac ratione primatus, quæ ab ipſis adverſariis conceſſa, demonſtrationi gignendæ aptiſſima ſunt: dein ex promiſſis Chriſti, quæ Petri fidei ſecta, fidei quoque ſucceſſorum ejus æqua ratione conveniunt. Quoad primum nonne ipſis adverſariis concedentibus primatus, qui eſt prærogativa perſonalis ſolius Petri & ſucceſſorum ejus, juridi-

Theologia  
demonſtra-  
tio infalli-  
bitatis Pon-  
tificiæ in defi-  
nitionibus fi-  
dei unde de-  
ducta.



jurisdictionem personalem iisdem attribuit primario directam ad vindicandam, & perpetuo conservandam in Ecclesia fidei unitatem? Nonne hæc jurisdictio ut ad eum finem ex Christi institutione consequendum apta sit, ut esse debet, vim coactivam involvit, sine qua unitas fidei vindicari & custodiri non posset? Hæc vis coactiva, ratione primatus competens, quæ non uni Petro, sed & successoribus ejus eodem primatu præditis tribuenda est, nonne affert necessitatem, seu obligationem conveniendi cum ipsis in fide? Hanc necessitatem nonne aperte declaravit S. Irenæus, & similiter aliorum quoque Patrum traditio, quorum textus si non omnes singillatim ipsam necessitatem exprimunt, uti S. Irenæus, alique expresse- runt; ita tamen inculcant atque commendant unitatem ejusdem fidei Romanæ, ut æquivalenter necessitatem declarent, cum præsertim ex claris expressisque testimoniis minus clara in eandem sententiam interpretanda sint, ut omnia cum principiis præstitutis atque concessis vim coactivam exigentibus probe concordent? Nonne hæc vis coactiva ratione primatus fidei Romanæ sedis, cathedræ, atque Ecclesiæ attributa, cum ita sit personalis Romanorum Pontificum, uti personalis est ipse primatus, de ea fide Romanæ sedis, cathedræ, & Ecclesiæ intelligenda est, quam ipsi Romani Pontifices ex primatus sine & officio docent ob continendam vindicandamque fidei unitatem, ut idem Bossuetus interpretari coactus fuit? Vide supra hoc ipso capite num. 17. Mirum, si quis hanc coactivam vim, eam conveniendi necessitatem afferens, quæ ex primatu fluit, *propter potentiores*, ut ait Irenæus, *principalitatem*, quispiam abjudicet iis, in quibus tantum est vis ac ratio personalis primatus, ut attribuat aliis, qui primatu carent! Ex hac tandem necessitate conveniendi cum fide, quam summi Pontifices jure primatus docent atque definiunt, nonne eorum infallibilitas in fidei definitionibus necessario sequitur? Vide supra hoc eodem capite num. 3. Hæc ex principiis expositi systematis de vi ac ratione primatus. Promissa vero Christi, quæ explicavimus, facta S. Petro, & successoribus ejus aptata traditione Patrum, qui idcirco Romanam fidem immotam & indefectibilem adstruunt, nonne multo evidentius hanc infallibilitatis prærogativam Pontificiis definitionibus vindicant? Quid ad Theo-



logicam demonstrationem constituendam desiderari amplius potest?

Antiquorum  
exempla imi-  
tanda circa  
definitiones  
Pontificias.

48. Quod si adhuc adversarii antiquitatem laudantes, quæstionem de infallibilitate Pontificum, quæ apud antiquos ex proposito agitata non legitur, nolunt discutere; prætereant per me licet, dum in praxi eos imitentur. Quoties enim aliqua definitio dogmatica & Romana sede emanavit, illam statim semper ab Ecclesia & ab Ecclesiæ filiis obsequentiissime susceptam legimus, neque potuisse quemquam de ea ambigere, aut ipsam quasi dubiam examini subicere, nisi forte ad monendos & convincendos dubitantes, ut ad unitatem ejusdem fidei catholicis omnibus necessariam revocarentur, antiquorum exemplis fusius propositis vidimus. Hæc itaque illustria & notissima antiquorum exempla imitantes nostri catholici doctique adversarii, qui eandem fidei unitatem cum Romanæ sedis fide penitus necessariam coguntur fateri, iis, quæ edentur, Pontificiis decretis circa fidei doctrinam prompte obsequentes, dicant cum Patribus Chalcedonensibus: *Anathema ei, qui non ita credit. Petrus per N. summum Pontificem loquutus est.* Dicant cum S. Petro Chrysologo: *Hic, quæ a beatissimo Papa Romanæ civitatis scripta sunt, obedienter attendas; quoniam B. Petrus, qui in propria sede & vivit & præsidet, præstat quærentibus fidei veritatem.* Quod si quidam ex pertinacia tumultus excitent, dicant cum Augustino: *Inde rescripta venerunt; causa finita est: utinam error aliquando finiatur!* Et rationem, si velint, sumant ex illa ejusdem Augustini sententia, qua de ejusdem sedis indefectibili doctrina haud ambigendum ostendens, dixit: *Ipsa est petra, quam non vincunt superba inferorum portæ: vel ex illis concinentibus S. Hieronymi: Super hanc petram ædificatam Ecclesiam scio.* Ex quo repeti poterunt etiam illa de quovis Pontifice, quæ de Innocentio I. idem Hieronymus Demetriadi præscripsit: *Ut S. Innocentii, qui Apostolica cathedræ successor est, teneas fidem, nec peregrinam, quamvis tibi prudens callidaque videaris, doctrinam recipias.* Quicumque aliis utatur verbis atque sententiis, quæ de doctrina fidei Apostolicorum Romanæ sedis Pontificum dubitantem, aut renitentem præferant, nullo catholicorum veterum sanctorum Patrum legitimo exemplo purgabitur; & siquidem debitam obedientiam pertinaciter recuset,

Vid. cap. 13.  
n. 67.

Epist. ad  
Eutych.

Vid. sup. cap.  
13. n. 72.

Pf. contra  
partem Do-  
nati.

Epist. ad Da-  
masum.

fet, unitatem fidei deferet non solum Romanæ, quacum omnes undique fideles convenire necesse est, ut ex S. Irenæi vetustissimo Gallicanæ ecclesiæ Episcopo audivimus, verum etiam totius Ecclesiæ catholicæ, quæ cum Romana semper adhæsit, & adhærebit semper in fide. Caveant autem omnes quam maxime, ne cum quibusdam (1) protestentur, se toto corde adhærere Romanæ cathedræ tamquam centro catholicæ unitatis, communionemque non solum velle, sed etiam tenere cum sede Apostolica, Romanoque Pontifice successore S. Petri, dum definitionem dogmaticam ab isto editam reiiciunt, vel ab ea appellationem interponunt. Frustra enim communionis unitatem jactant, quæ nequit subsistere sine unitate doctrinæ, seu fidei: unde valet hic illud Flaviani ad Paulinum: *Si Damasi communionem amplexeris, o amice; doctrinæ nobis manifestam similitudinem (idest unitatem) ostende.* Separatio, seu præcisio a communione sedis Apostolicæ summopere timenda est præsertim ab eo, qui fidei unitatem tenere nolit; unde scribebat S. Cyrillus Alexandrinus ad Joannem Antiochenum: *Nos enim sequemur, quæ illi, (Occidentales scilicet, & præcipue Romanus Pontifex) judicaverunt; veremur nempe, ne a tantorum communione excidamus.* Cuique vero catholico servanda sunt illa Hieronymi ad Damasum: *Ego nullum primum nisi Christum sequens, Beatitudini tuæ, idest cathedræ Petri communionem consocior. Quicumque extra hanc domum ognium comederit, profanus est. Si quis in arca Noe non fuerit, peribit . . . . Quicumque tecum non colligit, spargit; hoc est, qui Christi non est, Antichristi est.* Hæc antiquorum doctrina, hæc antiquorum exempla sunt. Hæc sequantur, qui antiquos laudant,

S s 3

&amp;

(1) De hac protestatione notanda sunt, quæ Honoratus Tournely scripsit in relatione actorum sacræ Facultatis Parisiensis eruta ex actis ejusdem Facultatis, & Parisiis impressa an. 1730. *Verbis quidem in speciem*

*catholicis protestantur illi se Apostolicæ sedi tamquam unitatis centro adherere, sed merita verba sunt (pace eorum dictum sit) illusoria ad fucum populis faciendum plena,*

& se sequi gloriantur; nec ad inania quædam commenta antiquis prorsus ignota confugiant, quæ qui sectantur & ingerunt, ut practice se subtrahant ab obedientia dogmaticis præcipue definitionibus sedis Apostolicæ debita, eam unitatem fidei convincuntur deferere, quam ex primatus præcipuo jure cuique Christiano necessariam me plane demonstrasse crediderim.

F I N I S.



APPEN-

# APPENDIX

## Ad §. I. Capitis XI.

*De Sanctis viris, qui floruerunt in schismatibus Meletii Antiocheni, & Acacii Constantinopolitani. Num & quatenus caruerint communione sedis Apostolicæ.*

I. **P**Robata capite undecimo libri præcedentis necessitate communionis omnium catholicorum cum Romanæ sedis Pontificibus, uti ex catholico dogmate confitendum est, & adversarii quoque catholici adversus schismaticos & hæreticos fatentur, memini me spondisse Appendiculam, in qua declararem latius, num & quatenus in duobus schismatibus Meletii Antiocheni, & Acacii Constantinopolitani quidam fuerint Apostolicæ communionis expertes, & nihilominus inter sanctos etiam a Romanis habiti sint, & adhuc habeantur. Meletius nimirum Antiochenus Episcopus a Romana quoque ecclesia sanctorum fastis adscribitur, licet Romanus ejus temporis Antistes non cum ipso, sed cum Paulino eidem ecclesiæ præfecto communicaret; unde Antiochenum schisma, quod multos in partes diffraxit, conflatum est, aliis Meletium, aliis Pulium Antiochenæ sedis Episcopum agnoscentibus. In Acaciano porro schismate, quod Orientis ecclesias a Romana communione sejunxit in annos circiter triginta quinque, inter Orientales sanctos extiterunt S. Macedonius Episcopus Constantinopolis, S. Daniel Stilita, S. Sabas, S. Theodosius Cœnobiarcha, S. Elias Episcopus Hierosolymorum, S. Flavianus Antiochenus, & S. Joannes Silentiarius.

2. Verum quoad S. Meletium Antiochenum, qui absens ad eam sedem promotus fuit, quæcumque fuerint circumstantiæ electionis ejusmodi, coequentibus in hanc non solum catholicorum, sed Arianorum etiam suffragiis, e quibus postremis timendum erat, ne si ipse huic electioni non acquiesceret, aliquis Arianus ad eam sedem eveheretur, cum maximo periculo catholicæ fidei; certum est eum statim,

De Sancto  
Meletio An-  
tiocheno.

Numquam  
fuit præcisus  
ab unitate ca-  
tholica, nec  
caruit um-  
quam catho-  
lica commu-  
nitione saltem  
mediata cum  
sede Aposto-  
lica, quæ ad  
catholicam  
unitatem suf-  
ficiebat.

tim, ut catholicæ doctrinæ prospiceret, publice professum Nicænam fidem, eandemque ita forti auxilio propugnasse contra Arianam perfidiam, ut hac de causa in Arianorum odiuin incurrerit, ac tria exilia subierit. Exiliis autem tempore habita fuit synodus Alexandrina, in qua editum celebre decretum, ut illi quoque in communionem reciperentur, qui Arianorum communionem fuerant polluti, dum Nicænam fidem profiterentur. Hinc S. Meletius, qui tam apertam Nicænae fidei professionem etiam exilio confirmatam ediderat, ab omnibus catholicis in communionem & uti Antiochenus Episcopus fuisse receptus cum suis, qui se se iam ab Arianorum communionem separaverant, nisi Lucifer Calaritanus ante ejus decreti notitiam nimium princeps, Antiochenæ sedi præfecisset Paulinum, ex qua ordinatione Orientalis ecclesia in partes abiit, paucis Paulino, aliis autem pluribus Meletio adhærentibus. Quod si Romanus Pontifex cum Occidentalibus & Egyptiis Paulinum recepit; non tamen polluta communionis, nec ab ecclesia præcisus ab iisdem est habitus S. Meletius, quocum omnes fere Orientalis Episcopi communicabant, & in his S. Basilus, S. Gregorius Nazianzenus, S. Gregorius Nyssenus, & alii, qui profecto Romanæ sedis communionem gaudebant; neque idcirco hi a Romanis Pontificibus Apostolica communionem privati, aut reprehensi, perinde ac si Meletii communionem contaminati fuissent. Qui autem cum illis communicat, qui immediate communicant cum sede Apostolica, satis per hos cum eadem sede communicat, ut perspicue colligitur ex illis Optati, quibus Donatistis agebat: *Si inde habetis aliquem unum (qui communicet cum Ecclesiis Apostolicis)*; *Lib. 2. c. 6. per unum communicatis & ceteris Angelis (Angelorum nomine Episcopos ex Apocalypsi intelligit) & per Angelos supra memoratis ecclesiis, & per ipsas ecclesias nobis.* Neque absimiliter S. Hieronymus epist. 82. ad Theophilum scripsit n. 11. se satis communicare cum ecclesia Hierosolymitana, a cujus actuali communionem erat disjunctus, quia communionem actuali jungebatur Romanæ ecclesiæ, ipsique Theophilo, nec non & presbyteris degentibus in vicu Bethleem, qui cum Joanne Hierosolymorum Episcopo immediate communicabant. *Quod scribit nos per te & Romanam ecclesiam communicare ei, a qua videmur communionem separati, non est necesse ire tam longe. Et hic in Palaestina eodem modo*

modo et jungimur . . . . . In viculo Bethleem presbyteris ejus, quantum in nobis est, communione sociamur. Non ergo defuit S. Meletio omnis cum Romano Pontifice unitas atque communio, quæ saltem mediata negari non potest.

3. Solum defuit, seu potius suspensa fuit communio immediata, sive quod communionis litteræ immediate a sede Apostolica tradi non possent ad ipsum tamquam Antiochenum Episcopum, cum datæ fuissent Paulino, nec duobus concedendæ essent, ne contra Nicænum canonem duobus ejusdem urbis Episcopi probarentur; sive quod in turbulentissimis ejus temporis circumstantiis, Romanis tanto intervallo discretis, haud satis perspecta esset Meletii fides, quæ falsis suspicionibus a nonnullis impetebatur; unde ob Orientalium rerum apud Occidentales ignorationem, hos Paulino datis litteris communionis, attribuisse Episcopatum Antiochenum, frustratos autem *virum Dei admirabilem Meletium* scripsit S. Basilius epistola 349. nunc 214. ad Terentium Comitem: quæ omnia cum immediatæ communionis impedimentum culpa ejus vacuum præferunt, tum vero nec ipsi mediata saltem communionem fruendi, nec sanctitati ipsius pluribus documentis comprobatæ quicquam præjudicii exinde inferri posse patefaciunt.

4. Ceterum immediatam quoque Romanæ sedis communionem eidem aliquando concessam dubitandum non est, siquidem Paulino, qui ea immediate fruebatur, pacem abs se sedulo quæsitam & æquis conditionibus oblatam conciliavit; ut Socrates & Sozomenus testantur. Hac sane conciliatione in Occidentem allata, acceptisque utriusque partis, Meletii scilicet & Paulini, litteris Occidentales Episcopi congregati in Aquilejensi concilio an. 381. S. Anbrofio præfide, Theodosium Imperatorem pro utraque parte rogant, perinde ac si utraque in communione catholica existeret. Certe vero Meletium Romanæ sedis communionem laudquaquam privatum non solum illud adstruit, quod, cum in disputatione quadam communio cum Romano Pontifice probanda esset, Damasus se adhærere Meletio professus est, ut liquet ex Hieronymi epistola 16. ad eundem Damasum; idque ita probavit, ut Sapores ab Imperatore missus, controversas ecclesias eidem adjudicaverit Theodoro teste, verum etiam, immo multo apertius adstruit illud (ut Tillemontius fatetur) quod plures Meletii litteræ in Occidentem missæ, rejectæ ab Occidentalibus non fue-

Immediata  
communio  
ipsi a Roma-  
no Pontifice  
negata, vel  
suspensa quæ,  
& cur.

Immediata  
communio  
aliquando  
donatus.

In Meletio  
art. 9.



re, uti rejecissent proculdubio ex veteri constantique eorum temporum disciplina, si eum a catholica & Romana communione avulsam judicassent. Quod siqua difficultas circa Meletii fidem falsis rumoribus disseminata immediatam communionem aliquamdiu suspendit; ea satis disiecta atque subblata fuit ex gestis in Antiöchena synodo anni 379. ubi Meletius primus omnium recepit subsignavitque litteras synodi Romanæ antea allatas in Orientem a Sabino Mediolanensis Ecclesiæ diacono, & recentiora decreta Damasi missa per Dorotheum presbyterum, quæ errores ejus temporis expresse proscribunt. Hæc quidem Antiöchenæ synodi gesta exhiberi in documento edito e codice, quem vidit Holstenius, & recuso in editione Veneta Conciliorum P. Labbei tom. 2. col. 1043. ubi primum illa epistola, tum ista decreta, seu decretorum fragmenta, ac tandem Meletii & aliorum Episcoporum Orientalium subscriptiones afferuntur cum hac clausula: *Explicit synodus Romana & Antiöchensis*, satis

*Vid. tom. 3. probasse nobis videmur in Tractatu de antiquis collectionibus operum S. Leodani part. 2. c. 9. in quo manuscriptam collectionem*

*onis edit.*

*Ven. an.*

*2757. pag.*

*CXXV.*

Veronensem eadem gesta continentem, & cum Holsteniano codice concinentem descripsimus. Hæc porro gesta & subscriptiones, quæ *tomi* nomine laudantur a Patribus Constantinopolitanæ synodi anni 382. can. 5. & in eorundem Patrum epistola ad Damasum (ut ibidem animadvertimus), ad ipsum Pontificem a Meletio & ceteris Antiöcheni concilii Patribus missa, omnem circa fidem ejus suspensionem deterferunt, ac propterea adeo fuerunt suscepta, ut in scriniis Romanæ ecclesiæ authenticum eorum exemplum repositum & custoditum fuerit, quod immediatæ communionis argumentum est. Nihil ergo obest, quin tantum Episcopum de catholica fide, pro qua ter in exilium missus fuit, optime meritum, & ob eximias virtutes a sanctissimis viris Basilio, utroque Gregorio Nazianzeno & Nysseno, Joanne Chrysostomo, aliisque maximis laudibus celebratum inter Sanctos Confessores non solum Græca sed Latina etiam recensuerit ecclesia.

De schismate  
Acaciano.

5. Difficultas autem in Acaciano schismate major videtur quoad eos sanctos, qui ejus schismatis tempore in Oriente floruerunt. Quam ut facilius discipiamus, quædama principia præstituenda videntur. Schisma proprie dictum, uti monuimus c. 11. n. 3. illud est, quo quis ab unitate

Eccle-

Ecclesiæ catholicæ, ejusque centro Romano Pontifice sponte sua se separat, ut perspicue docuit S. Thomas 2. 2. q. 39. a. 1. *Proprie schismatici dicuntur, qui propria sponte & intentione se ab unitate Ecclesiæ separant . . . . Ecclesiæ autem unitas in duobus attenditur, scilicet in connexione membrorum ad invicem, seu communicatione, & iterum in ordine omnium membrorum ad unum caput . . . . Hoc autem caput est ipse Christus, cujus vicem in Ecclesia gerit summus Pontifex; & ideo schismatici dicuntur, qui subesse renuunt summo Pontifici, & qui membris Ecclesiæ ei subjectis communicare recusant. Quod si quis non se separavit ab unitate Ecclesiæ, nec a communione summi Pontificis membrorumque Ecclesiæ summo Pontifici adhærentium, sed vel præcisus fuit ab unitate Ecclesiæ & communione capitis ac membrorum ejusdem Ecclesiæ per excommunicationis sententiam, vel iis in locis & circumstantiis est, in quibus summus Pontifex communionem aliqua de causa ipsi denegat, tunc distinguendum est. Vel enim sic præcisus ab unitate & communione nihil curat, ut in unitatem & communionem recipiatur: & ita separationem ex propria contumacia approbans, schisma implicite vult, & veluti schismaticus jure habendus erit, uti aperte inter ceteros fatetur Nicolius lib. 2. de Unitate c. 10. his verbis: *Car le desir de l'union actuelle avec tout le corps est essentiel & indispensable, de sorte qu'un fidèle, quelque injustement excommunié qu'il eût été, deviendrait schismatique dès lors qu'il ne prendrait, & ne rechercheroit pas toutes les voyes possibles & justes de se réunir avec l'Eglise.* Id est latine: *Desiderium unionis actualis cum toto corpore essentielle & necessarium est, adeo ut Christifidelis, quantumvis esset injuste excommunicatus, schismaticus fieret ex eo, quod non adhereret, nec quæreret omnia media possibilia ac justa, quibus in unitatem Ecclesiæ rediret.* Vel unitatem & communionem quibuscumque rebus quærît, nec obtinere potest, eo quod aliquod impedimentum obstat: & tunc iterum est distinguendum. Vel enim impedimentum, quod interponitur, ne ad communionem & unitatem; quam expetit, recipiatur, ob culpam ejus non tollitur; & tunc non excusatur, voluntatique & contumaciæ ejus, qua impedimentum tollere abnuît, tribuenda erit separatio, quæ idcirco schismatis malitiam involvet. Secus autem dicendum, si interjectum impedimentum ipsius culpa careat, nec ejus*

De præcisus  
ab unitate  
per excom-  
municatio-  
nem.

De impedi-  
tione ab ob-  
tinenda com-  
munionem.

culpā fiat, quo minus tollatur. Præclarum hac in re illud Augustini in libro *De vera religione* n. 111. *Sæpe etiam sunt divina providentia per nonnullas nimium turbulentas carnalium hominum seditiones expelli de congregatione Christiana etiam bonos viros. Quam contumeliam vel injuriam suam cum patientissime pro Ecclesiæ pace tulerint, neque ullas novitates vel schismatis vel hæresis moliti fuerint; docebunt homines; quam vero affectu, & quanta sinceritate caritatis Deo serviendum sit. Talium ergo virorum propositum est, aut sedatis remeare turbibus: aut si id non sinantur, vel eadem tempestate perseverante, vel ne suo reditu talis, aut sævior oriatur, tenent voluntatem consulendi etiam eis ipsis, quorum motibus perturbationibusque cesserint; si ne ulla conventiculorum segregatione usque ad mortem descendentes, & testimonio juvantes eam fidem, quam in Ecclesia catholica prædicari sciunt. Hos coronat in occulto Pater, in occulto videns. Rarum hoc videtur genus; sed tamen exempla non desunt; immo plura sunt quam credi potest. Iusti ergo & sancti esse possunt, ita ut a Deo coronentur, qui sine proprio reatu a communionem & unitate Ecclesiæ præcisi, recipi expetunt, atque contendunt, sed aliunde impediuntur. Hic vel maxime locum habet illa ejusdem Augustini ratio epist. 78. n. 4. Quid enim obest homini, quod ex illa tabula (nimirum e sacris diptychis, e quibus debebantur excommunicatorum nomina) non vult eum recitare humana ignorantia, si de libro viventium non eum delet iniqua conscientia?*

Actualis  
communio-  
num semper  
actu necessa-  
ria.

6. Neque vero ex his colligas, *actuale communionem & unitatem externam cum Ecclesiæ corpore ejusque visibili* capite Romano Pontifice ad salutem non esse penitus necessariam. Est enim actu necessaria Ecclesiæ visibili, ut inter varias societates Ecclesiæ nomen præferentes discernatur, quænam sit vera Christi Ecclesia; uti statimus n. 1. & 2. Quod autem Ecclesiæ visibili necessarium est actu, singulis quoque ejus membris, quoad fieri potest, actu est ad salutem necessarium, adeo ut cuique nitendum sit, ut eam communionem actu teneat. At si quis iis in circumstantiis versetur, in quibus, etsi maxime velit, ab ea communionem actuali non sua culpa, sed aliunde impediatur; ipsi, quoad duret ejusmodi impedimentum, ad salutem actu necessaria non est. Idem scilicet dicendum de communionis actualis necessitate ac de baptismo actuali. Hoc omnes catholici actu necessarium fatentur, ut quis sit in corpore Ecclesiæ.

classe. At impeditis ab eo percipiendo, actu non est ad salutem necessarium; cum ministerium baptismi non contentus religionis, sed articulus necessitatis excludit, ut Augustinus tradidit lib. 4. de Bapt. c. 22. cui concinit S. Bernardus in tractatu de Baptismo ad Hugonem de S. Victore c. 2. Hinc catechamenus, seu quicumque alius, qui baptizari desideret, sed impotentia, vel impossibilitate prohibeatur, cetera autem ad salutem necessaria non desunt, eo in voto decedens salutem consequetur. Idem accidet etiam præcis ab unitate & communione Ecclesiæ, si ad eam omnibus modis contendat, & in ceteris recte se se gerentes aliunde impediantur. Utrique nimirum unitatem & communionem Ecclesiæ, qua actu carent, affectu tenent, & quamvis non sint in visibili unitate & corpore Ecclesiæ, unitate tamen spiritus sunt intus in ipsa Ecclesia, cui voto & caritate adhærent; upde Augustinus de probis viris atque spiritualibus absque ipsorum vitio ab Ecclesia præcis scriptis: *Spirituales autem, sive ad hoc ipsum pio studio proficiscentes, non sunt foras; quia & cum aliqua vel perversitate, vel necessitate hominum videntur expelli, ibi magis probantur, quam si in eis permanerent, cum adversus Ecclesiam nullatenus erant, sed in solida unitatis petra fortissimo caritatis robore radicantur.* Qui hanc unitatem spiritus habet, unitatem quoque actualem cum Ecclesiæ corpore & capite quaerere omni nisu debet, ut Nicolius loco laudato tradidit. *Nam essentialis est spiritui unitatis, catholica ad actualem unitatem & communionem, qua est naturalis status corporis Ecclesiæ, tendere, ita scilicet ut per hominem non stet, ne actu fiat.* Sola impossibilitas, seu impedimentum, quod absque hominis culpa aliunde obstat, cum poterit excusate, & saluti ejus, dum adsint cetera, nihil præjudicii asserre.

7. Videant ergo, quam perperam se se nonnulli pergere eo nomine existiment, quod a communione sedis Apostolicæ non se separarint, sed ab ipsa sede separati sunt, dum hæc separatio ex eorum culpa originem duxit, pertinacia ipsorum in causa est, ne in communionem copiantur. Hac eadem ratione, se a schismate desim, de pati sunt plures recentiores hæretici, sicut olim hæretici causa se se studuerunt purgare inter ceteros, sed ab istic Montanistæ, cum se non existe de Ecclesia, & ea invitos fuisse exclusos atque communi exin-

I. ib. 1. de  
Bapt. c. 27.



exinde satis tutos præferebant, ut probat Cardinalis Ursus in dissertatione Apologetica pro SS. Perpetua & Felicitate. c. 2. §. 7. Quæ excusatio si non probatur ab adversariis catholicis, dum pro vindicanda illorum separatione ab Ecclesia assertur; quomodo eandem probare poterunt, dum adducitur ob excusandam separationem a sede Apostolica per excommunicationis sententiam, quæ dum sejungit ab unitate & communione ejus sedis, quæ catholice Ecclesiæ est fundamentum, ab unitate & communione ipsius Ecclesiæ ei fundamento incumbenti uno eodemque istu præcidit? Confer quæ in hanc rem luculenter protulit Illustrissimus Felenus Archiepiscopus Cameracensis in Instructione pastorali diei 25. Junii Anni 1714.

8. His præmissis ad schisma Acacii Episcopi Constantinopolitani accedamus. In eum, qui ob communionem cum Petro Mongo hæreseos notato nec satis purgato in ejusdem hæreseos suspicionem venerat, anathema a Romana Synodo publice latum fuerat; ipse vero hoc facto indignatus, Romanum Pontificem e diptychis expungens, se se quoque ab ejus communione sejunxerat; & apertum schisma consecravit. Quæstio autem præsens non circa personam Acacii versatur, sed circa quosdam eo in schismate implicitos, ac primo circa Euphemium, & S. Macedonium, qui Acacio in eadem sede succedere. Hi porro non soverunt ipsum schisma, sed potius omni nisu conati sunt; ut Apostolicæ sedis communionem jamdiu vivente Acacio interceptam revocarent. Annuissent votis Romanæ sedis Antistites: at quominus id facerent, in causa fuit nomen Acacii, quod e sacris diptychis expungendum judicabant. Ne autem illi ipsum expungerent, non ea ratio fuit, quod mutarent in fidem, pro qua arbo ita dimicant egregie, ut hostibus ejus se se objecerint aperte, & in exilium pro eadem pulsæ, præclare ibidem oberint; sed aliæ fuerunt causæ, quæ pro ejus temporis & loci circumstantiis satis æquæ iisdem videbantur. Inter multiplica fidei dissidia, quæ totum Orientem discindebant, atque turbabant, delere e diptychis Constantinopolitanæ ecclesiæ nomen Acacii videbatur dissidium non leve dissidio addere non sine gravi periculo fidei. Populus enim Acacii nomen

1. s. Concil.  
Ven. edit. col.  
573. 6. Con-  
ser col. 311. c.

audire solitus, si deleretur, offensus, graves tumultus, & scandala excitaturus credebatur: quæ scandala subinducat Imperator Anastasius in litteris ad Hormisdam Pontificem, eisdem

demque scandalis ipse Imperator Acacii amantissimus favorem præstiturus fuisse videtur. Notæ sunt turbæ pares in Asia aliisque Provinciis excitæ, cum aliquot annos post de expungendis aliis Episcopis Acacii quondam communicatoribus ageretur, *Apud quos, inquit Epiphanius ad eundem Hormisdam, nomina quorundam sacerdotum suorum tacere difficile & impossibile esse videtur, tantæque eorum abstinatio est, ut omne periculum pro tali facto parati sint sustinere.* Idipsum testatur etiam Justinus Imperator earumdem provinciarum memorans clericos & populos omnibus pertentatos minis & persuasionibus, qui tamen nequaquam flexi sunt, ut tollant Antiphysum & repellant nomina, quorum apud eos opinio floruit; sed morte vitam duriores æstimant. si mortuos condemnaverint, quorum gloriabantur vita superstitum. Idem Constantinopoli quoque timendum erat, ut ipse Justinus suggerit; multo autem magis initio erat timendum, cum Anastasius Imperator Acacii memoræ patrocineretur. Has porro turbas ab hæreticarum partium Episcopis atque patronis in fidei detrimentum conversum iri catholici præsentiebant. Tantum autem malum ut illi impedirent, dissimulandum interim censuerunt nomen Acacii, & commodius tempus expectandum, nec Romanæ sedis præceptum hisce in angustiis & cum tanto fidei præsertim atque animarum periculo cogere judicarunt. Id consilii eruitur ex Orientalium Episcoporum epistola ad Symmachum, ubi communionis restitutionem implorantes, eam dissimulandi nominis Acacii causam asserunt, ne, si contra nitantur Episcopi catholici, ejiciantur, vel cogantur creditas sibi ecclesias deserere, sicque in loca . . . hæretici ingredientes, lupi discerpant oves . . . Putas isti amore vitæ hoc faciant, an amore animarum.

9. Hæc quidem ratio haud satis probata Romanæ sedi, quæ sub hoc velamine simulationem & hæresim latere suspicabatur, ut apparet ex Hormisdæ epistola 32. At cum hæc simulationis & hæreseos suspicio reipsa a veritate abhorreret, propterea quod Euphemius & Macedonius non simulate, sed ex animo profitebantur fidem catholicam, pro cujus confessione ac defensione exilium etiam subierunt; Acacii autem nomen in diptychis dissimulandum crederent fidei & caritatis causa, quam explicavimus; quis non videat, eos in hisce circumstantiis potuisse credere se coram Deo excusatos a delendo nomine Acacii? Id sane ipsi etiam Romano Pontifici



fici Anastasio fuisse perspectum videri potest, si modo vera sunt, quæ de eodem tradit Bibliothecarius. In eo enim ipsum fuisse tradit, ut, retento licet Acacii nomine, communicatorias litteras ad CP. Episcopum mitteret. Istud autem ne fieret, Romani Cleri dissensio esset, quam idem Bibliothecarius indicat. Romanis scilicet animo infederat, reum fuisse Acacium, ac propterea indignum, qui in diptychis legeretur; eos vero, qui ipsius nomen retinendum contenderent, dubiam fidem præferre, vel saltem magnum inferre præjudicium fidei, quæ ex Acacii nomine non leve ab Eutychianis detrimentum captura credebatur. Hæc autem causæ etsi satis iustæ pro Romana sede habendæ sunt, nequius ejus economiam atque constantiam, quæ cursu temporis expungendum obtinuit nomen Acacii, nimis severitatis, aut vitii coarguat; non tamen impediunt, quominus Acacii successores, qui rectam fidem tenebant, & propugnabant etiam acerrime, præsentius ac majus fidei & animarum periculum in defendendo, quam in dissimulando ejus nomine ex circumstantiis sibi cognitis timere, ac proinde se fortiori præcepto addictos judicare potuerint, ut ne Apostolicæ sedis præcepto aliis præfunctionibus nixo obligarentur.

10. Hac verò in hypothese quis interjectum restituentis communionis impedimentum in Euphemii & Macedonii culpam (1) rejiciat, vel saltem in talem culpam, quæ

(1) Euphemius & Macedonius, quibus nulla propria culpa præcisè ab unitate, suspensa fuit communicatio Apostolica ob nomen Acacii, non tantum distare videntur ab iis, quibus sine propria culpa existentibus in loco interdicto vetitum est sacra ibidem facere & ministrare, vel etiam ab iis, quibus per se haud excommunicatis interdicta est cum excommunicatis communicatio. Nihil tamen minus si spiritualis, vel etiam corporalis justa necessitas, jure quoque canonum

approbante, a culpa eximere aliquando potest celebrantes vel in loco interdicto, vel præsentem; & non expulso excommunicato alias vivendo, dum id non vergat in grave scandalum, aut in alesiasticæ auctoritatis, seu religionis contemptum; nonne illæ causæ scandalorum & periculi animarum æd fidei, ut quas Euphemius & Macedonius dissimulandum crediderunt in diptychis nomen Acacii, excusare ipsos poterant, dum vacarent Episcopaliibus officiis?

nec exilio, quod pro fide catholica ad mortem usque fortiter perpeffi sunt, purgari potuerit? Siqua nimirum culpa in ipsis admittenda sit (quæcumque illa fuisse credatur) eo quod dissimulaverint in diptychis nomen Acacii, dum Constantinopolitanæ sedi præfuerunt; nulla certe nova culpa ex eo nomine ipsis tribui potest, cum ab ea sede pulsi, expungere ipsum amplius non poterant. In exilio autem, quod pro Chalcedonenſi concilio subierunt, cum liberi ab Episcopalibus curis atque periculis, in sanctis operibus vitam transigentes anterioribus maculis abstergendis operam dederint; quis non videat, ipsos deleta ea, siqua fuerit, vel quæcumque fuisse credatur culpa, sanctitatem potuisse colere, & ad æternam gloriam pervenire? Hac sane ratione S. Hormisdæ summus Pontifex disparem multo cognovit ab Acacii causa successorum ejus causam, quippe quod *propter confessionem Chalcedonenſis synodi aliqui eorum* (nempe Euphemius & Macedonius) fuerint exilio deportati. *Ib. col. 613. c.*

II. Hac quoque de causa inter Sanctos relati sunt etiam Flavianus II. Episcopus Antiochenus, & Elias Hierosolymorum Episcopus, licet non solum communicaverint cum Euphemio & Macedonio Romana communione carentibus ob nomen Acacii, verum etiam aliis quibusdam maculis tradantur aspersi gravioribus proculdubio, quam dissimulatio nominis Acacii, cum iidem serantur se aliquando non ita fortes præstitisse in vindicanda synodo Chalcedonenſi, reprimendisque inimicorum ejus conatibus, uti se se constantes exhibuerunt Euphemius & Macedonius. Etsi vero has graviores maculas præsertim quoad S. Eliam imposturæ tribuendas non immerito existimem; communionis vero litteræ Euphemio ac Macedonio ab iisdem traditæ fuerint, propterea quod eos in vindicanda fide synodi Chalcedonenſis fortes deprehenderint, timendumque esset, ne, si eas non darent, inimici laudatæ synodi a catholicis Orientalibus haberentur, ut de S. Elia colligitur ex S. Sabæ Vita; certum tamen creditur hos ob communionem (quæcumque fuerit) cum Euphemio & Macedonio, Romanæ sedis communione caruisse. Quidquid autem fuit, aut fuisse præsumatur in ipsis maculæ, delevit saltem exilium, quod fidei causa pertulerunt, cujus quidem gratia eorum memoria commendatur in Romano Martyrologio his verbis die quartæ Julii: *Natalis Sanctorum Flaviani secundi Episcopi Antiocheni*. *Ballerini de Primatu RR. PP.* U u ni,

ni, & *Elia Episcopi Hierosolymorum*, qui pro synodo Chalcedonensi ab *Anastasio Imperatore* in exilium acti, victores migrarunt ad Dominum. Licet vero obierint eo tempore, quo Romanæ sedis communione Orientalibus nondum restituta, expertes creduntur actuali ejusdem sedis communione, a qua consequenda non proprio vitio, sed aliunde fuerunt prohibiti; communionem tamen & unitatem spiritus constanter retinuerunt, & ornarunt sanctitate vitæ, quam cum Deus miraculis notam fecerit, in Sanctorum album ab Occidentali & Romana etiam Ecclesia relati fuerunt. Hæc ad vindicandos *Euphemium* & *S. Macedonium Constantinopolitanos*, *S. Eliam Hierosolymitanum*, & *S. Flavianum secundum Antiochenum* sufficiunt.

12. Faciliores sunt ceterorum Sanctorum vindiciæ, nimirum *S. Danielis Stylitæ*, *S. Sabæ*, *S. Theodosii Cœnobiarchæ*, & *S. Joannis Silentarii*. *S. Daniel*, qui supra columnam sanctissime vitam exegit, & pro catholica fide plura certamina subiit, communicaverit necne aliquando cum Constantinopolitanis Episcopis post investum schisma, ex vita ejus aliisque documentis non liquet, uti *Tillemontius* fateri coactus fuit in *S. Daniele* pag. 449. Conjectura autem ex eo ducta, quod *Euphemius*, cum de supremo ejus agone audivit, ad ipsum cum aliis accessit, ut interesset ejus morti, nihil evincit. Is enim eo pervenisse videtur, postquam idem Sanctus spiritum Deo reddiderat. Quod si ipsum accessisse credas ante ejus mortem; num cum eodem communicasse dici potest *S. Daniel*, qui supremum spiritum agens illum præsentem habuit, non abs se accitum, sed sua sponte ac fama ejus sanctitatis impulsus? Quoad supus ac sepulturam idem Sanctus caverat, ne Imperatoris aut alius cujusquam munera reciperentur eo forte consilio, ut contaminatæ communionis oblationes excluderet; sed omnia *Rais* insignis pietatis feminæ dispositioni curæque commisit. Num vero siquid egit *Euphemius*, cum funus prosequutus, sacrum corpus suis manibus deposuit, *Daniele* consentiente factum dici potest?

De SS. Sab-  
ba, Theodo-  
ro Cœnobi-  
archa, & Jo-  
anne Silent-  
ario.

13. Porro Sancti *Sabas*, *Theodosius Cœnobiarcha*, & *Joannes Silentarius*, in quorum potestate non erat delere *diptychs* nomen *Acacii*, non communicarunt cum Episcopis Constantinopolitanis schismatis tempore, sed cum *Elia Hierosolymitano*, qui ad *Euphemium* & *Macedonium*

com-

communicatorias litteras dederat ob eam fidei causam, quam ex S. Sabæ vita indicavimus; cum Elia, inquam, sui coenobii Episcopo communicarunt ob causas fidei utiles; vel necessarias, quæ sanctitati nihil offiunt. Cum porro iidem omnes post conciliatam cum Romana sede communionem diutius sanctissime vixerint, supremumque diem clausierint; hæc exempla nihil conferunt, ut probetur, etiam extra communionem Romanæ sedis, Romanorumque Pontificum posse quempiam Sanctorum albo adscribi, ac proinde illam non esse necessariam ad consequendam salutem. Illud autem ex dictis hastenus patere existimo, hanc actuale communionem per se necessariam esse rarissimis casibus tantum exceptis, in quibus aliquis eandem omnibus studiis quæsitam, si absque sua culpa ab ea actu obtinenda aliunde impediatur, spiritu teneat, ut de excommunicatis ex falsi criminis præsumptione, vel etiam de cathechumenis a baptismo percipiendi impeditis traditur: qui rarissimi casus ad eos frequentiores traduci non debent; ubi non exterior causa, sed propria voluntas, & refractaria inobedientia, vel alia culpa impedimentum apponat. Ceterum sicut rarissimorum casuum exceptio, in quibus aliqui sine proprio vitio impediuntur a percipiendi baptismate, non destruit generale principium de necessitate baptismatis; ita exceptio pariter rarissimorum casuum, in quibus nonnulli citra proprium crimen fuerunt aliunde impediti ab obtinenda actuali communionem Romanorum Pontificum sedisque Apostolicæ, generale principium de ejusdem communionis necessitate etiam ab adversariis asserta haudquaquam evertit, immo potius aliqua ratione confirmat, juxta illud vulgatum, *Exceptio firmat regulam in contrarium*.

14. Antequam huic sectioni finem impono, haud prætermittendam arbitror \* Nicolii sententiam, qua Acacianos eo nomine excusare nititur, quod excommunicatio Patris in Acacium & communicatores ejus lata, ab Ecclesiæ corpore probata non fuerit. Justam quidem Romanæ sedis fuisse causam fatetur excommunicandi Acacium: at cum tam multi Orientales, qui se ab ejus communionem non separarunt, magna fuerint Orientalis ecclesiæ pars; hos, quibus haud probatam fuisse putat Pontificiam sententiam, Ecclesiæ nomine videtur intellexisse, ita ut iidem communicantes invicem, nihilum obstante eadem sententia, in Ec-

\* Nicolii sententia de excommunicacione in opere. *De unitate Eccl. l. 2. c. 10.*



Refellitur.

Ubi sup.

cliesiæ corpore & unitate persisterint. Nihil excogitari absurdius potuit. Hac enim in sententia vel excommunicatione Pontificis in Acacium ejusque participes lata, eo quod ab Ecclesiæ corpore probata non fuisse credatur, irrita ab initio præsumenda est, antequam constaret de Ecclesiæ approbatione, atque consensu, vel non. Qui primum velit, is fateri debet, omnem excommunicationem etiam justam manere suspensam, atque tamdiu vim non habere, quamdiu ab Ecclesiæ corpore recepta & probata non sit: si enim ante probationem Ecclesiæ valeat, & excommunicatum ab Ecclesiæ corpore actu præcidat; nihil est, cur ad vim ejus Ecclesiæ approbatio requiratur. Ita quidem aliquatenus sentire videtur idem Nicolius, cum haudquaquam dubitandum esse ait de excommunicationibus sive a Romano Pontifice, sive a particulari synodo, sive ab Episcopo latis, *Quando hæc judiciâ . . . . deinceps a tota Ecclesia probata & recepta fuerunt*, hac ratione subjecta: *Nam hoc in casu non solus Papa, nec solum concilium, aut Episcopus particularis ille est, qui separat ab Ecclesia; quos excommunicat; sed integrum corpus Ecclesiæ separat; & excommunicatio ejusmodi totius corporis auctoritate nititur.* Aliter vero sentiendum esse ait de excommunicationibus, quando alii Episcopi aliæque ecclesiæ iis non consentiant; has enim si non omnino irritas affirmat, certe in dubium vocat: *Ces excommunications n' ont point été regardees come certains & indubitables. Hæ excommunicationes haud habitæ sunt tamquam certæ & indubitables.* Id autem præter quam quod ad eludendas excommunicationes etiam justissimas ipsis quoque hæreticis facilem aditum aperit, ab Ecclesiæ mente & praxi quam sit alienum, persacile agnoscitur; excommunicationes enim statim ac latæ sunt, ab Ecclesiæ corpore excommunicatum separare, semper judicatum fuit a catholicis, ut ne Ecclesiæ consensus sit expectandus. Solum cum ab inferiori judice feruntur, si judici superiori non probentur, rescindi possunt; non autem latæ ab initio suspenduntur, quoad Ecclesiæ consensus accedat. Immo nec per subsequenter appellationem suspenduntur, si vel injustæ sint; sed superiori judici per causæ cognitionem rescindendæ reservantur. Enimvero duplici tantum ex capite dubitari potest de excommunicationum valore, scilicet ex potestatis, seu jurisdictionis, vel ex materiei, seu causæ defectu. Non valet excom-

municatio, si potestas non sit legitima, aut jurisdictio aliqua ex parte (ex. gr. per reservationem) sit impedita. At si potestas legitima sit, & jurisdictio non sit impedita; nullus dubitat de excommunicationis valore, etiam si fortassis in causa vel materia defectus aliquis subsit: unde ratæ habentur excommunicationes ab inferiori quoque iudice per errorem latæ injusta de causa, nisi error intolerabilis sit (hoc enim casu ejus potestas, seu jurisdictio ipso jure disponente impeditur) uti palam præsumitur in cān. *Per tuas, De sent. excom.* Sic ex. gr. vere ab Ecclesiæ corpore abscissi traduntur cān. *Inquisitione, eodem tit.* qui idcirco excommunicantur, quod debitum noluerunt reddere ob impedimentum dirimentis sibi exploratum, quod tamen in foro externo probare non potuerunt; & similiter S. Augustinus in libro *De vera religione* c. 6. injuste quidem per seditionem atque calumniam, at valide expulso notavit *de congregatione Christiana* etiam bonos viros, quos proinde ipse Nicolius ab Ecclesiæ corpore actu separatos *concordi totius mundi sententia* fatetur. Ad dignoscendum itaque excommunicationum valorem, quas legitimæ potestates non impeditæ ferunt, Ecclesiæ approbatio non est expectanda, nemoque ex probatis auctoribus invenietur, qui id uspiam docuerit. Novum hoc inventum est, quo eluderetur summorum Pontificum auctoritas, quæ per omnes est legitima, & cum sit divini juris, impedita a quopiam dici nequit, nisi primatus ipse divini juris impediri posse dicatur.

Loc. cit.

15. Quod si rata ab initio fuit Apostolicæ sedis sententia in Acacium & participes seu communicatores ejus; nam siquæ ecclesiæ ipsam postea non approbassent, ex rata irritam reddidissent? Fieri quidem potest, ut aliquæ ecclesiæ excommunicatos a sede Apostolica in communionem recipiant; quod tamen antiquissimis etiam canonibus adversatur, quibus cautum erat, ne quis ab uno excommunicatus, ab aliis in communionem reciperetur. Vide inter ceteros canonem quintum Nicænum. At ex concessa ab aliis communionem excommunicatis a sede Apostolica, non idcirco hujus sedis sententia fuisset sublata, nec ipsius communio invito Pontifice illis fuisset restituta. Orientales quidem ipsi orthodoxi, qui non expunxerunt nomen Acacii, licet aliarum ecclesiarum Orientis communionem fruerentur, sententiam tamen Romani Pontificis latam in Acacium & com-



\* *Vid. epist.  
Orientalium  
ad Synma-  
chum post hu-  
jus epist. 8.*

municatores ejus, qua se quoque noverunt comprehensos ob Acacii nomen e diptychis non expunctum, ita habuerunt validam, ut se ab Apostolicæ sedis communionē separatos agnoscentes, \* in eandem communionem restitui multis precibus contenderint; quod profecto non fecissent, si eam ob defectum approbationis ecclesiarum Orientalium irritam & effectū vacuam judicassent. Idipsum quoque satis fateri videtur landatus Nicolius, cum separationem Romanæ ecclesiæ ab ecclesiis Orientis omnimodam, & ejusmodi fuisse loco allegatū affirmet, ut ne unam quidem inter has invenire liceat, quæ cum utraque parte communicaret; ac præterea in iis, quos vindicare studuit, sincerum agnoscat communionis recuperandæ desiderium, quod satis per se eam actū jam ademtā confirmat. Neque vero ii, qui a Romana sede actū separati, cū tam multis Episcopis & ecclesiis totius Orientis communicabant, communicasse dici possunt cum Ecclesia catholica, & in ejusdem Ecclesiæ unitate persistisse, nisi Ecclesiæ catholicæ nomen tribuatur iis, qui a Romanæ sedis communionē erant sejuncti; cum Ecclesia catholica ex Christi institutione alia non sit, nisi quæ cum Papa communicat, qui catholicæ communionis radix & centrum ab ipsis adversariis agnoscitur. Adde etiam quod, cum non negetur, nec negari ab iisdem adversariis possit Ecclesiæ catholicæ nomen illis competere, qui cum Romanæ Apostolicæ sedis summo Pontifice communicant; statueretur hac ratione duplex Ecclesiæ corpus, aliud quod cum Papa communicabat, aliud quod a Papæ communionē erat segregatum; & ita statueretur duplex Christi Ecclesia, quo absurdius dici nihil potest adversus certissimam Ecclesiæ traditionem, quæ ecclesiæ nomine non nisi unicam unius communionis societatem semper accepit, ut ipse Nicolius statuit lib. 1. *De unit. Eccles.* c. 5. & sequentibus. Hæc itaque opinatio veram Christi Ecclesiam statuens extra petram a Christo positam, & extra communionem non solum immediatam, verum etiam mediatam cum Romana sede Romanove Pontificis totius unitatis catholicæ centro collocans, nulli catholicorum probari poterit; verendumque est maxime, ne hac eadem ratione hæretici atque schismatici similiter abutantur, ut suos quoque coetus a nobis separatos per anathemata, quæ ab ipsis non approbantur, veram Christi Ecclesiam esse, & in ipsis adhuc non minus, quam in nobis

bis Romana communione fruentibus, veram catholicam communionem reperiri contendant. Hac igitur sententia eliminata, quorundam Sanctorum, qui tempore Acaciani schismatis floruerunt in Oriente, vindiciæ alia prorsus via ineundæ sunt, quam satis probabiliter indicatam hac in Appendicula existimo, ut ne tamen negem aliam forte probabiliorem & veriore quoad nonnullos Sanctos afferri potuisse, si omnes nunc obscuræ facti circumstantiæ paterent.

## *FINIS APPENDICIS.*



# I N D E X

## RERUM MEMORABILIVM.

### A.

**A**ccii CP. schisma unde ortum 334. Hujus schismatis tempore num & quatenus nonnulli potuerunt esse Sancti; licet expertes communione sedis Apostolica. 56. 57. 334. Hujus communionis necessitas probata ex eadem schismate. 205. 206

Africanorum Episcoporum relatio Pelagianæ causæ ad Innocentium I. unitatem fidei cum Romana fide servandam declarat. 155

Agathonis Papa testimonium de unitate ex litteris in synodo VI. receptis. 211.

Agobardus quo sensu dixerit omnes fideles esse sub summo capite unum sacerdotem. 113

Alcuini testimonium. 214

De Alliaco Petri testimonium nomine Universitatis Parisiensis Collegii Navarrii. 174

S. Ambrosii loca explicata. 125. 126

Anatolii CP. testimonium 190

S. Anselmi Lucensis locus. 150 not. 1.

Antiochena synodi gesta sub S. Meletio laudata. 930

Antiochenum schisma, quo tres Episcopi eam sedem sibi vindicabant, & Saporis judicium. 130

Apostoli Petro aequales in Apo-

stolatu, seu in facultatibus Apostolatus, non in jurisdictione propria primatus. 9. 11. 12. 65. neque in primatu Apostolatus. 14. Suberant Petro in jurisdictione propria primatus. 85. 86. debebant servare unitatem cum Petri cathedra. 119. not. 2. & edificare ecclesias in eadem unitate, ac de eadem unitate servanda easdem ecclesias instruere. 228. & 229. in notatione subjecta. Non omnia Evangelica testimonia de Petro aequæ aliis Apostolis aut Episcopis conveniunt. 26. 28. 65.

Auentis synodi testimonium. 230

Aquilejensis concilii textus de jure communionis ex Romana fede & fide. 127

Arnulphus historicus Mediolanensis allegatus. 126

Asiani Episcopi non fuerint excommunicati a Victore Papa in questione de paschate. 57.

Eos Stephanus non excommunicavit in questione de baptismo extra Ecclesiam percepto. 163. 164

Auctoritati sedis Apostolicæ cogenti per se ad unitatem nihil adimunt antiquorum textus, qui cum ea Ecclesiæ, aut conciliorum etiam generalium auctoritatem conjungunt, aut illam ex istis confirmant. 202. 218. 257. 258

S. Au-

# INDEX RERUM MEMORABILIU. 345

S. Augustini textus pro necessaria unitate tum communio-  
nis tum fidei cum sede Apo-  
stolica. 143. & seqq. 152. &  
seqq. Cur nihil obsint quæ  
scripsit in questione de bap-  
tismo pro eripienda Dona-  
tistis auctoritate. S. Cypria-  
ni. 160. & seqq. Ejus sco-  
pus & mens explicatur 162.  
170. Objectio ex quibusdam  
ejus verbis intorta, duplici  
talla hypothesis nititur. 171  
Aviti Viennensis testimonium  
de obsequio, quo Gallicani  
susceperant Apostolica sedis  
indicia in materia fidei. 208.  
Aureliani Imperatoris Ethnici te-  
stimonium pro unitate com-  
munionis cum Romano Epi-  
scopo. 191. 192. 193.

## B.

B. Achiarrii testimonium. 275. Ba-  
hanis Patricii locus de Roma-  
næ Apostolicæ Ecclesiæ fide ex  
actis Concilii VIII. 149. not. 1.  
Bahrzius laudatus. 137. 142.  
228

Baptisma extra Ecclesiam catho-  
licam collatum num esset va-  
lidum, S. Cypriani ætate in  
questione erat nondum desi-  
nita. 115. 116. 163. & seqq.  
Quatenus habita fuerit questio  
discipline. 164. Consuetudo  
Romana, quam Stephanus Pa-  
pa sequendam præceperat,  
quomodo detecta communis  
aliarum ecclesiarum, ac tan-  
dem questio definita. 168

S. Basilii ad disciplinæ nego-  
tium retulisse videtur questio-  
nem de baptismo extra Ec-  
clesiam percepto. 166. Quo-  
modo id sentire potuerit post  
concilium Nicænum, quod eam

definisse a multis creditur.  
Ibi not. 1. Loca ex eo ob-  
jecta explicata, & soluta. 318.  
not. 1.

Beda testimonium de necessita-  
te unitatis cum Petro ratione  
primatus. 212

Blondelli opus de primatu in  
Ecclesia. 17

S. Bonifacii juramentum Gre-  
gorio II. præstitum. 210

Bosluetus Jacobus Benignus Epi-  
scopus Meldensis allegatus. 3.  
5. 17. 23. 32. 34. 37. 43. 44.  
51. 58. 63. 71. 84. 85. 89.  
90. 91. 94. 98. 136. 143. 176.  
192. 193. 197. 198. 206. 216.  
not. 218. 270. 271. 276. not.  
1. 277. 278. 279. 287. not. 1.  
290. not. 1. 293. 294. 301.

Testimonia eius de necessitate  
utriusque unitatis, ac præfer-  
tim unitatis fidei cum fide Ro-  
manæ sedis distincte collecta.  
233. & seqq. Effugia ejusdem,  
quibus promissiones Christi  
traditione Patrum aptatas Ro-  
manæ sedis fidei Pontificum  
definitionibus traditæ distra-  
here studuit, disjiciuntur. 278

## C.

Cælestinus I. quam irreforma-  
bilem credidit fidei defini-  
tionem abs se editam contra  
Nestorium. 176. Sententia ejus  
de præstantia communionis Apo-  
stolicæ. 178

Capitis prærogativa Romanorum  
Pontificum unitatem exigit.  
155. not. 1. Propositio de bicipi-  
ti Ecclesiæ capite danata, 12.

Capitula de gratia, ac ex iis te-  
stimonium pro necessaria uni-  
tate fidei. 178.

Carolini operis testimonium.  
212

- Cajus*, uti vocabatur, *conscientie* de obedientia tantum externa Apostolicis definitionibus debita condemnatus. 198
- Cathedra* nomen acceptum pro doctrina, quæ ex cathedra traditur. 121. 142. Fidei definitiones ex cathedra quæ. 289. Explicatio aliquorum rejecta. Ibi. 290. not. 1. Quomodo sit *cathedra una* in tota Ecclesia. 119. *Una & singularis* in tota Ecclesia quo sensu dicatur ab Optato cathedra S. Petri. 120. 121. Cathedra Romanæ quidquid tribuit ratione primatus, ad personam Petri & successorum ejus pertinet. 15
- Centrum unitatis* in Romana sede locatum ex celebri Gallicanorum formula quid inferat. 221. Explicatur a Fevreto. 229. Exigit vim coactivam ad unitatem cum eadem sede & Romanis Pontificibus. 222. non solius communionis, sed etiam fidei. 223
- Claves regni celorum* Petro specialim traditæ quam jurisdictioni indicent primatus propriam, cui & Apostoli suberant. 85. 86. Cur soli Petro promissæ. 227. not. 1.
- S. Columbanus epistola, & obiectum ex eadem solum, locusque explicatus. 320
- Communio unitas Ecclesiæ necessaria potissimum ob unitatem fidei. 47. Non concessa a Romano Antistite sine unitate fidei. 203. 206. Hæc communio litteris formatis in tota Ecclesia fiebat. 60. Communio cum Romana sede, seu cum Romano Episcopo necessaria. 50. 59. Cur lege Gratiani prelatæ. 130. 132. & lege Theodosii. 131. item ab Aureliano Imperatore licet Ethnico. 135. Quo sensu ius communionis ex Romana Ecclesia dimanare scriptum fuerit in veteri concilio Aquilejensi. 127
- Communio actualis externa cum Ecclesiæ corpore num semper actu necessaria ad salutem 132
- Communio Episcopalis distinguenda a communionem catholica, eaque, non hæc negata Meletio Antiocheno a Romano Pontifice. 329
- Communio immediata & mediata. 328
- Concilia generalia post Papæ definitionem aliquando utilia & nonnumquam necessaria iudicata sunt, & quatenus id non præjudicet auctoritati Apostolicæ. 177. 257. Gesta concilii Chalcedonensis post dogmaticas Leonis litteras quatenus eidem auctoritati nihil præjudicii attulerint, sed potius vim cogendæ unitatis confirmarint. 185. & seqq. Cur concessum novum examen, & cur hoc examen non præjudicet. 186. 190. Libertas examinis concessa sine libertate dissentienti. 138. Id explicatum & probatum exemplis. ibi & seqq. Oeconomiz & indulgentiarum tributum ab ipso Bossueto. 193. Novum examen aliquando etiam concessum post iudicium concilii generalis, & cur, sine præjudicio tamen ipsius concilii; ubi de novo examine causæ Eutychiez definitæ in Chalcedonensi. 189. De examine causæ Monothelitarum in concilio, VI. post iudicium Romanæ synodi sub S. Martino. 191. Nova disputatio aliquando concessa refractariis, & cur. ibi 192.

Condi-

**Conditiones** duæ ad eludendam necessitatem unitatis cum Romanorum Pontificum fide ingessæ ab adversariis reselluntur. 247. prima, si Romani Pontifices ex communi ecclesiarum traditione fidem doceant. ibi. 287. not. 1. sen si doceant in unitate fidei totius Ecclesiæ. 289. 290. not. 1. secunda conditio, si eorum definitionibus accedat consensus Ecclesiæ. 250. Alia conditio, si definitio sit ex traditione totius seriei summorum Pontificum, pariter rejecta. 249. Consensus Ecclesiæ non necessarius ad vim coactivam definitionum Apostolicarum. 252. Neque exigitur consensus Cleri, aut synodi Romanæ. 259. **Contestatio hospitalitatis** apud Tertullianum quid innuat. 105. P. Constantius Benedictinus laudatus. 20. 23. 154. 157. 163. 170. **Culus sacrarum imaginum** a synodo VII. & Hadriano I. approbatus: & quænam in eo fuerit dissensio Germanorum Gallicanorumque explicatur. 213. **Cusanus Cardinalis** allegatus. 225. S. Cypriani textus de unitate cum cathedra S. Petri. 107. Quam necessariam habuit hanc unitatem. 110. non solius communionis, sed etiam fidei. 111. 112. Ei cathedra non tribuit meram vim representandæ unitatis. 107. & seqq. Quomodo sacerdotalis unitas e Petri cathedra originem ducat, atque formetur in tota Ecclesia. 108. De Cypriani sententia ac diffidio cum Stephano Papa circa baptismum collatum extra Ecclesiam. 113. Erröre impeditus obstitit. 114. Non tamen fidei unitatem cum Romana cathedra haud necessariâ credidit. 115. Ve-

rior ejus excusatio est, quia hanc rem habuit quæstionem opinionis, aut disciplinæ, quam Stephanus decreto dogmatico non definierat. ibi & seqq. V. *Stephanus I.*

S. Cyrilli Alexandrini testimonia de unitate. 174. S. Cyrilli Hierosolymitani sententia de rebaptizatione. 167. not. 1.

## D.

**Damasus Papa** quomodo se gessit cum Meletio Antiocheno. V. *Meletius*. In epistola ad Paulinum fidei formulam misit, cui subscriberent, qui vellent cum eo unitatem tenere. 128. Eidem tribuendum iudicium in Mædoniam hæresim indicatum a Sozomeno. ibid. not. 1. Epistola ejusdem contra eandem hæresim in Romana synodo scripta, ab Orientalibus subscripta in Antiochena synodo. 129. Num & quo sensu Damasum tres hypostasises *differte predicare* potuerit affirmare Flavianus. 131. not. 1. S. Daniel Stylita vindicatus. 338. **Definitiones fidei** proprie dictæ, quibus infallibilitas tribuenda, quænam sint. 286. Quæ dictæ ex cathedra. 289. 290. Quid ad definitionem propriè dictam requiratur. 291. 313. Quid requirat etiam Bossuetus. 315. Tria requisita notanda. 316. **Conditiones** ab adversariis requisitæ, ut obligent, rejectæ. V. *Conditiones*. Prærequisita necessaria adfuisse semper est præsumendum, & cur. 291. Ad propriè dictas definitiones plura non sunt referenda. 288. 311. 314. 315. not. Præjudi-



- cium in hoc detectum & depoen-  
dendum. 311. Vis & metus de-  
finitionem proprie dictam ex-  
cludunt. 288. 301. Uti Apo-  
stolicæ auctoritatis in Pontifi-  
ciis decretis non semper lig-  
num est definitionis dogmati-  
cæ. 289. 309. 317. Omisiones  
definitionum non sunt acen-  
sendæ definitionibus fidei, qui-  
bus ex promissis Christi com-  
petit infallibilitas. 284. 288.  
Distinctio inter definitiones fi-  
dei, ac testimonia traditionis  
ex Pontificum operibus sumta.  
312. Discrimen inter definitio-  
nes Pontificias, & illas syno-  
di œcumenicæ. 219. 258. 312  
Definitiones fidei a summis Pon-  
tificibus editæ accipiendæ sunt  
tamquam editæ a S. Petro. 194.  
Ipsis debetur obedientia non  
solum externa, sed etiam in-  
terna Gallicanis fœtentibus. 196.  
& seqq. V. *Obedientia*. Suffici-  
unt ad finiendam causam. 158.  
159. 183. Postea indictum ali-  
quando concilium ad docendos  
& convincendos repugnantes,  
aut dubitantes. 185. 186. Id  
bono unitatis gestum non præ-  
judicat vi coactivæ ipsarum  
definitionum, sed eam porius  
præsumit. 190  
Definitiones ex traditione Roma-  
na erutæ cur simul sint definiti-  
ones ex communi ecclesiarum  
traditione. 287. not. 1. In mate-  
riis practicis, ubi magnarum  
ecclesiarum consuetudines sunt  
diversæ, & magnos utrinque  
habent patronos, definitionem  
proprie dictam Apostolica se-  
des deferre solet. 168. quate-  
nus præceptis, vel etiam mi-  
nis sanæ doctrinæ prospiciat.  
ibi & not. 1. Fieri potest ali-  
quam quætionem tot esse diffi-  
cultatibus implicitam, ut Pon-  
tifax definitionem suspendat,  
eo quod ad eam opus esse ju-  
dicet pleniori consultatione.  
169. De definitionum Pontifi-  
ciarum infallibilitate. V. *Infal-  
libilitas*. Nulli errores Pontifi-  
cibus attributi sunt errores de-  
finitionum fidei. V. *Errores*.  
Demonstratio Theologica ex tra-  
ditione quam habenda. 217.  
Num pauci textus objecti ob-  
sint. ibi not. 1.  
S. Dionysius Alexandrinus egit,  
ne Stephanus Papa Asianus &  
Africanus in quæstione de bap-  
tismo ab Ecclesiæ actu præci-  
deret. 163. 164.  
Distinctio inter sedem & præsi-  
dentem, seu inter cathedram,  
seu ecclesiam Romanam & sum-  
mos Pontifices, cum agitur de  
prærogativa primatus, rejici-  
tur. 241. & seqq. Objecta S.  
Leonis loca explicata. 242. Ra-  
tio primatus repugnat huic di-  
stinctioni. 244. nec non tradi-  
tio Patrum. ibi. Jus & potesta-  
tem sedis Apostolicæ a juris-  
dictione Papæ non distinguen-  
dam Rossetus fatetur. 246.  
Distinctio notabilis inter promif-  
siones Christi, & ejus præcep-  
ta. 310  
Doduvelli error notatus. 36  
de Dominis M. Antonius allega-  
tus. 18. 31. 39. 67.  
Donatistæ cur dicerentur se par-  
tem habere in urbe Roma. 122.  
Scripta S. Augustini in Dona-  
tistas quam necessariam probent  
unitatem cum sede Apostolica.  
143. & seqq. De novo exami-  
ne Donatistis concessio, & cur.  
192. De non ablimili œcono-  
mia habita cum Donatistis anti-  
quis. 193. not. 1.  
Dupinus Ludovicus filius allega-  
tus. 8. & seqq. Ejus exceptio  
circa Evangelicæ testimonia de  
prima-

primatus refellitur. 23. & seqq.  
Testimonium de unitatis centro  
in Romana ecclesia locato. 222.

E.

**E**cclésiæ fundamentum fides.  
74. Ecclesiâ edificata supra  
fidem Petri. 67. quomodo in-  
tellegendum. 73. Quo sensu edi-  
ficata super fundamentum A-  
postolorum & Prophetarum.

75. not. 1.

Ecclesiâ una; & de ejus unitate.

45. Unitas ejus duplex caritatis  
seu communionis, & fidei. 46.

Unitas fidei potior. ibi. ob  
quam conservandam unitas ca-  
ritatis seu communionis est ne-  
cessaria. 47. V. Unitas.

Ecclesiâ quomodo connexa, &  
sacerdotum glutino copulata  
108. definita a S. Cypriano

*Plebs sacerdoti condunata & pa-  
stori suo grex adherens.* ibi.

Ecclesiâ quatenus dicatur Aposto-  
lica, & de Apostolicitatis nota.

147. Ut probetur Apostolica  
nunc præsertim convenire de-  
bet cum Romanæ ecclesiæ fide,  
& cur. 149. not. 1.

Ecclesiâ catholica semper adhæsit,  
& adhærebit Romanæ fidei &  
definitionibus sedis Apostolicæ.

253. Promissiones Christi factæ  
fidei Petri, ex quibus hæc in-  
fallibilis probatur, redeunt ad  
Ecclesiâ, eo quod Ecclesiâ  
adhærens semper fidei Petri, &  
successorum ejus, adhæret fidei  
infalibili ex iisdem promif-  
sis. 290

S. Elias Episcopus Hierosolymi-  
tanus vindicatus. 347

Ephesini concilii verba de vi co-  
activæ sedis Apostolicæ ad uni-  
tatem. 175

Epiphani Episcopi CP. testimo-

nium.

Episcopatus quomodo ex S. Cy-  
priano sit in tota Ecclesiâ unus,  
cujus a singulis in solidum pars  
tenetur. 109

Episcopi totius Ecclesiæ, qui suc-  
cedunt Apostolis, subsunt Romano Episcopo successori S.  
Petri, uti Apostoli suberant  
Petro ratione primatus. V. A-  
postoli. Relate ad suos subditos  
sunt pastores; relate ad Petrum  
& successores Petri sunt oves.  
94. Diferimen inter Episcopos  
& summos Pontifices quoad ob-  
ligationem conservandæ unitatis  
in Ecclesiâ. 271

Errores plerique Pontificibus at-  
tributi non pertinent ad fidem,  
& qui pauci ad fidem referri  
queunt, non sunt errores defi-  
nitionum fidei. 292. Lapsus S.  
Petri quam perperam opponi-  
tur. 294. De lapsu Liberii.  
296. V. Liberius. Lapsus Ho-  
norio tributus quantum ablit  
a definitione fidei. 302. V. Ho-  
norius. De Vigilii Papæ actis  
in questione de tribus Capitu-  
lis. 313. De Joannis XXII. sen-  
tentia circa visionem beatifi-  
cam. ibi. Ut probarentur erro-  
res deberent, esse evidentes.  
296. Tria certa ab adversariis  
probanda essent. 316.

Euphemius CP. Acacii successor  
expers communionis actualis  
cum sede Apostolica, quomo-  
do vindicari queat. 334. 336.  
not. 1.

Eusebii Verecellensis testimonium  
ex litteris Liberii Papæ. 123

Examen novum post Apostoli-  
cam definitionem. V. Novum  
Examen.

Excommunicati sunt præcisi ab  
unitate Ecclesiæ. 331. Curare  
debent, ut in unitatem recipi-

antur, quod qui non curat, separationem approbans, schisma implicite vult. ibi. De impeditis ab obtinenda communione notabilis distinctio, & quando excommunicatio non obstat, nec repugnet sanctitati. ibidem. Inanis excusatio eorum, qui dicunt se non separasse ab unitate. 333. Refellitur sententia Acacianos excusans eo nomine, quod excommunicatio lata in Acacium, ab Ecclesie corpore probata non fuerit. 339. Excommunicationem Papae vitandam & timendam credidit S. Cyrillus Alexandrinus. 175  
 Excommunicatio lata in eos, quos secum unitos tenet Apostolica sedes, non separat ab Ecclesia, cum non separet a summo Pontifice. 33. 178

## F.

**F**eneloni Francisci de Salignac Archiepiscopi Cameracensis insigne exemplum obedientie simplicis & absque ulla restrictionis umbra praestitit decretis Apostolicis, laudatum ab Episcopis Gallicanis. 199. Ejus adnotatio in formulam, seu professionem missam in Orientem a Papa Hormisda, qua de communionis & fidei unitate caveretur. 207  
 Fides catholica a fide Romana non sejuncta. 141. Idque ob unitatem fidei totius Ecclesie cum fide Romana. ibid. Hinc Romana vocata legitur fides catholica, & fides catholica appellata Romana. 142. neque id ortum habuit a schismate Graecorum. ibi. Ro-

mana fides semper erit fides Ecclesie catholice ob unitatem. 235  
 Fides cathedra, seu Ecclesie Romanae non distinguenda a fide, quam Romani Pontifices docent, ut Bossuetus facit. 247. Quoniam fides Pontificum sit fides edita ex cathedra. 239. Quoniam constituat definitionem fidei. V. *Definitio*.  
 Fides Romanae sedis firmata Christi promissis. 265. & seqq. De integritate & indefectibilitate ejusdem fidei traditio Patrum. 278. Confessio Bossueti. 281. Contradictio ejusdem notata & rejecta. 282. Equivocatio detecta. 284. Ex fide Romana discernitur quoniam sit vera fides. 256. Hac fide haeretici & haereses deteguntur, ac refutantur. 99  
 Fides quatenus probetur Apostolica. 105  
 Fidei unitas cum Romana a quolibet Christiano omnino tenenda est. 58. V. *Unitas fidei*.  
 Fides & intellectus fidei distinguuntur; & quatenus in fide, qua una semper est, ut esse debet, novus intellectus a catholicis doctoribus inveniri queat. 64  
 Firmiliani locus notatus. 54.  
 117  
 Flaviani II. Episcopi Antiocheni vindicta. 337  
 Fleury Claudius allegatus. 8. 20. 33. 55. 136. 151. 222  
 de Formoso: gesta contra eum quantum absint a definitione fidei. 317  
 S. Francisci Salesii testimonium ex opere nondum edito, & in bibliotheca Chigiana servato pro auctoritate Pontificia, 269. 274.  
 G.

Gallicani Cleri comitia anni  
1579. laudata. 229

Alia anni 1650. 230

Alia anni 1653. ibidem.

Alia anni 1660. 231

Alia anni 1663. 232

Alia anni 1681. allegata. 18

Alia anni 1682. laudata. 22.

32. 33. 41. 127. 221.

Alia anni 1700. obedientiam  
simplicem absque ulla restrictio-  
ne decreto Apostolico prae-  
stam laudant. 199

Alia anni 1728. laudata. 8. 18

Gallicani in litteris ad S. Leo-  
nem suam fidem veram agno-  
scunt ex consonantia cum Ro-  
mana 100

Gallicanorum Germanorumque  
disidium de cultu sacrarum ima-  
ginum non tangebatur substanti-  
am fidei, sed negotium disci-  
plinae. 213

S. Gelasii textus de unitate fidei.  
204. alius de infallibilitate vin-  
dicatus. 276. not. 1.

Gerfonis Joannis testimonium 225

Gilbertus Episcopus Tornacensis  
allegatus. 197

Gothofredus Jacobus laudatus.  
134. 135.

Gratiani Imperatoris lex de tra-  
dendis aedibus sacris in Orien-  
te illis Episcopis, qui com-  
municarent cum Damasco. 130.  
Ejus scopus fidei unitatem prae-  
cipue propiciens. 132

S. Gregorii Nazianzeni versus  
explicati. 124

S. Gregorii Magni loca de uni-  
tate communionis & fidei. 210

Gregorii II. testimonia. 210

Responsum ejus ad S. Bonifa-  
cium de impotentia anteceden-  
di interpretandum. 316

Grotius Hugo allegatus. 34

Habert Ludovicus. 41. 85.  
not. 1.

Hadriani I. testimonia. 214

Hareticorum textus pro sano dog-  
mate editi ante ipsorum con-  
demnationem quanti valeant.  
172

S. Hieronymi loca de unitate.  
137. & seqq. Quid egerit in  
quaestione de tribus hypostasi-  
bus. 137. 138. Cur Roma-  
na cathedra tantum detulit.  
139

Hincmari testimonium. 216

Honorius Papa non erravit in  
doctrina fidei. 303. Quo sen-  
su unam voluntatem memora-  
vit. 304. Praescriptum ab eo  
silentium non fuit definitio fi-  
dei. 305. 307. not. 1. Cur  
ad oeconomicam dispensationem  
referendum. ibid. Ante sex-  
tam synodum defensus, & cur  
in hac damnatus. 306. non  
tamen ob haesim. 307. Qua-  
lis ejus error & lapsus. ibi  
Fuit error omissionis, non de-  
finitionis. ibi not. 1. Locus epi-  
stolae ejusdem vindicatus. 307.  
not. 1.

Hormisda professionem mittit in  
Orientem, quae unitatem non  
solum communionis, sed etiam  
fidei cum Romana sede neces-  
sariam declarat. 206. Quanti  
facienda ex ipsius Bossueti com-  
mentario. 207. Adnotatio Ar-  
chiepiscopi Cameracensis in  
eamdem. ibi not. 1.

Hus Joannis propositio, qua ne-  
cessitatem capitis visibilis ne-  
gavit, condemnata. 33

Hypostasum nomen vario sensu  
acceptum. 137. 138

## I.

**I**maginum sacrarum cultus. V.  
Cultus.

Infalibilitas summorum Pontificum in solis fidei definitionibus asserta. V. *Definitiones fidei*. Quomodo. necessario fluat ex primatu, seu ex principiis adversariorum assensu probatis de vi & ratione primatus. 262 & seqq. Inuitur promissis Christi S. Petro factis; quæ Romanis Pontificibus ejus successoribus a Patrum traditione aptantur. 265. 270. nec non ei traditioni, qua Patres firmitatem & indefectibilitatem Romanæ fidei asservuerunt. 275. Adversariorum effugia notata & rejecta. 263. 278. illud præsertim, quo ejusmodi firmitas & indefectibilitas in definiendis controversiis fidei attribuitur seriei Pontificum, non singulis Pontificibus. 280. Quatenus infalibilitas demonstrata. 322. Nulli errores Pontificibus attributi pertinent ad proprie dictas definitiones fidei. 285. & seqq. Respondetur objicientibus plenum periculi esse infalibilitatem personæ Pontificis attribueret. 292

Joannes de Parisiis allegatus. 37. 225

S. Joannes Silentarius vindicatus. 238

Joannis XXII. sententia de visione beatifica. 313

S. Irenæi testimonium de primatu jurisdictionis Romanæ ecclesiæ. 7. not. 2. fusius explicatur. 99. & seqq. Exigit unitatem fidei omnium Christianorum cum fide Romana. ibi.

Interpretatio cujusdam distorta expungitur. 104

Jurisdicção propria primatus V. *Primatus*.

Justiniani testimonium de unitate cum Romana sede. 208. Textus ejusdem notatus ex epistola supposititia. 34. not. 1. 244. not. 1. Hæc epistola & cetera documenta ex codice Joiliano inserta gestis synodi V. sunt omnino apocrypha. ibi.

## L.

**L**eibnitii Guillelmi sententia de institutione hierarchica in Ecclesia, supremique magistratus juris divini. 17

S. Leonis testimonia de necessaria unitate communionis & fidei cum sede Apostolica. 179. & seqq. De gestis in synodo Chalcedonensi circa dogmaticam ejus epistolam. 184. Quod examen ibidem concessum sine libertate dissentendi a dogmate in ea definito. 185. Quatenus ex hoc novo examine nullum præjudicium Apostolicæ auctoritati illatum. 188. Alia exempla in eandem rem adducta. 189. Distinctio S. Leonis inter sedes & prædicantes explicata. 243

Lex Gratiani de communione cum Damaso. 130. Alia leges explicata. 135

Liberii lapsus num sit certus. 297. Certe non fuit lapsus definitionis fidei. 299. De vi & metu ei illatis, quibus definitio proprie dicta excluditur. 300. Num Liberius terminaverit Macedonianæ hæresis questionem. 128

Liber-

Libertas novi examinis post ir-  
retractabile & infallibile ju-  
diciū sine libertate dissen-  
tiendi. 188. Concessa dubi-  
tantibus, aut repugnantibus  
libertas disputandi, & quo  
fine. 191  
Libri a catholicis subiecti judi-  
cio sedis Apostolicæ mente  
obsequenti. 157. 173. Quam  
diverso consilio ab hæreticis  
exhibiti. 153  
Litteræ formæ seu pacificæ,  
quibus communio Ecclesia-  
stica formabatur. 60  
Lutherus quid senseris de pri-  
matu. 16. 17

M.

P. Mabilonii de cultu sa-  
crarum imaginum sen-  
tentia. 213. 214.  
S. Macedonius CP. cur impe-  
ditus a communione sedis A-  
postolicæ. 334. 336. not. 1.  
Macedonianorum error circa  
Spiritus Sanctum non a Li-  
berio, sed a Damaso Papa  
proscriptus. 128. not. 1.  
Maimburgus Ludovicus allega-  
tus. 7. 34. 44. 121.  
de Marca Petrus auctor libri  
*De singulari primatu S. Petri*.  
12. Sententia ejus, quæ S. Pe-  
tro tribui posse putavit pri-  
matum auctoritatis, S. Pau-  
lo primatum doctrinæ, a  
Quesnello rejecta. 13. Ali-  
quot ipsius testimonia lauda-  
ta 45. 80. not. 1. 103. 104.  
226. 227. & seqq.  
P. Massuet editor S. Irenæi lan-  
datus. 1. 2  
Medolaniensis Conventus testi-  
monium de necessaria unita-  
te fidei cum Romana. 103.

Ballerinius de Primatu RR. PP. Y y

Meletii Antiocheni causa quæ  
fuerit. 227. Non fuit præci-  
sus ab unitate & communio-  
ne catholica, sed negata ei  
tantum fuerunt litteræ com-  
munionis Episcopalis. 56.  
Cur. 329. Non caruit um-  
quam communionē catholi-  
cā saltem mediata cum sedē  
Apostolica. 328. Immediata  
quoque ipsi aliquando con-  
cessa. 329. Subscriptus sy-  
nodo Romanæ & Antioche-  
næ. 330  
Mennæ CP. locus. 209  
Monachorum Scythiæ senten-  
tia ab Hormida nequaquam  
damnata. 319. not. 2  
Monothelitarum causa. 302.  
305. De novo examine Mo-  
nothelitis cenceſſo, & cur.  
191  
Moshemius Laurentius allega-  
tus. 34.

N.

Necessitas conveniendi cum  
Romana ecclesia fide  
ex primatu oritur. 59. 100.  
264.  
Nestarii Patriarchæ Hierosoly-  
mitani de Testimonio S. fre-  
næi confessio. 103  
Nicænus canon de primatu Ro-  
manæ Ecclesiæ. 20. Quate-  
nus a Nicæno decisū creda-  
tur quæſtio de baptismo ex-  
tra Ecclesiam percepto. 106.  
not. 1.  
Nicephorus Patriarcha allega-  
tus. 215  
Nicolai I. laudatus. 215  
Nicolai III. decretalis *Existit*  
non fuit definitio fidei. 317.  
Verbis tantum, non re dis-  
sentire a decretali Joannis

XXII.



XXII. Natali Alexandro vi-  
fa est. *ibid.*  
Nicolinus allegatus. 32. 34. 51.  
55. 222. 331. Sententia ipsius  
Acacianus excusantis ab  
excommunicatione, eo quod  
non fuit approbata ab Orien-  
talibus, rejecta. 339. & seqq.  
Novum examen post definitio-  
nem Apostolicam concessum  
aliquando quo fine, & qua-  
tenus nihil præjudicet aucto-  
ritati Apostolicæ. 186. Li-  
bertas examinis concessa sine  
libertate dissentius. 188. No-  
vum examen cum collatio-  
ne documentorum est neces-  
sarium, cum agitur de feren-  
da propria sententia. 191

## O.

Obedientia Pontificiis defi-  
nitionibus debita, & cur  
ex S. Petro. Chrysologo. 194.  
Jure divino debita ex ipsis.  
Gallicanis. 197. nulla excepti-  
one, limitatione nulla. 198.  
199a debita cum assensu in-  
terno. 198. damnata propo-  
sitione, quæ solum obsequium ex-  
ternum requirebat. *ibi.* Insig-  
ne exemplum ejusmodi obe-  
dientie ab Archiepiscopo Ca-  
meracensi exhibitum in reci-  
pienda Constitutione damnan-  
te propositiones ex suo libro  
excerptas, in comitiis anni  
1700. laudatum. 199. Hoc  
obedientie debitum semper  
agnitum a Conciliis & Patri-  
bus. 233. 234. Quid de præ-  
ceptis particularibus. 196. not.  
1. 313. Quid de quibusdam  
auctoribus, qui conditio-  
nem apponunt, nisi quid præ-  
cipitur contra fidem. *ibi.*  
not. 1.

Oprati Milevitani loca explica-  
ta. 118. & seqq.  
Ordinum sacrorum collatio ab  
Episcopis hæreticis, vel schi-  
smaticis, excommunicatis,  
aut degradatis peracta num  
valida esset, dubitatum fuit.  
165. not. 1.

## P.

Paciani locus de unitate Ec-  
clesiæ in Petro formatus. 118  
Parisienfis facultas allegata.  
18.  
S. Paulus licet æqualis S. Pe-  
tro in Apostolatu, non ta-  
men in vi & jurisdictione  
propria primatus, ob quam  
illi subordinatus fuit. 12.  
Propositio de bicipiti Ecce-  
lesiæ capite Petro & Paulo u-  
num caput constituentibus  
damnata. *ibidem.* S. Paulus  
Hierosolimam ascendit  
videre Petrum ob ostenden-  
dam unitatem fidei. 86.  
Primum exemplum relatio-  
num ad sedem Apostolicam  
ex hoc Pauli facto deduxit  
Theodoretus. 152  
Pearsonius Joannes laudatus.  
2.  
Petri nomine apud Matthæum  
cap. 16. vers. 18. significa-  
ta S. Petri fides. 67. illa  
scilicet fides, quam Petrus  
præjudicando posuit fundamen-  
tum Ecclesiæ. 74. 76. 77.  
aliæ interpretationes concu-  
sate. 75.  
S. Petri iter Romanum, & Epi-  
scopatus ejus Romanus omni-  
no certus. 2. Cur primatus  
Petro potius, quam alii sex  
Apostolis a Christo tributus.  
30. primatum habuit non  
meri ordinis, & honoris,  
sed

sed præcipue jurisdictionis. 6. Cum dicitur gessisse figuram Ecclesiæ, vel unitatis, non merum officium accepit representanda, Ecclesiæ, vel unitatis, sed præditus fuit jurisdictione, seu vi cogendi omnes Ecclesiæ fideles ad unitatem. 42. Quænam fuerit hæc jurisdictio, seu vis coactiva ad unitatem propria primatus. Vid. *Primatus*.

S. Petrus in suis successoribus, cum dogma aliquod definiunt in controversiis fidei, traditione testante loquitur. 194. & seqq. semperque loquitur Bossueto latente

235

S. Petri lapsus quam perperam ingeratur in questione de infallibilitate. 294

S. Petri Chrysologi testimonium de obedientia dogmaticis Romanorum Pontificum definitionibus debita. 194. sumptum ex epistola ante definitionem S. Leonis scripta. ibi.

Pelagiana causa finita Apostolica sedis iudicio. 158. 159.

Pelagius & Celestius quantum ante condemnationem detulerint auctoritati Apostolicæ. 173

Pelagius J. Papa cur suam fidem vindicaretur, non allegavit privilegium infallibilitatis. 321

Præceptum Pontificium in materia practica, quod et si junctum cum excommunicationis minis, non tamen fuit proprie dicta definitio fidei. 163. 68. not. 1. Præcepta particularia distinguenda a definitione fidei, & cur. 196.

not. 1.

Primatus meri odinis explicatur. 6. Hunc Romanis Pontificibus non difficile concederent hæretici, atque schismatici, ibi. Illis primatum præcipue jurisdictionis asserunt catholici. 7. & seqq. Hic jurisdictionis primatus Sancto Petro collatus ob Ecclesiæ bonum, non debuit cum ipso deficere. 236. Idem primatus uni tantum Petro & successoribus ejus Romanis Pontificibus competit. 11. 12. & seqq. Qui veræ jurisdictionis primatum Sancto Petro ejusque successoribus asserunt, non omnia ceteris Apostolis & Episcopis communia debent affirmare, sed aliquid præcipue jurisdictionis solius Petri & Romanorum Pontificum proprium, quo idem primatus constituitur, admittant necesse est. 9. Cavere debent, ne adeo exiguas facultates ipsi attribuant, ut in meri ordines primatum recidunt. ibi.

Primatus præcipue jurisdictionis Petri & Romanorum Pontificum personæ ita est alligatus, ut nulli alii communis sit, nec ad jurisdictionem ejus propriam extendendam alieno subsidio atque assensu indigeant. 12. Hinc dum jura primatus propria asseruntur Romanæ sedi, cathedræ, vel ecclesiæ, hæc nominibus intelligenda est persona Pontificum, nec extendenda ad alios extra personam ipsorum Pontificum. 15. Distinctio inter sedem & præsidentes Y y 2 per-

perperam ingesta. Vid. *Disinfectio*.

**Primatus** ejusque jurisdictio constituta jure divino, non vero Apostolico, vel Ecclesiastico. 16. **Primatus** perpetui designatio facta a Christo in persona Petri. 240. Quæ ratio primatum probat necessarium, eum a Christo institutum probat. ibi. Licet electio Papæ sit concessa Ecclesiæ; primatus tamen, qui electo competit, est juris divini. 19. 20. Constat Anonymus, qui primatum quidem tribuit institutioni divinæ, at alligationem primatus Romanæ sedis, eidem juri non æque adscribit. 19. 20.

**Primatus** divina institutio in Evangelio præcipue fundatur, & quæ Evangelica testimonia sint opta. 21. Traditio isdem Evangelicis testimoniis innuitur. 23. Quomodo interpretanda. 26. Quæ interpretatio propria primatus. 44.

**Primatus** instituendi ratio, seu scopus fuit totius Ecclesiæ unitas, ut per primatem formetur, & conservetur. 30. Necessitas alicujus primatus ob hunc finem etiam ab hæreticis agnita. 33. Ne hic finis inanis esset, primas debet esse præditus jure coactivo ad eum finem obtinendum. 38. Vis propria primatus est jus coactivum ad unitatem. ibi. 43.

**Primatus** Romanæ ecclesiæ ex Bossueti sententia in hoc consistit, quod omnes ecclesiæ cum ea debent servare unitatem. 234. not. 1.

*maxime in fide.* 236. 237. V. *Unitas.*

**Profuturus** Episcopus Bracarenfis allegatus. 209.

**Promissiones** Christi factæ Petro ratione primatus, ad successores ejus Romanos Pontifices pariter pertinent. 165. 279. **Adhærentes** Romana cathedra tuti erimus ex Jesu Christi promissis. 233. Gallicani se tutos existimant in sua fide ob agnitam consonantiam cum Romana. 200. Ipsa catholica Ecclesia se tutam præstitit in Apostolica fide, quia in unitate fidei Romanæ semper constitit, in qua semper a catholicis conservata est traditio.

**Promissiones** Christi factæ Petro & in eo successoribus ejus semper implendæ. 209. distinguendæ a præceptis, quæ non semper implenda erant. ibidem.

**Promissiones** Christi de Petri fide ideo ad Ecclesiæ fidem redeunt, quia Ecclesia semper adhæsit & adhærebit semper fidei Petri. 150. not. 1. 290.

**Principalitas** ecclesiæ Romanæ pro primatu accepta a Sancto Irenæo. 90. dicta ab eodem *potentior* ob indicandum primatum jurisdictionis peculiaris. 7. not. 2. 107.

**Propositiones** damnatæ in globo, & quid animadvertendum in earundem censuris. 318.

**Prudentii** versus de tenenda unitate fidei cum cathedra Romana. 136.

## Q.

Quesnellus Paschasius allegatus. 13. 82. not. 1.  
103

## R.

Relationes causarum fidei ad sedem Apostolicam ob necessariam unitatem cum ejusdem sedis fide. 152. De relationibus Africanorum in causa Pelagiana, & duæ referendi causæ ab iisdem indicatæ. 153. & seqq. Romanæ sedis, vel ecclesiæ prærogativæ propriæ primatus, competunt Pontificibus Romanis, nec aliis sunt vindicandæ. 11. 97. 264. Inanis distinctio inter sedem & præsentem expuncta. 15. 97. Quanta, & quam peculiaris Romanæ sedis auctoritas, 156. quanti habita ab Africanis. 105. Hujus sedis iudicio finita causa Pelagianorum, ac tota dubitatio sublata. 158. 159. Post iudicium sedis ejusdem per se non est opus concilio generali. 183. Etsi aliquando eadem sedes consensit convocationi generalis concilii, iudicium tamen Apostolicum in questionem adduci nunquam consensit, & quatenus hæc convocatio nihil præjudicet eidem auctoritati. 177. 183. 184. Primatus cur Romanæ sedi allegatus. 3. Vid. *Primatus*. Unitas cum Romana sede uti cum capite debita. 155.

not. 1. Vid. *Unitas*.

Romanorum fidem quo sensu in toto mundo annuntiatam dixerit S. Paulus. 82

Romani Pontifices successores Sancti Petri, & primatus ipsius heredes. 2. 5. *Dicti vicarii Petri*, idest successores, sine præjudicio primatus. 3. Scripturæ sacræ, ac traditionis testimonia de Petro ratione primatus, eodem sensu de Romanis Pontificibus accipiendæ. 5. Romanorum Pontificum testimonia de suæ sedis, seu de primatus prærogativis non ex eo minimi habenda, quod de se testantur, ut Bossuetus monuit. 98

Romanorum Pontificum successio, atque catalogus cur potissimum a Patribus objectus hæreticis atque schismaticis. 146. Eam successionem quanti Augustinus fecerit. 151

Romano Pontifice mortuo, ac sede vacante quatenus permaneat unitatis catholicæ centrum. 284

## S.

S. Sabas vindicatus. 338

Sacramentarium vetus Romanæ ecclesiæ laudatum. 203. 204. 267.

Salmasius Claudius. 6. 7: not. 1. 31. 48. 103.

Satyrus S. Ambrosii frater laudatus. 125

Schismatici proprie dicti quoniam sint. 331

Schisma unitatem caritatis & X y 3

com-

- communione tollit. 49.  
 Quodum sit verum schisma separans ab Ecclesia. 53.  
 121. Inanis eorum excusatio, qui dicunt se non separasse ab Ecclesie unitate. 233.  
 Sozomeni textus de causa Macedoniana iudicio. Romanæ sedis terminata ad Damasum, non vero ad Liberium referendus. 128. not. 1.  
 S. Stephanus I. Papa in questione de baptismo dogmaticam definitionem non edidit. 115. 116. 163. & seqq.  
 Nec Asianos, nec Africanos, cum quibus habuit questionem, separavit ab unitate, sed minus tantum intendit. 163. Ille agendi æconomia vindicatur. 168. not. 1. cum præsertim re nondum definita, sequentibus Cypriani sententiam nullum animarum periculum immineret. 169. not.  
 Stephani II. responsum incertæ fidei, vel etiam suppositum nihil potest movere. 316  
 Stephani Larissæ Episcopi locis. 209  
 Systema Theologicum quando certum & demonstratum dici possit. 217
- nis & fidei. 202  
 Theodori Studitæ testimonium 215.  
 S. Theodosius Cænobiarcha vindicatus. 338  
 Tertulliani sententia de novo examine aliquando concedendo sine præiudicio auctoritatis per se coactiva. 190. Eius testimonium de communione & unitate fidei cum ecclesiis Apostolicis. 105.  
 Idem Montanistarum errore impeditus non vidit, quid sequeretur ex principiis ab se constitutis in libro *De prescriptionibus* contra hæreses antea scripto. 114  
 Tostatus Alphonsus laudatus. 226  
 Tonrneli allegatus. 21. 80. not. 1. 143.  
 Traditio catholica, & Romana traditio, earumque discrimen. 201. Catholica traditionis nota & signum. ibidem.  
 Tridentini concilii æconomia in questione, num matrimonium adulterii causa dissolvatur. 168. not. 1.

## U.

**U**lcarii nomen idem successore eadem ordinaria jurisdictione prædito acceptum. 3.

**V**igilii Papa nunc probantis, nunc reprobandis tria Capitula factum expensum, & vindicatum. 313

**U**nitas Ecclesie visibilis duplex, altera fidei, altera caritatis, seu communionis. 45. Utraque necessaria Ecclesie, & singulis ejus membris, sed potior

## T.

**T**heodoretus loquitur de Sapientis iudicio in Antiocheno dissidio. 130. ubi loco Apollinaris non est substituendus Vitalis Appollinarista a Sancto Hieronymo memoratus, ibi. Eiusdem testimonium de unitate communio-

potior unitas fidei, ob quam caritatis & communionis unitas est necessaria. 46  
 Unitatis centrum & origo in Romana sede, seu cathedra Sancti Petri. 109. Unitatis conservandæ causa institutus & necessarius primatus summi Pontificis. 31. & seqq. præditus vi coactiva jure divino attributa eidem primati apta ad unitatem conservandam in Ecclesia. 38  
 Unitas communionis cum summis Pontificibus cuique Christiano necessaria est. 50. 222. cur. 59. Quomodo formetur hæc unitas, & quatenus unam Ecclesiam constituat. 51. 52. Inanes protestationes unitatis cum cathedra Sancti Petri ab iis factæ, qui resistunt auctoritati Apostolicæ. 55. 225. not. 1. 333.  
 Unitas fidei ratione primatus necessaria cum fide Sancti Petri ex textu Matthæi cap. 16. eruitur. 77. nec non cum fide successorum ejus. 83. Officium confirmandi fratres quatenus Petro speciatim commissum, referatur ad primum, atque necessarium sit ad fidei unitatem. 88. 240. Eodem jure & in eundem scopum etiam Petri successoribus competit. 91. 240. Officium pascendi oves & agnos eandem unitatem fidei necessariam demonstrat. 92. Trium Evangelicorum testimoniorum de Petro coherentia in statuenda necessitate unitatis fidei cum fide Petri & successo-

rum ejus. 93  
 Unitas fidei cum Romana probata ex nota Apostolicitatibus. 149. Item ex necessitate communionis, quæ a Romana sede non conceditur sine unitate fidei. 58. Item fusc ex traditione Patrum. 96. & seqq. Conditiones ingestæ ab adversariis ob excludendam absolutam necessitatem unitatis fidei cum fide Romanorum Pontificum. V. *Conditiones*.  
 Unitas communionis & fidei cum Romano Episcopo sufficiens habita a Patribus Chalcedonensibus, ut quis haberetur catholicus, & inter Episcopos catholicos reciperetur. 203  
 Unitatis figura & typus in Petro non disjungendus a jure coactivo ad unitatem fidei 39. 42. Christus non merum officium representandæ unitatis tribuit Petro, sed vim ejus formandæ, & continendæ, ac in perpetuum conservandæ. 118. 120  
 Unus Episcopus in ecclesiis particularibus ob conservandam ipsarum unitatem, & unus summus Pontifex in tota Ecclesia ob conservandam totius Ecclesiæ unitatem. 36

## X.

Xysti III. testimonium pro necessaria unitate fidei cum sede Apostolica. 179







DE  
POTESTATE ECCLESIASTICA  
SUMMORUM PONTIFICUM  
ET  
CONCILIORUM GENERALIUM  
LIBER.  
UNA CUM  
VINDICIIS AUCTORITATIS PONTIFICIÆ  
CONTRA OPUS  
JUSTINI FEBRONII.  
AUCTORE  
PETRO BALLERINIO  
PRESBYTERO VERONENSI.  
ACCEDIT *APPENDIX* DE INFALLIBILITATE  
EORUMDEM PONTIFICUM IN DEFINITIONIBUS  
FIDEI.



*AUGUSTÆ VINDELICORUM.*  
MDCCLXX.

---

Sumptibus FRATRUM VEITH Bibliopolarum,

SUPERIORUM PERMISSU.

II



## A D L E C T O R E M.

**C**UR confutatio Febroniani operis, quo Pontificia auctoritas multis nominibus impetitur, tamdiu dilata fuerit, non obscuram rationem afferre licet. Cum totum Febronii opus falsis principiis innitatur; nisi ipsorum falsitas antea detegeretur, & principia contraria apte constituerentur; inanis prorsus inutilisque fuisset omnis confutandi labor. Explicanda primo erat natura & ratio Pontificii primatus, a quo omnis Pontificia auctoritas dimanat, & præcipua primatus prærogativa in materiis fidei, idest infallibilitas definitionum dogmaticarum, quæ ab adversariis catholicis in magnam controversiam adducitur, ex fine & ratione primatus, ac ex principiis, quæ ab iisdem adversariis probentur concessa, ita erat deducenda, ut qui concesserunt principia, cohærenter nequeant repugnare. Num id ex æquo præstitum sit in libro an-

te biennium vulgato, cum titulo *De vi & ratione primatus* &c. lector non præoccupatus dijudicet. Secundo explicanda erat Potestas Pontificia comparata cum potestate Conciliorum generalium, de qua non levis est cum iisdem adversariis quæstio præsertim in Canonibus disciplinæ antiquæ, pro quibus Febronius maxime laborat; & in hanc rem discutienda erant multa circa jurisdictionem Episcoporum, jurisdictionisque originem atque propagationem, & circa celeberrima decreta Concilii Constantiensis, quæ longam meditationem atque disputationem postulabant. Hæc est argumentum ejus operis, quod mox subjicietur inscriptum: *De Potestate Ecclesiastica Summorum Pontificum & Conciliorum generalium*. His principiis præmissis & præstitutis brevior & evidentior fiet Febronii confutatio hoc titulo edenda: *Vindiciæ auctoritatis Pontificiæ contra opus Justini Febronii*. Accedet tandem *Appendix de infallibilitate Pontificia in definitionibus dogmaticis*, quæ in hoc thèmate non pauca utilia, vel etiam necessaria suppediet. Ita pro uno tria opera hoc tomo prodeunt.



## APPROBATIO CENSORIS.

**C**um Liber isthic singularis de *Romanorum Pontificum Potestate* a D. PETRO BALLERINIO, Presbytero Veronensi, conscriptus Fidei & Religionis orthodoxæ principiis neutiquam adverfetur, & ad dilucidandas de Primatu Romanorum Pontificum controversias plurimum serviat; dignum illum censeo, ut iteratis typis evulgetur. Augustæ Vindellicorum, die 22. Nov. 1769.

JOSEPHUS HERZ,

S. Theol. Licent. Reymi ac Sermi  
Elect. & Archiepisc. Trevir. nec  
non Episc. August. Consil. Eccl.  
Visitat. Gen. Consistor. Assess. ac  
Libror. Censor.



# TITULI OPERUM, CAPITUM ET SECTIONUM,

Quæ hoc in Tomo continentur.

## I.

### DE POTESTATE ECCLESIASTICA SUMMO- RUM PONTIFICUM ET CONCILIO- RUM GENERALIUM.

Proœmium.

pag. XXI

#### CAPUT I.

De jurisdictionis Ecclesiasticæ origine, & de discrimine juris inter S. Petrum & ceteros Apostolos eorumque successores, qui in varios Episcoporum gradus distinguuntur.

##### §. I.

*Jurisdictio Ecclesiastica Petro & Apostolis immediate collata fuit a Christo: nec Ecclesiæ immediate tradita dici potest, perinde ac si Petrus & Apostoli illam acceperint ab Ecclesia quoad merum ministerium.*

I

ibi

##### §. II.

*Eadem jurisdictio Petro & Apostolis immediate tradita in bonum Ecclesiæ non debebat cum Petro & Apostolis extinguì, sed in Petri & Apostolorum successores debebat transire, ac in istis æque immediate residere & permanere usque ad consummationem sæculi, sicut usque ad sæculi consummationem debet permanere Ecclesiæ, ob cujus regimen a Christo fuit instituta.*

5

##### §. III.

*Jurisdictio propria S. Petri ratione primatus ipsius singularis ac personalis ea fuit, ut ceteris omnibus etiam Apostolis potestate ceteroquin æqualibus præffet non mera ordinis & honoris, sed peculiaris in ipsos juris prærogati-*

ua

va bono unitatis, jusque ipsi esset in omnes non distributive solum, sed etiam collective summas ad custodiam unitatis. Idem omnino jus competit similiter Romanis Pontificibus successoribus S. Petri, ad quos idem primatus ob idem unitatis bonum jure successionis pervenit. 6

§. IV.

In Episcopos Apostolorum successores non idem omnino jus Apostolorum transiit. Jus quod illis in initiis compete-  
bat Apostolis in universam Ecclesiam, extraordinarium fuit, quod in Episcopos eorum successores non transiit: in solo autem S. Petro fuit ordinarium ratione primatus, & idcirco competit Romanis Pontificibus ejusdem primatus heredibus jure ordinario. Nulli Episcopo nisi successoribus S. Petri competit jurisdictio in alios Episcopos Apostolorum successores institutione divina, sed jure tantum Ecclesiastico quibusdam insigniorum sedium Episcopis tributa fuit, ita tamen ut omnes cum successoribus S. Petri in unitatis bonum conspirent; nihilque hæc institutio Ecclesiastica præjudicare potest juri S. Petri & successorum ejus, quod est institutionis divinæ. 10

§. V.

Episcoporum jurisdictio, licet sit institutionis divinæ, subest tamen juri Romanorum Pontificum, ita ut Episcopa-  
les illorum facultates in bonum Ecclesiæ possint ab istis limitari & restringi quoad usum & exercitium. 16

§. VI.

Hæc limitatio ac restrictio, licet versetur circa facultates Episcoporum, quæ in origine sunt juris divini, quomodo referatur, ac referenda sit ad materiam disciplinæ, & ad jus Ecclesiasticum. 22

CAPUT II.

De jure Romanorum Pontificum & Generalis Concilii.  
Num alterum alteri præstet in materia fidei. 26

§. I.

Num Romani Pontificis definitio si præcessit ipsum Con-  
cilium generale, cogat Patres Concilii, ita ut non possint ab

## VIII

*ab ea dissentire; & quatenus Episcopi sint in Conciliis iudices, etiamsi eidem definitioni unitatem & consensum debeant præstare.* ibi

### §. II.

*Quid dicendum cum generali Concilio nulla præcessit Pontificia definitio,* 32

## CAPUT III.

*De jure summorum Pontificum & generalium Conciliorum in materiis disciplinæ.* 40

### §. I.

*De Canonibus disciplinæ editis in generali Concilio, quibus accessit assensus, seu confirmatio summi Pontificis. Hos canones ipse debet observare non jure eorundem canonum, sed altiori naturali ac divino, quibus iidem Pontifices obstringuntur.* ibi

### §. II.

*Ad eo vero hoc altiori naturali divinoque jure ad executionem & observantiam canonum disciplina, quamdiu vigent, obligantur summi Pontifices, ut licet pro suprema sua potestate possint in ipsis dispensare, vel eosdem etiam aliquando restringere vel mutare; non tamen debeant, ne licite id possint absque legitima causa* 42

### §. III.

*Criminatio, quæ multorum odio & invidiæ Apostolicam auctoritatem exponit, disjecta.* 46

## CAPUT IV.

*De canonibus disciplinæ in generali concilio editis, qui Pontificio consensu seu confirmatione carent.* 48

### §. I.

*Canones ejusmodi non approbati auctoritate summi Pontificis ipsum non obligant.* ibi

### §. II.

*De necessitate approbationis Pontificiæ in canonibus disciplinæ,*

*plinæ, ut generalis concilii vim & auctoritatem obtineant.*

51

## §. III.

*De jure summi Pontificis in omnes Episcopos etiam collegios in generali synodo, ex quo omnibus superior, conciliaribus ipsorum decretis in materia disciplinæ ejus approbatione carentibus cogi non potest. Distinctio inter Episcopos distributive, aut collective sumptos ab adversariis ingesta, quam sit inanis, & rationi primatus repugnans.*

56

## CAPUT V.

*De sera origine & novitate opinionis, quæ Conciliis generalibus auctoritatem & jus tribuit coactivum in summos Pontifices.*

66

## §. I.

*De gestis Consiliorum generalium usque ad octavam synodum œcumenicam.*

76

## §. II.

*De gestis synodorum particularium, ac de aliquot insignioribus testimoniis quæ præverunt schismati sæculi XIV. conciliisque Pisano & Constantiensi.*

74

## §. III.

*De schismate, cujus occasione adversariorum sententia orta est paulo ante synodos Pisanam & Constantiensem.*

84

## CAPUT VI.

*Nam Pisana synodus celebrata ad excindendum schisma, fuerit certo œcumenica. Cur gesta ejusdem, ac depositionis sententia in duos contententes edita, adversariorum*  
*b opinio-*

# X

opinionem nihilum profint, sed potius obfint, confirmant-  
que antiquam fententiam, quæ generali quoque concilio  
jus fuper Pontifices denegat. 87.

## §. I.

*De jure convocandi Concilia generalia.* 88

## §. II.

*Quinam convenire debeant, ut concilium fit vere æcume-  
nicum,*

## §. III.

*De jure & qualitate fuffragii Epifcoporum & Papæ in  
fynodis generalibus.* 92

## §. IV.

*Cur Pifana fynodus auctoritate generalis concilii careat.* 93

## §. V.

*Quatenus Pifana gefla adverfariorum fententiæ obfint potius,  
quam profint.* 97

# CAPUT VII.

Decreta Conftantienfia felfionum quartæ & quintæ de Sy-  
nodorum generalium auctoritate fupra Romanos Pontifi-  
ces vim non habent generalis Concilii ob plures defe-  
ctus, ac præfertim quia carent faltem confirmatione  
Apoftolica. 101

# CAPUT VIII.

Eadem decreta Conftantienfia alio nomine vim & aucto-  
ritatem peremptoriam non habent, quia non fuerunt  
edita tamquam certum dogma fidei (ut aâa præfe-  
runt) -

runt) *per modum constitutionum synodaliū*, cujus formulæ vis decreta indicat, quæ non ex fide, sed ex mera opinione in ejus temporis circumstantiis constituenda visa sunt ad tollendum schisma. Singula decreta expensa & quatenus æqua interpretatione explicari queant. Quid in ipsis difficilem explicationem ferat. Ex necessitate remedii ad abolendum schisma eadem opinio induta; & quatenus juri supremo summorum Pontificum nequeat præjudicium afferre.

109

## CAPUT IX.

Obiectio ex necessitate remedii in casibus extraordinariis a Constantiensi memoratis expuncta.

120

### §. I.

*De remedio in casu reformationis morum præsertim in capite.*

122

### §. II.

*De remedio in casu hæresis circa fidem.*

127

### §. III.

*De casu schismatis, quo duo vel plures se se gerant tamquam Pontifices.*

130

### §. IV.

*Quomodo in Constantiensi schisma sublatum, & unitas restituta sine usu potestatis concilii supra Pontificem.*

135

### §. V.

*Animadversio de appellationibus a Papa ad Concilium generale.*

139



## CAPUT X.

Principia & summa totius ratiocinii, quo generalibus conciliis negandum est jus supra Romanos Pontifices. 141

---

## II.

VINDICIÆ AUCTORITATIS PONTIFICIÆ CONTRA  
OPUS JUSTINI FEBRONII INSCRIPTUM:

*DE STATU ECCLESIE ET DE LEGITIMA  
POTESTATE ROM. PONTIFICIS.*

Præfatio.

149

## CAPUT I.

Quantum Febronius detrahat legitimæ potestati Pontificiæ  
in decidendis controversiis fidel. 153

## CAPUT II.

Quænam potestas Romano Pontifici competat in materia  
disciplinæ, & quantum ei Febronianum systema detrahat. 160

## CAPUT III.

De suprema & plena Ecclesiastica potestate, quæ Romanis Pontificibus competit jure primatus. Quibus limitibus divini ac naturalis juris circumscripta, & quam aliena a monarchico arbitrario & effræni dominatu, quem ipsi affingit Febronius. Summa, sed non sola potestas est in Ecclesiæ regimine, quippe quæ cum potestate Episcoporum a Deo instituta copulatur, & regimen non simpliciter monarchicum, sed ex monarchico & aristocratico temperatum constituit. 171

CA-

## CAPUT IV.

Explicatur quænam sit ea suprema & plena potestas Romanis Pontificibus tribuenda supra facultates Episcopis competentes, & in ædificationem Ecclesiæ tradita. Distinguenda potestas ab ejusdem usu; nec ex abusibus, qui potestati tribuendi non sunt, sed ex vitio abutentium dimanant, ipsa potestas neganda. De actibus abutentium illicitis, sed non irritis. 183

## CAPUT V.

De supposititiis Pseudo-Isidori decretalibus, ex quibus Febronius supremæ & plenæ auctoritati Apostolicæ nimium multo detrahit, quæstiones tres propositæ & solutæ. 192

## §. I.

*Num decretales antiquis Pontificibus a Pseudo-Isidoro attributæ, in gratiam Romanorum Præsulum ob augendam eorum potestatem fuerint confictæ.* 193

## §. II.

*Num ea, quæ de summi Pontificis auctoritate in confictis Pseudo-Isidori decretalibus traduntur, novi quidpiam induxerint, quod anterioribus temporibus numquam fuerit auditum, usuque nusquam receptum.* 195

## §. III.

*Num disciplinæ novitas, siqua ex apogryphis Pseudo-Isidori decretalibus invaluit, usuque posteriorum temporum obtinuit, jus falsum & corruptela sit, quæ antiquo canonum juri derogare nequiverit.* 198

## CAPUT VI.

Num antiquorum canonum disciplina sit revocanda, seu num Episcoporum & Metropolitaram potestas seu jurisdictionis  
b 3 dictio

#### XIV

dictio actualis sit restituenda in statum primitivum, ab-  
olito jure quod jam a multis sæculis viget. 205

#### CAPUT VII.

Media, quæ in restitutionem disciplinæ veteris a Febronio  
proponuntur, quantam Pontificiæ auctoritati offensionem  
præferant. 211

#### CAPUT VIII.

Observationes in alia quædam Febronii loca, quæ etsi in  
antecedentibus prætermissa sint tamquam non necessaria  
confutando illius systemati, possunt tamen aliquam diffi-  
cultatem facessere.

##### §. I.

*Quam male ex textu Actorum c. 8. v. 14. Febronius cum  
Gersono colligat, S. Petrum fuisse subditum Apostolis  
( seu Ecclesiæ ) qui eum cum Joanne miserunt Sama-  
riam. ibi*

##### §. II.

*In illa Febronii c. 2. §. 3. quibus contendit Ecclesiam posse  
transferre primatum a Romano ad alium Episcopum. 225*

##### §. III.

*Animadverso in verba alloquutionis S. Cypriani ad Patres  
Concilii III. Carthaginensis, & in commentarium a Fe-  
bronio iisdem verbis subiectum cap. 2. §. 1. n. 1. tom.  
I. pag. 71. 227*

##### §. IV.

*Num Tridentinum generale Concilium supra Papam aucto-  
ritatem exercuerit. In cap. 6. Febronii §. 1. num. 5.  
t. I. pag. 181. 232*

##### §. V.

## §. V.

*De potestate jurisdictionis distinguenda a potestate ordinis.* 234

## §. VI.

*In textum Febronii c. 8. §. 3. ubi nonnulla quorundam antiquorum sanctorumque Pontificum gesta augenda potestatis consilio attribuit.* 235

## §. VII.

*In quædam loca Febronii, ubi auctoritatem Pontificum in provinciales synodos & in majoribus causis vellicat.* 239

## §. VIII.

*Num auctoritas Pontificia utilitati aut necessitati Conciliorum generalium opponatur.* 244

---

## III.

APPENDIX de Infallibilitate Pontificia in definitionibus dogmaticis, qua brevius explicatur atque statuitur, quænam & qualis auctoritas summis Pontificibus tribuenda sit, quando ex fine & officio primatus ob conservandam in tota Ecclesia fidei unitatem definiunt controversias dogmaticas. 249

## §. I.

## PRIMA PROPOSITIO.

*Pontificia auctoritas, instituta ob finem conservandæ unitatis maxime in fide, esse debet per se sufficiens ad huac finem obtinendum.* 251

## §. II.

## §. II.

## SECUNDA PROPOSITIO.

*Ut auctoritas summorum Pontificum sit per se sufficiens ad conservandam in tota Ecclesia unitatem fidei, debet esse non meri ordinis & honoris prærogativa, sed jurisdictionem aliquam peculiarem sibi competentem requirit, quæ per se exigat & obliget ad fidei unitatem.* 252

## §. III.

## TERTIA PROPOSITIO.

*Auctoritas, quæ in definiendis fidei controversiis sit per se sufficiens ad exigendam & conservandam fidei unitatem, ita per se sola debet obligare atque sufficere, ut alius auctoritatis præsidio non egeat: ac propterea Pontificia auctoritas, quæ per se sufficiens est, ac dici debet ad conservandam & exigendam fidei unitatem, ad hunc finem obtinendum nequit egere consensu Ecclesiæ.* 253

## §. IV.

## QUARTA PROPOSITIO.

*Auctoritas, quæ sit per se sufficiens ad exigendam & conservandam fidei unitatem in tota Ecclesia, ea vi prædita esse debet, quæ ad unitatem obliget non aliquos tantum, sed omnes Christianos, non tam distributive quam collective sumptos, ex quibus sumptis collective constat ipsa catholica Ecclesia.* 258

## §. V.

## QUINTA PROPOSITIO.

*Auctoritas, quæ in conservationem unitatis fidei definitiones dogmaticas edit, his definitionibus dogmaticis, ut in conservandam fidei unitatem sufficiant, obligare debet omnes, non ad meram exteriorem observantiam, sed ad assensum & obsequium mentis: quod cum fidei necessarium sit, sine eo fidei unitas servari non posset.* 260

## §. VI.

## §. VI.

## SEXTA PROPOSITIO.

*Pontificia auctoritas, quæ ab omnibus Christianis etiam Episcopis exigit obsequium & assensum internum proprium fidei erga definitiones a summis Pontificibus editas, omnem dubitationem debet excludere, ita ut dubitare non liceat, num illi, cum fidei controversias definiunt, in ipsa definitione errent.* 263

## §. VII.

## SEPTIMA PROPOSITIO.

*Auctoritas Pontificia, cujus definitiones dogmaticæ in conservationem unitatis fidei editæ obligant totam Ecclesiam ad assensum fidei ipsius definitionibus præstandum, omni dubitatione exclusa, in definiendo infallibilis dicenda est, ut ipsa Ecclesia ex promissis Christi est infallibilis.* 265

## §. VIII.

## OCTAVA PROPOSITIO.

*Eadem Pontificum infallibilitas evincitur vel maxime ex promissis Christi factis S. Petro, ac ex traditione Patrum.* 268

## §. IX.

*Effugium Bossueti distinguuntis inter seriem & personas Pontificum quam inane & repugnans.* 271

## §. X.

*Erroris Pontificum, qui ab adversariis opponuntur, ut in rem præsentem probarent aliquid, duo probanda essent: I. errorem, qui opponitur, ita esse certum errorem fidei,*

c

ut



ut nulla possit apta interpretatione purgari: II. esse præterea errorem definitionis dogmaticæ. Unus ejusmodi error congrue probatus, ad evertendam propositam thesim sufficeret. Nullus vero adversarius prodest, cum ex omnibus, qui obijciuntur, erroribus nullus sit error fidei certus, vel non sit error definitionis dogmaticæ. 272

## §. XI.

*Num sententia, quæ infallibilitatem Pontificiis definitionibus in materia fidei tribuit, antiquis fuerit ignota.* 281

## §. XII.

*Quam sera contrariæ sententia initia, & quatenus inter catholicos recipi atque in scholas induci & propagari cæperit, veteri sententia ac traditione non omnino excluda.* 283



**DE**  
**POTESTATE ECCLESIASTICA**  
**SUMMORUM PONTIFICUM**  
**ET**  
**CONCILIORUM GENERALIUM.**

DE

INSTITUTIONE SCIENTIARUM

ACADEMIAE SCIENTIARUM

INSTITUTIONE SCIENTIARUM



# PRÆFATIO.

**I**N præfatione operis præcedentis inscripti,  
*De vi ac ratione primatus Romanorum*  
*Pontificum, & de ipsorum infallibilitate*  
*in definiendis controversiis fidei liber singularis,*  
 ubi utrumque explicavi atque constitui ex principiis  
 concessis ab iis ipsis adversariis catholicis, contra quos  
 tantum agendum suscepi; memini me promississe alias,  
 si vacabit, disputaturum de eorundem Pontificum po-  
 restate collata cum potestate concilii œcumenici: quod  
 ad eam quæstionem refertur tantopere inter catholicos  
 Theologos agitatam, num Romano Pontifici ratione  
 primatus jus & potestas sit supra ipsa concilia generalia,  
 an generali concilio jus & potestas sit supra summum  
 Pontificem. Nunc promissum libens solvam. Adver-  
 sarii catholici, quibuscum tantummodo non minus in  
 hoc quam in præcedenti opere est disputatio, dum con-  
 tendunt concilia potestatem habere in summos Pontifi-  
 ces,

Adversariorum sententia explicata.

ces, non conciliis particularibus, sed generalibus tantum hanc prærogativam vindicandam existimant. Ulro enim fatentur, alia quævis concilia, quæ non sint œcumenica, jurisdictionem non habere in summum Hierarcham, quem cuique personæ, seu concilio particulari, etiam amplioris regionis, & ex pluribus provinciis coacto, quod universalem Ecclesiam non repræsentat, nec totius Ecclesiæ jurisdictionem continet, jure universalis primatus superiorem agnoscunt; nullus siquidem inferior in superiorem suum jus habet, aut habere potest.

2. Neque aliter sentire queunt, qui in hac materia Constantiensis synodi Patres duces suos præferunt, atque sequuntur. Hi enim cum ex una parte solis conciliis generalibus, quæ universam Ecclesiam repræsentant, jus in summos Pontifices afferunt celebribus ejusdem synodi decretis actionum IV. & V., tum ex parte altera act. VIII. propositionem 41. Joannis Wicleffii, *Non est de necessitate salutis credere Romanam Ecclesiam esse supremam inter alias Ecclesias*, censura erroris notarunt, pro quanto negaret primatum summi Pontificis super alias Ecclesias particulares. Primatum, qui ex catholica doctrina tribuendus est Romanæ Ecclesiæ, eique præsidenti Romano Pontifici, non esse meri ordinis & honoris, sed præcipuæ jurisdictionis, propriæ & personalis solius Petri & successorum ejus, \* libro præcedenti, catholicis quoque adversariis concedentibus, probatum fuit. De primatu ergo jurisdictionis accipienda sunt Constantiensium Patrum verba in memorata censura, ita ut erroris notam affixerint Wicleffianæ propositioni 41. quatenus negaret summis Pontificibus primatum jurisdictionis, seu jurisdictionem propriam super alias Eccle-

\* Devi primat. c. 2. & 3.

*Ecclesias particulares.* Hinc in eandem Constantien-  
 sium censuram \* Boffuetus animadverit: *En ut Ec-*  
*clesias particulares . . . Pontifici submiserint*; ad-  
 ditque exinde Gallicanos cum Gersone illa sumpsis-  
 se; *Dandam esse supremam & plenam Pontifici po-*  
*testatem, sed in comparatione ad fideles singulos, &*  
 (1) *ad particulares Ecclesias*: quod idem est ac pro-  
 fiteri, Ecclesias partiales, seu particularium Eccle-  
 siarum concilia, quæ non ita repræsentant universam  
 Ecclesiam, uti repræsentatur a conciliis œcumenicis;  
 subijci *supremæ & plenæ* potestati Pontificum, nul-  
 lumque in eos jus ac potestatem habere. Hac de  
 causa \* lib. 10. *Defensionis* al. 15. c. 20. expresse  
 docuit: *Sit ergo profecto NOBIS ETIAM AUCTO-*  
*RIBUS Romani Pontificis sacrosancta majestas. Nul-*  
*la eam synodus particularis judicare audeat.* Hoc  
 pariter sensu malos quoque Pontifices \* *non subesse*  
*particulari concilio* affirmavit lib. 11. cap. 4. illudque  
 vulgatissimum axioma *Prima sedes non judicatur a quo-*  
*quam*, ne suæ & adversariorum nostrorum senten-  
 tiæ obsit; ita \* interpretatur, ut valeat de *Romana*  
 & *particularibus Synodis* tantum, non autem de ge-  
 nerali, cui soli memorata Constantiensia decreta ce-  
 terique adversarii catholici potestatem in summos Pon-  
 tifices tribuunt (2).

3. Hac vero in re, de qua una nunc superest  
 quæstio (num scilicet concilium œcumenicum pote-  
 statem habeat supra Romanos Pontifices) antequam  
 decida-

(1) Vide, si placet, eum-  
 dem Boffuetum lib. 1. *Defen-*  
*sionis*, nunc in Appendicem  
 novæ editionis traducto c. 3.  
 pag. 9.

(2) Hac de causa idem Bos-

\* lib. 5. al.  
 9. *Defens. de-*  
*clarat. Cler.*  
*Gallic. c. 15.*  
 t. 1 pag. 416.  
 noviss. edit.

\* tom. 2. p.  
 224 Confer  
 infra notam  
 subjiciendam

\* B. p. 260.

\* laudat. lib.  
 10. al. 15. c.



decidatur, præmittenda sunt nonnulla de Ecclesiastica jurisdictionis origine, ac de distinctione juris inter Episcopos ac summum Pontificem; sine quibus Romani Antistitis & generalium conciliorum jus probe discerni ac definiri non posset. Cum porrò editum nuper Justinii Febronii opus, quo Pontificia auctoritas pluribus impetitur, *Vindiciis* ejusdem auctoritatis lucubrands ac subjiciendis occasionem dederit, in quibus non pauca mox constituenda, aliis identidem momentis confirmanda fuere; aliquot *Vindiciarum* loca sive ad marginem, sive in notationibus aliquando allegabuntur, ut ea, quæ ibidem adjicientur, lector, si libuerit, conferat, veritasque quoad fieri possit, magis magisque elucescat. Præcedentem vero librum *De vi & ratione primatus*, cum opus erit, allegaturi, brevius indicabimus sic: *De primatu*, vel *De vi primatus*.

suetus lib. 10. *Defensionis* c. 12. pag. 204. affirmare non dubitavit: *Sedes Apostolica*, tamen si subjecta est universali Ecclesie, eamque representanti concilio generali; tamen suprema est respectu singulorum Ecclesiarum, quemadmodum tradit, non modo schola Parisiensis, verum etiam ipsam Constantinensē conciliū, ut sæpe diximus.





DE POTESTATE ECCLESIASTICA  
**SUMMORUM PONTIFICUM**  
ET  
CONCILIORUM GENERALIUM.

C A P U T I.

De jurisdictionis Ecclesiasticæ origine, & de discrimine juris inter S. Petrum & ceteros Apostolos eorumque successores, qui in varios Episcoporum gradus distinguuntur.

§. I.

*Jurisdictio Ecclesiastica Petro & Apostolis immediate collata fuit a Christo, nec Ecclesiæ immediate tradita dici potest; perinde ac si Petrus & Apostoli illam acceperint ab Ecclesia quoad merum ministerium.*

1.



**J**URISDICTIONE ECCLESIASTICA a Christo ducit originem, qui eandem S. Petro & Apostolis immediate tradidit, quando ipsis una cum clavibus regni cælorum dedit potestatem ligandi atque solvendi, quæ potestas idem est ac jurisdictio; ac propterea hæc in origine est juris divini. Hæc quidem potestas, seu jurisdictio S. Petro & Apostolis immediate tradita fuit in ædificationem & bonum Ecclesiæ; at tradita antequam

*Ballerinius de Potestat. Eccl.*      **A**      **Chri-**

Christus in cœlum ascenderet, & (1) antequam ab iisdem Apostolis ipsa ædificaretur Ecclesia: ac proinde dici non potest immediate collata eidem Ecclesiæ, quæ nondum ab illis erat ædificata, nec ita immediate tradita Ecclesiæ dici potest, ut illam Petrus & Apostoli acceperint ab Ecclesia, quos ab ipso Christo eam accepisse Evangelica verba testantur. Id autem multo minus dici potest, si Ecclesiæ nomine tota Christi-fidelium societas intelligatur comprehensis etiam laicis atque mulieribus, quos omni spiritali Ecclesiastica jurisdictione carere omnibus catholicis certissimum est.

2. Hocce commentum ab hæreticis inductum, & a refractariis deinde susceptum, ut Pontificum & Episcoporum auctoritatem sibi insensam eluderent, plures Theologi etiam ex adversariis disertissime confutarunt. Hinc etiam Richerianum systema, quo Ecclesiastica jurisdictione primario & proprie & essentialiter Ecclesiæ data & convenire traditur, Romano autem Pontifici atque aliis Episcopis ministerialiter competere, & quoad executionem tantum; hoc, inquam, systema ab Edmundo Richerio propositum in libro *De Ecclesiastica potestate*, ut primum in Galliis prodiit, statim in duobus provincialibus Conciliis Senonensi & Aquis reprobatum fuit, & a doctis Gallicanis Scriptoribus, manifestis Scripturæ & traditionis documentis confutatum. Vide inter alios P. Dionysium Petavium lib. 3. *De Hierarchia Eccles.* c. 14. & seqq. Quod si S. Augustinus alique nonnulli Patres alicubi affirmant, claves regni cœlorum, idest jurisdictionem Ecclesiasticam, a Christo datas fuisse Ecclesiæ in S. Petro, qui Ecclesiæ figuram gerebat; non ea mente affirmarunt, ac si claves, seu

---

(1) Ita sane S. Cyprianus scribens in epist. 73. *Ecclesia una est, & super unum qui & claves ejus accepit, Domini voce fundata*, Petrum claves Ecclesiæ, seu jurisdictionem Ecclesiasticam a Christo accepisse indicat, antequam idem

Christus super ipsum ædificaret Ecclesiam. Petro quidem, non autem Ecclesie claves a Christo traditas, ipsa Christi verba palam significant, cum post verba *Ecclesiam meam* non dixerit *Ei*, sed *TIBI* dabo claves regni cœlorum.

seu jurisdictionem ipsi immediate Christus non dederit, nec promiserit (quod repugnat verbis, *Tibi dabo claves*); sed duplici ratione affirmarunt, tum quia Petro (2) unitatis & Ecclesiae typum gerenti datae fuerunt in bonum & aedificationem Ecclesiae (neque enim illas Petrus accepit sui causa, & propter se, at Ecclesiae gratia, ut Christianis omnibus in commune prodesset); tum etiam quia voluerunt intelligi veram jurisdictionem Ecclesiasticam non inveniri nisi in Ecclesia, & in unitate cum Petro, quem Christus catholicae unitatis & Ecclesiae caput centrumque constituit: qua de re post pauca redibit sermo. Alia ratio satis congrua ex Petavio subjicietur numero 4.

3. Neque vero moveant illa Christi verba apud Matthaeum c. 18. v. 15. quibus Petro dixit, *Dic Ecclesiae*. Haec quam male a nonnullis afferantur ad confirmandum systema de clavibus immediate datis universae societati Ecclesiae, non vero Petro & Apostolis nisi tamquam ministris Ecclesiae, ex toto contextu & ex perpetua Ecclesiae praxi manifestum est. Agitur ibidem de correctione fratris, qui Petrum offendisset. Hunc privatim primo fraterno amore corrigendum Christus docuit. Quodsi inutiliter cedat, jussit adhiberi unum testem vel duos; & siquidem hi quoque nihil proficiant, *dic Ecclesiae*, inquit; addensque statim, *si autem Ecclesiam non audierit, sit tibi sicut Ethnicus & publicanus*, excommunicationem aperte significavit, qua ille praecisus ab Ecclesiae corpore habendus sit velut Ethnicus & publicanus. *Ecclesiae* igitur nomine, cui denuntiandi sint criminosi, ut, si non acquiescant ejus ju-

A 2

dicio,

(2) Unitatis & Ecclesiae figuram ac typum in Petro non esse disjungendum a jure coactivo ad unitatem, probavi in praecedenti libro *De vi & ratione primatus* c. 9. pag. 39. & 42. ibidemque praeterea ostendi Christum ipsi non merum officium representandae unitatis tribuisse, sed vim pra-

ecipuam ad eam formandam, continendamque in Ecclesia, quae vis primatui non meri honoris & ordinis, sed verae jurisdictionis necessaria est. Quam in rem conferenda erunt adnotata in Pacianum & Optatum ibi em. c. 13. n. 17. & 19.

dicio, excommunicandi sint, quinam intelligendi nisi illi, qui jus clavium & ligandi solvendiue potestatem acceperunt a Christo? Hos autem non fuisse totam societatem Ecclesiae laicis quoque feminisque comprehensis, sed Petrum & Apostolos, patet ex iis quae mox ipse Christus subdidit: *Amen dico Vobis: Quaecumque alligaveritis super terram &c. Vobis*, inquit, non omnibus Ecclesiae membris. Jure ergo S. Joannes Chrysostomus in Matth. c. 18. illa *dic Ecclesiae* explicavit *de Praepositis Ecclesiae* (3), quibus tantum ea clavium potestas data fuit. Ipsa praxis, quae in Ecclesia universa perpetuo fuit custodita, idipsum confirmat. Inobedientes enim & contumaces Ecclesiae Praepositis delati fuerunt, nec aliis quam Petro & Apostolis, eorumque successoribus, quibus non nudum ministerium tantum, sed jus ipsum clavium a Christo traditum catholica Ecclesia perpetuo credidit. Hinc maneat certum hoc principium, Ecclesiae nomine, cum de potestate clavium & jurisdictionis Ecclesiasticae agitur, intelligi Praepositos Ecclesiae; ea item omnia, quae jurisdictionem eandem involvunt, cum dicuntur proficisci atque pendere a consensu & approbatione Ecclesiae, ex eorundem successorum Petri & Apostolorum consensu vel approbatione vim habere: quae animadversio non exiguum abusum vocis Ecclesiae apud nonnullos adversarios non infrequentem detegit. Quare cum S. Petrus & Apostoli eorumque successores appellati inveniuntur *Ecclesiae ministri*; non idcirco hic titulus iisdem tributus intelligi potest, quasi ab Ecclesia acceperint potestatem clavium, quam illos non ab Ecclesia, sed a Christo immediate accepisse vidimus (unde frequentius vocantur *ministri Christi*); sed quia potestas ejusmodi ipsis immediate tradita a Christo fuit, ut in Ecclesiae bonum ea potestate uterentur, ipsique Ecclesiae sacra ministrarent.

## §. II.

(3) Hac de causa si S. Augustinus serm. 195. num. 2. scripsit, *claves non homo unus, sed unitas accepit Ecclesiae*, se se explicans serm. 24. de San-

ctis al. 147. n. 2. *unitatem omnium Pastorum* in Petro significatam prodidit, propterea quod corpori pastorum clavium jurisdictio a Christo data fuit.

## §. II.

*Eadem jurisdictio Petro & Apostolis immediate tradita in bonum Ecclesiæ non debebat cum Petro & Apostolis extingui, sed in Petri & Apostolorum successores debebat transire, ac in istis æque immediate residere & permanere usque ad consummationem sæculi, sicut usque ad sæculi consummationem debet permanere Ecclesia, ob cujus regimen a Christo fuit instituta.*

4. Cum porro regimen Ecclesiæ, cujus causa hæc jurisdictio S. Petro & Apostolis tradita fuit, ex Christi institutione ita futurum esset perpetuum, ut perpetua futura erat Ecclesia; jurisdictio, Petro & Apostolis collata ob regendam Ecclesiam, non debebat cum illis extingui, sed ad eorum successores debebat transire. Hac de causa optime Petavius lib. 3. de Hier. Eccl. c. 16. n. 8. hanc maxime congruam rationem addidit, cur interdum a Patribus antiquis non tam Petro quam toti Ecclesiæ communicata dicatur Ecclesiastica jurisdictio: ut hoc pacto demonstrent non sic affixam & additam uni illi fuisse, & quasi circumscriptam unius persona, ut eo sublato, etiam illa periret, nec amplius in Ecclesia maneret. Ergo eatenus Ecclesiæ traditam fuisse intelligunt, quod perpetuo habet illa successores potestatis ac dignitatis ipsius. Quemadmodum qui dicit Francorum populo regiam potestatem concessam fuisse, nihil significat, aliud, nisi esse ibi semper aliquem qui regnet, & potestatem illam non exquatur modo, sed in se hærentem ac residentem circumferat. Hoc quidem sensu Christus perpetuam durationem significaturus, Petro & Apostolis dixit: *Ecce ego vobiscum sum* (utique in successoribus) *usque ad consummationem sæculi*. Eadem itaque potestas seu jurisdictio Ecclesiastica, ex Christi institutione in Petri & Apostolorum successores propagata, ad Romanos Pontifices,

Matth. 28.  
20.



ces, qui succedunt S. Petro, & ad alios, quos Apostoli constituerunt Episcopos, quique Apostolorum successores existunt, pervenit: atque idcirco eodem divino jure his competit; ac in iisdem, qui constituunt corpus primorum Pastorum, immediate residet, ut in Petro & Apostolis residebat. Hinc autem liquet quam iners & inane sit illud quorundam adversariorum argumentum, qui ut pròbent claves immediate non fuisse collatas Petro & Apostolis, hac ex sententia sequi dicunt, ipsas claves cum eorum morte defecisse in Ecclesia: neque enim defecisse dicendæ sunt, quæ post illorum mortem Christo instituente in eorum successores debebant transire, & in successoribus ipsis semper manere usque ad consummationem sæculi (4).

### §. III.

*Jurisdictio propria S. Petri ratione primatus ipsius singularis ac personalis ea fuit, ut ceteris omnibus etiam Apostolis potestate ceteroquin æqualibus præfesset non mera ordinis & honoris, sed peculiaris in ipsos juris prærogativa bono unitatis, jusque ipsi esset in omnes non distributive solum, sed etiam collective sumptos ad custodiam unitatis. Idem omnino jus competit similiter Romanis Pontificibus successoribus S. Petri, ad quos idem primatus ob idem unitatis bonum jure successionis pervenit.*

5. Discrimen potestatis inter Petrum & Apostolos, nec non inter Romanos Pontifices S. Petri successores & alios

(4) Ipse primatus, licet singulari personæ S. Petri tributus a Christo, cum ejus morte non desit, quia debebat ad successores ejus transire; vis autem primatus in unitatem

fidei, quæ Ecclesiæ est maxime necessaria, sede etiam vacante, viget in Pontificis definitionibus decretisque dogmaticis, quæ Pontificibus mortuis vim suam non amittunt.

alios Episcopos successores Apostolorum notandum maxime est. S. Petrum & Apostolos omnes potestate pares fuisse excepto tantum jure proprio ac personali primatus, qui fuit non meri honoris & ordinis, sed præcipuæ jurisdictionis primatus, exploratum fecimus ex iis, quæ annuentibus quoque adversariis catholicis probavimus libro *De vi ac ratione primatus* c. 2. & 3. Ex hoc autem præcipuæ jurisdictionis primatu, quem uni Petro inter Apostolos Christus tribuit, jus aliquod peculiare ipsi debuit competere, quod aliis commune non fuerit: alias primatus ipse inane nomen fuisset meri honoris, non juris. Hoc porro jus primatus proprium ex fine instituendi ipsius primatus est colligendum: qui cum ob formandam & perpetuo custodiendam in tota Ecclesia unitatem fuerit institutus a Christo, jus ad hanc totius Ecclesiæ unitatem compingendam atque tuendam præcipuum S. Petro collatum fuisse dicendum est, quo omnes Christiani ad unitatem cogantur. Hoc jure S. Petrus præstabat omnibus etiam Apostolis ratione primatus, adeo ut licet hi aliis Apostolicis facultatibus Petro essent æquales, in jure tamen cogendi ad unitatem subessent Petro, quippe qui debebant unitatem cum ipso tanquam unitatis catholicæ centro servare necessariam Ecclesiæ, nimirum non solum unitatem communionis, sed etiam, immo potissimum fidei unitatem, quæ potior est Ecclesiæ unitas; & in eandem unitatem Ecclesias, quas ædificabant, & Episcopos, quos præficiebant Ecclesiis, debebant informare, ut ostendi in memorato opere cap. 12. n. 40. & seqq. Ita & ab Apostolis, & ab Episcopis, & a cunctis fidelibus eadem unitas cum Petro tenenda erat, ac in eandem unitatem ab omnibus exigendam jus erat Petro peculiare ratione primatus.

*Vid. lib.  
De vi ac ratione primatus c. 8 & 9.*

6. Hinc porro jus istud primatus proprium fuit jus in omnes Episcopos & fideles omnes, non distributive tantum sumptos, sed etiam collective: neque enim obtineri potuisset finis a Christo sibi propositus in instituendo primatu, unitas scilicet totius Ecclesiæ, nisi omnes & Episcopi & fideles, qui sunt Ecclesiæ membra, ad eam cogerentur. Ex his principiis de jure primatus S. Petri clareprehenditur, quodnam jus peculiare Romanis Pontificibus S. Petri successoribus competat ratione primatus, qui in ipsos tantum

*Jus proprium primatus S. Petri.*

*Jus fuit in omnes etiam collective sumptos.*

Jus idem tantum eadem cum jurisdictione transivit: est enim jus in omnes totius Ecclesiæ Episcopos & fideles omnes idem omnino ac fuit in Petro; inanisque cognoscitur illa quorundam adversariorum distinctio, qua idem Pontificium jus in totam Ecclesiam ex primatu proveniens institutione divina, in omnes quidem Episcopos & Christianos distributive, non autem collective sumptos accipiendum communi-

Quomodo  
ex hoc pro-  
prio prima-  
tus jure exte-  
ra præroga-  
tiva R. Pont:  
dimanant.

scuntur, de qua re plura dicenda erunt cap. 4. §. 3. 7. Ex hoc proprio primatus jure in universam Ecclesiam, quod bono unitatis S. Petro & successoribus ejus jure divinotribuendum est, dimanant ceteræ prærogativæ jurisdictionis Pontificiæ in totam Ecclesiam, quas hic recensere non vacat, nec opus est. Ideo enim iis prærogativis & facultatibus Romani Pontifices uti possunt in universa Ecclesia, quia ex primatu universæ Ecclesiæ Christo instituyente præpositi sunt. Id autem verum est agnoscendum non tam ex jure divino, quod divinæ institutioni primatus annexum est, quam ex naturali ordinis jure, quo si (5) Paulo docente inferiores quicumque subesse, & subordinati esse

(5) Cum ait Paulus ad Hebr. c. 13. v. 17. *Obedite præpositis vestris, & subjacete eis*, verbo *subjacete* subordinationem, quæ naturali lege ordinis æque ac divina præscribitur, indicat; verbo autem *obedite* non meri honoris externi, sed actualis jurisdictionis subordinationem cum debito obedientiæ conjunctam declarat. Cum duo Episcopi in una civitate facultatibus omnino pares esse non possint sine subordinatione unius ad alterum, ne ex omnimoda æqualitate oriantur dissidia & scissuræ contra bonum unitatis Ecclesiæ necessarium; Nicænum Concilium c. 8. de Ca-

tharis statuit, ut ipsorum Episcopis ad catholicam Ecclesiam accedentibus, si sint iis in locis, ubi inveniuntur Episcopi catholici, presbyterii honor, aut merum Episcopi nomen absque Episcopali jure tribuatur, *ne in una civitate duo Episcopi probentur existere*, quorum neuter alteri sit subordinatus. Hanc subordinationem usitati conservandæ penitus necessariam, suo cuique Episcopo ab omnibus inferiorum clericorum gradibus præstandam S. Ignatius Martyr, alique Patres maxime commendaverunt. Huic quoque subordinationi erga S. Petrum Apostolorum Principem, & ex pri-

esse debent præpositis suis, multo magis summo omnium præposito, atque pastori subordinati esse debent omnes inferiores Ecclesiæ pastores etiam Episcopi: sublata enim sub-

*Ballerinius de Potestat. Eccl.*

B

ordi-

matu jurisdictionis superiorem suum ipsi Apostoli fuerunt obnoxii & obligati, non quod in Apostolicarum facultatum usu, & in Ecclesiarum regimine iidem afflati S. Spiritu, qui caritatis & unitatis Spiritus est, possent a Petro desciscere, sed in Episcoporum, qui sibi succederent, nec eodem Sancto Spiritu futuri erant confirmati, institutionem & exemplum: ac propterea Gallicani Episcopi ad Apostolicam sedem detulerunt, jureque damnatam agnovere propositionem de bicipiti Ecclesiæ capite Petro & Paulo eo sensu proscriptam & explicatam, ut ponat omnimodam æqualitatem inter S. Petrum & Paulum *SINE SUBORDINATIONE* & subjectione S. Pauli ad S. Petrum in potestate suprema & regimine universalis Ecclesiæ. Numvero si nemo dubitare potest quin S. Petrus Apostolorum omnium, ac ipsius S. Pauli princeps fuerit veræ & propriæ jurisdictionis primatu; neque poterit ambigere quin S. Paulus superiori & supremæ potestati S. Petri fuerit subordinatus in regimine universalis Ecclesiæ. Vide quæ hac de re notavi lib. *De vi & ratione primatus* c. 3. n. 2. Hanc eandem S. Pauli subordinationem ad S. Petrum ex

primatu debitam, quam adversarii nequeunt inficiari, nisi contra Constantiensis doctrinam primatus jurisdictionem negent etiam in Apostolos & Apostolorum successores distributive sumtos ex adnotatis in proœmio hujus operis; hanc, inquam, subordinationem S. Pauli ad S. Petrum satis indicasse videtur S. Cyprianus epist. 71. ad Quintum, ubi laudans S. Petri moderationem, dum Sancto Paulo sibi in faciem resistente nihil sibi arroganter assumsit, animadvertit eum primatum suum non opposuisse, ex quo *sibi & novellis & posteris* (id est ab ipso Paulo) obtemperari oportebat. Id subordinationem inferioris superiori debitam innuit. Quodsi aliquam ipsius Petri subordinationem erga Paulum fraterna correctione nitentem in contextu indicavit, ea non est subordinatio Petri quasi inferioris Paulo, sed pertinet ad subordinationem debitam divino ac naturali juri, quod *veritati & rationi legitime* a Paulo licet inferiore propositæ ipsum Petrum consentire & acquiescere inebat: de qua subordinatione eodem divino ac naturali juri a summis quoque Pontificibus præstanda inferius plura.

ordinatione inferiorum pastorum ad summum pastorem superiorem suum, & omnimoda æqualitate juris inter ipsos constituta, quis non videat facilem patere aditum ad dissensiones & schismata, ex quibus regimen & unitas Ecclesiæ detrimentum capiant? Qua vero moderatione hac summa potestate uti oporteat, cum potestas a Deo sit in ædificationem, non in destructionem; ad aliam disputationem

\* *Vid. infra* pertinet, de qua hic mihi agendum non est, \* alibique *cap. 3. §. 3.* & centur plura. In rem enim præsentem de primario tantum & radicali, ut vocant, primatus jure statuisse sufficiat.

### §. IV.

*In Episcopos Apostolorum successores non idem omnino jus Apostolorum transiit. Jus quod illis in initiis competeat Apostolis in universam Ecclesiam, extraordinarium fuit, quod in Episcopos eorum successores non transiit: in solo autem S. Petro fuit ordinarium ratione primatus, & idcirco competit Romanis Pontificibus ejusdem primatus heredibus jure ordinario. Nulli Episcopo nisi successoribus S. Petri competit jurisdictio in alios Episcopos Apostolorum successores institutione divina, sed jure tantum Ecclesiastico quibusdam insigniorum sedium Episcopis tributa fuit, ita tamen ut omnes cum successoribus S. Petri in unitatis bonum conspirent: nihilque hæc institutio Ecclesiastica præjudicare potest juri S. Petri & successorum ejus, quod est institutionis divine.*

8. Præstituto & explicato hætenus præcipuo ac radicali

cali jure primatus Romanorum Pontificum successorum S. Petri, ut aliqua dicamus etiam de jure Episcoporum, qui successerunt Apostolis, non eadem omnino potestas ad ipsos pervenit, quæ in Apostolis extitit. His enim jus fuit in totum mundum, cum æque omnes in totum mundum missi fuerint a Christo, ut Evangelium prædicarent omni creaturæ: sic enim illis in initiis utile vel necessarium erat. At cum Apostoli Episcopos certis in locis constituerint, ut iis suam curam & operam impenderent; expediret autem hos iisdem locis alligari; ipsorum jurisdictio non in totum mundum, ut Apostolorum erat, sed intra certos fines circumscripta & circumscribenda fuit ob Ecclesiæ bonum, ut quilibet suo cujusque gregi studiosius vacaret, juxta illud Petri, *Pascite, qui in vobis est gregem Dei*, nec l. Pet. c. 5. distraheretur in greges aliis Episcopis assignatos, quod scissurarum & dissensionum seminarium esse solet non sine magno unitatis, pacis, & boni publici detrimento. Quodsi ob hoc unitatis bonum, Episcoporum, qui succedunt aliis Apostolis, jurisdictio certis locis alligata & circumscripta esse debet; non idem dicendum de Romanis Pontificibus, qui cum in divinæ institutionis primatum succedant S. Petro, ex eadem institutione divina ob catholicæ unitatis custodiam jus obtinuerunt in universam Ecclesiam, æque ac obtinebat S. Petrus; nec quispiam poterat aut poterit eidem divino ejusmodi juri aliquid detrahere aut derogare. Hinc Apostolorum jus in totam Ecclesiam *extraordinarium* quodammodo fuit, quod in Episcopos eorum successores non descendit, uti cum Petro de Marca alii docti Gallicani etiam adversarii appellarunt: Petri autem fuit *ordinarium*, quod una cum primatu transivit in Romanos Pontifices ejusdem primatus & juris heredes.

9. Sicuti porro nullus Apostolorum, qui inter se potestate erant æquales, jure divino aliis Apostolis præerat nisi solus Petrus, qui ratione primatus ex institutione Christi non tam universæ Ecclesiæ, quam ipsis etiam Apostolis Ecclesiæ Principibus peculiari jure præstabat; ita nulli quoque Episcoporum, qui in Apostolorum locum successerunt, jure divino competit jurisdictio in alios Episcopos nisi Romano Pontifici, in quem idem S. Petri primatus divinæ institutionis descendit. Hac quidem de causa nulli



Patriarchæ, Metropolitæ nuli (6.) jure divino instituti sunt, quibus jurisdictio in suæ regionis aut provinciæ Episcopos eodem divino jure competat; sed omnes Ecclesiasticæ aut Apostolicæ institutioni sicut originem, ita & auctoritatem referunt. Cum enim S. Petrus, ejusque successores Romani Pontifices nec ubique præsto esse, nec omnibus Episcopis per orbem dispersis, quotiescumque opus esset, possent pro suo jure æque & immediate prospicere; Ecclesiastica vel Apostolica institutione provisum fuit, ut in singulis provinciis singuli, & alii rursus in amplioribus regionibus majorem, quam simplex Episcopatus fert, in ipsos provinciæ aut amplioris regionis Episcopos haberet auctoritatem, quæ soli Petro ejusque successoribus jure divino competeat; & hac ratione, quam verissimam arbitror, jurisdictio Petri & successorum ipsius peculiaris ex institutione divina jure primatus, Ecclesiastica quodammodo delegatione aliis, qui subinde appellati sunt Patriarchæ, Exarchæ, vel Metropolitæ, communicata fuit. Huic profecto Ecclesiasticæ institutioni, & quasi delegationi bono publico maxime necessariæ S. Petrum ac successores ejus aliqua ratione consensisse dubitare non licet: nemo enim alius per se ea jurisditione expers, illam potuisset cuiquam communicare, eo inscio vel invito, qui eandem solus non humano, sed divino jure obtinebat, ut notavi in Observationibus ad dissertationem V. Quesnelli tom. 2, editionis S. Leonis col. 979. Quodsi Apostoli pro extraordinario Apostolatus jure in universam Ecclesiam, quod in successores ipsorum non transivit, cum supra Episcopos jurisditionem haberent, poterant hanc aliquibus communicare; eamque reipsa quibusdam majorum sedium Episcopis communicasse præsumantur; quandoquidem hac in hypothesi communicassent jurisditionem, quæ jure ordinario ac divino uni Petro & successoribus ipsius competeat, non sine aliquo saltem tacito istorum consensu eam communicasse dicendi essent; vel saltem sine ipsorum Petri successorum præju-

---

(6) Vide S. Petri Damiani Archidiaconum tom. 4. *Re-*  
*Epistolam ad Hildebrandum rum Italic. col. 27, 2.*

præjudicio, ne jurisdictio, quæ ordinario ac divino jure ad ipsos pertinet, detrimentum caperet.

10 Memorati porro gradus hierarchici inter Episcopos cum peculiari ipsorum jurisdictione constituti fuerunt in idem unitatis bonum, cui tuendo primatus S. Petro ejusque successoribus divino jure tributus fuit: ita ut hi omnes gradus in promovendam & custodiendam communionis & fidei unitatem cum S. Petri sede unitatis catholicæ centro debeant conspirare. Ipsi sunt centrum unitatis earum provinciarum vel ampliorum dioeceseon, quibus præfunt: at centrum unitatis omnium est sedes Petri, cui ut omnes, qui ipsis subsunt, adhæreant, debent contendere, maximeque cavere ne quis ab ea unitate desciscat. Hæc est explorata S. Leonis Magni doctrina, quam coherentem cum aliorum Patrum traditione alibi fufius exposita idem Sanctus Pontifex in litteris ad Anastasium Thessalonicensem Ep. 14. al. perspicue declaravit his verbis: *Hæc connexio totius quidem corporis unanimi-  
tatem requirit; sed præcipue exigit concordiam Sacerdotum, quibus cum dignitas sit communis, non est tamen ordo generalis: quoniam & inter beatissimos Apostolos in similitudine honoris fuit quædam discretio potestatis; & cum omnium par esset electio, uni tamen datum est, ut ceteris præmineret. De qua forma quoque Episcoporum est orta distinctio, & magna ordinatione provisum est ne omnes sibi omnia vindicarent, sed essent in singulis provinciis singuli, quorum inter fratres haberetur prima sententia; & rursus quidam in majoribus urbibus constituti, sollicitudinem suscipere ampliore, PER QUOS (nota scopum unitatis) AD UNAM PETRI SEDEM universalis Ecclesiæ cura conflueret, & NIHIL USQUAM A SUO CAPITE DISSIDERET.* Id intelligendum esse, ne quis præcipue dissideret a fide capitis vi ac ratione primatus, qui unitatem fidei potissimum respicit, colligere licet ex ejusdem epistola 10. ad Episcopos provinciæ Viennensis c. 1. ubi sermonem faciens de fidei prædicatione, *Hujus mysterii sacramentum*, inquit, *ita Dominus ad omnium Apostolorum officium pertinere voluit, ut in beatissimo Petro Apostolorum omnium summo PRINCIPALITER collocarit, & ab ipso quasi quodam capite dona sua velit in corpus omne manare, ut exortem se mysterii intelligeret es-*

#### 14. DE POTESTATE ECCLESIASTICA

*se divini, qui ausus fuerit a Petri soliditate recedere. Ad-*  
verbium principaliter subiectum vocibus *Apostolorum omni-*  
um summo ad primatum refertur; verba autem *a Petri*  
*soliditate* solidam fidem a Petro prædicatam, & in Roma-  
na sede depositam, quam idem Petrus ex Christi institu-  
tione fundamentum totius Ecclesiæ posuit, & semper in  
suis successoribus loquutus est, atque loquetur, eam, in-  
quam, fidem innuunt, a qua nemo ob necessariam fidei uni-  
tatem absque salutis periculo recedere potest.

Omnes hie-  
rarchici gra-  
dus subordi-  
nati Roma-  
nis Pontifici-  
bus in bo-  
num unita-  
tis.

11 Ex his omnibus patet Episcoporum & summi Pon-  
tificis jurisdictionem esse quidem juris divini, sed ita ut  
jus in Episcopos ipsos, soli Romano Pontifici competens in-  
stitutione divina, aliis majorum sedium Episcopis in suæ  
provinciæ aut amplioris regionis Antistites Ecclesiastica tan-  
tum institutione communicatum sit ea lege, ut cum eodem  
summo Pontifice omnes unitatem communionis & fidei,  
quam primatus ratio ab omnibus exigit, custodiant atque  
conservent, nihilque ex hac Ecclesiastica institutione (sic-  
ut neque ex jurisdictione divini juris ipsis Episcopis com-  
petenti) præjudicii inferatur utrique unitati cum Romano  
Pontifice exprimatu debitæ, & nulla jurisdictio majorum se-  
dium possit huic Pontificiæ auctoritati & unitati reluctari  
quocumque nomine, aut eam impedire. Hinc quorumcum-  
que Episcoporum jus jurisdictioni Pontificiæ in unitatis bo-  
num subordinatum ita subest, ut nihil illi possint nisi in  
unitate cum Apostolica sede, numquam vero contra eam  
unitatem. Bono enim unitatis, ut notavit Optatus, *B. Pe-*  
*trus & præferri omnibus Apostolis meruit; & claves re-*  
*gni cælorum communicandas ceteris* (7) *SOLUS* accepit:  
potestas autem ligandi & solvendi, quæ e clavium potesta-  
te pendens Ecclesiasticam jurisdictionem significat, etsi ce-

I. 7. in Parm.  
c. 3.

teris

(7) Id factum ob conserva-  
tionem unitatis. assermat S.  
Thomas lib. 4. adversus Gen-  
tes c. 6. Petro. SOLI promisit  
(Christus): Tibi dabo cla-  
ves regni cælorum, ut osten-  
deretur potestas clavium per eum

ad alios derivanda ad conserva-  
dam Ecclesiæ unitatem. Idem  
indicavit etiam S. Anselmus  
in cap. 16. Matth. Eam pote-  
statem (clavium) quasi uni  
Petro concessit specialiter; ut ad  
unitatem nos invitaret.

teris quoque Apostolis ab ipso Christo tradita fuit; non tamen ita coilibet singillatim fuit tradita, ut S. Petro \*, sed in commune & collective cum Petro, qui utique cum aliis erat, cum Christus dixit: *quæcumque ligaveris super terram* &c. (8) ut omnes intelligerent Episcopos Apostolorum successores nihil posse nisi in unitate cum Petro & successoribus Petri, qui *solus* claves aliis communicandas acceperat, quemadmodum animadverterunt inter adversarios Petrus de Marca, Bossuetus, atque Nicolius. Primus in dissert. *De discrimine cleric. & laic.* c. 3. n. 2. considerans Ecclesiasticam jurisdictionem Petro promissam illis verbis, *Tibi dabo claves regni cælorum, & quodcumque ligaveris* &c. quæ ceteris quoque Apostolis eorumque successoribus communicata fuit, idcirco ea verba ad unum Petrum directa affirmat, ut scirent omnes Pontificii potestatem semper cum Petro Ecclesiæ capitis communione & unitate continendam, ad quod ipse præcipue cum potestate ligandi contumaces huic unitati cogere posset. Clarius autem Bossuetus in celebri sermone de Unitate Ecclesiæ ad Comititia Cleri Gallicani an. 1681. *Discimus ex doctrina S. Episcopi Ecclesiæ Gallicanæ* (allegat in margine S. Cæsarium Arelatensem in epistola ad Symmachum t. 1. Conciliorum Galliæ auctoritatem Ecclesiasticam, primum constitutam in unius persona, non fuisse propagatam nisi sub conditione, ut revocetur semper ad principium suæ unitatis & quicumque eam exercendam susceperint, omnes debeant se præstare inseparabiliter unitos cum eadem cathedra, id est cum Romana, de qua multa statim subjicit. Nicolius tandem in articulum 9. Symboli Apostolorum part. 1. c. 2. brevius & expressius idipsum declarat. Interroganti enim, *Nome Apostoli ceteri eandem Petri potestatem acceperunt?* respondet: *Verum est ipsos eam accepisse, sed ut eandem*

\* *Quodcumque ligaveris*  
Matth. 16.  
Matth. 18.

exerc-

(8) Alvarus Pelagius, quem adversarii quoque maximi faciunt, lib. 1. de Planctu Ecclesiæ c. 55. id paucis explicat: *Petro ergo dictum est sine aliis, & non aliis sine Petro, ut in-*

*teligatur sic ei attributa potestas ejusmodi, ut alii sine ipso non possint, ipse tunc aliis possit ex privilegio sibi collato, & concessa sibi plenitudine potestatis.*

*exerceant in unitate cum S. Petro.* Num si qui potestate clavium uterentur contra voluntatem Petri aut successorum ejus eadem prerogativa fungentium, eam exercerent in unitate ipsius Petri, an contra unitatem? Recolatur illud principium, centrum & radicem unitatis catholicae ratione primatus situm esse in Petro & successoribus ejus, ut unitas servetur ab omnibus, & schismatum ac dissensionum occasio eorumdem auctoritate auferatur. Nonne si quidam Episcopi contra istos aliquid molirentur & auderent, aperta scissurarum causa contra bonum unitatis prodiret? Quis in hoc conflictu praevalere dicendus esset? nonne ille, cui vindicandae unitatis cura jure primatus fuit a Christo commissa cum potestate ad ipsum finem obtinendum idonea? ut ex adversariorum consensu probavi lib. *De vi & ratione primatus* c. 9. Irritum ergo & inane esse deberet, quidquid alii Episcopi contra hanc unitatem tentarent; illaque tantum rata, quibus jus suum exercent in unitate cum Petro & successoribus Petri.

### §. V.

*Episcoporum jurisdictio, licet sit institutionis divinae, subest tamen juri Romanorum Pontificum, ita ut Episcopales illorum facultates in bonam Ecclesiae possint ab istis limitari & restringi quoad usum & exercitium.*

Suprema potestas Pontificis & plenitudo potestatis.

12. Ex hac porro divini juris potestate summorum Pontificum supra ipsos Episcopos in bonum unitatis Ecclesiae catholicae dimanat illa suprema potestas, & plenitudo potestatis Ecclesiasticae iisdem Pontificibus tributa a SS. Patribus atque Conciliis, ob quam Episcoporum jurisdictio tametsi institutionis divinae (9), ita subest jurisdictioni summorum

---

(9) Haec summorum Pontificum potestas eam subordinatam ipsorum Episcoporum requirit, qua inferiores jure

morum Pontificum, ut ab his iustas ob causas in Ecclesiæ bonum tendentes moderari & restringi queat. Episcoporum quidem potestatem a Christo in Apostolis institutam, non omnino illimitatam, sed ob subjectionem & subordinationem sedi S. Petri, in qua est potestatis Ecclesiasticæ plenitudo, posse ab hac aliquot limitibus circumscribi, notavit Clerus Gallicanus in Comitibus extraordinariis diei 8. Maii an. 1728. Loquens enim de Episcopali potestate a Christo instituta ait: *At, Jesus Christus ipse sua institutione limites præcipit huic potestati, quam subiecit sedi Petri, in qua posuit plenitudinem Apostolicæ potestatis.*  
*Ballerinus de Poteslat. Eccl. C Periphi-*

divino ac naturali superioribus subjiçuntur. Cum enim Deus sit Deus ordinis, ordinem inter Potestates omnino servandum constituit. Ordo autem naturalis omnino exigit, ut inferiores sint superioribus subordinati atque subiecti juxta illud Petri ep. 1. c. 2. v. 13. *Subditi igitur estote omni humane creature propter Deum, sive Regi quasi præcedenti, sive Ducibus &c. nec non ex illis Pauli ad Romanos c. 13. v. 1. Omnis anima Potestatibus SUBJUNIORIBUS subdita sit; non est enim Potestas nisi a Deo: quæ autem sunt, a Deo ORDINATÆ sunt.* En ordinem inter Potestates a Deo ita dispositum, ut inferiores quantumvis potestate aliqua præditi, subjunioribus sint subordinati atque subiecti. Vide, quæ atruli supra not. 5 ubi ipsum S. Paulum Petro Apostolorum principi aliqua ratione subordinatum ostendi; & confer quæ adduntur in *Judiciis* c. 2. n. 3. & seqq. Hinc

inane prorsus agnoscitur illud nonnullorum argumentum pro asserenda æqualitate juris Apostolorum & Episcoporum cum S. Petro & successoribus Petri ductum ex illis Christi verbis ad Apostolos Jo. c. 20. v. 21. *Sicut misit me Pater, & ego mitto vos: quasi Apostoli eorumque successores Episcopi.* Ita sine ulla restrictione potestatis, sine subordinatione ulla mittendi fuerint, uti sine ulla restrictione Pater Christum, & Christus Apostolos misit. Hac autem ratione primatus jurisdictio Petri supra Apostolos, & Romanorum Antistitem peculiaris supra Episcopos omnes, & quævis istorum subordinatio jure divino insistent, ac privati jurisdictionis annexa, esset excludenda: quod neque adversarii catholici admittent, qui in æqualitate potestatis ac juris inter ipsos Pontificum primatum (ntique jurisdictionis) excipiant, uti ex catholico dogmate excipiendus est.

Perpicue Gerson in tractatu *De statibus Ecclesiasticis* sermonem faciens de statu Prælatorum, postquam docuit Episcoporum institutionem esse juris divini, tradit eorum Statum subesse summis Pontificibus, non ita tamen quod illum possit Papa annullare, sed ita ut quoad usum & exercitium possit potestatem illorum limitare & arcere. Et consideratione tertia: Status prælationis Episcopalis habuit in Apostolis & successoribus usum vel exercitium suæ potestatis sub Petro & successoribus ejus, tamquam sub habente vel habentibus plenitudinem fontalem Episcopalis auctoritatis. Unde & quoad talia minores Prælati subsunt Episcopis, a quibus usus suæ potestatis quandoque limitatur vel arcetur: & sic à Papa posse fieri circa Prælatos majoris ex certis & rationabilibus causis non est ambigendum. Similia habentur in ejusdem Gersonis dialogo *De potestate ligandi & solvendi* tom. 2. part. 3. pag. 399. Cujus potestatis (loquitur de potestate jurisdictionis) plenitudo residet penes summum Pontificem, & est in ipso tota potestative; ceteris vero per partes derivatur juxta determinationem legitimam istius fontalis & primæ potestatis, id est ejusdem Pontificis; insertque hunc idcirco posse prohibere Prælati absolvere a quibusdam casibus, quod est restringere solvendi facultatem. Hunc adversariorum ducem alii Gallicani adversarii sequuti paria tradidere.

13 Id quidem omnes catholici exemplis evidentibus maximeque probatis fateri coguntur. Ita ex. gr. potestas ligandi & solvendi, quam in Episcopis Apostolorum successoribus esse institutionis divinæ nemo potest negare, per reservationes quorundam graviorum criminum potuit a Pontificibus restringi; & ita pariter intra diocesem Episcoporum fines quædam loca & personæ a jurisdictione Episcoporum potuere subduci; quorum utrumque etsi parce faciendum visum est, alterum vero ob irreperentes nonnullorum abusus exemptionis nomine inductos quorundam Sanctorum querelas incurrit; pro suprema tamen Romanorum Antistitum potestate ac potestatis plenitudine ratum per se se præsumpsit Tridentina Synodus, ubi de casibus reservatis, & de Regularium exemptionibus statuit. Hæc nimirum Synodus sess. 14. c. 7. casuum Apostolicæ sedi reservandorum facultatem refert non in consensum Episcoporum

\* Vid. S. Bernar.  
nav. l. 3. de  
Confid. c. 4.



porum, sed in supremam Romanorum Antistitum potestatem his perspicuis verbis: *Merito Pontifices Maximi PRO SUPREMA POTESTATE sibi in Ecclesia universa tradita causas aliquas criminum graviores suo potuerunt peculiari iudicio reservare.* Qua in re illud præsertim animadvertendum est, quod si quæ potestas Episcopis jure divino tradita videri poterat intacta relinquenda, ea procul dubio est potestas absolvendi a quibuscumque peccatis, quam sine restrictione ulla ab ipso Christo Apostolis & Episcopis Apostolorum successoribus collatam liquet. Si ergo hæc tanta ac tam illimitata potestas ita (divino utique jure) subest auctoritati Pontificiæ, ut *pro suprema* Romanorum Antistitum potestate restringi per reservationes merito potuerit; quidni aliæ eorumdem Episcoporum facultates, cum expedire visum fuerit, eadem suprema potestate moderari seu restringi similiter poterunt? Dum porro eadem Tridentina Synodus exemptionum abusibus prospectura; locorum Episcopis non omnes, sed quasdam tantum facultates concedens in loca & personas exemptas, eas fere non ordinariæ ipsorum jurisdictioni concessit, sed tanquam sedis Apostolicæ delegatis; nonne exemptiones ejusmodi ratas præsumpsit? Certe quoad exemptionum privilegium si nemo jure succensere potest duabus antiquis Synodis, Carthagenensi anni 525. & anteriori Arelateni in ipsius Carthagenensis actis laudatæ, quarum altera sibi competere non dubitavit facultatem eximendi in quibusdam capitibus a jure diocesani Episcopi monasterium Lerinense, prima vero quoddam monasterium provinciæ Byzacenæ primati Africæ addictum confirmavit; quis in dubium revocet similem potestatem Romanis præsulibus, quibus suprema plenissima potestas in universam Ecclesiam jure divino concedenda est?

14 Neque vero quoad istorum auctoritatem in moderandis vel restringendis Episcoporum facultatibus vetustiora desunt exempla. Nihil apud adversarios frequentius ingeritur, quam Episcopos jure divino esse judices in controversiis fidei. At nonne S. Petrus Chrysologus suam sententiam rogatus ab Eutyche in materia ad fidem pertinente, se excusavit rescribens: *Nos enim pro studio pacis & fidei extra consensum Romanæ civitatis Episcopi causas*

T. 5. Concil.  
Ven. edit. Co-  
leti col. 772.  
& seqq.

Ep. 25 in  
ter Leoninas  
nov. edit.

dei audire ( seu ex Græco *dijudicare* ) non possumus. Hæc manifesta restrictio est juris Episcopalis, cujus similem Ægyptii allegarunt in concilio Calcedonenſi act. 4. ut nihil absque ipſo ( Antistite Alexandrino ) ageretur ab aliquo subjacente Episcopo. Vide noſtram adnotationem in recitatum Chryſologi locum. Divino quoque jure pertinere ad Episcopos conferre ſacros ordines iis, qui regimini ſuarum Eccleſiarum utiles, & multo magis ſi neceſſarii ſunt, quis ignorat? Africanæ autem eccleſiæ ſub ſinem quarti & initio quinti ſæculi magna ſacrorum miniſtrorum laborabant penuria, adeo ut multæ earum plebes eſſent deſertæ, nec unus ſaltem diaconus alicubi reperiretur. Provideri huic neceſſitati poterat partim recipiendo in ſuis gradibus eos, qui e Donatiſtis ad catholicam unitatem revertebantur, partim vero promovendo ad ordines ſaltem illos, qui apud Donatiſtas baptizati in infantia, rationis uſu præditi ad catholicam redierant. Duo autem interdicta Romanorum Antistitum in transmarino concilio edita obſtabant, unum quod memoratur in ſynodo Carthagenenſi anni 401. Id. Can. 68. Co-Septembris, ut ordinati in parte Donati, ſi ad catholicam dicis Afric. correſſi tranſire voluerint, non ſuſcipiantur in ſuis honoribus; alterum indicatum in alia ſynodo Carthagenenſi anni ejusdem XVI. Kal. Julias, ne infantes Donatiſtarum ad eccleſiam redeuntium ad ordines promoverentur. Vide Codicem canonum eccleſiæ Africanæ can. 57. ejusque proœmium; ubi traditur decreta legatio ad papam Anaſtaſium, & Venerium Mediolanenſem, uti neceſſitate expoſita ad ordinationem infantium diſpenſatio peteretur, quia ab hiſ ſedibus hoc fuerat prohibitum. Hæc duo interdicta restrictionem poteſtatis Episcopalis evidentiffimam præferunt; quæ cur Africani non uni Romanæ, ſed Mediolanenſi etiam ſedi tribuant, explicandum eſt, ut appareat Romanæ auctoritatis in ipſis Episcopaliū facultatum restrictionibus præcipuam habitam fuiſſe rationem. Concilium transmarinum, in quo a memoratis ſedibus ea interdicta manaverant, non aliud fuiſſe quam Capuanum anni 391. probabiliſſimum eſt. Hæc ſynodus coacta potiſſimum ob extinguendum celebre ſchiſma Antiochenum. Ut expetita ab omnibus, & maxime neceſſaria reſtitueretur Antiochenæ Eccleſiæ unitas non ſolus S. Ambroſius, qui a Theodoſio Magno plurimi habebatur,

Vid. Tidem.  
in Ambroſ.  
t. 68.

batur, sed & summus Pontifex apud eum Imperatorem egerunt. Captum tandem consilium de convocando Capuæ concilio. Cum mos olim non esset ut Episcopi Romani extra Urbem ad Concilia accederent, S. Ambrosio præcipuam curam fuisse commissam, eundemque forsitan ipsius Romani Episcopi vices quasdam gessisse satis credibile est. Etsi vero idem Ambrosius omnium quidem actorum moderator & quodammodo auctor habeatur; summi tamen Pontificis auctoritatem in iisdem gestis potissimum valuisse, ipsumque S. Ambrosium eidem auctoritati summam vim detulisse patet ex ejusdem epist. 9. ad Theophilum. Capuanæ enim Synodi Patres in causa indicati schismatis, quæ ab ipsis terminari non potuit, totius negotii cognitionem & examen Theophilo aliisque Ægypti Episcopis ita demandarunt, ut de gestis hujus examinis referrent *ad S. Fratrem nostrum Romanæ sacerdotem Ecclesiæ* (sunt ipsius Ambrosii verba), *ut cum id gestum esse compererimus, quod ECCLESIA ROMANA haud dubie comprobaverit, læti fructum ejusmodi examinis adipiscamur.* Cur non ad Mediolanensem, sed ad Romanam solam sedem relatio decreta; nisi quia hujus auctoritas ab Ambrosio, aliisque Capuanis Patribus maximi habita, ac si ad ipsam referre de examine, quod ab iisdem fuerat commissum Egyptiis, sit referre ad eam, cujus solius auctoritas in Capuano Occidentali concilio ita præstabat, ut cum sola ob universalem primatum in Patriarchales etiam Orientis ecclesias verum jus haberet, ejus solius comprobatio ad Antiochenum dissidium extinguendum crederetur sufficere? Hujus quidem sedis auctoritas id obtinebat, ut decreta etiam in frequenti Romana Synodo constituta solius fere Pontificis nomine inscriberentur, quod unus pro omnibus ad vim decretis gignendam valeret. Hinc quoque cum Orientales Apollinaris atque Timothei depositionem petierunt ab Occidentalibus, quos S. Basilius generatim memorat, eam a Damaso Pontifice bis petiisse (*a me denuo postulatis*) affirmat idem Pontifex epist. 14. apud Constantium num. 3. idque *ut debitam Apostolicæ sedi reverentiam præstarent*, ex ejusdem epistolæ num. 1 quæ verba potiore hujus auctoritatem significant.

15. Expressius vero Africani hanc potiore Romanæ

c. 68. Cod.  
Afric.

De prescript.  
c. 56.

T. 3. c. 4. li.  
S. Leonis.

sedis auctoritatem declararunt, cum ob memorata transmarinae synodi interdicta decrevere, ut *litterae mittantur ad fratres & Coepiscopos nostros, & MAXIME* (nota hoc adverbium) *ad sedem Apostolicam*; ad eam scilicet sedem, unde nobis auctoritas praesto est, ut jamdiu ante Tertullianus Afer scripserat. Ceteri enim licet magnarum urbium Occidentis Episcopi, nullum per se jurisdictionis titulum in Africam obtinebant, nisi quatenus uniti Romano Antistiti in aliqua synodo unam cum eo sententiam ferebant. In ea autem, quam exposuimus, animarum necessitate, nonne potuissent Afri providere suis plebibus ex Donatistis conversis, nihil obstantibus interdictis synodi transmarinae, a quibus ipsa necessitas justam dispensationis causam praebat? Ita quidem egissent, qui hanc restringendi facultatem Apostolicae sedi denegassent. Sed Africani hoc jus eidem competere non ignorantes, etsi magnis premerentur angustiis, nihil ausi sunt ipsis interdictis contrarium facere, nisi prius missis legationibus transmarinam Ecclesiam, & *MAXIME* Romanam sedem consularent. Confer quae in hanc rem notavimus in Tractatu *De antiquis canonum collectionibus* part. 2. c. 3. Qui autem vel in maxima clericorum inopia conversos ex Donatistis ordinare noluerunt, ne interdictum in transmarinis partibus factum dissolverent, nisi prius eorum, qui interdictum sanxerant, & *MAXIME* Romanae sedis consensum obtinerent; nonne legitimam profecto interdicendi, seu restringendarum facultatum Episcopaliu[m] potestatem agnoverunt?

## §. VI.

*Hac limitatio ac restrictio, licet versaretur circa facultates Episcoporum, quae in origine sunt juris divini, quomodo referatur, ac referenda sit ad materiam disciplinae, & ad jus Ecclesiasticum.*

16. Supremae Pontificiae potestatis plenitudinem, cui Episcopaliu[m] facultatum modus & exercitium subjicitur, alia

alia animadversione clarius forsitan explicare & confirmare libet. Jurisdictio, prout distinguitur a potestate ordinis, absque subditis, in quos exeratur, sterilis est, omnique usu & exercitio caret. Hinc designatio & attributio subditorum, seu regionis, aut diœcesis, in qua Episcopale jus exerceatur, ad jurisdictionem actualem est necessaria: & qui subditos Episcopo aut diœcesim assignat, is Episcopo jurisdictionis ejus, quæ in origine est institutionis divinæ, usum & exercitium tribuit. Romanorum Pontificum jus in totum orbem, ipsaque totius orbis subsectio ex Christi institutione, ac jure primatus iisdem, ut vidimus, competit. Eadem vero jurisdictio etsi aliis quoque Apostolis in universum mundum a Christo missis extraordinario jure communicata, ut illis in initiis opus erat; soli tamen Petro & successoribus ejus competit jure ordinario ex institutione divina, cui nulla Ecclesiastica institutio derogare quidpiam potest, ut paullo ante observavimus. Porro sicut designatio subditorum hujus vel illius regionis aut provincie, quæ Patriarchis, Exarchis, aut Metropolitibus attributæ fuerunt, non pendet a divino jure, quia Christus ejusmodi partitionem aut designationem non instituit; sed pertinet ad institutionem Ecclesiasticam, quippe quod eam partitionem ac designationem Apostolis, eorumque successoribus Christus reliquit; ita etiam diœceseon Episcopatum institutio, subditorumque designatio, quæ Christum non habuerunt auctorem, ac propterea jurisdictio Episcopalis, quæ in origine est juris divini, quoad designationem attributionemque diœcesis ac subditorum, & quoad actualem ipsius jurisdictionis facultatumque Episcopatum usum in subditos, qui ab earumdem diœceseon attributione dimanant, Ecclesiasticæ institutioni referenda est; & eatenus pertinet ad disciplinam, cujus materies variari, mutari, augeri, vel restringi potest, prout expedire judicetur ab iis qui superiori in eas diœceses auctoritate fruuntur. Cum scilicet Episcopalis potestas in bonum Ecclesiæ instituta fuerit a Christo jure divino; si in idem bonum expediat Episcopatum facultatum usum & exercitium moderari vel restringere, hæc moderatio vel restrictio, quæ publicum Ecclesiæ bonum a Christo præcipue intentum respicit, iis procul dubio attributa dicenda est, quibus eas diœceses & subdi-

Jurisdictio  
uti distincta  
a potestate  
ordinis ear  
limitabilis.

subditos designare, atque huic & illi Episcopo attribueret, eumque Episcopatum facultatum usum & exercitium, quod Ecclesiæ esset utile vel necessarium, præfinire ab ipso Christo relictum fuit, ut ne divinæ institutioni Episcoporum quicquam detractum credatur; cum ejusmodi moderatio seu restrictio non verteretur circa id quod in Episcopis est originis ac institutionis divinæ, sed circa id quod a Christo Apostolorum, & Ecclesiæ præpositorum dispositioni relictum, a jure Ecclesiastico profisciscitur, & ad disciplinam refertur.

17. Si vero hanc potestatem nemo negaret Apostolis, qui in universum orbem missi a Christo extraordinario jure jam explicato §. 4. fruebantur; nemo, inquam, hanc potestatem ipsis negaret, siquidem in Episcopales dioeceses, & facultates Episcopis tributas pro varietate circumstantiarum, & Ecclesiæ bono moderationem, aut restrictionem aliquam inducendam putassent: quis eandem potestatem negare poterit successoribus S. Petri, qui jure eodem, sed ordinario in totum mundum a Petro manante primatus causa potiuntur; eademque de causa (utique institutionis divinæ) in omne jus aliorum Apostolorum extraordinarium, Petri autem ordinarium ita succedunt, ut ei per se nulla potuerit aut poterit Ecclesiastica institutio derogare? Nullus, credo, ex adversariis catholicis in dubium vocabit antiquissima provincialia concilia potuisse Episcopatum facultatum usum præfinire, moderari, vel restringere, prout bono publico expedire videbatur. Jus quidem antiquarum synodorum, quæ fere fuerunt particularium provincialium, vel regionum ampliorum ita illi legitimum habent, ut ad harum normam nostri quoque temporis disciplinam revocandam contendant. Ratio veri & proprii earum juris alia non est, nisi quia eadem concilia, licet particularia, non autem œcumenica fuerint; cum tamen ejusdem provincie vel regionis Antistitibus jurisdictione præstarent, poterant ipsis eum Episcopatum facultatum usum præscribere vel mutare, qui utilior esset, & in ædificationem Ecclesiæ conferret. Hoc jus si tribuitur conciliis particularibus, quæ solo jure Ecclesiastico toti provincie vel regioni, ejusque Episcopis jure divino in origine institutis præsent; quanto magis concedendum successoribus S. Petri, qui omnibus Episcopo-



piscopis, ipsisque particularibus synodis præsunt jure divino? Poterunt ergo & hi, si ex varietate circumstantiarum expediat, in ædificationem Ecclesiæ Episcoporum facultates moderari, vel etiam restringere. Ex his autem omnibus facile est intelligere, quo æquo sensu jurisdictio Episcoporum, quæ quoad institutionem a jure divino provenit, a jure simul Ecclesiastico quoad subditorum ac dioeceseon designationem, & quoad facultatum Episcopaliū moderationem & exercitium debeat, & Petro ac successoribus ejus Romanis Pontificibus aliquatenus subdit: quod si adversarii suum antesignanum Gersonem sequentes non inficientur, licet verbis videantur discrepare, nobiscum reipsa convenient.

18. Noli hoc loco contendere, quonam sensu intelligenda sint illa Patrum & antiquorum Pontificum testimonia, quibus claves per Petrum ipsis Apostolis communicatas & Episcopatum a Petro & per Petrum originem ducere pronuntiantes, Episcopalem jurisdictionem a Petro & Petri successoribus in alios dimanare, videntur innuere. Sententiam enim de suprema & plena istorum potestate supra Episcopos ex minus certa & controversa interpretatione nolim pendere & arguere. Dum Episcoporum jurisdictio seu auctoritas, quæ juris divini negari non potest, Pontificiæ subordinata & subiecta concedatur quoad subditorum designationem, & quoad Episcopaliū facultatum exercitium atque limitationem, ut adversarii ex constitutis concedant oportet; satis mihi nunc est, quocumque modo explicanda sit ejus origo & propagatio.





## CAPUT II.

De jure Romanorum Pontificum & Generalis Concilii. Num alterum alteri præstet in materia fidei.

## §. I.

*Num Romani Pontificis definitio si præcessit ipsum Concilium generale, cogat Patres Concilii, ita ut non possint ab ea dissentire, & quatenus Episcopi sint in Conciliis judices, etiam si eadem definitioni unitatem & consensum debeant præstare.*

I. **N**UNC veniamus ad Concilia generalia, in quibus & summi Pontificis & Episcoporum intervenit & concurrit auctoritas. Ut autem clarius decidatur quæstio, quodnam sit jus Papæ & Episcoporum in ejusmodi synodis, & utrum generalis Synodus auctoritate præstet summo Pontifici, an e contra, distinguendum est. Vel enim agitur de materia fidei, vel de negotio disciplinæ. Si de primo agatur, iterum est distinguendum. Vel enim in materia controversa ad fidem pertinente edita præsumitur ante Concilium Apostolicæ sedis proprie dicta definitio, vel non. Si sermo sit de fidei definitione a summo Pontifice edita ante convocationem aut definitionem generalis Concilii; ex principiis jam constitutis in libro præcedenti *De vi & ratione primatus* decisio manifesta est. Cum enim ea Pontificis definitio per se se ad unitatem cogat omnes fideles & universam Ecclesiam,

De vi definitionum, quas ediderunt Pontifices ante Concilium.

nam, si præsertim (1) infallibilitatis privilegio gaudeat, uti eam gaudere probavi in eodem libro cap. 15. coget etiam ad assensum & unitatem omnes generalis Concilii Patres. Adversarii catholici, quibuscum agimus, si concedant præstituta principia, ut ex ipsorum sententia ea comprobavi eodem in opere potissimum c. 14. cohærenter loquentes non poterunt repugnare, & quæstionem movere in hac thesi, quæ exinde fluit, nisi concessis principiis contradicentes, secum ipsi pugnent.

2. Neque vero his refragatur, sed potius suffragatur quam maxime primæ Hierosolymitanæ synodi exemplum. In ea S. Petrus primus omnium sententiam tulit; alii autem omnes eandem amplexi, unam cum eo definitionem edidere. Idem dicendum de Romanis Pontificibus, qui eadem, qua Petrus, definiendi potestate atque auctoritate fruuntur. Si nimirum in fidei quæstionibus eorum præcedat definitio; cum ea omnes Concilii Patres ita debent concinere, uti Hierosolymitanæ synodi Patres cum Petri sententia conveniunt. Omnes quidem definitiones Pontificiæ in materia fidei inveniuntur semper receptæ a Conciliis vere œcumenicis, nullæ rejectæ. Quodsi quandoque ad novum examen res deducta fuit in Conciliis, id factum non cum libertate dissentendi, sed ut nova discussione dissentientes aut dubitantes ad unitatem debitam revocarentur. Vide præcedentem librum de primatu c. 13. §. 13. & conferre pariter juverit §. 11. num. 59. Excitati sane nunquam non exigui tumultus per eos, qui errori ab Apostolica sede prædamnato favebant; sed semper ratum est habitum, quod a summo Pontifice fuerat definitum; & qui definitioni noluerunt acquiescere, inter hæreticos recensiti. Adde quod pauci semper fuerunt, qui repugnarunt definitioni Pontificiæ, præ illis qui acquieverunt & præstiterunt debi-

D 2

debi-

(1) Bosluetus quidem in dissertatione prævia *Defensioni Declarationis*, quæ præmissa est novæ editioni anni 1745. c. 2. pag. 2. Sententiam illius, qui

sit infallibilis, neque generali Concilio subesse statetur. *Infallibilem*, quæ quidem in re talis est, cuiquam subesse non potest.

debitam obedientiam atque unitatem; neque ex illis paucis a capite & centro unitatis catholicæ dissidentibus, qui non poterant dici aut haberi generale Concilium, jus generalis Concilii supra Papam colligere licet. Quodsi etiam complures contra Apostolicam definitionem conspirarent (quod nonnisi per dolum aut vim posset accidere); nemo his œcumenicæ synodi nomen & jus posset attribuere, sed Pseudo-synodi & Conciliabuli, uti Ariminensi & Pseudo-Ephesinæ synodis evenit, quæ sane nullum habuerunt jus in summum Pontificem, aut in Episcopos eidem adhærentes, qui ex unione cum capite & centro unitatis generalis Concilii titulo ac jure potiri poterant.

*Episcopi  
quatenus sint  
in Conciliis  
judices.*

3. Atqui, inquires, si Patres in Conciliis etiam generalibus sequi debent definitionem fidei, quam antea Romanus Pontifex edidisset; quomodo ibidem erunt veri judices, uti eos esse nemo inficiari potest? Quidni? Num judicis ratio in libertate dissentendi collocanda est, ita ut cum obligatione assentiendi stare non possit? Nonne Episcopi in Calchedonenſi judices fuerunt, tametsi Leonis definitioni in Eutychis errorem antea editæ, & ab Episcopis tum Orientis tum Occidentis subscriptæ, & ita catholicæ Ecclesiæ non solum tacito, sed etiam expreso consensu approbatæ, ex nostrorum quoque adversariorum sententia assentiri opus

\* *Id. lib. de  
vi & rat. pri-  
mat. c. 13. n.  
70.*

esset? Nonne <sup>o</sup> judices iridem egerunt illi totius Orbis Episcopi, qui post Calchedonenſem definitionem utique peremptoriam, Leone Imperatore postulante, novum judicium protulere litteris, quæ in *Codice encyclico* continentur? Nonne judices haud dubie fuerunt Apostoli & seniores in Hierosolymitano Concilio, cum omnes in S. Petri sententiam transierunt, ut notavit S. Hieronymus, etiamsi idem S. Petrus Spiritu Sancto certissime afflatus, controversiam ante omnes definierit ea utique sententia, contra quam licite nemo catholicus poterat reluctari? Nonne (ut alia omittam) in ipso Tridentino Concilio veri judices fuerunt Episcopi quoad ea quoque fidei decreta, quibus damnarunt hæreses a novatoribus repetitas, & pluries etiam antea damnatas, etsi nemo de justa illarum condemnatione posset ambigere? Si adversarii non negent, Episcopos in hisce circumstantiis fuisse veros judices, licet de definitis antea non possent dubitare, vel ab iis dissentire; non ergo judi-

*Epist. 75. in-  
ter Augustin.  
n. 7.*

judicii proprie dicti in materia fidei essentialē est, ita posse Episcopos in utramlibet partem sententiam ferre, ut si id quandoque non possint licite, veri iudices nec sint, nec haberi queant. Non insiciendum Episcopos posse, immo etiam debere dissentire a definitione, si eam doctrinæ fidei contrariam cognoscerent. At cum hæc hypothesis in memoratis circumstantiis sit omnino falsa (certum quippe est & S. Petrum Spiritu Sancto afflatum, & definitiones in generalibus Conciliis editas, seu comprobatas, vel Episcoporum subscriptionibus atque consensu receptas errori obnoxias esse non posse): falsum pariter est Episcopos in dictis circumstantiis, in quibus iudices agebant, potuisse ab iisdem definitionibus dissentire, perinde ac si iudicii ratio dissentiendi potestatem semper requirat.

4. Idem est de fidei definitionibus Romanorum Pontificum, quos ex Christi pollicitatione Petro facta ita a Deo *dirigi, ut ipsorum iudicia pro scienda regula fidei DIVINA, æque ac SUMMA auctoritate nitantur, cui Christiani OMNES ipsius quoque mentis obsequium præstare tenentur*, testati sunt tres ac triginta Episcopi Galliæ in litteris ad Innocentium X. an. 1653. Gallicani, qui ita credebant, dum in recipienda definitione Apostolica iudices egerunt, ut adversarii cum Bossueto contendunt; iudicii utique rationem cum potestate ambigendi vel dissentiendi connexam non judicarunt. Nunquid enim liberum ac licitum credere poterant dissentire vel dubitare de iudicio divina æque ac summa auctoritate, nec non Christi pollicitatione nixo? Egerint quidem illi in recipienda definitione, de qua tunc agebatur, tamquam veri iudices, non tamen independentes, sed subordinati, ea scilicet hierarchica subordinatione, cujus iidem Gallicani Antistites meminerunt \* in aliis litteris ad Episcopos regni in eodem negotio scriptis. Hæc autem subordinatio, dum juris æqualitatem inter inferiorem & superiorem excludit, cum generatim efficit, ut inferior, qui superiori iudici est subordinatus, nequeat contra istius iudicium legitimam ferre sententiam: tum multo magis efficit, ne id possint Episcopi subordinati summo Pontifici, cui cum Christus in finem custodiendæ unitatis præsertim in fide idoneam auctoritatem dedit, ut in dissensionibus circa fidem definitionem ederent,

Vide lib. de  
primat. pag.  
254. not. 1.

\* Ibid. pag.  
255.

quæ omnes obligaret ad unitatem atque assensum; Episcopis profecto etiam iudicum personam post Pontificiam definitionem gerentibus; eam solam potestatem dedisse credendus est, ut in eundem unitatis finem cum Pontificis iudicio conjungerentur, non vero ut contrariam ferentes sententiam, unitati obicem ponerent, & unitatis centrum in Romana auctoritate a se constitutum defererent. Hoc sensu memorati Episcopi Galliæ in laudatis litteris ad Episcopos regni scripserunt, se ita recepisse Apostolicum iudicium, cui per *UNITATEM* Christiani Episcopatus hierarchica *SUBORDINATIONE* colligati erunt (nota hierarchica subordinationis debitum in bonum unitatis) ut merito crediderint propositionum condemnationem *UNA CUM EO* (Romano Pontifice) a se quoque esse prolatam & pronuntiatam, eo nimirum mentis obsequio, quod etsi ab ipsis Episcopis, etiam cum iudices agunt, divinæ æque ac summæ auctoritati Christi quæ pollicitationi nixæ, hierarchica subordinatione præstandum est; non tamen idcirco iudicii rationem exiit vel excludit. Et jure quidem.

5. Iudicium enim proprie dictum tunc fertur, cum quis ex causæ cognitione sententiam pronuntiat: fertur autem sententia ex causæ cognitione etiam post auditum summi Pontificis iudicium, cum habito sufficienti materiei controversæ & momentorum examine illud iudicium cum veritate convenire dignoscitur & iudicatur; tametsi alio nomine, ex gr. ob prærogativam primatus atque ob debitam fidei unitatem ad assensum cogat. Quod si expendamus accuratius quænam causæ cognitio sufficere possit ad ferendum iudicium seu definitionem fidei; inveniemus satis esse cognoscere, num sententia aliqua conveniat nec ne cum traditione Ecclesiæ catholicæ. Cum vero traditionem omnium ecclesiarum inquirere nimis longum & fere impossibile sit; S. Irenæus in celebri textu quem fuscè explicavi in præmissis libro c. 13. §. 1., & quem ipsi Galliani adversarii laudant, satis esse duxit ad veritatem catholicam discernendam & ad hæresim dijudicandam cognoscere Romanam traditionem. Hanc autem cum exhibeant definitiones Romanorum Pontificum, \* in quibus S. Petrus loquitur, & explicatur Romanæ Ecclesiæ fides; iudicium

\* vid. lib. de  
primat c. 13  
n. 72.

cium fidei satis idoneum feretur ab his qui sententiam, de qua sit controversia, catholicam, si cum definitione Pontificia concordem; secus vero a catholico sensu judicent alienam, si discordem inveniant. Hoc quidem iudicii genere usi Gallicani Episcopi in Eutychis causa scribentes ad S. Leonem Pontificem, nonne ex concordia cum definitione ejusdem Pontificis suarum Ecclesiarum doctrinam judicarunt veram atque catholicam; Eutychianam vero ex discordia jure damnatam suo quoque calculo comprobarunt? Hæc ab iis potissimum animadvertenda sunt, qui credunt non agere tamquam judices eos Episcopos, qui Apostolicis definitionibus acquiescentes, aliud examen ad ferendum sententiam necessarium non arbitratur. *Quæ ratio si quid valeret* (inquiunt Gallicani in Comitibus Parisiensibus anni 1728. diei 8. Maii); nullum esset amplius generale Concilium, cujus decreta similiter impugnari non possent; cum a Pontifice antea fuissent proposita: semper enim dicerentur plerique Episcopi ipsis subscribentes non aliud fecisse, nisi submittere se auctoritati, quam infallibilem judicant.

6. Præclare admodum D. Fenelonus Archiepiscopus Cameracensis in epistola, seu instructione pastoralis diei 20. Aprilis anni 1715. explicat qua ratione assensus Episcoporum Pontificiis definitionibus adhibitus & adhibendus iudicii naturam induat, exemplisque subscriptionum, quæ generalis Concilii decretis pariter subjiciuntur, confirmat. Judicare post iudicium Pontificis est suum iudicium cum Pontificio conjungere. Hac ratione Episcopi olim subscripserunt ipsorum Conciliorum generalium decretis. Eorum submissio erat iudicium, & eorum iudicium erat submissio. Subscribentes se se submittebant simul & confirmabant decisionem synodi. Id constat ex actis, & ex his aliisque similibus subscriptionum formulis. *Judicans subscripsi; recognoscens consensi . . . . . Obtemperans sententiæ sanctissimorum & beatissimorum Episcoporum . . . . . consensiens & ego subscripsi. Cognoscens discussionem Sanctorum Patrum, & cum sequi debeam eorum iudicium, subscripsi &c.* Si in Conciliis judicant Episcopi tunc etiam, cum obedienter subscribunt definitioni, quam sequi debent, quidni eadem iudicii ratio habebitur, cum in iisdem Conciliis Patres definiunt, quod antea definivit summus Pontifex, quamvis

vis sequi debeant ejus judicium? Quodsi quidam inter hos non ex intrinseco causæ & momentorum examine, sed ex auctoritate Pontificia atque ex debito unitatis & obedientiæ consentientes, ferrent sententiam; nonne rationes, quæ ad hujusmodi consensum movent ex primatus sine, & ex Christi institutione atque promissis, nec non ex traditione Patrum, quibus unitatis debitum, & inerrantiam Pontificiam in definitionibus libro præcedenti statuimus, certum & dogmaticum proprie dictum judicium eliciunt? Hoc sane si extra occasionem concilii vel per adversarios sufficere dicendum est ad statuendum tacitum illum Ecclesiæ dispersæ consensum, quem judicio œcumenicæ synodi æquivalere, & æque cogere omnes Christianos fatentur (Episcopi siquidem in tota Ecclesia dispersi non ob alias sere rationes Pontificiis, quæ extra Concilium generale eduntur, definitionibus assentiuntur & parent); haud video quomodo in Concilio œcumenico judicium ejusmodi insufficiens judicari queat.

## §. II.

*Quid dicendum cum generali Concilio nulla præcessit Pontificia definitio.*

7. Si porro agatur de quæstione fidei, quam ante Concilium non definierit Romanus Antistes, quid sentiendum, si qua inter Concilii Patres & summum Pontificem oriretur dissensio? Contingere quidem potest, ut in discutendis ante definitionem momentis, & in veritate inquirenda multi & plures Concilii Patres aliter atque aliter opinando discrepent & inter se, & ab ipso Romano Pontifice. At quoad discutiendo & inquirendo dissentiant, ac definitio nulla ex parte proferatur; erit hæc dissensio opinionis, non definitionis, nec fidei: nec quisquam utrinque alterum coget ad assensum, cum coactio ex definitione edita atque Ecclesiæ proposita oriatur. In ejusmodi dissensionibus, quæ ex difficultatibus hinc inde ingestis, dum veritas quæritur, provenire solent, illud sere accidit, ut definitio



nitio differatur, quoad veritas manifeste elucescat. in definiendo autem numquam factum est, & numquam fiet, ut Concilii generalis Patres aliter circa fidem definiant, aliter Papa: ac proinde in hypothesi, quæ numquam fuit aut erit, immo nec esse potest, non est laborandum. Dixi *numquam fuit* (2) in generali scilicet synodo libera, ut excludantur Pseudo-synodi, in quibus fraus, seu vis, & metus dominetur; ut de Ariminensi & Pseudo Ephesina diximus, quæ generalis Concilii nomen & vim nequeunt obtinere. Addidi *nec esse potest*. Sicut enim fieri nequit ut Petri ac successorum ejus fides vel momento definat esse illa *petra*, cui bono unitatis ex Christi institutione tota Ecclesia catholica, seu totius catholicæ Ecclesiæ fides superstructa, in unitate ejusdem fidei debet consistere; ita fieri nequit, ut eadem Ecclesia & Episcopi catholici, saltem plerique, desciscant ab ea petra, & ab unitate fidei Petri ac successorum ejus dissentiant sive in Concilio, sive extra Concilium, cum institutionem Christi nec Ecclesia, nec Episcopi catholicæ Ecclesiæ infringere & mutare, aut deserere umquam possint. Semper itaque generalis ac liberi Concilii Patres, qui unacum capite legitime adunati universam Ecclesiam repræsentant, si non omnes, saltem plerique in definiendo conspirabunt cum definitione summi Pontificis; & si qui pauci dissentiant, horum judicium extra petram & centrum catholicæ unitatis, immo contrarium unitati fidei, quæ Apostolicæ sedi debetur, nullo jure coactivo gauderet, jurisdictione nulla, quæ solum habet locum & vim in unitate cum Petro, & cum successoribus Petri, ut in eam unitatem conspirent & conferant,

*Vid. de vi  
primat. c. 12.*

*Ballerinius de Potestat. Eccl.*

E

non

(2) Inepta hoc loco, ubi de definitionibus fidei agimus, esset oppositio ex quinta Synodo, quæ si separatim a Vigilio judicium suum protulit, non tamen discordia fuit unquam in substantia fidei, sed in questione de personis tantum; & in ipsa questione

Patrum ejusdem Concilii decreta vim generalis synodi non habuere, nisi postquam Vigilus, qui prius dissentiebat, peremptorio judicio consensum præbuit. Vide librum *De primatu* cap. 15, §. 10. num. 37.

non vero contra unitatem, quemadmodum statui cap. 1. num. 11. Hæc ex præmissis certa.

8. Cum adversarii vim & auctoritatem in summum Pontificem tribuunt definitionibus fidei, quas Episcopi congregati in generali Synodo ante sententiam ipsius Pontificis ederent; idcirco tribuunt quia censent dogmatica ejusmodi decreta tametsi Pontificis suffragio carentia, vere esse & vim habere decretorum concilii œcumenici. At hæc ipsorum hypothesis falsissima est. Concilium enim vere œcumenicum, quod ex tota Ecclesia convocatum, repræsentat universam Ecclesiam, non ex solis Ecclesiæ Episcopis constat, sed ejusdem Ecclesiæ Caput Romanum Antistitem requirit, idque non ob meram ejus materiale præsentiam, sed præcipue ob directionem & auctoritatem, quæ sine assensu & vi coactiva ejusdem intelligi nequit. Vide quæ in hanc rem animadvertentur cap. 4. §. 2. nec non addenda cap. 6. §. 2. & 3. Hac de causa sicut generalis concilii definitionem non constitueret præcedens solus Papæ sententia, nisi Episcoporum quoque suffragia cum ipsius definitione jungerentur; ita nec istorum concors licet decretum dogmaticum ante Pontificis approbationem editum sufficeret ad constituendum proprie dictum œcumenici Concilii judicium, quod ex concordia Episcoporum & capitis judicio coalescit, & vim ejusdem synodi propriam obtinet. Certe si in materia disciplinæ decreta cujuscunque frequentissimæ synodi, quibus desit Pontificia approbatio, vim non habuerunt nec habere poterant generalis concilii, nec coegerunt, nec cogere poterant summum Pontificem, uti capite quarto probabitur latius, idipsum multo magis dicendum de sanctionibus in materia fidei, in qua fides a Concilii Patribus definita, nisi concordiam præferat cum fide successorum S. Petri, nequit dici illa *petra* Ecclesiæ, quæ in Romanæ sedis fide a Christo constituta, est fundamentum illud, cui totam Ecclesiam adhærere & incumbere necesse est, ut in libro *De vi primatus* demonstravi. Negari quidem nequit, quin Episcopis in generali concilio definientibus conveniat illud prolatum in Hierosolymitana synodo, *Act. Apost. c. 15. v. 28. Visum est Spiritui Sancto & nobis*: at id ipsis non convenit, nisi in eo concilio Episcoporum sententiæ ita conspirent cum sententia summi Pontificis, uti Apostoli atque senio-

seniores in Hierosolymitana synodo conspirarunt cum S. Petri sententia. Neque dicat quispiam: Cum Ecclesia catholica sit *columna & fundamentum veritatis*; nonne columna pariter & fundamentum veritatis haberi debent generalia Concilia & Patres, qui in generali Concilio universam Ecclesiam repræsentant? Ea enim prærogativa sicut convenit Ecclesiæ, quatenus fundata & ædificata est super eam *petram, quam*: ut ait Augustinus, *non vincunt superba inferorum portæ*; ita non aliter ipsis œcumenici Concilii Patribus convenire potest. Hinc ad eos, qui etiam in generali synodo non ædificarent super ipsam petram, seu in unitate fidei Petri & Apostolicæ cathedræ, ea prærogativa & Christi promissiones non pertinerent: cum Christus prius de Petri fide dixerit, *Super hanc petram ædificabo Ecclesiam meam*, ac dein promiserit, *Et portæ inferi non prævalebunt adversus eam*, id est adversus eam petram, sive etiam (si velis) adversus eam Ecclesiam, quæ tamen super illam petram fidei ædificanda, ipsi tamquam fundamento & unitatis centro debebat incumbere & adhærere.

Pf. in part.  
Donat.

9. Infallibilitas definitionum & doctrinæ fidei, quam Christus promittit Ecclesiæ docenti, seu Episcopis docentibus Ecclesiam, cum fuerit promissa Apostolis non separat a Petro, sed una cum Petro, cui omnes quoque Apostoli ratione primatus, ut \* probavimus, debebant in unitate fidei adhærere; promissionem quidem hujusmodi ad Episcopos Apostolorum successores extendi certum est, quando una cum Petro, seu cum Petri successoribus in unitate ejusdem fidei definiunt & judicant: non autem omnino certum pariter est, num Episcopi in hujus fidei unitate definiunt, eaque infallibilitatis prærogativa gaudeant, nisi ex consensu vel confirmatione summi Pontificis constet, ea Episcoporum judicia cum Apostolicæ sedis fide convenire. Ferrandus Carthaginensis Ecclesiæ diaconus in altera epistola Pelagio & Anatolio Romanæ Ecclesiæ diaconis tradita c. 9. ad certitudinem & plenam confirmationem statutorum concilii generalis sufficere scripsit, si *perducta in notitiam totius Ecclesiæ . . . . . Apostolicæ fidei CONVENIRE firmentur, Apostolicæ sedis roborata CONSENSU*. Lege etiam capita 6. & 7., ubi iisdem conciliis universa-

\* I. De primat. c. 12. n. 49. & 50. & c. 14. n. 10.

*lege Bossueti  
textus c. 4.  
n. 4.*

libus secundum auctoritatis locum post canonicos libros tribuit ex accedente Romanæ sedis consensu, definitionibus autem fidei ex eodem consensu vindicat *robur invidium*. Adversarii quoque, qui cum Bossueto conciliarium definitio-  
num *robur invidium* eliciunt ex consensu Episcoporum cum Apostolicæ sedis sententia, & in hac unitate plenam firmitatem sitam prædicant, nequeunt profecto tantam vim asserere Episcopis, si cum horum iudicio sedes Apostolica nequaquam consentiat; a qua (3) *fidei certitudinem esse petendam* Joannes Gerson in sermone coram Alexandro V. asfirmare non dubitavit. Consensus quidem vel dissensus capit is non æque æstimandus est, ac dissensus vel consensus cujuslibet alius Episcopi, cujus assensus si desit in generali concilio, ubi alii Patres cum capite concordent, nihil præjudicat firmitati sententiæ; uti præjudicaret, si Romani Pontificis assensus vel deesset, vel vocaretur in dubium.

10. Hac de causa Marcianns Imperator sollicitus de confirmatione definitionis Concilii Calchedonensis, eandem uti necessariam ad tollendam omnem, quam maligni interpretes

(3) Gerson serm. in die Ascens. Domini t. 2. edit. Dupin, pag. 135. de Indis scriptis: *Facile in eis sinceritas corrumpitur, cum Ecclesie Romanæ non cohereant, a qua fidei certitudo petenda est.* Cur verum sit certitudinem fidei ex Romana fide esse petendam, non solum ex eo patet, quia Romana fides ceteris Christi promissis munita indefectibilis est, ut in lib. *De vi primatus* c. 15. probavimus, & in Appendice hoc tomo edenda confirmaturi sumus; verum etiam quia ex antiquorum traditione ac dogmate catholico certum est, veram Christi fidem esse Apostolicam, quæ scilicet ab

Apostolis tradita, & ab Apostolicis Ecclesiis suscepta, ac per successionem Episcoporum conservata, ad nos usque intemerata pervenit. Olim quamdiu certum fuit Ecclesias Apostolicas acceptam ab Apostolis fidem incorruptam servasse; ut discerneretur vera fides Apostolica, receptum erat ad sedes Apostolicas provocare, ut ex Irenæo liquet. Cum autem inter Apostolicas jamdiu omnes defecerint a catholice fide, una Romana sede excepta, quæ sola vitam traditionem custodivit; hinc jure ab hac fidei certitudinem esse petendam Gerson prodidit. Confer *De vi primatus* c. 13. n. 42. & 43.

pretes sparserant, dubitationem, his verbis enixe petiit:

Quod nonnullorum animis, qui Eutychetis etiam nunc pravam opinionem & perversitatem sectantur (4), ambiguitatem multum iniecit, utrum tua Beatitude, quæ in synodo decreta sint, confirmaverit. Et ob eam rem tua pietas litteras mittere dignabitur, per quas omnibus ecclesiis & populis manifestum fiat, in sancta synodo peracta a tua Beatitude rata haberi. E contra vero Nicæna Synodus II. generalis VII. act. 5. Pseudo-synodo Iconomachorum Episcoporum CCCXXXVIII. auctoritatem abrogavit, propterea quod non habuerat adiutorem illius temporis Romanum Papam, vel eos, qui circa ipsum sunt, sacerdotes, nec etiam per vicarios ejus, neque per encyclicam epistolam, quemodum LEX DICTAT conciliorum. Ex conciliorum itaque generalium lege in materia potissimum fidei, ut eorum statuta vim œcumenicæ synodi habeant, aliquam Pontificum Romanorum approbationem necessariam esse septima generali synodo affirmante dubitare non licet.

E 3

11. In-

(4) Omnis quidem ejusmodi ambiguitas de Pontificio assensu definitioni Calchedonenſi cunctis Patrum suffragiis editæ debebat excludi: ex Leonis epist. 28. ad Flavianum, ad cujus normam ipsa definitio exacta fuerat; & multo magis ex epist. 106. ad Anatolum, in qua gesta concilii quoad fidem expresse approbata leguntur. Sed cum in iisdem gestis ad Pontificum missis præter definitionem fidei continerentur canones aliquot discipline, in quibus unus circa prerogativam sedis CP. a Patribus editus, a Leone fuerat reprobatus; occultata Patribus hæc epistola, maligni interpretes Eutychiani erroris fautores sparserunt in vulgum,

ea gesta Pontificiam confirmationem non potuisse obtinere; & ita definitionem fidei, etsi a Leone certo approbatam, in dubium adducere nisi sunt. Huic ambiguitati extirpandæ aliam epistolam 117. ad totius synodi Patres idem Pontifex dirigendam credidit, ne in firma aut dubia haberentur, quæ nulla, inquit, sunt consensus mei sententia ruberata. Hæc dubitatio a perversis licet interpretibus ingeri non potuisset, nisi eo quoque tempore apud catholicos obtinisset sententia, ad vim dogmaticæ definitionis a generalis quoque concilii Patribus editæ necessariam esse Apostolicæ sedis consensum sive confirmationem.

Epist. 110.  
inter Leon.  
al post ep. 88.

l. 7. Defens.


al. 12. c. 13. mare stylo

t. 2. p. 18. 19. nihil aliud esse ait,

20.

11. Ingerat nunc Bossuetus illa, quibus verbum *confirmat* Ecclesiastico ( seu ex Ephesinae synodi actis ) conciliorum decreta confirmat, sed omnibus etiam Ecclesiis aptans, allatis verbis Philippi legati Apostolici, qui sententiam in Nestorium ab omnibus Orientis & Occidentis Episcopis approbatam, firmam, seu plane confirmatam dixit juxta omnium ecclesiarum decretum, subdit: *Hinc elucet, ut se se mutuo ipsa ecclesiarum decreta confirment. Ea enim omnia vim habent confirmandi, quæ ecclesiarum omnium consensum unitatemque declarant, cum ipsa unitate & consensione mutua decretorum Ecclesiasticorum firmitudo constet.* Quidnam hinc contra nos? Decretorum confirmationem fieri declaratione consensus nemo negaverit. Decreta item non solum Apostolicæ sedis, sed Episcoporum quoque ecclesiarumque ceterarum consensu confirmari, ita ut ipsæ definitiones Apostolicæ ab Episcopis sive in concilio præsertim generali adunatis, sive per orbem dispersis subsignatæ, seu receptæ & comprobatæ, ex hac omnium unitate, unanimique consensu maximum robur acquirant, in præcedenti opere *De vi primatus* pluribus affirmavimus. Nulla igitur in hoc vertitur quæstio. Solum videndum ne quis vim coactivam ad unitatem Apostolicæ sedis definitionibus neget, quamdiu non pateat hæc Episcoporum & ecclesiarum consensio; tribuat vero definitionibus Patrum generalis synodi, antequam ejusdem sedis confirmatio seu consensus accesserit. Eam vim coactivam ad unitatem ratione primatus ex institutione Christi competere Pontificiis definitionibus ante omnem consensum Ecclesiæ, in memorato libro probatum est. Vide præcipue cap. 14. §. 8. Num vero definitiones Patrum concilii vi coactiva fruuntur, etiamsi quovis assensu sedis Apostolicæ careant, hætenus dicta, ut arbitror, satis declarant. Hic autem mirum maxime debet accidere, quosdam adversarios, qui ad vim propriam generalis concilii necessariam existimant consensum Episcoporum cujusque saltem notabilis portio- nis, seu regionis Ecclesiæ catholicæ, ita ut ob defectum hujusmodi generalia habita non fuisse putent Concilia VI. & VII. quamdiu defuit Hispanorum & Gallorum consensus :

**ius** : e contra vero necessariam non credere consensionem capitis ejusdem Ecclesiæ, licet caput negari nequeat pars præcipua & maxime necessaria corporis, ac in materia fidei fides Romanæ sedis ex institutione Christi sit *petra* & fundamentum Ecclesiæ, ac *centrum unitatis* fidei, cum quo totius Ecclesiæ fides conveniat & in unum coalescat necesse est.





## CAPUT III.

De jure summorum Pontificum & generalium Conciliorum in materiis disciplinæ.

## §. I.

*De Canonibus disciplinæ editis in generali Concilio, quibus accessit assensus, seu confirmatio summi Pontificis. Hos canones ipse debet observare non jure eorumdem canonum, sed altiori naturali ac divino, quibus iidem Pontifices obstringuntur.*

**S**I loquamur de altera quæstione in materiis disciplinæ, circa quas plerique canones generalium Conciliorum versantur, quæstio, num in his Concilium generale sit supra Papam, huc revocatur, num ejusmodi Conciliorum decreta in materia disciplinæ summos Pontifices obligent per se se, id est num jure generalis synodi istos obstringant, nec ne. Hac autem in re est distinguendum. Vel enim est sermo de canonibus disciplinæ, quos Papa una cum Patribus Concilii sanxit, seu a Patribus jam constitutos sua quoque auctoritate confirmavit; vel de iis qui statuti a solis Concilii Patribus, Papæ assensu & confirmatione carent. Hoc capite agetur tantum de primis. Certum est autem canones in œcumenicis synodis constitutos, quibus ipsius Pontificis assensus vel confirmatio accessit, obligare ipsum Papam. At ejusmodi obligatio non provenit ex humano jure, cui summus quoque Pontifex subdit. Concurrent enim in statuendis ejusmodi canonibus & summus Pontifex & Concilii Patres. Obligatio autem humani juris, quod in subditos & inferiores tantum vim habere potest, summum Pontificem aspicere nequit, neque ex jure ipsius assentientis aut confirmantis

mantis Pontificis, neque ex jure Patrum concilii. Non ex jure ipsius Pontificis; neque enim is in se aut in successores suos sibi æquales habet imperium. Non ex jure Patrum Concilii; hi siquidem per se, etiamsi collective accipiantur, cum subditi & inferiores sint summo Pontifice, uti capite sequenti §. III. demonstraturi sumus; nullam in ipsum superiorem suum jurisdictionem proprie dictam obtinent, aut obtinere queunt. Solum iis canonibus, quibus summi Pontifices assensi sunt, ita obstringuntur, uti suis & prædecessorum legibus obligantur, quas æque ac sacros canones se servaturos olim in solemnibus professionibus etiam jurejurando firmatis pollicebantur. Id autem non juri humano coactivo tribuendum, sed *vi directivæ*, ut ajunt, id est altiuri juri naturali atque divino, quod exigit ut in iis, quæ bono publico constituta sunt, superior præcedat exemplo, nec aliis violandarum legum viam aperiat, quod in magnum scandalum cederet.

2. Bossuetus in sermone ad celebria Comitia Cleri Gallicani habito Parisiis an. 1681. distinguens inter potestatem Apostolicam & Petro traditam, illam, quam *super omnes sine restrictione* S. Petro a Christo collatam confessus est, nullos alios terminos habere affirmavit, nisi quos præscribit *REGULA*. *Elle n' a des bornes que celle, que donne la REGLE*. Hæc autem regula, cui suberat idem S. Petrus, qui *super omnes sine restrictione* præfectus fuerat, nulla lex humana esse poterat, sed naturalis tantum ac divina, quam indicavimus. Hac de causa Gelasius epist. 13. ad Dardanos scripsit: *Uniuscujusque synodi constitutum, quod universalis Ecclesiæ probavit assensus, non aliquam magis exequi sedem præ cæteris oportet, quam primam, quæ & unamquamque synodum sua auctoritate confirmat, & continuata moderatione custodit.* Alia similia aliorum Pontificum leguntur. Nullus est Princeps, qui licet nulli humano coactivo juri subdit, eodem tamen directivo, & naturali ac divino jure suis quoque legibus non obstringatur, ne destruat exemplo, quod in bonum publicum statuit. Quare S. Ambrosius epist. 32. ad Valentinianum, *Quod præscripsisti aliis, inquit, præscripsisti & tibi. Leges enim Imperator fert, quæ PRIMUS ipse custodiat.* Et Theodosius, ac Valentinianus ipse L. 1. Cod. tit. 14. *Ballerinius de Potestiat. Eccl.*

*De leg. & Const. Digna vox est majestate regnantis, legibus obligatum se profiteri: quin tamen idcirco se iisdem aut prædecessoribus suis sibi æqualibus, vel sibiinmetipsi coactivo jure subesse dici possit. Hoc ergo sensu cum Romani Pontifices se obnoxios affirmarunt sacris disciplinæ canonibus, non idcirco conciliorum quandoque etiam non generalium, in quibus dicti canones fuerunt constituti, & ab Apostolica sede recepti, jus in ipsos exinde deduci potest, cum ad eorum observantiam non humano, sed naturali ac divino jure obligentur.*

## §. II.

*Adeo vero hoc altiori naturali divinoque jure ad exequutionem & observantiam canonum disciplinæ, quamdiu vigent, obligantur summi Pontifices, ut licet pro suprema sua potestate possint in ipsis dispensare, vel eosdem etiam aliquando restringere vel mutare; non tamen debeant, nec licite id possint absque legitima causa.*

3. Potestatem dispensandi in materiis disciplinæ constitutæ canonibus conciliorum etiam generalium, quæ antiquissimis exemplis probatur, summis Pontificibus competere adversarii negare non possunt. Hanc quoque a Chalcedonensi œcumenica synodo agnitam & approbatam demonstrat exemplum Maximi Antiocheni, qui tamquam Episcopus in ea fuit receptus ex sola Apostolicæ sedis auctoritate, atque dispensatione a rigore canonum, ex quibus illegitima illius ordinatio ipsum repellebat. Quia tamen eundem S. Leo dispensatione usus tamquam Episcopum receperat, synodus quoque inter Patres recepit. Actionem, quæ hoc factum a-

pertissi-

pertissime probat, in dubium revocare studuit Paschasius Quesnellus, Eam vero cum & ex diversæ originis codicibus, & aliis monumentis vindicariinus luculentissime in Observationibus ad dissertationem IX. Quesneli insertam nostræ editioni Operum S. Leonis tom. 2. adspulcantibus cum ° Tillemontio aliis doctissimis criticis; exinde con-

cludendum est ipsius Quesneli verbis: *Tam præclarissimum antiquissimumque præ manibus habemus testimonium summæ auctoritatis Pontificis Romani tum IN SYNODOS, tum in Orientales Episcopos, majorum, inquam, ac primariorum sedium.* Hoc & alia similia dispensationum exempla sunt.

Quodsi hæ dispensationes non passim, nec temere, nec sine justa causa a Pontificibus concessæ aut concedendæ sunt; id non ex eo pendet, quod canones Conciliorum, in quibus est dispensandum, jus coactivum in ipsos Pontifices habent; sed ne dispensantes sine justa causa, potestate in ædificationem Ecclesiæ a Deo collata utantur, aut potius abutantur in destructionem: quod in divinam ac naturalem legem pugnet. Huc pertinent illa S. Bernardi ad Eugenium Papam: *Non sum tam rudis, ut ignorem, positos lib. 3. de Con-*

*dispensatores, sed in ædificationem, non in destructionem.* Denique quaritur inter dispensatores, ut fidelis quis inveniatur. *Ubi necessitas urget, excusabilis dispensatio est.* *Ubi utilitas provocat, dispensatio laudabilis est, utilitas, dico, communis, non propria. Nam cum nihil horum est, non plane fidelis dispensatio, sed crudelis dissipatio est.*

Qui autem ex causa necessitatis, vel publicæ utilitatis in canonicis disciplinæ a generalibus quoque synodis constitutæ potest propria auctoritate dispensare; superior utique, vel saltem non inferior probatur: neque enim facultas dispensandi in legibus superioris ulli unquam inferiori competit, nisi forte ex interpretativo saltem ipsius superioris consensu, quo nomine Episcopos in ordinariis & frequentioribus casibus potuisse ac posse ne dum in canonicis disciplinæ, sed aliquando etiam in votis dispensare, Theologi docent. Summis autem Pontificibus facultas dispensandi in generalium synodorum canonicis ab iisdem synodis concessa, & quodammodo delegata probari nullo ipsorum Conciliorum testimonio poterit. Immo cum Tridentina synodus sess. 25. c. 21. declaratum voluit, ea, quæ statuit,

\* Nota 14. in  
Leonem.  
Quesnel. dis-  
sert. 9. n. 3.

lib. 3. de Con-  
sid. c. 4. n. 18.

ita decreta fuisse, ut in his (1) salva semper auctoritas sedis Apostolicæ & sit, & esse intelligatur; hæ formulæ, Apostolicæ auctoritatis præservativæ, auctoritatem eidem proprio jure competentem, non autem ab ipsa synodo concessam seu delegatam significant: potestas enim salva dici nequit illa quæ cuiquam tribuitur, sed quæ eidem aliunde competere præsumitur. Hac de causa assentiri non possum iis qui ea verba ita interpretantur, ac si idem concilium verbis ipsis facultatem summis Pontificibus concesserit, quæ alias caruissent. Nisi prius probetur Papam, æque ac Episcopos reliquos, inferiorem ac subditum esse conciliis œcumenicis; suo jure dispensare poterit, neque hac concessione atque consensu indigebit. Tridentina certe synodus, quæ Apostolicæ sedi plurimum detulit, ejusque consensum & approbationem quæsit, de hac facultate concedenda ne cogitavit quidem.

4. Ea porro auctoritate, qua Romanus Pontifex dispensare, ubi expedit, in generalium etiam Conciliorum canonibus ad disciplinam pertinentibus potest, potest etiam, ubi æqua causa adfit, abrogare vel mutare disciplinæ canonum, ut aliquot exemplis etiam vetustis probare liceret; quod ad supremam ejus potestatem declarandam confert. Cautius id & multa cum moderatione agendum, atque ita ut ex abrogatione vel mutatione vitentur scandala, publicumque bonum promoveatur: quæ (2) conditio jure ipso naturali ac divino imposita, summos Pontifices non

(1) Huc referuntur illa etiam sessionis 7. in præmio decretorum de Reform. Salva semper in omnibus sedis Apostolicæ auctoritate.

(2) S. Bernardus epist. 131. quasdam Pontificis facultates extraordinariæ & supremæ potestatis recensens, necessitatis vel utilitatis condiciones adjicit, si utile judicaverit, si necesse visum fuerit, quoties ex-

pedire videbit. Et e contra Gregorius in decretali epistola ad Episcopos per Lucaniam & Brutios ac Siciliam constitutos c. 9. scribens, illa decreta non immutanda, quæ nec ulla necessitas, nec Ecclesiastica prorsus extorquet utilitas, dispensationes, aut mutationes non nisi ex utilitate vel necessitate Ecclesiastica esse faciendas significat.

non canonibus conciliorum, seu humano juri, sed naturali ac divino subiectos adstruit. Hac de causa etsi multa possint Romani Pontifices pro summa ipsorum potestate in universam Ecclesiam; si tamen non expediat, animadvertenda erunt illa Apostoli: *Omnia mihi licent, sed non omnia expediunt*; ex quibus S. Bernardus sermonem faciens de quibusdam privilegiis, quæ non omnino nec universum expedire judicabat, non dubitavit modeste scribere ad laudatum Eugenium Papam: *Sic facitudo probatis vos habere plenitudinem potestatis, sed iustitiæ forte non ita. Facitis hoc, quia potestis; sed utrum & debeatis quæstio est.* Qui potestatem non negat, sed adesse profitetur; & solum ejus exercitium & usum contineri vult intra iustitiæ limites, ne ad id excedat, quod (3) non expedit; eandem non canonum juri subesse censet, sed naturali atque divino, quod supremam quoque potestatem Principum non absimiliter obstringit. Ita etiam cum S. Irenæus in quæstione de die paschatis S. Victorem Papam remove re studuit a ferenda excommunicationis sententia contra Asianos, ni Romanam ac ceterarum Ecclesiarum consuetudinem amplecterentur, non negavit illius potestatem, sed ostendens non expedire eos hac de causa separare a corpore Ecclesiæ, usum tantummodo potestatis intra eosdem limites, non humano, sed naturali divinoque jure, cuique supremæ etiam potestati præfinitos, coercendum indicavit.

1. Cor. 6.

12.

1. 3. de Con.

si. l. c. 4

F 3

§. III.

(3) Confer, si libet, quæ in hanc rem explicavi in Observationibus ad dissertationem V. Quærelli tom. 2. Operum S. Leonis edit. Ven. part. 1.

c. 7. pag. 979. n. 5. & seqq. Vide etiam c. 6. ibidem n. 30. plura de his inveniuntur in sequentibus Vindictis c. 3. & 4.

## §. III.

*Criminatio, quæ multorum odio & invidia Apostolicam auctoritatem exponit, disiecta.*

*Confer Vin-  
dicias c. 4.*

5. Ex his facile, ut arbitror, agnosces lector, quam perperam quidam adversarii ad invidiam nostræ sententiæ conflandam iactitent, Pontificiam potestatem ab ejusdem sententiæ defensoribus ita efferri, quasi summis Pontificibus tribuant posse ad se attrahere omnia, Episcoporum auctoritatem posse ad libitum extenuare, sacris canonibus universalis Ecclesiæ veneratione consecratis pro arbitrio contrahere, nullisque limitibus supremam & plenam potestatem eorumdem Pontificum coerceri. Nonne hæc satis jure illo divino ac naturali constringitur, quod eam solam potestatem ipsis traditam concedit, quæ in Ecclesiæ ædificationem vergit; vetat autem eam, seu eum potestatis abusum, qui cederet in destructionem? Immo cum canones in ædificationem Ecclesiæ fuerint constituti; iisdem quoque aliqua ratione constringi dici possunt summi Pontifices, quatenus cum ipsis, si vigeant, copulatur naturale ac divinum jus prohibens, ne sine justa causa in iis disjunctetur, aut aliqua mutatio arbitraria inducatur: siquidem in ipsis particularium quoque ecclesiarum moribus nullo canone, sed sola consuetudine firmatis, ubi de mutatione etiam utili inducenda agatur, magna circumspectione utendum est: *Ista quippe mutatio consuetudinis, etiam quæ adjuvat utilitate, novitate perturbat*, ut Augustinus recte monuit epist. 54. al. 118, ad Januarium num. 6. Velim hæc adversarios attente perpendere: & num ii qui potestatem plenissimam & supremam quidem, at indicatis divini ac naturalis juris limitibus circumscriptam, neque a canonum receptorum norma, nisi ubi expediat aut necesse sit, omnino solutam Romanis Pontificibus asserunt, nimium & per excessum asserant, æquo judicio decernant; &, ut confido, objectam criminationem odii plenam agnoscent ac respicient. Id autem multo magis præstabit, quisquis consideret potestatem dispensandi, derogandi, aut mutandi in canonibus discipulæ,



næ, quæ ex sola iusta causa publicæ utilitatis aut necessitatis Papæ tribuitur, ipsos canones reipsa nequaquam impetere: quia (ut in epistola ad Avitum docuit Symmachus Papa laudatus a Bossueto) quod sit præter Regulam, <sup>lib. 10. D. 2.</sup> modo sit *EX IUSTA CAUSA*, non infringit regulam, <sup>senf. c. 19.</sup> (canonum regulam intelligit) quam sola perverbia & antiquitatis contemptus lædit. Nam quamvis a Patribus statuta diligenti observatione, & observanti diligentia sunt custodienda; nihilominus propter aliquod bonum de rigore legis aliquid relaxatur; quod & ipsa lex cavisset, si prævidisset: & sæpe crudele esset insistere legi, cum observantia ejus esse præjudicialis Ecclesiæ videtur; quoniam leges ea intentione latæ sunt, ut proficiant, non ut noceant. Quo uno testimonio diligens lector nostram sententiam firmatam comperiet.



## CAPUT IV.

De canonibus disciplinæ in generali concilio editis, qui Pontificio consensu seu confirmatione carent.

## §. I.

*Canones ejusmodi non approbati auctoritate summi Pontificis ipsum non obligant.*

I. **E**XPEDITA præcedenti capite prima quæstionis parte de disciplinæ canonibus in generali concilio editis, quibus Apostolicæ sedis probavit auctoritas, nunc agendum de altera parte quoad eos scilicet generalium conciliorum canones, quibus summi Pontificis assensus aut confirmatio defuit. Hos autem non obligare ipsum Pontificem nemo jure vocabit in dubium, si memoria recolat celebrem canonem pro Constantinopolitanæ sedis prærogativa Chalcedonense constitutum, qui tandem per se irritus & inanis fuit, quamdiu Romanæ sedis caruit assensu. S. Leo quidem adeo se eo canone non obligari credidit, ut eidem repugnaret acerrime. Neque dicamus eundem canonem etiam contradicente S. Leone effectum obtinuisse. Obtinuit sane in Oriente, obtinuit, sed factis & cessione atque assensu eorum, quorum intererat, non autem jure obtinuit, ita ut Occidentales aut Orientales ipsos cogeret; multo autem minus ut cogeret S. Leonem, qui ab adversariis quoque laudatur ob zelum atque constantiam, qua restitit. Neque vero eo solo nomine ei canon potuit repugnare, quia Nicænos canones impetebat, verum etiam quia canon in quacumque frequentissima synodo

odo editus; quoad desit Pontificia approbatio, œcumenicæ synodi canon nec est, nec appellari potest. Cum generalium conciliorum sit æqualis auctoritas, in rebus autem disciplinæ, quæ varietati sunt obnoxie, synodus, quæ vere sit generalis, abrogare possit atque mutare, quodd in alia generali synodo statutum fuit; cur Chalcedonenſi in edendo canone pro Constantinopolitanæ sedis prærogativâ Nicænis canonibus derogare non potuit, nisi quia hi confirmati a Romana sede infringi non poterant Chalcedonenſi decreto, quod ejusdem sedis approbationem non obtinuerat? Quid ita? Quia scilicet illi ob approbationem Romanæ sedis vim & auctoritatem generalis synodi fuerant consequuti, & idcirco totius Ecclesiæ veneratione erant consecrati. memoratum vero Chalcedonenſe decretum, ejus approbationis expert, carebat generalis Synodi auctoritate, qua accedente. (uti postea tandem accessit) Nicæni Concilii disciplina in Chalcedonenſi mutari potuisset.

2. Ad hoc apertissimum argumentum elidendum quàm infirma sunt illa duo, quæ Bossuetus reposuit. Ait primo eos, qui hæc obijciunt, ne statum quidem quæstionis intelligere. Defendimus enim constantiense Concilium, quo nempe Concilii potior auctoritas agnosatur in fide, in schismate, in reformatione generali promovenda. At Orientales Episcopi isto canone Episcopo Constantinopolitano consulebant, Imperatori gratificabantur, non fidei, non schismati, non reformationi generali providebant: immo vero rectum ordinem, & primarum sedium honorem ab antiquo institutum evertabant, qui rei universæ Ecclesiasticæ conducere videretur . . . . . ac proinde ad nostram quæstionem non pertinet quicquid actum ab illis fuit. Nihil hæc nisi fucum & confusionem rei, de qua disputamus, offundere queunt. Nonne vera & genuina præsens quæstio in eo sita est, num Concilium generale per se sit potioris auctoritatis auctoritate summi Pontificis, ita ut ejus decreta ipsum Pontificem obligent etiam invitum, & ad eundem obligandum ipsius approbatione & consensu non egeant? Qui per se se Pontifice superior, & potioris auctoritatis esset, num in tribus illis gravioribus & extraordinariis casibus tantum, de quibus Constantiense Concilium loquitur, & non in aliis etiam potiori auctoritate frueretur? Scio Bossuetum

lib 3. De-  
fens c. 3. §. 2.  
pag. 85.

Ballerinius de Potestat. Eccl. G alibi

alibi conciliorum generalium necessitatem ad eos tantum tres casus extraordinarios atque rarissimos restringere, ne, si extendisset ad omnes etiam frequentiores & obvios, improbis hoc tribunal, quod semper præsto non est, nec facile præsto esse potest, appellantis favere videretur. Ipsorum vero conciliorum generalium auctoritatem, quacumque occasione coeant, si per se sint supra Papam, intra eosdem rariores casus coercere non licet; & canones disciplinæ ab illis editi ligare deberent ipsum Pontificem, si per se iisdem esset inferior, sicut alios quoslibet inferiores Episcopos ligant. Rectus ordo ac primarum sedium honor a Nicæna institutus seu confirmatus, cum nec divini nec naturalis sit juris, mutatis rerum circumstantiis, a posteriori æqualis auctoritatis œcumenico concilio potuissent mutari non assentiente Romano Pontifice, si ad vim generalis concilii hujus approbatio aut assensus non requireretur. Canon controversus legatis absentibus conditus actione XV. cum Patres nihil de contradictione cogitarent. Cum vero in sequenti actione XVI. legatis petentibus relictus, istorum contradictionem incurrit; num Patres Concilii contenderunt, canonem omnium consensu statutum ob dissentium ejusmodi generalis concilii vim non amittere, nec posse ab ipso summo Pontifice, utpote inferioris auctoritatis, irritum fieri? immo tota synodus, ipse Imperator, & Anatolius CP. Episcopus ad Leonem scribere petentes, ut eum canonem probare dignaretur; & synodi Patres iis verbis sunt usi, quibus se inferiores, Papam vero superiorem prætulerunt. *Rogamus igitur, inquit, & tuis sententiis nostrum honora judicium; & quemadmodum nos consensum in bonis CAPITI contulimus; sic & CAPUT FILIIS, quod decet, adimpleat. Nonne caput membris superius est, patre autem filii sunt inferiores? Quis ergo neget Pontificium consensum requiri, quem tam expresse & adeo necessarium agnovere ipsi generalis Concilii Patres, ut Anatolius testatus sit, vim omnem & confirmationem auctoritatis vestræ Beatitudinis fuisse reservatam?* Neque enim alia de causa fuit reservata post decretum a Patribus absolute editum, nisi quia audita legatorum contradictione ad vim generalis Concilii Pontificis approbatio necessaria habebatur.

*Ep. 98. al. 77. inter Leon. c. 4.*

*Inter Leonis epist. 132. al. 205. c. 4.*

3. Alterum porro, quod Bossuetus subdit, thesin, quam debebat statuere, quodammodo destruit. *In eo canone statuendo*, inquit, (Patres Concilii, qui erant Orientales) nequaquam Concilii generalis auctoritate gauderant, a quorum decretis in ea actione cum sede Apostolica universus Occidens recedebat: quia scilicet concilio præter Orientales soli ex Occidente Pontificis legati aderant, qui contra eum canonem Pontificis nomine protestati fuerant. Si hi, aut Pontifex assensisset laudato decreto, nonne generalis concilii vim & auctoritatem obtinuisset, tametsi alii Occidentales Episcopi, qui non accesserant ad eam synodum, assensum suum non declarassent? Id sane sufficiens crediderunt Patres, dum solius Papæ approbationem confirmationemque petierunt, & vim quidem totam ejus judicio reservatam declaravit Anatolius: idipsumque adversarii, ut arbitror, non inficiabuntur. Orientalium ergo frequentissima synodus, ejusque canones indigent Papæ confirmatione & assensu, ut generalis concilii vim & auctoritatem consequantur; carent vero tali auctoritate ac vi, si desit ejusmodi assensus, pateatque dissensus. Id autem dum thesin nostram, quæ Pontificiam approbationem requirit, Chalcedonensi factò satis evidenter probatam adstruit, contrariam a Bossueto præsumptam, eodemque Chalcedonensi factò reprobam destruit. Sed alia in id evidentiora adjiciam.

Ep 1<sup>a</sup>.

## §. II.

*De necessitate approbationis Pontificiæ in canonibus disciplinæ, ut generalis concilii vim & auctoritatem obtineant.*

4. Necessitatem quidem pontificiæ approbationis sive consensum ipsa generalium Conciliorum communis notio atque natura demonstrat. Quid enim est generale Concilium, nisi Episcoporum ex toto Christiano orbe convocatio atque conventus sub Romano Pontifice totius Ecclesiæ capite? Ut habeatur synodus vere œcumenica, haud necesse est omnes omnino Episcopos convenire, cum id pene impos-

Concilii generalis notio.



Romanus  
Pontifex quā  
necessarius

sibile sit; & siquidem esset possibile, non expediret omnes simul ubique locorum proprias ecclesias deferere. At Romanum Pontificem vel per se vel per legatos œcumenico concilio adesse ita necessarium est, ut, si desit, synodus etiam si Episcoporum numero frequentissima, generalis non sit, nec esse possit. Synodus uimur generalis idcirco per se maximi est præ quibuscumque particularibus conciliis, quia ob Episcopos ex tota Ecclesia congregatos repræsentat universalem Ecclesiam. Hæc autem cum sit Corpus Christi visibile, visibili capite prædita est, quod ipsi a Christo in S. Petro ejusque successoribus constitutum fuit. Hocce caput per se Ecclesiæ personam gerens (ut de S. Petro Augustinus loquitur) quomodo Ecclesiam repræsentare queat, comode explicare & intelligere licet: solum vero corpus non ita; cum corpus sine capite truncus sit, qui totum hominem nec repræsentat, nec repræsentare potest. Episcopi, qui suarum cuiusque ecclesiarum, metropolitæon, vel ampliorum diocèseon sunt capita, earum personam repræsentare queunt; totius vero Ecclesiæ, cujus nemo illorum est caput, nequeunt personam gerere, nec eandem universalem Ecclesiam repræsentare (1), nisi cum ipsis sit summus Pontifex, qui solus jure divino est totius catholicæ Ecclesiæ caput. Hoc porro caput non ob materiale tantum præsentiam generali concilio necessarium est, sed præcipue ob directionem & assensum, qui capiti præ ceteris membris potissimum competit. S. Cyprianus, qui Ecclesiam definivit, *Plebs sacerdoti adunata, & pastori suo grex adhærens*, vocibus, *sacerdotis & pastoris* Episcopum

Cur.

Ep. 69.

(1) Cum verissima sit illa S. Ambrosii ratiocinatio, de qua in opere præcedenti *De vi & ratione primatus* c. 11. n. 2. & 3. egi: *Ubi ergo Petrus, ibi Ecclesia*; si loquamur de Concilio generali, quod Ecclesiam repræsentet, vera pariter erit ista: *Ubi ergo Petrus, aut Petri successores* (qui

eodem jure conciliis generalibus præsident) *Ibi concilium generale*: & consequenter vera erit pariter hæc: *Ubi ergo nec Petrus, nec Petri successores adfint, quæcumque sit Episcoporum congregatio, ibi generale concilium nec erit, nec esse poterit.*

pum cujusque Ecclesiæ designans, ita hunc cuique particulari Ecclesiæ necessariam & essentiali ejus partem habuit, ut non dubitarit statim subdicere, *Episcopum in Ecclesia esse, & ecclesiam in Episcopo*: quæ non obscure significant, sine Episcopo, qui tamquam caput præsit Ecclesiæ, corpus Ecclesiæ mysticum atque visibile constitui atque intelligi nequaquam posse. Num caput, quod in qualibet particulari ecclesia necessarium est, in sola generali Ecclesia, & in generali synodo, quæ visibile universæ Ecclesiæ corpus repræsentat, non erit necessarium? Necessitatem Episcopi capitis in quavis particulari ecclesia, non in meram præsentiam aut repræsentationem ipsius ecclesiæ retulit idem Cyprianus, sed in auctoritatis necessitatem, *Ut ecclesia super ipsos constitatur, & omnis actus ecclesiæ per eundem præpositus gubernetur*: & in hunc finem jurisdictionem ac potestatem clavium a Christo traditam præmissum ab eo testimonium ex Matthæo c. 16. satis indigitat. Idipsum clarius explicans Clerus Romanus in litteris ad ipsum Cyprianum datis post S. Fabiani mortem, innuit se non posse quidquam decernere in causa de lapsis, de qua Africani scripserant, hac ratione allata, quia nondum Fabiani successor fuerat constitutus, *qui omnia ista moderetur, & eorum, qui lapsi sunt, possit cum AUCTORITATE & CONSILIO habere rationem*. Consilium ad directionem, auctoritas ad jurisdictionem & vim coactivam refertur. Si in concilio particulari Romanæ Ecclesiæ tanta capitis necessitas est, nonne in universalis quoque Ecclesiæ synodo, si non major, eadem saltem capitis necessitas, eademque necessitatis ratio est agnoscenda, ita, ut S. Petri successores tamquam universalis Ecclesiæ & generalium Conciliorum capita potestate sibi a Christo tradita utentes, omnia gesta non minus consilio dirigant, quam muniant auctoritate atque consensu? Hunc quoque consensum profecto exigit illud pluries repetitum & ingestum adversariorum veluti axioma, quo generalium Conciliorum vim omnium maximam ac plane invictam collocant in consensu corporis Episcoporum cum capite. Quo respiciens Bossuetus lib. 7. *Defensionis* al. 10. c. 13. n. 9. post laudata quædam ex actis Ephesini & Chalcedonenfis concilii verba, quibus idem consensus exprimitur, scripsit: *Hæc ergo summa auctoritas,*

Ep. 32. inter  
Cyprian.

T. 2. pag. 20.



*Ibi pag. 87.* summa vis, quod membra & inter se, & Romano Pontifici conjunguntur: quod ex consensione invictum Ecclesiastici iudicii robor. Et similiter lib. 8. c. 9. constitutum & quasi caracterem, quo synodi œcumenicæ asserantur, esse, ait, Ecclesiæ universalis consensum cum Apostolicæ sedis confirmatione conjunctum. Ubi igitur desit consensio, seu approbatio capituli, ex solis Episcoporum suffragiis non erit summa decretorum vis, nec robor illud invictum, quod generalis synodi proprium sit.

*Vid. supr. c. 1. §. 1.* 5. Quodsi consideretur jurisdictio Ecclesiæ collata a Christo Domino, ex qua eorumdem conciliorum generalium vis maxime pendet; cum adversarii hanc Ecclesiæ immediate collatam affirmant in Petro & Apostolis; Ecclesiæ nomine proculdubio intelligunt Episcopos Apostolorum successores, & Romanos Pontifices successores S. Petri, ex quibus cum constet generale concilium, generali quoque concilio eandem jurisdictionem immediate traditam & competentem pronuntiant. Ipsam vero jurisdictionem cum clavibus & potestate ligandi atque solvendi S. Petro promissam & datam per se se independentem ab aliis Apostolis, his autem postea traditam non separatim a Petro, sed simul cum Petro superius observavimus c. 1. num. 11. quia nimirum Apostoli & Episcopi istorum successores jurisdictionem quidem habent in unitate cum Petro & successoribus ejus, non vero extra, & multo minus contra hanc unitatem, nec contra ipsum caput, centrum, & radicem unitatis: hoc autem caput cum jurisdictionem & claves separatim sine aliis, seu ab aliis independentem acceperit, ligare alios poterit, ligari autem non poterit ab aliis qui nonnisi in unitate ejus jurisdictionem obtinuerunt. Ubi ergo in conciliorum decretis Romani Pontificis assensus seu confirmatio desideratur; deest id quod est maxime necessarium, ut decreta vim & jurisdictionem generalis concilii habeant. Cum scilicet Ecclesia a Christo jurisdictionem non acceperit nisi in Petro, & in unitate cum Petro; quomodo concilia œcumenica universam Ecclesiam representantia jurisdictionem exerere poterunt decretis, quæ nec edant cum Petro, nec in unitate cum ipso? Hinc quidem frequentissimæ quoque synodi decretis, assensu aut confirmatione sedis Apostolicæ carentibus, vis generalis synodi tribui

tribui non potest; & licet quædam disciplinæ decreta Romano Pontifice non contradicente aut non irritante obligare & cogere potuerint eos, qui ejusdem synodi Episcopis suberant; non tamen cogere & obligare potuerunt supremum caput summum Pontificem, in quem nemini illorum jus erat, ut vel ex Chalcedonensi canone antea laudato manifestum est. Hac de causa consensus & approbatio Romanæ sedis a synodis œcumenicis quæsitæ fuit etiam in canonibus disciplinæ, ut (2) ex Nicænæ, & Ephesinæ, Chalcedonensis &c. gestis liquet, nec non ex novissimo Tridentino generali Concilio. Cur tanta confirmationis obtinendæ sollicitudo fuit, nisi quia ob ejus defectum vis œcumenicæ synodi decretis & canonibus deesse persuasum erat? Vera est siquidem illa S. Leonis sententia epist. 104. al. 78. ad Imperatorem Marcianum scripta occasione memorati canonis Chalcedonensis pro Constantinopolitanæ sedis prærogativis constituti, quem idem Pontifex approbare noluit: *Nec præter illam petram, quam Dominus in fundamento*

(2) Nicænos quidem Patres omnia gesta misisse ad Papam Silvestrum, tradit præfatiuncula Nicænis canonibus præfixa in quibusdam antiquis diversæ originis versionibus, quæ ex Græco fonte proficiuntur; confirmationemque rerum atque auctoritatem Romanæ Ecclesiæ ab iisdem petitam, affirmare non dubitarunt Patres Romanæ synodi anni 485. uti explicavimus tomo III. nostræ editionis Venetæ Operum S. Leonis col. 45. not. 43. Quædā hæc confirmatio a Nicænis Patribus non credatur missis gestis quæsitæ; assensus saltem per Pontificios legatos ipsis canonibus præstitus, & subsequenti receptione eorundem

canonum comprobatus, ad vñm generalis synodi sufficere potuit. Non recensui hoc loco in textu Constantinopolitanum concilium, quod generale secundum appellari solet; hoc enim ex solo Oriente congregatum, per se ab initio generale non fuit; nec postea inter generalia computari cepit quoad canones, quos sedes Apostolica non approbaverat, sed quoad symbolum fidei tantum, cum deinceps huic symbolo ejusdem sedis approbatio accessit. Vide hac de re Tractatum de antiquis canonum collectionibus, quem præmisimus tomo tertio memoratæ editionis pag. LIII. & seqq.

mento posuit, *stabilis erit ulla constructio*. Ipsi adversarii id sane præsumperunt, cum in declaratione Cleri Gallicani an. 1682., ut Constantiensibus decretis vim & auctoritatem œcumenicæ synodi assererent, ea a sede Apostolica comprobata affirmarunt num. 2. quod vere ne, an falso affirmarint, postea expendimus c. 7. Quæ generalis Concilii vim & auctoritatem obtinent, accedente approbatione & assensu summi Pontificis, ejus sunt generis, de quo egimus capite præcedenti, nullumque in ipsum Pontificem jus coactivum, nullam ipsius concilii jurisdictionem in eundem adstruunt: vis enim omnis, quæ ex alicujus assensu pendet, omnem coactionem & imperium excludit. Quæ vero ejusmodi approbatione & consensu carent decreta, & ob ejusmodi defectum generalis concilii vim non habent, quomodo obligare & cogere possint Papam, quem soli generali concilio subjectum adversarii existimant, nemo coherentem rationem intelliget. Numquid enim generalis concilii decreta sunt & dici possunt, quæ ob eum defectum generalis Concilii vi & auctoritate privantur?

6. Sed quid morosius in his distineor, si vim coactivam in Papam hujusmodi decretis inesse nemo suaserit, nisi prius ostendat, Patres Concilii, cum aliquid statuunt in materia disciplinæ, non assentiente vel etiam dissentiente summo Pontifice, licet per se se inferiores sint ipso supremo Hierarcha, jus tamen in eundem superiorem suum habere, quod plane repugnat: nemo enim nisi superior in inferiores, sibi que subjectos jus coactivum habere aut exercere potest. Hanc potissimam rationem, & a priori (ut scholæ appellant) nisi adversarii æqua responsione solvant, inani conatu laborabunt.

### §. III.

*De jure summi Pontificis in omnes Episcopos etiam collectos in generali synodo, ex quo omnibus superior, conciliaribus ipsorum decretis in materia disciplinæ ejus approbatione carentibus cogi non potest. Distinctio inter Episcopos distri-*

*tributive, aut collective sumptos ab adversariis ingesta, quam sit inanis, & rationi primatus repugnans.*

7. Vide autem quid illi excogitarint, ut memoratum efficacissimum argumentum eludant. Dicunt nemini quidem Episcoporum & Patrum Concilii, si separatim ac distributive considerentur, jus coactivum competere in Papam, qui singulis superior est; sed aliter sentiendum de omnibus sumptis collective & adunatis in generali Concilio. Velim adversarios, qui antiquitate gloriantur, hanc distinctionem aliquo antiquo textu probare. Vetus certe Ecclesiæ traditio contraria est. Romanis enim Pontificibus jus attributum fuit ab antiquis non modo in singulos Episcopos distributive sumptos, verum etiam collective in omnes & universalem Ecclesiam. Sicut enim antiqui passim affirmant S. Petrum fuisse præpositum omnibus Apostolis, totique Ecclesiæ catholicæ; ita & de successoribus S. Petri, quos pariter pronuntiant cunctis non solum fidelibus, sed etiam Episcopis Apostolorum successoribus, totique præfectos Ecclesiæ. Audiantur ex antiquis Gallicani Episcopi Metropolis Arelatenfis, qui in Epistola ad Leonem Magnum non dubitarunt scribere: *Per Beatum Petrum Apostolorum principem sacrosancta Ecclesia Romana c. 2.* *(in successoribus ejusdem Petri) tenet SUPRA OMNES TOTIUS MUNDI ECCLESIAS principatum.* Audiatur quoque pro cæteris alius Gallicanus S. Bernardus, qui anteriorum Patrum, ac Gallicanæ, immo & catholicæ Ecclesiæ doctrinam expressit: *Plenitudo siquidem potestatis SUPER UNIVERSAS ORBIS ECCLESIAS singulari prerogativa Apostolica sedi donata est. Non super singulas, inquit, sed super universas, quod potestatem in omnes collective acceptas designat. In his Episcopos ecclesiarum capita comprehendi, & omnes quidem collective, declarant illa ejusdem Sancti ex libro secundo de Consideratione ad Eugenium Papam c. 8. n. 15. Tu es, cui claves traditæ, cui oves creditæ sunt. Sunt quidem & alii caljaniores, & gregum pastores: sed tu tanto gloriosius. quanto & differentius utrumque præ ceteris nomen hereditasti.*

Huic distinctioni contradicit traditio.

Ep. 65. al. 29.

Plenitudo potestatis Apostolicæ sedi data.

Ballerini de Potestat. Eccl., H Ha-

*Habent illi singuli sibi assignatos greges, singuli singulos: (3) tibi universi crediti, uni unus. Non modo ovium, sed ET PASTORUM tu unus OMNIUM pastor. Unde id problem quæris? Ex verbo Domini. Cui enim non dico Episcoporum, sed etiam Apostolorum sic absolute & indiscrete totæ commissæ sunt oves? Si me amas, Petre, pasc oves meas. Quas? Illius vel illius populus civitatis, aut regionis, aut certi regni? Oves meas, inquit. Cui non planum non designasse aliquas, sed assignasse OMNES. Et post pauca de Episcopis n. 16. Alii in partem sollicitudinis, tu in plenitudinem potestatis vocatus es. Aliorum potestas certis arctatur limitibus; tua extenditur & in ipsos, qui potestatem super alios acceperunt. Et dein: Quisquæ ceterorum (Episcoporum) habet suam, tibi una commissæ est grandissima navis facta ex OMNIBUS ipsa UNIVERSALIS ECCLESIA toto orbe diffusa. qui universali Ecclesiæ, omnibusque etiam pastoribus & Episcopis jurisdictione præest, nonne in omnes collectivè jus habet?*

8. Hinc in decreto pro unionè Græcorum, cui subscripserunt ipsi Græci in Florentino Concilio, jure definitum legitur Sanctam Apostolicam sedem: & Romanum Pontificem in UNIVERSUM ORBEM tenere primatum, & ipsum Pontificem Romanum successorem esse Beati Petri principis Apostolorum, & verum Christi vicarium, totiusque Ecclesiæ caput, & omnium Christianorum patrem ac doctorem existere, & ipsi in B. Petro pascendi, regendi, & gubernandi UNIVERSALEM ECCLESIAM a D. N. .

(3) In hanc sententiam S. Gregorius lib. 5. epist. 20. ad Imperatorem Mauritium, *Voce Domini*, inquit, sancto & omnium Apostolorum Petro Principi TOTIUS ECCLESIAE cura commissæ est. Et antiquus Gallicanus Episcopus sub Eusebii Emisleni nomine vulgatus, in Natali SS. Petri &

Pauli Sanctum Petrum non solum Pastorem, sed & pastorem pastorem constitutum affirmans, addit: *Pascit igitur Petrus agnos, pascit & oves; pascit filios, pascit & matres; regit & subditos & Prælatos. OMNIUM igitur pastor est, quia præter agnos & oves in Ecclesiâ nihil est.*

*D. N. Jesu Christo plenam potestatem traditam esse, (4) quemadmodum etiam in gestis conciliorum & canonibus continetur. Si Romanus Pontifex ex Christi institutione plenam potestatem accepit pascendi, regendi, & gubernandi universalem Ecclesiam; non in singulas & particulares tantum Ecclesias distributive & separatim acceptas, sed (5) in omnes collective sumptas, ex quibus sane sumptis collecti-*

H 2

ve

(4) Quidam adversarii præferentes hoc loco lectionem editionis anni 1526. his verbis expressam, *juxta eum modum, qui & in gestis conciliorum, & canonibus continetur*, contendunt potestatem Pontificiam in universam Ecclesiam vi eorundem verborum subijci canonibus conciliorum, damnantque alias editiones, ac si textum corruptum exhibeant. Verum editionibus non est opus, tibi quinque, vel potius sex originalia exempla latinum & græcum textum proferentia cum originalibus, seu autographis subscriptionibus supersunt, quæ verba a me exhibita vindicant, illa vero editionis anni 1526. ignorant. Vide hac de re fuse differenter Cardinalem Ursinum cum P. Thoma Mamachio lib. 6. de Romani Pontificis auctoritate cap. 11. art. unico, ubi quinque originalibus exemplaribus laudatis (sexturn, quod addidi ex nostro Maffei Hist. diplom. l. 1. p. 87. custoditur in archivo publico Bononiensi) genuinum quoque eorum verborum sensum, coherentemque cum textu græco, & cum

ipsis etiam conciliorum gestis demonstrat, omneque effugium de medio plenissime tollit. Quamquam etiamsi recipienda esset lectio editionis 1526. *juxta eum modum* &c. nihil nos turbaret, offenderet nihil. Quis enim negavit umquam Pontifices in pascenda, regenda, & gubernanda universali Christi Ecclesia debere adhibere modum contentum in sacris canonibus, quos abs se quoque sequendos ipsi Pontifices professi sunt? Nulla in hoc quaestio, sicut & nulla ex hujusmodi professionibus Pontificum, de quibus dixi capite præcedenti num. 1. & 2. Tota autem quaestio est, num id debeant jure ipsorum canonum, & eorum quidem canonum, quibus assensus Pontificum desuit, ac si juri ipsorum coactivo subint; an vero altiori illo divino ex naturali jure, quod sine præjudicio supremæ auctoritatis obligat, uti eodem capite explicavimus.

(5) Hanc eandem potestatem Romani Pontificis in omnes Ecclesias satis clare præsumpsisse atque indicasse videtur

ve constat universalis Ecclesia, potestatem habet, ac proinde habet etiam in Patres quoque Conciliorum generalium, quæ illam repræsentant, nec majori quam ipsa universalis Ecclesia privilegio gaudent.

Censura in  
propositio-  
nem Wiclef-  
fi, quatenus  
non oblit, ex-  
plicatur.

9. Non deerunt fortassis, qui hisce testimoniis opponent decretalem *Inter cuncta* Constantiensis concilio approbante editam a Martino V. sessione ultima, ubi Wicleffi propositio, *Non est de necessitate salutis credere, Romanam Ecclesiam esse supremam inter alias Ecclesias*, hac censura configitur: *Error, si per Romanam Ecclesiam intelligat universalis Ecclesiam, aut Concilium generale, aut pro quanto negaret primatum summi Pontificis super alias Ecclesias particulares.* quibus postremis verbis *Ecclesiæ* quidem *particulares*, non vero ipsa universalis Ecclesia, aut generale Concilium eam repræsentans, primatui seu Pontificæ jurisdictioni subijcitur. Hæc Martinus V. totidem verbis exscripsit

ipsa generalis synodus Nicæna I. cum decrevit paschalem diem quotannis ab Alexandrina ecclesia ob peculiarem ipsius in paschali calculo peritiam Romanæ Ecclesiæ significandum, ut hæc pro sua auctoritate in universam Ecclesiam omnes adigeret ad eundem diem sine ulla disceptatione ubique celebrandum. Sic enim de hoc decreto Nicæno scribit S. Cyrillus Episcopus Alexandrinus in prologo paschali apud Bacherium: *Cum iis igitur, atque huiusmodi dissensionibus (circa diem paschæ) regula turbaretur; sanctorum totius orbis synodi consensione decretum est, ut quoniam apud Alexandriam talis esset reperta Ecclesia, quæ in hujus scientia clareret, quæ Calendarum vel Iduum, quæ Luna pascha debeat celebrari,*

*per annos singulos Romanæ Ecclesiæ litteris intimaret, unde APOSTOLICA AUCTORITATE UNIVERSALIS ECCLESIA per totum orbem definitum paschæ diem SINE UL- LA DISCEPTATIONE cognosceret.* Vides Apostolicæ auctoritati in universalem Ecclesiam eam vim coactivam attribui, quæ omnem dubitationem de medio tolleret? Cur id non Alexandrino, sed Romano Pontifici adtributum, & huic quidem adtributum non ex delegatione quadam ipsius concilii, sed ex Apostolica ipsius auctoritate, nisi, quia non Alexandrini, sed Romani tantum Antistitis Apostolicam auctoritatem ad universam Ecclesiam omni sublata dubitatione cogendam per se sufficere Nicæni Patres certissime noverant?



scripsit ex actis Patrum Constantiensium in condemnandis erroribus Wicleffi; Patres autem Constantienses jure notarunt erroris, & erroris sane contra fidem, de qua tum decidendum fuit, negare primatum & jus Pontificium super particulares Ecclesias. Num vero par error contra fidem dici posset negare primatem & jurisdictionem Pontificis super universalem collectivè Ecclesiam, de qua re tunc tanta erat controversia; quis non videat non fuisse pariter decidendum ab iisdem Patribus in eo concilio, in quo jus supra ipsum Pontificem generali synodo tribuere ex circumstantiis ejus temporis necessarium videbatur? Cum itaque Martinus V. sub finem synodi ea verba suæ constitutioni inserta recepit confirmavitque, illud recepit & confirmavit, quod certum & verum erat ex catholica fide; neque hoc approbare idem est, ac negare potestatem Pontificis in universam Ecclesiam, sed est tantum id prætermittere, quod tum in magnam controversiam adductum apud catholicos, ita certum de fide affirmari non poterat, uti certum erat ex ea parte, quæ particulares ecclesias respicit. Hinc ergo deduci tantummodo potest, primatum & potestatem Papæ supra universalem collectivè Ecclesiam, & ex consequenti supra generales synodos eam repræsentantes tunc non fuisse definitum. Num vero quod tunc definitum non fuit, ex testimoniis antiquorum Patrum aliisque momentis hætenus allatis, & mox adjiciendis satis manifeste colligatur, quivis haud præoccupatus adversariorum præjudiciis facile dignoscet.

10. Ratio quidem Pontificii primatus id ipsum exigit. Primatus ratio exigit  
Cum enim primatus non meri honoris & ordinis, sed peculiaris jurisdictionis institutus fuerit a Christo in bonum vim in omnes.  
unitatis Ecclesiæ, ut capite constituto scissurarum & schismatis tollatur occasio; vim profecto coactivam in omnes Vid De vi primat. c. 8.  
collective debet habere, sine qua latus scismatibus & scissuris aditus pateret, unitatisque bonum obtineri non posset. § 9.  
Hinc qua ratione ea vis in singulos ab adversariis conceditur causa primatus, eadem in omnes collectivè concedenda est, cum universæ Ecclesiæ unitas non ex singulis tantum, sed ex omnibus collectivè sumptis & in unum coactis redeat. Quodsi hæc non valere credantur in materia disciplinæ, in qua non ita unitas omnium necessaria est,

ut in negotio fidei; nonne ex primatu Romanis Pontificibus jus a sanctis Patribus & potestas tribuitur non solum præcipiendi singulis, verum etiam ferendarum legum disciplinæ, quæ ex legum natura non singulos tantum, sed omnes etiam obligant? Caput, quod præest non tam singulis quam omnibus membris, non tam singula quam omnia pro suo jure regit & moderatur. Cum Patres Chalcedonenses de se in Concilio collectis scripserunt ad Leonem Papam, *Quibus tu quidem sicut membris caput præeras*; nonne verbo præesse superiorem in se collective sumptos auctoritatem eidem tribuerunt, qualis capiti in membra collective sumpta competit? Patres quoque in Ephesina synodo adunati; cum se *coactos litteris* Coelcstini affirmarunt ad depositionem Nestorii, nonne potestatem in se coactivam pariter agnoverunt? Summus pastor, cui subordinati sunt atque subiecti inferiores pastores, imperare utique non solum singulis verum etiam omnibus potest. Obedientiæ quoque debitum, quo singuli obligantur summo Pontifici, cum neminem excipiat, omnes etiam collective sumptos adstringit. Jure propterea inter ipsos recentiores heterodoxos Jo. Laurentius Moshemius (6) in dissertatione *De Gallorum appellationibus ad concilium universæ Ecclesiæ unitatem Ecclesiæ visibilem tollentibus*, hanc eorundem celebrem distinctionem de potestate summorum Pontificum in omnes singillatim seu distributive, non vero collective sumptos paucis\* resellens scripsit: *Quod universis, sive singulis Ecclesiis præesse Pontificem dicunt, non universæ Ecclesiæ, id tam mihi scitum videtur, ac si quis affirmaret, membra quidem a capite regi, non vero quod ex membris constat corpus, aut urbes quidem omnes, villas, & prædia subesse Regi, non vero, quæ his continentur ipsam provinciam.* Bossuetus etsi distinctionem distributivi & collectivi alicubi ingerit; tamen in *Defensione* lib. 10. al. 15. c. 5. Romanos Pontifices universæ Ecclesiæ præesse affirma-

(6) Legitur inter ejus *Dissertationes ad historiam Ecclesi-*

*sticam pertinentes* edit. Altonæ viz 1733. t. 1. pag. 612.

affirmare non dubitavit: quod ex antiquorum formula communicare sensu totam Ecclesiam collectivè acceptam denotat.

11. Audirem libenter, undenam adversarii colligant probentque, Pontificium jus, quod negare nequeunt in singulos, non æque posse vim suam in omnes in oecumenica synodo collectos exerere. Dicent fortassis ex natura concilii generalis, in quo totum jus Ecclesiæ residet? Qui id affereret concilio sejuncto a capite, cui scilicet caput non præbet assensum, principii, quod negatur, & in questionem venit, vitiosam, ut vocant, petitionem incurreret; decretis enim editis sine assensu capitis, concilii generalis vim & auctoritatem detraximus, quippe quam ipsi adversariis docentibus sitam esse vidimus in consensu membrorum, seu corporis Episcoporum cum capite. Num ex sola convocatione legitima, cui Papa assensus sit, generalis concilii vis Patribus collectivè sumptis ita acquiritur, ut etiam sine capitis assensu, vel potius cum dissensu, illorum decreta omnes ipsumque Pontificem obligent? Nonne concilium Ephesinum II. convocatione legitimum, deficiente assensu capitis nihil potuit non solum in materia fidei, sed neque in negotio disciplinæ? Nonne Chalcedonense fuit legitime convocatum? Cur ergo canon de prærogativa Constantinopolitanæ sedis, cui Papa assensus non est, vim generalis synodi, qua Leonem cogeret, ex ipsa legitima convocatione non est consequutus? Nonne ipsi Patres Chalcedonenses, cum Pontificiam approbationem præsertim pro eo canone sollicitè postularunt, Pontificii assensus necessitatem agnoscentes, solam convocationem legitimam ad vim coactivam nequaquam sufficere præsumperunt?

12. Nemo hic omni alio subsidio destitutus, ut suadeat a distributivo minus recte argumentum deduci ad collectivum, exemplum asserat ejus, qui potest per se movere, ac ferre singulos cujusdam magni acervi lapides, non tamen omnes collectivè; vel ejus, qui potest pugnando singulos hostes vincere, non tamen collectivè omnes &c. Inapta enim prorsus hæc sunt in rem præsentem, in qua non de potentia virium corporalium, aliorumque similium agitur, sed de potestate auctoritatis atque jurisdictionis nemini

mini (7) subordinata; atque suprema, qua qui fruitur in singulos distributive, fruitur etiam collective in omnes, cum non tam singulis, quam omnibus jurisdictione præsit. Ita Dominus non tam in singulos alicujus familiæ homines, quam in omnes collective jus habet; Rex non tam in singulos, quam in omnes sui regni subditos; pater non minus in singulos, quam in omnes filios &c. neque ullum reperietur exemplum, quo is, qui auctoritatem seu jurisdictionem habet in singulos, non habeat etiam collective in omnes. Quomodo igitur hæc distinctio adstruatur in summo Pontifice, qui vi primatus universæ Ecclesiæ præpositus fuit a Christo, & in unitatis bonum ita præpositus

(7) Excipiendus quidem esset casus, quo quis a suæ potestatis auctore ita præpositus esset singulis alicujus magistratus, vel communitatis, ut omnium collectioni subordinatus fuisset. Quis autem hoc de S. Petro, aut de Romanis Pontificibus suspicetur? S. Petrus, qui non ab Ecclesia, sed a Christo institutus fuit Apostolorum princeps jure primatus ob custodiendam totius Ecclesiæ unitatem, jus non tam in Apostolos singulos, qui Petro erant subordinati ex cap. 1. §. 3. not. 3. quam in omnes collective obtinuit (*super omnes sine restrictione*, inquit Bossuetus laudatus supra c. 3. n. 2.): & similiter dicendum de Pontificibus Romanis, qui in idem jus primatus succedunt. Bonum enim unitatis, ob quam jurisdictio primatus ipsi, ejusque successoribus tradita fuit, exigebat, ut qui ob custodiendam unitatem omnibus fuissent præpositi, nulli ipsorum,

nec omnium collectioni essent subordinati, ne facilis dissidiis aditus pateret; quæ si sua auctoritate ille non posset compungere, munus unitatis conservandæ sibi commissum defectu potestatis ad id sufficientis non posset implere. Romanorum Pontificum potestatem in spiritualibus cum *supremam* vocat Tridentina synodus ex traditione Patrum, qui eos præpositos affirmant *UNIVERSÆ ECCLESIAE*, jurisdictionem Pontificiam nemini subordinatam declarat, ac proinde omnibus etiam collective sumptis superiorem significat: neque distinctio antiquitatis ignota inter distributivum & collectivum hac in materia induci expit, nisi postquam ob remedium pertinacissimi schismatis necessarium visum est illorum potestatem concilio generali subicere: quod quam sit infirmum ex sequentibus patet.

tus, ut nisi omnes collective posset cogere ad ea, quæ omnium unitatem Ecclesiæ necessariam respiciunt, id est ad fidei & communionis unitatem, inanis & inefficax esset auctoritas, Christi quæ institutio? Ex hac autem Pontificia potestas e in omnes collective ob unitatem communionis & fidei profluit, ut alibi monuimus, illa suprema & plenissima Romanorum Pontificum potestas in universam Ecclesiam in rebus ceteris, quæ regimini ejusdem Ecclesiæ utilia vel necessaria videantur, etiamsi in ipsis omnium unitas non perinde sit necessaria, uti in materia communionis & fidei: neque enim idem, qui singulis distributive sumptis præpositus sit, ex parte præesse omnibus collective dici potest, ex parte autem subesse. Si vero ex constitutis Romano Antistiti jus est in omnes etiam Episcopos collective sumptos, non minus quam in universam Ecclesiam; quomodo Episcopis in generali synodo collectis jus esse potest in ipsum Pontificem? Num jus juri repugnans utrinque æquale licet adstruere? Cum ergo jus summorum Pontificum in omnes collective Episcopos, & super ipsa generalia Concilia tot momentis probatum nutare non possit; irritus semper erit eorum conatus, qui jus eorumdem Conciliorum super Pontifices nulli antiquo firmo fundamento innixum, immo toti antiquitati repugnans, nec non rationi jurisdictionique propriæ primatus, defendere student. Id autem quod dixi nulli antiquo firmo fundamento innixum, immo toti antiquitati repugnans, multo patebit evidentius, si opinionis adversariorum seram originem novitatemque detegamus.

Ceteræ potestates Papæ quomodo ex primatu dimanent.



## CAPUT V.

De sera origine & novitate opinionis, quæ  
Conciliis generalibus auctoritatem &  
jus tribuit coactivum in sum-  
mos Pontifices.

1. **S**I tota lustretur antiquitas, cum multa documenta  
supremam illam summorum Pontificum auctori-  
tatem indicant in universam Ecclesiam, quæ ex  
divini juris primatu fluit; & indicant quidem in  
totam Ecclesiam etiam collective sumptam, uti primatus  
ratio & scopus exigunt; tum vero nullum antiquum docu-  
mentum licebit reperire, quod illos generalis concilii, ju-  
risdictioni subjiciat. In hanc rem demonstrandam juverit  
vetusta gesta recolentes, initia ejus sententiæ inquirere, quæ  
memoratis conciliis jus supra Pontifices asserit.

2. Novitatem & seram opinionum originem in mate-  
riis fidei certam esse erroris notam inter omnes Catholicos  
convenit ex principiis Tertulliani, Vincentii Lirinensis, &  
aliorum Patrum: dogmata enim fidei cum ex revelatione  
divina, seu ex doctrina, quam Christus aut Spiritus San-  
ctus Apostolos docuit, provenerint, nova esse non pos-  
sunt: quidquid autem posterius inductum antiquam origi-  
nem nequit ostendere, non revelato dogmati, sed errori  
deputandum. Fieri quidem potest, ut doctrina aliqua a  
Christo & ab Apostolis tradita, quæ ab initio Ecclesiæ  
exploretur cognita, erat certum dogma, ita cursu temporis  
hominum opinionibus disputationibusque obscuratur, ut quam-  
diu inter catholicos controvertatur ante definitionem Ec-  
clesiæ, neutra ex parte dogma certum suppetat, nec hære-  
tici habeantur propugnantes sententiam, quæ subinde defi-  
nitione Ecclesiæ error & falsa declaretur. Ita S. Cypriani  
& alio-

Novitas er-  
roris nota in  
materiis fi-  
dei.

& aliorum Africæ Asiæque Episcoporum opinio de baptismo extra Ecclesiam collato hæresis non fuit, antequam Ecclesiæ definitio prodiret: & similiter hæreseos notari nequit eorum ceteroquin catholicorum sententia, qui re nondum definita summos Pontifices Conciliorum generalium jurisdictioni & auctoritati subjiunt. Juvat nihilominus disputando hujus opinionis originem quærere; & si mihi succedat ostendere, eam inter catholicos noviter inductam atque susceptam occasione schismatis pertinacissimi sub tempus Conciliorum Pisani & Constantiensis, falsitas ejus ipsa novitate demonstrabitur.

### §. I.

#### *De gestis Conciliorum generalium usque ad octavam synodum œcumenicam.*

3. Cum jam inde ab initio Ecclesiæ ex perspecta divina Pontificii primatus institutione exploratum inter catholicos esset, Romanos Pontifices jurisdictionem habere in universam Ecclesiam; num eisdem subessent ipsa generalia concilia, quæ universalem Ecclesiam repræsentant, apud illos dubium non fuit. Soli hæretici post condemnationem suorum errorum appellantes a Papæ sententia ad synodum œcumenicam, hujus auctoritatem Pontificia superiore prætulere: appellatio enim proprie dicta ab inferiori ad superiorem deferitur. At cum ipsi ad id proruperint non ex catholico sensu (omnes enim catholici ejusmodi appellationes damnabant), sed ex pertinacia in errore, ut se a legitima sententia appellationis titulo subducerent; hæc errantium & pertinacium hominum exempla apud catholicos nihil probare & evincere poterunt. Conciliorum quidem generalium Patres quantum detulerint auctoritati Apostolicæ non solum in materiis fidei, verum etiam in negotiis disciplinæ, cum non minus in istis, quam in illis ad generalis synodi vim Pontificio assensu indigerent, patet ex constitutis cap. 2. & seqq. Cum Ephesini Patres se dixe-



runt *coactos* Cœlestini litteris ad ferendam contra Nestorium sententiam, quæ ex parte definitionis pertinebat ad fidem, ex parte autem iudicii circa personam Nestorii spectabat ad disciplinam; utraque in materia jus Pontificium super se & super generalem synodum plane coactivum factis declararunt.

4. Bossuetus ut antiquitatem contrariæ nobis sententiæ constitueret, licet expenderit diligentissime omnia vetera generalium synodorum acta & documenta; nihil tamen potuit reperire, ex quo jus earum supra Romanos Pontifices uspiam colligeret. Solum excerptis quædam gesta, quibus (1) novum examen, novumque iudicium post Apostolicam definitionem institutum fuit. Istud autem cum non fuerit institutum, nisi ut dubitantes ad unitatem Pontificiis definitionibus debitam revocarentur, aut hæreticorum pertinacia apertius revinceretur (vide quæ in hanc rem attulimus *De vi & ratione primatus* cap. 13); nihil hæc evincunt pro asserenda ejusmodi Conciliorum potestate supra ipsas definitiones Pontificis, si præsertim infallibiles dicendæ sint ex late constitutis cap. 13. ipso Bossueto explorate affirmante, *infallibilem, quæ quidem in re talis est, cuiquam subesse nefas.*

*Dissert. præ-  
via Defensio-  
ni c. 2.*

*De Concilio  
VI. sententia  
in Honorium.*

5. Ex generalibus antiquis synodis unum opponi possidet sextum Concilium, quod in Papam Honorium anathema tulit. Id autem opponeretur omnino inepte. Ut enim hoc factum probaret generalis concilii jurisdictionem in summos Pontifices, duo probanda essent, nimirum & Honorium, jamdiu antequam e vivis sublatum, adhuc fuisse summum.

(1) Hoc quidem uno argumento idem Bossuetus lib. 10. *Defensionis* c. 22. tom. 2. pag. 216. revinci posse credidit S. Gelasium, cum scripsit nulli licuisse de iudicio sedis Apostolicæ judicare: Neque tantus Pontifex ignorabat antecessorum suorum Cœlestini Leonisque sententias in Ephesina & Chalce-

donensi synodis retractatas, deque iis canonicè judicatum. Verum hoc argumentum quam sit imbecille patebit ex iis, quæ tum de Cœlestini Leonisque sententiis, tum de actis Ephesinis atque Chalcedonensibus destruimus in opere *De vi primatus* c. 13. §. 11. & 13.

summum Pontificem actuali primatu fungentem, & Concilium eo anathemate veram in ipsum jurisdictionem exercuisse. Utrumque autem falsum est. Summi enim Pontifices, una cum vita Pontificatum actualement amittentes, secum non deferunt primatum, sed in sede Apostolica relinquunt ad successores transferendum: & sicut nullam primatus jurisdictionem habent amplius, nec exercere possunt in Ecclesiam; ita Ecclesiastica proprie dicta jurisdictio atque potestas, quæ Petro & Apostolis eorumque successoribus a Christo tradita fuit *super terram* tantum, ad mortuos non extenditur, quorum iudicium soli Deo reservatur, ut movit S. Gelasius in epistola ad Dardanos de causa Acacii, & in gestis synodalibus de absolutione Miseni. Damnatio vero & anathema, quod aliquando latum fuit ab Ecclesia in mortuos, sicut & quorundam, qui obierant, absolutio, non fuerunt actus jurisdictionis proprie dictæ in ipsos, quasi mortuos extra Ecclesiæ iudicium constitutos ipsa posset ligare vel solvere, nec sortem ipsorum, cui post mortem divino iudicio fuere addicti, potuit mutare (indulgentiæ pro animabus purgantibus *per modum suffragii* impertitiæ ab Ecclesia, ad jurisdictionem proprie dictam, non sunt referendæ); sed tota eorum vis ac jurisdictio quædam vivos respicit, ut absolutos ex. gr. ab excommunicatione donare possint Ecclesiastica sepultura, atque juvare suffragiis; vel damnatos ex. gr. ob errorem, quem docuerunt, vel cui favorem præstiterunt, ita caveant, ne ipsorum scriptis aut auctoritate decipiantur. Ita Honorius damnatus, quia sua minus recta oecumenica dispensatione, de qua diximus \* antecedenti opere, Monothelitarum hæresi favisse iudicatus est, (2) non eam quidem approbando, sed expref-

I 3

\* *Devi & ratione pri-  
mat. c. 15.  
§. 9. Vid. Ap-  
pend. §. A.*

(2) si quid gravius in Honorii condemnatione perstrinxisse credantur sextæ synodi Patres, non eum litterarum ejus sensum perstrinxerunt, quem obvia earumdem litterarum verba præferunt, sed il-

lum, quo eadem verba economica quadam dispensatione minus caute expressa, in prævum sensum a Monothelitis fuerunt detorta, ut suo errori patrocinium ex ipso Pontifice quærent, Non ergo obvium

fam condemnationem omittendo, licet ob implexas tunc circumstantias facti ita bona fide omisisse videatur, ut coram

verborum sensum, qui, ut a libi ostendimus, ab hæresi Monothelitica abest, damnarunt concilii Patres, sed eum, quem Honorii litteris prava interpretatione affixerunt Monothelitis concinere, novaque hæresi favorem præstitisse, ac idcirco una cum illis damnandus visus est. Hoc quidem sensu tantummodo condemnationem ejus factam in sexto concilio approbavit Leo II. in litteris ad Imperatorem Constantinum, quæ cum ejusdem concilii confirmationem continent, unde conciliorum generalium vis pendet; non alio sensu condemnatio concilii rata dici potest. Enimvero harum litterarum Leonis latinum originale exemplum non superpetit, sed græca tantum interpretatio actis concilii subiecta, ex qua subinde duæ antiquæ versiones latinæ factæ fuerunt: ita ut Græcus ejus epistolæ textus pro originali habendus sit, sicuti & pro originali habetur textus Græcus epistolæ Agathonis, & synodicae Romani concilii, quæ e latino originali, quod desideratur, tempore concilii in Græcam linguam traductæ ætisque insertæ leguntur. Porro antiqua versio latina epistolæ Leonis ad Imperatorem in editis conciliorum recepta, mi-

nus accurata invenitur, ut patet ex emendationibus, quas Harduinus ex Græco ad suæ editionis marginem notavit. Ex his corrigendus ille textus latinæ antiquæ versionis in conciliis editus, quo Honorius Monothelitis idcirco accensetur, quippe qui hanc *Apostolicam Ecclesiam non Apostolicæ traditionis doctrina lustravit, sed profana traditione immaculatam pervertere conatus est*. Pro verbis *pervertere conatus est*, quæ hæreticam pravitatem innuunt, Harduinus ex Græco legendum notavit, *immaculatam maculari permisit*. Hanc quidem lectionem Leonis menti congruentem, & omnino præferendam vulgatae versionis comprobant aliæ duæ ejusdem Pontificis originalis epistolæ latinæ eodem tempore, & eadem de causâ scriptæ, quæ ex originali latino in Hispaniam missæ conservatæ fuerunt in codicibus amplioris collectionis Hispanicæ, de qua vide *Tractatum de antiquis collectionibus & collectionibus canonum* præmissum tomo III. nostræ Venetæ editionis *Operum S. Leonis part. 3. cap. 4. §. 4. num. 12.* ubi etiam earundem epistolarum germanitatem vindicavimus. Una ex his Leonis II. epistolis ad Episcopos Hispanos missa est: altera ad Regem Ervigium. Lectio, quæ in memoratis ad Imperatorem litteris

ram Deo a culpa saltem gravi excusari potuerit. Itaque anathema, latum a synodo VI. in Honorium post mortem, ad probandum jus ejusdem generalis synodi in ipsum Pontificem mortuum nihilum confert.

6. Notanda potissimum hac in re verba tertiæ allocutionis Hadriani II. ad Romanæ synodi Patres, quæ lecta subinde, & inserta fuerunt gestis octavi Concilii œcumenici act. 10. *Romanum Pontificem de omnium ecclesiarum Pontificibus judicasse legimus, de eo vero quemquam judicasse non legimus. Licet enim Honorio ab Orientalibus POST MORTEM (cum scilicet non erat amplius actualis Pontifex) anathema sit dictum; sciendum tamen est, quia*

*T. 1. Concil.  
Ven. edit. Co-  
let. col. 397.*

ex græco præfert, *Immaculatam maculari permisit*, concinit cum originali latino epistolæ ad Hispanias, *Flammam hæretici dogmatis, non, ut dicit Apostolicam auctoritatem, incipientem extinxit, sed negligendo confovit: & non abstulit cum originali epistolæ ad Regem: Immaculatam Apostolicæ traditionis regulam .... maculari consensit. Verba maculari permisit, & negligendo confovit, seu hac permissione ac negligentia maculari consensit, non expressam erroneam definitionem significant, sed omissionem definitionis, respiciuntque ea minus cauti ipsarum litterarum verba, quibus fraude Monothelitarum in erroris favorem traductis, Honorius fidem immaculatam maculari permisit, atque confovit, seu (ut legitur in professione Pontificum Diurno inserta) *pravis eorum Monothelitarum erroribus favorem impen-**

*dit. Quodsi ex ejus condemnatione facta a Patribus concilii VI. id saltem inferri dicas, eos non judicasse Papam infallibilem in materia fidei, cum eum in dogmate Monothelitico errasse crediderint; nisi antea probetur Honorii litteras continere definitionem fidei, & tales habitas a Patribus sextæ synodi; nihil aliud ex ea condemnatione deduci ad summum potest, nisi eosdem Patres censuisse Papam errasse, & potuisse errare circa fidem extra definitionem fidei, quod nec ego proptus inficior, cum solis proprie dictis definitionibus infallibilitatis Privilegium asserendum contendam. Hanc animadversionem, quam satisfactorius objectioni sumptæ ex Patribus concilii VI. omisi in præcedenti opere, huc reservavi, ubi de eorumdem Patrum sententia in Honorium ex proposito disserendum fuerat.*

quia fuerat super hæresi accusatus, (3) propter quam solum licitum est minoribus majorum suorum motibus resistendi, vel pravius sensus respuendi: quamvis & ibi (in casu Honorii) nec Patriarcharum, nec cæterorum Antistitum cuiuspiam de eo quamlibet fas fuerit proferendi sententiam, nisi ejusdem primæ sedis Pontificis consensus præcessisset auctoritas.

7. Adeo vero octavæ synodi Patribus persuasum fuit, neminem posse contra primæ sedis Antistites sententiam ferre, ut nec ipsis œcumenicis conciliis hanc potestatem attribuerint. Sic enim illi act. 10. can. 53: *Si qua vero œcumenica synodo collecta de Romana etiam Ecclesia controversia exiterit; licebit cum decenti reverentia de proposita questione veneranter percontari, responsumque admittere, & siue juvari siue juvare, non tamen impudenter contra senioris Romæ Pontificis sententiam dicere.* In textu græco verbum ἀπολογεῖσθαι legitur, quod hic redditur *sententiam dicere*. At si vim ejus verbi propriam spectemus, significat potius *in jus vocare* subintelligendo γράφειν, vel δικάζειν, quæ formula est usitatio. Cur vero generali synodo non liceat nisi per impudentiam atque temeritatem Romanos Pontifices in judicium vocare, aut contra ipsos sententiam dicere, ubi rebus expensis causa iusta credatur, si legitimam super ipsos generale concilium jurisdictionem habeat? Hoc œcumenicæ synodi testimonium nulli obnoxium controversiæ quantum præstet aliis quibuslibet posterioris ævi, & inferioris multo, aut nutantis auctoritatis, quæ ab adversariis opponi solent, facile est judicare. Hic certe generalis Concilii canon, quo Romani Pontifices ab œcumenicæ quoque synodi sententia atque jurisdictione subtrahuntur, fatis superque omnem excessus, aut assentationis notam detergit ab eo generali axiomate, *Prima sedes non judicatur a quoquam*, quod ex antiquitate ac ex quodam principio naturali depromptum, generalis quoque concilii jus in summorum Pontificum personas evidenter excludit. Ea vero Bossueti explicatio, qua eundem octavi Concilii

De illo axioma Prima sedes a nemine judicatur.

lib. 10. De sens. c. 21.

cano.

canonem restringendum putat ad eos casus, de quibus Photius contra Nicolaum Pontificem egit, haudquaquam congruit generalibus illius canonis verbis, quæ de quibuscunque controversiis & casibus circa Romanam Ecclesiam aut summos Pontifices aliquando excitandis, & ad œcumenicam synodum asserendis generalem regulam constituunt. Neque cum eodem Meldenſi Episcopo reponas, ipsum canonem accipiendum de casibus vulgaribus & ordinariis, quorum causa convocatione synodi generalis Pontificiam majestatem laceſſere *esset revera impudentissimum*; non autem intelligendum de casibus extraordinariis a Constantiensi synodo memoratis, in quibus tantum regulam pluribus in locis pronuntiat. Id enim etsi in speciem conciliaris auctoritatis restrictionem ac moderationem præſerat; \*re tamen cum principiis juris non convenit. Si enim Concilio generaliter per se jus esset supra Papam in extraordinariis casibus; nonne in ordinariis & minoris momenti multo magis? neque enim ex causarum qualitate extraordinaria vel ordinaria supremi judicis jurisdictione pendet; nec qui in extraordinariis & gravioribus causis superior legitimus est, in vulgaribus desinit esse superior. Id vero magis multo dicendum, si non agatur de generali Synodo convocanda ob casum vulgarem & ordinarium, cujus causa omnes Ecclesiæ convocatione generali non essent commovendæ, sed agatur, ut canon loquitur, *de œcumenica synodo collecta*, & ad quam quæstio delata, in discussionem etiam sit adducenda, ut innuunt illa: *Licebit cum decenti reverentia de proposita quæstione veneranter percontari, responsumque admittere* &c. Cur in hac quæstione, quæ non versaretur circa casus extraordinarios in Constantiensi indicatos, impudens dici potuisset, generale concilium contra senioris Romæ Pontifices sententiam dicere, si Patres credidissent ipsam generalem synodum per se jus habere supra Romanos Pontifices? Quot minores aliorum Episcoporum causæ inter extraordinarios casus non referendæ in generalibus synodis fuerunt definitæ? In causis autem circa sedem Apostolicam aut Romanos Pontifices in hypothesi, qua non solum delatæ essent ad œcumenicam synodam jam collectam, sed ad examen etiam deductæ; num impudentiæ adscribi possent

\*Confer in-  
fra c. 9. n. 2.

set sententia, quam cognita causa superior in inferiorem ferret? Hæc utique generalis censura canone laudato alia de causa afficta non fuit, nisi quia generali quoque concilio jus per se in Romanos Antistites nullum competere crediderunt octavæ œcumenicæ synodi Patres, qui cum fere Orientales fuerint, quanto magis ab omni præjudicio & affectu liberi, tanto minus suspecti esse queunt.

## §. II.

*De gestis synodorum particularium, ac de aliquot insignioribus testimoniis quæ præiverunt schismati sæculi XIV. conciliisque Pisano & Constantiensi.*

8. Quodsi nulla generalium synodorum testimonia aut gesta adversariorum sententiæ profunt; multo minus suffragari poterunt particularium synodorum gesta. Cum enim ex constitutis in Constantiensi, adversariis quoque confidentibus, certum omnino sit particulares synodos, sicut & ecclesias particulares subesse auctoritati summorum Pontificum; nullæ profecto ejusmodi synodi possunt legitimam in ipsos jurisdictionem exercere, ne simul eidem subesse & præesse dicantur: ex quo Bossuetus ultro concessit, Romanos Pontifices, etiamsi peccasse videantur, non tamen subesse particulari concilio. Hac de causa quæ aliquando a conciliis non generalibus gesta leguntur circa summos Pontifices aliquot criminibus accusatos, etsi valere potuerunt ad vindicandam probandamque eorum innocentiam, accusatorum autem pravitatem declarandam; ad ipsorum tamen conciliorum jus in illos adstruendum nihil conferre queunt. Hinc quoque irritæ omnino habendæ nonnullæ depositiones Pontificum a particularibus synodis, seu verius Pseudo-synodis gestæ. Quodsi ipsi summi Pontifices sua innocentia confisi se se particularis synodi judicio voluntarie

*Vid. proam.  
huj. operis, &  
c. 4. n. 9.*

*Lib. 11. De  
sens. c. 4. t. 2.  
pag. 260.*



rie subjiciant; id voluntati ipsorum Pontificum, non autem juri ejusdem synodi tribuendum erit; ut declaravit Romana synodus, quam in causa Leonis III. congregandam Carolus magnus censuit: *Visum est piissimo Principi, & universis Episcopis, & sanctis Patribus, qui ibi adfuerunt, ut si ejus (summi Pontificis) VOLUNTAS fuisset, & ipse petiisset, non tamen per eorum judicium, sed SPONTANEA VOLUNTATE se purificare debuisset: & ita factum est.* Verba sunt Annalistæ Lambeciani, qui eo tempore vixit. Hac eadem ratione se quoque purgare voluit S. Pontifex Damasus, cum calumniis impetitus, ad *prædicandam Episcopis conscientiam severioribus SE DEDIT IPSE* judicii sacerdotum, uti testantur Romani Concilii Patres in litteris ad Gratianum & Valentinianum Imperatores: *Severioribus, inquit, judiciis, quia in synodalibus judiciis non ea solum fuerant expensa, quæ accusator protulit, sed mores etiam accusati, ac tota vitæ ejus ratio ad calculos revocata: unde additur: A quibus non nominis, sed etiam morum ratio pensatur, ne quis iterum calumniator existens, dum memoratum conatur appetere, virum quidem ipsum non queat lædere, quem innocentia sua munit.*

*Epist. 6. inter  
Damasum apud  
Constant. n.  
10.*

9. Si porro considerentur quæ in particularibus, nec illegitimis ejusmodi synodis evenerunt, deprehendetur magis magisque confirmari illud principium, quo summorum Pontificum auctoritas omnibus eminens nulli Ecclesiasticæ potestati subjicitur. Notæ sunt accusationes in Symmachum Papam ad Romanam synodum III. impellente etiam Theodorico Rege delatæ; Episcopi autem ejus synodi hoc judicium sibi non competere ea de causa declararunt, quia *Nec antedictæ (Romanæ) sedis Antistes minorum subjacuisse judicii in propositione simili facile forma aliqua testaretur: quibus verbis & principium laudatum proferunt, hocce judicium minoribus seu inferioribus in superiorem suum nequaquam competere, & præterea addunt nullo anteriorum temporum exemplo id probatum iri. Licet vero ipse Symmachus se se illorum judicio subjecisset, affectu purgationis suum culmen humilians, paratus coram illis causam agere (non quod jus supra se aliquod in synodi Episcopis agnosceret, sed ut hac purgatione innocentiam suam palam faceret);*

ceret); adhuc tamen illi solum Deum summis Pontificibus superiorem rati, totam causam Dei iudicio reseruant, arbitrio divino remisissent.

10. Idem principium ingessit etiam Ennodius postea Episcopus Ticinensis in ejusdem Symmachi Apologia scribens: *Si vera est Episcoporum assertio, sedis Apostolicæ Præsules minorum nunquam subjacuisse sententiæ, cur ad iudicium districta conventionem productus est? Numquid gloriabatur securis contra eum, qui secat in ea? Et post aliquanto laudata Pontificis humilitate, qua venerando concilio auctoritatem etiam contra se, si mereretur, indulget, summi Pontificis causas a Deo ipso suo iudicio reservatas pronuntiat: Aliorum forte hominum causas Deus voluerit per homines terminare. Sedis istius Præsulem suo sine quaestione reservavit arbitrio.*

Epist. 31.

11. Ne vero Ennodii Ticinensis, aut Romanæ synodi verba in favoris & gratiæ suspensionem adducantur, subdam testimonium Aviti Archiepiscopi Viennensis; quod totius gallicanæ ecclesiæ sententiam & principium cunctis nationibus naturali lumine notum similiter protulit in eadem Symmachi causa. Primo omnium Gallicanorum nomine scribens ad Senatores Urbis ait: *A cunctis Gallicanis fratribus meis ad hoc ipsum non minus per mandata, quam per litteras oneratus; quacumque vobis omnes ambimus, unus suggerenda suscepi.* Tum omnium item nomine conqueritur concilium congregatum fuisse in causa Pontificis memorati, qui si sæculo primum fuerat accusatus, Consacerdotum suorum solatium potius asciscere, quam recipere debuisset iudicium: & rationem subjicit: *Quia sicut subditos nos esse terrenis potestatibus jubet arbiter cæli, staturos ante Reges & Principes in quacumque occasione prædicens; ita non facile datur intelligi, qua vel ratione vel lege ab inferioribus eminentior iudicetur. Audin', nec ex ratione naturali, nec ex lege ulla posse inferiores de superiori judicare?*

12. Hoc idem principium satis indicavit etiam S. Nicolaus I. in epistola 8. ad Michaellem Imperatorem scribens: *Cum secundum canones, ubi est major auctoritas, iudicium inferiorum sit deferendum, ad dissolvendum scilicet, vel ad roborandum; patet profecto sedis Apostolicæ, cujus aucto-*

*auctoritate major non est; judicium a nemine fore retrahendum; nec cuiquam de ejus licet judicare judicio. Eadem scilicet est de judiciis Pontificum, ac de ipsorum personis ratio, ita ut nemini inferiori competat de illorum, qui majoris auctoritatis sunt, sententiis vel personis judicare.*

13. Hoc quoque principium, quo summi Pontifices a quolibet Ecclesiastico judicio subducuntur, cum ex primatu toti Ecclesiae superiores sint, non obscure significavit Quintilinenburgense concilium, de quo hæc referre libet ex cœvo scriptore Bertoldo presbytero Constantiensi in Appendice ad Hermannum Contractum ad an. 1085. *Cum omnes juxta ordinem suum consedisent, prolata sunt in medium decreta SS. Patrum de primatu sedis Apostolicæ &c. Qui am Barbeugensis clericus nomine Cunibertus, Romani Pontificis primatui derogare volens, in mediam synodum se contulit afferens Romanos Pontifices hunc sibi primatum ascripsisse, non aliunde concessum hereditasse, videlicet ut nullus de eorum judicio judicare debeat, nec illi alicujus judicio subiaceant. Qui cum apertè a tota synodo confutaretur, præcipue tamen a quodam laico convicius est per illud Evangelicum, Non est discipulus supra magistrum. Cum enim hoc generaliter in omnibus Ecclesiasticis ordinibus observandum deputetur, NE MAIOR A MINORE JUDICETUR: qui hoc Vicario Sancti Petri denegare potuit, quem omnes catholici pro Domino & magistro venerantur? Non solum præmissa primatus ratio, sed etiam Evangelicum illud, Non est discipulus supra magistrum, referuntur ad principium omni jure notum, quo superior ab inferiorum jurisdictione eximitur.*

14. Hanc eandem doctrinam viguisse etiam apud Gallicanos sæculo XII. ex Ivone Episcopo Carnotensi discimus. Privilegium de investituris a Paschali II., per vim licet extortum, magnas toto Christiano orbe turbas excitaverat, multisque hæc quæstio ad fidem pertinere videbatur. Hac de causa aliquot Episcopi zelo permoti eundem Pontificem duxerunt excitandum, ut ipsum privilegium revocaret. Guido Viennensis Archiepiscopus & Apostolicæ sedis legatus an. 1112. coactò in sua Metropoli provinciali concilio, in quo aderant S. Hugo Gratianopolitanus &

S. Godefridus Ambianensis Episcopi, idem privilegium rescidit; & data ad Pontificem epistola una cum synodi decretis, quibus omnes privilegium resciderant, confirmationem omnium nomine petiit hac comminatione addita: *Si, quod minime credimus, aliam viam aggredi cœperitis, & nostræ paternitatis assertiones roborare nolueritis; propitius sit nobis Deus, quia nos a vestra obedientia repaletis.* Id autem et si aliquid schismatis redolet, non tamen jus aliquod in Pontificem indicat. Ita vero nihilominus exor-

\* *Dissert. 4.*  
*in sec. XII.*  
*art. 12.*

*Epist. 233.*  
*ad Henricum*  
*Abbatem.*

*Matth. 23.*

bitans Ivoni visum est, ut (quod P. Natalis Alexander notavit) summo Pontifici erranti non minas scissuræ intentandas, nec de eo aut contra eum ab inferioribus ferendum iudicium, sed meris caritativæ correctionis suasionibus cum ipso agendum scripserit: *Quia verenda patris debemus potius velare quam nudare; familiaribus & caritatem redolentibus litteris admonendus mihi videtur, ut se iudicet, aut factum suum retrahat. Quod si fecerit, reseramus Deo gratias, ac gaudeat nobiscum omnis Ecclesia, quæ graviter languet, dum caput ejus laborat tanta molestia. Si autem in hoc languore insanabiliter ægrotaverit, NON EST NOSTRUM JUDICARE DE SUMMO PONTIFICE. Habemus enim Evangelicam sententiam, quæ securos hos (al. nos) facit: Super cathedram Moysi sederunt Scribæ & Pharisei. Quæ dicunt, servate & facite: secundum vero opera eorum nolite facere. Vult enim hæc sententia præcepta præsentium ad cathedram pertinentia obedienter impleri (etiamsi tales sint, quales erant Pharisei) non eos factio/a conspiratione a suis sedibus removeri. Si vero ea præcipiant, quæ sint contra doctrinam Evangelicam vel Apostolicam, ibi non esse eis obediendum exemplo docemur Pauli Apostoli, qui Petro sibi prælato non recte incedenti ad veritatem Evangelii in faciem resistit, non tamen eum abiecit.*

15, Cum ob hanc eandem quæstionem sub idem tempus convocatum fuisset Lugdunensis provinciæ Concilium, & ad ipsum invitati fuissent etiam Episcopi provinciæ Senonensis, inter quos erat laudatus Carnotensis Episcopus Ivo, horum omnium nomine scripta fuit epistola ad Joannem, seu melius cum Norisio ad Jotseranum Lugdunensis primæ sedis Archiepiscopum, in qua illi inter rationes

\* *Noris Istor.*  
*de Re Investit.*  
*t. 3. Oper. col.*  
*455. a.*

tiones; cur ad synodum non accederent, hanc tertio loco posuerunt, quia in eadem synodo de privilegio Romani Pontificis decernendum erat, quod inferiorum potestati non convenit: non videtur nobis utile consilium ad illa concilia convenire, in quibus non possumus eas personas, contra quas agitur, condemnare vel judicare: quia nec nostro, nec ullius hominum probantur subiacere iudicio. Et post pauca: Hæc dicentes non instruimus prudentiam vestram, sed excusamus innocentiam nostram, quia & principales Ecclesiæ claves nolumus potestate sua privare, quæcumque persona vices Petri habeat, nisi manifeste ab Evangelica veritate discedat. Haud credo Joannem, seu Jotseranum, qui non solum Lugdunensis erat Archiepiscopus, verum etiam Pontificia Legatione fungebatur, quicquam tentare voluisse in personam Pontificis, sed tantum de privilegio, quod extortum fuerat, iudicium a Viennensi non dissimile edendum putasse, quo Papa ad revocationem conjunctis cum Viennensi stimulis impelleretur. At ratio ab Ivone principium comprobatur quod statuimus, neminem Episcoporum, nullumque concilium sibi arrogare posse neque hac nec quacumque alia de causa personam Pontificis sua auctoritate ac dignitate spoliare, quia nullus ipsi superior est: cui rationi cum in responsione satis proluxa ad Ivonem idem Archiepiscopus, qui ceteris, ut potuit, respondit, nihil reposuerit; eandem satis certam & ipse cognovisse videtur. Notanda autem exceptio, qua eo solo casu posse privari potestate clavium ipsum Pontificem innuit, si manifeste ab Evangelica veritate discedat; nimirum ob hæresis manifestæ crimen, quo cum a Pontificatu ipso facto decidens Pontifex amplius non esset, nihil mirum si subiectus concilio, potestate clavium spoliari, seu potius spoliatus atque depositus posset declarari, ut pluribus explicabitur c. 2. §. 2.

16. Eandem exemptionem summorum Pontificum ab omnium hominum iudicio confessus est etiam Philippus, qui de imperio certabat cum Ottone: sic enim scripsit ad Innocentium III. in epistola apud Raynaldum an. 1206. num. 16. Si nos in aliquo vos, vel Romanam Ecclesiam offendisse videamur nos pro honore Domini nostri Jesu Christi, cujus vicem in terris geritis, & ob reverentiam B. Petri

Epist. 236.  
Ivonis.

*Petri Principis Apostolorum, cujus vicarius estis, & ob salutem nostram nos ad satisfaciendum vobis supponimus. Si vero vos in aliquo nos vel imperium lassisse videmini; conscientiae vestrae super iis vos relinquimus. Cum enim nos pie credamus & ante passionem & post passionem Dominum nostrum Jesum Christum B. Petro claves regni caelorum contulisse, & tradidisse jus ligandi atque solvendi; scimus & protestamur, quod vos, qui in locum suum cum plenitudine potestatis successistis, in hujusmodi articulis ab homine non estis judicandus, sed judicium vestrum soli Deo reservatur, cujus judicium & examen, quod sibi soli debetur, nobis non quaerimus usurpare. Qui judicium de summis Pontificibus soli Deo reservatum juxta antiquorum traditionem affirmavit; eosdem exemptos procul dubio censuit a quorumcumque etiam generalium conciliorum judicio. Mirum autem maxime accideret, si quidam adversarii eam S. Cypriani sententiam, qua in concilio Carthaginensi III. pronuntiavit judicia de Episcopis soli Deo reservata, ingererent atque laudarent, ut ipsos Episcopos a Romani Pontificis judicio subducerent, in reprehensionem autem vocarent non dissimilem Ivonis aliorumque doctrinam, qua Romanus Pontifex subtrahitur a judicio Episcoporum, quibus ille jure primatus superior est.*

*Confer Vindicias in Febronium c. 8.*

*§. 4.*

17. Sub hoc tempus audiri coeperunt appellationes a decretis Pontificum ad generale concilium. Sed catholici, qui sic appellarunt, cum non intellexerunt concilium generale, quod careret consensu Pontificis; tum non cogitarunt concilium, quod vim coactivam haberet in eundem etiam invitum quasi subiectum & inferiorem concilio, nec ad eum, si opus esset, deponendum; unde appellationes ejusmodi eo consilio tantum interpositae, ut in quibusdam gravaminibus opem Patrum concilii quaererent, non vero quasi jus istis in summum Pontificem esse arbitrarentur, tamquam extraneae a nostro proposito praetermittendae sunt; jureque Petrus de Marca veri nominis appellationes a Papa ad synodum oecumenicam quoad catholicos a veteri disciplina alienas prodidit. Hujus generis appellationes in remedium gravaminum propius novam causae recognitionem requirunt, quae vel olim supremi Principis indulgentia concedebatur, ut eadem auctoritate, qua gravamen illatum fuit,

fuit, tolleretur, nec superiore auctoritate opus esset.

18. Ad hanc speciem procul dubio referenda pariter est illa appellatio, quam occasione celeberrimi dissidii inter Bonifacium VIII. & Philippum Regem, Galli a decretis ejusdem Pontificis interpoluerunt non solum ad generale concilium, verum etiam ad futurum indubitatum parisque cum Bonifacio auctoritatis Pontificem, quæ ab inferiori ad superiorem delata dici nequit. Neque ob provocationem primo loco ad concilium generale hujus auctoritas auctoritate Pontificia superior habebatur ab illis Gallicanis, qui in ejusmodi synodis ad decretorum robur ac vim requirebant assensum Pontificis, ut liquet \* ex libello a Bonifacii accusatoribus oblato Clementi V. ubi significant, ad damnandam, uti petebant, Bonifacii memoriam haud esse opus generali concilio, sed sufficere solius Pontificis auctoritatem, hac ratione allata: *Esse enim vos, Pater sanctissime, Jesu Christi Vicarius totam Ecclesiam repræsentans, qui claves regni cælorum habetis: nec congregatum TOTUM GENERALE CONCILIUM SINE VOBIS, ET NISI PER VOS potest cognoscere de negotio.* Cur autem iidem Galli appellationem ad Papam vocarint appellationem ad futurum indubitatum, seu verum & legitimum Pontificem, qualem habuerunt Bonifacii VIII. successorem Clementem V. ea de causa factum est, quia dubium inter ipsos excitatum fuerat, num vivente Cœlestino V. quem non potuisse pontificatui renunciare quidam censebant, ipsius Bonifacii legitima fuisset electio. Hoc quidem dubium erat inane: definitum enim fuerat Cœlestini constitutione licitum esse etiam summo Pontifici renunciare; idque confirmatum alia constitutione Bonifacii VIII. in sextum librum decretalium inserta, & a tota Ecclesia recepta, sicut & Bonifacius ipse tamquam legitimus ab eadem Ecclesia receptus fuit. Addi potest in confirmationem Paschalis I. auctoritas & exemplum. Hic enim jamdiu ante Cœlestinum in Pontianam insulam secedens, pontificatui renunciare se posse credidit, ipsamque renuntiationem iterum in concilio Lateranensi publice declaravit, ut ex duobus cœvis scriptoribus Sugerio & Hildeberto refert \* Cardinalis Norisius; nec reassumpsit Ecclesiæ regimen, nisi prius e solitudine revocatus a Romanis, dein precibus eorum cessisset.

\* *Extat inter probationes historie hujus dissidii.*

Num liceat pontificatum renunciare.

\* *Istor. de Eccl. Investit. t. 5. Oper. col. 444. & seqq.*

Ballerinius de Potestat. Eccl.

L

19. Lu-



19. Interim dum Bonifacius VIII. Anagninæ esset, Galliæ Rex Guillelmo de Nogareto, qui in Italia erat, in mandatis dederat, ut concilii generalis convocationem ab se & a Gallicanis expetitam, nec non eorum appellationem ad ipsum concilium illi coram significaret: nam *ad hoc duntaxat* mandatum acceperat, ut Nangii Continuator testatur. Verum ille mandati limites prætergressus, conspiratione facta cum conjuratis, ipsum Papam appellatione denunciata captivum fecit, ut in Galliam ad concilium adduceret. Sed ereptus post triduum e conjuratorum manibus, Romæque receptus, cum mox lethali morbo e vivis excessisset, nihil de appellatione ad generale concilium agendum fuit; satiusque visum est agere cum successoribus ejus, ad quos pariter fuerat provocatum. Et primo, quidem immediatus Bonifacii successor Benedictus XI, ad quem missa tum a Rege, tum a Clero Gallicano legatio, ipsi Regi nec petenti excommunicationem relaxavit, resciditque quidquid Bonifacius in Regis, regnique dignitatem statuerat. Dein mortuo post paucos menses Benedicto, Clemens V. isti susceptus, omnia Bonifacii occasione ejusdem dissidii gesta atque decreta erasit, ut ex istis Regestis Raynaldus probat. Nihil hic tentatum de Bonifacii depositione, sed de rescissione decretorum, quæ regiis juribus obesse visa sunt. Solum Joannes de Parisiis in libro, quem *De potestate regia & Papali* ob idem dissidium lucubravit, primus, quem invenerim, depositionis indicium præbuit. In memorato enim dissidio inter Bonifacium & Regem Galliæ Pontificis deponendi facultatem non obscure attribuit non solum generali concilio, sed etiam Cardinalium (4) Collegio, im-

mo

(4) Potestatem Collegii Cardinalium in depositionem summi Pontificis hac ratione adscribit, quia ex quo consensus eorum facit Papam loco Ecclesie, videtur quod simpliciter possit eum deponere, siquidem fuerit causa rationalis. Hæc vero ratio cum pontificatus seu

primatus collationem tribuat Cardinalibus electoribus ipsius Pontificis, qui primatu expertes nequeunt ipsum electo tribuere, evidenter falsa est. Esto enim illi Papam eligant sede vacante, hac tamen electione tamquam conditione posita, non ipsi, sed Deus pri-

mo & ipsi Principi sæculari, at *indirecte* tantum, (5) subtrahendo scilicet subditos ab obedientia Papæ etiam certi, si *esset criminofus, & scandalizaret Ecclesiam, & incorrigibilis esset, inhibendo omnibus & singulis, ut nullus obedi-  
 ret vel serviret Papæ; unde compelleretur cedere.* Hanc vero sententiam idem Gallicanus Theologus non absolute decidendo, sed potius inquirendo & opinando paucis indicavit: nullumque alium (quem noverim) vel inter Gallos ob Bonifacii gesta (6) male animatos suffragatorem tunc habuit. Non defuisse quidem inter Gallicanos hujus quoque temporis Theologos, qui antiquam tenerent sententiam quoad ipsum generale concilium, liquet inter cetera ex (7) opusculo tempore ejusdem dissidii scripto, ubi auctor utique Gallicanus aperte professus est, Pontificatum a nullo homine posse adimi summo Pontifici, quia omnes etiam co-

L 2

acti

matum divini juris electo confert, ex quo cum Papa electoribus fiat superior jure divino, nequit ab ipsis judicari atque deponi. Hac quidem in re neque adversarii nostri repugnabunt, quippe qui solum generale Concilium universam Ecclesiam representans summis Pontificibus jurisdictione præstare, eosdemque posse deponere arbitrantur. Neque illud ipsum Collegium Cardinalium utriusque obedientiæ, qui tempore schismatis paullo post memorandi duos de papatu contententes deponendos censuerunt, hanc sibi potestatem attribuisse ausum est, sed in id generale synodum Pisæ convocandam censuit.

(5) Subtractio obedientiæ a Papa, non tamen juris certi, sed dubii, ut in obscurissimis schismatis circumstantiis acci-

dit, illa via est, quam ad ipsum schisma auferendum Rex Galliæ duxit recipiendam in conventu Parisiensi an. 1398. Vide tom. 15. Concil. Ven. edit. Coleti col. 1072.

(6) Nihil itaque mirum, si sub hujus gravissimi dissidii tempus, Gallicanis in Bonifacium VIII. male animatis, sicut semina sparsa fuerunt, ex quibus subsequutum pertinacissimum ac exitiosum schisma originem duxit; ita principia quædam auctoritati Apostolicæ minus obsequentia apud nonnullos Gallos audiri cæperunt, uti sunt illa Joannis Parisiensis, & alia nonnulla Durandi Episcopi Mimatensis.

(7) Huic opusculo titulus est: *Rationes, ex quibus probatur, quod Bonifacius legitime ingredi non potuit Cælestino vivente.*

acti in Concilio Papa inferiores sunt. En ipsa illius verba, quæ in memorato opusculò leguntur pag. 453. *Summus Hierarcha Romanus Pontifex superior est omnibus, ipse verus prælatus & pastor est Domini gregis &c. Subditorum subtractio nullo modo cadit in summum Hierarcham, nec possibile est per hominem sibi subtrahi subditos, quoniam non habet superiorem in terris; sed omnis anima sibi subdita est, ejusque curæ commissa, neque a quopiam judicari potest, sed cunctos judicaturus a nemine judicandus est, nisi deprehendatur a fide devius: & hæc superioritas non est humano privilegio, sed divino, a quo est institutio, & qui sibi pascendi gregis curam commisit. Onini enim Clero & populo IN UNUM CONGREGATO manet obsequendi sibi necessitas, & non auctoritas imperandi. Ex hac itaque gestorum serie, quam ex antiquitate deduximus, apparet manifeste, nihil vel sere nihil hætenus inter catholicos potuisse obtinere, quod Pontificiam auctoritatem cuiquam Ecclesiasticæ jurisdictioni subjeceret, sed semper apud ipsos valuisse principium illud, quod antiqui variis occasionibus ingesserunt constanter, judicium de summis Pontificibus nemini hominum competere jure primatus, quo cum ipsi superiores sint omnibus, non possunt ab inferioribus judicari.*

### §. III.

*De schismate cujus occasione adversariorum sententia orta est paullo ante synodos Pisanam & Constantiensem.*

20. Solum tempore pertinacissimi ejus schismatis, quod post electionem Urbani VI. per annos sere quadraginta discidit Ecclesiam, de subjiendis contententibus jurisdictioni concilii œcumenici serio cogitari cœpit. Sed jurisdictio ejusmodi in eosdem adeo nova visa est, & primatus ratio  
ni

hi a majoribus traditæ adeo contraria, ut non facile fuerit hanc sententiam recipere firmoque decreto statuere. Generalis quidem concilii auctoritatem initio ejusdem schismatis agnoscens ipse Urbanus ac tres Cardinales Itali, (8) convocationem faciendam proposuerunt Cardinalibus Gallicanis, ut statim synodi judicio schisma impeditur: (9) iterumque post electionem Clementis ad comprimendum schisma hac electione conflatum ipsam generalem synodum statim indicendam & congregandam postularunt. Hac autem convocatione illud unum jus tribuendum erat concilio, quod & ab antiquis probatum fuit, nimirum (10) cognoscere & judicare, num & cujus electio fuerit legitima, ut recipere ab omnibus legitime electus, & reprimeretur intrusus: quod nullum coactivum jus concilio in verum legitimumque Pontificem, sed in intrusum tantummodo vindicat. Cum vero Gallicani Cardinales huic convocationi (11) se semper opposuissent, ad alia remedia confugiendum fuit. In id variae consultationes, & aliquot concilia, seu conventus præsertim Gallicani habiti sunt; in quibus dum aliæ atque aliæ viæ schismatis excindendi fuissent propositæ, & incassum cessissent; ita res inquirendo & disputando in plures annos distracta, & involuta fuit implicatissimis difficultatibus juris & facti, ut spe omni sublata decidendi, cujusnam contententis legitima fuisset electio, necessarium visum fuerit jus asserere generali concilio ad deponendos etiam contententes, si alias vias æquas refugerent.

12. Hoc consilium primi proposuerunt Gallicani Do-  
ctores

(8) Raynald. an. 1378. n. 42. & 43. pag. 331. ubi Itali Cardinales scribentes ad Urbanum; dum se cum Cardinalibus Gallicanis de convocanda synodo loquutos affirmant *juxta conductu coram vestra presentia*, Urbanum ipsum hac in re consentientem significant.

(9) Idem ann. 1379. num. 2.  
& 3.

(10) De hac quaestione agendum ac decidendum in concilio liquet ex documento apud eundem Raynaldum an. 1379. num. 4. pag. 371.

(11) Raynald. loc. cit.

dores Universitatis Parisiensis an. 1395. id est annis decem & octo post exortum schisma, cum ob recusatam a Benedicto XIII, cui adhærebant, viam omnium optimam re-nuntiationis, inter quæstiones varias hanc octavo loco discutiendam posuere: (12) *Utrum Papa subjiciatur concilio generali suæ obedientiæ in casu recusatæ prædictæ cum se-quelâ usque ad depositionem inclusive in casu pertinaciæ.* Adhuc tamen hoc jus generali concilio tribuere multis dis-sentientibus non statim obtinuit; dilataque res usque ad an. 1409. quo synodus Pisis celebrata fuit: in qua nihilomi-nus Patres non ausi sunt quemquam e duobus contendenti-bus sua auctoritate deponere, nisi postquam eos alio titu-lo depositos ex communi sententia existimarunt: sicuti et-iam in Constantiensi evenit, ut ex sequentibus capitibus pa-tescet. Ipsa quidem novitas opinionis, quæ jus coactivum deponendi contententes in schismate concilio quantum-vis generali tribuens, in tota antiquitate nulla congrua auctoritate, nullo exemplo fulcitur, satis per se ipsius opi-nionis falsitatem detegit. Ne vero moveant earumdem synodorum Pisanae & Constantiensis gesta, quibus adversarii maxime insistant; quænam vis auctoritatis hac in re iis-dem synodis tribuenda sit, enucleatius expendendum est.

---

(12) Idem an. 1395. n. 9. pag. 390.



## CAPUT VI.

Num Pisana synodus celebrata ad excindendum schisma, fuerit certo œcumenica. Cur gesta ejusdem, ac depositionis sententia in duos contententes edita adversariorum opinioni nihil prosint, sed potius obsint, confirmentque antiquam sententiam, quæ generali quoque concilio jus supra Pontifices denegat.

I. **S**I affirmem ex Pisana synodo nihil certæ auctoritatis deduci posse, ut certum asseratur jus conciliorum generalium supra Romanos Pontifices, nemo facile revincere poterit. Ideo certam auctoritatem ex ea synodo adversarii colligendam existimant, quia ipsam œcumenicam fuisse arbitrantur: frustra enim certum argumentum quærerent ex particulari, seu non generali concilio, quod juri Pontificio subiectum, ex eorundem adversariorum principiis \* nihil supra Pontifices posset. \* *Vid. proœmum.* Ut autem statuatur aliquam synodum esse vere œcumenicam, tria sunt decernenda. Primo a quonam concilium vere œcumenicum sit convocandum: secundo quot & quanam Episcopi debeant in eo convenire, ut sit & dicatur vere œcumenicum: tertio quot & quorum Episcoporum in eo convenientium suffragia in unum confluentia sint necessaria, ut decreta vim generalis concilii obtineant.

## §. I.

*De jure convocandi Concilia generalia.*

2. Quoad primum, cum concilium generale ex tota catholica Ecclesia sit convocandum, ad eos tantum pertinere potest jus convocandi, quibus in totam Ecclesiam, & in omnes totius Ecclesiæ Episcopos jurisdictio competit. Quodsi convocandarum synodorum jus in spirituale bonum Ecclesiæ refertur ad potestatem clavium; negari a quopiam non poterit quin summo Pontifici, cui ratione primatus competit jus & potestas clavium in universam Ecclesiam, ob eundem primatum competat quoque jus indicendi synodos generales: quod jus si tribuendum est etiam conciliis generalibus, quæ pariter jus habent in universam Ecclesiam, id rarissimis in casibus accidet, nec in indictione ab istis conciliis facienda deerit umquam auctoritas summi Pontificis, quæ generalium synodorum gestis, ut rata sint, semper necessaria est. Papæ quidem hoc jus convocandi concilia generalia competere nemo adversariorum negat; immo inter præcipuas ejus prærogativas ac jura ratione primatus hoc esse fatentur, synodos œcumenicas; quando expediat vel necesse sit, indicare, & ad eas Episcopos e tota Ecclesia convocare. In Constantiensi quoque tres nationes Italica, Gallicana, & Hispanica convocationem synodorum ejusmodi, ut legitimæ haberentur, a Papa esse faciendam adeo necessarium crediderunt, ut protestatæ fue-

*T. 16. Concil. rint: Vix congregaretur indubitatum concilium deficiente ca-*  
*edit. Ven. col. pite, ad quod pertinet convocare.*

*692. c.*

4. Quodsi antiquæ synodi generales fere fuerunt indictæ ab Imperatoribus, quorum ditioni olim suberant fere omnes totius Ecclesiæ partes; id non ex jure proprio clavium Ecclesiæ, quæ illis non fuerunt a Christo traditæ, sed ex zelo, quo favere & consulere volebant Ecclesiæ ac fidei contra



contra exortas hæreses, conspire dissensiones & auctoritate conciliorum scandalis obviam ire, præstito, ubi opus esset, sumptuum subsidio: cui indictioni atque consilio summi Pontifices amuentes præbuerant assensum, & legatos ad synodos direxerunt, quo satis de legitima convocacione cautum fuit. Ita ex gr. Chalcedonensi synodo indicta a Marciano Imperatore S. Leone inconsulto, cum ad hujus notitiam venit indictio, statim assensit, ne videretur optimo ejus consilio repugnare, & legatos qui suo nomine præsiderent transmissit, Quicumque porro alius cujusvis gradus & dignitatis Ecclesiasticæ, at expertus juris in universam Ecclesiam, generalem synodum convocaret; hæc indictio, quæ ipsius juri non convenit, legitima haberi non posset, nisi accederet subsequens saltém Papæ consensus; multo autem minus, si Papæ dissensus seu contradictio pateret. At enim adversarii fortassis cum Bosueto contentent, in aliqua summa necessitate etiam *renuente Papa concilium absque eo convocari posse*. Num si convocetur ab iis qui carentes jure clavium in totam Ecclesiam, carent quoque jure convocandi totius Ecclesiæ Episcopos; hujusmodi convocatio legitima haberi queat, eo potissimum obistente, cui in totam Ecclesiam jus est, quivis æquus principiorum juris æstimator judicet.

*L. eo ep. 84.  
al. 69.*

## §. II.

*Quinam convenire debeant, ut Concilium sit vere œcumenicum.*

4. Ut autem præscindamus a jure convocandi, negari non posse videtur eam convocacionem (a quocumque fiat) sufficere, quæ si conveniant, quos necesse est convenire, ut constituent concilium vere œcumenicum. Id quætionem secundo loco propositam respicit. Cum concilium generale sit concilium non ex aliqua provincia, vel re-

*Ballerinius de Potestat. Eccl. M gno,*

gno, nec ex aliquot tantum Ecclesiæ partibus, sed ex tota Ecclesia convocatum, quod universam Ecclesiam repræsentat; totiusque Ecclesiæ jurisdictionem continet; omnes quidem Episcopi in unitate Ecclesiæ viventes, quibus in Petro & Apostolis claves cum potestate ligandi & solvendi datæ fuerunt a Christo, eo accedere possunt, ita ut ipsorum nemo excludi queat. Verum cum impossibile sit omnes ibidem adesse, nec expediat, ab omnibus Episcopis integras vastissimasque regiones penitus deseri; satis est habitum, si ex pluribus Ecclesiæ provinciis ad concilium accederent non pauci, & ex nonnullis locis remotioribus aut difficilioribus, saltem aliqui, prout rei, de qua agendum erat, visum fuit expedire; nec creditum fuit quicquam officere, si ex aliquot etiam magnis regionibus nulli nec per se nec per legatos adessent. Hac de causa antiquæ generales synodi habitæ sunt legitimæ & œcumenicæ, tametsi fere ex solis Orientalibus coaluerint, ex Occidentalibus autem fere nulli vel pauci, in quibus tamen semper Romanus vel per se vel per legatos interfuit.

5. Si autem quispiam quærat, cur creditum sit sufficere, si hic unus ex Occidente adesset, dicam paucis: quia hic unus per se totius Ecclesiæ personam gerens (uti pluries ingerit S. Augustinus de S. Petro, cui Romani Pontifices eodem jure succedunt) totam repræsentat Ecclesiam tamquam ejus caput, & peculiari quoque nomine tamquam Patriarcha Occidentis totam repræsentat Occidentalem Ecclesiam. Concilia igitur quæ plurium Episcoporum Orientalium unacum Papa repræsentante totam catholicam, ac præsertim Occidentalem Ecclesiam, jure pro œcumenicis totam catholicam Ecclesiam repræsentantibus, ac totius Ecclesiæ jurisdictionem continentibus habita sunt.

Cur in generali concilio necessarius Papa.

6. Romani quidem Pontificis tanta præ ceteris Episcopis ratio, tantaque in generalibus conciliis necessitas fuit antiquis etiam temporibus habita, ut si abessent alii quicumque etiam Apostolicarum ac Patriarchalium sedium Antistites, nihil præjudicii creatum putaretur concilio œcumenico: Romanus, vero si nec per se nec per legatos adesset, synodus quælibet etiam frequentissima non censeretur œcumenica. Rationem præcipuam indicavit Bossuetus, cum non dubitavit affirmare generale concilium ipsum etiam

I. 2. 10. De  
senj. c. 23. l.  
2. pag. 227.

com-

complecti Papam, & quidem tamquam caput. Sicut enim *Id. sup. c. 4. n. 4. pag. 52.* caput necessarium est integritati corporis; ita Papa tamquam caput Ecclesiæ necessarium est concilio œcumenico, quod universam Ecclesiam repræsentat, quo quidem capite si careret, corpus esset monstrosum atque acephalum. Quodsi negari non potest, nec revocari in dubium quin ipsi capiti competat generali concilio præsidere; qua de causa Patres Chalcedonenses confessi sunt Leonem Papam sibi præfuisse, quemadmodum caput membris præest; quis non videat parem rationem haberi non potuisse de alio quocumque majorum sedium Episcopo, qui non ita universalis Ecclesiæ atque concilii generalis caput constitutus dici potest, uti Papa ex institutione Christi constitutus fuit?

7. Hanc eamdem hujusce capitis necessitatem alia efficaciori ratione insinuant Parisienses, de quibus hæc laudatus Bossuetus prodidit: *Parisienses uliro (1) consentiunt, Dissert. præ- via Defens. §. 34. pag. 74.* ex antiquissimis regulis synodos generales absque Romano Pontifice nullas esse & irritas. Adeo igitur necessarium est in generalibus conciliis istud totius catholicæ Ecclesiæ caput, ut sine ipso nulla & irrita futura sint, quæcumque in illis absque eo agerentur. Id innuit necessitatem Pontificiæ auctoritatis atque consensus, ut decreta quæcumque in ipsis edita vim & auctoritatem generalis synodi obtineant, quod tertiæ quæstioni solvendæ reliquum est.

## M 2

## §. III.

(1) Hæc sane Parisientium sententia convenit cum illis Gregorii XII. in indictione generalis synodi 6. Nonas Julii an. 1408. (tom. 15. Concil. Ven. edit. col. 1103. d.) quibus pronuntiavit, generale

concilium congregare solius Romani Pontificis esse dignoscitur, sine cujus auctoritate factum, non concilium, sed conciliabulum, aut conventiculum dicitur, id est nullius auctoritatis ac roboris.

## §. III.

*De jure & qualitate suffragii Episcoporum & Papæ in synodis generalibus.*

8. Omnia acta, decreta, vel sententiæ in conciliis edita vel ad fidem pertinent, vel ad disciplinam. In his suffragii jus cuilibet Episcopo competit quidem jure divino, ita ut non meri sint consilarii Papæ, sed <sup>o</sup> veri & proprii conjudices. Papæ autem suffragium ita præstat ceteris, & ita necessarius est ejus consensus, ut absque isto vim non habeant concilii œcumenici propriam acta quæcumque neque in materia fidei, neque in negotiis disciplinæ. Cum id fuisse probaverim cap. 2. 3. & 4. nihil hoc loco addere oportet. Hinc sane ipsi adversarii invictam vim decretorum concilii generalis deducunt ex consensu corporis Episcoporum cum capite, quod Episcopis in concilio adunatis præesse fatendum est ab omnibus \* cum patribus Chalcedonenlibus, & præesse quidem non mera prærogativa ordinis vel honoris, sed jure præcipuo primatus proprio, quo se *coactos* capitis, seu \* Cœlestini litteris professi sunt Ephesini Patres.

\* *Relat. ad Leonem Papam.*

\* *Relat. synodi ad Cœlestinum.*

9. Animadvertere præterea juvât, adeo ex Pontificio præsertim consensu pendere vim generalis Concilii, ut Constantinopolitanum 1. quod licet ex convocatione & Episcopis in ipso coactis fuit generale solius Orientis, non autem totius Ecclesiæ catholicæ, cum nulli occidentales Episcopi in eo convenerint; inter generaliatamen subinde fuerit accensitum quoad symbolum fidei tantum, non vero quoad canones disciplinæ, propterea quod Romana sedes ipsum symbolum tantum recepit. Vide quæ in hanc rem observavimus in tractatu *De antiquis canonum collectionibus* præmisso tom. 3. Operum S. Leonis novissimæ Vene-

tæ

tae editionis part. 2. §. 2. n. 5. & seqq. (2) Et similiter synodus quinta inter generalia Concilia numquam fuisset recensita, nisi Vigilius Papa, qui ejus gestis primo contradixit, \* postea praestitisset assensum.

\* Confer De  
vi primatus  
c. 15. n. 39.

### §. IV.

#### *Cur Pisana synodus auctoritate generalis Concilii careat.*

10. His praemissis, ut de Pisana synodo dicamus, quis certam oecumenicae synodi vim & auctoritatem tribuat concilio in causa schismatis congregato Pisis, quod non ex uno tantum, sed ex tribus memoratis capitibus laborat? Quoad jus convocandi, Pisanam synodum convocarunt Cardinales utriusque obedientiae, quarum una Gregorio XII. altera Benedictum XIII. tamquam verum Pontificem agnoscebat; & convocarunt non solum (3) absque cujusquam istorum assensu, verum etiam cum aperta singulorum reprobatione; ac praeterea convocarunt obsistente simul duplici alia indictione generalis synodi ad duo loca diversa, Gregorius enim XII. Forojulii, Benedictus XIII. Perpiniani concilium celebrandum indixit. Ex hac triplici convocatione in diversas urbes, quis legitimam contendat & probet illam, quam fecerunt Cardinales primatus jure nequaquam

M 3

(2) Assentitur quo ad substantiam Bossuetus lib. 8. *Defens.* c. 3. scribens: Damasi & Romanae synodi consensu Constantinopolitana oecumenica facta est.

(3) Gregorius quidem XII. post synodum Pisanam ipsis suis adversariis concessit plenam & liberam facultatem & potesta-

tem super concilio generali ab omnibus partibus convocando, & locum etiam ad illud celebrandum eligendi: tom. 15. Concil. col. 1109. c.

Sed iis conditionibus hanc facultatem alligavit, quibus non observatis, ea facultas irrita intelligeretur & nulla.

quam præditi, licet reprobata a cujusque obedientiæ Pontificibus, in quibus unus, licet ignotus, verus & legitimus fuisse cap. IX. videbimus? Esto illi Concilium Pisis indixerint bona fide ex necessitate remedii, quod aliunde sperari non posse arbitrabantur: non tamen bona fides nec remedii necessitas poterant convocandi jus illis tribuere, quibus non competebat.

11. Si porro ex numero Episcoporum, qui in concilio conveniunt, de ipsius (si ita loqui liceat) œcumenicitate judicium ferendum sit; etsi plures Pisis convenerint, quam aliis in locis, quæ a duobus contententibus ad generalem synodum celebrandam fuerant præstituta; cum tamen non pauci ex diversis provinciis Pisas non accesserint, sive quod hi suæ cujusque obedientiæ Pontifici, quem legitimo jure præditum bona fide judicabant, parendum crediderint; sive quod Cardinalium convocationem legitimam non existimaverint defectu juris: quomodo Pisana synodus tot Episcopis, ac præsertim capite destituta certo generalis, universamque Ecclesiam repræsentans haberi potest? Nullus scilicet Episcopus adfuit ex Hispania sequente Benedictum XIII. quæ (ut in Constantiensi agebat Cardinalis S. Marci) erat non minor Christianorum portio, quam *Græcia Christiana*. Absuerunt quoque omnes Episcopi Scotiæ, & multi ex Italia ac Germania, adeo ut idem Cardinalis minoret *multas Germanicæ & Italiæ gentes*, quæ in Gregorii XII. obedientia perstabant. Hinc non immerito Jacobus Lensant licet Calvinista in præfatione ad historiam Concilii Pisani confessus est num. 5. si ex nationum numero judicandum sit, idem Concilium non fuisse omnino completum. Quod si Cl. Episcopus Meldensis non dubitavit negare œcumenicum Concilium VI. eo quod absuerint Hispani; qua dein coherencia tribuere potuit nomen & vim œcumenici concilio Pisano, in quo præter Hispanos aliæ *multæ Germaniæ & Italiæ gentes* defuere? Num generalis synodi nomentribuendum, cum rei propriæ interest; cum non juvat negandum?

12. Ego vero cum ex antiquis conciliis celebratis in Oriente observaverim nihili habitum fuisse a Patribus omnium vel fere omnium provinciarum Occidentis defectum, siquidem supplevit Romanns Pontifex totius Ecclesiæ ca-

put

T. 16. Conc.  
col. 34. e

Ibid.

put, qui rebus gestis assensum seu confirmationem præbuit; haud intelligo quo novo jure concedendus credatur titulus oecumenici concilio Pisano, in quo non solum tot Episcopi, sed neuter etiam e contendentibus Pontificibus interfuit, in quibus unum saltem ante depositionem verum & legitimum fuisse negari non potest: & non tantum neuter rebus gestis assensum & confirmationem generali synodo necessariam dedit; sed potius dissensit & contradixit uterque. Neque existimes sufficere confirmationem Alexandri V. qui post depositionem amborum contendentium electus acta hujus synodi approbavit. Si enim hæc synodus ex hætenus observatis certam oecumenici Concilii auctoritatem non habet; Alexandri quoque V. in ea electi auctoritas incerta idoneam confirmationem præbere non poterit. Nihil itaque certi ex Pisana synodo, quæ tot ex capitibus nutat, pro adversariorum sententia suppetit, quod certam oecumenici concilii auctoritatem præferre queat.

13. Hinc sane neque schismatici neque hæretici habiti sunt, qui alterutri contendenti adhuc post Pisanam synodum bona fide adhærebant, & Alexandro V. noluerunt obsequi, nec Pisanam tamquam oecumenicam voluerunt agnoscere. Hac de re initio Constantiensis disputatum vehementer, cum Joannes XXIII. Alexandri successor volebat in ea ratum & oecumenicum propugnari concilium Pisanum, ne sui met electio in dubium vocaretur. At id (4) non potuit obtinere obfistente præsertim Cardinali de Alliaco, qui licet concilii generalis potestati favens, legitimum crederet Pisanum concilium, & omnia in eo canonice gesta; rerum tamen & gestorum veritate victus fateri debuit, non minores difficultates superfuisse post ipsum Pisanum concilium circa electionem Alexandri V. ejusque successoris

(4) Hinc etiam in Constantienti cautum videtur, ne Pisana synodus vocaretur absolute concilium generale; sed congregatio fere appellata: Fuitque ibidem (Pis) magna congregatio,

quam vocarunt concilium generale utriusque obediencie. Vide articulos, quos proposuerunt commissarii concilii circa Benedictum XIII. t. 16. Concil. col. 641. d.



celloris Joannis XXIII. quam illæ fuerant, quæ ante eam synodum dubiam reddebant electionem & auctoritatem duorum contententium Gregorii XII. & Benedicti XIII. ac idcirco nihil exinde superesse certi; sed omnia in dubio hinc inde probabili versari: *Quare*, inquit, *licet concilium*

*T. 16. Concilium (Pisanum) fuerit legitime & canonice celebratum, Ven. edit. col. 38. c.* *& duo olim contententes de papatu iuste & canonice condemnati, & electio D. Alexandri V. fuerit canonice & rite facta, & dicta electio ab illis, qui fuerunt in dicto concilio, fuerit legitime & canonice accepta, prout hæc omnia tenet obedientia Domini nostri Joannis XXIII. tamen*

*duæ obedientiæ duorum contententium probabiliter tenent contrarium, in qua opinionum diversa & adversa varietate non sunt minores difficultates juris & facti, quam ante concilium Pisanum erat de iustitia duorum contententium.*

*Lib. 3. Hist. Conc. Pisani n. 77.*

Hac de causa Jacobus Lensant testatus est easdem difficultates, quæ perstant adhuc post Pisanam synodum, hujus auctoritatem adhuc incertam efficere. Adversariæ quidem sententiæ propugnatores vel nunc, etsi defendant Pisanum concilium tamquam œcumenicum, non tamen pro schismaticis, nec pro hæreticis habent, aut habere possunt eos qui negarunt, aut adhuc negant œcumenicum. Vide quæ hac de re fufius differit S. Antoninus part. 2. Summæ Theologicæ tit. 3. c. 11. §. 6. & seqq. ubi etiam Cancellarii Parisiensis conclusiones a tota Parisiensi Universitate probatas describit. Certa igitur œcumenicæ synodi auctoritas Pisanæ defuisse ac deesse jure defenditur: quæcumque autem vis ipsi probabilis tribuenda credatur, rebus gestis probabilitatem aliquam vindicare, non vero omnimodam certitudinem potest.



## §. V.

*Quatenus Pisana gesta adversariorum sententiæ ob-  
sint potius, quam profint.*

14. Quodsi ipsa Pisanae synodi gesta expendantur; nul-  
lus canon, quo concilii generalis potestas supra Pontifices  
decreta fuerit, statutus invenietur, uti factum est in Con-  
stantiensi synodo, de qua in sequentibus differemus. Solæ  
depositiones duorum contendentium Gregorii XII. & Be-  
nedicti XIII. editæ, quæ factis & circumstantiis involutis  
inuixæ, non pertinent ad fidem, uti ex Bossueto didici-  
mus. Ipsa vero acta, methodum, & principia, quibus ad  
eorum depositionem Pisani Patres processerunt, non prode-  
sse adversariis, sed potius obesse facile est demonstrare.  
Ideo Pisanae synodi gesta sibi prodesse adversarii censent,  
quia præsumunt ipsam synodum ea de causa deposuisse con-  
tendentes duos, quod Patres certum crederent generale con-  
cilium jus habere supra summos Pontifices. Verum hanc  
sententiam iisdem Patribus non fuisse exploratam & cer-  
tam ex eo manifeste colligitur, quod licet ageretur de duo-  
bus non certi, sed dubii juris Pontificibus; non tamen au-  
si sint illos absolute deponere, nisi eos aliunde, idest ob  
crimen schismatis & hæresis, indicassent a semetipsis *ipso*  
*facto* depositos excidisse ab eo Pontificio primatu, quo so-  
lo a concilii jurisdictione eximebantur. Neque id temere  
ab ipsis factum absque maturo examine atque consilio.  
Jam ante hoc concilium plerique Theologi, canonumque  
Magistri præcipue Gallicani & Universitatis Parisiensis om-  
ni studio investigantes, qua ratione tam perniciosum & in-  
veteratum schisma posset aboleri, primò indicarunt unicam  
viam legitimam esse contendentium cessionem: & in hanc  
procurandam tota cura intendendum, cum nondum obtine-  
ret opinio de jure concilii oecumenici ad deponendos incerti  
saltem juris Pontifices. At postquam ob contendentium  
*Ballerinius de Potestat. Eccl.* N repu-

repugnantiam hæc via inutilis inventa est; & similiter non omnino facilis videretur subtractio obedientiæ ab utroque, qui in sua cujusque obedientia habebatur verus legitimusque Pontifex; aliam viam excogitarunt, quam Pisanum concilium inivit. Ex actis enim ac documentis ejusdem concilii liquet, in ipso prius Doctorum Patrumque requisita sententia, hos vero in eo convenisse, Gregorium XII. & Benedictum XIII. incerto Pontificatus jure fungentes, cum se se antea jurejurando obligassent ad ipsius Pontificatus cessionem, si tollendo schismati necessaria esset, hujus promissionis executionem diutius diferentes, veluti fautores pertinacissimi schismatis, habendos esse tamquam schismaticos, immo etiam hæreticos juxta illud scholarum, quod invaluerat, principium, quo pertinax in schismate ab hæretico practice non distinguitur. Eisdem porro ob notorium schismatis & hæresis crimen ante omnem sententiam *ipso facto* ab Ecclesia esse præcisos, & a Pontificatu consequenter decidisse; ac propterea Romana sede jam vacante

T. 15. conc.  
col. 1216. c.  
Confer col.  
1136. a, b.

licere ad novi certique Pontificis electionem transire. Hæc fuit sententia Theologorum atque Canonistarum 103. qui Concilio jubente in prima congregatione consulti fuerant a Cardinali Mediolanensi. Idem quoque censuerunt alii Doctores Universitatis Florentinæ numero 120. a quibus non discreparunt Universitates Bononiensis, Andegavensis, Aurelianensis, Tolosana, & potissimum Parisiensis, quæ eandem suam sententiam per legatos Concilio significarunt.

15. Hæc autem tot Theologorum, Canonistarum, Universitatumque suffragia atque principia Pisani Patres sequuti noscuntur, non solum cum in prima & secunda sessionibus citari voluerunt duos contendentes, non nominibus Gregorii XII. & Benedicti XIII., sed Angeli Corradi & Petri de Luna, eo quod ipsos ob dictas causas *ipso facto* depositos, actuales Pontifices non haberent; verum etiam, & multo apertius cum post aliquot actus intermedios in definitiva sententia eosdem ut notorios schismaticos & hæreticos *ipso facto* a Deo & a sacris canonibus fuisse depositos, & ab Ecclesiæ corpore præcisos declararunt sessione quartadecima, antequam in ipsos depositionis sententiam ferrent, seu potius antea latam declararent. Quid tam

tam longe quæsito principiorum circuitu laudati Theologi ac juris Doctores, nec non cum ipsis Concilii Patres ufu fuissent, ut contententes aliunde *ipso facto* depositos, & tamquam Pontificatu exspoliatos Concilio subesse adstruerent, antequam in eosdem auctoritate concilii agerent; si ipsos in casu schismatis tamquam dubii juris Pontifices concilium generale per se absolute posse deponere existimassent? Quomodo hæc acta, quibus Pisani Patres egerunt in eos, quos præsumebant a Pontificatu depositos, & non esse amplius Pontifices, prodesse possunt adversariis, ut exinde probetur jus concilii generalis supra actuales Pontifices? Nonne ideo excogitata videtur hæc methodus, quod ejusmodi jus supra Pontifices etiam tituli dubii synodo generali certo competere nequaquam crederent? Non solum igitur hujus synodi auctoritas, quæcumque sit, adversariorum systemati non suffragatur, sed potius obest reipsa, cum ad solum concilii jus in eos, qui actu Pontifices amplius non esse credantur, referri aliquatenus queat.

16. A Pisana synodo antequam transeo, aliam non levis momenti observationem addendam arbitror. Quæstio, de qua in eo synodo actum est, appellata fuit *causa schismatis & fidei*. Fidei autem causa cum schismate non ob aliam rationem fuit copulata, nisi quia contententes non acquiescentes cessioni necessariæ ad tollendum schisma, pertinaciter fovere ipsum schisma, & qua tales, ex principio tunc vulgato tamquam hæretici traducebantur, ac si articulum *Unam sanctam* Ecclesiam impeterent. Hinc in depositionis sententia ambo contententes ex schismate & hæresi ab Ecclesia præcisi, & ipso facto depositi præferuntur, ut paulo ante explicavimus. Hoc autem principium proprium (5) solius casus schismatis pertinacissimi inter contententes dubii & incerti juris, hypothesei innititur, quæ

N 2

omni-

(5) *Proprium*, inquam, *solius schismatis*, quod ob pertinaciam contententium aliquam hæresim fidei contrariam involveret: neque enim ipsum

principium potest referri ad casus corruptorum morum, qui reformationem requirerent, nec ullo schismatis aut hæresis vitio inficiebantur. Hinc

omnino certa probari nequit. Sicut enim nec schismatici, nec hæretici fuerunt, qui alterutrum ex contententibus legitimum verumque Pontificem existimantes, bona fide sequebantur; ita nec hæretici, nec schismatici proprie dicti judicari certo possunt ipsi contententes, siquidem se quisque verum legitimumque Pontificem bona fide ratus, suam dignitatem tuebatur, nec promissam cessionem volebat præstare, quamdiu conditio in promissione apposta impleta non fuisset. Si autem hypothesis, qua illud principium fulciebatur, certo vera non est; quomodo principium illud certum dici potest; & quomodo certa auctoritas potest tribui concilio, quod principio tam incerto, seu potius falso nixus, ambos tunc de Papatu contententes vel deposuit, vel potius depositos præsumpsit & declaravit? Hæc ad abundantiam. Nunc ad Constantiensem synodum venio.

sess. 8. in solo schismatis casu  
tributum legitur Cardinalibus  
jus convocandi synodum gene-  
ralem hac vice in hac causa de-  
testandi & antiquati schismatis

& fidei (tom. 15. Concil. col.  
1272. e.) id est, ut habet e-  
ditio Acheriana, ad providen-  
dum huic negotio. Ibi col. 1212.  
b.



## CAPUT VII.

Decreta Constantiensia sessionum quartæ & quintæ de Synodorum generalium auctoritate supra Romanos Pontifices vim non habent generalis Concilii ob plures defectus, ac præsertim quia carent saltem confirmatione Apostolica.

**G**ALLICANI Auctores celebres *Declarationis* anni 1682. asserturi generalium synodorum auctoritatem supra Romanos Pontifices, non multum fidisse videntur gestis concilii Pisani, quæ pluribus difficultatibus capite præcedenti indicatis obnoxia forsitan præsentientes, in ipsa Declaratione silentio prætereuntes omnino, sola Constantiensia decreta sessionum quartæ & quintæ putarunt ingerenda; eisdemque ut inconcussam vim generalis concilii vindicarent, ea a sede Apostolica confirmata expresse pronuntiarunt num. 2. Hoc potissimum adversariorum fundamentum (ex quo tantummodo ea, quæ validissimis rationum & auctoritatum principiis, ac potissimum cum tota antiquitate constitutum, infirmari posse videntur) quam ipsis difficile est idoneis certisque argumentis probare, tam mihi evidenti argumento efficacissime evertere facillimum fore confido. Multa nimium hac in re multis circumstantiis implicita in quaestionem veniunt, quæ nisi apte ab adversariis statuuntur, incerta semper erit earum sessionum ac decretorum auctoritas, adeo ut ex his nihil certi contra nos & contra ea explorata momenta, quæ in præcedentibus pro Pontificia auctoritate attulimus, elici possit. Discutiendum siquidem & constituendum esset, num Joannes XXIII. cujus auctoritate Constantiense concilium indictum fuit, potiori certiorque

Quaestiones  
& difficulta-  
tes circa Con-  
stantiensia  
decreta.

jure uteretur ad ipsam indicendum, quam alii duo competitorum Gregorius XII. & Benedictus XIII. huic indicationi repugnantes; & num de illius electione ac jure minores difficultates juris & facti vigerent post Pisanam synodum, ac erant illæ, quæ obtinebant ante eandem synodum in causa Benedicti XIII. & Gregorii XII. Num Constantiense concilium, quod initio ac tempore sessionum IV. & V. ex sola Joannis XXIII. obedientia constabat, fuerit & habendum sit vere oecumenicum universam Ecclesiam repræsentans, duabus aliis obedientiis deficientibus, quæ tunc nec schismaticæ, neque a catholica Ecclesia avulsæ probantur, nec probari queunt? Num decreta earumdem sessionum, quæ a sola Joannis XXIII. obedientia prodierunt, generalis concilii vim & nomen jure possint obtinere, cum editio ipsorum facta fuerit eodem Joanne non solum nec per se, nec per Legatos præsidente, sed palam repugnante; ac præterea in iisdem ferendis exclusum fuerit (1) suffragium Collegii Cardinalium, quod absente Pontifice Romanam Ecclesiam aliqua ratione repræsentat? Num de iisdem decretis fuerit pro rei gravitate ac difficultate mature deliberatum, an potius temere & præcipitanter, neglecto in re tam nova accurato examine eaque conciliari discussione, quam Cardinales petierant, quæque postea causa Wicleffi & Hus negata istis non fuit? Quid si præter alia multa irregularia considerentur ea, quæ Joannes XXIII. iisdem gestis objecit in litteris ad Ducem Aurelianensem & Academiam Parisiensem, ubi queritur, Con-

T. 16. Concil.  
col. 805. &  
seqq

stan-

(1) Ob defectum distincti suffragii Collegii Cardinalium decreta synodi Conciliariter facta non credebantur a multis, ut noravit unus e Patribus Cardinalis de Alliaco in Tractatu *De potestate Ecclesiastica*, qui in Constantiensi editus & Cardinalium nomine Cæsari ac synodo oblatum fuit: *Deliberatio, exclusa deliberatione di-*

*cti Collegii, & non facta in communi sessione collatione votorum, videtur multis non esse censenda deliberatio CONCILIARITER facta.* Suffragium Collegii Cardinalium fuisse exclusum questi sunt etiam Oratores Regis Gallie in protectione exhibita Concilio die 3. Martii an. 1417. sess. 28. tom. 16. Concil. col. 558. c.



Constantiensis Patres ad suffragia ferenda fuisse distributos (2) in quatuor nationes, easque inæquales; suffragia vero non singillatim, & per capita, sed per nationes in publicis sessionibus ita fuisse computata, ut eadetu vis esset suffragii nationis Anglicæ, quæ ex paucissimis, ac Italicæ & Gallicæ, quæ ex plurimis Episcopis constabant: cumque ex sacris canonibus soli Cardinales, Patriarchæ, Archiepiscopi, & Episcopi in generalibus Conciliis gauderent jure suffragii; in hoc ad suffragium nationum ferendum omnes indiscriminatim essent admissi & clerici, & laici etiam matrimonio juncti, nec solum nobiles, sed & infimæ abjectæque plebis.

2. Ad tot tantosque eorum decretorum etiam essentialibus, quibus laborant & nutant, defectus sanandos Apostolica approbatio, seu confirmatio, si umquam alias, fuisset maxime necessaria; eaque non obscura aut ambigua, sed expressa & omnino certa, quæ una decretis tam incertæ auctoritatis posset certitudinem parere: unde & adversarii, qui alias constituta concilii generalis Apostolica confirmatione non indigere existimant, hanc Constantiensibus necessariam agnoscetes, in *Declaratione Cleri* edita an. 1682. lisdem decretis certam auctoritatem vindicaturi, Apostolicam ipsis confirmationem accessisse affirmandum putarunt. *Valeant & immota consistant sanctæ œcumenicæ synodi Constantiensis a sede Apostolica comprobata . . . . . decreta.* Hoc itaque principium stet immotum & certum, Constantiensium decretorum sessionum quartæ & quintæ Apostolicam confirmationem debere esse exploratam, expressam, & minime dubiam, ut certa constet ipsorum auctoritas; sicque Pontificæ jurisdictioni, quæ ex constitutis supra ipsas generales synodos indubitata videtur, istarum synodorum jus ex certa œcumenicæ synodi & Apostolicæ confirmationis auctoritate prævaleat. Unde vero ab adversariis petetur atque probabitur expressa & indubitata eorum decretorum

---

(2) De hac inæquali suffragiorum distributione vide quoque laudatam protestationem

Oratorum Galliarum tom. 16. col. 557. a, nec non col. 552. & seqq.

DecretaCon-stantiensia sessionū IV. & V. carent approbatione Joannis XXIII.

rum Apostolica confirmatio? Hæc proculdubio asserri nequit ex Joanne XXIII. qui earum sessionum tempore a Constantiensibus habebatur legitimus Pontifex. Is enim ante tertiam sessionem se subtraxerat a concilio nec interfuit memoratis sessionibus, nec earum decreta probavit; & quamdiu liber extitit, se ab ipsis alienissimum prætulit, ut vel ex indicatis litteris ad Ducem Aurelianensem, Universitatemque Parisiensem manifestum est. Quodsi quandoque ei synodo ejusque decretis aliquid detulisse visus est; præterquamquod nihil hinc certæ & expressæ approbationis ipsorum decretorum erui potest; id accidit, cum captivus Cæsar & Concilii vim patiebatur, quæ approbationem (ut esse deberet) omnino liberam & voluntariam excludit.

Et Martini V.

3. Neque legitima approbatio colligi potest ex Martino V. qui ab eodem Concilio electus, certus & legitimus Pontifex fuit. Si quæ is fecisset pro memoratis decretis, cum tamquam Cardinalis ipsi synodo adfuit, nihilum adversariis prodesset: neque enim gesta Cardinalis Pontificæ auctoritatis & confirmationis nomine donari queunt. Quæ vero gessit post promotionem ad Pontificatum, nisi approbationem eorum decretorum expressam, & sanandis defectibus apprimè necessariam exhibeant, cum aliis atque aliis causis tribui possint, nihil pariter juvant. Porro eum expresse quidem approbasse gesta contra Joannem Wiclefium, Joannem Hus, & Hieronymum Pragensem certum est ex duabus ipsius Constitutionibus datis ante finem Concilii 8. Kal. Martii; & in una ipsarum quæ incipit, *In eminenti Apostolica dignitatis specula*, omnes defectus, quicumque in condemnandis eorum erroribus fuissent admissi, abs se sanari, & quidquid defuisset, suppleri affirmavit. Nullum vero uspiam indicium approbationis eorum decretorum, quæ generale Concilium supra ipsum summum Pontificem præferunt sessionibus IV. & V. Adeo vero eum non approbasse ejusmodi decreta exploratum est, ut ipse potius certissime reprobaverit, cum in eodem Concilio Polonis Oratoribus sub pœna excommunicationis prohibuit ne a Pontifice ad generale Concilium provocarent, & speciali quoque Bulla declaravit nullo umquam casu licere per hujusmodi appellationem se ab Apostolicis judiciis subducere: quam Bullam eorum decretorum Constantiensium *damne-*

T. 16. Conc. col. 765.

damentale penitus robur destruxisse Joannes Gerson ipsorum *Dialog. apo-*  
 præcipuus promotor & vindex conquestus est. Cum itaque *log. tom. 2.*  
 iisdem Polonis petentibus cujusdam libri condemnationem *pag. 39<sup>a</sup>.*

Martinus respondit, se omnia & singula determinata, con- *T. 16 Conc.*  
 clusa, & decreta **IN MATERIA FIDEI** per præsens *col. 746. a.*  
 Concilium conciliariter tenere & inviolabiliter observare  
 velle, ipsaque sic **CONCILIARITER** facta approbare &  
 ratificare, & non aliter, nec alio modo: id de fidei decre-  
 tis in Wicleffum, Hus, & Hieronymum Pragensem intel-  
 ligendum est, quorum approbatio est certa; non vero de  
 decretis sessionum IV. & V. quæ ab ipso Pontifice non  
 perinde fuerunt approbata, sed potius reprobata in radice  
 & fundamento, ut Gerson animadvertit; cum præsertim  
 hæc per se se a Patribus Concilii non fuerint edita veluti  
 decreta fidei formulis usitatis in definitionibus dogmaticis,  
 sed per modum constitutionum synodaliū, ut in præmio  
 quintæ sessionis declaratum fuit: qua de re vide quæ se-  
 quenti capite pluribus differuntur.

4. Neque satis expressæ ac certæ approbationis nomine *Facta deposti-*  
 asserantur illa ex Bulla ipsius Martini ad Sigismundum *tionum eur-*  
 Imperatorem, quibus depositionem Joannis XXIII. *canoni-* non probent  
*cam* appellans, auctoritatem Concilii in Papam deponen- *ius.*  
 dum legitimam declarasse videtur. Cum enim facta deposti-  
 tionum ejusmodi per se se, satente Bossueto, *ad materias lib. 1. De-*  
 fidei non pertinere constet; neque ad fidem proculdubio per- *sens c. 28. p.*  
 tinebit eorum approbatio; carentque prorsus ea certitudine *439.*  
 divini juris, quæ rejiciendo Pontificio divini juris prima-  
 tui supra Synodos generales necessaria esset. Præterea ad-  
 jectivum *canonicam*, quod ad servatum in depositione Joan-  
 nis canonum ordinem referri potest, cum (3) obiter &  
*Ballerinius de Potestate Eccl.* O *narran-*

(3) Hæc scilicet Bulla, quæ  
 Martinus V. liberavit Impe-  
 ratorem ab onere custodiæ Jo-  
 annis XXIII. his verbis inci-  
 pit: Dudum præsens generale  
 concilium Constantiense personam  
 Baltassaris Cosse olim Joann-  
 nis XXIII. in sua obedientia

muncupati, post illius a Papatu  
 per definitivam sententiam ejus-  
 dem Concilii **CANONICAM**  
 depositionem, per eandem sen-  
 tentiam ad standum & moran-  
 dum in aliquo bono & honesto  
 loco sub custodia tuta. &c.

narrando, non autem decernendo, in Bullæ exordio adhibitum fuerit; vim definitionis & approbationis dogmaticæ, qua jus Concilii approbetur, tamquam dogma fidei, obtinere non potest. Tandem hoc jus concilii veluti *legitimum* peculiari ratione approbari poterat a Martino in casu Joannis; qui cum se submiserit sententiæ ferendæ a synodo, jurisdictionem eidem in se ipsum quodammodo tribuit propria voluntate; cumque postea latæ sententiæ assensisset, ut promiserat, non sententia propria synodi, sed sua se voluntate Pontificatu abdicavit, ut in sequenti capite explicabimus num. 16. Hujus peculiaris casus approbatio nihil confert ad statuendam approbationem juris coactivi & universalis Conciliorum generalium supra Pontifices etiam invitos: quod statutis Constantiensibus universim decernitur.

Nequit asser-  
ri approbatio  
Eugenii IV.

5. Difficiliorem porro operam aggredieretur, qui desertus approbatione Martini V. in Pontificiæ confirmationis argumentum produceret eas saltem Eugenii IV. litteras datas die XVIII. Januarii an. 1433. & descriptas in actis Basileensis concilii sessione XVI, quibus dum scripsit. hocce Basileense concilium a tempore, quo inchoavit, legitime continuasse, & debere continuare, revocatis Bullis, quæ ipsum ante secundam actionem solum declaraverant, approbasse videtur tamquam legitima antecedentium actionum gesta, nec non decreta Constantiensia sessionum IV. & V. quæ in Basileensi repetita fuerant actione secunda. Num declarare continuationem synodi in actionibus præcedentibus decimam sextam, perinde ac si nulla dissolutio præcessisset, idem est ac decreta in iisdem edita approbare, & præsertim ea ex Constantiensi concilio repetita actione secunda, quibus Legatus Eugenii nec præsentiam, nec assensum præbuerat, & de quibus idem Pontifex tum per Nuntios tum per epistolas apud omnes nationes conquestus fuerat? Ea declaratio ad summum ipsa decreta in eum locum ac statum restituit, in quo fuissent, si nullam Eugenius dissolutionem edidisset. Tunc vero non fuissent omnino rata, nisi Apostolica, quæ dēerat, confirmatio expressa accessisset. Quid porro si Pontifex ejusmodi declarationem \* vi quadam coactus eo concilio fecit, ut intentata contra se molimina declinaret, impediretque enormia scan-

\* Card. Tur-  
recrem. Sum.  
de Eccles. c.  
100.

scandala, in spem erectus fore ut hac via facilius alio transferretur Concilium, ubi Ecclesiæ necessitatibus æquius prospiceretur, nec Apostolicæ sedis auctoritas detrimentum caperet? Hinc autem jure idem Pontifex in solemnibus congressu Florentiæ habito Juliano Cardinali objicienti litteras memoratas pro continuatione Basileensis Concilii respondit (uti testatur Cardinalis Turrecremata qui eidem congressui interfuit): *Nos quidem bene progressum concilii approbavimus, volentes ut procederet, ut inceperat; non tamen approbavimus ejus decreta: quæ verba omnino certum efficiunt inanem esse prorsus eorum nîsum, qui Constantiensia decreta in Basileensi reproducta, ab Eugenio IV. approbata fuisse contendunt.*

Ibid.

6. In his autem aliisque similibus, quæ longiorem disputationem requirent, quæque quantum ex una parte pro adstruenda Apostolica eorum decretorum confirmatione multis efferuntur ab Episcopo Meldensi, tantum ex altera refutantur uberrime a Cardinali Urſio, nolens diutius lectores detinere, cum argumentum & brevius & evidentius mihi præsto sit ex ipsorum adversariorum concessione deducendum, quod memoratorum decretorum Constantiensium vim prorsus elidet & infringet. Vim enim ipsorum decretorum illi ex eo colligunt, quod ea sint decreta Concilii generalis, & confirmata a sede Apostolica. Peto autem, num eadem decreta constituent fidei dogma, a quo nemo poterit, aut possit recedere absque hæresis nota? Certum est & multos in ipso Constantiensi post eorum decretorum editionem, & deinde etiam quamplures, & Gallicanos quoque non paucos eisdem decretis refragatos, & adhuc refragari, qui tamen nulla hæreseos, aut perniciosæ contumaciæ censura ab ipsis adversariis inuruntur, ut vel ex Bossueto

Ea decreta  
Constantien-  
sia certe non  
constituunt  
dogma fidei.

liquet. Quid ita? Bonæ fidei & inadvertentiæ nomine eos licet excusandos putat. *A gravi certe nota, inquit, immunes esse non possent, nisi bona fide agentes, non satis attentam re excusari viderentur. . . . Non enim plerique proficiunt satis, doctrina concilii Constantiensis quam sit in certis casibus Ecclesiæ necessaria, qui casus cum infrequenter sint, non omnes facie eorum cavendorum necessitatem advertunt. At quæ bona fides, quæso, quæ inadvertentia excusare posset in re, in qua generalis Concilii certa dog-*

*Vid Dissert.  
prev. §. 45.  
t. 1. pag. 41.  
Lib. 6. De  
sens. al. 10. c.  
19. pag. 509.  
Bossueti ra-  
tio expuncta.*

matica definitio ab Apostolica sede confirmata constaret? Quot alii hæretici & errores ab Ecclesia damnati simili bonæ fidei ac inadvertentiæ nomine possent excusari? Vera ratio, cur ea Constantiensia decreta non constituerint olim, nec hodie constituent doctrinam fidei, cui nemo catholicus contraire potuerit, aut possit, esset quidem hæc, si vel non crederentur præferre veram definitionem fidei, sed meram *constitutionem synodalem*, quæ dogmaticam doctrinam non contineat, ut capite sequenti explicabitur; vel Constantiensis synodus in ferendis iisdem decretis ob varias indicatas irregularitates atque defectus iudicetur non fuisse, nec haberi posse vere œcumenica. Si autem neutrum placeat, ut adversariis non placet; cur nihilominus ea decreta non contineant, neque constituent doctrinam fidei; cui nemo citra hæresim possit reluctari, ea sola ratio afferri potest, quia licet edita a Concilio, quod œcumenici nomen etiam in illis sessionibus præ se tulit, & dein repetita in Basileensi; non tamen a sede Apostolica, id est nec a Martino V., nec sub tempus Basileensis ab Eugenio IV. fuerunt approbata seu confirmata: quæ approbatio seu confirmatio ad vim generalis concilii adstruendam, & ad constituendum dogma fidei est maxime necessaria. Hinc quidem Bossuetus hanc quæstionem post decreta Constantiensia adhuc in suspenso relictam & indecisam & libere utrinque agitatam agnoscit libro I. *Defensionis* in Appendicem novissimæ editionis traducto cap. 3. Jacobus quoque Lensant quantumvis Calvinista in historia Constantiensis Concilii tom. I. pag 89. hanc quæstionem ipsis decretis *non potuisse adhuc terminari* pronuntiat. Decretis ineptis ad finiendam litem quomodo fidere poterunt adversarii in quæstione, ubi auctoritas requireretur omnino certa, quæ jus Pontificium supra universam collectivè Ecclesiam, & supra generalia Concilia primatui competens, ac tota antiquitate comprobatum extruderet?

## CAPUT VIII.

Eadem decreta Constantiensia alio nomine vim & auctoritatem peremptoriam non habent, quia non fuerunt edita tamquam certum dogma fidei, sed, ut acta præferunt, *per modum constitutionum synodaliū*, cujus formulæ vis decreta indicat, quæ non ex fide, sed ex mera opinione in ejus temporis circumstantiis constituenda visa sunt ad tollendum schisma. Singula decreta expensâ, & quatenus æqua interpretatione explicari queant: quid in ipsis difficilem explicationem ferat. Ex necessitate remedii ad abolendum schisma eadem opinio inducta; & quatenus juri supremo summorum Pontificum nequeat præjudicium afferre.

1. **C**ELEBRIA decreta concilii Constantiensis de vi & potestate conciliorum generalium supra ipsos summos Pontifices, quibus Pontificiæ auctoritatis impetitores ceteroquin catholici maxime innituntur, in duplici sessione constituta fuerunt, primum sessione quarta, & rursus in quinta. In quarta sessione hoc tantum ea super re decretum profertur.

*Hæc sancta synodus Constantiensis generale concilium faciens T. 16. Concil. pro extirpatione præsentis schismatis, & unionis ac reformationis Ecclesiæ Dei in capite & in membris fienda, ad laudem omnipotentis Dei, in Spiritu Sancto legitime congregata,*



ta, ad consequendum facilius, securius, liberius, & uiderius unionem & reformationem Ecclesiæ Dei, ordinat, disponit (al. diffinit) statuit, decernit, & declarat ut sequitur.

Et primo quod ipsa synodus in Spiritu Sancto congregata legitime generale concilium faciens, Ecclesiam catholicam militantem repræsentans, potestatem a Christo immediate habet, cui quilibet cujuscunque status vel dignitatis, etiamsi Papalis existat, obedire tenetur in his, quæ pertinent ad fidem & extirpationem dicti schismatis, & reformationem generalem Ecclesiæ Dei in capite & in membris. Postrema verba & reformationem generalem Ecclesiæ Dei in capite & in membris, non solum deesse in mss. codicibus Vaticanis laudatis a Schelestratio, verum etiam in duobus Vindebonensibus, in Wolfenbutteleni, Brunswicensi, Gothano, & Lipsiensi docent nuperi editores hujus Concilii in Germania tom. 4. part. 1. pag. 86. 87. & 89. ex quibus Vaticanorum exemplarium vindicatur fides; cum præsertim desint etiam in antiquo ms. actorum Concilii Basileensis, quibus eorundem decretorum Constantiensium epitomes inserta, iisdem verbis caret. Hinc non immerito Vonder Hardt & Jacobus Censant suspicantur, prima exemplaria hujus compilationis recepta a Basileensibus non discrepasse ab actis authenticis Concilii Constantiensis, eaque verba posterius inserta fuisse in decretum sessionis quartæ, postquam scilicet eadem verba in quinta sessione recepta & approbata fuerunt: quod sane innuit hæc marginalis adnotatio in uno codice inventa: *Iste articulus (sessionis quartæ primus) imperfecte fuit factus, ut sequitur, ideo suppletur in sessione sequenti*, in qua ea verba hic omissa, addita leguntur. Vide adnotationem Venetæ editionis.

2. In quinta sessione non solum laudatum decretum sessionis quartæ repetitur memorata omissione suppleta, verum etiam aliud decretum additur de poenis, quibus coercendi essent inobedientes, præmissa hac notatione: *Surrexit de mandato totius sanctæ synodi. Rev. Pater Dominus Andreas electus Poznamiensis, & certa capitula PER MODUM CONSTITUTIONUM SYNODALIUM prius per singulas quatuor nationes conclusa & deliberata legit,*

T. 16 Concil. vol. 73. 2. cendi essent inobedientes, præmissa hac notatione: Surrexit de mandato totius sanctæ synodi. Rev. Pater Dominus Andreas electus Poznamiensis, & certa capitula PER

MODUM CONSTITUTIONUM SYNODALIUM prius per singulas quatuor nationes conclusa & deliberata legit,

git,



*Quænam sint decreta fidei.* Melchior Canus lib. 5. de Locis cap. 5. ubi & designavit notas, quibus fidei decreta internoscantur. Illa nimirum fidei decreta sunt, in quibus aliquid ex fide credendum aut dammandum decernitur, ita ut qui aliter sentiant, a catholica fide alieni, ab Ecclesia præcisi, anathemate aliisve similibus censuræ formulis indicentur percussi. Si nihil ejusmodi notarum adsit, etiamsi materies, circa quam concilium versetur, possit ad fidem referri; decretum tamen non erit certa dogmatica definitio. Multæ sunt apud catholicos quæstiones, quæ ad fidem referuntur, ut sunt ex, gr. illæ quæ ad sacramentorum formam, materiem, aut ministerium pertinent; & nihilominus, quamdiu ab Ecclesia non prodijt definitio, neutra ex parte certum suppetit fidei dogma.

*Non omnia decreta, quæ circa materiam fidei versantur, sunt decreta & definitiones fidei.*

In his, quoad inter catholicos controvertuntur, & concilia & Pontifices non facile dogmaticum judicium proferunt; &, quousque res plane eliquata non sit, si statuunt aliquid, quod ex circumstantiis expeditur videatur in bonum Ecclesiæ, id non statim, nec semper dogmati ac definitioni est accensendum. Hinc quædam non ex firmo dogmate, sed ex opinione prolata in aliquot Pontificum decretis contineri \* alibi notavimus: & quædam etiam in conciliorum statutis similiter invenientur.

\* De vi & rat. primat. c. 15. n. 39. & 40.

4. Quæstio circa Conciliorum generalium & summorum Pontificum auctoritatem sub tempus synodorum Pisane & Constantiensis occasione schismatis agitata, pertinebat quidem ad intelligenda loca Evangelica, quibus utraque potestas innititur, ad explicandam naturam & jurisdictionem Pontificii primatus, & ad alia hujusmodi non pauca, quæ respiciunt materiam fidei: at sententia, quæ concilii generalis ius coactivum supra Papam propugnabat, ita erat nova, nulloque vetusto exemplo, aut certa auctoritate munita; e contra vero potestas Pontificum supra universam Ecclesiam, & supra ipsa generalia concilia, seu supra universæ Ecclesiæ Episcopos, qui in generali concilio collecti una cum capite totam Ecclesiam representant, ita antiquis exemplis & auctoritatibus fulciebatur, ut si dogmaticum judicium fuisset edendum, pro Papa potius, quam pro generalis concilii Patribus Pontificio assensu carentibus proferenda fuisset definitio. Instabant vero circumstantiæ schismatis diuturni & perniciosissimi, quod

*Cur quæstio non definita in Constantiensi tamquam dogma.*

in multos annos productum, multa mala & scandala pepererat. Antiquis temporibus etsi plura schisinata ejusdem generis incidissent, aliis tamen atque aliis mediis fuerant consopita. In hoc autem, quod ex pertinacia contentendentium ita a ceteris omnibus discrepabat, ut *Lib. 5. De tot retro sæculis semel tantum cognitum* Bossuetus affirmavit; cum alia atque alia legitima remedia pluries tentata, inventa fuissent inutilia; necessitate quadamtribuendum visum est jus Conciliis generalibus supra eos, qui de Pontificatu certabant, adeo ut, si non cederent sponte, quod legitimum erat medium ac debitum, omnes deponerentur vel inviti, licet id nunquam antea fuisset auditum. Hanc pertinacissimi schismatis vexationem totam (1) rationem causamque fuisse, cur in hanc sententiam Constantiensis tempore plures abiissent, non obscure testatus est Joannes Gerson in tractatu *De potest. Eccles. confid. x.* ubi post memoratam vulgatam antea eorum sententiam, qui posuerunt papalem auctoritatem supra concilium, aut saltem non imparem, subdit: *Benedictus autem Deus, qui per hoc sacrosanctum Concilium illustratum divinæ legis lumine, dante (nota hæc verba) ad hoc ipsum VEXATIONE præsentis schismatis intellectum, liberavit Deus Ecclesiam suam ab hac pestifera perniciosissimaque doctrina.* Ita ex præjudicio gravissimo novæ sententiæ pestiferam & perniciosissimam vocat doctrinam antiquam, quæ eodem fatente paullo post *confid. xii.* veluti quædam traditio a majoribus suscepta ante Constantiense sic occupaverat mentes plurimorum, ut oppositum dogmatizare fuisset de hæretica pravitate suspectum vel damnatum.

6. In re autem huic receptissimæ traditioni contraria noluerunt, nec ausi sunt ejusdem Concilii Patres *Ballerinius de Potestat. Eccl.* P novam

Tota ratio  
condendorū  
decretorum  
explicata.

(1) Hanc eandem rationem satis indicavit etiam Episcopus Meldensis, cum lib. 6. al. 10 *Defensionis* c. 19. t. 2. pag. 509. plerosque Constantiensis doctrine adversarios fuisse antiquos, sive recentiores

eo solo nomine excusandos credit, quod non animadverterint, quam ea sit certis in casibus Ecclesiæ necessaria, ac si hæc necessitas per se sufficiens fuerit ejus doctrinæ inducenda ratio.

novam doctrinam de jure Concilii supra Papam constituere tamquam dogma fidei; sed eo revocarunt decreta, ut jus synodi œcumenicæ sola remediū necessitate in tribus memoratis casibus statuerent sine ulla hæresis, aut alia simili nota, qua fidei definitiones distinguunt, & quam idem Concilium adhibuit, cum decreta ad fidem pertinentia in condemnatione errorum Wicleffi, Hus, & Hieronymi Pragensis aliis in sessionibus edidit. Sola quidem necessitas remediū in laudatis circumstantiis sicut non efficit ut inferior jus habeat in superiorem suum; ita nec efficit ut Papa, qui jure divino est superior concilio ratione primatus, cujus causa toti Ecclesiæ etiam in concilio adunatæ jurisdictione præfectus est bono unitatis, eadem Ecclesia & universali concilio evadat inferior, ac idcirco in ipsum superiorem suum Ecclesia & concilium jurisdictionem nondum probatam, immo tot veteribus documentis reprobam acquirant. Hæc tamen necessitatis ratio in angustiis & involutissimis ejus temporis circumstantiis ita efficax maximeque probabilis videri potuit Constantiensis Concilii Patribus, ut putarent decreta condenda ex eo, quod expedire videbatur, quemadmodum fieri consuevit etiam in aliis aliorum synodorum decretis, quæ necessitati congrua, fidei dogma non constituunt: idque proculdubio significare voluisse videntur verba, quibus in actis notatum fuit, eadem decreta fuisse lecta & publicata *per modum constitutionum Synodaliū* nulla interposita fidei nota.

7. Qua de re ne quispiam dubitet, animadvertat Gersonem, qui licet passim post decreta Constantiensia audens hæresis notam inureret contrarium sentientibus; \* non uno tamen in loco fateri debuit, eorundem decretorum doctrinam, etiam tempore ejusdem synodi *palam* fuisse impugnatam a multis, qui tamen non idcirco a Patribus Constantiensibus hæretici habiti sunt. Id exploratum fiet inter alia ex celebri quæstione, quæ in eadem Synodo mota fuit post eorum decretorum editionem. Cum decretum contra errores Wicleffi paratum fuisset post quartam & quintam sessiones, proposita fuit quæstio, num Papæ, an concilii nomine idem decretum esset promulgandum. Habitus hac de re Theologorum conventus, in quo Cardinalis Cameracensis

Ea ratio probabilis tantum visa est, insufficiens ad definiendum dogma.

\* *De potest. Eccl. consid. 11. & serm. in festo S. Antonii.*

sis pro concilii nomine differuit. At ex quadraginta Do-  
 ctoribus duodecim tantum Cardinalis sententiæ faventibus,  
 ceteri contenderunt Papæ nomine definitivam sententiam  
 esse promendam; Cardinalique suam opinionem acrius pro-  
 pugnanti fere omnes in faciem resisterunt. Quomodo hæc  
 post sextam sessionem enata inter Theologos contentio? Si  
 decreta sessionum quartæ & quintæ sine Papæ nomine edi-  
 ta tamquam fidei decreta proposita fuissent, qui locus esse  
 poterat ambigendi, num condemnatio articulorum Wicleffi  
 solo concilii nomine configi posset, & nihilominus consti-  
 tueret doctrinam fidei? Si tamquam fidei dogma sancitum  
 fuisset sessionibus iv. & v. Concilium Oecumenicum gene-  
 ratim, ac præsertim in materia fidei potestatem habere im-  
 mediate a Christo; qui fieri potuisset ut paucis diebus  
 post ex quadraginta Theologis octo & viginti contrariam  
 sententiam tenerent, hoc est *Concilium per se nullam po-  
 testatem habere nisi a capite* (seu nisi in unitate cum ca-  
 pite) & ut Cameracensi in aliam sententiam abeunti tam  
 vehementer resisterent? Si huic Cardinali contendenti Con-  
 cilio esse supra Pontificem, & posse ipsum deponere re-  
 sisterunt post quartam & quintam sessionem; nonne post  
 ea decreta liberum judicarunt in utramque partem disputa-  
 re? Certe idem Cardinalis in eo libello, quo defendit so-  
 lo Concilii nomine posse edi decreta fidei, nihil disertius  
 & convincentius in suam sententiam potuisset asserre, quam  
 decreta laudatarum sessionum solo concilii nomine inscri-  
 pta, siquidem hæc edita fuissent tamquam fidei dogma.  
 Cur nihil tale tetigit? nisi quia manifestum erat omnibus  
 in ipsis decretis non fuisse constitutam fidei doctrinam.  
 Quid tandem quod idem Cardinalis in fusiori tractatu,  
 quem subinde in eadem synodo vulgavit de *Ecclesiæ, Con-  
 ciliarum generalium, Romani Pontificis, & Cardinalium*  
*auctoritate*, ubi eandem quæstionem versat, non solum  
 laudatorum decretorum non meminit, nec adversarios hæ-  
 resis accusat; verum etiam disputationem pro auctoritate  
 Concilii Oecumenici his verbis concludit: *Quæ tamen non*  
*definitive determinando, sed doctrinaliter suadendo posita*  
*sunt: nam hujus rei definitionem sacri Concilii determina-*  
*tioni submitto: quæ indicant eum non credidisse quæstio-*  
*nem de Concilii generalis jure supra Pontificem decretis*  
 sessio-

cessionum iv. & v. fuisse definitam ex fide, sicut nec postea crediderunt, nec credunt ipsi nostri adversarii, qui nec Summos Pontifices, nec Cardinales, aut Episcopos, aliosve Pontificiæ auctoritatis vindices memoratis decretis obistentes hæreticos judicant: quod ex eorumdem adversariorum sensu evidens est argumentum, ea decreta dogmaticum judicium non continere, nec ad definitionem dogmatis posse referri.

Sensus decretorum exponitur.

§. 8. Expendamus nunc earumdem constitutionum synodaliū sensum, & videamus num aliqua saltem ratione ita explicari & intelligi queant, ut a veritate non absint. Dicitur Concilium generale universam Ecclesiam representans, a Christo *immediate potestatem habere*. Quis id de vero generali concilio neget? Quis pariter neget de Constantiensi in iis quæ vim generalis concilii obtinuerunt, qualia sunt quæ circa fidem statuit contra Wicleffum, Hus, & Hieronymum Pragensem, quibus non defuit confirmatio Apostolica; & qualia sunt etiam statuta reformationis & disciplinæ, quæ eadem approbatione roborata fuerunt? In aliis, quæ hac confirmatione carent, cur vis generalis concilii nequeat admitti probatum est, satis cap. 2. & 4. unde nil mirum, si quoad hæc idem concilium non fuerit, nec haberi possit generale, nec jurisdictionem generalis synodi habeat. Hæc quidem jurisdictio a Christo immediate dimanat, quia Christus omnem jurisdictionem Ecclesiasticam immediate tradidit S. Petro, & Apostolis, ac in ipsis dedit Romano Pontifici successori S. Petri, aliisque Episcopis successoribus Apostolorum ex disputatis capite 1. §. 1. & 2. Sed cum Petro primum jurisdictionem Christus dederit, seu promiserit separatim ab aliis, aliis vero postea non dederit separatim a Petro, sed una cum Petro in bonum unitatis; jam monuimus id ab eo factum, ut quisque intelligeret jurisdictionem Petri ac successorum ejus non pendere ab aliorum jure & consensu; aliorum vero jurisdictionem etiam in concilio in unitate cum jure Petri ac successorum ejus debere consistere. Confer dicta cap. 1. §. 4. Hæc non animadverterunt proculdubio, qui jura tribuerunt Episcopis congregatis in synodo supra & contra Summos Pontifices, ac ejusmodi synodos vere œcumenicas præsumentes, vim eisdem asseruerunt in eos, qui cuique

Syn-



Synodo superiores sunt, nec vi ipsarum coactive possunt subesse, nisi superiorem inferioris jure posse adstringi antea probetur. Prosequamur explicationem decretorum.

9. In decreto sessionis quartæ & in primo quintæ statuitur jurisdictioni generalis synodi, quæ immediate a Christo est, quemlibet cujuscumque gradus & dignitatis, etiam si *Papalis* existeret, debere obedire in tribus casibus, hæresis, schismatis, & ubi agatur de reformatione morum. In casu hæresis, quis inficias ibit ipsum Romanum Pontificem debere se se submittere definitionibus fidei a generali concilio editis, præditisque confirmatione seu consensu Apostolico, quo eas indigere probavimus c. 3. ut constituent dogma fidei; cum ad id omnes obligentur jure divino? Quæ enim a generalibus conciliis assentiente Apostolica Sede circa fidem definiuntur, dogmata sunt a Deo revelata, quibus non humano, sed divino jure fidei assensus debetur ab omnibus. Hæc vera ratio est ob quam Papa obligetur definitionibus dogmaticis generalis Concilii. Qui ex hoc decreto deducunt Constantienses Patres hoc ipso non solum subjecisse Papam auctoritati synodorum generalium, verum etiam significasse eum posse errare circa fidem, si de errore definitionum intelligant, falsa & non probata hypothesi laborant; neque enim ex ullo textu ipsorum Patrum aliquid indicium asseretur, quo illi crediderint posse errare Summos Pontifices cum definiunt; hicque casus nullo exemplo innixus, totoque nostro systemate reprobatus inter impossibilia referendus est. Quod si non negandum videatur eosdem Pontifices posse errare, vel aliquando errasse opinando vel omittendo aut negligendo condemnationem novi alicujus erroris seu hæresis; cum hi casus non essent errores definitionis, nihil contra nostram thesim solas proprie dictas definitiones progugnantein evincerent. Si autem his in casibus Papa generalis concilii decreto erroneam ejus opinionem, aut negligentiam, seu omissionem corrigenti parere deberet; id cum non ipsius concilii jure, sed altiore illo, de quo antea diximus, obligatum præstaret; ut ne exinde concilii ejusdem auctoritas per se, & jus coactivum supra Papam probaretur.

10. Porro in casu schismatis, in quo Summus Pontifex omnium maxime jure naturali ac divino debet omni-

bus mediis uti, ut illud extinguat; unitatemque, cui custodiendæ ac vindicandæ ex primatu potissimum obligatur, Ecclesiæ necessariam restituat; si ex: gr. aliis mediis frustra tentatis schisma nequeat aboleri nisi cessione contentientium, qui jure æquali vel incerto frui cedantur; nonne cedere Pontificatui debebit ea naturali caritatis lege adstrictus, quæ publicum necessarium bonum privato præferendum docet? Immo etiam obligatur peculiari lege divina ac naturali, si ad cessionem se se promissione ac jurejurando obstrinxisset. Hæc autem, quæ ab ipso præstanda essent jure naturali ac divino, si exigantur, seu proponantur præstanda decreto concilii generalis, quis non æquissimum diceret, aut negaret ipsum ad hæc obligari eo nomine, quod quacumque synodo superior est? Obligaretur nimirum non jure synodi, quæ per se superiorem non ligat, sed jure illo naturali ac divino, cui etiam Summi Pontifices subji-ciuntur.

11. Eadem de causa obligaretur etiam in casu reformationis generalis morum in capite & in membris. Quis enim ambigere potest quin Summi quoque Pontifices jure naturali ac divino teneantur reformare mores, qui vel in se vel in aliis Ecclesiæ membris reformatione indigeant? Id si proponat exigatque Concilium generale, parere debebunt, non jure ipsius concilii, sed divino ac naturali, quod decreto concilii proponitur & urgetur. Hoc sensu vis coactiva non in concilio, sed in naturali ac divina lege sita est. Quod si decretum latum sit a concilio vere generali, cum Summi Pontificis non deerit assensus, seu confirmatio; tum vero hoc assensu se ipsum quodammodo eodem decreto liber subjicit, eodemque decreto voluntarie ligatur; quod vim coactivam excludit.

12. Restat alterum decretum, quo sessione v. agitur de poenis in eum inferendis, qui cujuscumque dignitatis etiam si *Papalis obedire contumaciter contempserit*. Hæc quidem verba vim coactivam evidentius adstruunt, quæ inferiori in superiorem non competit. Verum notandum nullam poenam particularem Pontifici contumaci imponendam designari, sed in genere statui ut quicumque obedire contempserit, *condignæ poenitentiae subjiciatur, etiam ad alia juris remedia recurrendo*; uti fit in aliis synodalibus decretis,

tis, quæ dogmata fidei non constituunt; ex quo omnia simul ejusdem sessionis decreta vocantur *mandata, statuta*, seu *ordinationes*, ac *præcepta super præmissis*, quæ meris *constitutionibus synodalibus* conveniunt. Quid ita? Quia Patres Constantienses viderunt hac in re non expedire, nec opus esse definire jus concilii œcumenici supra Papam tamquam dogma fidei; sed sufficere, si ad tollendum schisma aliorumque scandalorum remedium, decretis ac præceptis practicis uterentur, quibus ex divino saltem naturalique jure iidem pontifices obligarentur, minisque etiam additis impellerentur, etiamsi ex certo dogmate non definirent, nam jus concilii per se supra Papam esset, nec ne.

13. Hic autem adversarios clamaturos prævideo: si Pontifices neque divino neque naturali jure moveantur ad ea præstanda, quæ bono Ecclesiæ sunt necessaria; neque Concilium quantumvis generale possit eos poenis aliisque subsidiis canonicis cogere; nonne Christus suæ Ecclesiæ minus apte prospexisse dicendus erit, & scandala, si quæ a Pontificibus provenirent, sine idoneo remedio reliquisset? Hæc ratio ex necessitate remedii ducta, & in speciem valde probabilis, illa est, quæ cum novæ opinioni de potestate conciliorum generalium supra Pontifices inducendæ in casu schismatis causam dedit, ut vidimus; tum vero adeo recepta fuit a Patribus Constantiensibus, ut eam ad casus quoque fidei & reformationis generalis morum in capite & in membris duxerint extendendam recitatis decretis; quibus tamen cum eos noluisse condere certum decretum fidei hactenus dicta comprobant; tum vero eadem ratio ipsis decretis meræ opinionis probabilitatem quidem aliquam dare potuit, non vero certitudinem fidei, quod mihi in præsentiarum sufficit. Certo enim primatus juri, quo summi hierarchæ superiores sunt tota Ecclesia etiam congregata in generali concilio, quomodo præjudicare potest nova hæc opinio nullo antiquo textu aut exemplo legitimo fulta, & rationi tantum probabili innixa, decretisque Constantiensibus, quæ vi generalis synodi carent, nec condunt certam fidei doctrinam? Quid porro si ea ipsa ratio, quæ pro ejus temporis angustiis ac circumstantiis probabilis visa est, inanis per se se atque inepta demonstrari queat? Id patebit ex dicendis capite sequenti.

## CAPUT IX.

Objectio ex necessitate remedii in casibus extraordinariis a constantiensi memoratis expuncta.

**R**atio necessitatis remedii in casu pertinacissimi schismatis, quæ inducendæ sententiæ de jure conciliorum generalium supra contententes Pontifices juris dubii causam præbuit, adeo evidens visa est Episcopo Meldensi, ut in dissertatione præmissa *Defensionis* repugnantes coarguendos duxerit his verbis:

T. 2. §. 38.  
pag. 34.

*An dubium Pontificem etiam contumacem a Concilii Oecumenici potestate immunem esse oportebat; neque esse in Ecclesia vim ullam, quæ schismatis vulneri mederetur? Absurdum, alsonum, rebus gestis repugnans, Ecclesiæ Catholicæ Christi quæ providentiæ prorsus inimicum. Dicent opportunissimum schismatis fuisse remedium, si de Potatu fari fere jure contendentes ultro loco cederent. Recte: quid autem si nollent? aeterno schismate Ecclesia laboraret? Absit. Ergo necesse est ut sit aliqua potestas, qua dubii saltem Pontifices etiam inviti comprimantur. Eandem porro rationem æque valere etiam in casibus fidei ac reformationis morum in capite & in membris, in quibus Constantiensia decreta ipsum Papam generalis Concilii juri subjiciunt, idem Episcopus nihil dubitat. Esto enim suprema Romanorum Pontificum potestas a conciliorum quoque generalium jure sit quodammodo eximenda in casibus*

\* Lib. 10.  
*Defensionis*  
c. 21. §. 2.  
pag. 225.

*ordinariis atque vulgaribus, quorum causa, ut \* ille ait, laesse Pontificiam majestatem, pacemque Ecclesiæ perturbari (convocatione synodi generalis) esset revera impudentissimum: in gravissimis tamen & extraordinariis causis fidei, schismatum, & reformationis morum in capite & in membris, quæ solæ memorantur in decretis Constantiensibus,*

bus, aliter dicendum est juxta illud vulgatissimum: *in generalibus legibus non comprehendi casus extraordinarios, eosque actus, quos in re improvisa ipsa necessitas exprefferit.* Ita ille. Quæro autem, num ii, qui in aliquem per se nullum jus habent, in casibus extraordinariis atque improvisis ex necessitate remedii jurisdictionem super ipsum acquirant? Id si probari nulla ratione potest; quomodo jus erit concilio generali supra Papam, in quem superiorem suum ratione primatus nullo coactivo jure potitur? Num ex necessitate aliqua in extraordinariis casibus admitteretur subditorum jus etiam in Principes?

Idem ibi

Remedii necessitas non dat jus ei, qui per se jure caret.

2. Cum de remedio in casibus extraordinariis adhibendo sermo est, ut hoc a quopiam præstari posse dicatur, jus ipsius proprium antea probandum est; neque enim solo remedii quantumvis necessarij nomine jus legitimum ei vindicari potest, qui per se ex aliis documentis certisque probationibus eo jure careat. Jus porro ejusmodi coactivum esse debet, quo in memoratis casibus Pontifex, si renuat, ad parendum adigatur. Jus autem hujus generis coactivum uni superiori competere potest: neque enim inferior in superiorem habet imperium. Cum vero probatum antea fuerit Summos Pontifices ratione primatus ea suprema jurisdictione potiri, qua toti Ecclesiæ etiam collective sumptæ ab ipso Christo præpositi sunt; ac proinde superiores quæque esse ipsi conciliis generalibus, qui universam Ecclesiam repræsentant; idque aliis atque aliis traditionis ac rationis momentis fuerit confirmatum; adeo ut ab adversariis nullum antiquum efficax documentum opponentibus id in dubium jure adduci non possit; quomodo illud coactivum jus in Summos Pontifices superiores suos solo remedii titulo attribui potest generalibus synodis, quæ jus ejusmodi nec per se habent, nec solo remedii titulo acquirere queunt? Hæc una ratio, si nulla alia præsto esset, ad disjiciendum objectum ex necessitate remedii ductum posset sufficere. Sed age expendamus singulos extraordinarios casus jam memoratos, & luculentiora forsitan proferentur, quibus omnis, si quæ impediatur, dubitatio eximatur.

Distinctio de casibus extraordinariis reiecta.

## §. I.

*De remedio in casu reformationis morum  
præsertim in capite.*

Unicum cer-  
rumque Pon-  
tificem nemo  
potest a Pon-  
tificatu de-  
ponere.

3. Casus extraordinarii in Constantiensibus decretis recensiti, in quibus necessarii remedii nomine jus œcumenicis synodis asserendum creditur in summos Pontifices, ad tres revocantur, cum nimirum agitur de fide, vel de schismate, vel de reformatione morum præsertim in capite. Incipiamus a casu reformationis morum alicujus unici indubitatiq̃ Pontificis (ubi enim duo simul, vel plures de Pontificatu contendentes ac dubii juris Antistites morum reformatione indigerent, casus pertineret ad schisma, de quo statuetur §. 3. ); & videamus, num generale Concilium, unicum indubitatumq̃ Pontificem, si pravis moribus scandalizet Ecclesiam, ad reformandos mores vel invitum cogere, & pœnis Ecclesiasticis plectere pro jure suo possit. Hujus casus & quæstionis solutio præmittenda est, cum principium certum exigit dicendis postea maxime necessarium, quod hoc in casu paucioribus constituere licet. Cum Pontifex, de quo agimus, unicus & certus sit ex legitima & indubitata electione; certus est pariter ejus primatus in universam Ecclesiam. Hic autem primatus divino jure institutus ob continendam vindicandamq̃ in tota Ecclesia communionis ac fidei unitatem; jurisdictionem divini pariter juris ipsi vindicat, qua non solum distributive singulos, sed omnes etiam collective obligat ad utramque unitatem, ut in præcedenti opere *De vi & ratione primatus* fuscè probatum, seu potius demonstratum videtur. Hinc idem Pontifex eodem primatus jure superior est toti Ecclesiæ collective sumptæ; vimque coactivam habere debet in omnes collective, sine qua intentus a Christo unitatis finis obtineri non posset; ac proinde superior quoque est generali Concilio, quo etsi totam Ecclesiam repræsentet, non  
tamen

tamen majori quam ipsa Ecclesia privilegio præditum a Pontificio jure, cui tota Ecclesia subicitur, exemptum dici potest. Pontifex igitur, ratione primatus concilio quoque generali superior, hujus jurisdictioni subesse non potest. Esto in quopiam Summo Pontifice essent scandala morum, quæ reformationem exigent; num scandala & pravi mores Pontificum in ipsis adimunt, quod iisdem ex divini juris primatu competens, eos omnibus superiores constituit? Num jurisdictionem coactivam in illos tribuere queunt inferiori, cui in superiorem suum nequit convenire? Si in quibuscumque corruptissimis Principum moribus reformati ne indigentibus adversarii coactivum jus eorum subditis non concederent in ipsos Principes, quippe qui omnibus subditis sunt superiores; haud video, qua coherentiâ possint scandalorum nomine jus coactivum tribuere generalibus synodis supra Romanos Pontifices, qui ob divini juris primatum eisdem quoque synodis sunt pariter superiores.

4. Alia speciali observatione Pontificii primatus propria id evidentius fiet. Cum Papa ex dictis superior sit omnibus ratione primatus; nemo inferior jure coactivus in ipsum agere poterit, nisi prius is spoliatur eodem primatu, quo omnium jurisdictionem excedit. Primatus autem, qui unius tantum Pontificis personalis est, nec Pontifice mortuo in plures electores novi Pontificis transivit, non ab ipsis electoribus primatu carentibus, sed a Deo immediate confertur electo. Num quod a Deo immediate collatum est novo Pontifici, ob scandala seu corruptos mores, si qui in ipso reformandi essent, auferri a quopiam potest, & auferri præsertim ab inferiori, cui in superiorem jus nullum est? Episcopalis jurisdictio licet sit institutionis divinæ, non minus quam jurisdictio primatus Pontificum, ideo ex causa Episcopo adimi potest a Papa, vel a Concilio, quia Episcoporum jurisdictio Deo instituyente subiecta fuit Pontificio ac synodorum juri. Vide cap. 1. §. 5. & 6. At Pontificii primatus jurisdictio, sicut & ipse primatus, nullius juri subiecta ex institutione divina, a nemine, qui semper inferior est eodem Pontifice, auferri potest. Hoc principium tamquam omnino certum olim tradiderunt quidam Magistri Parisienses in duabus epistolis ad familiarem Benedicti XIII. quem certum Pontificem judica-

Scandala & pravi mores  
jus non tribuunt inferioribus in superiorem.

Primatus  
non ab electoribus, sed a Deo ipso electo immediate collatus.

\* Leguntur  
tom. 4 Hist.  
Universit.  
Parisiensis.



dicabant. In prima epistola inter aliquot quæstiones, quas solvendas proponunt, hæc decimo loco legitur: *Utrum Deus, qui solus, & nullus alius plenitudinem Ecclesiasticæ potestatis, seu auctoritatem Papalem dare potest, dederit unquam alicui personæ, vel communitati creatæ potestatem auferendi illam auctoritatem a Papa, quam immediate ipsemet sibi contulit: & si sic, ex quo textu Sacræ Scripturæ, vel alterius cujuscunque, cui Papa credere teneatur, hoc possit haberi.* In altera vero epistola quæstiones seu theses varias cum suis responsionibus subjicientes ad thesim xii., qua suam sententiam exponunt circa quæstionem x. prioribus litteris propositam, hæc pronuntiant. *Sicuti nulla creata persona, nec communitas totius Ecclesiæ militantis potest, nec unquam potuit dare Papæ immediatum Christi Vicariatum; ita nec aliqua talis persona vel communitas potest auferre sibi invito illam Vicariatus auctoritatem, quæ eidem non ab hominibus, sed a solo Deo est immediate collata.* Hæc thesis apud Raynaldum descripta una cum ceteris tribuitur Joanni Azouli Ordinis Prædicatorum ad an. 1395. num: 13.

*Ibid.*

*Tem. 7. Annual. pag. 593. edit. Lucen.*

Quid liceat inferiori, cum de scandalis Pontificum agitur.

5. Neque vero huic divini juris primatui quidquam officerent scandala morum, si quæ in Pontifice remedium postularent. In sacris canonibus, ubi de scandalis Pontificum agitur, statutum legitur ipsis non obediendum, nec sequenda eorum exempla, ubi aliquid contra divinam legem agant vel præcipiant: numquam vero judicio cujusquam subjiciendos indicant, nisi forte sint a fide devii. Quæ hæresis exceptio ea de causa fit, quia ob hæresim ipso facto a pontificatu decedentes, primatus jurisdictionem amitterent, ut explicabitur paragrapho sequenti: idipsūque dicendum de vero schismate, quo Pontifex se separaret a corpore Ecclesiæ. Vide dicenda inferius n. 17. Cum autem ex aliis criminibus seu scandalis Papa saltem certus non desinat esse caput Ecclesiæ, nec primatu exuatur; nihil mirum si judicari & deponi a quopiam nequeat: unde vulgatum illud principium superius expositum c. 5. Papam non judicari a quoquam, ejusque crimina solius Dei judicio reservari.

6. Enimvero non defuerunt antiquis quoque temporibus nonnulla Pontificum scandala, quæ reformationis ac reme-

remedii necessitatem præferebant. At receptum erat apud catholicos illud Augustini axioma, nullam esse justam abscindendæ unitatis causam præsertim cum Ecclesiæ capite totius catholicæ unitatis centro; idque confirmabat vel maxime laudatum ab eodem S. Cypriani exemplum, qui licet in Pontifice Stephano causam dissidii non injustam se habere judicaret, noluit tamen cum ipso unitatem abrumperé. Cum enim (1) de certo legitimoque Summo Pontifice certo totius Ecclesiæ capite sermo est; hæc duo sunt pariter certa, primo non licere membris se a suo capite separare, cum quo unitas necessaria est; secundo separationem ejusmodi a certo ac legitimo capite inducere crimen (2) aperti schismatis, quod a nemine contrahendum est, ut aliquis cujuslibet scandala aut crimina corrigat vel impediatur juxta illud Apostoli: *Non sunt facienda mala, ut eveniant bona.* Hac de causa Ivo Carnotensis Episcopus approbare non potuit eorum Episcoporum consilium, qui in gravissimo scandalo, quod in tota Ecclesia excitaverat Paschalis II. concessio licet per vim privilegio de investituris, huic certo Pontifici minati sunt se ab ejus obedientia recessuros, nisi idem privilegium rescindens tantum scandalum tolleretur. In ejusmodi scandalorum, quæ a Summis Antistitibus provenirent, remedium, non solum generalis synodus

Q 3

nodus

(1) Si in casu schismatis, quo duo vel tres se gerebant tamquam Pontifices, non pauci crediderunt subtrahendam ab ipsis obedientiam; id crediderunt licere illis tantum, qui nullum ex contententibus certum & legitimum Pontificem crederent: alias se se separantes ab eo, quem bona fide certum Pontificem judicassent, a crimine schismatis non potuissent excusari.

(2) Hinc intelligitur cur nemini liceat excommunicare, seu

communionem privare Summum Pontificem, illum scilicet cum quo jure primatus communio omnium fidelium necessaria est. Vide lib. *De vi & ratione primatus* c. 1. §. 1. Qui Papam excommunicaret, abruptens hanc necessariam communionis unitatem, schisma manifestum incurreret: unde omnes veluti schismaticos detestantur Pseudo-Sardicensis concilii Episcopi, nec non Dioscorum & Photium qui auli sunt excommunicare Summos Pontifices.

nodus, sed quilibet etiam inferior monitis, suasionibus, precibus, aliisque similibus mediis ex caritate tum privata, tum publica adhibendis uti potest, eos corrigendo, vel etiam cum debito obsequio arguendo & urgendo, proposito eisdem naturali ac divino illo jure, quo ad debitam morum reformationem, & ad scandala subtrahenda obligantur. Hoc unicum & inferioribus licitum remedium suggestit laudatus Carnotensis Episcopus: quod si bene cederet, gratiæ agerentur Deo; secus vero, addit nihil contra supremum Hierarcham tentandum, *cum non sit nostrum judicare de summo Pontifice*, multo autem minus illum deponere: quod confirmavit exemplo ipsius Christi, qui Pharisæorum & Scribarum mores non sequendos docuit, non autem eos *factiosa conspiratione e suis sedibus removendos*; adjecitque exemplum Pauli, *qui Petro sibi præfato, non recte incedenti ad veritatem Evangelii, in faciem resistit, non tamen eum abiecit*. Integrum textum protuli cap. 5. num. 14. pag. 78.

7. Quid tandem remedii necessarii nomine jus concilii generalis supra Pontificem adstruas, dum remedium hujusmodi per se non satis efficax, & aliunde difficillimum sit, ac fere impossibile? Ut efficax esset, & effectum pareret, quem necessitas requireret; jus ipsius concilii deberet esse omnino certum, de quo nemo posset ambigere. Si enim Papa non credat se subesse concilio; quid sperari potest remedii ex ejus decretis? Neque solum certum deberet esse conciliorum generalium jus, ut necessariam reformationem induceret; sed præterea ipsorum congregatio facilis esse deberet & expedita. Cum reformationis causæ frequentiores sint, & identidem urgere ab adversariis credantur; generale autem concilium cogere, quo necessaria reformatio inducatur, hoc præsertim tempore difficillimum sit, ac fere impossibile; remedium necessarium deesset Ecclesiæ, aut, ne desit, jus in Papam etiam invitum remedii causa non solis generalibus conciliis essettribuendum, sed etiam particularibus, quæ promptius & facilius cogi queunt. Id autem si ex necessitate remedii adversarii nequeunt admittere; eo quod Papa primatus causa quibuslibet particularibus synodis præstat: neque ex eodem remedii necessarij titulo tribuendum erit concilio generali, cum ille ex eodem primatu

tu non tam particularibus, quam generalibus synodis sit superior.

## §. II.

### *De remedio in casu hæresis circa fidem.*

8. Remedium in casu hæresis, in quam Pontifex incideret, promptius & facilius suppetit. Casus hæresis quoad Summos Pontifices non ille intelligitur, quo aliquis eorum ex officio definiens aliquod dogma fidei, errorem definiret: id enim ex constitutis singulari libro de eorum infallibilitate in definiendis controversiis fidei accidere nequit. Neque eum casum respicit, quo iidem opinando circa aliquam quæstionem nondum definitam errarent in materia fidei: quæ enim ante definitionem Ecclesiæ in libera opinione versantur, hæresis vitio carent. Ad eum itaque casum tantummodo præsens quæstio referri potest, quo Papa privato iudicio deceptus crederet, & pertinaciter propugnaret aliquid contrarium cuipiam articulo fidei evidenti, aut definito, quod hæresis proprium est. Hoc autem in casu (quem, licet a definitione fidei & a nostro proposito alienissimum, Dei tamen præsidio numquam eventurum confido) non pauci etiam ex ipsis Pontificiæ auctoritatis vindictibus (1) jus generalis concilii in Papam a fide devium, seu hæreticum asserunt; quia credunt talem Pontificem ex ipsa hæresi ab Ecclesiæ fundamento, quod est fides, & consequenter ab ipsa Ecclesia sejunctum atque præcisum, a Pontificatu penitus decidisse, hacque in hypothesi jus gener-

(1) Favet huic sententiæ Innocentius III. sermone tertio habito die suæ consecrationis scribens; *In tantum fides mihi necessaria est, ut, cum in cæteris peccatis Deum iudicem*

*habeam, propter peccatum, quod in fide committitur, possim ab Ecclesia judicari.* Vide Sylvium in 2. 2. S. Thomæ tom. 3. q. 39. art. 3. conclus. 2.

neralis concilii fore in eum, qui Pontifex amplius non est, nec primatu fruitur. Cur vero in præsentissimo omniumque gravissimo periculo fidei, quod ex Pontifice hæresim privato licet iudicio propugnante impendens, diuturniores moras non pateretur, remedium ex generalis synodi non ita facili convocatione expectandum credatur? Nonne etiam inferiores quicumque in tanto fidei discrimine superiorem suam correctione fraterna commonere queant, in faciem eidem resistere, atque revincere, & si opus sit, redarguere ac ad resipiscentiam urgere? Poterunt id Cardinales, qui ipsi a consiliis adstant; poterit Romanus Clerus; Romana etiam synodus, si expedire iudicetur, congregata poterit. Quemcumque vel privatum respiciunt illa

*Tit. 2. 13. Pauli ad Titum: Hæreticum hominem post unam & alteram correctionem devota, sciens quia subversus est, qui ejusmodi est, & delinquit, cum sit proprio iudicio condemnatus. Qui nimirum semel & bis correctus non resipiscit, sed pertinax est in sententia dogmati manifesto aut definito contraria; hac sua publica pertinacia, cum ab hæresi proprie dicta, quæ pertinaciam requirit, excusari nulla ratione potest; tum vero semetipsum palam declarat hæreticum, hoc est a fide catholica, & ab Ecclesia voluntate propria recessisse, ita ut ad eum præcidendum a corpore Ecclesiæ nulla cujusquam declaratio aut sententia necessaria sit. Perspicua hac in re est S. Hieronymi ratio in laudata Pauli verba. Propterea a semetipso dicitur esse damnatus, quia fornicator, adulter, homicida, & cetera vitia per Sacerdotes ex Ecclesia propelluntur: hæretici autem in semetipsos sententiam ferunt, suo arbitrio de Ecclesia recedentes: quæ recessio propriæ conscientiae videtur esse damnatio. Pontifex ergo, qui post tam solennem & publicam Cardinalium, Romani Cleri, vel etiam synodi inonitionem se se obfirmatum præferret in hæresi, & de Ecclesia palam recessisset, juxta præceptum Pauli esset vitandus; & ne aliis perniciem afferret, in publicum proferenda esset ejus hæresis, & contumacia, ut omnes similiter ab eo caverent, sicque sententia, quam in se ipsum tulit, toti Ecclesiæ proposita, eum sua voluntate recessisse, & ab Ecclesiæ corpore declararet avulsum, atque abdicasse quodammodo Pontificatum, quo nemo fruitur, nec frui potest, qui*

qui non sit in Ecclesia. Vides igitur in casu hæresis, cui Pontifex privato sensu adhæreret, promptum & efficax remedium absque generalis synodi convocatione: qua in hypothese quidquid contra ipsum ageretur ante declaratam ejus contumaciam & hæresim, ut ad sanum consilium adduceretur, caritatis, non jurisdictionis officium esset: postea vero manifestato ejus recessu ab Ecclesia, si quæ sententia a concilio in eundem ferretur, in eum ferretur, qui Pontifex amplius non esset, neque superior concilio. Sed hæc (3) hypothesis nullo facto comprobatur; siquidem nullus vel privatus error cuiquam Pontifici adscriptus contra ullum dogma evidens aut definitum hætenus inventus est, aut futurus putatur. Quid igitur in mera hypothese laboremus pluribus?

*Ballerinius de Potestat. Eccl.*

R

§. III.

(3) Hypotheticum quidem casum tantummodo præferunt duo antiqui textus, qui Romanum Pontificem ab inferiorum jure exemptum affirmant hac exceptione, *nisi deprehendatur a fide devius*, uti traditur can. *Si Papa* ex actis Bonifacii Moguntini apud Gratianum dist. 40. c. 6. vel *nisi a recta fide exorbitaverit*, quem admodum legitur in concilio V. sub Symmacho: quæ tamen hypothesis non de definitionum, sed de privata opinionis errore circa fidem intelligenda ex dictis initio præsentis num. 8. colligere licet. Obiter porro hoc loco mone-

bo canonem *Si Papa*, de quo in actis hætenus notis S. Bonifacii Archiepiscopi nullum indicium est, nullaquæ apud Canonistas Deusdedit antiquiores occurrit mentio, incertæ admodum esse auctoritatis ac fidei: concilium vero V. Romanum sub Symmacho vulgo legitimum habitum, omnino supposititium probasse nobis videntur in tractatu *De antiquis canonum collectionibus*, qui prodit tom. 3. nostræ editionis Venetæ Operum S. Leonis. Vide part. 3. c. 6. n. 7. pag. cccvii.

## §. III.

*De casu schismatis, quo duo vel plures se se gerant  
tamquam Pontifices.*

9. Reliquus est casus schismatis, in quo duo vel plures de pontificatu contententes, Ecclesiam in partes discindant. Duo autem ejusmodi schismatum genera sunt distinguenda. Vel enim unius ex contententibus electio & jus instituto congruo examine legitimum & certum detectum lest, vel incertum remanet & obscurum. Primus casus antiquis etiam temporibus identidem incidit; neque cogitatum umquam fuit de generali synodo congreganda, quæ in Pontificem etiam ex legitima electione certum aliquid juris haberet, eundemque æque ac invalorem, ob restituendam Ecclesiæ pacem & unitatem, a pontificatu & primatu ejus certo deponeret. Semper vindicatus fuit ille, cujus jus certum ex legitimæ electionis notitia innotuerat, ut patet ex. gr. ex iis quæ gesta sunt in schismate contra S. Cornelium excitato tempore S. Cypriani, nec non in illo quod temporibus S. Bernardi contra Innocentium II. & Alexandrum III. esserbuit. Ratio pro legitimo certoque Pontifice manifesta erat, non solum quia non debet invalor & intrusus contra certi juris Pontificem prævalere; verum etiam, & multo magis quia contra certum Pontificium jus nulla vel generalis concilii potestas est: cum ob idem jus non ab electoribus, nec ab Ecclesia, sed a Deo immediate tributum, verus Pontifex toti Ecclesiæ, & generalibus quoque synodis ( ut probavimus ) superior, ab aliorum omnium sibi inferiorum jurisdictione subtrahatur. Hac quidem de causa Basileensium molimina & gesta contra Eugenium IV. unicum certumque Pontificem illegitimam & inania nihil potuerunt ad ipsum deponendum, & in apertum schisma deflexerunt.



10. Si porro agatur de schismate, in quo ob inextricabiles facti jurisque difficultates nulli ex contententibus jus certum, sed cuivis sit dubium; id unum in magnam controversiam cadere potest. Id quidem tempore synodorum Pisanæ & Constantiensis, cum duo primum, dein tres tamquam Pontifices se se gerebant, & magnis hinc & hinc suarum cujusque partium studiis decertabant, diversas in sententias plures adduxit. Fuerunt nimirum \* nonnulli, & \* *Vid. supr. c. 6. n. 16.* adhuc sunt, qui hujusmodi tantum Pontifices dubii & incerti juris synodorum generalium potestati subjiciunt. Hanc autem sententiam, quam aliquot etiam celebres auctoritatis Pontificiæ vindices sequuntur, ut hinc remedium difficili schismati asseratur, ego absolute repudiare nolim. Aliquot tantum considerationes proferam, ex quibus forsitan, quid verius sentiendum sit, eruatur. Peto igitur in primis ab hujus sententiæ patronis, num eorum opinionem susceperint, qui dixerunt aut dicunt in casu memorati schismatis nullum ex contententibus dubii & incerti iuris fuisse reipsa verum legitimumque Pontificem juxta illud effatum: *Papa dubius, Papa nullus*: an vero censeant unum aliquem ex illis fuisse reipsa verum Papam, & solum ob involutas facti jurisque circumstantias ignotum fuisse, quisnam eorum verus reipsa & legitimus Pontifex existeret? In primo sensu quidquid in ipsos egisset concilium, non egisset contra veros Pontifices, sed contra eos, qui cum non essent reipsa veri Pontifices, carebant primatu, nec erant superiores concilio, nihilque mirum si concilii auctoritati suberant. Immo hac in hypothesi schisma non caruisset prompto facilique remedio non solum ex generali, sed ex magis obviis particularibus etiam synodis, quæ in hujus generis contententes pontificatu expertes jus habere potuissent.

11. Quodsi illud effatum *Papa dubius, Papa nullus*, incredibile judicetur præsertim in diuturniori illo schismate, in quo dicere Ecclesiam per annos triginta & amplius, quibus idem schisma duravit ab electione Urbani VI. usque ad electionem Martini V. caruisse semper vero Pontifice, omniumque electionem fuisse illegitimam, absolum videtur, & fere etiam impossibile (si enim electio ex. gr. Urbani VI. irrita fuisse credatur, subsequuta electio Cle-

mentis VII. ejus æmuli, quæ non alia de causa dici potest illegitima, nisi ob legitimam & ratam electionem Urbani, valida dicenda esset): si illud, inquam, primum effectum judicetur incredibile, alia via me expediam. Ubi enim inter duos vel tres de Pontificatu contententes unus ex illis verus reipsa Pontifex fuisse dicendus sit, & solum latuisse, quisnam ex illis verus fuerit, num Urbanus VI. an Clemens VII. & similiter de aliis, qui utrinque subrogati fuerunt: eadem rationes, quibus num. 3. & 4. probavimus certum Pontificem non subesse jurisdictioni concilii quantumvis œcumenici, nec posse ab eo deponi; probant etiam non subesse, nec deponi posse eum, qui inter duos vel tres incerti dubiive juris Pontifices verus reapse & legitimus sit, quamvis ignoretur, & dubius incertusque apud homines habeatur. Ideo enim (ut antea probatum est) supra certum Pontificem jus nullum est concilio etiam generali, quia verus Pontifex est, & primatu fruitur, ob quem toti Ecclesiæ etiam collectivæ sumptæ, & in concilio adunatæ jure divino superior est; nec inferiori in superiorem suum coactivum jus esse potest. Idem vero primatus inest cuivis Pontifici, qui verus & legitimus sit, etiam si ob ancipites circumstantias non constet, quis inter contententes sit legitimus & verus. Hæc enim ignorantia potest quidem excusare eos, qui verum re ipsa Pontificem sibi invincibiliter ignotum debitum officium non prosequuntur; at sicut simplex ignorantia nihil juris adimit, aut adimere potest ei, qui re ipsa verus & legitimus Pontifex sit, licet aliis ignotus, ita nihil juris tribuit, aut tribuere potest in ipsum concilio quamvis œcumenico: semper nimirum jus primatus manet re ipsa vero legitimoque Pontifici, qui semper hoc primatus jure re ipsa toti Ecclesiæ, & cuivis concilio superior, a jurisdictione istorum subtrahitur.

12. Id quidem persuasum quoque fuisse Patribus concilii Pisani, qui etsi de duobus contendentibus incerti juris Pontificibus agerent, non tamen crediderunt hoc saltem in casu certum sibi jus competere ad eos deponendos, nisi ipsos tanquam schismaticos atque hæreticos ipso facto a semet ipsis depositos excidisse judicassent a pontificatu, quo solo a concilii jurisdictione exinebantur. Vide quæ in hæc rem diximus cap. VI. num. 14. Adeo inplexis quoque ejus

ejus schismatis circumstantiis obtinebat vetus sententia, nec putabatur tempore schismatis difficillimi remedii titulo posse concilium contententes omnes deponere, in quibus unus, legitimus, & verus re ipsa Pontifex concilio non suberat, nisi aliquo alio nomine e pontificatu excidisset. Hæc sunt momenta, ob quæ non facile, nec absolute approbandam arbitror eorum opinionem, qui generali concilio jus asserendum putant saltem in schismate supra incerti juris Pontifices.

13. Neque repetas: nullumne ergo in ejusmodi schismatibus a generali quoque concilio remedium? Quid enim absurdum est, si remedium non suppetat ex concilio, cui jus in verum legitimumque Pontificem quantumvis ignotum (si quidem unus inter contententes verus & legitimus concedendus sit) nequaquam competit, aut saltem competere certum non est? Ubi enim id non sit perinde certum, ut ab ipsis de pontificatu contententibus in dubium revocari non possit, hancque incertitudinem iidem adversari debent concedere, cum dogma hac in re certum non esse fateantur; quomodo remedium opportunum sperari potest ex hujusmodi synodo, quam contententes jus in se legitimum habere non solum certum non credant, sed certum potius credant oppositum? Hac sane de causa synodus Pisana, licet œcumenica præferretur, effectum consequuta non est: neque enim ab ea schisma extinctum, sed potius auctum, cum post depositionem duorum contententium elegit tertium, ex quo Ecclesia in duas partes antea divisa, in tres postea discissa fuit.

14. Neque tamen negari posse existimo quin in casu schismatis jus ullum conciliis generalibus suppetat. Initio quippe schismatum, cum quæstio fere pertineat ad facta & circumstantias electionis, quæ in iisdem initiis facilius detegi queant, ut dijudicetur cujus ex contententibus legitima fuerit electio, sicque cognoscatur, & recipiatur, & comprobetur legitime electus, repellatur autem intrusus; judicium ejusmodi, quod nihil juris coactivi in verum Pontificem præsert, si olim attributum fuit etiam particularibus synodis, nonne magis multo generali concilio asserendum est? Hinc sane generale concilium cogendum censuit Urbanus VI. tum ante, tum post Antipapæ Clementis

Quatenus concilium in schismatibus utile esse possit.

• Raynald. t. 7. an. 1378. n. 42. p. 330.

\* *Idem* t. 5.  
 an. 1397. n.  
 5. pag. 5. &  
 n. 37. p. 36.

electionem, eo quod suæ causæ fideret; & soli Gallicani Cardinales fautores Clementis ejusmodi convocationem recusarunt: quod istius electioni maximo præjudicio est. Idem oecumenici concilii judicium, in quo ageretur de Patris titulo, obtulit etiam Urbani successor \* Bonifacius IX., cui cum pariter obstitissent fautores partis contrariæ, partium hinc inde disputationes ac studia ita cursu temporis rem omnem involverunt, ut quæstio de titulo ob implicatissimas facti ac juris difficultates definiri amplius non posse crederetur. In hisce autem angustiis non modo utilem, sed vel maxime necessariam fuisse reor convocationem concilii generalis, in quo ex omnibus obedientiis Patres quam fieri posset frequentissimi convenirent; non quod concilium hujusmodi jus ullum saltem certum per se se haberet ad deponendum, si opus esset, cum ceteris contendentibus eum quoque, qui inter ipsos verus re ipsa & legitimus erat; sed ut plurimorum consilio quæreretur & proponerentur viæ & media ad finiendum schisma magis idonea atque etiam legitima, quæis contendentes debuissent acquiescere, si non jure concilii, certe naturali atque divino, quæ præcipiunt ut quisque proprio commune & publicum unitatis bonum præponat. Licet autem legitimum cessionis medium, quod magis obvium & expeditum Constantiensibus rebus multis procurarunt, ab omnibus contendentibus non fuisset receptum; adhuc tamen non inutilis inventa est ejus synodi convocatio.

15. Semper in Ecclesia excitata fuerunt scandala & gravissimæ vexationes, quæ cum a Deo fuerint permissæ in finem aliquem bonum, licet nobis incognitum (unde 1. Cor. 1. v. scriptum est: *Oportet & hæreses esse, ut hi, qui probati sunt, manifesti fiant*); tum vero deficiente omni humano subsidio, ejusdem Dei fuit remedium præstare, quod & quando ipsi placuit. Concilium Constantiense, quod in prædicto schismate post Pisanum fuit congregatum suo solo jure non magis profuisset, nisi alia extrinseca media atque subsidia (quæ ad jus coactivum concilii supra omnes contendentes asserendum allegari non possunt) accessissent, ex quorum complexu pax & unitas desiderata Deo disponente restituta tandem fuit, & schismati impositus finis, ut mox explicabitur.

## §. IV.

*Quomodo in Constantiensi schisma sublatum, & unitas restituta sine usu potestatis concilii supra Pontificem.*

16. Hic tam expetitus unitatis & pacis effectus tum prospere successit, cum Martinus V. a memorato Concilio electus, solus certus & legitimus Pontifex extitit. Quomodo autem id evenerit sine usu potestatis concilii supra Papam, paucis dicam. Ejus electio peracta est post cessionem seu renuntiationem liberam Gregorii XII., qui (4) De Grego-  
 probabilius verus Pontifex erat, & post depositionem alio-  
 rio XII.  
 rum duorum, Joannis nimirum XXIII. & Benedicti XIII. De Joanne  
 sed ita, ut Joannes, qui depositioni suæ non solum (5) XXIII.  
 ante

(4) Probabilis, inquam; quia probabilis verus Pontifex fuit Urbanus VI. cui idem Gregorius XII. post alios duos legitima electione successit. Licet enim Urbani electio a Cardinalibus peracta, incussi metus titulo vocata fuisset in dubium; ratihabitio tamen subsequens, & multo magis nova ab iisdem peracta ipsius posterior electio, & quadrimestris pacifica possessio, aliaque a Raynaldo allata an. 1376. illam luculentissime vindicant. Legenda præterea epistola Regis Castellæ ad Martinum Regem Aragonum scripta an.

1397. (Raynald. t. 8. pag. 7.) in qua argumenta pro Urbano VI. multo probabiliora elucescunt. Neque Gregorio XII. præjudicat depositio ipsius facta in Concilio Pisano: siquidem quantum laboret hujus concilii auctoritas cap. 6. vidimus, ac propterea jus deponendi verum Pontificem, quidem Gregorium XII. probabilis credimus, nondum probatum est.

(5) Dum Joannes XXIII. ante depositionem legatis a synodo missis spondit fore, ut synodi sententiam etiam si in se latam cum birreti depo-

T. 15. Concil.  
col. 197. c.  
198. 2.  
\* Ibi col. 215.  
2.

ante sententiam, sed postea etiam \* publicum & solemnem præbuit assensum, antequam Martinus eligeretur, hoc assensu se se quodammodo pontificatu abdicaverit. Quod si hæc omnia is fecit, dum esset in custodia; acta nihilominus dici nequeunt ex metu cadente in constantem virum, quo libertas ejusmodi actis necessaria tollitur: hic enim metus in eum non cadit, qui ex metu id facit, quod jure & iuste facere debet. Joannes autem XXIII. ob restituendam Ecclesiæ unitatem & pacem jure naturali ac divino renuntiare debebat Papatui, ut promiserat ac juramento etiam firmaverat. Satis itaque voluntarius ac liber fuit ejus assensus depositioni præstitus, etiamsi ob aliquem metum fuisset elicitus. Multo autem evidentius voluntarius est agnitus, cum liber e custodia Florentiam advolans; ubi erat Martinus V. huic suam cessionem & obsequium declaravit.

De Benèd-  
icto XIII.

7. Restabat Petrus de Luna dictus in sua obedientia Benedictus XIII., qui nec cum Gregorio XII. juri suo in pontificatum voluit renuntiare, nec cum Joanne XXIII. concilii sententiæ se se subicere nec ante nec post sententiam consensit. Omnem nihilominus difficultatem dispellit sententia in ipsum lata tamquam schismaticum & hæreticum, quippe qui sub finem concilii in apertum schisma & in hæresim lapsus, ex ipso schismatis & hæresis crimi-

finione acciperet, eamque, quantum in se fuerit, confirmaret, approbaret, & emolga-  
ret ( tom. 15. Concil. col. 198. 2 ); se quodammodo submisit synodo, eique in se auctoritatem, qua carebat, impertivit: unde in exordio sententiæ synodus declaratam voluit ejusdem submissionem spontaneam. Post depositionem vero itaclare eam sententiam confirmavit, ut pontificatu se abdicasse, quemadmodum in unitatis bonum, nec non ex

promissione, ac jurejurando obstringebatur, negari non possit. Quam in rem notanda præsertim hæc ratificationis verba, quæ renuntiationem liberam expriment: Immo eidem Papatui, & juri, si quod in eodem sibi quaetercumque competierat: seu si quod sibi nunc in eodem competeat, pure, simpliciter, & absolute libereque & sponte cedebat & renuntiabat. T. 15. Concil. col. 216. 2.

crimine ab Ecclesia separatus, jam a primatu exciderat, & primatu suo vitio ac voluntate spoliatus, Pontifex amplius non erat superior Concilio, sed juri & sententiæ concilii suberat. Id quomodo verissimum sit, explicandum. Cum certum est hominem schismaticum non esse in Ecclesia catholica; tum vero æque indubium est schismaticum ab Ecclesia catholica sejunctum non posse esse caput ejusdem Ecclesiæ, nec verum legitimumque Pontificem primatus jurisdictione præditum, cum nulla sit jurisdictio nisi in unitate Ecclesiæ (6). Schismaticus autem non ille solus est, qui separatur a capite ipsius Ecclesiæ Romano Pontifice, a quo quicumque separatur, ab ipsa Ecclesia catholica illi unita tamquam capiti est pariter separatus; sed ille etiam atque potissimum, qui sit divisus a corpore & unitate Ecclesiæ, & cum catholica Ecclesia nequaquam communicet. Nam, ut docuit Augustinus *De unitate Ecclesiæ* cap. 4. *Quicumque ab ejus (Christi) corpore, quod est Ecclesia, ita dissentiant, ut eorum communio non sit cum TOTO, quacumque diffunditur, sed in aliqua parte separata inveniatur, manifestum est eos non esse in catholica Ecclesia.* Porro Ecclesiæ corpus, quod ob schisma hujus temporis in tres partes, seu (ut vocabant) obedientias fuerat divisum, coaluerat in unum, cum tres illæ obedientiæ per Constantiense concilium ad unitatem venerunt. Id non sub hujus concilii initium factum est; sed tunc cum post coadunatas duas obedientias Joannis XXIII. & Gregorii XII. agentibus cum Sigismundo Rege concilii legatis, ceteri, ac tandem Hispani, qui difficiliores fuerant, ex tertia Benedicti XIII. obedientia accesserunt ad unitatem, exceptis paucissimis huic pertinaciter adhærentibus in Paniscola Hispaniæ angulo: qui proculdubio catholica Ecclesia dici non poterant. Cum ergo post omnium obedientiarum ac totius corporis unionem Benedictus ab illis separatus, sejunctus esset a corpore & unitate Ecclesiæ catholicæ (7) schismaticus

*Ballerini de Potestat. Eccl.*      S      finaticus

(6) Vid. Antonin. part. 2. tit. 3. c. 11. §. 7. conclus. 3. ubi Cancellarii Parisiensis sententiam recitat.

(7) Hac in Hypothesi Papam posse fieri schismaticum docuit Sylvius in 2. 2. S. Thomæ t. 3. q. 39. a. 1. si Pon-



smaticus vere esse cœpit, immo etiam hæreticus manifestus, quippe qui Ecclesiam Christi inter paucos suos partiariorum in Paniscola inclusam crederet, pertinacissimeque prætenderet, ita ut legatis a synodo missis dixerit: *Ibi* (in Constantiensi) *non est Ecclesia, sed in Paniscola est vera, inquam, Ecclesia: Et verberando manum suam, ad cathedram suam dixit: Hæc est arca Noe, in qua paucissimi erant.* De Constantiensibus autem, qui ex omnibus obediētiis coaluerant, pronuntiavit: *Ipsi magis sunt schismatici, quam ego.* Id Donatistarum errorem præfert, qui ad eos paucos in Africæ angulo Donati partem sequentes veram Ecclesiam redactam putabant, hocque nomine non solum schismatici, sed hæretici etiam fuere, inficientes veræ Ecclesiæ prærogativam, id est catholicæ toto orbe diffusæ. Hac itaque duplici schismatis & hæresis causa Benedictus XIII. (si verum Pontificem fuisse existimes) ipso facto sua voluntate primatu & Pontificatu exauctoratus, rite ac legitime deponi potuit a Concilio tamquam schismaticus & hæreticus; quod cum non congrueret Joanni XXIII., in sententia contra hunc edita declaratum non legitur.

18. Vides interim, quibus modis divina providentia usa est ad abolendum per Constantiensem synodum pertinacissimum schisma, ut ne opus esset eandem synodum quicquam juris exercere ad deponendum suam auctoritate quempiam verum, licet ignotum, actuale Pontificem. Gregorium enim XII, qui probabilius erat verus & legitimus Papa, non deposuit, cum sponte cesserit. Joannem vero XXIII., si verus Pontifex fuisse credatur, deposuit quidem, sed ex ejus voluntate atque consensu, qui cessionis æquivaleret. Solum Benedictum XIII. post adunatas obedientias deposuit invitum, cum renuens accedere ad unitatem, & Pontificatui cedere, persistens pertinacissime in manifesta separatione a corpore Ecclesiæ catholicæ jam adunatæ, se se schismaticum & hæreticum prodidit: ex quo in depositionis

---

*tifex seipsum separet a communione catholicorum Episcoporum, aliorumque fidelium, & solum*

*communicet cum quibusdam sibi adherentibus. Confer quæ idem addit art. 3.*

nis sententia ipsum synodus schismatis & hæresis nominibus ab Ecclesia præcisum, & a Pontificatu, quem prætendebat, depositum declaravit potius quam deposuit. Necessitas ergo remedii, ex qua generali concilio jus coactivum tribuendum credebatur supra Pontifices in extraordinariis casibus memoratis a Constantiensi, ac præsertim in difficillimo ejus temporis schismate, quo evanuerit, ex hætenus disputatis quisque intelliget.

### §. V.

#### *Animadversio de appellationibus a Papa ad Concilium generale.*

19. Unam hic animadversionem non prætermittendam existimo. Qui ex necessitate remedii in periculis fidei, vel in scandalis morum aut schismatum, ad generalium conciliorum auctoritatem supra ipsos summos Pontifices propugnandam moventur, velim serio conferant pericula & scandala, quæ ex ipsorum sententia dimanant, eaque non difficilia, nec rara, sed facillima & frequentissima apud eos, qui eandem sententiam sequuntur. Ex hac enim inter alia non pauca, quæ memorare non vacat, originem ducunt appellationes a sententiis etiam dogmaticis sedis Apostolicæ, seu summorum Pontificum ad generale Concilium. Quæ & quot scandala hisce quoque posterioribus sæculis post receptam a quamplurimis adversariorum sententiam appellationibus ejusmodi universam turbarint Ecclesiam, notissimum est: & utinam hujus scandali turbarumque reliquæ adhuc non superessent! Neque dicas appellationes non esse passim approbandas nisi in casibus extremis ac necessariis, earumque abusum atque frequentiam esse tollendam. Si enim appellatio a Papa ad concilium œcumenicum tamquam ad superiorem auctoritatem per se legitima est; quis cohibere poterit appellantes præsertim in materiis dogmaticis, quin suum casum extremum ac necessarium prætendant?

Nonne inter causas & casus maxime necessarios illi potissimum censentur, qui ad fidei doctrinam pertinent? Data autem adversariis hac libertate, quoniam evadet unitas fidei cum Romanæ sedis fide jure primatus necessaria, uti antecedenti opere demonstratum arbitror? Cum itaque hæc pericula & scandala majora & frequentiora sint, quam illa schismatum ob incerti juris Pontifices; ratio autem dicet inter duo pericula & mala, quæ simul nequeant vitari, illud potius cavendum, quod majus est atque frequentius; quis non intelligat scandalorum & periculorum nomine non approbandam, sed omnino rejiciendam adversariorum sententiam de jure Conciliorum generalium in Romanos Pontifices, eamque potius amplectendam, quæ Pontificiam auctoritatem supra ipsa generalia Concilia ita explicat statuitque, ut cum antiquitate plane concordet, quæque cum vi ac ratione primatus concinens, unitati totius Ecclesiæ conservandæ præsertim in fide, turbulentissimisque dissensionibus & scandalis impediendis est maxime necessaria?

T. 1. Dissert.  
Ecccl. Altona-  
viæ 1732.

20. Hac in re vellem adversarios catholicos legere Joannis Ludovici Mosheimii celebris inter recentiores heterodoxos scriptoris dissertationem, *De Gallorum appellationibus ad Concilium universæ Ecclesiæ, unitatem Ecclesiæ spectabilem tollentibus*; hanc enim eorum sententiam non coherere probat cum illis principiis, quibus ex primatu divini juris Romanam sedem seu Romanos Pontifices totius Ecclesiæ & catholicæ unitatis centrum profitentur. Sed nos hisce subsidiis non indigemus. Quæ in præmissis libro *De vi & ratione primatus* disseruimus pro statuendo Pontificii primatus jure ac vi cogente ad unitatem communionis, & potissimum fidei universam Ecclesiam, & vi quidem cum infallibilitate cuncta in definitionibus dogmaticis, omne prorsus appellationum jus præsertim a definitionibus fidei palam excludunt. Quæ autem in hoc opere attulimus circa Pontificum & conciliorum generalium auctoritatem, satis superque constituisse videntur, Concilia quantumvis generalia, seu Episcopos in conciliis generalibus convocatos collective sumptos ita fuisse jurisdictioni summorum Pontificum, ut ad ipsa concilia quasi ad superius tribunal deferri nequeat proprie dicta appellatio.

CA-

## CAPUT X.

Principia & summa totius ratiocinii, quo generalibus conciliis negandum est jus supra Romanos Pontifices.

I. **Q**UID autem hac in disputatione immorer pluribus, si paucis vis omnis eorum, quæ diximus, restringi queat? Quæstio, de qua in præsentiarum egimus, utrum generale concilium jus habeat coactivum in Papam; cum generalis concilii natura non solos Episcopos, sed & ipsum Papam tamquam Ecclesiæ catholicæ & generalis concilii caput complectatur, ejusque suffragium cum suffragiis Episcoporum consentiens præsumat; contradictionem quamdam involvere non paucis visa est: in eum enim, qui decretis condendis sua voluntate assentitur, jus coactivum non cadit. Si autem a Papa separentur Episcopi, & his decernentibus separatim a capite seu contra ipsum caput, jus coactivum in Papam tribuendum credatur (quæ esse videtur adversariorum sententia), id alio nomine repugnat; eo quod Episcopi quicumque, & quocumque numero coacti in synodo, & separati a capite, generale concilium non sint, nec in ipsum caput superiorem suum coactivam & proprie dictam jurisdictionem obtineant. Ut autem quod in hanc thesim statuendam multis disserui, unico veluti obtutu percipiat, fortiusque animo inhaereat, totius ratiocinationis summa ad quatuor certa principia revocare juverit.

1. Primum principium. *Certum est Papam ratione primatus ea jurisdictione potiri, qua jure divino superior est tota Ecclesia etiam collectivè sumpta, & quocumque etiam generali concilio, seu quibuscumque Episcopis etiam collectivè una cum capite in generali concilio, quod universalem Ecclesiam representat.*

Id manifestum est ex constitutis in singulari libro *De vi & ratione primatus*, quo Christus Petrum cum peculiari jurisdictione primatus propria \* omnibus Apostolis totique Ecclesiae praeponit, & in Petro æque praeponit toti Ecclesiae & cunctis Episcopis Apostolorum successoribus ejus successores Romanos Pontifices, ut ejusdem Ecclesiae unitatem contineant atque tueantur. Non possent autem hunc finem effectumque obtinere, nisi præditi essent jure coactivo in omnes; cum ipsa unitas non ex singulis tantum distributive acceptis, sed ex omnibus in unum coactis, seu collective sumptis coeat. Hoc quoque jus in omnes collective, quod fluit ex natura seu ratione primatus, confirmavimus pluribus hoc ipso in opere cap. 4. §. 3. Qui porro jus habet coactivum in omnes etiam Episcopos universalis Ecclesiae sumptos collective, is proculdubio jus habere debet in eosdem, licet in generali frequentissimo concilio ex universa Ecclesia convocatos, qui majori privilegio gaudere nequeunt, quam ipsa universalis Ecclesia. Qui vero jus habet coactivum in aliquem, ejus superior est: ac idcirco omnes Episcopi etiam si collecti in generali synodo, in quos Romanus Pontifex jus habet, ipsum superiorem suum agnoscant necesse est; idemque superior pariter est generalibus synodis & Episcopis, qui in ipsis conveniunt.

3. Secundum principium. *Certum quoque est nulli inferiori competere jus coactivum in superiorem suum, nisi hoc jus inferiori certis documentis probetur ab eo collatum, qui eidem superiori jurisdictione præsist.*

Hujus principii prima pars cum sit manifesta ex ipso naturali jure, quod a nemine in dubium vocari poterit, ampliori confirmatione non indiget.

Altera vero pars, qua dicitur inferiori jus in superiorem suum conferri posse ab eo, qui ipsi superiori jurisdictione præsistet, liquet ex ratione ipsa naturali, quæ dictat hoc casu inferiorem utentem jure sibi tradito ab eo, qui in superiorem suum jurisdictione potitur, non inferioris, sed superioris delegantis personam gerere, & hoc jure in eundem posse legitime agere. Praxis etiam communis ejusmodi delegationum idem confirmat.

Tertia pars, qua hoc jus inferiori collatum diximus esse

esse probandum *documentis* sive rationibus *certis*, evidens est: alias enim certum superioris jus, quo eximitur a jurisdictione inferiorum, in ipsos inferiores exeri ab eo legitime poterit, omneque jus inferiorum in superiorem inane, irritum, & commentitium præferet.

4. Tertium principium. Cum ex dictis certum sit summum Pontificem esse superiorem, & jus superioris habere in totam Ecclesiam, & in ipsa generalia concilia; solus autem Deus ipse summus Pontificis superior sit; nec Ecclesia, nec universale concilium, seu nec Episcopi ex tota Ecclesia in generali concilio adunati, quos Papa inferiores vidimus jure divino, poterunt in hunc superiorem suum jurisdictionem exercere, nisi hæc jurisdictio ipsi a Deo tributa certis documentis probetur.

Si Ecclesia & Episcopi omnes etiam collecti in synodo oecumenica subiecti sunt jurisdictioni summorum Pontificum; sequitur hos in spiritualibus soli Deo subesse, ut plenius cognoscetur ex constitutis cap. 5. Nemini vero, qui Papa inferior sit, posse asseri jus in ipsum, nisi hoc jus cuiuspiam a Deo tributum certis documentis probetur, liquet ex parte tertia principii præcedentis: neque enim jus in superiorem, quod inferiori non competit ex ipsa ratione naturali, præsumi potest collatum a Deo naturalis legis auctore, nisi argumenta, quæ hanc divinam institutionem & delegationem quamdam adstruant, sint evidentiæ & penitus certa; cum præsertim agatur de jure in Papam quoque, si opus sit, deponendum, quod potestatem requirit auferendi ab eo primatum, qui non ab Ecclesia, nec a Concilio, sed a Deo immediate collatus summo Pontifici, nonnisi auctore ipso Deo auferri potest. Vide c. 9. n. 4. & 11.

5. Quartum principium. Ut jurisdictio in Papam inferiori, cui per se non competit, a Deo collata certo aliquo monumento probaretur; asserendum esset aliquod exploratum testimonium vel sacræ scripturæ, vel traditionis sanctorum Patrum, vel aliqua generalis Concilii aut summorum Pontificum definitio, ex quibus fontibus erui potest institutio aut delegatio divina. Si nihil ex his proferatur, non erit certa institutio aut delegatio divina, seu certum non erit Deum eam potestatem supra Pontificem superiorem

rem

rem suum tribuisse Ecclesiæ, vel generali Concilio: ac propterea jus certum Pontificis semper prævalebit ex certo Pontificio primatu, quo jus in omnes collective certissimum obtinet.

6. Numquid vero ex recensitis certisque divinæ institutionis fontibus aliquid exploratum certumque adversarii protulerint, vidimus. Loca sacræ Scripturæ ac traditionis Patrum pro primatu Pontificio in universam Ecclesiam & pro jure cogendi omnes collective nostræ sententiæ favent: pro statuendo autem jure Concilii generalis supra Papam nec (1) ex Scripturis, nec ex traditione quicquam ab adversariis ingestum apparuit, quod ad rem certo consciendam pertineat. Pauci quidem textus, qui Papam inferiorum judicio subjiciunt sub ea conditione, si erret in fide, cum non adstruant jurisdictionem in Papam, nisi ob hæresis crimen desciverit ab Ecclesia, & primatu sua voluntate

(1) Quidam pro statuendo ex Scripturis generalis Concilii jure supra Pontificem nimium abutuntur illis Christi verbis ad Petrum Matth. 18. *Si peccaverit in te frater tuus &c. Dic Ecclesiæ*; ac si Christus Ecclesiæ nomine generale concilium universam Ecclesiam representans designaverit tamquam tribunal, ad quod causæ Pontificum, quæ in questionem veniant, deferende sint. At casus, de quo eo loco agitur, non erat de peccato Petri, sed de fratris crimine, qui Petrum offendisset, & bis correctus primum a Petro *inter te & ipsum solum*, dein iterum adhibitis testibus noluisse respicere. Num si Papa sine fructu aliquem corrigit, qui ipsum offendit, con-

vocandum erit generale concilium, ut juridicæ in eum feratur sententia, nec sufficiet cujusque Ecclesiastici superioris judicium, qui potestate clavium præditus sit? Certe eo testimonio Ecclesiæ nomine præpositos Ecclesiæ generatim significatos S. Joannes Chrysostomus docuit, & Ecclesiæ praxis confirmat, ut notavi c. 1. n. 3. Cur autem ejusmodi judicium alicui ecclesiæ præposito sit conmittendum potius, quam ipsi summo Pontifici, si a quopiam offendatur, ratio in promptu est: quia nemo etsi supremæ potestatis in propria causa haberi solet idoneus iudex, qui omni affectu ac præjudicio careat, nec in suspicionem aliquam veniat.



tate spoliatus, Pontifex amplius non sit; nihil adversariorum sententiæ profunt. Concilii quoque VI. œcumenici anathema in Honorium post ejus mortem quam sit a quæstione alienum patet ex animadversionibus propositis cap. 5. n. 5. Ad rem propius pertinere videntur decreta Constantiensia, & facta depositionum in conciliis Pisano & Constantiensis. At nihil in his *certe auctoritatis* reperiri, ex quo divina institutio & delegatio jurisdictionis in Papam concilii Patribus licet ipso Papa inferioribus collatæ certo deduci queat, pluribus capitibus constitutum fuit. Decreta nimirum Constantiensia sessionum IV. & V. de potestate synodorum supra Papam certa auctoritate carent, cum ex defectu confirmationis Apostolicæ œcumenici concilii vim non habeant, neque edita fuerint tamquam dogma fidei, sed veluti constitutio synodalis ex opinione, quæ in illis circumstantiis probabilior visa est, aliis aliter etiam in Constantiensis, & multo pluribus postea libere & licite opinantibus, qui ab ipsis adversariis hæretici habiti non sunt, nec vel hodie habentur. Facta depositionum in Pisano cur nihil contrariæ sententiæ profint, sed potius obsint, intelleges ex cap. 6. Depositi autem Joannis XXIII. in Constantiensis facta cum assensu ejusdem, qui & ante & post eidem voluntarie cessit, ad jus coactivum concilii referri nequit. Depositi Benedicti XIII. qui jam desertus etiam a suis, & ab universali Ecclesia ex omnibus obediens in Constantiensis adunatis separatus, a Pontificatu, si quem obtinisset, tamquam hæreticus & schismaticus exciderat, in actualem verum Pontificem lata nec fuit, nec dici potest.

7. Deficientibus autem quibuslibet *certe* divinæ institutionis aut delegationis documentis, quæ ad probandum *certum* Episcopis in generali concilio adunatis jus a Deo tributum in Papam superiorem suum esset penitus necessaria, quid pro adversariorum sententia restat nisi ratio ducta ex sola necessitate remedii potissimum in casu pertinacissimi schismatis? Hæc vero ratio, etsi novæ opinioni inducendæ, gestisque Pisanis & Constantiensibus causam dedit; cum tamen divinam institutionem vel delegationem nostro proposito necessariam non probet: nihil conferre potest ad convellendum certum jus Pontificii primatus su-

*Ballerinius de Potestat. Eccl.*

T

per

per Episcopos omnes etiam collective sumptos, qui semper fuerunt, & sunt summis Pontificibus inferiores, ac ex naturali ratione jus nullum in superiore suum poterunt exercere, nisi certa, quæ hætenus desideratur, divina institutio aut delegatio aliunde probetur. Esto igitur nihil utrinque certi dogmatis suppetat, & omnia hinc & hinc in libera opinione versentur; adeo ut sicuti adversarios, qui Pisanis & Constantiensibus gestis nituntur, nulla censura perstringendos putemus, ita & ipsi nos prædictis gestis multa opposcentes neque hæreticos neque schismaticos habeant, sed cum Bossueto æquissime expetant, ut iisdem gestis nihil cogentibus, pacifice utrinque disputetur, quo pateat, \* utri validioribus, purioribus, lucidioribus documentis fulciautur. Quis conditionem adeo æquam recuset? Si autem sepositis præjudiciis expendantur diligenter, quæ tum ab adversariis, tum a me hætenus fuerunt producta; quis Theologicè recteque ratiocinans non videat, eorum opinionem tam seræ originis, & auctoritatis tam recentioris, nulloque certo divinæ institutionis aut delegationis documento munitam præferri non posse sententiæ, quæ divino primatus jure in omnes collective totaque antiquitate suffulta, sola inter catholicos tredecim prioribus sæculis viguit.

\* *Dissert.  
prævia De  
sens. c. 97.*

F I N I S



VINDICIÆ  
AUCTORITATIS PONTIFICIÆ

contra Opus

IUSTINI FEBRONII

inscriptum :

*De statu Ecclesiæ & de legitima potestate Romani  
Pontificis.*

THE

THE

THE

## VINDICIÆ

PRIMATUS ET AUCTORITATIS PONTIFICIÆ

contra Opus

JUSTINI FEBRONII:

DE STATU ECCLESIE ET DE LEGITIMA POTESTATE  
ROMANI PONTIFICIS.

## PRÆFATIO.

I.



JUSTINI FEBRONII consilium de restituenda Ecclesiastica disciplina, & de Ecclesiasticorum moribus ad sacrorum Canonum normam reformandis, quod ille potissimum præfert & ingerit in opere ante paucos annos vulgato, & pluribus mox editionibus repetito, ac ubique disseminato, cui præfixit titulum, *De statu Ecclesie, & de legitima potestate Romani Pontificis*, quis non maxime laudaret probaretque, si in id consequendum iis principiis mediisque usus esset, quæ Ecclesiasticorum quidem vitia, abusus, & corruptelas impeterent, ac genuinam certamque Romanorum Pontificum auctoritatem di-

T 3

vini


vini juris primatui competentem sartam rectam servassent? Verum principia & media eo in opere ingesta eandem auctoritatem non solum ex proposito adoriuntur, sed ita etiam extenuant arctisque limitibus constringunt, ut Auctor peculiaris ac præcipuæ jurisdictionis primatum ex catholico dogmate concedendum, ad primatum meri fere ordinis & honoris revocare videatur; vel saltem eam ipsius primatus præcipuam & propriam vim ac potestatem, quam summis Pontificibus in unitatem ac ædificationem Ecclesiæ Christus attribuit, non modo non approbet, nec vindicet, sed potius infirmet, deprimatque, & specioso reformationis procurandæ nomine, commune catholicæ unitatis centrum, quod idem Auctor in Romanæ sedis Pontificibus collocatum, & a catholicis omnino propugnandum verbis fatetur, re ipsa jurisdictione ad eum finem consequendum idonea ac necessaria penitus spoliet, & contemptui exponat. Quid enim nisi magnum Apostolicæ auctoritatis contemptum injicere potest opus, quod iisdem Pontificibus impotentissimum dominatum a Christi institutione alienum alienorumque jurium perturbationem occupationemque injustissimam suppositivorum decretalium præsidio inductam appingens, omnes Episcopos, Metropolitans omnes, ipsasque potestates sæculi ad eorum facultates intra angustiores limites coercendas excitat, etiam (si opus sit) subtractione obedientiæ, metumque ipsum censurarum excutere nititur? Quis veritatis & justitiæ amator hæc æquo animo ferat atque dissimulet.

2. Ego sane, qui duobus præcedentibus operibus Pontificii primatus vim, rationem, & potestatem divina institutione constitutam explicare & com-  
proba-

ptobare studui, ejusdem *Vindicias* contra Febronianum systema præterire non potui. Id autem ut brevius, quoad fieri possit, expediam, duo in Febronii opere sunt distinguenda, unum quoad potestatem summis Pontificibus tributam in materia fidei: alterum quoad potestatem ipsis concessam in negotio disciplinæ. Quæ ille paucis tangit quoad potestatem Pontificiam in definiendis controversiis fidei, de qua fusius disserui in primo opere *De vi & ratione primatus* &c. hic paucioribus indigent, eaque primo capite comprehenduntur. Cum vero pleraque ab eo latissime disputata circa disciplinam versentur, adeo ut non male scriptum fuerit in monito editionis anni 1764. in duos tomos distinctæ (qua utemur) præfixo, *Totum disciplinæ negotium est*; plura in hoc argumento, de quo in opere hisce *Vindiciis* præmisso non pauca statuimus, ad refutanda Febroniana molimina, aliis atque aliis capitibus expendenda ac statuenda erunt. Quæ porro utroque in themate, fidei scilicet ac disciplinæ, differuntur; cum principia in duobus præcedentibus operibus constituta præsumunt, tum vero lectorem iisdem principiis & operibus probe instructum requirunt; ac propterea eadem opera identidem allegata invenientur. Ne autem frequenti ipforum allegatione integrum cujusque titulum semper cogamur ad nauseam repetere, primum opus inscriptum *De vi & ratione primatus* &c. his notis *De vi primatus*, aut *De primatu* allegabo: opus vero alterum hisce vindiciis præmissum: *De potestate Ecclesiastica Romanorum Pontificum & Conciliorum generalium*; his brevioribus notis *De potestate Ecclesiastica* indicabo.



3. Non ignoro expectare nonnullos, ut in confutando Febroniano opere duo quoque alia vel tria opera excutiam novissime edita vel etiam recusa, quæ non absimiliter Pontificiam auctoritatem oppugnant. Sed cum omnium principia eadem fere sint, ac illa, quibus Febronius est usus; hæc confutatio principiorum Febronii duobus indicatis operibus suffulta, erit quoad substantiam aliorum ejusdem generis operum confutatio: nec distinctam singulorum impugnationem desiderare quispiam poterit, nisi qui in singulis excutendis eadem absque necessitate repetenda arbitretur.



## VINDICIÆ

## AUCTORITATIS PONTIFICIÆ

Contra opus JUSTINI FEBRONII.

## CAPUT I.

Quantum Febronius detrahat legitimæ potestati Pontificiæ in decidendis controversiis fidei.



CUM in bonum Ecclesiæ ad impedienda schismata, & ad custodiendam in ea unitatem fidei & communionis ipsi Ecclesiæ maxime necessariam, Christus Dominus unum ex Apostolis, idest S. Petrum, prætulit ceteris non mera prærogativa honoris & ordinis, sed cum peculiari jurisdictione, ut in eo tamquam in unitatis centro unitas custodiretur Ecclesiæ; quatumcumque ceteri Apostoli in aliis Apostolatus facultatibus pares essent Petro; in jurisdictione tamen, seu vi coactiva in omnes ad conservandam secum utramque fidei & communionis unitatem suberant Petro, ita ut in eadem cum ipso fide omnes deberent convenire, nec a communione ejus unquam recedere sive desciscere. Nihil quidem scissuræ vel in fidei vel in communionis unitate cum Petro timendum erat ab Apostolis, qui Spiritu Sancto veritatis & caritatis Spiritu afflati agebantur. At in Episcopis Apostolorum successoribus, qui non æque ac Apostoli erant Sancto Spiritu confirmati, timeri poterant dissensiones & scissuræ, ex quibus fidei vel communionis unitas præjudicium sentiret: ac propterea S. Petri primatus, qui in bonum unitatis debebat esse perpetuus, & ad Romanos Pontifices S. Petri successores transire, eadem peculiari jurisdictione seu vi coactiva præditus esse debebat in successoribus ipsius, ut omnes etiam Episcopos in utraque unitate perpetuo contineret. Mera præ-

*De vi & rat.  
primat. c. 11.  
n. 13. & ali-  
bi.*

*Ballerinijs de Potestat. Eccl.*

U

sen-

sentatio, merus typus unitatis in hunc finem non suffiebat, nec merus primatus honoris & ordinis, qui sine coactivo ejusmodi jure ad finem in institutione primatus a Christo sibi propositum fuisset ineptus. Hoc jus coactivum omnium Christianorum ad unitatem non solum communionis, sed potissimum fidei, quæ est unitas Ecclesiæ potior, Romanis Pontificibus asserendum ex Scripturis, ac perpetua Ecclesiæ traditione late constitutum invenies in libro *De vi & ratione primatus* cap. 12. & 13. ubi etiam quæ obijci solent diluimus.

Febronius  
verbis ali-  
quatenus  
cum vera do-  
ctrina con-  
venit, re di-  
screpat.

2. Justinus Febronius, dum in Romanis Pontificibus eorumque primatu centrum unitatis a Christo collatum agnoscit, ipsumque in Ecclesia necessarium, ac omnino conservandum & a catholicis vindicandum fatetur; juraque ipsius in unitatis bonum essentialia in dubium abducti non posse affirmat; nobiscum aliquatenus convenire videri potest. At dum ipsa jura, seu facultates ex primatu Romanis Antistitibus competentes recensendas suscipit; ad prærogativas meri ordinis & honoris fere omnia pertinent: & si quæ aliquid juris coactivi, seu jurisdictionis præferunt, non sunt ejus generis, quæ per se in conservandam unitatem potissimum fidei cogant, quales ex ratione ac fine principali instituendi primatus, nec non ex Scriptura & traditione esse deberent. Dum S. Petrum fuisse vult in Apo-

cap. 2. §. 4. stolorum collegio tamquam præsidem in Senatu, qui Senatorum sententias rogat, non cogit, uno suo arbitrio nihil decedit; vim coactivam & primatum veræ jurisdictionis in gestis conciliaribus S. Petro apertissime adimit; eodemque recidunt illa, quibus expendens titulos capituli & Principis Apostolorum ipsi attributos a Patribus, subdit: *Inde deserebatur ei primatus honor, ejus sententia multum tribuebatur, nullaque causa majoris momenti sine ejus participatione definiebatur . . . . . Ipse in conventibus proponebat materiam, de qua deliberandum erat: ipse, cum id opportunum esset, levabat vocem suam, & omnium loco ac nomine loquebatur: quæ prærogativam meri ordinis & honoris nequaquam excedunt, subjicit quidem statim: Verum inter hujusmodi directorii fines jura primatus non subsistunt. Exigit amplius aliquid conservatio unitatis in Ecclesia non semper in conciliis congregata. Si hæ ultimæ voces, non*  
sem-

*semper in conciliis congregata, eo sensu additæ fuissent, ut innueretur potestas conciliorum præsertim generalium, quibus vel per se vel per legatos præsit Summus Pontifex, quibusque jus definiendi controversias fidei, & vis cogendi ad fidei unitatem ab omnibus catholicis conceditur, nihil esset repugnandum. Verum Febronius alia mente hæc addidit, ut scilicet indicaret, quod \* postea palam declaravit, definitiones fidei extra generale concilium a solo Pontifice editas, etsi is præcipuas habeat in judicando partes, non tamen constituere ultimum judicium, nec esse omnino irrefragabiles, seu infallibiles, eisque singulas privatim Ecclesias singularem reverentiam debere præstare, adeo ut provisorie illis obsequendum sit, saltem ad non dogmatizandum contrarium, quamdiu Ecclesia non reclamât. Hæc sumpsit ex Gersone, atque ex aliorum adversariorum sententia, qua infallibilitatis prærogativam in definiendis fidei controversiis Romano primatui tributam negantes, vim omnino coactivam & absolutam ad præstandam definitionibus Apostolicis fidei unitatem penitus inficiantur. Velim Febronium in mentem revocare illud principium, quod veluti omnino certum statuit: Cum genuinum fundamentum ejusdem primatus in bono unitatis Ecclesiæ supra §. 2. invenerimus; hinc pro principio statuimus: OMNIA IL-  
LA ET SOLA ESSE PRIMOGENIA ET ESSENTIALIA JURA PRIMATUS, SINE QUIBUS UNITAS NON POTEST SERVARI. Nonne vis ad unitatem omnino cogens & absoluta ita necessaria est, ut sine ea unitas contineri & vindicari penitus nequeat? Nonne hæc vis coactiva esse debet non tam in singulos, quam in omnes Christianos, cum ex omnium concordia in eadem fide unitas catholicæ formetur Ecclesiæ? Num sine vi coactiva omnium Christianorum ad fidei unitatem in instituendo primatu præcipue intentam a Christo, servari posset in Ecclesia unitas ejusdem fidei decreto mere provisorio, contra quod etsi nemini liceat reclamare, quamdiu non reclamât Ecclesia, licere tamen credatur ab eo dissentire? Semper Ecclesiam, & Ecclesiæ filios non provisoriam tantum, sed peremptoria habuisse Apostolicæ Sedis circa fidem judicia, quibus causa finita esset, & obedientia non mere externa, quæ solam contradictionem externam vetet,*

\* Ib. n. 4.

cap. 2. §. 4.  
pag. 15.

sed & interna, quæ unitatem fidei constituit, ab omnibus deberetur, eaque idcirco infallibilitatis privilegio ex Christi promissis & Patrum traditione donata in libro *De vi & ratione primatus* multis probatum, seu potius demonstratum videtur.

3. Si usum & observantiam priscorum sæculorum, ad quam Febronius identidem provocat, velle consulere, ne unum quidem factum aut textum inveniet, quo catholici licitum putarint dubitare de aliqua proprie dicta definitione Sedis Apostolicæ. *De aliqua*, inquam, *proprie dicta definitione* fidei, cujus naturam eodem libro explicavi; neque enim de aliis Romanorum Pontificum decretis, aut sententiis, scriptis, aut dictis a definitione dogmatica alienis idipsum dicendum aut intelligendum est. Novum examen ali-  
men, quod aliquando habitum fuit in generalibus conciliis quando concessum post definitionem Apostolicam post definitiones Apostolicas, nihil officere vidimus; cum non idcirco habitum fuerit, ac si de illis liceret ambigere ante iudicium & approbationem concilii oecumenici, sed ut dubitantes docerentur, vel errantium contumacia evidentius pateret omnibus, ne simplicibus & minus cautis faceret. Febronius hæc & his similia opponit, quæ ex adversariorum libris in indicato opere accuratius exposita, & rejecta pluribus, hic repetenda non sunt. Cum vero ipse nihil in hac parte addat, quod ab aliis adversariis non absumiliter oppositum, ibidem confutatum invenietur, nihil nunc addendum existimarem; nisi unum quiddam supra ceteros contrariæ nobis sententiæ patronos Febronius adjece- rit, quod cum deteriorem ipsius, quam aliorum sententiam efficiat, absque aliqua peculiari animadversione prætereundum non iudico.

Deterior Fe-  
bronii quam  
aliorum ad-  
versariorum  
sententia.

4. Ceteri adversarii, qui solum quidem iudicium Sedis Apostolicæ ad finiendam fidei controversiam non sufficere autumant, ne hinc unitati fidei a Christo male provisum dicatur, si expectanda esset concilii generalis sententia, quæ idem Apostolicum iudicium confirmans, causam finiret; sufficere, semperque sufficiens fuisse ajunt, si definitionibus Summorum Pontificum accedat Episcoporum Ecclesiæ etiam dispersæ vel expressus vel tacitus saltem consensus. Hæc ipsa conditio consensus Ecclesiæ sive adunatæ in generali synodo, sive dispersæ, quam perperam ad vim

coactivam earundem definitionum infirmendam ab adversariis requiratur, ibidem probavimus cap. 14. n. 29. & sequentibus. Febronius autem hac ipsa conditione consensus saltem taciti nequaquam contentus, ad ultimum & conclusum, ut ait, atque infallibile iudicium in materia fidei n. 1. exigit expressam & concinentem generalis concilii sententiam, qua solum fidei definitiones peremptorias esse comminiscitur. Hac in hypothese cum concilia oecumenica rarissima sint, & hoc præsertim tempore multis de causis eorum convocatio sit difficillima, ac fere impossibilis, quam male Christus prospexisset unitati fidei institutione primatus, si post Apostolicam definitionem ad peremptorium iudicium, a quo nemo catholicus posset legitime dissidere, expectandum esset generale Concilium? Quomodo id cohaereat cum illis ejusdem Febronii verbis, quibus ex antiquorum seculorum historia cum Augustino fatetur, *raras fuisse hæreses adeo pertinaces, ut ad earum profligandas opus fuerit congregatione generalis concilii*, nemo facile intelliget. Semper enim ex Febroniano principio necessaria fuisset generalis synodi congregatio, siquidem aliud quodcumque iudicium a Pontifice editum, & receptum aut præventum a particularibus conciliis, approbatumque Episcoporum totius Ecclesiæ consensu, numquam fuisset ultimum & infallibile, cui hæretici non possent resistere, & reponere se nondum certos hæreticos esse, nec a corpore Ecclesiæ præcisos, quamdiu a generali concilio ultimum & infallibile iudicium non prodeat. Id porro in Febronio tanto incoherenter videbitur, si animadvertas eam Augustini sententiam, qua necessarium fuisse negavit ad profligandas hæreses generale concilium, ab ipso Febronio ibidem explicari de hæresibus olim damnatis in particularibus synodis, hac ratione addita: *Ea etenim semper fuit Ecclesiarum inter se societas & concordia, canonumque & definitæ doctrinæ apud omnes auctoritas & religio tanta, ut quod synodo aliqua constitutum uspiam esset, idem aliæ Ecclesiæ sibi pro re nata imitandum & pariter statuendum ducerent, sive expressa consensione, SIVE TACITA APPROBATIONE*. Num ubi agitur de definitionibus particularium synodorum, ad peremptoriam istarum vim, quæ conciliorum generalium necessitatem excluderet, sufficere credi-

dit non tam *expressus*, quam *tacitus* Ecclesiæ dispersæ consensus, quem agens de definitionibus Pontificiis insufficientem declaravit, nisi expresso generalis concilii decreto probaretur?

Quædam  
Febronii sen-  
tentia num  
omnino co-  
hæreant.

*Ibid. n. 13.*  
*pag. 212.*

5. Aliud vero minus cohærens in ejusdem Febronii opere detexisse mihi videor. Hactenus consensum Ecclesiæ dispersæ Apostolicis definitionibus additum ad finiendas controversias fidei per se minus aptum indicavit, dum judicium seu consensum œcumenici concilii requisivit. Num vero ipsius œcumenici concilii auctoritatem per se sufficere credidit sine ullo Ecclesiæ dispersæ consensu? Nihil minus: siquidem ipsas generales synodos legitime convocatas, earumque definitiones legitime editas ad fidei unitatem non absolute, sed conditionate tantummodo cogere affirmat: *Si nempe Patres legitime convocati in eo (concilio) ita se gesserint, ut dici debeant repræsentare totam Ecclesiam: quod an ita de facto sit, declarat agnitio, seu RECEPTIO ECCLESIAE.* Ex sola igitur conciliorum generalium definitione non oritur absoluta vis coactiva ad unitatem, sed subsequens Ecclesiæ *receptio*, seu consensus præterea necessarius est, ut declaretur num Patres, qui definitivum judicium tulerunt, legitime convocati ita se gesserint, ut dici debeant repræsentare totam Ecclesiam. Ita Ecclesiæ dispersæ consensus Apostolicis definitionibus additus vi caret plane coactiva & peremptoria, quæ judicium ultimum pariat, nisi accedat judicium Ecclesiæ in generali synodo adunatæ consentiens; simulque judicium Ecclesiæ in generali concilio adunatæ consentiens eam vim non obtinet, nisi subsequenti Ecclesiæ dispersæ consensu ipsum concilium legitimum & legitime se gessisse dignoscatur: quæ quomodo apte conveniant, Febronius viderit. Quanto cohærentius alii ex adversariis utrinque vim peremptoriam deducunt ex consensu Ecclesiæ sive dispersæ, sive adunatæ in generali concilio, cum non minorem auctoritatem habeat Ecclesia dispersa, quam coacta in concilio œcumenico, quod ipsam Ecclesiam dispersam repræsentat?

6. Verius autem Romanæ auctoritatis vindices Apostolicis definitionibus absolutam coactivam ac peremptoriam vim tribuunt ratione primatus, ut ne ad hanc vim exerendam assensu Ecclesiæ sive dispersæ, sive in œcumenica synodo



sybdo adunatae indigeant: nec ipsorum conciliorum generalium definitiones eadem vi carere inficiantur, dummodo ipsis accesserit Sedis Apostolicae assensus seu confirmatio: qua de re vide quae attuli libro praecedenti, *De potestate Ecclesiastica Papae & conciliorum generalium* cap. 2. §. 2. Febronius, qui hujus assensus aut confirmationis Apostolicae necessitatem negat, & merum praesidendi, proponendi, & exequendi officium summis Pontificibus vindicat (quae meri ordinis & exequutionis sunt munera): haud video quodnam jus praecipuum in materia fidei primatus proprium statuatur, quo praecipuae jurisdictionis, non autem meri honoris & ordinis primatus constituatur. Quod si ex dicendis postea nihil quoque peculiaris coactivi juris primatui asserat in materiis disciplinae; sed jus merae inspectionis, directorii, exequutionis canonum, coercionis delinquentium, & similia, quae ad honorem & ordinem potius, quam ad peculiarem jurisdictionem primatui competentia referuntur; multo magis patebit ipsum tum in fide, tum in disciplina eum tantum primatum reipsa admittere, qui vel meri honoris & ordinis est, vel ad merum ordinis & honoris primatum quam proxime accedens, ejus verae & praecipuae jurisdictionis, quam Christus in unitatis bonum primatui attribuit, est penitus expers.

Febronius  
primatum  
meri ordinis  
videtur ad-  
mittere.



## CAPUT II.

Quænam potestas Romano Pontifici competat in materia disciplinæ, & quantum ei Febronianum systema detrahat.

Distinctio I.  
inter materiam fidei  
& disciplinæ.

**C**UM materia fidei comprehendat non tam illa quæ a positivo divino jure pendent, quam illa quæ naturali juri a Deo præscripto inniuntur; sicut jus divinum & naturale immutabilia sunt; ita immutabilia sunt pariter, quæ iisdem jurbus præcipiuntur, vel prohibentur. Quæ vero nec naturali, nec divino jure sunt vetita vel præscripta, sed Ecclesiasticæ dispositioni a Deo fuerunt relicta, si ab Ecclesiastica potestate præcipiantur vel interdicanur, constituunt materiam disciplinæ, quæ pro Ecclesiæ potestate ita variare & mutari potest, ut pro varietate circumstantiarum nunc licere possit, quod prius erat interdictum; nunc autem quod prius erat licitum, superveniente Ecclesiastica prohibitione, illicitum fiat. Hinc leges Ecclesiasticæ, quæ de materia disciplinæ statuunt, mutationi obnoxia sunt, uti disciplina est mutationi & varietati obnoxia. Hæc tam certa sunt ex antiqua praxi Ecclesiæ, ut idcirco nec semper nec ubique eadem disciplinæ leges vigerint, aut vigeant; neque in hoc Febronius contraire potuerit.

Non omnia  
Apostolorum præcepta sunt divini juris.

2. Animadvertenda vero hoc loco videtur ea ejusdem Febronii thesis, quam inter *Principia juris publici Ecclesiastici recensuit* c. 1. n. 2. *Apostolorum potestas legislativa origine quidem sua fuit divina* (quia scilicet a Christo instituta, uti ab eodem instituta est potestas Ecclesiæ): *at præcepta Apostolorum, tametsi libris canonicis inserta, non sunt divina, sed mere humana.* Quam distinctionem in subiecta adnotatione explicat & confirmat ex Pauli epist.

1. ad

1. ad Cor. c. 7. *ubi quæ juris divini sunt, his verbis tradit*, Præcipio, non ego, sed Dominus: *quæ autem proprio arbitrio tradit, hac formula præfatur*: Ceteris ego dico, &c. Quæ mero præcepto Apostolico sunt præscripta, sicut dispensationi, ita & mutationi obnoxia esse queunt. Inter hæc referendum creditur illud decretum in Hierosolymitana synodo circa vetitum usum sanguinis & suffocati, quod pro illis circumstantiis necessarium, mutatis circumstantiis jam obsolevit.

3. Licet in materia disciplinæ, quæ varietati subest, non ita sit necessaria omnium Ecclesiarum, omniumque catholica Ecclesiæ Episcoporum unitas cum sede Apostolica, uti cum ea omnino \* necessaria est unitas omnium in materia fidei & communionis, quæ divino jure im-<sup>Sup. c. 1.</sup> mutabili præscripta est ratione primatus; ob unitatis tamen bonum necessaria est omnium inferiorum potestatum Ecclesiasticarum, & Episcoporum omnium subordinatio Summo Hierarchæ Romano Pontifici. In una quidem Ecclesia particulari duo Episcopi potestate pares esse non possunt, quin dissensionibus aditus pateat, & unitati periculum ex æqualitate jurium impendat; sed unus ita præesse debet omnibus, ut alius quivis, etiam si Episcopalem consecrationem præferat, in jure eidem credito esse debeat subordinatus. Quare in Nicæno Concilio cautum fuit, ut si Cathari, seu Novatiani Episcopi ad unitatem redeuntes recipiendi essent, ubi inveniretur Episcopus catholicus; non admitterentur cum eadem Episcopatus jurisdictione, sed in gradu presbyterii, *ne in una civitate duo Episcopi esse viderentur*, quod unitatis bono repugnat, Similiter ergo in universali Ecclesia duo æqualis omnino juris Pontifices esse nequeunt, sed unus præesse debet omnibus peculiari jurisdictione, cui omnes sint subordinati in Ecclesiæ regimine, ac in ipsa materia disciplinæ, ne hac subordinatione sublata, scissurarum pericula impendant, quæ facilem unitatis discindendæ occasionem afferrent. Cui autem hæc subordinatio ab omnibus præstanda est, nisi illi, cui ex veræ & personalis jurisdictionis primatu unitatis in tota Ecclesia conservandæ officium cum idonea in id potestate a Christo commissum fuit? Neque in hoc repugnare potest Febronius ex illo ipsius certissimo principio, quod præcedenti capite

retulimus num. 2. nimirum *Omnia illa & s. la esse primogenia & essentialia jura primatus, sine quibus unitas non potest servari.* Num absque ea omnium subordinatione Summo Hierarchæ vel in materiis disciplinæ unitas Ecclesiæ servari diutius possit?

4. Hæc autem subordinatio Summo Pontifici debita ex illo divino jure, quo inferiores debere præpositis suis *Heb. 13. v. 17.* subiacere Paulus testatur, ab ipsis (1) Apostolis observata fuit erga S. Petrum principem & superiorem suum, non quod ex ipsis aliquid gravioris scissuræ & dissensionis, quæ unitatem abrumperet, esset timendum, sed in futurorum temporum & Episcoporum successorum suorum exemplum, ut his ejusdem subordinationis debitum erga Petri successores Romanos Antistites commendarent. Hanc quidem subordinationem in universalis Ecclesiæ regimine cum præstare deberent ipsi Apostoli S. Petro bono unitatis ratione primatus; jure damnata fuit propositio de bicipiti Ecclesiæ capite SS. Petro & Paulo eo sensu accepta & explicata, ut ponat omnimodam aequalitatem inter S. Petrum & S. Paulum, *SINE SUBORDINATIONE & subjectione S. Pauli ad S. Petrum in potestate suprema & regimine universalis Ecclesiæ*: hæcque condemnatio & explicatio a tota Ecclesia etiam Gallicana suscepta & approbata fuit. Vide lib. *De vi & ratione primatus* c. 3. n. 2. Si hanc subordinationem ipsi Apostoli debebant primati suo S. Petro; quomodo successoribus S. Petri negari poterit debita ab Episcopis Apostolorum successoribus, cum in ipsis præcipue, qui non sunt eodem Apostolorum Spiritu afflati, ad unitatem continendam sit maxime necessaria.

5. Quamvis Episcopalis auctoritas sit in origine institutionis divinæ, ac idcirco æque immutabilis ac jus divinum, Episcopalis auctoritas in origine est juris divini, & immutabilis.

(1) Qui omnem subordinationem erga S. Petrum negaret Apostolis, ita ut æquales omnino fuerint cum potestate Petri, primatum meri ordinis & honoris supra Apostolos in

Petro deberet agnoscere, quod communi catholicæ doctrinæ plane repugnat. De hac subordinatione lege not. 5. & 9. in c. 1. præcedentis operis *De potest. Eccles.* pag. 8. & 16.

num, Episcopis adimi penitus nequeat; cum tamen duo ad eandem auctoritatem pertinentia a Christo non fuerint instituta, sed Ecclesiæ præpositis, Petri scilicet & Apostolorum successoribus, ut de ipsis disponderent, fuerit commissum; ea non ad jus divinum immutabile, sed ad disciplinam mutabilem referenda sunt; nimirum I. subditorum seu diæceseon designatio, in quibus Episcopi auctoritatem exercerent: II. Episcopatum facultatum quodnam esse deberet exercitium & usus. Quoad diæceseos seu subditos, qui cuique Episcopo committerentur, designationem exercitio auctoritatis necessariam (neque enim jurisdictio nisi in subditos exerceri legitime potest) paucis concludam. Potestas illa illimitata in totum mundum, Apostolis ab ipso Christo tradita, necessaria quidem fuit in illis initiis ut sanctius ædificaretur Ecclesia; ac proinde omnes poterant ubique prædicare Evangelium, ubique Ecclesias particulares & Episcopatus erigere, consecrare Episcopos, presbyteros &c. & quælibet alia Apostolatus officia exercere. At hoc jus immediatum in totum mundum, & in omnes Ecclesias ex peculiari necessitate ac utilitate illis initiis tributum, in aliis Apostolis extraordinarium fuit, quod bono ejusdem unitatis (ut mox dicturi sumus) non debebat in Episcopos eorum successores transire; in Petro autem, cujus auctoritas ratione primatus ob ipsius unitatis bonum debebat esse perpetua, & in successores ejus propagari, ordinarium esse debuit, sicut & in successoribus ejusdem Romanis Pontificibus ordinarium debet agnosci. Cum vero extraordinaria aliorum Apostolorum potestas in universum mundum, illis initiis necessaria, non deberet Episcopis ipsorum successoribus æquo jure competere, ne magna in Ecclesiis jam ædificatis confusio fieret, si æque ac Apostoli omnes Episcopi omnia possent ubique; sed potius expediret diversas diæceses designare, & Episcopatus diversos erigere, ita ut singuli Episcopi suæ cuique diæcesi præficerentur, gregique assignato facilius prospicerent; hæc designatio diæceseon & subditorum, quam Christus non instituit, sed Apostolis eorumque successoribus commisit, non est divini immutabilis juris, sed Ecclesiastici; ac proinde ad disciplinam mutabilem pertinet, subest potissimum dispositioni successorum S. Petri, qui cum ex eodem S. Pe-

Diæceseos designatio non pertinet ad jus & institutionem divinam.

Potestas illimitata in Apostolis necessaria.

Extraordinarium in istis jus fuit.

Cum non æque omnibus Apostolorum successoribus deberet competere: & cur diæceses divisæ.

Juris Ecclesiastici dispositioni hæc mutatio concessa.

Cum subest juri primatus,

tri primatu jus ordinarium habent in universam Ecclesiam; tum vero eodem ordinario jure uti possunt in diœceses singulas æque ac in illas Apostoli extraordinario jure uti poterant. Ex hac potestate in diœceses omnium Episcoporum, quæ in solis Petri successoribus ex divini juris primatu est ordinaria, Romana Sedes potest, si expediat, Episcopatus aliquos suppressere; novos erigere, unum dividere in duos; potest etiam, si in ædificationem Ecclesiæ conferat, aliquos subditos per exemptionem ab Episcopi jurisdictione subducere, quo de jure alibi opportunius dicitur.

Usus & exercitium facultatum Episcopaliū subordinatus primatui.

6. Porro Episcopos, quos Apostoli constituerant, quoad Episcopaliū facultatum usum & exercitium intra fines assignatarum cuique diœceseon fuisse subordinatos eisdem Apostolis, quatenus hi possent ipsarum facultatum usum & exercitium a Christo non definitum in bonum Ecclesiæ limitare & moderari, nemo negaverit. Quod autem poterant singuli Apostoli extraordinario illo jure in totam Ecclesiam, quod paulo ante explicavimus; poterat multo magis & Petrus, qui in ipsos Apostolos jurisdictione potiebatur primatus causa; cum præsertim extraordinarium aliorum Apostolorum jus in omnes & singulas Ecclesias, & in Episcopos omnes, in Petro esset ordinarium, & ad Summos Pontifices Petri successores ordinario item jure transierit: unde & hos posse Episcopaliū facultatum usum atque exercitium limitare & moderari fatentur ipsi adversarii cum Gersone, ipsaque Ecclesiæ praxis, & (2) antiqua etiam exempla in præcedenti opere *De potest. Eccl.* cap. 1.

(2) Quod si antiquis temporibus hæc sive diœceseon, sive facultatum Episcopaliū dispositio a Metropolitanis, seu Patriarchis, conciliisque provinciarum fere pendebat; non idcirco negandum in id Pontificium jus, quod ex primatu fluit. Cum enim ea illorum quæcumque esset jurisdictio in Epi-

scopos & Episcopatus, eisdem Ecclesiastica potestate institutis non competeret nisi jure Ecclesiastico; quidquid Ecclesiasticæ institutionis est, juri ordinario & divino primatus præjudicare non poterat. Confer lib. *De potest. Eccl.* c. 1. §. 4.

cap. 1. §. 5. indicata confirmant. Nihil in his contra jus Nihil hinc  
Episcoporum divinum; quia licet Christus instituerit Epi- contra Epi-  
scoporum auctoritatem, dioeceseon tamen & subditorum de- scoporum in-  
signationem, facultatumque Episcopaliū moderationem & stitutionem  
usum Ecclesiasticā potestatis dispositioni reliquit; hæcque divinam.  
ad disciplinæ materiā pertinent, quæ variare potest, si  
Ecclesiæ bono expediat.

7. Ne vero in hac sive dioeceseon sive facultatum Nihil item  
Episcopaliū moderatione seu limitatione Pontificio juri pro effræni  
subordinata, effrænis sit dominatus, qui nullis legibus con- dominatu  
strictus pro arbitrio evagetur, & licentius excurrat; Papæ Summi Pon-  
potestas in id subiecta est illi naturali atque divinæ legi tificis.  
a S. Paulo memoratæ: *Potestas a Deo in ædificationem, Distinctio*  
*non in destructionem.* Quod in destructionem Ecclesiæ ver- inter usum  
geret, abusus esset potestatis Pontificiæ; usus siquidem legi- potestatis, &  
timus ille solus est, qui ædificationi, id est publico Eccle- abusu.  
siæ bono inservit.

8. Cum Febronius hisce naturalis ac divinæ legis fini- Febronii  
bus, quos abutentes potestate tradita transgredi non verentur, fundamen-  
taur, haudquaquam contentus, potestatem Pontificiam revo- tum, quo po-  
cari vult ad canonum antiquorum normam; ea opinione testatem Pon-  
innititur, qua Summum Pontificem ejusque auctoritatem tificiam revo-  
vi coactivæ & juri canonum subesse existimat. Opinio vero ad normam  
ejusmodi ex eo principio dimanat, quo claves & jurisdi- canonum, de-  
ctio Ecclesiastica ipsi Ecclesiæ immediate traditæ dicuntur, tegitur, & e-  
eræque sic ab Ecclesia Summo Pontifici & Episcopis tamquam vertitur.  
suis ministris communicari, ut omnis istorum jurisdictio Febron. c. 1.  
pendeat ab Ecclesiæ voluntate ac beneplacito; quod cum in §. 6. n. 3. t.  
conciliorum præsertim generalium ipsam Ecclesiam repræ- 1. pag. 18.  
sentantium canonibus declaretur, non solum Episcoporum,  
sed Pontificum etiam summorum potestas ita ipsis canoni-  
bus adstringi creditur, uti subest Ecclesiæ, in qua totam  
jurisdictionem contineri non dubitant. Hoc vero principium De clavibus  
de clavibus immediate traditis ipsi Ecclesiæ eo sensu acce- datis Eccle-  
ptum, quo *Ecclesiæ* nomine omnes non solum clerici, sed sia.  
etiam laici atque mulieres ad Ecclesiæ corpus pertinentes  
comprehendantur, omnibusque clavium potestas immediate  
tradita judicetur, falsissimum & damnatum ab Eccle-  
sia, Febronius vindicare non poterit. Quod si *Ecclesiæ* no-  
mine intelligantur Petrus & Apostoli, quibus sane claves



& Ecclesiasticam potestatem Christus immediate dedit, Petro primum, cum ipsi separatim illas promisit: *Et tibi dabo claves* &c. Apostolis autem postea, non tamen separatim, sed una cum Petro, cum post resurrectionem dixit: *Accipite Spiritum Sanctum* &c. verissimum & catholicum est: & hinc quoque certissimum eandem jurisdictionem clavium in Romanos Pontifices & Episcopos S. Petri & Apostolorum successores ita transiisse, ut omnis jurisdictione Ecclesiastica in ipsis immediate resideat. At sicut Petrus & Apostoli in omnibus Apostolatus juribus & facultatibus pares, non erant pares Petro in vi & jurisdictione propria & personali primatus, quam & idem Febronius excipit, dum in titulo capitis 1. paragraphi septimi ait: *Omnium Apostolorum in Ecclesiastica potestate aequalitas salvo Petri primatu*; ita non æque pares jurisdictione dici queunt Episcopi, & Romani Pontifices successores S. Petri, quin istis competat jus aliquod personale proprium primatus, quod nulli alii commune esse potest. Hoc jus in conservationem

Petri & Apostolorum facultates pares, excepto primatu, jus peculiare primatus proprium non destruant.

t. 1. pag. 19.

unitatis Petro & successoribus ejus tributum a Christo, eam jurisdictionem peculiarem, eaque jura primatus propria & essentialia requirit, *sine quibus* (ut ex Febronio audivimus) *unitas non potest servari*. Hinc jus coactivum non tam in singulos, quam in omnes simul fideles ad unitatem fidei & communionis cum Romano Pontifice custodiendam in libro *De vi & ratione primatus* statuimus luculentissime, cui Febronius quantum detrahat ex præcedenti capite, ut arbitror, manifestum est. Cum porro ad unitatis conservationem subordinatio omnium etiam Episcoporum supremo capiti Romano Pontifici sit pariter necessaria in regimine universalis Ecclesiæ & in materia disciplinæ, ne dissensionibus, quæ unitatem scindant, aperiatur occasio; hoc capite satis explicatum videtur, & ita constitutum, ut diœceseon & subditorum designatio, Episcopaliūque facultatum moderatio quoad exercitium & usum dispositioni Apostolicæ subesse jure negari non possit, quatenus utrumque non in destructionem, sed in ædificationem & bonum Ecclesiæ dirigatur, ut divino ac naturali jure cautum est.

Abusus facultatis Pontificiæ num subsint coercionis canonici.

9. Quodsi ad impediendos vel tollendos Pontificiæ potestatis abusus Febronius cum ceteris adversariis contendat,

dat, Summorum Pontificum auctoritatem præter divinum ac naturale jus, quod negligi potest, coercendam quoque esse sacris canonibus præsertim conciliorum generalium, & ita vi coactiva coercendam, ut iidem Pontifices, si data potestate abutantur, a generali synodo indicari, & (si opus sit) deponi etiam possint, quia subsunt jurisdictioni, quæ universali Ecclesiæ & œcumenicis synodis universam Ecclesiam repræsentantibus immediate collata fuit; hæc est illa thesis, quam falsam, infirmissimisque momentis sultam, totique antiquitati contrariam ostendi <sup>o</sup> libro præcedenti. Nec *\* De potest. Eccl.* quidpiam apud Febronium reperire licebit, quod ex ibidem disputatis dissolutum non sit. Solos enim auctores allegat ejusdem sententiæ patronos, qui ad idoneam alicujus thes probationem nequaquam sufficere dicendi sunt ex illo Febroniano principio, quo non admittendas significat nisi eas *t. r. pag 50.* sententias, *de quibus scholæ catholicæ omnes consentiunt. in fine.* Synodos Constantiensem & Basileensem ingerit, quarum canones in hanc rem objectos non magis probare ibidem probatum est. Et contra primatus rationem, quæ vim coactivam Pontificiæ jurisdictioni tribuit in totam Ecclesiam etiam collective sumptam, & in ipsa generalia concilia, quæ sine consensu Romani Pontificis vim nullam œcumenicæ synodi propriam obtinent, neque in negotio fidei, neque in materia disciplinæ, ipsos Pontifices a cujuscunque concilii judicio & potestate eximere, totamque præterea antiquitatem ita eosdem tamquam superiores fuisse venerant, ut si errent etiam gravissime a nemine judicari possint, nisi ex hæresi vel schismate recedentes ab Ecclesia, & in hæresi vel schismate pertinaces Pontificatum amiserint, & Ecclesiæ superiores amplius non sint, pluribus eodem in libro constitutum fuit Febronius igitur, qui nulla efficaci & idonea auctoritate vel ratione Romanos Pontifices subjectos credit canonibus & vi coactivæ conciliorum generalium; quibus ipsi non præbuerunt assensum, subjectos vult Episcopis inferioribus suis, qui etiam collective sumti Pontificiæ potestati subditi & subordinati esse debent jure primatus; ac proinde quantum primatus jurisdictionem extenuet in ipsa materia disciplinæ, quis non intelligat?

Gesta Pontificum non tam in Occidente quam in Oriente jure primatus vindicata.

Quid Febronius contra molitur.

Febron. c. 2.  
§. 7. n. 9.

Revocat fere omnia ad disciplinam, quæ jus meri ordinis, & Ecclesiasticæ respiciunt, & detrahunt juri divino. De potestate Pontificia in ferendis legibus disciplinæ.

10. Quanto autem idem in hac quoque materia detrahat supremæ auctoritati Apostolicæ, quæ primatui competit, alia evidentiori forsitan ratione patebit. Quam multa summi Pontifices antiquis etiam temporibus gesserint & constituerint non tam in Occidentalium quam in Orientalium Ecclesiarum regimine, ac in ipsa materia disciplinæ, ex veteribus, quæ supersunt, monumentis capite sequenti indicandis notissimum est. Hæc jus illorum demonstrant in universam Ecclesiam, quod a primatu dimanat. Febronius ne hæc jurisdictioni primatus tribuat, aliis atque aliis causis a primatu alienis pleraque adscribit. Quædam scilicet ejusmodi gesta intra Occidentales fines ad jus Patriarchicum, quod Ecclesiasticam habet originem, referenda existimat. Aliqua ad concessionem conciliorum, alia ad delationem & obsequium Episcoporum, vel ad tacitam saltem ecclesiarum approbationem, quæ omnia ad institutionem Ecclesiasticam pertinent, adeo ut hinc scripserit: *Habet universalis primatus sua jura partim ex jure divino, partim ex humano, immo plura ex hoc, quam ex illo. Habet ordo Episcoporum fere omnia sua ex jure divino. Ita deteriore multo efficit juxta Pontificii primatus rationem, quam Episcopali, cum illorum plura ex humano jure derivet, istorum autem fere omnia ex divino. Id autem etsi valde injuriosum Pontificiæ auctoritati, ferendum tamen aliquo modo crederem, si facultates, quas ille tribuendas credit primatui ex divino jure, veræ & præcipuæ jurisdictionis facultates essent. Sepositis vero iis, quæ ad jus humanum ab eo referuntur, quid in materia disciplinæ reliquum est, quod primatui reservet ac tribuat ex divino jure, nisi ea quæ merum directivum, meram inspectionem, executionem meram canonum præferunt, alique ejusdem generis ex eodem recensita capite præcedenti, quæ omnia non veræ & præcipuæ coactivæ jurisdictionis, sed ordinis tantum & honoris primatum constituunt.*

11. Id totum explicatius fiet exemplo potestatis Pontificibus tributæ in ferendis legibus Ecclesiasticæ disciplinæ. Hæc potestas primatus propria conceditur a Febronio, quatenus primati supremo competit inspicere, & proponere, quæ regendæ Ecclesiæ utilia vel necessaria judicat. Hoc meri directorii, honoris, & ordinis jus est. Quid autem de jure

jure coactivo, quod ad jurisdictionem proprie dictam pertinet? Hoc jds Febronius Ecclesiasticis Pontificum legibus adeo negat, ut eas vim obligandi non habere assermet, nisi ab Ecclesia recipiantur, qua in re nec generalibus conciliis parcat, quorum leges circa disciplinam eadem conditione adstringit. Ita porro ejusmodi legum ferendarum Ecclesiastica jurisdictio prorsus destruitur. Generales leges Ecclesiasticæ, quæ omnes ligent, ferri non possunt nisi ab iis qui toti Ecclesiæ præsunt. Tales sunt Papa & Episcopi adunati in generali concilio. His autem vis ligandi a Christo tradita in Petro & Apostolis, non fuit tradita sub conditione consensus (3): alias ipsi per se non ligarent, nisi eorum subditi suo consensu recipientes legem, se ligari sinerent: quod esset vim & potestatem legislativam Petro & Apostolis, eorumque successoribus etiam in concilio collectis adinere, atque in receptionem & consensum subditorum transferre. Cum itaque in istorum arbitrio positum non sit, ut Ecclesiasticam legem a Papa aut Concilio generali editam recipiant vel respuant; certum est ex Apostolo ad Romanos 13: eos graviter peccare, qui non obediendo contumaciter superiori potestati resistunt: nisi forte ipsorum legislatorum voluntate & consensu saltem tacito præsumendum sit, ipsos in ferenda lege noluisse aliquos obligare. Ita certa est præsumptio Tridentinam synodum decretis pertinentibus ad usum latinæ linguæ in divinis officiis, ad ritus & formas aliquorum Sacramentorum, ad usum calicis, & alia similia disciplinæ capita, licet generalibus verbis fuerint expressa, noluisse Orientales obligare. Et similiter ubi ex concordatis, vel ex diuturna regionis consuetudine ipsi legislatoribus Ecclesiasticis non ignota, & ipsorum saltem tacito consensu approbata invaluit, ut leges aut decreta disciplinæ vim obligandi non obtineant, nisi in iisdem locis fuerint promulgatæ; præsumendum

*Ballerinius de Potestat. Eccl.*


Y

dum

(3) Scripsit Augustinus l. 3. de liber. arbitr. c. 24. *Præceptum non est ab illo, cui præcipitur, sed ab illo qui præcipit.*

Idem sentiendum de legibus, quarum vis a potestate legislatorum, non ab acceptance subditorum proficiscitur.

dum est eos ibidem, nisi expresse resistant, noluisse absolute novis legibus aut decretis obligare : unde cum expedire credunt ea recipi, curare solent ut promulgentur ac recipiantur. Sicubi vero leges absolute editæ non recipiantur ab iis qui parere debuissent : ne in publicum damnum animarum vertatur lex, quæ in bonum publicum edita fuerat; ipso legislatore sciente, & non repugnante, ac tacite consentiente, fieri potest ut eadem lex vim obligandi amittat, vel legitima præscriptione abrogetur. Si id tantum scripsisset Febronius, nihil juri Pontificum aut Conciliorum detraxisset. At ea, quibus vim legum affigit subditorum receptioni atque consensui, cum merum jus proponendi, non autem cogendi in illis adstruant, probari neutiquam possunt. Sed transeamus ad alia, quibus Febronii indoles in derogando Apostolicæ auctoritati etiam atque etiam detegetur, & Pontificia legitima potestas magis imaque vindicabitur.



## CAPUT III.

De suprema & plena Ecclesiastica Potestate, quæ Romanis Pontificibus competit jure primatus. Quibus limitibus divini ac naturalis juris circumscripta, & quam aliena a monarchico arbitrario & effræni dominatu, quem ipsi affingit Febronius. Summa, sed non sola potestas est in Ecclesiæ regimine, quippe quæ cum potestate Episcoporum a Deo instituta copulatur, & regimen non simpliciter monarchicum, sed ex monarchico & aristocratico temperatum constituit.

1. **E**X constitutis hæcenus facile est intelligere, quam <sup>Pontificia potestas cur vere sit suprema.</sup> vere summis Pontificibus suprema & plena Ecclesiastica potestas competat jure primatus. Suprema illa est, quæ supra omnes Ecclesiæ potestates ita eminet, ut nulli istarum subiciatur. Pontificium primatum esse potestatem supremam inter Ecclesias particulares, nec cuiquam particulari Ecclesiæ, vel Concilio, quod particularem quamlibet Ecclesiam repræsentet, esse subjectam, ex condemnatione errorum Wicleffi facta a Constantiensi, & a tota Ecclesia Episcopis quoque Gallicis consentientibus approbata \* manifestum est. Hinc summis Pontificibus jus competit saltem in omnes Episcopos & Ecclesias particulares jure primatus, qui non est meri ordinis & honoris, sed peculiaris jurisdictionis primatus. Id quidem confirmant antiquissimorum quoque temporum gesta. Semper enim illi data occasione in particulares etiam majorum sedium Episcopos, & in Ecclesias particula-

\* Vid. præfat. lib. De potest. Eccles. n. 2.

res ex jure primatus suam sollicitudinem curamque extenderunt. In novissima editione operum S. Leonis hoc Pontificii juris exercitium ex ipsius litteris deduximus, idque dissertationi materiem præbuisse amplissimam, nisi moderationis & brevitatis studio sufficere credidissimus textus huc pertinentes innuere tantum in primi tomi indice verbis, *Leonis jurisdictio & sollicitudo in universa Ecclesia*. Quod autem ibi de S. Leone præstiti, æque præstari posset ex S. Gregorii Magni litteris, nec non de aliis Romanis Episcopis antiquis, quorum epistolæ non exiguo numero ad nos pervenerunt, idemque liceret quoad alios vetustiores, nisi eorum epistolæ ac rerum gestarum memoria vicissitudinibus temporum intercidissent.

2. Hic verò ferendum non est quod audenter scripsit Febronius, primis Ecclesiæ sæculis *Episcopos provinciarum rexisse particulares suas Ecclesias inconsulto Romano Pontifice*. Quamvis enim olim Episcopi in casibus ordinariis suas Ecclesias per se ipsos, vel per concilia particularia regerent; in gravioribus tamen vel difficilioribus circumstantiis, & occasione præsertim dissensionum, schismatum, atque hæresum prioribus quoque sæculis Romanos Pontifices censuerunt consulendos. Nonne ad priora sæcula pertinet S. Clementis epistola ad Corinthios, qua quæstiones sibi propositas memorans, excusationem asserit cur tardius respondeat? Nonne secundo sæculo S. Polycarpus Romam profectus, non tam de die paschatis, quam de aliis quibusdam quæstionibus cum Aniceto Pontifice egit, uti ex S. Irenæo narrat Eusebius lib. 5. Hist. c. 24. ubi alios quoque Asianarum ecclesiarum Episcopos Romam identidem, ob causas utique Ecclesiasticas, accessisse testatur? Litteras Dionysii Corinthiorum Antistitis ad S. Soterem laudat Eusebius lib. 4. c. 23. in quibus ipsius Romani Præsulis epistola ad eosdem Corinthios data memoratur, & in publicis Ecclesiasticis conventibus die dominico lecta, ac deinceps etiam legenda traditur, æque ac legebatur indicata S. Clementis epistola. S. Iræneum a martyribus Viennensis & Lugdunensis ecclesiæ ob quasdam ecclesiæ quæstiones legatum Romam missum tradit S. Hieronymus in libro *De viris illust.* c. 45. Quis ignorat epistolas datas & redditas a SS. Cypriano & Cornelio circa quæstionem baptismatis, vel  
circa

c. 1. §. 7. n. 7.

Episcopi prioribus etiam Ecclesiæ sæculis Pontificiæ auctoritati quantum detulerint.



circa disciplinam de recipiendis, qui tempore persecutio-  
nis defecerant? Quid de causis Origenis, Dionysii Alexan-  
drini, Martiani Arelatensis, aut Donati a Casis nigris,  
in quibus Romani Episcopi auctoritas enituit? Quantum  
huic auctoritati detulerint S. Athanasius, S. Joannes Chry-  
sostomus, S. Flavianus Constantinopolitanus, alique Ori-  
entis Episcopi variis persecutionibus vexati, exploratum est  
omnibus. Quid de depositione & condemnatione Apollina-  
ris Laodicensi, atque Timothei Berytensis, quas a Damaso  
Papa bis petierunt Orientales, ut idem Pontifex tradit in  
epistola apud Constantium 14. n. 3. Notissima sunt testimo-  
nia de consuetudine consulendi in causis gravioribus Apo-  
stolicam sedem, quam consuetudinem dum *semper ab orbe*  
*& ex antiqua traditione servatam* affirmavit Innocentius  
I. in litteris ad Patres concilii Milevitani, nec non in al-  
liis ad concilium Carthaginense, eam Sardicensi concilio  
anteriori fatis declaravit. Hæc in raritate monumentor-  
um, quæ ad quatuor priora sæcula & ad quinti initium  
pertinent, ob refellendam generalem Febronii propositio-  
nem videntur sufficere.

3. His autem si addantur alia ejusdem generis multo  
plura, quæ ex Romanorum subsequenti ævi Pontificum, Antiqui a-  
& Pseudo-Isidoro antiquiorum gestis ac documentis suppe- tus jurisdi-  
tunt; evidenter patebit eos ante supposititias ejusdem mer- tionis Pon-  
ces non solum consilio direxisse omnes qui ad ipsos consu- tificia in to-  
gerent, verum etiam in omnium Occidentis & Orientis ta Ecclesia  
Episcoporum ac Metropolitaram diocæsisbus actus jurisdi- jure prima-  
tionis exercuisse semper, quod nonnisi juri primatus ad- tus,  
scribi potest; cumque jus primatus ipsis competens jure di-  
vino, in iisdem sit jus ordinarium; non male Ordinarii eoque ordi-  
Ordinariorum appellari & censerique, quippe quibus in nario.  
alienis quoque diocæsisbus jus ordinarium ex primatu com-  
petit, ea tamen moderatione exercendum, de qua post pau-  
ca dicemus, & præfertim cap. 4.

4. Neque hoc loco quempiam permoveant illa Febro- Comparatio  
nii, quibus ut indicata Romanorum Pontificum gesta in aliquot ge-  
alienis diocæsisbus atque provinciis a jure ipsorum ordina- storum, quæ  
rio extrudat, ingerit omnes Episcopos æque posse eadem alii Episcopi  
ubique præstare, si necessitas urgeat, uti sane quædam ejus- exercuerunt  
dem generis, præsertim in ordinationibus ab eo \* recen- in alienis  
dita \* 6. 3. §. 1. n. 3. diocæsisbus  
expungitur.

sita præstiterunt aliquot sancti & celebres viri extra suarum dioceseon ac provinciarum fines; ut ne tamen jus in eas ordinarium exercuisse credantur, nec ordinarii ordinariorum appellati sint, vel appellari queant. Ratio quoad hos manifesta est. Cum enim isti ea ex caritate gesserint, ut necessitati publicæ providerent (soliis quidem necessitatibus nomine ab ipso Febronio excusantur); tum vero certum aliunde est ea, quæ ex caritate ac necessitate aliquopiam gesta sunt, aut geruntur in locis, & in personis, in quas proprium jus ordinarium non habet, ad veram & ordinariam jurisdictionem ipsi vindicandam traduci non posse; sicut neque ad verum jus & ordinariam jurisdictionem refertur, cum laicus in necessitate baptizat. Perperam igitur Febronius *jus* vocavit ea qualiacumque Episcopaliis munerum gesta, quæ in necessitate non juris, sed caritatis officia sunt. Ad ea quidem peragenda sanctos illos celebresque Episcopos, qui nullum jus proprium in alienas dioceses ac provincias habebant, sola impulit caritas, quæ nullis adstricta limitibus eo accurrit, quocumque Ecclesiæ necessitas vocat.

Quo sensu  
gesta Pontifi-  
cium in alie-  
nis diocesi-  
bus pertine-  
ant ad eorum  
jus ordinari-  
um.

5. Neque vero idem cum Febronio dicendum de summis Pontificibus, quasi ad jus primatus ordinarium referenda non sint, quæ illi gesserunt extra Romanæ diocesis fines. Jus nimirum primatus proprium cum ex divina institutione extendatur in totum mundum & in universam Ecclesiam; jus autem primatus proprium sit in ipsis jus ordinarium: quæcumque illi ubilibet gesserunt ac gerunt jure primatus, juri ipsorum ordinario adscribi queunt. Ea igitur, quæ data occasione ab illis gesta vidimus supra Episcopos, & in Episcoporum tum Occidentis tum Orientis diocesibus; cum Ecclesiæ necessitas vel utilitas postulavit, ad ordinariam primatus jurisdictionem pertinere quis ambigat?

6. Id ut clarius elucescat, distingue Pontificum Romanorum gesta, quæ facultates Patriarcharum aut Metropolitanarum proprias respiciunt ab iis quæ ad Episcopales facultates referuntur. Quoad priora gesta recollendum hic est, quod latius ° alibi explicavimus, solum S. Petrum jure primatus qui præcipuæ jurisdictionis, & non meri honoris & ordinis primatus fuit, ex Christi institutione aliquam

pecu-

\* De potest.  
Eccles. c. 1, & 2.

peculiarem & ordinariam jurisdictionem obtinuisse supra ipsos etiam Apostolos, eodemque divino jure inter Episcopos Apostolorum successores solum Romanum Pontificem, qui Petro succedit, eandem peculiarem & ordinariam jurisdictionem supra alios Episcopos fuisse consequutum. Alii nimirum gradus hierarchici Patriarcharum & Metropolitanarum supra Episcopos patriarchatus ac provinciarum ab Apostolis vel ab Ecclesia postea instituti ( \* non tamen sine aliquo Petri aut successorum ejus consensu ) cum sint juris Ecclesiastici, non potuerunt quicquam præjudicii asferre divinæ institutionis primatui, nec efficere quin successores S. Petri eodem divino & ordinario jure supra Episcopos fruerentur, quo solus S. Petrus ex divina institutione gaudebat. Cum porro hi gradus ea de causa fuerint ab Ecclesia instituti, quia solus S. Petrus, ejusque soli successores Romani Pontifices non poterant ubique adesse, nec æque prospicere omnibus, quæ regimini tot Episcoporum atque ecclesiarum necessaria atque utilia sunt; instituti quodammodo noscuntur loco ipsius Petri, ut ea supra Episcopos ac in earum diocesium gererent, quæ S. Petrus, si ubique potuisset adesse, omnibusque per se providere, divino & ordinario sui primatus jure gerere & providere potuisset. Hi igitur hierarchici gradus inducti ab Ecclesia non ob infirmandum Petri jus, sed ob supplendum quodammodo Petri officium ac vices, Patriarchas & Metropolitanos veluti Petri vicarios præferunt, ita ut quidquid illi ex solo jure Ecclesiastico gerunt supra ipsos Episcopos patriarchatus vel provinciæ, eorumque dioceses, gerant vicario quodam & delegato nomine. quod cum divino & ordinario juri primatus nequeat derogare, efficere pariter nequit quin Pontifices, si nonnulla gerant aut disponant, quæ Patriarchis aut Metropolitanis jure canonum competunt, ea gerant jure ordinario primatus, ut ne alieni juris invasores dici possint. Hæc quidem ( ut alibi monui ) non passim, nec sine justa causa a Pontificibus gerenda sunt, ne ordo ab Ecclesia institutus perturbetur, quod magnum scandalum solet commovere. Sed quidquid ab ipsis faciendum videatur, ex ordinario ac divino primatus jure factum negari non potest.

7. Idem est de moderatione facultatum Episcopaliū  
 quas

quas ( licet in origine sint institutionis divinæ ) subesse tamen quoad usum & exercitium dispositioni & juri ordinario Pontificii primatus satis aperte videmur probasse. Illud autem jus, quo in casibus necessitatis aut aliqua justa de causa in alienis provinciis vel dioccesibus Pontifices Summi aliquid juris exercent, \* jus quoddam devolutionis vel alio quocumque nomine appellet Febronius, ut vult; semper erit jus proprium & ordinarium primatus, quo Ecclesiæ necessitatibus, vel utilitati ac ædificationi ex officio prospiciunt pro supremo eorum jure; quæ enim geruntur ex officio, non caritatis, sed jurisdictionis sunt munera. Hinc patet discrimen inter ea quæ alii Episcopi ex necessitate vel utilitate publica quandoque gesserunt extra propriarum dioceseon fines, in quas nullum proprium jus habebant, & ea quæ ex proprii primatus jure Romani Pontifices gesserunt aut gerunt, sive ex necessitate, sive alia qualibet justa de causa in alienis dioccesibus atque provinciis, cum in omnes ipsis jus proprium & ordinarium competere & competat jure primatus. Si parochus ex. gr. vel ex negligentia, vel alio quovis impedimento baptismum non conferat, Episcopus autem conferat; nonne hic actus Episcopi juri ipsius tribuetur, quia etsi in necessitate debeat supplere, supplet tamen ex officio & jure proprio, quo omnibus suæ diocesis jurisdictione ordinaria præpositus est? Injuriosa proinde habenda ea (1) comparatio Romani Antistitis cum Eugubino, qua indicari videtur illum per se se non majori potestate præditum in alienas dioceses quam Eugubinus, qui solius suæ diocesis negotiis esse debet intentus: ac si primatus divini juris, qui non Eugubino, aut alii cuilibet, sed uni Romano competit, nihil præcipui & ordinarii juris in omnes Episcopos omnesque Ecclesias atque dioceses conferat.

## 8. Cum

---

(1) Comparatio inter Episcopum Romanum & Eugubinum instituta a S. Hieronymo, in Epistola ad Evangelium Sacerdotis, non autem jurisdictionis æqualitatem respicit.

8. Cum porro eodem ordinario peculiari jure Romanus sit præditus non solum in omnes *Ecclesias particulares* (quod ex doctrina Constantiensis quoque concilii ab ipsis adversariis concedendum est), verum etiam in universalem Ecclesiam quantumvis collectam in synodis generalibus, quibus eum jurisdictione præstare probavi multis libro præcedenti: jurisdictionem & potestatem Pontificiam primatus propriam esse omnino supremam, nullique alii Ecclesiasticæ potestati subjectam evidentissimum est. *Summam* quidem & *supremam* appellant aliquot SS. Patres; & concilia etiam generalia, uti est Tridentinum, supremæ hujus potestatis testimonium dederunt, quod verum non esset, si potestate omnibus superior non esset.

9. Ne autem hæc supremæ jurisdictionis prærogativa in odium & invidiam vocetur, quasi tota potestas Ecclesiastica sit in solo summo Pontifice, notandum est cum S. Bernardo eam auctoritatem esse quidem *summam*, sed non *De Confid.* *solum*, cum Episcopi, divina institutione suis ecclesiis præpositi a Spiritu Sancto, potestate juris divini in ipsas possint. Licet ergo Papa jus in illos habeat, ex quo usum & exercitium facultatum Episcopaliū moderari & limitare potest; non tamen pro libitu & arbitrio, sed quatenus in bonum & ædificationem Ecclesiæ expediat; unde nequit omnia ad se attrahere, aut Episcopos quasi vicarios suos æstimare, de quo mox dicenda erunt plura.

10. Hinc cognoscere licet, quo sensu Papæ suprema potestas sit etiam plena, & quænam sit ea plenitudo potestatis, quæ Romanis Pontificibus Romanæve sedi tribuitur. Potest scilicet omnia summus Pontifex in Ecclesiæ regimine, sed ea conditione, ut hujus potestatis usus in ædificationem sit, & non in destructionem. In ædificationem Ecclesiæ erecti Episcopatus, & in his constituti fuerunt Episcopi, ut quisque vigilantius & facilius suo gregi prospiceret; nam nec unus potuisset ex æquo omnibus Ecclesiis curam præstare, nec plures simul æquali potestate omnibus consulere absque periculo dissensionum & scissurarum, quæ unitatem & pacem Ecclesiæ maxime necessariam turbassent. Ne autem inter Episcopos æquali potestate Ecclesiis præfectos, si nemini fuissent subordinati, orirentur dissidia, aut in usu facultatum Episcopaliū quispiam com-

*Lallerinus de Potestat. Eccl.*

Z

mitte-

Potestas Pontificia summa & suprema, non autem sola in Ecclesia.

Cur eadem potestas sit non solum suprema, sed etiam plena.

Plenitudo  
potestatis  
Pontificiæ  
Febronio  
perstricta  
vindicitur  
c. 3. §. 5. n. 3.  
pag. 85.

mitteret, vel omitteret, quod bono Ecclesiæ unitatique præjudicio esset, qui omnibus summa auctoritate præesset, ita erant subjiçendi, ut omnes in officio & unitate contineret, scissurasque impediret: hæcque subordinatio in ædificationem Ecclesiæ necessaria exigebat, ut hic præpositus omnibus jure primatus, posset supra eosdem Episcopos omnia, quæ in ædificationem conferrent. Hanc potestatis plenitudinem Romani Pontificis primatui attributam in universæ Ecclesiæ Episcopatus & Episcopos male audit Febronius, eamque a S. Leone memoratam in epistola 4. ad Anastasium Thessalonicensem cap. 1. restringendam credit, & intelligendam de potestate patriarchali, quam idem Pontifex obtinebat in Illyrico, non autem de potestate universalis primatus in omnes Ecclesias. Num vero is, qui ea potestatis plenitudine intra patriarchatus limites fungebatur ut Patriarcha, ipsa carebat ut totius Ecclesiæ primas, qui omnibus Ecclesiis & Episcopis jure divino præerat? Num Ecclesiastica patriarchatus & patriarchalis auctoritatis institutio huic divino juri decerpere quicquam potuit? Si jus omne primatus in ædificationem Ecclesiæ summis Pontificibus tributum fuit; quis negare ejus juris plenitudinem potest, qua illi in ædificationem eo pleno jure utantur? Febronius certe nequit inficiari, quippe qui (2) duobus in locis laudat textum Roberti Episcopi Lincolnienſis ad Innocentium IV. apud Matthæum Paris ad annum 1253. *Apostolicæ sedis sanctitas non potest nisi quæ in ædificationem, non in destructionem. Hæc enim POTESTATIS PLENITUDO (est) OMNIA POSSE IN ÆDIFICATIONEM.* Cui sententiæ calculum adjiciens idem Febronius in litteris ad Clementem XIII. protestatur, se in Pontifice nullam potestatem rejicere, quæ ad utilitates Ecclesiæ, ad ædificationem templi, hoc est, ad compactionem membrorum, corporisque Christi conjunctionem pertinere videtur.

De.

---

(1) Recole lib. *De potest. Eccl.* c. 1. n. 12.



De hac Pontificiæ potestatis plenitudine, quam (3) & Galliani cum Gersono confessi sunt, audiatur S. Bonaventura 4. dist. 20. part. 2. art. 11. quæst. 5. ad 4. in fine: *Quidquid loquamur disputantes, vel etiam prædicantes, hoc sana fide tenendum est, quod Dominus vicario suo plenitudinem potestatis contulit, & tantam utique recepit potestatem, quantum decebat homini puro dari. Et hoc ad ædificationem corporis sui, quod est Ecclesia. Unde super hoc non temerarie judicare, sed gratias plurimas Deo debemus agere. Hæc postrema sententia illos deberet coercere, qui tantam potestatem Pontificibus a Deo collatam moleste ferentes suggillant & carpunt.*

11. Neque hæc suprema & plena Romanorum Pontificum potestas ædificationi Ecclesiæ prospiciens, ipsis impotentem dominatum, & arbitrium jus vindicat, quod unum a Christi institutione alienum Febronius se se improbare atque rejicere sæpius declarat. Regimen Ecclesiæ, quod Christus constituit, in caritate & humilitate fundatum nemo inficiabitur, si animadvertat eum præcepisse discipulis, ut qui major est inter ipsos, fiat sicut minor; Petrumque Apostolorum principem, totiusque Ecclesiæ primatem, Christi mentem explicantem mandasse, ne quisquam sibi arrogaret dominari in clero. Hac de causa Sanctus Paulus in declaranda potestate sibi a Deo tradita, humilioribus vocibus sollicitudinis omnium Ecclesiarum uti maluit; & similiter sancti Pontifices abstinuerunt a vocibus, quæ dominatum & typhum potestatis sæcularis spirant; sanctusque Gregorius in epistola ad Eulogium Episcopum Alexandrinum *jussio* nomen effugiens scripsit: *Verbum jussionis, peto, a meo auditu removete, quia scio quis sum, qui estis. Eoco enim mihi fratres estis, moribus patres. Non ergo jussi, sed quæ utilia sunt, indicare curavi. Quis tanti Pontificis humilitatem, quæ potestatem non extenuat, sed exornat, non admiretur? Hinc quoque in iis-*

Z 2

dem

Cur hæc suprema & plena potestas Pontificia non afferat impotentem & arbitrium dominatum.

Luc. 22. v. 26.

1. Pet. 5. 3.

lib. 2. ep. 30.

(3) Vid. epist. nuncupatoriam ad Clementem XIII. & cap. 9. §. 9.



CAR S. Gregorius refutavit titulum *Episcopi universalis* sine præiudicio juris primatus. *lib. 9. ep. 59.*

Quæ monarchia reputatur Ecclesiastico regimini.

Est regimen mixtum monarchico & aristocratico. *c. 1. §. 8. n. 5. t. 1. pag. 27.*

dem litteris *universalis Episcopi* titulum *superbæ appellationis* verbum noluit usurpare; nec jus coactivum in Episcopos exercendum censuit, nisi cum coercitione opus esset: ac propterea in epistola ad Joannem Syracusanum scripsit: *Si qua culpa in Episcopis invenitur, nescio quis ei (sedi Apostolicæ) subiectus non sit. Cum vero culpa non existit, omnes SECUNDUM RATIONEM HUMILITATIS æquales sumus.* Hæc ex humilitate & caritate expressa trahi nequeunt ad negandam summam & plenam potestatem primatui competentem, quatenus in Ecclesiæ ædificationem conferat, quin simul negetur ipse primatus in unitatis bonum & in ædificationem institutus. Potestas vero primatui competens in universam Ecclesiam, coercita intra limites ejus, quod in ejusdem Ecclesiæ bonum & ædificationem refertur, quam aliena est a dominatu monarchico potentiae sæcularis, quæ pro arbitrio & libitu quælibet sibi vendicaret?

12. Potestas unius supra omnes etiam Episcopos monarchiæ cujusdam species est; at non omnis monarchia in vitium & reprehensionem cadit, sed illa tantum, qua quis potestatem in publici boni destructionem exerceat. Regimini Ecclesiæ cum Christus non solum summi Pontificis, sed & Episcoporum potestatem immediate præfecerit, ita ut illius potestas, quantumvis summa atque plenissima, non tamen sola sit, sed Episcopos in partem sollicitudinis vocatos debeat agnoscere: & siquidem possit pro potestatis plenitudine eorum facultates moderari ac limitare quoad exercitium & usum, prout in Ecclesiæ bonum expedire judicaverit; non tamen possit omnes eorum facultates ad se attrahere, nec ipsos quasi suos vicarios efficere, neque dioceses omnes quasi suam diocesim habere; sequitur non unum Papam in tota Ecclesia, sed & Episcopos in suis cujusque diocesibus ordinariam jurisdictionem divini juris habere; & idcirco regimen ecclesiasticum, cui Papa & Episcopi præsident institutione divina, non esse mere monarchicum, ut in Regibus sæculi, sed esse regimen ex monarchico & aristocratico mixtum, ut Gerson alique Galli notarunt. Quid quod ipse Febronius hac in re convenire coactus fuit, dum regiminis Ecclesiastici rationem his verbis exposuit: *Cum Ecclesia non in uno populo, non in uno orbi*

orbis angulo sit inclusa, sed per totum mundum diffusa, ut impossibile sit unum omnibus posse intendere, semperque melius prospectum. Reipublicæ nimis remotæ, si a propriis Dominis, non mercenariis, regatur: non expedit illi forma regiminis monarchica, quæ facile solet in despotismum declinare, quod est contra naturam regiminis ecclesiastici in caritate & humilitate fundati . . . sed nec ex altera parte expediret imperium mere aristocraticum, cum sit semen discordiarum, proin unitas vix posset servari. Atque ita institutus a Deo est primatus talis, qualem ex sincera antiquitate hic describimus, ad servandam unitatem apprime idoneus. Qui nec mere monarchicum, nec mere aristocraticum regimen Ecclesiæ convenire affirmat; mixtum utique ex utroque approbet necesse est: & monarchicum quidem fatetur quoad summum Pontificem, qui donatus primatu ad servandam unitatem apprime idoneus, non sit æqualis potestate Episcopis ceteris, ne ob æqualitatem juris regimen sit mere aristocraticum, quod cum esset semen discordiarum, unitas Ecclesiæ vix posset servari. Ut inter Episcopos servetur unitas, unus omnibus debet præesse, cui omnes sint subordinati, quemadmodum c. 1. & 2. monuimus. Ut autem declinetur despotismus ejus, qui omnibus præest, cum is nequeat esse subordinatus illis, quibus jure primatus præsidet; sufficiet lex illa divina ac naturalis, quæ supremæ cuique potestati modum præfixit, in ædificationem scilicet, non in destructionem. Hanc unam potestatem supremam plenamque cum nos admittamus, cur tanta de monarchico regimine contentio est?

13. Video hic Febronium repositurum, se non quemcumque, sed excessivum tantum carpere supremæ & plenæ Pontificiæ potestatis usum, seu potius abusum, quo post falsæ Pseudo-Isidori decretales disciplina antiquorum canonum exolevit, suminisque Pontificibus incompetens tributa potestas est derogandi antiquæ disciplinæ, & legitimis Episcoporum Metropolitaramque facultatibus, conciliorum quoque non tam particularium quam generalium canonibus magno studio conditis, & usu atque observantia totius Ecclesiæ comprobatis, quod in destructionem antiqui sinceri juris atque optimæ Ecclesiasticæ institutionis cedens, irregularis & inlimitati dominatus proprium est: quæ prima-

Febronii ob-  
jectum ex  
presumptis  
potestatis ab-  
usibus refel-  
litur.

tus ratio potestati in ædificationem institutæ prorsus repugnans, a nemine defendi poterit, nisi arbitretur Pontifices ex primatu posse omnia etiam in destructionem. Hæc ut refellantur, necessarium primo est aliquot certis principiis explicare, quid in ædificationem, & quid in destructionem cedat Ecclesiæ, & cum iisdem principiis conferre, quæ in reprehensionem adducuntur a Febronio, quasi abusum potestatis ædificationi seu bono Ecclesiæ insensum certo contineant: postea vero quæ opponuntur ex Pseudo-Isidori decretalibus facilius disjicientur.



## CAPUT IV.

Explicatur quænam sit ea suprema & plena potestas Romanis Pontificibus tribuenda supra facultates Episcopis competentes, & in ædificationem Ecclesiæ tradita. Distinguenda potestas ab ejusdem usu; nec ex abutibus, qui potestati tribuendi non sunt, sed ex vicio abutentium dimanant, ipsa potestas neganda. De actibus abutentium illicitis sed non irritis.

I. **D**UM loquimur de potestate Romanorum Antistitum in limitando & moderando usu facultatum Episcopaliū, quam limitationem moderationemque Christus non constituit, sed explicatur. Status quæstionis proponitur, & explicatur.

Ecclesiasticæ potestati ac dispositioni constituendam reliquit; de re loquimur, quæ etsi quoad potestatem a Christo institutam in instituendo præcipuè jurisdictionis primatu, ad divinum jus, & ad fidei negotium immutabile pertineat; quoad usum tamen ipsius potestatis, seu quoad actualem limitationem moderationemque earum facultatum Episcopaliū certis ex causis faciendam vel omittendam, spectat ad dispositionem Ecclesiasticam, & ad materiam mutabilis disciplinæ. In hac autem materia, in qua nihil per se naturali aut divino jure præscriptum aut vetitum est, omnis Ecclesiastica potestas ea conditione adstringitur ab ipso Deo præfinita, ut nihil statuat, præcipiat, vetet, mutetque, nisi quod in Ecclesiæ ædificationem sit. Igitur tota quæstio de potestate, seu potius de usu potestatis summorum Pontificum circa limitationem, moderationem, usumque facultatum Episcopaliū, de quibus in duobus præceden-

Non semper  
mutatio disci-  
plinæ ad  
destructio-  
nem Eccle-  
siæ referen-  
da.

cedentibus capitibus differuimus, huc revocatur, num & quatenus earum facultatum limitatio, moderatio, seu etiam restrictio, quæ obtinet ex posteriorum temporum disciplina, quæque a Febronio in reprehensionem vocatur, cedat nec ne in ædificationem Ecclesiæ. Hac nova disciplina veterem non modicum fuisse mutatam negari non potest. At in disciplina mutabili non semper mutatio, & antiquorum canonum derogatio ad destructionem Ecclesiæ referenda est; si nimirum ipsa mutatio ac derogatio, pro varietate temporum ac circumstantiarum, in ædificationem, idest in bonum, utilitatem, aut necessitatem Ecclesiæ inducta fuerit. Id ut planius explicem, utar Ecclesiasticarum dispensationum exemplo, quibus legi universali in particularibus casibus derogatur. Quod enim valet in particulari dispensatione, qua particularis derogatio fit, valet etiam in derogatione generali, qua novo disciplinæ jure inducto antiquum abrogatur.

De dispensa-  
tionibus.

2. Communis doctrina est dispensationes a legibus etiam Ecclesiasticis sive antiquis sive recentioribus, quæ vigent, a nemine concedendas nisi iusta de causa, quæ aliquam veram necessitatem aut publicam utilitatem requirit: quod enim ex hujusmodi necessitate aut utilitate conceditur, in ædificationem Ecclesiæ cedit, & idcirco legitimum est. Hinc recepta sunt, atque ab omnibus laudata illa S. Bernardi; *Ubi necessitas urget, excusabilis dispensatio est. Ubi utilitas provocat, dispensatio laudabilis est; utilitas dico communis, non propria. Nam cum nil horum est, non plane fidelis dispensatio (scilicet in ædificationem & bonum Ecclesiæ); sed crudelis dissipatio est, quippe quæ in damnum & destructionem convertitur. Quod autem valet in potestate dispensandi, qua cuiuspiam legi derogandum credatur, valet etiam in potestate limitandi ac moderandi eas facultates quæ Episcopis competunt, & Pontificiæ dispositioni subordinatæ sunt ordinatione divina, ut idem S. Bernardus docuit epist. 131. Plenitudo siquidem potestatis Apostolicæ sedi donata est. Qui igitur huic potestati resistit, DEI ORDINATIONI resistit. Hanc vero potestatem non ex arbitrio, sed ex utilitate aut necessitate, bonoque Ecclesiæ in praxim deducendam significant, quæ*

Plenitudo  
potestatis A-  
postolicæ se-  
testatis inquit,  
di non ne-  
prærogativa  
potestati res-  
sistit. Quare mode-  
ratio adhi-  
benda.

quæ statim subjicit. *Potest, si UTILE judicaverit, novos ordinare Episcopatus, ubi hactenus non fuerunt. Potest eos, qui sunt, alios deprimere, alios sublimare, prout RATIO sibi distaverit, ita ut de Episcopis creare Archiepiscopos liceat, & e converso, si NECESSE visum fuerit &c.* Neque abssimiliter Ivo Carnotensis epist. 238. ad Pascha-lem II. *Nec in hoc resistimus, quin possit Sedes Apostoli-ca parochiarum amplitudinem minorare, aut brevitatem di-latare, si UTILITAS populi Dei exigat, & nullum in-de schisma contingat.*

3. Quod Bernardus tradidit de plenitudine Pontifi-De potestate  
ciæ potestatis circa assignatas Episcopis dioceses, non moderandi  
minus dicendum de eadem potestate quoad limitandum ac limitandi  
vel moderandum usum facultatum Episcopaliū, in qui-facultates  
bus Episcopi Apostolicæ Auctoritati subordinati fue-Episcopales.  
runt, si iusta de causa in ædificationem & bonum  
Ecclesiæ expediat. Certe confitetur Febronius: *De in-c. 3. §. 5. n.*  
stitutione ex certis prerogativis Sedium Patriarchaliū s. 1. 1. pag. 85.  
dubitari nequit, quin ejusmodi sedium & jurium eis attri-butorum institutio pro bono, Ecclesiæ mutari, ampliari, vel  
etiam restringi possit. Neque dicat hæc posse fieri, quia  
cum Patriarchaliū Sedium institutio ex jure Ecclesiastico  
originem ducat; ipsarum prerogativæ ac facultates juri-  
quoque ecclesiastico subjiciuntur. Licet enim Episcoporum  
institutio sit juris divini, nonne sicut ipsorum dioceses,  
ita & usus facultatum Episcopaliū, a Christo nequaquam  
constitutus, Pontificiæ potestati subordinatus fuit? Nonne  
idem Febronius ait: *Extraordinario quodam quasi devolu-c. 3. §. 2. n. 4.*  
tionis jure ac titulo PLURA JUSTE suscipiebant supre-pag. 79.  
mi Pontifices, nimirum urgente NECESSENTATE, aut  
suadente manifesta Ecclesiæ UTILITATE: confirmatque  
Thomassini testimonio, quo sermo est non tam de Metro-politarum, quam de Episcoporum facultatibus, quorum  
munia Summi Pontifices tunc demum supplcant, cum cari-tas urget, cum necessitas cogit. Id extraordinario cuidam  
juri tribuit Febronius, eo quod causa supplendi ex. gr. ob  
negligentiam Episcoporum, vel alio quovis nomine sit  
extraordinaria; jus tamen in hoc Pontificiæ auctoritatis  
ordinarium, debet agnosci, quatenus Episcopales facultates  
quoad usum & exercitium eidem auctoritati jure ordinario Papa sit ju-  
Ballerinius de Potestat. Eccl. A a subor-ris ordinarii.

subordinatæ sunt ordinatione divina, & ordinario jure primatus, ad quem ex officio pertinet necessitati ac utilitati Ecclesiæ providere.

Cautio adhibenda in usu hujus facultatis.

\* Notabilis ratio.

Tridentini decretum de reservatione graviorum criminum.

4. Non debent quidem Pontifices, ut antea monui, passim ac temere Episcoporum facultates & jura quavis de causa diminuere, limitare, sive attribuere; id enim in publicum damnum & magnam Ecclesiarum perturbationem desllecteret. At si causa justa occurrat, qua utile vel necessarium bono publico judicent, aliquid tale efficere, sive nonnulla reservare; quis id Pontificiæ supremæ potestati negare auferit? Ecclesiæ certæ bonum, & naturalis ordo postulant ne primati totius Ecclesiæ hæc potestas in ipsas Episcoporum facultates negetur. Cum enim (1) Episcopi cum suis facultatibus instituti fuerint a Christo in bonum Ecclesiæ, non vero Ecclesia in Episcoporum; hi utilitati vel necessitati Ecclesiæ ita debent studere, ut non inique ferant, si ex utilitate vel necessitate ejusdem Ecclesiæ aliquot facultatum suarum restrictionem, moderationem, aut reservationem suprema potestas faciendam censuerit. Tridentina quidem œcumenica synodus huic supremæ potestati vindicavit reservationem graviorum criminum, a quibus Episcopi primævo ordinario jure poterant absolvere; nec quisquam catholicus potest injustam in hoc invasionem criminari, quin generali quoque concilio ignorantiam atque injustitiam impingat. Esto hæc reservatio occasionem sumplerit ex Episcoporum quorundam delatione ad Apostolicam Sedem, ut peccantes hoc fræno coercerent. Hæc ipsa vero non exigua particularium reservationum utilitas, quæ sensim ad statuendam generalem quorundam graviorum criminum reservationem adduxit, nonne in magnam Ecclesiæ utilitatem ac bonum cedit? Quis ergo hunc quasi non ferendum potestatis abusum venditet atque suggillet?

5. Duæ

(1) Concinit cum his illud Augustini lib. 2. in Cresc. c. 11. tom. 9. col. 415. e. Neque enim Episcopi propter nos sumus, sed propter eos, quibus verbum & sacramentum Dominicum mi-

nistramus: ac per hoc, ut eorum sine scandalo gubernandorum se se necessitas tulerit ita vel esse, vel non esse debemus, quod non propter nos, sed propter alios sumus.



5. Duæ exceptiones, quibus Tridentinum illud decre- Dux Febro-  
tum extenuare nifus est Febronius, inanissimæ sunt. Ait nii expli-  
primo hanc Pontificiam facultatem, quæ ex quorundam cationes reje-  
Episcoporum delatione ortum habuit, cum ad generale re- cta.  
servationis decretum se se extendit, vim sumpsisse ex eo- c. 7. §. 6. n.  
rumdem Episcoporum consensu, perinde ac si illi proprium 6. t. 2. pag.  
jus in Pontificem transfulerint. Num quorundam Episco- 23.  
porum observantia, quæ initio particulares casus Apostoli-  
cæ Sedi detulerunt, probare potest consensum omnium, qui  
de tali potestate abs se pbdicanda ne cogitarunt quidem?  
Num qui initio detulerunt eos casus ad eamdem sedem,  
potestatem, quæ isti non competeret, eidem quasi juri suo  
renuntiantes tribuisse dicendi sunt? Num S. Petrus, qui  
omnia solvere & ligare poterat ex institutione ipsius Chri-  
sti, non potuisset in illis casibus absolvere nisi hanc pote-  
statem sibi Episcopi concessissent? Num minor est Roma-  
norum Pontificum auctoritas, in quos idem Petri primatus  
ac jurisdicção transivit? Nonne ipsum Tridentinum  
Concilium totum reservandi jus non in delationem Episco-  
porum, sed in *supremam potestatem sibi* (Summo Ponti-  
fici) *in Ecclesia universa traditam* expresse retulit? Ait  
secundo hanc potestatem a Tridentinis Patribus derivatam  
ex Pseudo-Isidoriano illo principio, quo Papa tradebatur  
*Ordinarius ordinariorum*. Ita generale præstantissimum concilium  
ex Pseudo-Isidori collectione, ac ignorantia veri  
juris deceptum traducit, idquæ posse corrigi in alio concilio  
comminiscitur. Sed hæc & alia similia ab eodem au-  
dacius dicta ex præjudicio falsi systematis de collectione Isi-  
doriana, quod expendetur capite sequenti, nemo mirabitur,  
qui præjudiciorum vim probe cognoscat. Certe principium,  
quo Papa *Ordinarius ordinariorum* dicitur, si non  
verbis, factis antiquiorum quoque sæculorum, in quibus  
Papæ jurisdictionem ordinariam primatus propriam in alienis  
diocæsisibus exercuerunt, comprobatur ceuseo ex dictis  
c. 3. n. 3.

6. Privilegia exemptionis generalia a jurisdictione Episcoporum ea fere de causa regularibus indulta fuerunt, ut De privile-  
iidem regulares ab Episcopis, qui ipsos itentidem turba- giis exem-  
bant gravabantque, subducti, regularum suarum studio & ptionum.  
observantiæ quietius ac tutius vacarent: quod sane utilita-

Quid de ab-  
usibus dicen-  
dum.

tem quamdam, atque necessitatem, bonumque Ecclesiæ ædificationi prospiciens præfert. Nati subinde abusus quorundam regularium, qui Episcoporum auctoritati obstabant, plebiumque scandalo erant, eorumque abusum causa querelæ contra hujusmodi exemptiones a Sanctis quoque viris ad Sedem Apostolicam delatæ; non quod hac in re suprema ejusdem sedis auctoritas per se vocaretur in dubium, irritaque crederentur ea exemptionis privilegia; sed quod ex abusibus male utentium ipsis privilegiis, (2) non expedire videretur tam facile ea privilegia largiri, quæ si non ex natura exemptionis per se, certe ex prave utentium moribus in destructionem vergebant. Nemo ambiget quin abusus male utentium corrigendi sint eisque, qui ab exemptis proveniunt, Tridentina Synodus remedio saltem delegationis Apostolicæ Episcopis impertitæ ita providit, ut ne tamen Pontificiæ auctoritati quicquam detraheret. Quod si Febronius, qui hoc delegationis remedium a Tridentino appositum aperte damnare ac reprehendere non ausus, nec ex abusibus exemptorum jus Apostolicum in ipsis exemptionibus concedendis absolute negare potuit; ob aliquos tamen, qui adhuc superfluit abusus, & abutentium vicio fere inevitabiles sunt, ad omnes abusus tollendos memoratam delegationem insufficientem judicans, exemptiones ipsas omnino tollendas significavit; velim consideret, num id absolute tentare in ædificationem Ecclesiæ esset cessurum, de quo legenda quæ afferentur capite sexto. Nunc aliquot generalia principia præmittenda, quæ aliis atque aliis Pontificiæ potestatis usibus vindicandis inserviant.

7. De suprema Pontificum potestate in limitandis vel moderandis Episcoporum facultatibus, quando id in Ecclesiæ bonum judicent expedire, ex constitutis dubitari non posse videtur. Quod si ex subsequenter abusus detegatur ejusmodi limitationes ab illis factas non cessasse in ædificationem, sed in destructionem; duplex quæstio distinguenda est, num hac in hypothesi eadem limitationes licitæ, vel illicitæ fuerint, an vero etiam irritæ. Cum Summi Pontifices

---

(2) Vide illa Bernardi l. 3. *De potest. Eccl.* cap. 3. §. 2. de Confid. c. 4. quæ descripsi num. 4.

tifices ea suprema potestate usi eas limitationes sanxerunt, id iusta de causa, quæ in bonum & ædificationem cederet, fecerunt semper, vel secisse præsumendi sunt, ne de supremi hierarchæ gestis, quæ vel in dubio in partem meliorem sunt accipienda, inferiores temere iudicent. In singulis quidem Pontificiis limitationibus, sicut & in dispensationibus, aliqua fere semper iusta occurrit ratio, ex qua bonum publicum & ædificatio Ecclesiæ deduci potest. Præjudicia & abusus, qui subinde deteguntur, ex aliorum culpa proveniunt; idemque Febronius, qui pro sua in Pontifices observantia istis vitiosam causam non audet appingere, abusu<sup>Abusum</sup> originem vel in Curiales, vel in alios abusus<sup>origo unde</sup> tentes potestate, vel concessionibus Apostolicis reicere solet. Multi sane dispensationum aliarumque gratiarum abusus, qui scandalum generant, obreptioni, vel subreptioni petentium sunt adscribendi; multi etiam conniventium Prælatorum testimoniis, a Sancta Sede ante concessionem requisitis, quibus fidendum censuit pia mater Ecclesia. Non modicum ab illis timendum, qui zelo quodam, at non secundum scientiam concepto se abripi sinunt, ut superioribus crimini vertant facta, quorum causam ignorant, vitiosaque præsumant, quæ potius bona & licita censenda sunt. Afferam hoc loco opportune S. Gregorii textum ex libro quinto *Moralium* in Job. c. 5. n. 24. ubi hanc censuram, qua dispensationum abusus ob causæ ignorantem notantur, suo quoque ævo non raram his verbis perstringit: *Sæpe enim, quia intelligi non valent, deterioribus displicent vel facta vel dicta meliorum: sed eo ab eis non temere reprehendenda sunt, quo apprehendi veraciter nequaquam possumus. Sæpe aliquid a maioribus dispensatorie agitur, quod a minoribus error putatur. Sæpe multa a fortibus dicuntur, quæ infirmi ideo dijudicant, quia ignorant. Timeat multo magis quicumque Febronii criminationibus præoccupatus, in Summis Pontificibus accuset veluti abusus non ferendos ea, quæ juxta hodiernam disciplinam ex iusta causa concedere licuit, eo quod istorum causam seu rationem ignoret, cum abusus, si qui exinde consequuntur vel obtinent, non ex Apostolica potestate, sed ex abutentium malitia prodeant.*

Ex abusibus  
non neganda  
potestas ali-  
unde certa.

8. Quod si quidam abusus ex aliqua ipsorum Pontificum culpa, quæ nulla ratione possit excusari, aliquando provenirent (quod tamen præsertim de superiore, cuius rationes ignotæ, ab inferiori non est temere iudicandum); non idcirco ex abusibus esset neganda potestas, quæ aliunde certa est; & ut initio monuimus, in origine ad divinum jus immutabile pertinet, nec ex abusibus fit irrita; multo autem minus ex abusibus esset neganda, si abusus non ex ipsius Pontificis, sed ex aliorum culpa profecti in malum converterent quod in bonum fuit institutum. Potestas siquidem jurisdictionis in ædificationem, & non in destructionem tradita, etsi ex recto usu in ædificationem, ex abusu autem (undecumque proveniat) cedat in destructionem; ipsa tamen per se absolute concessa dicenda est, ut ne ex abusibus irrita fiat, nec actus ex ea manantes, ex ipsa culpa abutentium illiciti, nulli per se & irriti habendi sint. Id ab ipso Febronio ceterisque adversariis concedendum est, quippe qui certam Episcoporum potestatem non negabunt; nec actus ex ea profectos (si lex irritans non impediatur) affirmabunt irritos, quamvis & ipsi Episcopi proprio vel alieno vitio sua potestate abuti queant. Summis potestatibus sæculi certa quoque potestas est; nec tamen ex abusibus eadem potestas vocatur in dubium, nec actus consequentes irriti per se habentur, ne malo, quod ex ipsis abusibus provenit, (3) addantur alia publica damna, quæ sæpe ex actibus irritis in innocentium quoque detrimentum redirent. Ii quidem, qui quocumque ex capite cooperantur abusui, illicite agunt: at non omnes actus, qui fiunt illicite, sunt etiam irriti; unde vulgatum illud,

*Mul-*

(3) Hac de causa ubi etiam lex irritans adest, uti in beneficiis per simoniam acquisitis collatio irrita declaratur, Ecclesia non vult generatim irritam ministrationem Sacramentorum matrimonii vel penitentiarum, quæ a parochis simoniacis

ministrantur; ac proinde hoc casu titulo, quem vocant coloratum, Ecclesia supplere, vel potius legem irritantem his in circumstantiis restringere creditur, ne irritationis præter nocentibus decreta, innoxii & bona fide agentibus noceat.

*Multa facta tenent, quæ fieri prohibentur. Illi abusus, quos ex limitatione seu restrictione facultatum Episcopis competentium Febronius ingerit, & quandoque etiam exaggerat, movere solent plurimos, & me quoque non leviter movere non ibo inficias. Qui omnibus ejusmodi abusibus remedium quærit, laudandus. At si remedium collocat in neganda vel impugnanda legitima atque certa potestate, perperam & injuste agit.*

9. Considerandum hoc loco illud Joannis Barthelii testimonium, quod Febronius recitat cap.9. §. 11. num. 3. *Donc erunt hommes, erunt & vitia, & peccata, erunt abus, superstitiones, immoderatus potestatis & autoritatis utut legitimæ abusus: quos non potestati per se, sed abutentium vitio tribuit. Si ob hosce abusus neganda esset potestas utut legitima; quis non videat negandam esse potestatem tum Pontificiam, tum Episcopalem, tum ordinariam, tum delegatam, quæ ex hominum sive fragilitate sive malitia multis inficiuntur abusibus? Dicat id, si potest Febronius; & non illicitos tantum, verum etiam irritos omnes actus per abusum elicitos affirmet. Si autem id dicere & affirmare non potest nec audet; desinat ergo contra abusus ita declamare, ut potestatem supremam negare videatur. Cum loco laudato ex eodem Barthelio monet omnes abusus non posse simul auferri, sed sensim esse tollendos; proculdubio non censet omnia decreta, quibus limitatæ, aut ad Sedem Apostolicam revocatæ fuerunt Episcoporum facultates, irrita esse, nec irritos actus omnes exinde per abusum profectos, quos ad impediendum publicum damnum statim simul emendare oporteret. Media quidem suggerit, quibus hæc reformatio pedetentim prudenti œconomia obtineatur. At num hæc remedia in ædificationem, an potius in destructionem conspirent, suo loco inferius expendetur. Satis mihi nunc est, si suprema & plena Pontificia Potestas ex hæcenus dictis ita explicata ac vindicata sit, ut nihil ex objectis a Febronio abusibus detrimenti capiat.*

## CAPUT V.

De supposititiis Pseudo-Isidori decretalibus, ex quibus Febronius supremæ & plenæ auctoritati Apostolicæ nimium multum detrahit, quæstiones tres propositæ & solutæ.

1. **H**UIC supremæ ac plenæ Romanorum Pontificum potestati non minus detrahit Febronius, cum eam, quam nunc iidem Pontifices exercent, supposititiis Pseudo-Isidori decretalibus inuixam, partumque ex tam spuris fontibus jus falsum & commentitium declarat. Adeo enim hodiernum Pontificum jus omni genuino stabiliq; fundamento nudatum præfert, ut impoteris eguerit, quibus tantummodo potuerit induci & propagari. Hac porro in hypothese eisdem Pontifices, spurio falsoque ejusmodi jure excluso, ad normam antiquorum canonum, in quibus sincerum & verum jus situm est, esse revocandos contendit. Hoc Febronianum systema Pontificiæ auctoritati, ac primatus jurisdictioni injuriosum, licet ex præmissis satis confutatum videri possit, tamen ut magis magisque confutetur, de Pseudo-Isidori decretalibus nonnulla ex proposito hic arbitrari discutienda, quæ omnem fucum abstergant. Decretales epistolæ, quas Pseudo-Isidorus priscis sanctissimis Pontificibus affixit, falsas esse, & ex ipsis, falsitate nondum detecta, multa capitula in posteriores collectiones canonum irrepsisse, & cum vulgo haberentur sinceræ, multum fidei obtinuisse negari non potest. Nunc ob retundendum, quod exinde contra Apostolicam auctoritatem obtrudit Febronius, tria de iisdem decretalibus quærenda. I. Num in gra-

Decretales  
supposititiæ  
a Pseudo-Isidoro  
confictæ.

gratiam Romanorum Pontificum ob ipsorum potestatem augendam fuerint confictæ. II. Num ea, quæ pro eadem potestate in iisdem decretalibus traduntur, novi quidpiam induxerint, quod anterioribus temporibus non fuerit auditum, vel usu receptum. III. Num si quid ex præsumta illarum auctoritate facilius propagatum usque receptum obtinuit, jus falsum constituat, quod antiquo juri derogare non posset, ita ut ad jus antiquorum canonum sit redeundum, & abusus sit, quidquid posterius quocumque nomine inuentum receptumque, ab antiquorum canonum constitutis discordat.

## §. I.

*Num decretales, antiquis Pontificibus a Pseudo-Isidoro attributæ, in gratiam Romanorum Præsulum ob augendam eorum potestatem fuerint confictæ.*

2. De Pseudo-Isidori collectione prolixam dissertationem digessimus insertam parti tertiæ fusioris *Tractatus de antiquis collectionibus & collectoribus canonum*, quem tomo tertio nostræ Venetæ editionis Operum S. Leonis præmisimus. Vide pag. ccxv. Non est opus cuncta ibidem dicta repetere. At in rem præsentem, in gratiam eorum, qui ea editione carent, sufficiet ea totidem verbis transcribere, quæ ibidem leguntur §. 5. pag. ccxx. num. 10. ubi primæ propositiæ quæstioni credimus satisfecisse.

„ Quo spiritu, quo consilio Pseudo-Isidorus tot documenta confinxerit, omittendum non est. Non desunt, qui eum amplificandæ vel defendendæ auctoritatis Romanorum Pontificum studio ductum ad ea procudenda excitatum fuisse arbitrantur. At falluntur manifeste. Licet enim in iis Apostolicæ Sedis amplitudo & auctoritas pluribus commendetur; non tamen hic impostoris scopus fuit, nec eadem Sedes, cujus privilegia & jura *Ballerinius de Potestat. Eccl.* B b „ quam



Pseudo-Ili-  
dori consiliū  
quodnam  
fuit.

„ quamplurimis sinceris & vetustis documentis nituntur,  
 „ illis apocryphis indigebat, ut Cardinalis Baronius ad  
 „ annum 865. num. 8. notavit. Pseudo-Isidori autem con-  
 „ silium longe aliud fuisse ex ipsa collectionis præfatione  
 „ satis dignoscitur. Postquam enim indicavit documenta,  
 „ quæ suæ collectioni erant inferenda, hanc eorum colli-  
 „ gendorum rationem subjicit: *Quatenus Ecclesiastici ordi-  
 nis disciplina in unum a nobis coacta atque digesta, &  
 Sancti Præsules paternis instituantur regulis, & obediētes  
 Ecclesiæ ministri vel populi spiritualibus imbuantur exem-  
 plis, & non malorum hominum pravitatibus decipiantur.  
 Multi enim pravitate & cupiditate depressi, ACCUSAN-  
 TES SACERDOTES OPPRESSERUNT.* Et multis  
 „ prosequitur in eos acriter invehens, qui Episcopos ac-  
 „ cūsare audent, ut se per illos excusent, vel eorum bonis  
 „ ditentur: ac plura eiusmodi iudiciorum incommoda refe-  
 „ rens, illud urget, non posse cogi Episcopos ad dicen-  
 „ dam causam, si fuerint accusati, & rebus suis expolia-  
 „ ti, aut gradu dejecti, & a fede pulsi, nisi prius fuerint  
 „ restituti: additque nonnulla de accusatoribus & accusa-  
 „ tionibus rejciendis: quibus omnibus palam significat, se  
 „ ea potissimum mente collectionem confecisse, ut Episco-  
 „ pis, qui accusabantur, prospiceret.

„ 3. Id quidem in apocryphis, quæ conslavit, docu-  
 „ mentis multo clarius elucet. Eamdem enim semper de  
 „ accusatis Episcopis curam ac sollicitudinem præsert: cum-  
 „ que Apostolicæ Sedis auctoritatem prædicat, eo semper  
 „ omnia refert, ut Episcopi accusationibus impetiti, &  
 „ condemnati, si se gravatos sentiant, ad illam confu-  
 „ giant, quæ Synodorum sententias retractare, &, si ju-  
 „ stum putaverit, irritas reddere potest. Idem quoque con-  
 „ silium maxime perspicitur in Capitulis Hadriano tribu-  
 „ tis, quæ ex apocryphis præsertim epistolis decerpta, apo-  
 „ cryphorum documentorum veluti compendium & com-  
 „ pilatio vocari queunt. Pleraque enim illorum capitulo-  
 „ rum eo spectant, ut ne Episcopi accusari a quibuslibet  
 „ possint; nec, si accusentur, accusatoribus facile deferatur,  
 „ sed ex multis causis tum accusatores repellere, tum ju-  
 „ dices liceat recusare; ut synodorum retractentur judicia,  
 „ & alia ejusdem generis in apocryphis similiter ingesta,

„ ex

„ ex quibus si omnia ad Episcoporum , qui accusantur,  
 „ expoliantur, deponuntur, patrocinium, defensionem at-  
 „ que præsidium conlata atque conficta credantur, ne-  
 „ mo jure possit revincere.

## §. II.

*Num ea, quæ de Summi Pontificis auctoritate in  
 confictis Pseudo-Isidori decretalibus traduntur, no-  
 vi quidpiam induxerint, quod anterioribus tem-  
 poribus numquam fuerit auditum, usuque nus-  
 piam receptum.*

4. In id exscribendus ex laudata dissertatione atque  
 paragrapho numerus undecimus. „ Non pauci de Pseudo-  
 „ Isidoro severius conqueruntur, perinde ac si ejus impo-  
 „ sturis disciplina vetus abolita, & nova fuerit introdu-  
 „ cta, adeo ut hinc deserti antiqui canones, fracti disci-  
 „ plinæ nervi, perturbata Episcoporum & provincialium  
 „ conciliorum jura, sublatæ judiciorum leges, aliaque rei  
 „ Ecclesiasticæ damna i lata fuerint. Hæc autem novæ &  
 „ mutatæ disciplinæ reprehensio quam minus æqua sit, Disciplinæ  
 capita ante-  
 riora Pseu-  
 do-Isidoro.  
 „ quisque facile intelliget, si duo animadvertat, nimirum  
 „ pleraque pseudo-Epistolarum Isidori excerpta esse ex sen-  
 „ tentiis Sanctorum Patrum, ex sinceris constitutionibus Ro-  
 „ manorum Pontificum post Siricium, ex canonibus con-  
 „ ciliarum, ac ex Romanis legibus: quæ sane novi juris  
 „ novæque disciplinæ non sunt: cetera vero eam disci-  
 „ nam plerumque exhibere, quæ jamdiu inoleverat, vel  
 „ jam ante aliquanto induci cœperat. Impostura autem in  
 „ eo sita est, quod Pseudo-Isidorus eas sententias iis aucto-  
 „ ribus imposuerit, quorum non sunt, & posterioris ævi  
 „ disciplinam antiquioribus Pontificibus affixerit, quasi pri-  
 „ oribus Ecclesiæ sæculis hæc viguisset. Ceterum quod de  
 „ novæ disciplinæ introductione inseritur, stultus quidem

„ plane fuisset impostor, si sperasset suam collectionem ac-  
 „ ceptum iri ab hominibus, quæ novam omnino discipli-  
 „ nam a sui quoque sæculi moribus & consuetudinibus ab-  
 „ horrentem contineret. Quod si quæcumque contra con-  
 „ suetudinem ingeruntur, etiamsi bona & utilia sint, ipsa  
 „ novitate perturbare solent; multo magis de iis timen-  
 „ dum erat, quibus disciplinam per se optimam, & fan-  
 „ ctioribus fultam legibus, longoque usu ab omnibus rece-  
 „ ceptam quispiam evertere & immutare contenderet. Nulli  
 „ autem tumultus, clamores nulli auditi sunt obductas  
 „ decretales apocryphas, nisi in ea parte quæ ad Episco-  
 „ porum causas & judicia pertinet: de quibus aliqua apud  
 „ Hincmarum leguntur, & in epistolis Nicolai I.

„ 5. At in his ipsis causis atque judiciis, quod in  
 „ Pseudo-epistolis ac synodis Isidorianis traditur, non erat  
 „ omnino novum. Nonne causæ majores, quæ circa accu-  
 „ sationes Episcoporum versantur, certis antiquorum Pon-  
 „ tificum decretis Apostolicæ Sedi reservatæ, sine ejus as-  
 „ sensu definiri non poterant? Vide inter cetera Leonis  
 „ epistolas 6. 23. & 14. ac Gregorii IV. epistolam pri-  
 „ mam ad universos Episcopos. Nonne Episcoporum ap-  
 „ pellationes ad eandem sedem antiquis canonibus & con-  
 „ suetudini, nec non primatus juri innixas, probavimus  
 „ in observationibus ad dissertationem V. Quesnelli part.  
 „ 1. c. 5. 6. & 7.? Ne omnes promiscue recipiantur ad  
 „ accusandum Episcopum cautum fuerat in canonibus Co-  
 „ dicis Africani 128. 129. 130. & 131 nec non etiam  
 „ canone sexto concilii CP. quem ex Græco codice Ni-  
 „ colaus I. laudat epistola octava. Episcopos ejectos &  
 „ suis rebus expoliatos non cogendos ad iudicium, nisi  
 „ prius in suum gradum restituantur, & omnia eisdem  
 „ ablata redintegrentur, colligitur antea decretum ex Co-  
 „ dice Ecclesiæ Africanæ c. 87. Hæc & alia ejusdem ge-  
 „ neris, quæ novæ disciplinæ a Pseudo-Isidorianis decreta-  
 „ libus inductæ tribuuntur, legere licebit in Epistolis 8.  
 „ 9. & 38. Nicolai I. qui tamen ea non ex illis apocryphis,  
 „ quibus (1) carebat, sed ex antiquioribus documentis con-  
 „ firmat:

(1) Vide *Tractatum de Antiq. collectionibus canonum* part. 3. c. 6. §. 1. num. 1. tom. III. S. Leonis pag. cccv.

„ firmat : quemadmodum ante ipsum fecerat etiam Gregorius IV. in epistola prima ad universos Episcopos ; in „ qua Aldrici Cenomanensis causam sibi reservat. „ Hactenus ibi.

6. Si novitatis capita a Febronio reprehensa vellem singillatim expendere , præsto haberem in singulis quædam Pseudo-Isidoro antiquiora gesta , vel testimonia de Pontificiæ potestatis usu & exercitio in iis , quæ ex vetusta disciplina ad Episcopos , vel ad Metropolitas , seu ad provinciales synodos deferri solebant. Hæc autem etsi in quibusdam capitibus rara vel rarissima inveniantur , ac inepta prorsus sint ad affirmandam in iisdem capitibus constitutionem , vel reservationem generalem , quam ille priscorum sanctissimorumque Pontificum inducta auctoritate non dubitavit asserere ; cum tamen ea ipsa rara vel rarissima sincera documenta ac gesta disciplinam , apocryphis Pseudo-Isidorianis decretis inditam , ante Isidorum alicubi saltem receptam præferant , novitatis ab eodem inductæ censuram absterunt : neque enim omnino nova & ab ipso inducta dici potest disciplina , quæ ante illum alicubi saltem recepta dignoscitur. Forte in ea Galliarum parte , in qua est Moguntia , ubi eas supposititias merces fuisse fabricatas \* probabilius coniecimus , disciplina in ipsis proposita , quoad rariores quoque casus ( si qui nullo aliunde exemplo aut testimonio fulcirentur ) aliquamdiu ante Isidorum invaluerat S. Bonifacii Episcopi Moguntini opera , qui Apostolica legatione præditus , quantum Apostolicæ auctoritati deferret , eandemque observantiam in eam regionem inducere studuerit , ex ejus epistolis liquet. Vide inter ceteras ejus epistolam 105. ad Cudberthum Archiepiscopum Cantuariensem , in qua aliquot præcipua disciplinæ capita ab eodem S. Martyre & Germanorum Apostolo iis in locis instituta , ac in Pseudo-Isidorianis decretis postea repetita exhibentur. Idem quoque spiritus in successores ipsius Lulium , Riculfum , Autgarium transivit , ut ex aliis documentis constat. Quod si Pseudo-Isidorianæ decretales eam disciplinam præferunt , quæ antiquioribus monumentis probatur , & jamdiu ante saltem iis in locis vigeat , ubi Pseudo-Isidorus illas condidit ; num æqua sit illa reprehensio , qua novæ disciplinæ introductio ipsis decretalibus attribuitur,

\* *Ibi §. 4. pag. CCXXII.*

tur, quivis intelliget. Negari tamen non posse videtur, quin eadem disciplina latius fuerit propagata, & magis multo atque facilius inoleverit, postquam eadem decretales editæ ac divulgatæ fuerunt, & mox in quibusdam conciliis laudatæ, ac subinde etiam insertæ in collectiones Reginonis, Burchardi, & aliorum, quæ ob suam brevitatem ac methodum magno usui fuere.

### §. III.

*Num disciplinæ novitas, siqua ex apocryphis Pseudo-Isidori decretalibus invaluit, usuque posteriorum temporum obtinuit, jus falsum & corruptela sit, quæ antiquo canonum juri derogare nequiverit.*

15. Frequens apud Febronium occurrit mentio, atque distinctio juris antiqui & novi, quorum alterum in canonicis antiquis, alterum in Pseudo-Isidori supposititiis decretalibus continetur. Jus antiquorum canonum appellat genuinum & verum jus, Pseudo-Isidorianum jus spurium & falsum; quod cum antiquo & vero juri præjudicare non possit, veluti corruptelam omnino corrigendum traducit. Cum autem non de materia divini aut naturalis juris, quæ (ut cum ipso Febronio animadvertimus cap. 2. n. 1.) mutari non potest, nunc sit nobis sermo, sed de materia canonum pertinentium ad disciplinam, quæ pro varietate locorum, & temporum, atque circumstantiarum mutari potest; illud jus verum est in capitibus disciplinæ, quod statutum probatumque a legitima Ecclesiastica potestate viget. Antiquis Ecclesiæ sæculis vigeat disciplina antiquis canonicis præscripta; eaque tunc constituebat verum jus omnino servandum; nisi justa de causa a potestate legitima aliquibus in circumstantiis dispensatum fuisset. Si autem

De jure genuino & spurio.

Quodnam verum jus in materia disciplinæ, quæ mutabilis est.

tem

tem circumstantiis temporum aut locorum mutatis, necessitate vel utilitate publica postulante, ea disciplina mutanda, vel relaxanda generatim fuerit; nova disciplina, posterius licet inducta, quæ a legitima potestate recepta usu obtineat, jus verum condit. Quod si quædam invaluerint ex apocryphis documentis; non idcirco falsum jus illud est dicendum, quod ex falsis fontibus originem, seu incrementum, aut propagationem faciliorem habuit. Neque enim ea recentior disciplina ex ipsis supposititiis documentis juris vim & auctoritatem consequuta est, sed ex illa Ecclesiastica potestate, quæ eandem novam disciplinam recepit confirmavitque. Hanc quicumque damnaret tamquam falsum jus & corruptelam, damnare deberet ipsa concilia non solum particularia, sed etiam œcumenica temporum posteriorum, ac præsertim Tridentinum, quorum disciplina, in plerisque capitibus constituta, non est antiquorum canonum jus, quod unum Febronius *jus verum & genuinum* vocat, sed est disciplina posterius inducta, & pro varietate circumstantiarum mitigata, atque mutata, & solum contra irrepentes abusus & corruptelas opportunis remediis munita. Quod si non omnes cautiones sive a Conciliis, sive a Pontificibus hætenus appositæ, ad omnes abusus tollendos sufficiunt; abusus ejusmodi sicut ipsi juri, ex quo non prodeunt, tribuendi non sunt, sed vitio hominum, qui juris limites transgrediuntur; ita eidem novo juri falsi juris notam nequeunt appingere: alias jus falsum pariter dicendum esset jus divinum, quo potestates Ecclesiasticæ ac sæculares constitutæ sunt, cum ex hominibus potestate abutentibus aliquot scandala & corruptelæ nascantur.

16. Ne quid vero fuci ex Febroniano systemate offundatur, quod lectoris impediatur, detegenda est æquivocationis origo. Totum Febronii consilium in evertendum regimen statumque monarchicum Romanis Pontificibus, Pseudo-Isidori decretis, ut putat, attributum, unice tendere ex toto ipsius opere liquet. Idem Auctor non omnem monarchiam a Pontifice absolute excludit (recitat enim (2) Gersonis testimonium, quo

Non dam-  
nandum, li-  
cet in apo-  
cryphis indi-  
tum invenia-  
tur.

Febronii  
scopus qui-  
nam; & æ-  
quivocatio-  
nis origo.

Non omnis  
monarchia  
excludenda.

(2) Addi possunt, quæ ex in appendice lib. 3. cap. 1.  
Gersonis affert etiam Bossuetus pag. 84. tom. 2. novæ edit.



c. i. §. 5. n. 2. quo claves, idest potestatem Ecclesiasticam, affirmat Petro datas *tamquam monarchæ*); & solum rejicit potestatem monarchicam excessivam, effrænatam, despoticam, & arbitrariam cum dominatu conjunctam, quam sane Christus nec Petro nec Petri successoribus tradidit. Huic autem monarchicæ excessivæ potestati cum favere visum esset novum jus, quod post Isidorianas decretales inolevit & obtinet; novum hoc jus spurium & falsum censuit appellandum. Cumque nullo jure mutari aut præscribi possit contra jus divinum ac naturale ei excessivo & despotico dominatui contrarium; non male videtur intulisse \* nulla præscriptione, possessione, cessione &c. juri antiquorum canonum, qui hanc monarchiam illimitatam ignorant, potuisse derogari atque præscribi; ac idcirco novo juri tantam vim non posse vindicari, ut veterum canonum jus abrogarit. Tota æquivocatio sita est in pravo intellectu nominis *monarchiæ*. Ejus quidem arbitrarii monarchici regiminis, quod Febronius perstringit, principia divino ac naturali juri repugnant. At num ea ex novo jure, quod obtinet, consequantur, si quis negaverit, a Febronio revinci non poterit. Distingue jus novum a novi juris abusibus, qui non ex ipso jure novo per se, sed ex vitio abutentium proficiscuntur, quemadmodum potestas Ecclesiastica, ad novi juris normam exacta, distinguenda est ab ejusdem potestatis abusibus, qui malitiæ abutentium & præscriptos ejusdem juris limites excedentium tribuendi sunt: & sicuti ex iis abusibus eadem potestas nec neganda, nec in dubium revocanda est; ita ex abusibus eorum, qui Pontificiæ potestati usum effrænem & excessivum tribuunt, impotentemque, despoticum, arbitrariumque dominatum, non est neganda, nec in dubium revocanda est potestas monarchica supra Episcopos, quam Summis Pontificibus in limitandis restringendisque, cum expedit, istorum facultatibus jure primatus competere probavimus.

Quatenus  
jus novum  
possit præ-  
scribere an-  
tiquo.

17. Hæc potestas cum versetur circa usum & exercitium facultatum Episcopaliū, quod Christus non constituit, sed legitimæ Ecclesiasticæ dispositioni relinquit, disciplinam respicit, quæ pro varia temporum ac circumstantiarum ratione mutari & innovari poteit; novumque in ea jus, quod actu vigeat, potuit contra jus antiquum præscribere.



bere. Hinc manifesta sit Febronii hallucinatio, cum c. 1. §. 1. n. 3. in hac materia, quæ disciplinæ est, veluti certum generale principium statuit illud ex Vincentio Lerinensi, *antiquitatis religionem novitatis profanitati anteposendam*, quod de materiis fidei & morum ad naturale ac divinum jus immutabile pertinentium verum est; nec non illud aliud principium, quo id sequendum affirmat, quod semper, quod ubique in catholica Ecclesia constanti observantia vigit: neque enim aptari potest disciplinæ mutabilis juribus, quæ pro varietate temporum, locorum, atque circumstantiarum varia esse queunt. Neque dicat potestatem Episcoporum esse juris divini, cui detrahere quicquam est juri divino detrahere: sæpe enim dixi, & iterum dico, eam potestatem quoad institutionem quidem inniti juri divino; at non item quoad usum & exercitium facultatum Episcopaliū, quorum determinatio dispositioni Ecclesiæ a Christo tributa, non divini, sed Ecclesiastici juris est, & præscriptioni ac mutationi obnoxia: unde falsa falsissimaque agnoscitur illa Febronii thesis: *Non possunt hac in parte Romanis præscriptio, cessio, possessio, consuetudo &c.* <sup>c. 2. §. 6. t. 2. pag. 66.</sup> Ingerit abusus a Christi institutione alienos, quos juri divino præjudicare non posse pronunciat. Quis autem tamquam verum jus venditat potestatis abusus? Hi a nemine approbantur, nec ullis novi juris auctoritatibus approbati, jus condidisse creduntur, quod divino juri prævaleat. Sola potestas a Christo instituta in ædificationem divino jure fulcitur: abusus in destructionem inducti tamquam eidem divino juri contrarii reprobantur ab omnibus, nec a quopiam ad vim præscribendi contra antiquum legitimum jus, aut novi juris condendi evehuntur. Quod si quædam hodiernæ disciplinæ capita novo jure inducta post Pseudo-Isidori merces, etiam si a multis sæculis usu recepta vigeant, veluti abusus non ferendi eliminanda essent, & falsi juris censuram mererentur; falsi quoque juris, ut monuimus, nomen tribuendum esset non solum Pontificum sanctissimorum decretis, sed etiam canonibus conciliorum quantumvis generalium, ac Tridentini, qui non aliam disciplinam probarunt ac præceperunt.

18 Neque causetur ignorantia falsarum decretalium, quæ omnes diutius occupabat. Nam præterquamquod sere <sup>ignorantia falsarum decretalium non prodest,</sup> *Ballerinius de Potestat. Eccl.* C c omnia

omnia, quæ Pseudo-Isidoro tribuuntur, anteriorem, ut indicavimus, habent originem; nonne in materia disciplinæ jus novum etiam si quibusdam in capitibus errore aliquo inductum ac propagatum, cum a legitima potestate proprio jure receptum & approbatum est; non ex ignorantia, sed ex auctoritate approbantium, nec non ex ipsa consuetudine legitime præscribente vim juris acquireret, dum nihil contra divinum aut naturale jus receptum, aut approbatum sit? Cum Africani in epistola ad Cœlestinum resistentes appellationi Apiarii suarum Ecclesiarum consuetudinem vindicaturi, hanc rationem attulerunt: *quia nulla Patrum definitione hoc Ecclesiæ derogatum est Africanæ*; apertissime præsumpserunt, suæ quoque Ecclesiæ jus antiquissima consuetudine comprobatum, conciliari aliquo decreto posse abrogari, & jus novum induci, ut vel Febronius innuit

Quando & quatenus novitati obistere liceat.

cap. 1: §. 7. n. 10. Si novæ disciplinæ novoque juri inducendo ob abusum scandalorumque pericula obstitendum credatur; initio quidem (debito tamen cum moderamine) licebit obistere, idque tantum fecerunt Africani, cum memoratis clericorum inferiorum appellationibus ad Apostolicam sedem inducendis se se opposcentes, antiquam & vigentem suarum Ecclesiarum consuetudinem vindicandam curarunt. Vide observationes nostras in Dissert. V. Quesnelii. At si disciplinæ novitas jamdiu inducta, aliquot sæculorum consuetudine, & non tam Pontificum, quam conciliorum præsertim generalium auctoritate recepta & confirmata inoleverit, ac in praxi vigeat; huic juri, quod ad derogandum anteriori disciplinæ sufficit, ac tamdiu inveteratum, *novum* jus nequit proprie appellari, ita ut ob abusus, qui non ex ipso jure, sed ex abutentium vitio dimanant, idem jus per se tamquam spurium atque falsum venditetur, quis æquus rerum æstimator id rectum ac justum credere poterit?

Exemplum novitatis in gratiam Episcopi CP. inductæ contra jus antiquum, neque tamen ab adversariis reprobatur tamquam spurium, & ad veterem disciplinam revocandum.

t. 2. p. 56. col. 1.

19. Ne in re, quæ ex principiis generalibus juris certa est, pluribus immorer, in confirmationem non modicum juverit exemplum juris, quod Constantinopolitano Episcopo post aliquot sæcula accessit. Febronius c. 8. §. 2. obtrudit Græcam sive Orientalem Ecclesiam, in qua cum non obtinerent apocryphæ Pseudo-Isidori decretales, & olim, & etiamnum hodie avitam disciplinam magis quam in

in latina servatam deprædicat. Vide autem quid in Constantinopolitana Orientali Græca Ecclesia jam diu ante ipsum Pseudo-Isidorum contra avitam disciplinam invaluit. Hujus Episcopus ante medium sæculum quartum erat simplex Heracleensis Metropolitæ suffraganeus, qui nullo jure in alium quempiam Antistitem fruebatur. Canones Nicæni caverant ut Patriarchalibus & aliis præstantioribus sedibus sua jura conservarentur. Cum porro Imperialis sedes constituta fuisset Constantinopoli, & idcirco hæc urbs, Romanæ æmula, junior Roma appellari cœpisset; anno 381. in CP. synodo I. hujus Episcopo decretus fuit honoris primatus post Romanum Episcopum, propterea quod urbs ipsa sit junior Roma. Hæc erat prærogativa meri honoris & ordinis, non juris. Sensim vero concurrentibus ex toto Oriente ad eam urbem, in qua Imperator residebat, pluribus Episcopis ob varias occasiones & causas, perfacile fuit ibidem Episcoporum eo confluentium synodos cogere, in quibus difficiliores & graviores quæstiones cognoscerentur atque definirentur, & ordinationes quoque Episcoporum assentientibus Metropolitæ, & Imperatoribus annuentibus, ab ejusdem urbis Antistitibus peragerentur. Ita non solum Nestorius, sed etiam S. Joannes Chrysostomus, Atticus, Sisinius, & S. Proculus Constantinopolitani Præsules de Episcoporum causis & appellationibus ex variis Orientalibus provinciis ad se delatis passim judicarunt, & aliquot etiam Episcoporum ordinationes fecisse leguntur; quæ cum nullo jure antiquorum canonum effici ab ipsis possent, suffulciri & defendi cœperunt ex memorato decreto Concilii CP. primi, quasi primatus honoris huic sedi assertus, quia est junior Roma, non meri honoris gradum, sed earumdem prærogatarum participationem inferret, uti colligitur ex concilio Chalcedonenſi act. 16. nec non ex relatione hujus synodi ad S. Leonem. Aliquid igitur peculiaris jurisdictionis vel hoc tempore exercebatur a Romano Pontifice supra Episcopos præsertim Occidentis in appellationum causis & ordinationibus; idque toto in Oriente notissimum esse debuit, ut simile jus in Episcopos Orientis ob communicatum novæ Romæ honorem sibi sancti quoque Episcopi hujus urbis vindicandum putarint. Huic quidem novitati novoque juri, quod opponebatur antiquo firmato canonibus Nicænis

totius Ecclesiæ reverentia consecratis, & præjudicio erat aliis Metropolitibus & Patriarchis, S. Leo Papa fortiter restitit. At idem jus, consentientibus iis quorum intererat, & Sanctorum quoque Episcoporum usu, conciliique Chalcedonensis decreto approbatum, sensim obtinuit, ac Nicæno canoni, & antiquo juri, Romanis Episcopis non amplius repugnantibus, tandem præscripsit, adeo ut, (3) licet novæ prærogativæ subinde Constantinopolitanis accesserint, de istorum jure nemo amplius dubitet, neque in concilio Florentino mota fuerit de hoc ulla quæstio, nec nunc moveatur, ut arbitror, si CP. Patriarchæ, ad unitatem Ecclesiæ redeuntes, eadem jura vellent retinere. Si Febronius non auderet hoc CP. Antistitem jus impetere & impugnare juris restituendi nomine, nec præscriptionis, cessionis, aut possessionis vim ipsis negare; quomodo auferit hæc opponere contra jus Romanorum Pontificum, qui prærogativa primatus supra Episcopos & supra usum atque exercitium facultatum Episcopaliū potestatem divinæ institutionis & jus certissimum obtinent, ac in ejusdem juris exercitio diuturna plurium sæculorum consuetudine, & Conciliorum etiam generalium approbatione fulciuntur?

---

(3) Exemptiones ex. gr. quarundam Monasteriorum, quæ intra fines aliarum non tam Episcopaliū, quam ampliorum dicceseon CP. Patriarchæ suberant, notissime sunt.



## CAPUT VI.

Num antiquorum canonum disciplina sit revocanda, seu num Episcoporum & Metropolitaram potestas seu jurisdictio actualis sit restituenda in statum primitivum, abolito jure quod jam a multis sæculis viget.

**V**IDIT Febronius novum jus, quod jamdiu obtinet, per se non posse absolute damnari tamquam jus falsum & spurium, nec posse generatim accusari summos Pontifices impotentis dominatus, quasi ex Pseudo-Isidorianis commentis absque legitima causa sibi arrogarint multa, quæ olim Episcoporum ac Metropolitaram juri compete-  
 bat: ac propterea confessus, aliquot saltem limitationes, seu reservationes facultatum Episcopali-um aut Metropoliticarum justa de causa inductæ, initio fuisse laudabiles; cum tamen non semper eadem justa causa suppetat, sed quod initio erat utile, postea obabus factum sit (1) perniciosum; ad vetus jus redeundum aliquando esse contendit; & si non statim omnia simul tollere liceat, paulatim, quoad fieri possit, agendum cum Barthelio monuit. Si autem jus novum jam probatum ac receptum usu non est jus falsum, sed verum;

Num veteris  
discipline re-  
stitutio faci-  
enda ob tol-  
lendos abu-  
sus.

c. 9. §. 11. n.

s. t. 2. pag.

126. col. 1.

C c 3

cur

(1) Hoc sensu cap. 4. §. 4. n. 6. tom. 2. pag. 63. ait: *Exemptiones tolli debere, quæ quamvis forte ab initio laudabi-*

*les fuerint; attamen propter suam generalitatem deinde factæ sunt perniciose &c.*

cur necesse erit illud absolute tollere, & ad antiquorum canonum normam omnia revocare? Si abusus absolute sunt extirpandi, qui præsertim circa jus divinum ac naturale in disciplinæ quoque materiis nonnumquam inveniuntur impliciti, ut simonia in ordinibus, in dispensationibus, aut beneficiis, violatio votorum &c. num Apostolicæ fedi adimendum erit jus verum, quo legitime fruitur, licet ex ipso jure abusus nulla ratione proveniant, sed ex vitio abutentium, quod ad jus referendum non est, ut explicavimus c. 4. n. 6. & seqq. ? Num antiquum jus, seu juris exercitium Episcopis restituendum supra eos ex. gr. qui nunc sunt exempti ab Episcopis, licet etiam sub istis pares aut majores quæque abusus olim inoleverint, ut patet ex iis quos in Monachis sui temporis non exemptis refert atque coarguit Rotherius in libro *Confessionis*, & in *Præloquis* ? Quis caveat de abusibus restituto Episcopis ac Metropolitibus antiquo facultatum exercitio ac jure? Nonne ob abusus, qui sub ipsis irrepserunt & invalescebant, aliquot facultatum limitationes aut restrictiones utiles vel necessariæ habitæ sunt? Quando sub iisdem abusus sunt metuendi, quis apte probare potest vero Pontificio juri, jamdiu vigenti & confirmato Pontifices debere cedere & expoliari, ut in integrum restituantur Episcopi, sub quibus æquales vel majores etiam abusus aliquando timeri queant?

2. Quid porro si revocari non possit antiqua canonum disciplina quin ex restitutione in integrum majora scandala & scissuræ gravissimæ prudenter timeantur? Ad ædificationem & bonum Ecclesiæ pertinent non solum illa, quibus utilitati vel necessitati ejusdem prospicitur, verum etiam illa, quibus malum impediatur, & grave aliquod scandalum, quod ex usu quantumvis per se bono vel etiam meliori potestatis metuendum esset. Cavere enim a malo species boni est; & ad bonum Ecclesiæ referendum, si non procuretur aliquod bonum, quod sine majori damno obtineri non potest. Hocce principium a sanctis quoque viris approbatum, & in praxi etiam receptum sæpissime legimus. Hac de causa S. Augustinus relaxandum censuit coercionis rigorem, cum scissuræ & scandala majora timebantur. *In ejusmodi causis*, inquit, *ubi per graves dissensionum scissuras non hujus aut illius hominis est periculum, sed*

Ad bonum  
Ecclesiæ re-  
fertur scan-  
dala impedi-  
re.

Epist. 195  
ad Bonif. Co-  
mittentem n. 45.

*sed populorum strages jacent, detrahendum est aliquid severitati, ut majoribus malis sanandis caritas sincera subveniat.* Idem pariter Sanctus cum aliis Africanis Donatistas Episcopos & clericos redeuntes ad unitatem Ecclesiæ in suis gradibus recipiendos putavit, ne rigore disciplinæ conversioni eorum obex apponeretur, & cum maximo non tam ipsorum, quam aliorum periculo confirmarentur in schismate. Eandem rationem praximque præclare exposuit Ivo (2) Carnotensis epist. 189. *Novimus enim, quia necessariæ dispensationis modus nulli umquam sapientium displicuit, quam non solum privatae leges, quibus nec fidei veritati, nec morum honestati consulitur, sed etiam leges generales contra hæreticos vel sceleratos promulgatas admittunt, quando majoribus morbis sanandis, vel majoribus malis amovendis melius subvenit moderatio sinceræ caritatis, quam rigor indiscretæ severitatis.* Et epist. 234. approbans dispensationem, quæ tamen non obstat fidei, nec bonis moribus, hanc generalem regulam statuit: *Ibi dispensatio admittenda est, ubi rigor periculosus est.* In prologo ad Decretum, seu collectionem canonum, cum istorum executionem & observantiam commendat, Augustini testimonia recitat ex libris contra epistolam Parmeniani, quibus declaravit iis Christianis, qui anathemate digni sunt, non parcendum, *ubi periculum schismatis nullum est.* Quando nimirum (ut explicat paulo post) *cujusque crimen notum est, & omnibus execrabile apparet, ut vel nullos prorsus, vel non tales habeat defensores, per quos possit schisma contingere.* Secus vero schisma uti majus malum prudenti œconomia vitandum pronunciat. Hac dispensatione S. Irenæus suavit Victor Pontifici, ut abstineret ab excommunicatione Asianorum, qui in celebrando die Paschatis a Romanorum consuetudine

Aug. l. 3. in  
Parmen. n.  
13.

(2) Hanc sententiam totidem fere verbis excepisse videtur Ivo ex epist. S. Cyrilli ad Genadium, qua metu majoris mali non recedendum credidit a

lymitani, qui jus sibi incompetens in Palæstinæ provincias arrogasset. Hæc epistola inserta est actioni I. Concilii Nicæni II.



ne diffidebant; & S. Dionysius Alexandrinus auctor fuit Stephano Papæ, ne excommunicaret Africanos atque Asianos, qui redeuntes ab hæresi baptizandos putabant, dum hæc materies in maxima quæstione versaretur. Vide quæ hac de re pluribus egi in libro *De vi & ratione primatus* c. 13. n. 53. p. 163. & p. 169. not. 1. In ipsis generalibus Conciliis eadem moderatio adhibita, cum quæstiones ebullirent, & acerbiorum dissensionum periculum ex definitione seu anathematibus timeretur. Confer ibidem pag. 198. not. 1. Plura in hanc rem asserre non est necesse.

Num ex nris  
revocandæ  
veteris disci-  
plinæ nihil  
scandalorum  
timendum-

3. Hoc autem ex principio quis non intelligit quam perperam suo in opere contendat Febronius restituendam antiquorum canonum disciplinam? Ob hanc restitutionem nonne abolenda penitus essent privilegia exemptionum insignium Capitulorum & Regularium, quæ non exiguum dioceseon portionem subtraxerunt Episcopis, rescindenda Concordata, quibus Principibus concessa fuerunt nonnulla olim Episcoporum aut Metropolitaram propria, aliæque pervulgatæ consuetudines essent mutandæ, quæ cum antiquorum jurium Episcopaliū aut Metropolitancorum detrimento a pluribus sæculis obtinent, nec sine multorum offensione mutari queunt? Hæc si absque magno scissurarum periculo fieri non possunt, quis in Ecclesiæ ædificationem Febronii consilium cedere existimet, & non potius in destructionem? De materia disciplinæ agitur, quæ non divino nec naturali jure præscripta, pro locorum ac temporum varietate mutari potuit; & quandoquidem nihil per se divino ac naturali jure illicitum est, nihilque Christianæ rei interest, utrum quædam facultates a Papa suisve delegatis aut ejus privilegio, an ab Episcopis jure proprio exerçantur; quis damnare audeat Pontifices, si jus suum tot sæculorum consuetudine roboratum prosequi velint, eoque saltem nomine nolint quicquam immutari, ne dissensiones & perturbationes non leves in boni publici damnum excitentur? Hac mente optimi Pontifices in Sanctorum quoque album relati, qui ab omni monarchico dominatu alienissimi, ædificationi Ecclesiæ pro viribus studebant, nec non Cardinales & Episcopi sanctitate morum & zelo disciplinæ commendatissimi. qui ipsis Pontificibus aderant, ut S. Carolus, a restituendo Episcopis & Metropolitans antiquo facultatum usu,

usu, de quo aliquando non levis fuit disputatio, abstinentiam duxere. Horum auctoritas, rationibus jam allatis facta, majorem apud me auctoritatem habet, & apud omnes æquos rerum aestimatores habere debet, quam quæcumque a Febronio fallacissimis sui systematis principis ducto ingeruntur.

4 Esto quædam in Apostolicæ sedis jus aliquatenus venerint Episcoporum aut Metropolitaram cessione, ac tantæ auctoritatis obsequio; nonne ex Orientalium cessione atque consensu Constantinopolitanæ sedi nullo per se jure in alienis diocesisibus fungenti tributa fuerunt ea, quæcum postea sensim obtinuerint, jus quoddam legitimum pepere- runt, quod nec summi Pontifices, nec Occidentalis Ecclesia Constantinopolitanis redeuntibus ad unitatem rescindendum judicarunt? Quidni idem saltem censeatur de Episcopalibus ac Metropoliticis juribus simili cessione & consensu reservatis sedi Apostolicæ, quæ jure primatus omnibus Episcopis & Metropolitibus ita præsidet; ut si ea jura sibi potuisset reservare in ædificationem Ecclesiæ, multo justius possit iisdem juribus uti, eorumque cessionem recusare, dum id in perturbationes & scandala cessurum creditur?

5 Neque dicat quispiam, antiquorum canonum disciplina, qua Episcopi & Metropolitæ suis facultatibus liberissime utebantur, meliorem esse quam novam, & ad abusuum pericula avertenda magis idoneam. Non enim quod per se melius est, obligat semper; nec in comparatione majoris mali, quod in eo procurando vel exigendo timeatur, melius & opportunum credi potest. Hac in re S. Pauli verba expendenda, quibus de incontinentia, de nuptiis, & de celibatu loquitur. Celibatum meliorem esse quam nuptias indicat scribens, *Melius est si sic permiserit.* Nuptias licet non meliores, celibatu, præ incontinentia tamen meliores vocavit: *Melius est nubere quam uri.* Incontinentiam autem & fornicationem uti divina ac naturali lege prohibitas absolute vitandas pluribus in locis tradit. Disciplina veterum canonum sit melior, ut libet: at si ob ejus restitutionem disciplina posterius inventa, quæ per se mala non est, sit abolenda; hinc autem scissuræ, & graviora mala impendant; melius in his circum-

*Ballerinius de Potestat. Eccl.*

D d

cum-

cumstantiis erit retinere disciplinam novam, quam cum tanto periculo in restitutionem disciplinæ veteris incumbere. Quid in solis capitibus, quæ ad Episcoporum & Metropolitaram jura in pristinum revocanda pertinent, Febronius insisit; pro aliis autem plurimis antiquæ disciplinæ capitibus, quæ sane melior erat, restituendis nihil laborat? Sola pro Episcopis ac Metropolitæ cura eum afficit, quasi istorum potestas in ipsorum gratiam, & non potius in Ecclesiæ bonum instituta, omnino restituenda sit; etiamsi bonum Ecclesiæ postulet, ne summi Pontifices in eandem restitutionem tanto cum scissurarum atque perturbationum periculo connitantur.

6 Id autem multo magis dicendum, si ob restituendam veterem disciplinam ea media adhibenda essent a Febronio proposita, etiam dum in certissimæ potestatis Pontificiæ offensam & contemptum redirent, cederentque non in ædificationem, sed in destructionem Ecclesiæ, cui eam potestatem sartam tectam servari necessarium est. His de mediis capite sequenti.



## CAPUT VII.

Media, quæ in restitutionem disciplinæ veteris a Febronio proponuntur, quantam Pontificiæ auctoritati offensionem præferant.

I. **C**UM quis injuste gravatur, niti potest ut se subducat a gravamine, si duæ conditiones concurrant. Prima si gravamen injustum sit; secunda si mediis licitis utatur. Febroni in re præsentī perperam præsumit injusta gravamina, quæcumque Romani Pontifices in usu & exercitio Episcopaliū facultatum restrinxerunt vel reservarunt contra antiquorum canonum normam, in quibus verum & genuinum jus situm judicans, injustum censet quidquid contra ipsos actum est, & ita injustum, ut nullo possessionis, cessionis, aut præscriptionis nomine possit vindicari. Cum vero ea sum-  
Conditiones, quibus inferior potest reuiri, ne a superiore gravetur.  
 morum Pontificum potestas in limitandis aut reservandis  
Num gravamina injusta Episcopis imposita.  
 iusta de causa Episcoporum facultatibus in præmissis capitibus legitima fuerit probata, & non solum a Gersono, aliisque Gallicanis adversariis concessa, sed aliquatenus etiam ab eodem Febronio, qui solos abusus potestatis, non autem ipsam Pontificiam potestatem se se impetere professus, Romanos Præsules Episcopales facultates quoad usum & exercitium posse & potuisse moderari aut reservare negare non potuit; cumque novum jus, quod in hisce limitationibus aut reservationibus jam a pluribus sæculis vigens, & a conciliis etiam generalibus receptum juris falsi ac spurii nomine notari nequaquam possit; injusta profecto gravamina dici nequeunt, quæ illi in Episcoporum aut Metropolitaram facultatibus limitarunt aut reservarunt æ-

qua de causa, nec ob procurandam restitutionem ad normam veteris disciplinæ, veluti pro injusto gravamine repellendo, seu pro juribus Episcopalibus aut Metropolitice injuste limitatis seu reservatis iuxta Episcopis aut Metropolitice actio competere dici potest.

Quatenus liceret procurare restitutionem veteris disciplinæ.

De mediis procurandæ restitutionis

Rom. 13. 2.

2 Præsumpta vero in summis Pontificibus limitatio-  
num atque restitutionum legitima, quam probavimus, potestate, non negaverim licere procurare restitutionem, quatenus bono publico expediat, & non amor proprius, nec superbiam aut contentionis spiritus debitæ subordinationis impatiens, sed disciplinæ, & abusu impediendorum zelus moveat; at videndum num media, quibus utendum creditur, licita & moderata sint, qualia inferioribus cum superiore agentibus congruant, ne legitimæ potestati sine debito moderamine resistentes, ipsi potestati offensionem pariant, & resistentia exorbitans in ipsius potestatis contemptum recadat. Si enim eam culpam contraherent, quam detestatur Apostolus: *Qui resistit potestati, Dei ordinationi resistit: qui autem resistunt, ipsi sibi damnationem acquirunt.* Media autem licita essent, rationes sui juris & (1) canones seu decreta, quibus idem jus fulcitur, proponere; abusus, qui irrepperunt, vel adhuc supersunt, quibus compescendis ea restitutio utilis vel necessaria credatur, demonstrare; patrocinia etiam (non tamen violenta) interponere, & alia ejusmodi, quæ boni publici scopum unice intendunt. Mediis quidem ejusmodi: non autem iis quæ ex Febronio paulo post memorabimus, usi sunt Africani, cum appellationibus inferiorum clericorum ad Apostolicam sedem, in initiis tamen, non post ipsius sedis possessionem plurium sæculorum, conciliorum etiam decretis comprobata

(1) Canones conciliorum etiam particularium ingerere prodesse potest, non quod credatur Pontificia auctoritas subesse quoque particularibus synodis, sed quia disciplinæ canonibus firmata, usuque re-

cepta derogare sine gravi ac legitima causa cedere solet in perturbationem & scandalum, quod altiori, idest naturali jure, cui Pontifices substant, vitandum est.

tam restiterunt, ut explicavimus in Observationibus ad Dissertationem V. Quenelli tom. 2. nostræ Venetæ editionis. Operum S. Leonis part. 1. c. 6. n. 30. pag. 971. His quoque mediis S. Bernardus impediendas seu abrogandas curavit exemptiones nimium faciles, ut ne in ipsis concedendis potestatem Pontificiam negaret. Vide easdem Observationes c. 7. n. 5. pag. 979. Idem de his dicendum est, ac de præceptis, quæ a legitimis superioribus ex sua potestate feruntur. Certa divina & naturalis lex est, superiori legitimo præcipiente esse obediendum, nisi præcipiat id quod divina aut naturali lege vetitum est; aut vetet quod divina naturalive lege præcipitur: tunc enim (uti legitur in Act. Apost. c. 5. v. 29.) *obedire oportet Deo magis quam hominibus*. Adeo vero superiori legitimo debetur obedientia, ut, vel in dubio ex. gr. num quod præcipit liceat, ab inferiori præsumendum sit licitum, ne is incompetens sibi iudicium ferat de superiore, qui rationem suarum actionum redditurus est Deo, & idcirco præstandam ipsi esse obedientiam, cum (2) certum obedientiæ præceptum in dubio prævaleat, sancti quoque viri tradiderunt; nec eorum proterva doctrina audienda, qui dum hanc *cæcam* (uti vocant) *obedientiam* ipsis quoque Apostolicæ sedis dogmaticis definitionibus præstandam rejiciunt, debitam fidei unitatem cum sedis Apostolicæ fide impedire nituntur eo nomine, quod illas errori obnoxias existiment, quorum hypotheseim falsissimam refellimus in libro *De vi primatus* cap. 15.

De obedientia superiori-  
bus præstan-  
da.

Quid in du-  
bio.

D d 3

3 Neque

(2) Hæc regula est inter omnes Theologiæ Doctores communis in casibus conscientiæ, uti appellant, *perplexæ*, ubi duo præcepta pugnare videntur; quorum alterum si certum sit, alterum dubium, certum incerto & dubio prævale-

re affirmant: veluti accidit in dubio de iustitia belli quoad milites, qui ex fidelitate parere Principi debent, vel in aliis casibus, quoad subditos, quibus dubium incidat de eo, quod a legitimo superiore præcipitur.

Febronii  
mens de ne-  
cessitate re-  
stitutionis ex  
abusibus.

3 Neque Febronius reponat, se, qui solos abusus potestatis, non autem ipsam Apostolicam potestatem carpit, eorum abusum, qui supersunt, perturbatione commoveri, adeo ut nonnulli passus sit, limitationes seu reservationes ea potestate factas potuisse quidem initio esse laudabiles, quia scilicet vel utiles vel necessariæ in Ecclesiæ bonum optimo consilio & legitime inducæ fuerunt; at cum processu temporis & subortis abusus perniciosæ factæ sint, hac de causa illas perpetuas esse non posse, ac proinde Episcopales ac Metropolitanas facultates ad antiquam disciplinam esse revocandas, cum in destructionem cedat, quod initio in ædificationem fuit. Hæc ejus sententia palam elicitur ex c. 8. §. 4. n. 6. ubi de exemptionibus loquens, affirmat eas tolli debere, quæ quamvis forte ab initio laudabiles fuerint; tamen propter suam generalitatem deinde factæ sunt perniciosæ, ex quo subvertunt subordinationem a Patribus in Ecclesia stabilitam, ( Num subordinatio summis Pontificibus ex primatu debita, & a Deo instituta subvertenda esset, de qua alibi diximus? ) Huc quoque ea Febronii verba pertinent, quibus in epistola nuncupatoria ad Episcopos scribens, quæstionem præsentem ab iisdem perpendendam sic proponit: *Num Ecclesiæ realis utilitas possit, ut iis juribus, quibus totius potestatis Ecclesiasticæ Auctor . . . . ad opus suum perficiendum vos investivit, porro & SEMPER careatis.* Semper, inquit, eo quod Episcopaliū facultatum limitatio vel reservatio, etiam si initio utilis atque laudabilis, quamdiu in bonum publicum cederet, non tamen semper, eo quod non semper in bonum, sed ob inductos abusus in destructionem conversa, retractanda videtur. Si de exemptionibus, quarum ille eo loco meminit, loquendum sit, Ecclesiæ quidem per se se nihil interest, utrum monachi ex, gr. locorum Episcopis, an summo Pontifici immediate subiciantur, dummodo ad instituti sui normam regantur. Abusus autem qui ex eorundem monachorum vitio irrepserunt, & scandala spargunt, nescio utrum sub Episcoporum immediato regimine tollerentur, aut minores fierent, ut patet ex illis, quos in monachis sui temporis, quo Episcopis suberant, detestatur RATHERIUS in libris *Præloquiorum & Confessionis*. Remedium delegationis Apostolicæ a Tridentino adhibitum sine præjudicio



dicio Pontificii juris, si pro omnibus abusibus abolendis aut præcavendis non videatur sufficere, aliis atque aliis remediis a sede Apostolica itentidem appositis aut apponendis providendum erit, ut ne tamen culpa in Apostolicam sedem rejiciatur, nec credatur universum tollendas esse exemptiones, nec jus antiquum in exemptos Episcopis restituendum esse omnino, si præsertim in procuranda violentè hujusmodi restitutione majora mala & scandala timeri possint; quod idem de aliis quoque capitibus sedi Apostolicæ reservatis, aut de aliis Episcoporum facultatibus limitatis præcedenti capite diximus.

4 Nunc de mediis, quæ ad hanc restitutionem Febronius capite nono suggerit, nec reprobanda prorsus essent, si intacta Pontificia potestate solis abusibus sanandis providerent. At ea sunt ejusmodi, ut non solum cum jure Pontificio haudquaquam conveniant; sed illud evertant potius, atque in contemptum adducant; quod non in bonum (ut ille sibi persuasit) sed in maximum Ecclesiæ damnum reddit. Ne in singulis mediis ab eo propositis pluribus distinear, sufficet ad calculos revocare potiora, quæ Apostolicæ auctoritatis majorem offensionem inferre videntur. Instructio populi, qua omnibus explicentur cujusque potestatis fines, cum in Febroniano systemate debeat ostendere, quantum Romani Pontifices sibi usurpaverint falso jure invalidis Episcoporum & Metropolitaram facultatibus; quis non videat quanto contemptui exponat Apostolicam auctoritatem, si præsertim nigris coloribus & sine justis vindictis quædam facta, & principia quædam exorbitantia a nonnullis incautis scriptoribus, seu aulicis adulatoribus asserta populo proponantur?

De mediis  
procurandæ  
restitutionis  
a Febronio  
propositis.  
De instru-  
ctione popu-  
li.

5 Medium generalis concilii liberi, quod posset esse utilissimum, si Episcopi conjunctis cum Pontifice studiis in reformationem disciplinæ incumberent; in Febronii systemate, quo Pontificiæ auctoritati superior prætenditur auctoritas concilii œcumenici, nonne legitimo Pontificum Romanorum juri, quod antecedenti opere jam constitutum; nimium multum detrahit, multisque dissensionibus, vel etiam schismatibus aditum aperit?

De concilio  
generali.

6 Multo autem minus utilia essent concilia nationalia,

De conciliis  
nationalibus.

Subtractio  
obedientia.

Dissert. 4.  
in sac. XII.  
art. 12.

lia, quæ (3) multo minus jurisdictionem habent in Papam; nec condere possent decreta, quibus contra Pontificium jus, & diuturnam possessionem antiquum jus seu Episcopaliū facultatem usus ac exercitium restitueretur, nisi Papa assentiente seu confirmante ederentur. Quis vero id speret faciendum ex systemate, quod Apostolicam confirmationem aut assensum vel generalium synodorum decretis necessarium inficiatur? Quod porro hac occasione statuit Febronius, posse in ejusmodi synodis nationalibus subtrahi obedientiam, quam injuriosum est? Subtrahere enim obedientiam a Summo Pontifice nonne est subordinationem capiti debitam tollere? In casu schismatis pertinacissimi, quo duo vel plures se se gererent tamquam Pontifices, ad abolendum schisma medium subtractionis obedientiæ licitum credi potuit ab iis, qui nullum ex competitoribus verum certumque Pontificem credebant. A vero autem certoque Pontifice obedientiam subtrahere, quis umquam licitum docuit? In concilio Viennensi anni 1113. cum de tollendo privilegio investiturarum per vim extorto, quod magnum in Ecclesia scandalum pepererat, Episcopi minati sunt Paschali II. se repulsum iri ab obedientia, nisi confirmaret decreta, quibus privilegium extortum irritum declaraverant. Hæsolæ minæ fuerunt, ut arbitror, non vero certum absolutumque consilium. Nihilo tamen minus Ivo Episcopus Carnotensis id probare non potuit; & Natalis Alexander Ivonem laudans, ejus synodi Episcopos in eo peccasse non dubitat, quod Romano Pontifici minas intendant, se ab ejus OBEDIENTIA recessuros, nisi statuta confirmaret: quod pessimi sane exempli est.

7 Perniciosissimum omnium est illud remedium, quo resistentibus auctoritati Pontificiæ in restitutionem disciplinæ antiquæ suadet Febronius haud esse metuendas censuras, quibus illa suam possessionem tueri vellet. Hac de re antequam

---

(3) Nullum scilicet concilium particulare jus habere in Papam ratione primatus ex doctrina Constantinensis synodi sibi probatum est Vide præfat. in lib. *De potest. Eccles.*

tequam dico, pauca quædam animadvertenda sunt circa  
 aliam thesim ab eo propositam c. 1. §. 4. quæ ad ex-  
 mendum excommunicationum metum conferre posse vide-  
 tur. En ipsius thesis verba: *Antiqua ratio excommunican-*  
*di ejusque jus non erant effectus jurisdictionis respectu ex-*  
*communicati.* Sicuti olim concedebatur communio recipi-  
 endo alios etiam non subditos in communionem; ita excom-  
 municatio, quæ communioni opponitur, reipsa nihil erat  
 aliud nisi aliquem a sua communione excludere: quod cum  
 fieri posset etiam in eos, qui subditi non sunt, & in quos  
 nulla est propriè dicta jurisdiction; hinc excommunicatio-  
 nem non esse effectum jurisdictionis Febronius scripsit. Tunc  
 videlicet tantum ab Episcopis actum jurisdictionis propriè  
 dictæ excommunicando exerceri præsumit, cum aliquem  
 subditum a sua communione repellunt, non vero cum in  
 alienos sententiam ferunt. Ita porro Febronius ex falso sui  
 systematis principio Romano Pontifici subditos, negat, qui  
 aliis Episcopis subjiciuntur: quod evertit ipsam primatus  
 naturam, qua idem Pontifex jure divino & jurisdictione  
 propriè dicta tamquam summus pastor præsidet singulis &  
 omnibus tum Episcopis tum ovibus gregis dominici. Ex-  
 communicandi jus, in potestate ligandi fundatum, est jus  
 separandi a communione & unitate Ecclesiæ, ita ut ex-  
 communicatus veluti præcisus ab Ecclesiæ corpore, haben-  
 dus sit tamquam Ethnicus & publicanus. Notanda autem  
 hac in re distinctio inter Romani Pontificis, & aliorum  
 Episcoporum excommunicationes. Cum ille, qui in omnes  
 & singulos catholicos jus habet, aliquem excommunicatio-  
 ne & anathemate plectit; eum non solum a sua & Ro-  
 manæ particularis Ecclesiæ communione ejicit, verum etiam  
 præcidit & ejicit a communione & unitate totius Ecclesiæ  
 catholicæ, quæ ipsi tamquam capiti, & catholicæ commu-  
 nionis centro adhæret, & adhærere debet jure primatus;  
 nec fieri potest ut quispiam ab eo præcisus non sit etiam  
 præcisus ab ipsa Ecclesia, quæ eidem communionis centro  
 ex institutione Christi immobiliter adhærescit. Cum vero  
 alii Episcopi aliquem excommunicant, tum solum hunc  
 præcidunt ab Ecclesiæ corpore, cum ipsi Romano Pontifi-  
 ci catholicæ communionis centro adhærentes, in unitate  
 Ecclesiæ permanent, non vero cum separati ab eo capite  
*Ballerinius de Potestat. Eccl.* E e & cen-

Num ex-  
 communica-  
 tio aliquan-  
 do non sit  
 actus juris-  
 dictionis  
 1. pag. 83.

Distinctio  
 inter excom-  
 municatio-  
 nes latas a  
 Papa aut ab  
 aliis Episco-  
 pis.

& centro communionis catholicæ, separati sunt ab Ecclesia, extra quam jurisdictio nemini competit. Hinc *iura communionis* ab unitate cum Sede Apostolica *dimanare* (4) S. Ambrosius cum Aquilejensi synodo docuit: & excommunicationes ab aliis Episcopis latæ, irritæ censentur, cum eos, qui ab aliquo etiam majorum Sedium Antistite excommunicati fuerunt, suæ communionis participes, sibi que unitos tenet Apostolica Sedes, ut ex Constituto Vigilii monuimus in libro *De primatu* c. 11. n. 3. ubi etiam rejecimus, quod ex Firmiliano protulit Febronius, & alia atque alia in confirmationem adduximus. Jure proinde (5) S. Cyrillus metuendum sibi affirmavit; ne a Sedis ejusdem communionem præcideretur; & e contra jure pariter S. Coelestinus non timendas dixit aliorum Episcoporum sententias, si ab ipsis excommunicati vel depositi, in *Apostolica Sedis* *communionem* *permaneant*. Confer dicta in eodem opere c. 13. n. 60. pag. 178. nec non illa quæ disserui in ejusdem operis Appendice, ubi explicavi, cur, & quibus in circumstantiis absque sanctitatis præjudicio nonnulli Aca- ciani schismatis tempore obierint sine communionem Apostolica, a qua non suo vitio, sed aliunde impedi-ebantur.

8. Ex his facile evertitur, quod Febronius ingerit de non metuendis Romanorum Pontificum censuris, quibus ii, qui antiquæ disciplinæ restitutioni obfistunt suam possessionem tueri vellent. Non negat, immo fatetur aperte (ut mox videbimus) necessitatem unitatis & communionis cum Sede Apostolica: perperam vero distinguendam putat Romanam Sedem a præsidente summo Pontifice, quam distinctionem omnino inanem & rejiciendam pluribus constitui in memorato libro *De primatu* c. 14. §. 8. n. 23. & sequentibus a pag. 241. usque ad pag. 246. Multo autem ineptior est in re præsentī distinctio inter Papam & Curiam Romanam, cum excommunicatio non a Curia, sed a Romanis

(4) Textum dedi lib. *De primatu* c. 13. n. 27. pag. 127.

(5) Hujus Sancti verba de-

scripsimus & explicavimus ibidem cap. 13. num. 57. pag. 175.

mani Pontificis auctoritate vim habeat. Neque vero minus incongrua eorum est excusatio, qui se eo nomine tutos existimant, propterea quod se non separaverint a Romana communione, sed Papa eos separaverit. Hanc inanissimam excusationem, quam in ejusdem libri Appendice refutavi n. 7. pag. 333. certe S. Innocentius I. ne cogitavit quidem. Cum enim is Orientalibus S. Joanni Chrysostomo antea insens, & a se primum excommunicatis, postea vero data idonea satisfactione restitutionem petentibus eandem concessit hac ratione allata, *ne diu membra, quæ requisierint sanitatem, ab unitate corporis habeantur aliena*; nonne eos ab Ecclesiæ corpore judicavit præcisos, licet non ipsi se separarint a communione cum Papa, sed Papa ipsos a sua communione segregasset?

9. Quam necessaria sit cum hoc catholicæ communionis centro communio & unitas jure primatus ipsius proprio, ut in tota Ecclesia unitas conservetur, & schismaticis subtrahatur occasio; omnium catholicorum, & Gallicanorum quoque consensu probatum fuit in allegato opere *De primatu* c. 11. §. 1. Febronius itidem idipsum inficiari non ausus, eam, quæ \* loco memorato scripsit, non eo sensu accipienda affirmat, *quasi non quærenda, aut omni studio servanda sit communio cum ipso Papa sedente*; at mox id restringit hac conditione: *Et illa utique cum hoc habenda (communio) tum scilicet quæ in Spiritum Sanctum Sedis & Ecclesiæ ejus scilicet*; locus vero *cum a doctrina & a genuina Ecclesiæ disciplina* (antiquis canonibus constituta) *se separaret*: perinde ac si tunc communio cum ipso catholicæ communionis centro necessaria non sit, & excommunicationes ejusdem tunc tamquam certo & palam injustæ non sint metuendæ, ipsique adhuc resisti queat in restitutionem disciplinæ absque periculo schismatis. Exempla Asianorum, qui non fuerunt schismatici, licet pro sua disciplina conservanda in celebrando die paschali resisterint Victori Papæ, quasi is in eos excommunicationem tulerit, nec revocaverit; & similiter exempla S. Cypriani & aliorum Africanorum atque Cappadocum, qui resisterunt Stephano Pontifici in questione de baptismo, quasi is quoque eos actuali excommunicatione ab unitate præcidisset, inutilia sunt, cum falsa vel saltem in-

De necessitate communionis, cum Sede Apostolica.

c. 9. §. 7. t. 2. pag. 103.

certa nitantur hypothesi. Falsa quidem quoad Stephanum, quem in Cyprianum ceterosque Africanos atque Cappadoces actuale excommunicationem, quam minatus fuerat, haudquaquam tulisse satis probasse mihi videor in libro *De primatu* c. 13. n. 53. Falsa vero aut saltem incerta quoad Victorem Papam, qui in quæstione de die paschatis S. Irenæo agente vel non excommunicavit Asianos, ut Valesius alique contendunt; vel, si excommunicavit, ita mox communionem restituit, ut a communionis unitate *aliquando discessum* fuisse S. Cypriani tempore non recoleretur, quemadmodum ex Firmiliani litteris collegit P. Constantius in Victorem num. 7. Auctoritas Basileensium, qui Eugenium certum Pontificem deferentes in apertum schisma proruperunt, Febronio nihilum prodest, & multo minus ratio, qua iidem Basileenses schismatis notam diluturi, scissuræ causam in Eugenium dissolutionem concilii decernentem rejecerunt; cum ex celebri S. Augustini sententia præcidendæ unitatis & schismatis conficiendi nulla sit justa necessitas & ratio, nec schisma proprie dictum cadere queat in Papam qui (6) aliquos a sua communione segregat, sed in eos qui a Papa communionis centro se dividunt.

10. Fortius videtur illud, quod e ratione Febronius profert, nimirum haud metuendas esse censuras, vel excommunicationem, cum injusta est testante Augustino: \* Si quisquam fidelium fuerit anathematatus injuste, ei potius ob-  
*epist. 150. t. 2. col. 279.* erit, qui faciet, quam ei qui hanc patietur injuriam. Injustam autem censuram, atque excommunicationem esse existimat illam, qua Papa Episcopatum (aut Metropolitanum) prærogatarum debitam restitutionem impedire niteretur. Hæc vero ratio ut vim haberet, vide, quam mul-

ta

(6) Aliquos inquam. Si enim Papa a sua communione segregaret omnes, vel fere omnes catholicos, & idcirco se separaret ab Ecclesia catholica (quod nullis saltem certo Pontifici contigit), tunc Ecclesie ipsius ca-

pne, & communionis centrum esse defineret, decideretque a Pontificatu, qui in sola Ecclesia catholica ex Christi promissis nunquam defectura inveniri potest.



ta probanda essent omnino certa, quæ tamen nec probavit, nec probare potuit Febronius: ex præmissis autem in hisce *Vindiciis* patere arbitror omnia potius esse penitus falsa. Probandum scilicet esset.

Quid probandum, ut in casu censuræ probarentur injuria.

I. Summis Pontificibus jus nullum esse in limitandis, sibi que reservandis quibusdam Episcoporum facultatibus, quæ licet in origine Episcopis competant jure divino, quoad usum tamen & exercitium in bonum Ecclesiæ subordinatæ sunt jurisdictioni Summorum Pontificum, & eatenus pertinent ad disciplinam, quam Christus Ecclesiasticæ auctoritati disponendam reliquit.

II. Eosdem Pontifices, cum eas facultates limitarunt aut reservarunt, quæ ex antiqua disciplina competeabant Episcopis, nulla ratione quantumvis justa potuisse eidem disciplinæ derogare, & novam inducere, quasi disciplina antiqua mutatis licet circumstantiis locorum vel temporum immutabilis sit; Pontificum autem suprema potestas ita subsit auctoritati antiquorum non tam generalium, quam particularium synodorum, in quibus veteris disciplinæ canones fuerunt conditi, ut nulla justa de causa potuerint aliter disponere, & constituere.

III. In materia ejusmodi facultatum Episcopaliū, quæ quoad istarum usum & exercitium est materia mutabilis disciplinæ, nullam vim habere potuisse Episcoporum cessionem, aut consuetudinem, nullam item vim deduci posse ex præscriptione, nullam ex ipsis nedum particularibus, sed neque ex generalibus conciliis, quæ a multis sæculis hanc disciplinam receperunt, ac ex ea canones edidere.

IV. Pseudo-Isidori decretales, quæ supposititiæ sunt, totam vel potiore causam dedisse mutandæ ac inducendæ novæ disciplinæ; hanc autem, quæ a pluribus sæculis viget, etsi confirmatam non solum consuetudine diuturna, sed etiam conciliorum approbatione, & decretis eidem coherentibus, non constituere legitimum jus, quod jure feruari, defendi, & vindicari possit.

V. Abusus, qui in hac disciplina offensionem pariunt, ipso novo juri, & non potius vitio abutentium esse tribuendos, nec posse illis remedium apponi nisi restituendo Episcopis ac Metropolitibus antiquam suarum facultatum

E e 3 exerc-



exercitium & usum, quasi sub iisdem pares abusus abutentium culpa nequeant induci, vel etiam majores,

VI. Pontifices etiam Sanctos ac doctos, qui hoc novum jus retinuerunt, siue iusta causa & injuste retinuisse, nec antiquum Episcopatum aut metropoliticarum facultatum usum restituisse Episcopis, ac Metropolitae absque gravi injuria & culpa; etiamsi id non fecerint, vel eo quod jus suum tot rationibus munitum judicaverint legitimum, vel quod in ejusmodi restitutionem majora scandala variis ex capitibus oritura, & maxime cavenda metuerent.

11. Hæc omnia & ejusdem generis alia nisi Febronius vel alius quispiam apte probet; quis injustitiæ damnare potest illas censuras, quibus Pontifices suam possessionem, suamque jus vindicandum existiment? Quis eas tuto conscientia posse neglige atque contemni jure suaserit? Nemo negarit posse quempiam contra abusus præstare & urgere remedia licita: at num remedium licitum erit censurarum contemptus, qui Apostolicæ auctoritatis contemptum bono publico exitialem involvit atque inducit? Si in conflictu potestatum ac jurium, ubi res esset maxime dubia, superioris jus prevailere deberet juri inferioris, qui in usu & exercitio suarum facultatum superioris potestati naturali ac divina lege debet esse subordinatus; quanto magis id dicendum, ubi agitur de jure Summi Pontificis, cujus potestas in ferendis censuris, & in limitandis Episcoporum facultatibus certa est; nec ipsarum censurarum iustitia pro vindicando eodem Pontificio jure, ejusque possessio diuturna revocari potest in dubium, quin ex pertinaci resistentia & contemptu impetatur summa ejus potestas in conservationem unitatis, ac in totius Ecclesiæ bonum maxime necessaria?

1. 2. pag. 195.

12. Neque hic quempiam decipiat illa Febronii propositio, qua cap. 9. §. 7. n. 8. proposita questione de schismate, cum in casu excommunicationis schisma esset ex parte Papæ excommunicantis, an ex parte Episcoporum, qui Papæ resisterent, negat schisma posse adscribi Episcopis, qui de reducenda sana disciplina, & moribus instituto Christi conformibus seriè cogitant, hincque in finem apta remedia in medium proponunt, & in usum redigunt. Omnia falsis hypothesebus innituntur. Ubi de disciplina dispu-

Febronii  
sententia de  
schismate re-  
jecta.

disputatio est, ac de moribus pertinentibus ad disciplinam, quam Christus non instituit, sed dispositioni Ecclesiæ reliquit? nec antiqua neque posterior aut nova disciplina instituta Christi potest attribui: unde variare & mutari pro circumstantiis potuit, quin Christi institutio læderetur. Monarchicum regimen despoticum & arbitrarium si defenderem, quo Episcoporum proprium & ordinarium jus destrueretur, id quidem pugnaret contra illam divinam institutionem, qua Episcopi a S. Spiritu positi fuerunt regere Ecclesiam Dei. Verum eiusmodi regimen non defendimus; sed Episcoporum tantummodo subordinationem supremo Hierarchæ quoad designationem diœceseos; & quoad usum ac exercitium facultatum Episcopaliū tantum, & supremam in hoc ejusdem Hierarchæ potestatem, debito tamen moderamine intra quosdam naturalis ac divini juris limites coercendam, propugnāvimus. qui subordinationem, & potestatem ejusmodi moluntur evertere, num *de reducenda sana disciplina & moribus instituto Christi conformibus serio cogitare dici possunt?* Num in hunc finem apta dicenda sunt remedia a Febonio producta, & hoc capite discussa? Quæ quam sint inepta, nec non injuriosa etiam Apostolicæ auctoritati, hæcenus dicta ita evicisse videntur, ut opus non sit diutius immorari in mediis ceteris ab eodem indicatis, quæ ex præcedentibus animadversionibus satis a quolibet dijudicari queunt.



## CAPUT VIII.

Observationes in alia quædam Febronii loca, quæ etsi in antecedentibus prætermissa sint tamquam non necessaria confutando illius systemati, possunt tamen aliquam difficultatem facessere.

## §. I.

*Quam male ex textu Actorum c. 8. v. 14. Febronius cum Gersone colligat, S. Petrum fuisse subditum Apostolis ( seu Ecclesiæ ) qui eum cum Joanne miserunt Samariam.*

**F**EBRONIUS recitato textu Actorum c. 8. v. 14. Cum audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum & Joannem; hanc Gersonis explicationem cap. 1. §. 4. n. 3. subjecit: *Miserunt in Samariam Petrum & Joannem tamquam subditos Ecclesiæ, idest Apostolorum, qui eos in Samariam miserant.* Si ille, qui mittitur, subditus dicendus esset ejus, qui mittit; Dei Filius, qui a Patre missus fuit in mundum; subditus Patris dici deberet, quod a catholica doctrina abhorret. Adversarii, qui vocum quæstiones reprehendunt, & in jurisdictionis primatu, quem Petro denegari non posse fatentur, verba, quæ imperium, dominatum, ac typhum superbiæ spirant, detestantur; voce *miserunt*, quæ per se indifferens est. abutuntur, ut Petrum

trum haud dubie Apostolorum Principem jure primatus, ipsis Apostolis & Ecclesiae subditum indicent. Id profecto alienissimum fuit, ab Apostolorum spiritu, qui Christi doctrina & exemplo imbuti, nihil contententes quis inter ipsos esset major vel minor, didicerunt majorem ex humilitate debere minora, officia suscipere, nec ea refugere, quae inferioribus solent convenire. Cum Apostoli Petrum & Joannem miserunt in Samariam, nec majoris nec minoris personam respiciebant, sed de conversione eorum, qui in Samaria receperant verbum Dei gaudentes, missione Petri & Joannis Apostolicam curam & sollicitudinem ad hoc perficiendum necessariam, ab aliquibus inter ipsos praestandam censuerunt; eamque Petrus licet major unacum Joanne libentissime suscepit. Velim adversarios congruentiora cogitare, praesertim de Apostolis, quos cum pares potestate esse contendunt excepto primatu, tum vero alienos fateri debent a judicando sibi subditum ipsorum Principem, qui primatu jurisdictionis omnibus praeminebat. Istud judicium solis adversariis familiare ex eo falso principio originem ducit, quo concilium generale in eo Apostolorum conventu considerantes, jus eidem in summum Pontificem tribuunt, quod in missione Petri & Joannis ab Apostolorum mente alienissimum fuit.

## §. II.

*In illa Febronii c. 2. §. 3. quibus contendit Ecclesiam posse transferre primatum a Romano ad alium Episcopum.*

Etsi primatus Petri & successorum ejus alligatus fuit Romanae sedi probabilius ex facto Petri, qui ibidem postremo sedem fixit, & obiit; certum tamen est eum ab ipso Christo fuisse attributum Petro & successoribus ejus, qui post ejus mortem ipsi legitime fuissent subrogati. Quam-

*Ballerinius de Potestat. Eccl.*

F f

diu

Febron. t.  
pag. 47.

diu Petrus fuit Hierosolymis, aut Antiochiæ, vel alibi, primatus eidem collatus a Christo, personæ ejus adhæsit, antequam Romæ sedem figeret. Cui autem Romæ ita fixisset, ut ibidem moreretur; primatus in eadem sede quodammodo depositus, in eos transivit, qui ei in eadem sede successerunt. Non locum aut materialem cathedram, sed successorum personam primatus sequitur tamquam ejusdem dignitatis & auctoritatis heredem. Hinc jure Bellarminus in textu, quem Febronius recitat & laudat, scripsit: *Successio ergo ipsa ex Christi instituto & jure divino est, quia Christus ipse instituit in Petro Pontificatum duraturum usque in finem mundi; ac proinde quicumque Petro succedit, a Christo accipit Pontificatum.* Extra hanc successionem Pontificatum seu primatum constituere, & transferre ad alium Episcopum, qui successor Petri non sit, contra Christi institutionem esset. Hanc vero translationem Febronius Ecclesiæ voluntati ac beneplacito tribuit ex eo principio, quo *potestatem clavium, & omnem Ecclesiasticam jurisdictionem ipsi Ecclesiæ immediate traditam autumat; ita ut non minus electio successoris S. Petri, quam determinatio loci & Episcopi, cui primatus competat, ab ejusdem Ecclesiæ dispositione pendeat, cuicumque demum loco Ecclesia primam Sedem affixerit, ut loquitur cap. 9. §. 87.* Num id fieri possit voluntate Pontificum, si Romanam Sedem deferentes, aliam Sedem perpetuo retinendam eligerent, in quam S. Petri successionem & primatum transferrent, non est facile decidendum. Certe cum Romana Sedes per tot sæcula in possessione sit ejusdem primatus, & series Episcoporum Romanorum semper posita sit prærogativa primatus; non expediret hanc alio transferre, ne magna in Ecclesiis gigneretur confusio. Alligatio enim primatus alicui particulari Sedi ea de causa fuit quodammodo necessaria, ne vagus incertusque esset Summi Pontificis locus, quo in gravissimis Ecclesiæ necessitatibus ex remotis quoque regionibus tute confugeretur. Cum autem a tot sæculis omnes Ecclesiæ agnoscant Romanam Sedem illam esse, quæ Petri successionem & primatum obtinet; non sine maxima & evidenti necessitate hanc successionem cum primatu ad aliam Sedem transferre liceret. Auctoritati autem Ecclesiæ, si Ecclesia separatim a Summo Pontifice consideretur, id tribui

tribui non potest; non solum quia Febronii hypothesim de clavis immediate traditis Ecclesiæ alibi expunximus; verum etiam quia quacumque de causa alio transferri non posset primatus; nisi Pontifex ipse ante mortem sedem suam cum primatu sibi annexo alio transtulisset. Sede enim ejus nondum translata, ubicumque ille obiret, sive Mediolani, sive Neapoli, sive Parisiis &c. semper Romana Sedes vacaret, & qui in demortui locum esset electus, is non Mediolanensis, non Neapolitanus, non Parisiensis, sed Romanus Episcopus esset S. Petri successor, in quem ex institutione Christi, cui derogare nequit Ecclesiæ, primatus jure successionis transisset. Nihil ergo succensendum erat Benedicto XIV. si refutandam credidit eorum opinionem, qui prædictam adnexionem primatus Romanæ Sedi factam asseruerunt ita esse de jure humano, ut possit ab Ecclesia dissolvi; & una ab altera separari. Recte autem Febronius, cum confessus sit talis translationis legitimam causam hætenus defuisse, Christumque primatus auctorem atque conservatorem voluisse Romanæ Sedi ac successioni, non obstantibus tot tantisque vicissitudinibus, suam constare firmitatem; non debitandum quin eodem protegente futuris quoque temporibus eadem firmitas sit constituta.

*Lib. 2. de  
Synod. Dia-  
ces. c. 1.*

### §. III.

*Animadversio in verba alloquutionis S. Cypriani ad Patres concilii III. Carthaginensis, & in commentarium a Febronio iisdem verbis subjectum cap 2. §. 1. n. 1. tom. 1. pag. 71.*

Celebria sunt illa S. Cypriani verba ad Patres concilii Carthaginensis tertii, quibus proposita de qua agebatur quæstione circa baptismum, num collatum extra Ecclesiam esset irritum, ait: *Supereſt ut de hac ipsa re singuli quid sentiamus, proferamus, neminem judicantes, aut a jure communicationis aliquem, si diversum senserit, amoventes. Ne-*

que enim quisquam nostrum Episcopum se esse Episcoporum constituit, aut tyrannico terrore ad obsequendi necessitatem collegas suos adigit, quando habeat omnis Episcopus pro licentia libertatis & potestatis suæ arbitrium, tamque judicari ab alio non possit, quam nec ipse potest alterum judicare. Sed expectemus universi judicium Domini nostri Jesu Christi, qui unus & solus habet potestatem, & præponendi nos in Ecclesiæ suæ gubernatione, & de actu nostro judicandi. Et si his verbis indirecte pungere voluisse credatur S. Stephanum Papam, qui excommunicationis minas in Africanos intenderat, nisi a sententia de irritō hæreticorum baptismo, quæ re ipsa falsa erat, recederent; cum tamen hæc verba non ad Stephanum, sed ad Africanos ejus concilii Episcopos directæ fuerint, quorum nemo ex institutione Christi alii erat superior; nemo se Episcopum Episcoporum credere poterat, cui scilicet jus in alium competeret. Cum vero idem S. Cyprianus Romani Pontificis primatum, seu, ut Febronius ibidem vocat, principatum in universa Ecclesiâ agnosceret; & principatum quidem ex institutione Christi, ut ex aliis ejusdem Martyris testimoniis explorete erui idem Febronius fatetur; hic locus æque Stephano-Papæ ac aliis Africanis Episcopis aptari nequit. Romanum quidem Pontificem ob divinæ institutionis primatum seu principatum in universali Ecclesiâ adeo supra Episcopos jurisdictionem habere Cyprianus credidit, ut in causâ Marciani Arelatenfis ad Papam scripserit, eum auctoritate sua comprimeret, atque deponendum præciperet. Quod ergo de Episcopis inter se æqualibus affirmavit Cyprianus, de Summo Pontifice interpretandum non est. Si vero de Episcopis potestate æqualibus vera est prima illa pars, qua pronuntiavit nullum posse judicari ab alio potestatis æqualis; secunda certe pars, qua dixit judicium ejusmodi uni & soli Deo esse reservatum; cum non est vera generatim de ipsis Episcopis, quos Papæ judicio subjectos idem Cyprianus agnovit, ut gesta de Marciano patefaciant; tum vero de solo Romano Pontifice verissima est, cum ob potentiorē divinæ institutionis primatum nulli potestati Ecclesiasticæ sublit, ut suo loco probavi.



Ut autem intelligantur apertius recitata Cypriani verba, juverit ejus mentem intimius inquirere & declarare. Cum sciret quanta esset apud omnes Pontificiæ Sedis auctoritas, quæ suæ sententiæ adversabatur; vidit in hujus patrocinium perutile futurum contraponere Stephano omnium suæ frequentissimæ synodi Episcoporum consensum, qui concitatas illius minas posset efficacius temperare, & forsitan etiam reprimere. Ne vero hic omnium consensus in suspicionem veniret, dum suffragia illorum petiit, ut hæc non favore aut metu extorta, sed omnino libera esse apud omnes constaret, eosdem initio certos facere voluit se neminem a sua communione amoturum, etiamsi contra suammet ipsius sententiam in eadem alloquutione expressam congregati Episcopi pronuntiarent. Hæc satis obvia laudati loci explicatio nonne Cyprianum, in sui defensionem tantummodo intentum, ab impetenda Apostolica auctoritate alienum præfert? Sed de Cypriani verbis & consilio fatis.

Explicatur  
Cypriani  
mens.

Nunc addenda nonnulla de commentario Febronii, quo ex recitatis verbis manifestum fieri affirmat, S. Cyprianum licet alias *primatum Romani Pontificis probe recognosceret, veruntamen imperium & externam coactionem ab eo exclusisse. Talem scilicet hic Sanctus Martyr præter-propter fatabatur principatum Summi Pontificis in universali Ecclesia, qualem Cyprianus gerebat in Africana, qui æqualitatem & libertatem Episcoporum Africæ non infirmabat; sed jus solum dabit concilia convocandi, illisque præsendi. Coepiscopos fraterne admonendi, similiaque, quæ Romano Pontifici per totam Ecclesiam competunt, in sua Africana exercendi, eo semper salvo, quod Stephani Romani Pontificis universalis primatus sit ex institutione Christi, Cyprianus e contra humanæ ordinationis. Optime quidem his verbis fatetur Febronius primatum seu principatum Summi Pontificis in universali Ecclesia ex institutione Christi. Peto autem, num primatum meri ordinis & honoris, quem hæretici & schismatici Romanis Pontificibus concedere non dubitarent, an vero etiam intelligat primatum veræ peculiari jurisdictionis, quem vel ipsi adversarii omnes catholici eisdem vindicant cum catholica Ecclesia? Si Febronius abhorrens a nomine jurisdictionis mallet uti voce*

Commentarium  
Febronii  
rejectionem.

Vide lib. de  
vi primat.  
cap. 2.

*auctoritatis*, ut ibidem significat n. 2. dum re conveniamus, *inutilis*, ut ipse ait, *esset concertatio*. Cum vero Summis Pontificibus denegat *verum imperium*, quod *omni jurisdictioni mere tali connatum* (id est connaturale) eodem loco pronuntiat; propriæ & veræ jurisdictionis primatum denegare videtur. Dicit forsitan jurisdictionis nomen sibi displicere, quatenus imperium in subditos, & aliquem dominatum a spiritu regiminis Ecclesiastici alienum videtur adstruere, non ita vero auctoritatis vocabulum, quod convenit etiam patribus in filios, dominis in servos &c. qui tamen jurisdictione in ipsos proprie dicta non gaudent. Hoc sensu noster auctor c. 5. §. 4. n. 8. loquens de obedientia Romanis Pontificibus debita, *constare ait non omnem obedientiam surponere aut involvere ex opposito jurisdictionem: hoc patet in patre, hero, magistro &c.* Ita jurisdictionem propriam Pontificio primatui iterum videtur adimere, sicut & connaturale jurisdictioni imperium atque coactionem externam superiori textu negavit. Has tamen propositiones incaute exciderint homini, quem a catholica de primatu sententia nihilum abesse certissime judico. Neque enim crediderim ipsum reipsa velle potestati Ecclesiasticæ, quæ est potestas ligandi & solvendi, ferendi leges, præcipiendi, judicandi &c. hæc jura adimere, quæ jurisdictionis & imperii propria sunt. Hæc autem si non neget Romanorum Pontificum primatui, seu *principatui in universali Ecclesia*; non video quomodo verum imperium, & externam etiam coactionis vim poenis, si opus sit, ac censuris Ecclesiasticis inferendam negare possit: & siquidem ipsi primatui subest *universalis Ecclesia*; nonne omnes, qui sunt in Ecclesia, ipsorum spirituali regimini subditi sunt, & dici queunt? Textum quem eodem num. 8. recitat ex S. Bernardo lib. v. de *Considerat.* c. 1. imperium typhi sæcularis & effrænis, atque arbitrarii dominatus extrudit, non vero imperium in unitatis bonum & in ædificationem Ecclesiæ. Hoc si utantur Pontifices supra ipsos etiam majorum Sedium Episcopos, quis reprehendere potest, quasi a primatus potestate exorbitans & extraordinarium?

Gesta S. Cypriani, cum S. Stephanum excitavit ad præcipiendam Gallicanis Marciani Arelatenensis depositionem, nonne imperii & externæ coactionis potestatem confirmant?

Neque

Neque dicant, S. Cyprianum non excitasse S. Stephanum ut hanc depositionis sententiam ferret per se, sed ut eo præcipiente a Gallicanis in provincia ferretur. Cur id non egerint Gallicani per se se, si id tunc proprio jure agere potuissent? Cur scripserunt ad Stephanum, & cum ipsis Sanctus quoque Cyprianus apud eundem intercessit, ut datis ad ipsos litteris *absento* ( idest deposito ) *Marciano alius in locum ejus substitueretur*? Quæ sane Pontificiam auctoritatem eo casu exercendam declarant. S. Cyprianus certe id agere ausus non est, cum jus, quod sibi humana institutione competeat, extra Africam non extenderetur. Ex zelo scribere & excitare Stephanum poterat, Marcianum deponere, aut depositionem ejus Gallicanis præcipere, aliumve substituere non poterat. Gallicani autem, quos ad Stephanum ea de re scripsisse S. Cyprianus testatur, ea forte de causa confugerunt ad Stephanum, quia jus, quod primis illis sæculis aliquando exercuerant nonnulla Episcoporum concilia in Episcopos provinciæ, cum humanæ institutionis esset ( solus nimirum Romanus Antistes S. Petri successor Episcopis jurisdictione præstat jure divino ) poterat vocari in dubium apud Gallos, qui tunc nullam forsitan inter suos exemplum ejusmodi depositionum noverant; at jus Pontificium supra quoscumque universalis Ecclesiæ Episcopos, quod e divinæ institutionis primatu oritur, nulla Ecclesiastica institutione aut exemplo poterat infirmari, aut in dubium adduci. Num Papa hoc jus exerceret per se Romæ, an vero exercendam crederet per Episcopos provinciæ, eo quod hæc methodus facilius magis expediret, juris Pontificii substantiam nec immutat nec infirmat. Hoc factum ex Cypriano deductum inanem detegit Febronii nimum, quo ex ejusdem Martyris gestis colligi ait, hunc Romano primatui *jus solum dedisse concilia convocandi, illisque præsidendi, Coepiscopos fraterne admittendi, similiaque præstandi*, quæ cum primatui meri honoris & ordinis congruunt, tum vero imperium & externam coactionem, quæ in depositione Marciani exerenda erat, nequaquam præferunt. Quod si S. Cyprianus in litteris ad Stephanum, a vocibus imperii & coactionis abstinens, communem in eo omnium Episcoporum sollicitudinem commendavit; non idcirco parem cuique Episcopo ac Stephano auctoritatem asse-

asseruit. Commune omnibus vigilantie debitum & officium in eo collocat, quatenus omnes Ecclesiæ ubilibet laboranti ex communi zelo debent subvenire; Stephano autem, quem in Episcopali ordine præminere affirmavit celsiore fastigio, eam præcipiendi & deponendi auctoritatem vindicavit, quam ex potentiori primatu eidem competere non ignorabat.

## §. IV.

*Num Tridentinum generale concilium supra Patrum auctoritatem exercuerit. In cap. 6. Februarii §. 1. num. 5. t. 1. pag. 181.*

Quod hic affirmat: *Ipsam Concilium Tridentinum . . . . . superioritatem in Pontificem actu exercuisse variis locis deprehenditur, falsissimum est.* Fallaciæ, quæ Febronio fucum fecit, origo si detegatur, omnia facile intelliguntur. Concilii generalis nomine accipiendi non sunt soli Episcopi ad Concilium convocati separatim a Papa, qui tamquam caput eidem concilio vel per se vel per suos legatos non solum abesse, verum etiam præesse ita debet, ut decreta tum fidei tum disciplinæ vi generalis synodi careant, si ejus assensus vel confirmatio desit. Vide lib. *De potest. Eccles.* quoad definitiones fidei cap. 2. , & cap. 4. quoad canones disciplinæ. Cum itaque sermo est de decretis concilii œcumenici, non est sermo de decretis latis a solis Episcopis adunatis in synodo, sed de decretis latis simul a Papa assentiente seu confirmante eadem decreta vel per se vel per legatos, qui Papæ sententiam suo calculo protulerunt; hæcque sententia ceterorum singularium Episcoporum sententiis ita præstat, ut quidquid ceteri sine ipso constituerent, nullam vim generalis synodi propriam obtineret. Quod autem ipso assentiente ratum est, adversariis non prodest: sicut enim in

con-

consentientem, aut in seipsum nemo habet imperium, ita ex decretis synodi, quæ Papa consentiente vel confirman- te œcumenicæ synodi vim habent, ejusmodi concilii au- thoritas seu coactiva vis supra Papam nequit inferri.

Hoc uno principio omnia Febronii objecta enervan- tur. Quæcumque enim decreta & canones generalis concilii nomine editi, non Episcoporum tantum, sed Papæ etiam auctoritate & assensu editi intelliguntur. In hac unitate maxima conciliorum generalium vis est, quæ cum au- thoritati Papæ his decretis maxime necessaria nihil præju- dicat, tum vero nocet Febronio, nisi probare possit decreta a solis Patribus edita sine consensu Papæ, vel contra ejus sententiam, generalis synodi vim obtinere, ipsumque Pa- pam etiam invitum per se cogere. Dico *per se cogere*; si quid enim aliquando exigeret, ut in quibusdam negotiis disciplinæ Papa se se accommodaret sententiæ plurimorum, ne scissuræ & scandala excitarentur; id non auctoritati Pa- trum concilii tribuendum esset, sed illi altiori divino & naturali juri, quo scissuris & scandalis obviam ire etiam ipse summus Pontifex obligatur: nec tamen, si se hac de causa accommodaret plurimorum sententiæ, assensus ejus sufficiens deesset, ex quo decreta concilii ipsi quoque es- sent tribuenda. Hinc si conciliorum decreta edita leguntur non Papæ, sed concilii œcumenici nomine, nihil obest; cum nomine generalis concilii non Episcoporum tantum, nec solius Papæ intelligatur auctoritas, sed Episcoporum sal- tem plurium & Papæ in eandem sententiam consensus, seu (ut Galli adversarii explicare solent) consensus cor- poris Episcoporum cum capite. Hinc quando Tridentina synodus abolevit quædam mandata Apostolica, mentales re- servationes, accessus & recessus, qui eo ævo a Pontificibus concedebantur, coadjutorias, vel alia hujusmodi, exempto- rumque privilegia in aliquot capitibus restrinxit; cum hæc Papa assentiente facta fuerint, quis concilium exercuisse su- pra Papam jurisdictionem concludat? Non absimili æqui- vocatione *Ecclesiæ* nomine, quod Tridentina synodus a- licubi adhibet, Febronius abutitur, cum *Ecclesiæ* me- moratur in iis, quæ facultates Pontificias tangunt, ac si hinc probetur jus coactivum, seu proprie dicta jurisdictio supra Papam, & in facultates Pontificias.

§. IV

De potestate jurisdictionis distinguenda  
a potestate ordinis.

- Distinctionem apud Theologos solemnem inter potestatem ordinis & jurisdictionis perstringit Febronius c. 7. §. 1. n. 9.
- t. 2. pag. 6. Licere quidem ait distinguere duplicem potestatem Episcopalis officii in eam quæ est ordinis, & quæ jurisdictionis: at eas dividere nefas esse contendit, *Et ejus naturæ repugnare: quasi natura Episcopatus utramque potestatem ita requirat, ut Episcopalis ordo sine jurisdictione stare non possit, & jurisdictionem Episcopalem ab ordine separare dilaceratio sit Episcopalis dignitatis a Christi instituto aliena, easque dissociare, Et inter se quodammodo discindere sit piaculum.* Hæc si stricte accipienda essent, non sine piaculo quispiam Episcopatu cederet: cessione enim jurisdictionis, cui cedens renuntiat, sejungitur ab ordine, qui nunquam amittitur: & ita culpandi essent non pauci
- t. 1. pag. 121. Sanctissimi viri a Febronio quoque laudati c. 4. §. 7. n. 2. qui iustis de causis Episcopatum dimiserunt: nec eximi possent a gravi censura Nicaeni & Africani Patres, qui Episcopos a schismate, in quo Episcopali jurisdictione fruebantur, redeuntibus ad catholicam unitatem, in gradum simplicis presbyterii recipientes, Episcopalem jurisdictionem ab ordine dissociarunt, Christus quidem Apostolis ordinem simul & jurisdictionem contulit, eorumque successores Episcopi cum non sine certa jurisdictionis & diœceseos attributione consecrentur, utramque simul & ordinis & jurisdictionis potestatem accipiunt. At hanc utriusque potestatis connexionem ita esse necessariam jure divino, ut alteram ab altera disjungere criminofum sit, affirmari non potest. Si hæc Febronius eo consilio tantopere inculcavit, ut facilius suaderet eas Episcopales facultates, quæ ad jurisdictionem

tionem pertinent, non potuisse a summis Pontificibus limitari atque restringi, falso principio laborasset. Sicut enim iusta de causa ab Episcopatus ordine potest separari (ex. gr. per cessionem) tota Episcopalis iurisdictio; ita iustis de causis poterit ex parte limitari atque restringi ab ea auctoritate, quæ Episcopis superior est: & siquidem hac ratione eam potuerunt limitare vel restringere concilia etiam provincialia; cur non potuerunt summi Pontifices, qui iure primatus ipsis conciliis provincialibus sunt superiores?

### §. VI.

*In textum Febronii c. 8. §. 3. ubi nonnulla quorundam antiquorum sanctorumque Pontificum gesta augendæ potestatis consilio attribuit.*

Cum Febronius de Pseudo-Isidoro queritur, ac si suis supposititiis decretalibus monarchica Romanorum Antistitum potestas superstructa fuerit & ad excessum aucta; tum vero antiquiorum sæculorum atque Pontificum, qui hæc commenta ignorarunt, disciplinam & moderationem identidem laudat. At c. 8. §. 3. humanæ imbecillitatis vitium perstringens, quo superiori potestati plerumque incitamenta adduntur ad se se altius efferendum cum pressione inferiorum, huiusmodi, ut vocat, augmentorum initia deducenda putavit ex sæculo II. in Victore, ex III. in Stephano, ex V. in Innocentio I. & Bonifacio I. seu potius in Zosimo, in Cælestino, in Leone Magno & Gelasio, & ex VI. sæculo in Gregorio Magno. Quis vero ex ipsis tantorum ac tam antiquorum Pontificum nominibus, quos tamquam sanctos & ex parte etiam martyres tota veneratur Ecclesia, quosque ab omni fastu ac dominatu alienos ipsorum gesta testantur; quis, inquam, non statim intelligat, excessivo pruritu carpendæ potestatis Pontificiæ Febronium abreptum, qui incompetentis auctoritatis augmentum, & usurpationem quamdam



*De potest.  
Ecc. c. 5. §.  
5.*

*De causa  
Victoris Pa-  
pæ circa di-  
em pascha-  
lem.*

in indicatis ab eo illorum gestis detegere sibi visus est? Incompetens potestas affirmari non potest in iis, quæ illi gesserunt, nisi generatim negetur potestas illorum suprema in Episcopos, quam jure primatus ipsis attribuendam probavimus; neque potestatis abusus iisdem appingendus, nisi negetur justam fuisse causam agendi, cujus defectu potestate alias competenti utendum non fuisset.

Cum S. Victor obligare volebat Polycratem Ephesiorum Episcopum, ut in celebrando paschate se se conformaret diei, in quo non solum Romana cum omnibus Occidentalibus, sed aliæ etiam pleræque conveniebant ipsius Orientis Ecclesiæ; nonne hæc fuere omnium in tanta solemnitate celebranda consensio, justa ratio credenda est, qualem sane ita justam approbavit Nicæna synodus, ut eundem diem edito decreto in tota Ecclesia servandum edixerit? Siquid in Victore hac occasione gestum non omnino probandum videatur, illud unum est, quod in hac materia, non fidei sed disciplinæ, quæ & antiquorum auctoritate, & insignium Ecclesiarum consuetudine fulciebatur, non expédiret cum tot Ecclesiis pacem & unitatem abrumpere, uti (ne hac de causa abrumperetur) ante aliquanto ab Aniceto Pontifice obtinuerat S. Polycarpus Episcopus Smyrniensis: lege epistolam S. Irenæi ad ipsum Victorem apud Eusebium lib. 5. c. 24. Verum hæc non potestatem impetunt, sed potestatis usum ad normam ejus, quod expedit, exigendum insinuant: in quo cum aliis aliter citra culpam videri possit, non est absolute damnandus Victor, si eam rationem per se justam, sibi que maxime probabilem: sequutus est.

*De causa Ste-  
phani I. circa  
baptisma col-  
latum extra  
Ecclesiam.*

Multo autem justior fuit causa Stephani I. cum in Africanos, vel Asianos excommunicationis minas intendit, ut eos removeret a praxi baptizandi redeuntis ad Ecclesiam, qui extra Ecclesiam fuerant baptizati. Hæc enim praxis innitebatur sententiæ catholico dogmati contrariæ, at nondum tum definitæ, & magnis hinc inde concertationum nebulis involutæ, atque magnis & synodorum particularium, & insignium Ecclesiarum auctoritatibus comprobata, quarum causa si S. Dionysius Alexandrinus bono pacis se se apud eundem Stephanum interponens institit; ne excommunicationem in illos actu ferret, non potestatem

nega-

negavit, sed potestatis usum, ex eo quod non expedire existimabat, coercuit. Hac de re vide lib. *De vi primatus* c. 13. num. 53. pag. 163. 164. Hac eadem oeconomia, quæ potestati nihil præjudicii affert, usi sunt alii plures & sancti Episcopi, qui communionem non duxerunt abrumpendam, etiam ubi causa erat justissima, cum gravius scandalum timeretur.

Si S. Innocentius I. scribens ad Decentium Occidentis Ecclesiæ ad disciplinæ ac rituum unitatem, quæ dissensionibus aliisque scandalis obviaret, revocare studuit; quis cum Febronio id ei succensendum putet? Nonne disciplinæ consensus ad muniendam ipsam unitatem communionis & fidei conspirat? Nonne præter universalis primatus jus peculiari jure patriarchico in Ecclesiis Occidentales Romanus Pontifexungebatur, quo in idem unitatis bonum eandem in disciplina consensionem æquillime procuraret? Nonne saltem hic muniendæ utriusque unitatis scopus aptam rationem præfert, ne Innocentii studium ad ostensionem & augendæ Apostolicæ auctoritatis consilium traducatur?

Et si Africani in litteris ad Bonifacium & Cœlestinum se opposuerint appellationi Apiarii, seu inferiorum clericorum ad sedem Apostolicam; nihil tamen in illis detegit, quo Apostolicum jus vocaretur in dubium, sed omnia referri ad impedienda improba ipsorum clericorum effugia & fraudes, quæ in eadem Apiarii causa fuerunt detectæ, probavi late in *Observationibus* ad dissertationem V. Quæstionum part. 1. c. 6. n. 30. pag. 971. & seqq. torn. 2. Operum S. Leonis nov. edit. Venetæ insertis. Immo Romanæ auctoritati in ea ipsa causa quantum re ipsa detulerint Africani, ibidem explicarum invenies. Qui ex hujusmodi gestis jus Pontificum non potest inficiari, incompetentis moliminis aut ambitiosi vitium Pontifici nequit imputare, etiam si aliquid minus rectum ex aliena fraude aut deceptione subrepisset.

Quid Febronius reprehendere velit in Bonifacio I. seu potius Zosimo ex cap. 5. §. 6. n. 5. ignoro: neque enim loca ab ipso hic allegata ad hos Pontifices pertinent. Si vero respicit factum Cœlestii, qui Romam profectus Zosimum Papam dolo malo decepit, & a decepto litteras obtinuit, quæ postea detecta fraude revocatæ & correctæ fuerunt;

runt; non video cur hoc factum adversario profit. Nihil hic gestum ad ostensionem & augmentum juris; sed unum illud exinde consequitur, summos Pontifices in judiciis circa personas posse decipi, & aliquid perperam errore facti scribere, quod melius instructi corrigant.

Quam male Censuram contra S. Leonem M. a Febronio ingestam reprehensus ob judicium Romæ institutum adversum S. Hilarium Are-

S. Leo. latensem prolixè refutavi in *Observationibus* ad Dissertationem V. Quæsnelli, ad quam idem Febronius lectores re-

\* 1. 2. Oper. mittit. Has observationes jam ab an. 1756. Venetiis ° editas, quæ non solam particularem Hilarii causam explicant, sed Apostolicum quoque in ea aliisque Episcopaliū appellationum causis jus luculentissime vindicant, si legisset Febronius; nescio, utrum tam confidenter potuisset sanctum Pontificem vellicare.

Aliam censuram, qua cap. 5. §. 4. n. 3. eundem sanctum Pontificem punit, ac si auctoritatis suæ commendandæ multum studiosus NON PETITAM concilii (Chalcedonenſis) confirmationem fuerit impertitus, ipse S. Leo solvit apertissime, cum eam a Marciano Imperatore ° petitam, non alio fine se dedisse protestetur, nisi ut iis obviaret, qui dubium sparserant, num definitionem fidei a Concilio editam approbaret, dum disciplinæ canonibus novitatem inducentibus acriter restitisset. Id Leonis studium in custodienda & vindicanda fide commendat, non vero amplificandi juris nifum subindicat.

\* ep. 110. inter Leon.

ep. 114.

Sed quid in his Febronii nifibus excutiendis moramur pluribus? Ille certe nifus mirificus videri debet, quo amplificatoribus Pontificiæ auctoritatis accensendum credit etiam S. Gregorium Magnum, cujus studium a dominatione & ab augenda sua auctoritate alienissimum testimonia de humilitate ejusdem ab ipso Febronio laudata manifestum faciunt.

## §. VII.

*In quædam loca Febronii, ubi auctoritatem Pontificum in provinciales synodos & in majoribus causis vellicat.*

Negari non potest, quin olim & per multa sæcula pleraque in Ecclesiis gererentur auctoritate Episcoporum & Conciliorum particularium; Romanorum vero Pontificum auctoritatem, etsi summam ac plenam per se in universa Ecclesia, non tamen fuisse passim, nec ab omnibus requisitam. Serius quædam inducta, & ab illis gesta, quæ prius non obtinuerant. Cum vero distinguatur potestas a potestatis usu (potest enim quis etiam diutius non, uti ea potestate qua fruitur); adversarii Pontificiæ auctoritatis male prorsus ipsi potestatem multis in facultatibus ex eo denegant, quia antiquis sæculis eisdem facultatibus usa non est. Supremam plenamque potestatem, qua summi Pontifices jure primatus poterant moderari ac restringere Episcoporum facultates, superius probavi, etsi prioribus sæculis ipsam non exercuerint. Eadem ratione potuerunt pariter moderari atque certis conditionibus coercere facultates quoad Episcopos collectos in particularibus synodis, quibus non minus quam Episcopis ipsis potestate præstare certissimum est ex constitutis in præmio *De potest. Eccles.*, licet olim nihil tale ab ipsis gestum legeretur. Multitudo ac distantia provinciarum atque regionum, temporum vicissitudines, diligentior disciplinæ custodia, aliæque circumstantiæ in causa fuisse, ne potestatem ejusmodi olim exerere utile vel necessarium crederetur. Id autem non impedit quominus aliis atque aliis oborientibus causis ac circumstantiis, ubi expediret publico bono, potuerint Pontifices circa ipsa particularia concilia quædam statuere, & facultatem, quam anterioribus sæculis non exercuerant, exerere & exercere.

Que-

Non neganda potestas Pontificia ex non usu priorum sæculorum.

Queritur Febronius de illa aliquot apocryphis Pseudo-Isidori decretis inserta sententia, qua traditur concilia in provincialia celebrari non posse absque assensu vel auctoritate summi Pontificis. Duo hic in reprehensionem adduci queunt, restrictio potestatis conciliorum provincialium nec minus æquitas, nec nova.

Restrictio potestatis conciliorum provincialium nec minus æquitas, nec nova.

Loeus Socratis dissentiens.

Regula Ecclesiastica jubet, non oportere præter sententiam Romani Pontificis concilium celebrari. Licet græcus Socratis textus vocem concilium non præferat; sententiam tamen eandem continet: quæ ad concilia pertinet: *Gum ecclesiastica regula vetet, ne absque consensu Romani Pontificis quicquam in Ecclesia decernatur*, utique in conciliis: occasione enim Antiochenæ synodi hæc regula productur. Quamvis hic Socratis textus multis materiem dederit disputandi; constat nihilominus hanc regulam esse valde antiquam, & Pseudo-Isidoro multo anteriorem, & apud ipsos Græcos vulgatam, & a Socrate receptam, qui ante Chalcedonensem synodum scripsit. Idem principium aliis licet verbis repetit idem Socrates lib. 2. cap. 17. & legitur etiam apud Sozomenum lib. 3. cap. 10. Ex utroque autem liquet hanc regulam deductam fuisse ex Julii I. epistola ad Orientales Antiocheni concilii, in qua conquestus de Eusebianorum Orientalium synodis, a quibus S. Athanasius inconsulto Romano Pontifice depositus fuerat, ait: *An ignoratis hanc esse consuetudinem, ut primum nobis scribatur, & tunc quod iustum est decernatur?* Quod hic Julius affirmavit de synodis Orientis, dum ageretur de iudicio contra Alexandrinæ sedis Episcopum, Socrates & Sozomenus generatim de quibuslibet particularibus synodis accipendum putarunt. Huic juri, quod Julius sedi Apostolicæ asserit

serit ex consuetudine, suffragantur pariter gesta alius vetustioris Alexandrini Episcopi Dionysii, qui, ut notavit P. Constantius, cum in suspicionem venisset hæreseos, ad Dionysium Papam delatus, se se purgare non distulit. Quod autem idem Constantius subdit, hoc Apostolicæ sedis speciale jus posse referri ad Alexandrinæ Ecclesiæ originem, quæ S. Marcum S. Petri discipulum fundatorem habuit, non omnino probandum est; idem enim jus ratione originis competit non solum in Alexandrinæ, sed etiam in Antióchenæ sedis Episcopos, quam idem S. Petrus fundavit, sicut & in omnes Occidentis Ecclesias, quæ a sede Apostolica habent originem, ut Innocentius I. prodidit. Vera autem ac generalis hujus prærogativæ ratio ex primatu divinæ institutionis est deducenda, quo Romani Pontifices successores S. Petri in singulas tum Patriarchales, tum Metropolitanas, tum Episcopales sedes jurisdictionem obtinent.

Ratio sane, quam pro suæ sedis jure præmiserat idem Julius in causa Athanasii aliorumque, quos Eusebiani impetiverant, his verbis exprimitur: *Oportuit omnibus nobis scripsisse, ut ita ab omnibus quod iustum est decerneretur. Episcopi enim erant, qui patiebantur, nec vulgares Ecclesiæ, quæ vexabantur, sed quas ipsi Apostoli per se gubernarunt.* Ubi vides idem jus sibi asserere, primum generatim in causis Episcoporum, multo autem magis in iis, quæ spectarent ad Episcopos Ecclesiarum non vulgarium, ac tandem magis multo in causis Episcoporum Apostolicarum sedium, qualis erat illa S. Athanasii Alexandrini, in quam Pontificia auctoritas non ex jure patriarchico Romani Præsulis in solas Occidentales Ecclesias competenti colligi potest, sed ex jure divino primatus ipsa etiam consuetudine firmato; cui cum patriarchicum jus præjudicare non potuit, tum vero male Febronius multos actus jurisdictionis in Occidentales aut Orientis Ecclesias ad patriarchicum jus perinde retulit, quasi nihil exinde inferri possit pro jure primatus, vel patriarchicum jus jurisdictionem primatus excludat. In Romano enim Pontifice utrumque jus probe cohæret, ita ut qui actus illi non competunt ex jure patriarchico extra diœcesim Occidentis, competant ex jure primatus, quod extenditur in universam Ecclesiam.

H h

Cum

Locus Sozo-  
meni expli-  
catus.

Cum Sozomenus loco laudato eam Julii rationem, qua Orientalium Synodorum contra Athanasium ausus repressit, sic exposuit: *Legem esse Pontificiam* (apud Nicephorum melius *Ecclesiasticam*) ut pro irritis habeantur, quæ præter sententiam Episcopi Romani fuerint gesta; præivit certissime illis quarundam Pseudo-Isidori decretalium sententiis, quibus conciliorum gesta Apostolica approbatione ita indigere dicuntur, ut nihil sit ex illis ratum, cui non accesserit Apostolicæ Sedis auctoritas. Cum autem Julius loquatur de Episcoporum causis, quæ inter majores censentur; de his tantum Sozomeni locus est accipiendus, non verò de quibuscumque aliis provincialium Conciliorum judiciis & causis. Id sane, quod tamquam novum opponit Febronius, nullas Synodos nec ipsarum decreta rata esse posse, si careant auctoritate & confirmatione Apostolica; ad judicia potissimum de Episcopis pertinet & ad

l. 1. c. 4. §. 8.  
n. 5. p. 25. 99.

De causis  
majoribus R.  
Pontifici re-  
servatis.

*maiores causas*, de quibus alia atque alia Pseudo-Isidori decreta ab eodem memorantur, atque carpuntur. Novitatem vero hac in materia purgant illa, quibus *maiores causas* & Episcopales præsertim in Occidente vel olim ad Sedem Apostolicam delatæ fuerunt non solum in causa appellationis, verum etiam in quibusdam Episcoporum causis primæ cognitionis, de quibus egi in Observationibus ad disert. v. Quesnelli tom. 2. editionis S. Leonis. *Maximas* quoque *Orientalium Ecclesias* in magnis negotiis, in quibus opus esset disceptatione majore, sedem semper consuluisse Romanam; & quoties usus exegit, ejus auxilium postulasse, testatur Bonifacius I. Quis ignorat hac in re aliarum insignium Sedium Orientalium prærogativam? Antiochenæ Sedis, quæ S. Petrum habuit auctorem, nonne hoc jus in toto Oriente ejusdem Sedis Antistiti Alexandro asseruit Innocentius I.? *Ut sicut Metropolitanos auctoritate ordinas singulari, sic & ceteros non sine permisso conscientie tue sinas Episcopos procurari.* Et rationem post pauca addit: *Quo enim te maxima expectat (id est, ut explicat Constantius, ad te pertinet) cura, præcipue tuum debent mereri judicium.* Quem textum non immerito commendavit Nicolaus I. epist. 42. n. 9.

Ep. 15. edit.  
Constant. col.  
1042. c.

l. ep. 24. n. 1.  
col. 852.

Quid dicam de CP. Episcopo, postquam Constanti-  
nopolim Imperii Sedes translata est? Socrates lib. 3. c. 28.  
legem



legem memorat Attico Episcopo, *qua sancitum est ne præter sententiam Episcopi Constantinopolitani ulla fiat Sacerdotis (id est Episcopi) ordinatio.* Extat quoque Theodosii lex ad Philippum Præfectum prætorio Illyrici præcipiens, ut in Illyricianis provinciis, *si quid dubietatis emerferit;* Cod. Theod. lib. 16. tit. 1. *id oporteat non absque scientia viri reverentissimi sacrosanctæ legis antistitis urbis Constantinopolitanæ, quæ Romæ veteris prærogativa lætatur, conventui sacerdotali sanctoque iudicio reservari.* Hæc reservatio ei fundamento innixa, quod Constantinopolitana urbs *Romæ veteris prærogativa lætatur;* nonne eandem prærogativam jure potiori tributam præsumit Romanæ urbis Episcopo, ut in causis difficilibus nihil absque ejus scientia atque consensu fieret? Revocata quidem eadem Theodosii lex fuit, non tam epistola Honorii ad eundem Theodosium, quam rescripto Theodosii ipsius: sed cum revocata fuerit, ne Romani Episcopi prærogativis præjudicio esset; hujus jus præcipue in Episcoporum, aliisque difficilioribus causis, cui præservando ea lex recissa fuit, confirmatur. Mirandum itaque maxime est, Febronium ausum fuisse hoc antiquissimum jus Romanorum Pontificum tribuere supposititiis Isidori decretis, & ausum quoque fuisse notare non solum Innocentium III. sed etiam Tridentinam synodum, quæ idem jus in causis majoribus Apostolicæ auctoritati tribuit, ac si Isidorianis commentis decepta, jus probaverit, quod nunc detecta ipsorum decretorum falsitate corrigendum esset. Ita præjudicium male constituti systematis hominem huc adduxit, ut œcumenicam quoque synodum totius Ecclesiæ veneratione consecratam docere, & ad sui systematis regulas jure evocare se posse censuerit. Alias ipsius Febronii animadversiones, & correctiones ejusdem concilii videsis cap. 1. §. 8. n. 10. & cap. 8. §. 5. n. 5.

Ex collect.  
Holstenii.

Febronii nota  
contra  
ipsam Synodum  
Tridentinam  
reprehensa.

## §. VIII.

*Num auctoritas Pontificia utilitati aut necessitati Conciliorum generalium opponatur.*

Hæc quæstio de utilitate ac necessitate conciliorum generalium, de qua nonnulla ingeruntur a Febronio, non erat prætermittenda, ne auctoritati Apostolicæ obesse credantur ea quorundam antiquorum testimonia, quæ utilitatem aut necessitatem illorum commendant. Expendenda res est tum in fidei materiis, tum in canonibus disciplinæ.

In quæstionibus fidei ad has dirimendas absolute necessariam non esse concilii generalis auctoritatem testatur *lib. 4. contra Augustinus*, probatque evidentissime antiquis exemplis, animadvertens plerasque hæreses sine concilio generali fuisse sopitas. Romanæ Sedis fides a summis Pontificibus definita, cum qua omnes debent unitatem servare, deberet per se sufficere ad controversiam finiendam, ut ne generalis concilii convocatione opus esset, quemadmodum S. Flavianus in causa Eutychis scripsit. Ubi vero ei auctoritati quamvis infallibili dissidentes non pareant, vel majoribus turbis excitatis gravius resistent; utilia vel etiam necessaria haberi queunt, & habita sunt ejusmodi concilia, ut dissensiones componerentur facilius, & vel dubitantes ad unitatem adducerentur, vel pertinacium contumacia palam fieret. Hoc novum examen atque judicium sicut nihil præjudicat auctoritati & infallibilitati conciliorum generalium, post quæ aliqui dubia & difficultates prodixerunt, ut de Chalcedonenfi definitione vidimus, post quam ob competendos Eutychianorum motus novum judicium Leone Imperatore postulante ab omnium provinciarum Episcopis habitum.

*Novum examen in conciliis non præjudicat infallibilitati Pontificiæ in definitionibus fidei.*

bitum fuit; ita nec præjudicant infallibilitati Apostolicæ generalium conciliorum judicia, quæ novo examine causæ in eundem finem aliquando fuerunt instituta.


Quandoque etiam potest esse utilis vel necessaria generalis synodi convocatio, antequam Pontifex definitivam sententiam pronuntiet in materia fidei; si de questione dogmatica agatur adeo implexa & obscura, ut Papa judicet non esse decidendam, aut non expedire ipsam decidere, absque consultatione synodi œcumenicæ, in qua Episcopis totius Ecclesiæ rem discutientibus, catholica traditio & veritas facilius certiusque dignoscatur ab omnibus, & oppositiones contrariæ manifestius solvantur, aditusque præcludatur novis difficultatibus atque gravioribus scissuris, quæ Ecclesiam turbarent. Hinc sicut infallibilitas Papæ in materia fidei conciliorum generalium auctoritati non opponitur, nec infallibilitas conciliorum repugnat infallibilitati Papæ (neque enim duo infallibiles pugnant inter se, neque repugnare queunt): sed altera alteram juvat, validiusque corroborat, ac ex utraque in unum conspirante maxima soliditas & certitudo exoritur, qualis vel ab adversariis admittitur in unitate membrorum cum capite. Neque alterutra superflua dici potest, sed utraque aliquo modo necessaria, ne sublata ex una parte infallibilitate Papæ oporteat semper convocare generale concilium, ut dissidia circa fidem peremptorio decreto definiantur; ex altera vero ne in generalibus conciliis desit auctoritas, qua dissidentes facilius certiusque instruantur, & contumacium detegatur perversitas, & comprimatur.

In materiis quoque disciplinæ, in quibus unitas omnium non ita est necessaria, ut in negotio fidei, utile vel necessarium multo magis judicari potest generale concilium, ubi statuendum sit aliquid novum, quod obliget omnes. Potestas scilicet Papæ licet per se sufficiat ad generales leges ferendas, cum toti præsit Ecclesiæ; cum tamen ei potestas tradita fuerit in ædificationem Ecclesiæ, non vero in destructionem; ubi aliquam legem in dissensiones cessuram timeri possit, ferenda non est: ac propterea Romani Pontifices leges ejusmodi consueverunt suspendere atque deferre, quoad eas tute ac pacifice & utiliter edi posse cognoscant. Id aliquot in casibus non sine generali concilio

fieri posse intellexerunt, vel non sine prævia illarum Ecclesiarum seu Episcoporum consultatione, a quibus contradictio timeatur. Licet Benedicto XIV. persuasum esset minuendum dierum festorum numerum; noluit tamen generalem diminutionem constituere, sed per litteras exquirendam antea credidit hac in re Episcoporum aliorumque celebrium virorum sententiam; iisque solis eam diminutionem concessit, qui annuerent, eos vero, qui repugnarent aut difficultates opponerent, data lege non cogendos duxit, ne scandala excitarentur. Hæc pauca intelligentibus sufficient.



**APPENDIX**  
**DE**  
**INFALLIBILITATE PONTIFICIA**  
**IN**  
**DEFINITIONIBUS DOGMATICIS.**



# A P P E N D I X

## DE INFALLIBILITATE PONTIFICIA IN DEFINITIONIBUS DOGMATICIS,

Qua brevius explicatur atque statuitur,  
quænam & qualis auctoritas summis  
Pontificibus tribuenda sit, quando ex  
fine & officio primatus ob conservan-  
dam in tota Ecclesia fidei unitatem de-  
finiunt controversias dogmaticas.



**H**Æc additio maxime utilis, vel etiam  
necessaria quodammodo judicabitur, ut  
brevius proponantur præcipua capita  
atque principia, quæ circa auctori-  
tatem infallibilitatemque Pontificiam in  
definiendis fidei quæstionibus fusius protuli in li-  
bro *De vi & ratione primatus*; sicque istud sit ve-  
luti compendium, quo totum systema ibidem pro-  
positum, ac totius systematis vis facilius percipi ac  
retineri possit. Hanc additionem subjicio *Vindictis*,  
in quibus capite primo de auctoritate & infallibili-  
tate Romanorum Pontificum circa fidei materias  
contra Febronium differrui; & juxta propositam  
mihi methodum totam ratiocinationem contextam  
*Ballerinius de Potestat. Eccl.* I i ex



ex principiis, in quibus idem Febronius & ceteri adversarii catholici mecum conveniunt.

Jam apud istos ex Patrum traditione & catholice Ecclesie doctrina certum est, Pontificum Romanorum primatum a Christo fuisse institutum ob custodiendam in tota Ecclesia unitatem. Cum porro unitas Ecclesie potior, quæ maxime conservanda esset, sit unitas fidei; certum pariter esse debet, ipsum primatum fuisse institutum ob conservandam potissimum in tota Ecclesia unitatem fidei, Dissensiones circa fidem, quæ dum in partes dividunt, præjudicant unitati, compescendæ sunt, ut unitas custodiat & conservetur in Ecclesia. Hæ autem ut compescantur, & provideatur unitati fidei; definitionibus dogmaticis legitima auctoritate editis efficiendum est. Non aliud medium Concilia, non aliud summi Pontifices aut Episcopi præsto habent. Hanc auctoritatem Romanis Pontificibus competere non negant adversarii, immo præcipuas partes iisdem tribuendas jure primatus ultro fatentur. Quam vero & qualis auctoritas ipsis tradita fuerit a Christo in decidendis controversiis fidei, eum primatum in-

\* *Bosueti*  
verba sunt ex  
lib. 10. al. 15.  
*De sens. c. 1.*

stituit ob custodiendam & vindicandam in tota Ecclesia unitatem. \* *maxime in fide*, nunc explicandum & constituendum est.



## §. I.

## PRIMA PROPOSITIO.

*Pontificia auctoritas, instituta ob finem conservandæ unitatis maxime in fide, esse debet per se sufficiens ad hunc finem obtinendum.*

**N**emo id negare potest aut in dubium revocare. Communis enim & apud omnes certa doctrina est, Deum, cum aliquem eligit ad dignitatem vel officium aliquod in aliquem finem; præstare etiam eidem media, quæ ad ipsum finem consequendum per se sint apta & sufficientia. Qui nimirum serio vult finem, nisi impotens aut improvidus sit (quorum neutrum convenire potest Deo), vult simul media sufficientia ad finem. Non discordat Febronius: immo id necessario sequitur ex illo ejusdem principio, quod omnino indubitatum ponit cap. 2. §. 4. *Cum genuinum fundamentum primatus in bono unitatis invenerimus; hinc pro principio statuimus, omnia illa & sola esse primogenæ & essentialia jura primatus, sine quibus unitas non potest servari.* Sine auctoritate vero per se sufficienti ad unitatem obtinendam ipsa unitas servari non potest. Auctoritas igitur per se sufficiens ad custodiendam unitatem fidei, ob quam præcipue primatus fuit institutus, primogenæ & essentiali primatus juri nequit denegari. Vide hac de re librum *De vi primatus* c. 9. in quo aliquot adversariorum testimonia attuli, & præsertim illud Nicolii in nonum articulum Symboli c. 2. *Oportet igitur hocce caput (idest Papam) auctoritate frui quæ ipsi necessaria est, ut unitatem conservet: hujusque auctoritatis vim non solum sufficientem utcumque esse debere existimat, sed talem, quæ per se satis sit ad unitatem efficaciter conservandam:* subjicit enim, *juris esse divini*

divini & ex institutione Christi, ut (Papa) omni potestate & prerogativis ad unitatem EFFICACITER conservandam necessariis præditus sit. Concinit etiam recentior Anonymus auctor *Dissertationis Isagogica* Italica lingua editæ scribens cap. 2. *E' indubitato, che l' essenza del Primato consiste in una preminenza fornita di tanta potestà, quanta bisognar può per la conservazione dell' unità.* Tota ergo difficultas sita est in explicando & constituendo, quænam sit illa Romanorum Pontificum auctoritas per se sufficiens ad conservandam in tota Ecclesia unitatem præsertim in fide; de qua tantum hic disputandum est, cum in hoc tantum sit & esse possit cum adversariis catholicis quæstio.

## §. II.

### SECUNDA PROPOSITIO.

*Ut auctoritas summorum Pontificum sit per se sufficiens ad conservandam in tota Ecclesia unitatem fidei, debet esse non meri ordinis & honoris prerogativa, sed jurisdictionem aliquam peculiarem sibi competentem requirit, quæ per se exigat & obliget ad fidei unitatem.*

Meri ordinis & honoris prerogativa li tantum con-  
*Vid. lib. De* tenti esse queunt, qui cum sectariis merum ordinis & ho-  
*vi primat. c.* noris, non autem peculiaris jurisdictionis primatum agnos-  
 cunt. Qui autem cum catholica Ecclesia, adversariis quo-  
 que assentientibus fatentur, veræ jurisdictionis primatum a Christo fuisse institutum; hi jurisdictionem eidem primatui adnexam debent concedere, eamque aptam ac per se sufficientem in finem conservandæ unitatis, quæ sine juris-  
 dictio-

ditione seu vi coactiva servari non potest. Febronius etiam vim *directorii* summis Pontificibus competentem fere solam inculcet & efferat; vidit tamen *aliquid amplius*, id est aliquid quod jus coactivum requiri in finem & conservationem unitatis, quod ad jurisdictionem referendum sit, ne merum primatum ordinis & honoris videretur adstruere. Jurisdictio sine vi coactiva, quæ scilicet obliget, ex eodem Febronio intelligi nequit. S. Irenæus jurisdictionem primatum aptissime expressit duobus verbis *potentiorum principalem*, ubi *principalitas* primatum, *potentior* vero jurisdictionem præstantiorem præcipuamque significat. Vim autem coactivam ad fidei unitatem expressit manifestius, cum necessitatem conveniendi cum Romana fide jure primatus impostam tradidit, de quo inferius plura.

## §. III.

## TERTIA PROPOSITIO.

*Auctoritas, quæ in definiendis fidei controversiis sit per se sufficiens ad exigendam & conservandam fidei unitatem, ita per se sola debet obligare atque sufficere, ut alius auctoritatis præsidio non egeat: ac propterea Pontificia auctoritas, quæ per se sufficiens est, ac dici debet ad conservandam & exigendam fidei unitatem, ad hunc finem obtinendum nequit egere consensu Ecclesiæ.*

Hæc propositio, quæ evertit conditionem consensus Ecclesiæ, quam adversarii requirunt, ut definitiones Pontificiæ absolute obligent ad unitatem, maximi momenti est,

& idcirco exactius probanda. Auctoritatem, quæ alieno præsidio indiget, ut unitatem exigat, atque sua vi consequatur, ad hunc finem obtinendum per se non sufficere certissimum est. Hinc si ex præcedenti propositione auctoritas Apostolica in definiendis fidei quæstionibus per se sufficiens dicenda est ad custodiendam unitatem fidei, ob quam a Christo instituta, & idonea ac sufficienti vi prædita fuit; consensu Ecclesiæ non debet indigere. Dicere cum adversariis auctoritatem primatus per se sufficientem, si Ecclesiæ accedat assensus, idem est ac negare eam per se aptam ac sufficientem in finem, propter quem talis auctoritas a Christo instituta, ab ipsis adversariis conceditur. Vel ergo negandum est primatum institutum fuisse ob conservandam in Ecclesia unitatem potissimum fidei: vel, si hoc negare vetat Patrum traditio & Ecclesiæ doctrina, quam & adversarii amplectuntur; satendum profecto est eundem primatum fuisse instructum auctoritate (1) per se sufficienti & idonea ad exigendam & conservandam fidei unitatem, ut ne egeat præsidio, seu accessione consensus Ecclesiæ.

Hæc quidem conditio ab adversariis requisita novum inventum est, quod ignoravit antiquitas. ° S: Flavianus Episcopus CP. ita per se sufficientem habuit definitionem S. Leonis, quam petebat contra errores Eutychis, ut non crederet opus concilii generalis præsidio. Idem censuit etiam S. Leo, cum convocationi generalis concilii se se opposuit. Quod si huic congregando postea assensit, non idcirco assensit, quasi putaret vim per se sufficientem ad obligandum deesse suæ definitioni, de qua in concilio quæstionem ac dubium moveri noluit, sed ne obviaret Marciani

\* ep. 26. inter  
Leon.

Leo ep. 82. c.  
1.

(1) Quantum vel olim habita sit per se sufficiens Apostolica auctoritas, declararunt, antiquisque exemplis confirmarunt Euthérius Thyanensis Episcopus, & Helladius Tharsensis in epist. ad Xystum III. (apud Constant. epist. 4. n. 2. col. 1246.) Olim

siquidem sæpius jam ex Alexandria hujusmodi hæreticis zizaniis insurgentibus SUFFECIT vestra Apostolica sedes per universum tempus illud ad mendacium convincendum: impietatemque repræmendandam &c.

ciani Imperatoris consilio, qui medium hoc utile ac pene necessarium putabat ad conciliandam unitatem & pacem. Summi Pontifices cum suam potestatem ad unitatis finem institutam scirent; omnia media sibi tentanda duxerunt, nullum negligendum, ut dubitantes vel repugnantes ad unitatem adducendos curarent; neque ob id suam auctoritatem per se insufficientem censuerunt ad obligandum, neque obligandi vim pendere existimarunt a cujusquam consensu. Væ auctoritati superiorum, etiam Principum, si vim obligandi non haberent eorum præcepta aut leges, nisi subditorum consensus accederet. Vis obligandi ab ipsa potestate a Deo instituta proficiscitur, ac proinde a Deo, qui cum ipsam instituit, vim eidem indidit obligandi: unde eos, qui potestati resistunt, Dei ordinationi resistere Paulus docuit.

Pontificiam potestatem, quam Christus instituit, cum Petro claves Ecclesiæ, & potestatem ligandi atque solvendi tradidit, adeo per se sufficientem ad obligandum crediderunt semper antiqui Pontifices; ut consensum definitionibus Apostolicis debitum subscriptionibus præstandum exegerint vi ipsius auctoritatis per se, etiamsi nondum adesset ille consensus, qui ad vim omnino coactivam ab adversariis requiritur. Exempla definitionum Innocentii, Zosimi, Celestini, Leonis, aliorumque subsequentium Pontificum, qui ad subscriptiones coegerunt, notissima sunt. Cogere enim ad subscriptiones, est cogere ad consensum: hæc vero coactio ante Ecclesiæ consensum fuisset injusta, si Apostolica auctoritas, ut legitimam vim obligandi haberet, indigeret præsidio seu conditione consensus.

Hanc quidem conditionem non minus evidenter respuit S. Irenæus eo testimonio, quo necessitatem conveniendi, seu consentiendi cum Romanæ Ecclesiæ fide omnibus undique fidelibus, omnibusque Ecclesiis impostam, non in consensum aliarum Ecclesiarum retulit sed in *potentiorum* *principalem* auctoritatem propriam *consensum*. primatus, quæ ipsam consensus necessitatem seu obligationem assert. Vide ipsa ejus verba & explicationem in libro *De vi primat.* c. 13. §. 1. Primatus, qui vi sua hanc obligationem imponit, vi sua exigit ipsum consensum; neque hæc vis exigendi consensus deduci potest ab ipso consensu,

Locus S. Irenæi ad vim coactivam non exigit aliarum Ecclesiarum consensum.

Totam vim  
tribuit pri-  
matui.

sensu, quem cum exigit producit, ne hic consensus sui ipsius causa simul sit & effectus, Adeo vero hanc primatus auctoritatem vim habere per se sufficientem credidit Irenæus, nulloque aliarum Ecclesiarum consensu indigere, quoad unitatem obligaret omnes, ut aliarum consensum inquirere & cognoscere necessarium non duxerit (cum omnium fidem ac traditionem inquirere atque cognoscere nimis esset longum & fere impossibile); sed satis esse crediderit unam Romanæ Ecclesiæ fidem cognoscere, quæ cum sola per se tanta vi prædita sit propter *potentiorē principalitatem*, id est ratione primatus, ut omnibus Ecclesiis necessitatem unitatis & consensus imponat; hac una fide cognita, aliarum omnium consentiens traditio & fides simul cognoscitur. Non ergo vim cogendi omnes ad unitatem Irenæus deduxit ex istarum consensu, quem nec inquirere nec cognoscere opus esse putavit; sed hunc consensum ex vi coactiva Romanæ fidei atque primatus deducens, vim per se sufficientem ad obligandum omnes ipsi Romanæ fidei & primatui attribuit. Hinc frustra hunc Irenæi locum nobis extorquere nituntur, qui dicunt eundem loqui de Romana Ecclesia, seu de Romanæ Ecclesiæ traditione ac fide, non de fide Romanorum Pontificum, nec de definitionibus istorum in materia fidei. Quidquid enim auctoritatis in unitatis bonum Romanæ Ecclesiæ vel fidei tribuitur propter *potentiorē principalitatem*, seu propter primatum, qui in bonum unitatis fuit institutus a Christo, pertinet ad Romanos Pontifices, in quibus tantum residet primatus vis & auctoritas; & idcirco Romanæ Ecclesiæ fides, cum qua ex Irenæi doctrina omnes convenire & concordare necesse est propter primatum, alia non potest intelligi, nisi fides, quam Pontifices jure primatus in unitatis bonum definiunt, ut fidei unitatem in tota Ecclesia custodiant.

Obiectio &  
interpretatio  
ab obvio sen-  
su aliena.

Neque vero ob adstruendam ex ipso S. Irenæo conditionem consensus ingeras illa, quæ idem Sanctus post assertam necessitatem unitatis cum Romana Ecclesia statim subijcit: *In qua semper ab his, qui sunt undique, conservata est ea, quæ est ab Apostolis, traditio*; perinde ac si his verbis significetur Romanam fidem ideo exigere unitatem ab omnibus, quia omnes undique confluentes Ro-

mam



nam, omnium Ecclesiarum consensum ad eam attulerunt. Quis autem hanc interpretationem ab obvio verborum sensu & a contextu alienam poterit approbare? Verba, quæ unice tradunt fidem Apostolicam conservatam ab omnibus undique fidelibus in Romanæ Apostolicæ Ecclesiæ fide, omnium quidem Ecclesiarum consensionem & unitatem cum fide Romana certam præsumunt, at non ideo causam & obligationem consentiendi, seu vim coactivam ad hanc consensionem & unitatem in ipsum omnium consensum referunt. De hac necessitate seu vi coactiva iisdem verbis non agit Irenæus, sed præcedentibus, quibus eam vim atque necessitatem, uti notavimus, non consensui, sed primatus auctoritati asseruit, *propter potentiorē principalitatem*. Cum porro ob potentiorē vim primatus *neceſſe ſit omnem Eccleſiam, hoc eſt omnes qui ſunt undique fideles convenire*, seu unitatem tenere cum Romanæ Ecclesiæ traditione ac fide, quæ ab Apostolis Petro & Paulo originem ducit; certum efficitur eos omnes, qui hanc debitam unitatem custodiunt, custodire eam quæ est ab Apostolis fides: & e contra eos, qui hanc unitatem deserunt, aut deseruerunt hæretici, a vera Apostolica fide defecisse convincuntur. Ita porro in unitate Romanæ fidei ab omnibus qui sunt undique fidelibus custodita est vera fides Apostolica, ut ipsæ Ecclesiæ Apostolicæ, quæ fidem acceperunt ab Apostolis, conservarint veram fidem, quamdiu Romanæ fidei adhæserunt; ex quo autem hanc unitatem deseruerunt, a vera Apostolica fide defecerint.

Obtrudat nunc quispiam & ingerat alium ejusdem Irenæi locum, ubi alias quoque Ecclesias Apostolicas laudans, harum traditionem consulendam significat. Id sane tunc poterat jure fieri, cum illæ tenebant necessariam cum Romana fide unitatem. Nunc vero postquam ab hac unitate desciverunt; & sola Romana veram Apostolicam fidem una cum ceteris catholicis Ecclesiis tenet, semperque tenebit immotam & integram; quis catholicus ad eas consulendas hæreticos provocet? Hinc certe Irenæus etsi suo ævo laudavit aliarum Apostolicarum Ecclesiarum traditionem; non tamen de illis, sed de sola Romana affirmavit necesse esse cum fide ipsius unitatem tenere, & affirmavit quidem propter potentiorē primatum, qui soli Romanæ Ecclesiæ, *Alia ob-  
jectio solvi-  
tur.*  
*Lib. 3. de  
hæres. c. 4.*

*Ballerinius de Potestat. Eccl.*

K k

seu

feu solis ejus Pontificibus competit. In refellenda conditione consensus Ecclesiæ, quam multis rejeci lib. *De vi primatus* c. 14. num. 27. & in celebri Irenæi testimonio quod eodem in libro fusc exposui, iterum hic diutius aliquando immorandum fuit, ne forte aliquod subterfugium subinde detectum, si non dilueretur, quempiam impediret: sicque certa remanet tertia propositio, quæ Apostolicam auctoritatem ita per se sufficientem esse debere statuit ad unitatis finem exigendum, ut alius cujusquam auctoritatis præsidio aut conditione consensus non egeat.

## §. IV.

## QUARTA PROPOSITIO.

*Auctoritas, quæ sit per se sufficiens ad exigendam & conservandam fidei unitatem in tota Ecclesia, ea vi prædita esse debet, quæ ad unitatem obliget non aliquos tantum, sed omnes Christianos, non tam distributive quam collective sumptos, ex quibus sumptis collective constat ipsa catholica Ecclesia.*

Si quos enim non posset ad fidei unitatem vi idonea obligare, non esset auctoritas per se sufficiens ad custodiendam in tota Ecclesia unitatem fidei, quæ non ex aliquorum tantum, sed ex omnium Christianorum fide coalescit (2). Specialem difficultatem nonnulli adversarii cum Febro-

---

(2) Ut in tota Ecclesia una servetur ab omnibus, definitiones fidei, quas ob conservandam in tota Ecclesia hanc fidei

Febronio movere solent quoad Episcopos, qui cum jure divino sint judices præsertim in materia fidei; judicis naturam non pati existimant, ut ad assentiendum definitionibus Pontificiis obligentur, ita ut ab ipsis dissentire non possint. Hanc vero difficultatem penitus sublatam reor ex iis, quæ disserui in lib. *De potest. Eccl.* cap. 2. n. 3. pag. 28. Cum Christus ob conservandam in Ecclesia fidei unitatem Petro in mandatis dedit, ut in fidei dissensionibus a demone excitandis confirmaret, hoc est, in vera fide, seu in unitate ejusdem fidei contineret *fratres*; fratrum profecto nomine Apostolos & Apostolorum successores Episcopos indicasse, & in id exequendum ex fine & officio primatus auctoritatem per se sufficientem, sine qua unitas non potuisset conservari, Petro ejusque successoribus traditam ab eo fuisse dubitare non licet. Necessitas conveniendi cum Romanæ Ecclesiæ fide, quam vi potentioris primatus omnibus undique fidelibus impositam affirmavit S. Irenæus laudatus paragrapho præcedenti, Episcopos non excipit. Immo hos potissimum obligari fatendum est. Cum enim ipsi sint præcipua Ecclesiæ membra, at subordinata supremo capiti in idem unitatis bonum, ut in custodiam unitatis potissimum fidei cooperentur, atque cum ipso in unum conspirent; cavere vel maxime debent, ne a debita cum eo unitate umquam declinantes, scissuras foveant præsertim in fide. Subscriptiones definitionum fidei, quas ab Episcopis præcipue exigere antiquissimus mos fuit, jus in hoc Pontificium obligandi ipsos Episcopos aperte testantur.

K k 2

§. V.

unitatem edunt Pontifices jure primatus, ea vi prædictæ esse debent, & ita obligare omnes, ut in tota collectione Ecclesiæ nullus sit, qui post definitionem licite possit dissentire a dogmate definito, uti ante definitionem poterat. Id est, quod dici solet obligare omnes non di-

tributive tantum, sed *collective*: nec aliter ipsæ definitiones conciliorum generalium, quæ sane totam collectionem adstringunt, obligant omnes *collective*. Hanc Pontificiam auctoritatem in omnes *collective* ex proposito constitui in opere *de potest. Eccl.* cap. 4. §. 3.

## §. V.

## QUINTA PROPOSITIO.

*Auctoritas, quæ in conservationem unitatis fidei definitiones dogmaticas edit, his definitionibus dogmaticis, ut in conservandam fidei unitatem sufficiant, obligare debet omnes, non ad meram exteriorem observantiam, sed ad assensum & obsequium mentis: quod cum fidei necessarium sit, sine eo fidei unitas servari non possit.*

Hoc mentis obsequium, quod ipsæ definitiones Apostolicae exigunt, ut Apostolica auctoritas sit per se sufficiens ad conservandam unitatem fidei, omnino necessarium comprobatur debitum obedientiæ, quam eidem auctoritati definienti aliquod dogma deferendam interno *mentis obsequio* seu assensu vel adversarii Galli fatentur. Vide lib. *De vi primat.* c. 23. n. 74. & seqq. ubi inter alia attulimus trium & triginta Episcoporum Galliæ testimonium in litteris ad Innocentium X. scriptis an. 1653. die 15. Julii; eandemque obedientiam deferendam ex *subordinatione hierarchica* ipsi Episcopi testati sunt in aliis ejusdem temporis litteris ad Episcopos regni, de quibus vide lib. *de potest. Eccl.* c. 2. n. 4. Idipsum quoque confirmarunt Gallicani occasione celeberrimi *casus*, ut vocabant, *conscientiæ*, qui cum externum, non autem internum obsequium definitionibus Romanorum Pontificum exhibendum præferret, iisdem Gallicanis postulantis Pontificia auctoritate damnatus, & damnatio ab illis non solum recepta, sed laudata etiam fuit, ut explicavi in lib. *De vi primat.* loc. cit. Nemo ab hoc debito mentis obsequio subtrahendos putet Episcopos, qui *hierarchica*

*ethica subordinatione* eidem obedientiæ præstandæ, quam jurejurando spondederunt, non minus quam laici, sed multo magis obligantur.

Qui ex doctrina synodi Constantiensis ipsas (3) particulares Ecclesias ac Synodos particulares Apostolicæ auctoritati subjectas agnoscunt, dubitare nequeunt quin omnes saltem particulares (quantumvis Episcopi) definitionibus Apostolicis obligentur. litantum, qui cum<sup>o</sup> Febronio & Gerlone existiment eas definitiones obligare (4) *saltem* \* Cap. 2. §. 4. n. 4. pag. 51. t. 1.

K k 3

ad

(3) Si nemini particulari liceat dogmatizare contra definitiones Apostolicas, quamdiu Ecclesia non reclamatur, a quo ut (quod dicit Febronius) *Provisorie illis obsequendum sit*; quomodo fieri possit ut aliquando reclamat Ecclesia, quis congrue explicet? Numquam profecto id eveniet, nisi quidam in particulari adte contradictionem Ecclesie incipiant se se opponere, & contra editam definitionem aliquid declarare contra superioris sententiam, quod particularibus saltem illicitum esse adversarii negare non possunt. Nec vero ex illicita aliquorum particularium contradictione expectari potest juridica contradictio Ecclesie, quæ semper adhæsit, & adhæsuræ est centro unitatis fidei, quocum omnes undique fideles, ipsamque Ecclesiam convenire necesse est *propter potentiorum principālitatem*. Si soli se se opponere audeant, qui nec potestatem primatus potentiorum ac per se sufficientem agnoscunt, nec se

quamvis particulares eidem potestati subjectos, nec debitæ unitati atque obedientiæ mentis quæ obsequium exigenti obnoxios arbitrentur.

(4) Hæc thesis, qua cum Gerlone asserit Febronius, definitionibus judiciiisque dogmaticis Summorum Pontificum esse obsequendum *provisorie*, saltem *non dogmatizando contrarium, quamdiu non reclamatur Ecclesia*, a nemine conciliari poterit cum illis ejusdem Febronii verbis cap. 2 §. 8. t. 1. pag. 62. Si ex *insperato Pontifex extra concilium ita ediceret, ut in ejus eloquio Ecclesie suam traditionem non recognoscerent, his competit jus contradicendi*. De particularibus Ecclesiis seu Episcopis Febronius hic loqui indicant sequentia, quibus *justam* hoc casu *Ecclesiarum particularium contradictionem* appellat. Voces autem præmissæ ex *insperato ediceret*: definitionem vix editam innuunt, antequam posset innotescere dissensus, seu contradictio catholicæ Ecclesie. Si particularibus saltem Ecclesiis non li-

ad non dogmatizandum contrarium, quamdiu Ecclesia non reclamatur; contenti esse videntur obsequio illo externo, quod contradictionem exteriorem impediatur. At in exteriori huiusmodi obsequio, cui non respondeat obsequium & assensus mentis, nonne simulationis & mendacii vitium includitur? Quenam esset isthæc obedientia atque subordinatio hierarchica, quæ simulando & mentiendo obsequeretur?

2. Cor. 10. 5. Certe unitas fidei, qua ex Apostolo captivatur omnis intellectus in obsequium Christi, præter externum obsequium, assensum interiorem efflagitat, ut omnes in materia fidei  
 Rom. c. 12. idipsum invicem sentiantur, & idipsum dicamus omnes.  
 1. Cor. 12. 16. Huic ergo unitati in tota Ecclesia servandæ si vis per se  
 1. Cor. 12. 20. sufficiens Apostolicæ auctoritati attributa dicenda est; negari non potest definitiones Apostolicas obligare ad assensum etiam internum, sine quo unitas fidei servari non posset.

## S. VI.

et dogmatizare contrarium, antequam reclamet Ecclesia; quomodo licere eisdem potest contradicere, si ante detectam contradictionem Ecclesiæ suam traditionem in definitione vix edita non recognoscant? In eo, qui falsam sententiam propugnat, quam facile est contradictionem aliquam invenire! Neque Febronium juvat conditio, si in Pontificia definitione particularis illa Ecclesiæ suam traditionem non recognoscerent. Nonne ex S. Irenæo didicimus certam regulam veræ fidei discernenda ab errore esse Romanæ

Sedis traditionem, cum qua ob primatus vim potentior omnes undique fideles, & Ecclesias omnes convenire necesse est, & in qua semper ab his qui sunt undique conservata est ea quæ est ab Apostolis traditio? Nōne ex hac regula ad eandem traditionem Romanam exigenda est particularium Ecclesiarum traditio; ita ut si qua eum ea non concordet, tamquam error repudianda sit? Quis defendere julte potest contradictionem iis definitionibus, quibus debetur unitas & obedientia fidei?

## §. VI.

## PROPOSITIO SEXTA.

*Pontificia auctoritas, quæ ab omnibus Christianis etiam Episcopis exigit obsequium & assensum internum proprium fidei erga definitiones a Summis Pontificibus editas, omnem dubitationem debet excludere, ita ut dubitare non liceat, num illi, cum fidei controversias definiunt, in ipsa definitione errent.*

Assensus internus proprius fidei, quo captivandus est intellectus in fidei obsequium, cum dubitatione conjungi nequit; ac propterea simplex dubium circa aliquod dogma sufficit ad violandam fidem. Auctoritas autem, quæ omnem dubitationem debet excludere, omnimodam certitudinem afferat necesse est: alias esset insufficiens per se ad conservandam in Ecclesia fidei unitatem. Porro definitiones Apostolicæ circa fidem per se omne dubium excludere, & omnimodam certitudinem parere ex antiquis exemplis & Patrum testimoniis liquet. Sic S. Augustinus definitione Apostolica contra Pelagianos causam finitam, totamque dubitationem sublatam prodidit. Vide lib. *De vi primat.* cap. 13. n. 50. & 51. Similiter S. Coelestinus, & S. Leo, cum definitiones ediderunt, unus contra errorem Nestorii, alter contra illum Eutychis, eas ita certum assensum exigere crediderunt, ut noluerint in ipsis generalibus Conciliis Ephesino atque Chalcedonenſi de Apostolicis judiciis quæſtionem moveri & judicari. Vide ibidem n. 59. & 66. Idem est de aliis aliorum Pontificum definitionibus dogmaticis, quas

fi



si quandoque novo examini in œcumenicis synodis ali jua-  
tenus subijci passi sunt; non ea de causa id permiscere, quasi  
licere crederent de iisdem ambigere, sed ut nova discussio-  
ne dubitantes aut repugnantes cœnviçti, ad unitatem ad-  
ducerentur; aut eorum peryicacia atque perversitas eviden-  
tius patefieret, ne ignaris aut minus cautis fucum facerent.  
Unitatis bonum, ob quod vindicandum Pontificia auctori-  
tas fuit instituta, Romani præsules ita præstare censuerunt,  
ut ( quod §. 3. monuimus ) media omnia sibi tentanda  
duxerint, ex quibus unitas sperari posset, etiamsi aliquod  
forte suæ auctoritatis dispendium, seu offensio aliqua exin-  
de timenda videretur apud eos, qui fortassis ex novæ hu-  
jus discussionis indulgentia Apostolicas definitiones non omni-  
no certas deducerent. Has autem ita certas per se se ha-  
buerunt Episcopi Gallicani, ut suam fidem in Eutychis  
causa certam omnino & catholicam agnoverint, ex quo  
ipsam cum fide a Leone definita concordem deprehende-  
runt; non autem e contra fidem a Leone definitam certam  
habuerint ex eo, quod cum suarum Ecclesiarum fide con-  
veniret. Vide ibidem n. 76. & 77. (5). Id ex principio  
antiquissimi Gallicani Episcopi S. Irenæi didicerunt, qui  
veritatem ab errore discernendam docuit ex concordia cum  
Romana fide, ita ut certa regula dignoscendæ veræ fidei  
sit Romanæ Ecclesiæ fides. Cum enim ex ejusdem Irenæi  
doctrina necesse omnino sit omnes undique fideles, & Ec-  
clesias omnes concordare cum Romana fide; aliarum uti-  
que omnium catholicarum Ecclesiarum fides eadem esse de-  
bet ac fides Romana: quod idem est ac dicere Romanam  
fidem eandem esse ac fidem omnium catholicarum Eccle-  
siarum, idest ipsius Ecclesiæ catholicæ. Fidem autem ca-  
tholicæ Ecclesiæ cum veram fidem esse certissimum sit;  
certissimum quoque erit veram fidem esse Romanam, cum  
qua omnium aliarum catholicarum fides debet concordare;

ac

---

(5) Hinc Romanæ fidei certitudinem fidei petendam pro-  
nuntiauit: *A qua fidei certitudo  
petenda est.* Tom. 2. ed. t. Da-  
pin. p. 136.

ac propterea ad veram catholicam fidem certo dignoscendam non sit opus inquirere, quænam sit aliarum Ecclesiarum fides; sed Romanæ fidei inquisitio & cognitio sufficiat.

Traditionis testimonia fufe descripta in alio opere *De vi primat. c. 13.* dum probant necessitatem unitatis fidei cum Romana fide, quam in controversiis definiunt Summi Pontifices, probant simul certum assensum fidei definitionibus Apostolicis præstandum, & omnis dubitationis expertem.

## §. VII.

### PROPOSITIO SEPTIMA.

*Auctoritas Pontificia, cujus definitiones dogmaticæ in conservationem unitatis fidei editæ obligant totam Ecclesiam ad assensum fidei ipsis definitionibus præstandum, omni dubitatione exclusa, in definiendo infallibilis dicenda est, ut ipsa Ecclesia ex promissis Christi est infallibilis.*

In hac propositione infallibilitatem definitionum, quas edunt Summi Pontifices, ex infallibilitate totius Ecclesiæ, quam omnes catholici ex certis promissis ipsi Ecclesiæ factis indubie fatentur, deducimus. Si enim ex constitutis hætenus vis & ratio primatus, instituti ob conservandam unitatem potissimum fidei in tota Ecclesia, vim per se sufficientem requirit ad exigendam hanc unitatem & fidei assensum a tota Ecclesia præstandum definitionibus Apostolicis; tota vero Ecclesia ex Christi promissis infallibilis in errorem fidei nequeat deduci; infallibilis profecto dicenda erit in his definitionibus Apostolica auctoritas, ne si in

*Ballerinius de Potestat. Eccl.*

L 1

istas

istas posset fidei error irrepere, Ecclesia catholica, quæ ad assensum obligatur, in errorem inducatur. Hæc prærogativa peculiaris auctoritatis Pontificiæ per se, quippe quæ per se obligat totam Ecclesiam, non est communis aliis Episcopis, aut conciliis particularibus, quæ non obligant nisi suos subditos atque Ecclesias particulares. Hæc nimirum Ecclesiæ cum non ita sint infallibiles, ut universalis Ecclesia infallibilis est; illorum auctoritatem infallibilitatis privilegio gaudere opus non est; ac proinde errare possunt Episcopi & concilia particularia, uti sane multubinde errarunt Apostolicarum etiam Ecclesiarum Episcopi cum suis particularibus Ecclesiis: immo jam hoc tempore omnes aut fere omnes a vera fide aberrasse dolemus, & ab Ecclesia catholica defecisse. Si autem quæras, cur defecerint & aberraverint; invenies hanc veram causam fuisse, quia cum Romana Ecclesia catholicæ fidei centro non custodierunt fidei unitatem, quam cuique servandam ex prærogativa primatus non solum Irenæus, sed universalis etiam traditio docuit.

Hinc patet distinctio inter definitiones editas a Romano Pontifice & illas ab aliis particularibus Episcopis aut synodis; & cur ex Pontificii primatus auctoritate, non vero ex auctoritate Episcoporum aut synodorum particularium definitionum infallibilitas consequatur: quia videlicet Romani Pontificis auctoritas obligat ad unitatem & assensum universam Ecclesiam, auctoritas vero aliorum Episcoporum aut synodorum particularium per se non obligat omnes, nec totam Ecclesiam, sed suos subditos & suas Ecclesias particulares, quæ non sunt infallibiles, uti est infallibilis Ecclesia catholica.

Fateor antiquos, cum vim obligandi tribuerunt Episcopis etiam particularibus, haud existimasse necessarium affirmare ipsos, ut ad unitatem suos subditos obligarent, esse infallibiles; sed credidisse sufficere in id eorum potestatem a Deo institutam, cui inferiores debent obedientiam, & in materiis fidei legitimum etiam mentis obsequium præstare ex illis Evangelii: *Qui vos audit, me audit* &c. ut cum Petro Aurelio.\* Febronius notavit. Cum vero particulares Episcopi per se non obligent ad unitatem totam Ecclesiam, neque idcirco ita infallibiles dicendi sint,

*Luc. 11. 16.*

\* *cap. 4. §. 2. dit* &c.

*n. 13.*

ut cum Petro Aurelio.\* Febronius notavit. Cum vero particulares Episcopi per se non obligent ad unitatem totam Ecclesiam, neque idcirco ita infallibiles dicendi sint,

di sint, ut tota Ecclesia est infallibilis; sed eorum auctoritas non extendatur per se extra suos subditos & Ecclesias particulares: sicut non repugnat hos & has errare circa fidem; ita in his infallibilitas certa non est nisi ea conditione, si concordent cum fide Ecclesiae catholicae, seu cum Romana, quacum totam Ecclesiam catholicam convenire necesse est, adeo ut ex concordia cum hac discernendum sit, quanam Ecclesiae particulares teneant veram fidem, & e contra eae cognoscantur a vera fide descivisse, quae cum Romana non conveniunt. Hinc unitas cum Romana fide absolute necessaria est: ac proinde infallibilitatis praerogativa absoluta illi est tribuenda, & vis coactiva ad fidei unitatem pariter (6) absoluta; sicuti absoluta est item infallibilitas & vis coactiva ipsius Ecclesiae catholicae, quae Romanae fidei adhæreat oportet, ut ex Irenæo accipimus.

L I a

§. VIII.

(6) Alia ratione hanc infallibilitatem fidei a Romanis Pontificibus definitam ex eo deducere libet, quia Romana fides ab illis definita eadem est ac fides totius Ecclesiae catholicae. Duo in hanc rem concinentia S. Irenæi & S. Augustini testimonia expendenda sunt. Cum S. Irenæus loco sapientius laudato docuit, necesse esse omnes qui sunt undique fideles, omnesque proinde Ecclesias convenire cum Romanae Ecclesiae fide; proculdubio significavit omnium catholicarum Ecclesiarum fidem eandem esse cum Romana, ideoque hanc præcipue commendavit, inquit Bossuetus lib. 10. al. 15. Defens. c. 14., cum profecto certum esset non potuisse fieri, ut a reliquis Ecclesiis discreparet (Romana traditio)

in qua omnes unitatem servare debeant. Quod de fide ac traditione Romana scripsit S. Irenæus, S. Augustinus expresse prodidit de fide, quam Romani Pontifices definiunt. Et enim lib. 1. in Julianum cap. 2. loquens de definitione Innocentii ad Africenos missa contra hæresim Pelagianam ait: *Quid enim potuit ille vir Sanctus Africanis respondere conciliis, nisi quod antiquitus Apostolica Sedes & Romana cum ceteris tenet perseveranter Ecclesia?* Quam belle concinit Augustinus cum Irenæo? Ex textu Irenæi omnium catholicarum Ecclesiarum fides, convenire debet cum Romana; & ex Augustino Romana fides ab Innocentio definita, non potuit non convenire cum fide ceterarum Ecclesiarum, quam

## §. VIII.

## PROPOSITIO OCTAVA:

*Eadem Pontificum infallibilitas evincitur vel maxime ex promissis Christi factis S. Petro, ac ex traditione Patrum.*

Romanorum Pontificum infallibilitas in definitionibus fidei ex Ecclesiæ catholicæ infallibilitate ac ex promissis Christi factis Ecclesiæ hætenus deducta, innititur etiam duabus illis ejusdem Christi promissionibus S. Petro factis, *Et portæ inferi non prævalebunt adversus eam; Et oravi pro te, ut non deficiat fides tua.* Non inficiantur adversarii hæc Evangelica testimonia pertinere ad primum, quem horum verborum contextu Christus instituit in Petro, ac proinde jure a catholicis ea afferri ad probandum ipsum primum. Hæ itaque promissiones Christi ad primum referendæ sunt: ac proinde non ad unum S. Petrum sunt restringendæ, sed pleræque spectant ad omnes Romanos Pontifices, qui eodem primatu fruuntur. Enimvero cum ejusmodi promissiones factæ fuerint Petro in bonum unitatis fidei ab eodem custodiendæ in Ecclesia catholica jure primatus; proculdubio pertinent etiam ad ejus successores

---

Romana Cum CÆTERIS tenet perseveranter Ecclesia. Romana ergo fides, quam Pontifices definiunt, eadem est ac fides aliarum catholicarum Ec-

clesiarum, ac proinde est eadem ac fides totius Ecclesiæ catholicæ. Infallibilis igitur sit oportet, uti Ecclesiæ catholicæ fides infallibilis est.

cessores, qui ex officio & sine primatus unitatem fidei in tota Ecclesia debent custodire. Neque enim dubitare licet, quin Christus, qui primatum instituit ob conservandam in tota Ecclesia unitatem *maxime in fide*, promissiones in eundem finem Petro factas ad omnes ipsius successores extenderit: cum præsertim auctoritas omnino tuta in Petri successoribus eo magis esset necessaria quam in aliis Episcopis successoribus Apostolorum, *quo minus horum fides erat confirmata, quam fides Apostolorum*, ut Bossuetus <sup>a</sup> notavit. Hinc sane eas promissiones Petro factas successoribus ejus aptavit traditio, quam explicavi in libro *De vi primatus* c. 15. §. 2. & 3. Immo etiam Gallicani Episcopi eas ab ipso Christo præsumperunt, & indicarunt aptatas, cum in litteris ad Innocentium X. scriptis die x. Julii an. 1653. affirmarunt, judicia Sedis Apostolicæ in negotio fidei a Pontificibus Romanis edita, non solum *summa & divina auctoritate*, sed etiam **CHRISTI POLLICITATIONE NIXA**; ita ut his de causis ipsum mentis obsequium requirant. Idipsum comprobatur ea Patrum traditio, quæ Bossueto cum ceteris adversariis assentiente Romanam fidem a S. Petro in Apostolica Sede depositam *innotam & indefectibilem* esse & semper futuram pronuntiat; idque Christi promissis attribuendum agnoscens in libro *De promissis Christi factis Ecclesie* ubi agit adversus hæreticos, qui Ecclesiam visibilem in fide posse deficere autumant, indefectibilitatem fidei ejusdem Ecclesiæ, quæ cum Romana fide unitatem custodit, ex promissis Christi deducens scripsit: *Si ergo firme adhærebimus huic cathedræ (idest doctrinæ ex hac cathedra editæ) tuti erimus ex Jesu Christi promissis*. Apertius vero lib. 12. al. 15. Defensionis c. 7. ex veteri formula fidei, quam omnes Ecclesiæ subsignarunt, & tota Ecclesia approbavit, minime dubium esse pronuntiat, *Sedis Apostolicæ & Ecclesiæ Romanæ fidem integram & perfectam soliditate constare, ac NE UMQUAM DEFICIAT, CERTA DOMINI POLLICITATIONE FIRMATAM*, Fidei, quæ certa Domini pollicitatione firmata est, ne umquam deficiat, nonne certa infallibilitas est asserenda? Neque reponas, his testimoniis sermonem esse de fide Sedis, seu Ecclesiæ Romanæ, non de Pontificum fide, seu definitione ab ipsis edita. Quidquid enim ad Sedem,

\* Medit. in  
Evang. ver-  
ba recitavi.  
*De vi pri-  
mat. c. 14.  
n. 22.*

Textum de-  
di lib. de vi  
primat. c. 14.  
p. 254. not. 1.

cathedram, Ecclesiamque Romanam pertinet vi & ratione primatus, Romanis Pontificibus (ut sæpe diximus) tribuendum est: vi autem ac rationi primatus tribuitur, quidquid pertinet ad custodiendam unitatem maxime in fide. Quis igitur Pontificiam infallibilitatem tam certis promissis, ac traditione, ipsiusque Bossueti non obscura confessione probatam repudiet? (7)

## §. IX.

(7) Scio eundem Bossuetum lib. 10. *Defensionis* c. 15. tom. 2. pag. 208. non modicum niti, ut traditionem Patrum, qui promissiones Christi Petro factas Summis Pontificibus aptant, ea interpretatione distorqueat, qua ex formulæ apud ipsos Patres non certam fidem, aut omnimodam certitudinem alibi significant, sed piam fiduciam tantum, & meram præsumptionem, qua scilicet pie creditur numquam futurum, ut iudicia ipsorum etiam circa fidei controversias a veritate deficiant, ut ne exinde infallibilitas proprie dicta deduci queat. Duo in id assert, I. non absimiles fere formulas a quibusdam antiquis applicari particularibus Episcopis, quos tamen nemo infallibiles somniavit: II. quædamque etiam legi de Summis Pontificibus in aliis materiis, in quibus eos posse errare omnes nobiscum sentiunt. Qui vero his moventur, non advertunt magnum, quod interest, discrimen inter alios atque Episcopos Romanos Pon-

tifices; & inter definitiones proprie dictas, quæ ab illis emittuntur in negotio fidei, ac inter opiniones seu alia documenta ab iisdem scripta in aliis materiis.

Qui prima animadversione moventur, considerent dicta §. 7. pag. 266. ubi explicavi discrimen & rationem discriminis inter Papam & alios Episcopos, dum ferunt sententiam in materia fidei; & intelligent cur Pape, non vero aliis particularibus Episcopis judicantibus aliquid fidei dogma, infallibilitas tribuenda sit jure primatus, & ex promissionibus Christi, quas & Gallicanos Apostolicis de fide judiciis asseruisse, & Bossuetum quoque eisdem factis aptasse hoc paragrapho indicavimus: quæ non piam fiduciam, aut probabilem tantum præsumptionem, sed certam fidem, & fidei certum assensum requirunt. Qui autem altera animadversione impediuntur, si considerent Christi promissiones ac traditionem Patrum respicere solas defini-



## §. IX.

*Effugium Bossueti distinguentis inter seriem & personas Pontificum quam inane & repugnans.*

Scio movere errores quibusdam Pontificibus attributos, quibus Bossuetum adeo permotum fuisse \* vidimus, ut ne \* *De vi pri-*  
secum, & cum traditione ac promissis Christi a se quoque *matius c. 15.*  
agnitis videretur repugnare, distinctionem plane novam in- *n. 18.*  
vexerit, qua Romanorum Pontificum fidem immotam &  
indefectibilem dicendam esse affirmavit in eorum serie ac  
successione, non vero in singulis Pontificibus, cum quos-  
dam ex ipsis in fide defecisse ex aliquot gestis negari non  
posse arbitretur. Hæc vero distinctio, quæ ex ipsa novi-  
tate suspecta esse debet, eo solum consilio potissimum in-  
vecta, ut Patrum traditionem, quæ Romanæ fidei indefe-  
ctibilitatem apertissime testatur, cum præsumptis quorum-  
dam Pontificum erroribus aliquatenus conciliaret, penitus  
rejicienda cognoscitur, quum ipsi traditioni opponatur ma-  
nifestissime. Ex traditione enim concedendum credi-  
tur, Romanam fidem immotam & indefectibilem es- \* *l. 10. ad. 15.*  
se. Cum porro eodem Bossueto auctore \* conceda- *Defens. c. 5.*  
tur, Romanam fidem non esse distinguendam a fide, Confer di-  
quam Summi Pontifices docent; istorum fidem in do- *cenda §. 12.*  
cendo esse immotam & indefectibilem est pariter conce-  
dendum. Quomodo autem eadem fides immota & indefe-  
ctibilis

---

tiões fidei editas ex fine & officio priuatus, quæ unitatem exigunt fidei, non vero opi- niones, aliave documenta Pon- tificia a definitione fidei di-

versa, quibus non ita debetur unitas uti definitionibus fidei; omnis difficultas protinus eva- nescet.

\* Confer.  
De vi pri.  
mat. c. 15.  
n. 28.

stibilis concipi potest in serie Pontificum, si aliquis ipsorum Ecclesiam docens deficere posset, & pro fidei dogmate errorem doceret ac definiret? Nonne quicumque inter illos deficeret, ad ipsam seriem pertineret? Nonne Christus ob conservandam unitatem fidei instituens auctoritatem primatus, hac auctoritate, quæ \* in aliquibus deficeret, minus congrue eidem unitati providisset? Neque dicas hoc casu Romanam fidem immotam adhuc & indefectibilem fore, unitatique satis provisum, quia Pontifex, qui erravit, vel per se errorem corrigit, vel a successoribus error corrigitur; sicque indefectibilis semper erit vera fides in ipsa serie, si non physice, certe moraliter; quæ moralis indefectibilitas ad traditionem Patrum, & promissiones Christi explicandas sufficit. Hæc vero alia distinctio cum opponatur fini primatus, quem declaravit traditio, commentitia & rejicienda cognoscitur. Quomodo enim primatus auctoritas, quæ in aliquo Pontifice fidem docente deficeret, & errorem fidei contrarium proponens, unitatem non posset exigere, ad fidei unitatem servandam esset per se idonea atque sufficiens? Hoc certe Pontifice auctoritas, quæ ex Christi institutione esse deberet potestas in conservationem unitatis, nonne esset medium in ipsius destructionem & scandalum? Si hac in circumstantia remedium expectandum esset a correctione, quam vel idem Pontifex, vel aliquis ejus successor, aut alius quicumque postea faceret; nonne antequam hæc correctio fieret, vera fides in serie Pontificum defecisset, & auctoritas, quæ per se habet vim obligandi, ad errorem deberet interim obligare?

## §. X.

*Errores Pontificum, qui ab adversariis opponuntur, ut in rem præsentem probarent aliquid, duo probanda essent: I. errorem, qui opponitur, ita esse certum errorem fidei ut nulla possit apta interpretatione purgari: II. esse præter-*

*præterea errorem definitionis dogmaticæ: Unus ejusmodi error congruè probatus, ad evertendam propositam thesim sufficeret. Nullus vero adversariis prodest; cum ex omnibus, qui obijciuntur, erroribus nullus sit error fidei certus, vel non sit error definitionis dogmaticæ.*

Systema de infallibilitate Pontificia in definiendis controversiis fidei, ex vi & ratione primatus deductum, & promissis Christi ac traditioni innixum, de quo in præcedenti libro *De vi & ratione primatus*, & hac in Appendice egimus, nonne demonstratum dici potuit? Quid demonstrationem ex certissimis principiis legitime constitutam posset infringere? Soli errores id possent: iique soli adversarios moverunt. Omnes siquidem conditiones & distinctiones, quibus vel principia ipsis opposita restringere, vel consequentiam ex principiis deductam studuerunt enervare, ad errores revocantur. Ideo enim debitum unitatis & obediendi definitionibus Apostolicis alligantur conditioni consensus Ecclesiæ, quia Ecclesia errare non potest; Pontifices autem in fide posse errare ex præsumptis erroribus certissimum judicant. Hæc quoque errorum certa præsumptio causam dedit distinctionibus inter Sedem Apostolicam & Præsidentem, inter infallibilitatem seriei seu successionis, ac illam singulorum Pontificum. Ut autem præsumpti errores vim demonstrationis constitutæ eliderent, & contra ipsam evincerent aliquid, duo essent præstanda.

I. Errores, qui opponendi credantur, deberent probari errores fidei ita certi, ut nulla congrua interpretatione possent explicari atque defendi. Si qua enim congrua ratione explicari & intelligi queat, quod errori tribuitur, cur pro certo errore traducatur; cum ex certa regula in dubio pro superiore semper sit præsumendum, nec in deteriorem partem sit accipiendum, quod in saniorum sensum explicari possit? Id autem tanto magis dicendum, ubi de thesi agitur, quæ ex certis principiis, nec non ex Christi promissis ac traditione Patrum demonstrata videtur: si *Ballerini de Potesat. Eccl.* M m quidem

quidem contra demonstrationem nulla obiectio per se insolubilis potest inveniri, adeo ut si præsto non occurrat vera solutio, non idcirco reipsa deesse dicenda sit, nec de eo, quod demonstratum est, sit dubitandum.

II. Quod si certus esset & evidens error in materia fidei, nihil tamen nostræ thesi ac demonstrationi obesset, si nequeat simul probari esse errorem in definitione fidei. Cum enim auctoritas Romanis Pontificibus tributa sit ad custodiendam in dissidiis unitatem fidei, unitas vero fidei in dissidiis seu controversiis circa fidem ab Ecclesiæ Præpositis non alia ratione vindicetur nisi expresse definiendo, quid vel credendum vel dammandum sit ex catholico dogmate; idque ita expresse atque præcise, ut obligatio assentiendi, unitatisque præstandæ ex ipsis verborum formulis innotescat; quidquid extra hujusmodi definitionum terminos est, nec satis exprimit debitum unitatis, sicut non refertur ad finem primatus, ita nec ex ea auctoritate primatus editum dici potest, cui infallibilitatis prærogativa tribuenda sit. Qui hanc restrictionem infallibilitatis ad solas definitiones fidei veluti novam atque violentam male audiunt, velim considerent duo. Primo animadvertant in utroque Evangelico textu, qui duplicem Christi promissionem ante memoratam continet, sermonem esse de varietate opinionum in materia fidei, quæ unitatem discinderet; & in utroque item promissiones Christi respicere fidem Petri, cui tamquam fundamento & centro unitatis omnes adhaereant, & quæ omnes ex præcipuo sine primatus in ejusdem fidei unitate confirmet, quod definitionibus efficitur. Adeo solas ejusmodi definitiones promissiones Christi respiciunt, & in his solis infallibilitas Pontificum requirenda. Secundo cogitent communem esse Theologorum doctrinam, in ipsis generalium conciliorum actis solas definitiones fidei vim infallibilem habere, & ad assensum cogere, nec obesse, si vel ratio definiendi, vel alia quædam actis obiter inserta difficultatem faceffant, aut a veritate abesse videantur. Vide, quæ in hanc rem Bossuetus cum Canio monuit lib. 3. Defensionis c. 1. & quæ eodem libro addit c. 24. ubi de quadam Bonifacii VIII. constitutione sermonem faciens, distinguenda esse ait, quæ Pontifex exponit in exordio, ab his quæ definit: *Hæc enim non ejusdem virtutis esse &*

Cur solis definitionibus fidei infallibilitas tribuenda.

tom. i. p. 270. nova edit.

pag. 319.

319.

319.

319.

*sæpe diximus, & OMNES consitentur.* Confer conditiones, quas ad proprie dictam definitionem fidei idem Bosuetus requirit, & ego quoque cum ipso requisivi in lib. *De vi primatus* cap. 13. pag. 315. ut error probetur in definitione fidei. Confer potissimum ibidem notata num. 36. pag. 377. ubi quamplurima Pontificia documenta a definitionibus segreganda ostendi. Ex his autem principiis contra infallibilitatem nihil probare potest error, qui vel certus omnino non sit in negotio fidei, vel ad proprie dictam definitionem nequaquam pertineat. Si non sufficit error, qui alterutra ex parte deficiat: multo minus sufficiet error, qui deficiat ex utraque.

Eja nunc percurrere singulos, qui opponuntur, errores; & invenies ne unum quidem reperiri, qui non ex uno, vel utroque etiam ex capite claudicet. Ne repetam, quæ dixi in libro *De vi primatus* c. 15. §. 7. & seqq. ubi præcipua errorum objecta expendi, hic tantum pauca adiciam de lapsu, qui Honorio oppositus, etsi potissimam & efficaciorum objectionem continere videtur, non una tantum, sed utraque ex parte laborat. Nimis profecto iniquum censorem ille se præferret, qui voces *unius voluntatis* in litteris ad Sergium ab Honorio usurpatis contenderet, ut Monothelítico sensu excluderet a Christo voluntatem humanam; cum ex contextu manifestum sit ipsum eam solam voluntatem humanam expunxisse, quæ ex originali culpa ac vicio divinæ voluntati repugnat: aut ex alia parte vellet definitionem ab eodem propositam pro asserenda Monothelítico sensu voluntate una, & operatione una; cum constet eum, qui nec unius, nec duplicis operationis aut voluntatis voces adhiberi volebat, nihil quoad hoc definisse, sed harum vocum usum spectasse, quas non ideo *ineptas*, & supprimendas censuit, perinde ac si nec unam, nec duas operationes ac voluntates in Christo extitisse crederet; qui duas naturas cum proprietatibus cujusque propriis confessus est; sed quia in illis circumstantiis, quæ spem afferebant pacis conciliandæ, minus aptus videbatur earundem vocum usus, qui unitati impedimento esset, nec dogmati quoad substantiam aliis verbis satis explicato necessarius putaretur. Hæc interpretatio, litterarum Honorii contextui congruens, ita Monotheliticum errorem saltem quoad substantiam abster-

De Hon-  
rio.

git, ut nonnisi iniquiori explicatione certus error prætendi possit. Cum autem quoad voces, tum unius, tum duarum operationum ac voluntatum appellationem Honorius removerit; palam sit eum nihil de hac ipsa verborum quaestione (8) definire voluisse, ex quo error, quicumque aliquot æquivocis verbis inesse cuipiam videatur, non definitionis error sit, sed omissionis, vel etiam subreptionis, & facti, seu æconomicæ dispensationis, quæ ad fidem non pertinent, ut pluribus explicavi loco laudato c. 15. n. 35. Neque infistas verbis Honorii in epistola ad Sergium, quibus dum affirmavit, *Hæc nobiscum vestra fraternitas prædicet, sicut & nos ea vobiscum unanimiter prædicamus*; eandem sibi & Monotheletis sententiam videtur asserere. Ex contextu enim liquet *unanimitatem* his verbis indicatam referri tantummodo ad suppressionem vocum *unius aut geminae voluntatis ac operationis*, quam Sergius petierat, nec non ad earumdem rationum vel momentorum usum, quæ ad ipsam suppressionem inducendam conferrent. Erravit quidem Honorius, dum suppressionem præscripsit earum vocum, de quibus erat quaestio. At cum ex ipsa suppressione cognoscatur eum nihil utrinque definisse, immo a definendo æconomicæ causa censuisse abstinendum; quis errorem, quicumque ei adscribendus credatur, errori definitionis potius, quam omissionis adjudicare potest? In quaestionibus quandoque excitatis circa voces aliquas aut sententias, quæ nunc in bonum; nunc in prævium sensum accipi queunt, error ex prava interpretantium mente dependet. Cum itaque ex earum vocum suppressione, aliisve Honorii vocibus minus caute usurpatis, ne quoad ipsam quaestionem non malo consilio quicquam definiret, Monotheletæ suo errori patrocinium quaesierint, totus error contrarius catholico dogmati prave interpretantium error fuit, non autem Honorii, neque definitionis, a qua apertissime & consulto abstinuit. Quid dicendum de ejus condemnatione facta in Concilio VI. œcumenico; explicavimus satis in præmisso.

(8) Hinc in secunda ad Sergium Epistola bis protestatur, *non debemus definire, non oportet definire.*



missio opere *De potest. Eccl. c. 5. not. 2.* Sed de Honorio nimis multa.

Similia de aliis Pontificibus, quibus errores opponuntur, asseri possent, & vel ab aliis infallibilitatis Pontificiæ vindicibus, vel etiam a me loco indicato allata fuerunt: (9) contra quæ si quis contentiosius insistat, nullo certo errore circa fidem probato, nulla producta definitione certa, in qua certus error insit, in cassum laborabit. Quod si adhuc non acquiescat ex quamplurium errorum præsumptione; indicet, quæso, unum suo iudicio evidentem, qui sit ita certus, ut nulla possit interpretatione congrue purgari, sitque error certæ definitionis dogmaticæ; & nihil dubito quin aptæ probationes vel alterutra, vel utraque etiam in parte deficient. Si autem ne uno saltem in errore id ex æquo præstare se posse deprehendat; infallibilitati Pontificiæ nec resistat diutius nec sententiam nostram, qua illam vindicare studui, veluti exilem aut de-

M m 3

spera-

(9) Quicumque ex. gr. absque præiudicio expenderit Nicolai III. decretalem. *Exiit, qua* S. Francisci regulam explicat, eamque contulerit cum decretalibus. Joan. XXIII. *Cum inter nonnullos, & Quia quorundam* tit. *De verborum significatione*, inveniet illum non accepisse voces *simplicis facti usum* pro usu rei alienæ invito Domino, qui sane usus fuisset injustus & illicitus, neque hunc usum tam injustum tribuisse Christo vel Apostolis, aut Franciscanis Apostolicam perfectissimam paupertatem professis, quod apertam hæresim contineret, ut Joannes XXIII. definivit: sed e contra illis vocibus accepisse licitum & moderatum rerum usum eisdem Franciscanis concess-

sum durante ut idem Nicolaus declarat, *concedentis licentia*, quæ significatio nihil injustum, vel illicitum, nihilque hæreticum præfert. Ita inter Joan. XXIII. & Nicolaum III. quoad substantiam nihil dissidii, etsi quædam verba separatim considerata aliquo modo dissidere videantur: nihilque superest, ex quo Nicolaus in hæresis suspicionem a Joanne adductus credatur. Hæc addenda suere, ut paucis & clarius expungantur quæ cum aliis adversariis ingressit Bossuetus in *dissert. prævia* §. 46. & in lib. 9. *Defensionis* c. 41. & seqq. tametsi in eadem dissertatione dubium notaverit, an duo illi Pontifices ea in questione *summa consentiant, verbis litigent.*



Proprie dictæ definitiones fidei quam  
stat.

desperatam traducat. Non ignoro quosdam, contrariæ opinionis præjudiciis occupatos, de memoratis conditionibus & restrictionibus, quæ errores, qui obijci solent, a quæstione præsentis alienos declarant, fuisse conquestos, eo quod hac methodo paucæ, immo nullæ sint veræ & proprie dictæ definitiones, quæ aliquem certum fidei errorem contineant, unde absoluta illis infallibilitas tribui non possit. Non abnuo. Immo ita his solis definitionibus infallibilitatem asserendam affirmo, ut si velint (10), in ceteris quæ non sunt proprie dictæ definitiones fidei, nec omnino exigunt unitatem & assensum fidei præstandum ex fine & officio

(10) In Pontificiis decretis, quæ veræ certæque definitiones fidei sunt, non minus quam in veris certisque definitionibus conciliorum generalium, quibus infallibilitatem omnes catholici adversarii asserunt, nullus fidei error invenietur. Quæ vero Pontificia decreta, ab iisdem opposita, aliquod erroris dubium inspergunt, non ad certas & proprie dictas definitiones pertinent, sed fere ad opiniones, quæ contineri solent in Pontificiis rescriptis atque responsis præsertim circa casus practicos, in quibus Romanos Pontifices consulere antiquus mos fuit. Cum enim illi ad Petri Sedem proVecti nec humanam conditionem deposuerint, nec facultatem opinandi; in casibus autem practicis, in quibus tuta sententia quaeritur, ad licite ac tute agendum non sit necessaria certitudo fidei, nec metaphysica, immo nec physica, sed moralis sufficiat, ut

multis probavi in libro *Moralium actionum regula in opinabilibus. c. 2.* Romani Pontifices in rescriptis ejusmodi respondere consueverunt, quod opinando ex prudentiæ regulis pro circumstantiarum varietate moraliter certum, seu probabilis crediderunt, vel tutius; idque fecerunt pariter in aliquot speculativis quaestionibus circa materiam fidei, in quibus certum dogma declarare & constituere ob vindicandam fidei unitatem necessarium non judicabant. Hinc illæ solæ definitiones fidei sunt, in quibus doctrinam fidei se declarare certis vocum aut formularum characteribus significant, ut ex officio ac fine primatus fidei unitatem custodiant & vindicent. Cum id in rarissimis casibus præsterint; nil mirum, si veræ & certæ definitiones Pontificiæ, quibus absoluta infallibilitas competit, rarissimæ sint; cumque in rescriptis ac

ficio primatus, Pontifices errare posse non negem, uti neque alii Pontificiae infallibilitatis propugnatores inficiantur; & siquidem hac ratione cum adversariis conveniamus, nulla in hoc erit amplius nobiscum quaestio. Satis nimirum mihi ceterisque ejusdem infallibilitatis propugnatoribus est, si hoc privilegium iis decretis Apostolicis asseratur, ad quae promissiones Christi, & finis ac officium primatus refertur; promissiones autem Christi & primatus officium ac finis ea solum Pontificia decreta respiciunt, quibus in controversiis & dissidiis circa fidem Pontifices fidei unitatem vindicare & custodire student: quod solis definitionibus proprie dictis assensum fidei exigentibus sit, cum ob dirimenda dissidia quid credendum aut condemnandum est, expresse declarant atque decernunt. Adversarii, qui vellent definitionis nomen indicatis conditionibus haudquaquam restringi, idcirco vellent, ut error aliquis in fide facilius inveniretur, quo infallibilitas Romanorum Praesulum manifeste revinceretur. Sed non excurrendum extra praemissos verarum definitionum limites; nec ad probandum contra propositam thesim idonei erunt errores, qui certi non sint in materia fidei, nec sint definitionum errores. Si autem nulli ejusmodi errores opponi queunt; nihil superest, ex quo Pontificia infallibilitas in definiendis controversiis fidei in dubium revocetur.

Si ita est (inquiet fortasse quispiam) eritne infallibilitas Pontificum in definitionibus omnino certa; & credendum ne assensu fidei, quidquid Pontifices circa fidem definiunt? Non dico credendum ex catholica fide, Papam in decidendis controversiis fidei esse infallibilem: fidei quippe dogma non est, quod inter catholicos controvertitur, & ab Ecclesia nondum est expresse definitum: unde haeretici non habentur adversarii ceteroquin catholici, qui sententiam infallibilitati Pontificiae contrariam propugnant. Di-

60

\* *Vid de  
potest. Eccl.  
.....*

decretis, quae obijci solent, omne dubium non circa definitiones, sed circa opiniones versari praemissa verarum definitionum

notio patefaciat; haec (etiamsi errorem aliquem continerent) extra propositum opponi manifestum est.

co tamen obediendum esse Papæ; cum ex fine & officio primatus definit aliquid credendum vel damnandum ex catholica fide; & obediendum quidem his Apostolicis judiciis etiam assensu fidei & obsequio interno, ut vel Galliani Episcopi confessi sunt; & ita præstandam ipsis eam fidei unitatem, quam cum centro catholicæ unitatis necessariam traditio docet. Infallibilitatem Papæ in ejusmodi definitionibus atque judiciis hinc sequi atque deduci legitima & evidenti ratiocinatione demonstratam existimo. Si vero hujus corollarii atque demonstrationis evidentiam, quam ipsis etiam Christi promissis & oratione confirmavimus, adversarii præjudiciis impediti non percipiunt; non multum fortassis refert ad praxim, dum fidei unitatem, quæ *propter potentiorē principalitatem*, ut Irenæus loquitur, est penitus necessaria, & obedientiam cum assensu cordis dogmaticis Apostolicæ sedis judiciis debitam præsent. Illud porro serio animadvertant, non peccari tantum, quando quis contra propositiones certa fide propositas aut definitas agit aut sentit, sed etiam quando se se opponit propositionibus, quæ ex certis Theologicis principiis legitime deductæ & evidenter sunt demonstratæ. Quæ culpa in re præsentī eo magis evidens agnoscetur, si adversarii iis principiis, quæ non inanibus ratiociniis, sed certissimis auctoritatibus ac documentis nixa, ab ipsis adversariis concedenda fuere, se se opponant, idquæ non methodica ipsorum principiorum discussione, ad quam provocavimus, sed aliquot tantum præsumptis erroribus, ad quos totam revocant quæestionem, qui tamen non sunt certi errores fidei, nec ad fidei definitiones pertinent, de quibus solis est disputatio. Illud tandem oppositores, si qui erunt, moneo, etiam atque etiam videant, quæ se possint æqua ratione ab omni culpa purgare coram Deo, dum infallibilitatem Pontificiam eo nomine impugnaturi, quia dogma catholicum non est, non paucos hoc tempore erga Pontificiam auctoritatem non bene animatos excitabunt ad eam contemnendam atque carpendam in ipsi definitionibus fidei, sicque a debita fidei unitate atque obedientia plurimos retrahent. Si de solius-disciplinæ materiis, in quibus unitas cum Romana sede omnibus Ecclesiis jure divino necessaria non est, tota esset concertatio (salva tamen semper Apostolica potestate,

testate, & debita moderatione adhibita); non esset magno-  
pere laborandum. At certamen in materia fidei, in qua uni-  
tas cum Romana fide catholice unitatis centro est maxime  
necessaria, certamen, inquam, eorum, qui huic unitati  
impedimentum asserunt, quis excusare & defendere potest?  
Nonne id est apertissime se se opponere institutioni &  
consilio Christi Domini, qui Pontificio primatu unitati po-  
tissimum fidei prospicere voluit: ut omnes cum ea pote-  
state conspirantes, eidem unitati custodiendæ cooperentur,  
nulli autem resistentes & oppugnantes, in ipsa fidei unita-  
te scissuras & dissensiones pariant aut foveant?

### §. XI.

*Num sententia, quæ infallibilitatem Pontificis de-  
finitionibus in materia fidei tribuit, antiquis  
fuerit ignota.*

Ab hac Appendice calamum nequeo subducere, nisi  
prius a sententia, quæ infallibilitatem Romanis Pontifici-  
bus in fidei definitionibus asserit, novitatis notam abster-  
gam, ejusque antiquitatem aliqua non obscura ratione con-  
stituam. Ut autem hujus sententiæ probetur antiquitas,  
haud opus est eam expresse infallibilitatis vocabulo inveni-  
ri apud antiquos, sed sufficit, si æquivalentibus verbis at-  
que sententiis fatis declarata vetustis testimoniis monstre-  
tur, nihilque solidum ex antiquis Scriptoribus contra op-  
poni queat. Antiquitatem sane ejus sententiæ nonne æqui-  
valentibus verbis atque sententiis fatis declarant antiqui il-  
li Patres, qui Romanam fidem immotam, indefectibilem,  
perpetuo conservatam, petramque solidissimam testantur,  
contra quam non prævalebunt unquam portæ inferi, &  
pro qua Christus rogavit, ne deficeret; nec non ii, qui  
has Christi promissiones aptarunt fidei, quam Pontifices  
Romani Petri successores docent atque definiunt, ut unita-  
tem

*De primat.  
c. 15. §. 4.*

*ib. c. 2. §. 3.*

*Ballerinius de Potestat. Escl.*

N n

tem ejusdem fidei ex fine & officio primatus custodiant; *De primat.* & ita aptarunt, ut affirmarint S. Petrum in ipsis fidem  
*c. 13. §. 14.* definientibus loqui & docere fidei veritatem? Adversarii,  
 qui tot antiquorum testimonia a me allata in libro *De vi*  
*& ratione primatus* eludere nisi sunt eo nomine, quod lo-  
 quantur de fide sedis seu Ecclesiæ Romanæ, non de ipsis  
 definitionibus Pontificiis; perinde ac si prærogativæ com-  
 petentes sedi aut Ecclesiæ Romanæ ratione primatus, non  
 sint alligatæ personæ ipsorum Pontificum vel fides sedis  
 aut Ecclesiæ Romanæ alia sit a Pontificum fide, ipso Bos-  
 sueto hanc distinctionem reprobante, rejiciendi sunt: sicuti  
*Ib. c. 15. n. 17* non minus ineptam ac repugnantem ostendi aliam ejusdem  
 Bossueti distinctionem, qua fidem seriei ac successionis sum-  
 morum Pontificum infallibilem & indefectibilem agnoscer-  
*Ib. n. 18.* dam concedens, distinguendam credidit a fide singulorum  
 Pontificum, quorum aliquos in fide errasse ac defecisse  
 existimat. Hæ nimirum distinctiones aliaque ejusdem ge-  
 neris effugia ab adversariis excogitata, ut antiquæ tradi-  
 tionis testimonia de indefectibilitate fidei Romanæ cum sua  
 sententia aliqua ratione conciliarent, cum per se se sint in-  
 ania & imbecillima, nulloque idoneo antiquo teste fulcian-  
 tur, ipsam nostræ sententiæ antiquitatem non destruunt,  
 sed potius confirmant.

Sola facta errorum probarent aliquid contra infallibi-  
 litatem, tot licet antiquis Patrum sententiis ac testimoniis  
 fultam, si vel unus saltem esset error certus in aliqua cer-  
 ta definitione fidei: cujusmodi nullum ab adversariis oppo-  
 situm hætenus vidimus. Testimonia vero antiqua, quæ  
 contra nos valerent non modicum, nulla pariter sunt,  
 cum nihil antiqui errores definitionum accusaverint, atque  
 impetiverint pertinaciter, nisi hæretici, cum se damnatos  
 viderunt: quorum auctoritatem allegare omnes catholicos  
 pudebit. Immo si qui etiam ex catholicis aliqua particula-  
 ri opinione, antequam definiretur, occupati, certæ defini-  
 tionis subinde editæ restituisse invenirentur, minus apti testes  
 essent, sicut nec idonei iudices habentur, qui præjudicio an-  
 tecedenti occupantur.

Cum itaque neque facta errorum, neque idonei testes  
 antiqui ullam certam definitionis errorem evincant nulla-  
 que proinde fuerit unquam quæstio, qua fides ab Aposto-  
 lica

lica fede definita, & Pontificia infallibilitas traditione ac promissis Christi munita vocaretur in dubium; nonne hæc sententia ab antiquitate tuta, novitatis nota perstringi nequit; sed hoc nomine potius rejicienda adversariorum sententia, quæ antiquæ traditioni, & Christi promissis opposita, veterum suffragiis caret, & posterioribus temporibus inducta probari potest.

## §. XII.

*Quam sera contrariæ sententiæ initia, & quatenus inter catholicos recipi atque in scholas induci & propagari cœperit, veteri sententia ac traditione non omnino exclusæ.*

Cum infallibilitas Pontificia, quam propugnavi, solas proprie dictas fidei definitiones a summis Pontificibus editas respiciat; ex iis tantum, qui in aliqua proprie dicta definitione eosdem Pontifices errasse aut errori obnoxios prætulerunt, contrariæ nobis sententiæ origo deduci potest. Ab iis porro, qui vel olim alicui definitioni Pontificiæ se se opposuere, quando suos errores ab aliquo Pontifice damnatos viderunt, originem ducere opus non est; cum apud catholicos nullius auctoritatis fuerint, nec eorum sententia infallibilitati dogmaticarum definitionum contraria inter catholicos fuerit recepta aut propugnata. De illis tantum videndum, qui inter catholicos recensiti, eam sententiam ita in scholas catholicas invexerunt, ut sensim aliquot peculiaris famæ Theologos non tam partiarios, quam vindices & propugnatores obtinuerit. Dimissis autem Okamo aliisque Fraticellis schismaticis, qui a Joanne XXII. condemnati, plures errores summis Pontificibus ipsique potissimum Joanni objicere ausi, contrariæ nobis sententiæ auctores a nonnullis traduntur; dubitari non posse videtur, quin eadem sententia inter catholicos Theologos irrepserit,

ac invalescere cœperit eodem fere tempore, occasione eadem, iisdemque auctoribus, quibus sub Pisanam synodum & Constantiensem inducta fuit opinio de conciliorum generalium auctoritate supra ipsum Romanum Pontificem. Petrus enim de Alliaco, & Joannes Gerson, alique earumdem partium, qui ob inveniendum diuturno & perniciosissimo schismati efficax remedium, contententes de Papatu subijciendos crediderunt in casu schismatis auctoritati concilii œcumenici, eosdem quoque huic auctoritati subjici putarunt in casu hæresis, quæ a schismate pertinaci vix separari potest, ac propterea eos in errorem fidei posse cadere præsumpserunt: qua in hypothesei summos Pontifices errantes circa fidem a generali saltem synodo posse judicari, & si pertinaces invenirentur, posse etiam deponi existimarunt. Quò vero sensu hæc conciliorum generalium auctoritas in casu hæresis possit in ipsum summum Pontificem a fide devium exeri, explicavimus in dissertatione *De*

*Vid. c. 9. §. 2. potest. Eccles.*, ubi etiam ostendimus eos non posse circa fidem errare, cum aliquid circa fidem definiunt: quidquid sit, num errare possint opinando, seu extra materiem ac terminos definitionum fidei.

Cum porro præsens quæstio non in eo versetur, utrum Papa opinando, aut extra terminos definitionis, sed utrum definiendo errare queat, aut erraverit aliquando, idque ex Christi promissis ac traditione probarimus impossibile; non omnino esse certum affirmare me posse reor, Petrum de Alliaco, ac Joannem Gersonem, qui inter Theologos magni nominis primi infallibilitatem Pontificiam expresse impetiverunt, judicasse Romanos Pontifices errori obnoxios etiam, cum proprie dictas definitiones ex primatus sine atque officio promulgant. Certe Petrus de Alliaco Gersonis Magister, antiquorum traditionem de indefectibilitate Romanæ fidei, Christi pollicitationibus sultam, suo quoque ævo obtinentem deferere non ausus, in legatione, quam adversus Montesonum Universitatis Parisiensis nomine Avenione gessit ad Clementem VII. eamdem traditionem sequutus, Christique promissis innixus affirmavit: *De qua sede (Romana) in persona Petri in ea sedentis dictum est: Petre rogavi pro te, ut non deficiat fides tua. Et similiter in tractatu, quem in eadem legatione ad Pa-*

Sententia  
Petri de Al-  
liaco.



pam & Cardinales edidit, eadem Christi promissione laudata, approbat quod in cap. *Hæc est fides* de Romanæ sedis fide traditur: *ipsa semper immaculata permansit, & in futuro permanebit*; insertque statim, *Ex quibus omnibus satis patet, quod ejus numquam deficit fides*, uti Christus promiserat. Non absimiliter Joannes Gerson in sermone coram Alexandro V. die Ascensionis Domini habito, rationem redditurus, cur Græca Ecclesia erroribus fidei vitata fuerit, non autem Latina; Romanæ fidei indefectibilitatem exinde deducit, quia *Latinitas ipsa purior & immaculata sedem habet Petri, pro cujus fide ne deficeret, specialiter oravit ille, qui in omnibus exauditus est pro sua reverentia*.

Similis Gersonis sententia.

Quomodo hæc conciliari queant cum sententia, qua hi auctores aliis in operibus Romanos Pontifices in fide posse errare propugnant, explicari solet (11) distinctione solemni inter fidem sedis seu cathedræ Romanæ, & fidem

N. n. 3

Pon-

(11) Hac distinctione inter sedem & Præsidentem ex S. Leone sumpta adversarii nimium abutuntur, cum definitionum Pontificiarum errores, quos possibiles præsumunt, non sedi Apostolicæ, sed ipsis Pontificibus attribuant. S. Leo eam distinctionem inter sedem & Præsidentem perinde accepit, ut distinguendum indicaret inter legitima jura sedium, & inter vitia seu demerita Præsidentum, quæ legitimis sedium juribus nihil præjudicant. Vide lib. *De vi primatus* c. 14. n. 24. Id generatim convenit omnibus Ecclesiæ Præsidentibus in iis actibus, in quibus proprio vitio vel defectu aliquo potestate abuterentur, aut errarent. Ab hoc nu-

mero non sunt excipiendi summi Pontifices quoad eos actus, in quibus sive ex obreptione, sive ex subreptione, sive opinionum præjudicio, aut vitio aliquo in Apostolicæ auctoritatis usu errarent, uti multis in capitibus eos posse errare negari non potest. Cum vero errare nequeant in proprie dictis, quas explicavimus, definitionibus fidei, de quibus vis & ratio primatus, nec non promissiones Christi, atque traditio cavent; in his ea distinctio, qua definitionum errores præsumuntur, tamen ne unum probare licuerit, locum non habet, nec habere potest; ac propterea in rem, de qua nunc agimus, est prolixius inepta.

Pontificum. Quam conciliationem asserunt vel illi acerbiores Pontificiæ infallibilitatis impugnatores \* Launojus, atque Dupinius, cum explicaturi quorundam Patrum testimonia, quibus oratio Christi pro fide Petri numquam de-  
 rina. Dupin. sectura ingeritur, hæc accipienda affirmant de sede Petri, non de successoribus ejus, quos in fide posse deficere, & Eccl. discipl. aliquando defecisse non dubitant. Ita omnes ex traditione Patrum atque oratione Christi immotam & infallibilem præsumunt Romanæ sedis, non autem Pontificum fidem. Eamdem conciliationem ingerit etiam Bossuetus, dum loquitur de textu Petri Cardinalis de Alliaco, qui memorata distinctione inter sedem & sedentem utens, huic conciliationi primus aditum aperuit: unde in ejus verba Bossuetus notavit: *Cum ergo ex Petro Alliacenfi aliud sit sedes, aliud sedens; non mirum est aliud convenire sedi, quod sedenti non conveniat, nempe ut sedes deficere non possit, cum sedens sit deviabilis etiam in judicio de fide.* Mirum autem vel maxime esse debet, eundem Bossuetum hanc conciliationem ducere ex ea distinctione inter fidem *sedis* Apostolicæ seu Romanæ, fidemque in ea sedentium Romanorum Pontificum, quam idem aperte destruit lib. 10. Defensionis c. 5. illis verbis: *Neque vero distinguimus a Romanorum Pontificum fide Romanæ Ecclesiæ fidem, quam scilicet non aliter, quam a Petro primo atque a Petri successoribus Romani didicerint, traditam scilicet ex sede Petri, quam a persona Pontificum haud distinguendam ibidem præmiserat scribens: Neque propterea dicimus ipsam sedem aliquid exercere posse potestatis aut jurisdictionis aliter quam per ipsum præsentem.* Hac itaque conciliatione repudiata, sicut & illa est repudianda, quam idem Bossuetus induxit, allata alia distinctione inter fidem seriei & successionis Pontificum, ac fidem singulorum, perinde ac si illa immota & indefectibilis sit, & dici possit, etiamsi aliqui separatim aliquando deficiant (quod non minus ineptum atque repugnans \* ostendimus): ut constet certa traditio de immota & indefectibili Romanæ sedis seu Ecclesiæ fide, quam hi ipsi adversarii præsumunt certissimam, & consent certæ Christi promissiones, quibus eadem traditio innitur; consent, inquam, componanturque aliquo modo cum illorum sententia, qua Pontifices definiendo fidei dogmata

errare

\* Vid. Lau-  
 noj. part. 5.  
 epist. 2. ad  
 Anton. Va-  
 rina. Dupin.  
 de Antiq.  
 Eccl. discipl.  
 dissert. 5. ad  
 object. Nico-  
 lai 1. pag.  
 374. & ad ob-  
 ject. S. Ber-  
 nardi pag.  
 371.

Bossueti te-  
 simonium.

lib. 10. De-  
 fenf. c. 12. p.  
 203.

\* Supra §. 9.

errare posse & aliquando errasse arbitrantur, alia aptiori si fieri potest, nec repugnante conciliatione utendum est.

Non alio autem præsto esse videtur nisi distinctio inter definitiones, quas Pontifices edunt, ut fidei unitati ex officio primatus custodiendæ prospiciant, & inter cetera documenta, quæ vel ad fidem non pertinent, vel nihil certi dogmatis in conservationem unitatis constituunt. Hanc distinctionem ex primatus natura ac fine, nec non ex circumstantiis ipsarum promissionum Christi erutam nemo jure rejiciet; & hoc quidem sensu quicumque eos Theologos explicandos, contrariasque eorum, uti videntur, sententias conciliandas putet, inveniet quomodo ipsi veterum traditionem reipsa non deseruerint, sed continuerint, ita ut contentio tota & contradictio in verborum tantum significatione & interpretatione diversa posita sit. Quodsi hæc conciliatio abhorreere prorsus credatur ab eorumdem auctorum sensu qui infallibilitatem Pontificiam in ipsis proprie dictis definitionibus reipsa videantur impetere; id ipsorum inadvertentiæ tribuendum, qui pro apta & congrua distinctione atque conciliatione certis principiis repugnantem attulerunt.

Id autem quodcumque sit, eorumdem sententiæ nihilum proderit. Semper enim hæc contrariæ nobis sententiæ origo inductam ab ipsis novitatem antiquorum traditioni oppositam, & promissis Christi contrariam satis reprobat, & circumstantiæ difficillimi schismatis, quæ ejusmodi novitati occasionem seu causam dederunt, quibusque vetus traditio deferenda visa est, excusare quidem eos aliquatenus poterunt, non autem novitatem in tuto ponere. Neque invictam auctoritatem ipsis præstare credendum est Concilium Constantiense, uti a nonnullis perperam præsumitur. Nam etsi sessionibus quarta & quinta statuatur decretis generalium conciliorum circa fidem ipsos Pontifices obligari (quæ propositio per se verissima est, ut explicavi c. 8. n. 2.); non tamen hinc sequitur eosdem in definiendis fidei dogmatibus posse errare; neque hac in re quicquam ibidem aut alibi uspiam decretum invenietur, quod oecumenicæ synodi, aut dogmaticæ definitionis vim habeat, uti colligere est ex dictis in opere *De potestate Ecclæ. c. 7. & 8.* Hinc quidem statim etiam post eam quoque

quoque synodum licuit semper veterem traditionem atque sententiam sequi, quam plerique amplexi fuerunt etiam in Gallia, adeo ut inter ipsos Gallos omnes fere Scriptores sive Theologi sive Canonistæ Pontificum infallibilitatem defenderint usque ad an. 1682. Claudio Florio teste disert. 9. in Historiam Ecclesiasticam: *In Gallia vix reperitur Regularis, cui certa non sit Romanorum Pontificum infallibilitas. Non Regulares tantum, sed presbyterorum etiam (sæcularium) qui privilegijs carent, & Episcopis subsunt, cætus, in hanc sententiam tamquam pietati magis conformem inclinant.* Ita multo magis in aliis universæ Ecclesiæ regionibus potestati Apostolicæ magis addictis, veteri traditione retenta, omnes ferme in infallibilitate Romanæ fidei defendenda perstiterunt. Post declarationem vero Cleri Gallicani anni 1682. nihil mirum si non pauci ex Gallis contrariam sententiam cøperunt fortius ingerere & vindicare, cum auctoritas ejusmodi Comitiorum (licet certam fidei doctrinam \* non condidissent) apud eosdem Gallos prævaleret, & quodammodo cogeret. Cum autem postea ejusdem declarationis *Defensio* olim a Bossueto luculentissime scripta, & subinde auctior edita duobus magnis voluminibus prodierit, & toto Orbe fuerit vulgata; summa tanti viri auctoritas, & multo magis modus tractandi hanc materiem effecit, ut eadem sententia extra ipsam Galliam facilius persuaderetur, & persuaderetur non paucis, qui antea nostram veterumque sententiam propugnabant. Licet Magnus Bossuetus de Ecclesia catholica, ac de fidei dogmatibus, pro quibus contra Novatorum errores invicte dimicavit, benemeritus, auctoritate plurimum valeat; non tamen in hac causa tanti est, ut ejus gratia antiquorum sententia de Romanæ fidei firmitate atque infallibilitate in definiendis catholicis dogmatibus, quæ promissis Christi, antiquorum traditione, ac principijs nostri systematis adversariorum consensu demonstratis legitimeque deductis fulcitur, deferenda sit.

Qui Bossueto ipsi plurium deferunt; ponant tria ista principia, quæ de Romana fide idem Auctor certissima statuit. I. Certum esse S. Petrum semper in successoribus vivere, atque in ipsis loqui, & loquuturum semper eam fidem, quam Christus bono unitatis fidei in Petro ac suc-

cesso-

\* *Vid. Bossueti differt. Defensj. novæ edit. præmissam q. 6.*

\* *Vid. textus De vi primæ msc. 14. q. 4.*

cessoribus ejus ratione primatus totius Ecclesiæ fundamentum instituit. II. Certum quoque esse eandem fidem in cathedra Petri depositam, & ad eosdem successores transmissam esse petram illam firmam, stabilem, & immotam, supra quam Christi pollicitationibus & oratione munitam atque firmatam ita Ecclesia ædificata est, ut contra ipsam portæ inferi prævalere non possint, nec unquam sit defectura. III. Certum tandem esse hanc fidem, perinde firmatam & indefectibilem, non esse distinguendam a fide, quam <sup>\* Vid. Ibi. 2.</sup> e Petri Sede successores ejus Romani Pontifices docent, & <sup>6. 15. n. 17.</sup> ex sine primatus definiunt, ut in dissensionibus & controversiis fidei fratres in unitate fidei contineant atque confirment. Hæc tria si certissima ipsius Bossueti auctoritate concedenda sint, nonne definitionum Apostolicarum infallibilitas, quæ exinde necessario sequitur, certissima pariter dicenda erit? Nonne sperandum est fore ut illi, qui eidem Bossueto maxime deferentes, ejus potissimum auctoritate ab antiquorum sententia ac traditione recesserunt, mero præjudicio ac studio partium se permotos agnoscetes, in verem sententiam cum primatus ratione ac promissis Christi coherentem, sibi redeundum intelligant?

Concludam hanc Appendicem testimonio Romani Sacramentarii omnium antiquissimi, quod S. Leoni attributum tomo secundo operum ejusdem Pontificis recudimus. In præfatione Missæ xiv., die natali SS. Petri & Pauli hæc leguntur. *Qui secundum promissionis tuæ inviolabile t. 2. Lenn. constitutum Apostolica confessioni superna dispensatione larg. edit. Ven. col. giris, ut in veritatis tuæ fundamine solidata, nulla 40. mortifera falsitatis jura prævaleant; & quantalibet existat errantium multitudo, illi sint redemptionis tuæ filii, & illis Ecclesia tota numeretur, qui ab electorum tuorum PRINCIPALI traditione non dissonant: ipsaque sit sacri corporis ubique vera compago, quæ te dispensante devota obsequitur, quidquid sedes illa censuerit, quam tenere voluisti totius Ecclesiæ PRINCIPATUM.* Hæc quæ S. Leonis stilum exhibent, cum vetustissimum Romanæ Ecclesiæ sensum, ac Principalem, seu principalis Sedis traditionem præferunt; tum infallibilitatis Pontificiæ fundamenta, quæ præmissimus, satis iudigitant. Verba: *qui secundum promissionis tuæ inviolabile constitutum, infallibilitatis funda-*  
*Bullerimus de Potestat. Eccl. O o mentum*

mentum Christi promissioni innixum declarant. Hujus promissionis effectum & efficaciam indicant sequentia, quibus *Apostolica confessio*, seu fides ex promissione inviolabili in Romana Ecclesia ac principali ejusdem Ecclesiæ traditione ita *solidata* dicitur, ut nulla falsitatis jura prævaleant nec contra ipsam, nec contra illos, qui ab eadem fide ac *principali traditione non dissonant*: quæ verba unitatem cum fide ac traditione Ecclesiæ principalis necessariam adstruunt. Ut autem inter errantium ac dissidentium multitudinem discernatur, *quænam sit sacri corporis ubique vera compago*, hoc est vera Ecclesia Christi ubique diffusa, contra quam in fidei dissidiis falsitas non prævalebit; ea esse subjicitur, *quæ te dispensante, devota obsequitur, quidquid sedes illa censuerit, quam tenere voluisti totius Ecclesiæ principatum*. Nonne hæc unitatem fidei cum obsequio mentis debitam significant decretis dogmaticis, quæ e sede Apostolica summi Pontifices edunt, ac debitam quidem ratione *principatus* seu primatus, quem ob unitatem potissimum fidei in tota Ecclesia conservanda ipsorum personæ adnexum, idonea auctoritate præditum, & promissis ac oratione Christi munitum vidimus? Quam belle hoc unum Romanæ veteris traditionis testimonium totam Appendicem confirmat!

F I N I S.



INDEX

# I N D E X

## RERUM MEMORABILIVM.

### A.

**A**busus potestatis. V. *Potestas*.

Africani quantum detulerint Romanæ sedis auctoritati. 20. 22. quatenus obstiterint appellationi Apiarii. 202. 237.

de Alliaco Petri Cardinalis Cameracensis sententia de infallibilitate Romanæ sedis tributa. 284. Quomodo conciliari soleat cum locis, in quibus eam negare videtur. 286. Verior conciliatio. 287. Decreta Constantiensis sessionum IV. & V. de auctoritate generalis concilii supra ipsam Papam non credidit proposita tamquam dogma fidei. 115. nec quæstionem hac in re definitam. Ibid.

Alvari Pelagii sententia, cur ligandi potestas Petro data separatim ab aliis, aliis autem data una cum Petro. 15. not. 8.

S. Anselmus laudatus. 14. not. 7.

Apostoli subordinati erant S.

Petro ratione primatus.

8. 9. in not. 16. 18.

164. fuerunt potestate pares excepto primatu proprio solius Petri. 166. qui cum primatus fuerit non meri honoris seu ordinis, sed præcipuæ jurisdictionis, jus aliquod peculiare Petri proprium agnoscendum est, quod aliis Apostolis non compete-  
tebat, & quale. V. *Primatus*.

Apostolorum potestas in totam Ecclesiam jus extraordinarium fuit, quod in Episcopos ipsorum successores non transiit. 11. illis initiis quam necessarium. 163. quoad solum Petrum fuit jus ordinarium, quod in Romanos Pontifices Petri successores manavit. 11. 163. Cur nulli successori aliorum Apostolorum jus competat supra alios Episcoposjure divino, soli autem Romano Pontifici competat. 11. Non omnia Apostolorum præcepta sunt divini juris. 160

Apostolicarum Ecclesiarum traditio: quantum præstet Roma-



Romanæ Ecclesiæ traditio  
aliarum Ecclesiarum Apo-  
stolicarum traditioni. 257

Auctoritas Pontificia in uni-  
tatis bonum instituta, de-  
bet esse per se sufficiens  
ad hunc finem obten-  
dum. 251. Cum finis præ-  
cipuus sit conservatio uni-  
tatis *maxime in fide*, ad  
hunc finem conservandum  
debet per se sufficere, &  
obligare ad unitatem, ne-  
que in id obtinendum de-  
bet indigere consensu Ec-  
clesiæ. 253. Vim habet  
obligandi per se omnes  
Christianos collective. 258.  
etiam Episcopos. 259.  
Obligat ad assensum fidei,  
nec sufficit obsequium ex-  
ternum. 260.

Aviti Viennensis testimonium  
in causa Symmachi. 76.

S. Augustini loca explicata.  
2. & 4. not. 3. 176. not. 1.

### B.

S. Bernardus laudatus. 43.  
44. not. 2. 184.

Bonifacii VIII. dissidium &  
gesta quædam indicata. 82.  
In eo fuerunt sparsa semi-  
na, ex quibus schisma ori-  
ginem duxit. 63. not. 6.  
Inde exortæ quædam opi-  
niones contra Apostolicam  
auctoritatem. Ibid.

Bossuetus laudatus. 15. 27.  
41. 105. 113. Bossueti lo-  
ca discussa. 38. 49. 51. 68.

107. 120. 121. 277. not. 9.  
C.

Canon Si Papa apud Gra-  
tianum casum hypo-  
theticum ponit de errore  
Pontificis circa fidem. 129.

Causæ majores reservatæ se-  
di Apostolicæ. 242.

Censuræ injustæ ex Augu-  
stino plus obfunt ei, qui  
eas fert, quam ei in quem  
feruntur. 220.

Claves Ecclesiæ pro potesta-  
te Ecclesiastica quo sensu  
dicantur datæ Ecclesiæ. 2.  
3. 5. quibus traditæ a Chri-  
sto. 165. V. *Jurisdicção Ec-  
clesiastica*.

Cleri Gallicani Comitia an.  
1728. laudata. 17.

Communione necessitas cum  
sede Apostolica. 219.

Concilii VIII. generalis ca-  
non, quo statuitur quid  
agendum in controversiis  
cum Romano Pontifice.  
72. Bossueti explicatio ex-  
puncta. 73.

Concilia Orientalium ex ap-  
probatione Romanorum  
Pontificum evaserunt ge-  
neralia. 93.

Concilii generalis notio ac  
natura. 51. 141. Papa  
quam necessariustamquam  
caput, ut concilia sint ge-  
neralia. 52. Cur. 90. non  
ob præsentiam tantum,  
sed etiam ob directionem  
&

& assensum. 53.

Concilia generalia a quo convocanda. 38. Quinam convenire debeant, ut conciliuin sit œcumenicum. 89. De jure & qualitate suffragii Episcoporum ac Papæ in concilio generali. 92. Nec solius Papæ, nec Episcoporum tantum suffragia constituunt sententiam aut definitionem, quæ constituat, & sit sententia, aut definitio concilii œcumenici, 34. n. 8. Unitas & consensus Papæ cum Episcoporum suffragiis parit robur invictum. 37. 53. De necessitate confirmationis, seu assensus Romani Pontificis ad vim & infallibilitatem definitionum fidei, quæ in conciliis eduntur. 36. n. 10. Cur necessaria judicata fuit expressa & nova confirmatio Papæ Leonis pro definitione Chalcedonensi, licet ex aliis gestis de ea confirmatione dubitari non posset. 37. not. 4. Conciliorum confirmatio Pontificia tribus modis data, vel ab ipso summo Pontifice per se, vel per legatos, vel per litteras confirmationis. 37. Conciliorum generalium utilitas quæ & quando. 244. Sententia de auctoritate conciliorum generalium

supra Papam contradictionem quamdam involvit. 141. quam sero inducta, & qua occasione 66. & seqq. Sententia hanc conciliorum superioritatem negans, ad quatuor principia revocatur, quæ demonstrationem quamdam constituunt. 141

Concilium generale Papam superiorem agnoscit. 50. Conciliorum generalium potestas in materiis fidei. 32. Concilii Hierosolymitani exemplum explicatur. 27. Quænam dissensio in his materiis possit contingere inter Papam & Episcopos Concilii œcumenici. 32. Numquam inter ipsos dissensus fuit aut esse potuit definiendo fidei dogmata, 33. Semper Patres concilii generalis concordabunt, & concordarunt cum definitione Papæ, nisi dolus aut vis impediunt; quo casu non est concilium, sed conciliabulum. Ibid. In concilio V. discordia Patrum a Vigilio Papa non fuit discordia in materia fidei, sed in quæstione de personis. 33. not. 2. Conciliorum generalium canones in materia disciplinæ, quibus Papa assensum præbuit, quo sensu obligant ipsum Papam non  
O o 3 jure

jure coactivo, sed directivo, quod in naturali ac divino jure fundatur. 41. Qui carent assensu Papæ, non habent vim generalis concilii. 49. De Chalcedonensi canone, quem S. Leo reprobavit. Ibi. Duo Bossueti effugia rejecta. Ibi. De necessitate approbationis Pontificiæ in canonicis disciplinæ. 51. & seqq. In Chalcedoneusi approbatio reservata fuit Papæ, Anatolio CP. teste. 50. Comitia Gallicana anni 1681. confirmationem Apostolicam necessariam præferunt. 56. Num necessaria admittenda sit concilii generalis auctoritas supra Papam saltem in casibus extraordinariis, qui nominantur in decretis Constantiensibus. 120. Concilia particularia ex Constantiensi nullum jus, potestatem nullam habent supra Pontificem. XXII. 60. 74. Quid si Papa se eisdem subjiciat. 75. Conciliorum provincialium antiqua potestas cur, & quam æque restricta. 240. hæcque restrictio non a Pseudo-Isidoro inducta, sed testimoniis antiquioribus probata. Ibi. Conscientia perplexa quæ, & Quid agendum in dubio, ubi duo præcepta pugnare

videntur. 213. not. 2. Constantiensis synodi decreta sessionum IV. & V. quot difficultatibus & defectibus laborant. 101. His defectibus sanandis necessaria fuisset approbatio Apostolica, quæ tamen defuit. 103. 104. Certe eadem decreta non constituunt dogma fidei. 107. Quid significet ea formula, qua eadem decreta dicuntur edita *per modum constitutionum synodaliū*. 105. 109. Fuerunt edita tamquam opinio, quæ tum videbatur medium necessarium ad tollendum schisma. 113. & seqq. Hæc ratio probabilis tantum visa est sufficiens ad opinionem, at inepta ad definiendum dogma de fide certum. 112. 114. Hinc non habiti hæretici qui contrarium sentiebant. 115. nec quæstio hæc plane definita credita fuit. Ibid. Tota ratio decretorum explicata, & sensus, in quo hæc recte per se intelligi, & vera haberi queunt. 113. Constantinopolitanæ sedis prærogativa statuta canone Chalcedonensi inducta contra jus antiquum, neque tamen hæc nova disciplina, postquam obtinuit, habita jus spurium, & cur. 202. S. Cypriani loca explicata. 2. not.

2. not. 1. 9. Ejus alloquutio ad Patres Concilii Carthaginensis III. & Febronii in eam commentarium expensa. 217. In causa Marciani Arelatenfis jus Papæ agnitum a Cypriano. 230

## D.

**D**Amasi causa ad concilium delata ipsius consensu ob probandam & prædicandam ejus innocentiam. 75

**D**ecretales supposititiæ a Pseudo-Isidoro confictæ. 192. Non fuerunt confictæ ad augendam potestatem Pontificiam. 193. Num contineant disciplinam omnino novam, quæ antea nullibi usu recepta, aut audita fuerit. 195. De auctore earumdem falsarum Decretalium. 197. Num disciplinæ novitas, si qua ex ejusmodi decretalibus invaluit, usuque posteriorum temporum obtinuit, constituat jus falsum & spurium; & sit corruptela. 198. Impostoris consilium n quodnam fuerit. 194

**D**efinitiones seu decreta fidei quænam sint. 112. Non omnia decreta, quæ versantur circa fidei materiam, sunt definitiones dogmaticæ. Ibid. m. Cur plura Pontificia monumenta,

rescripta, sermones &c. non sint accensenda proprie dictis definitionibus fidei. 278. not. 10. quibus solis infallibilitas est asserenda, & cur. 279

**D**efinitiones fidei a summis Pontificibus editæ quatenus cogant ad unitatem. 27. V. *Auctoritas Pontificia*. Certitudinem pariunt, & debent esse infallibiles. 263. 264. De distinctione inter definitiones fidei, quas edunt Romani Pontifices, & illas quas alii Episcopi particulares proferunt. 266

**D**efinitiones fidei editæ a Patribus concilii generalis, ut infallibiles judicentur, exigunt consensum sedis Apostolicæ. 35. n. 9.

**D**efinitiones fidei quando deferri soleant. 32

**D**epositio Romanorum Pontificum non competit electoribus ipsorum. 82. not. 4. Unicum certumque Pontificem nemo potest depocere. 112

**D**epositiones contenduntium de Papatu, & recusantium renuntiationem tempore schismatis a Gallicanis primum propositæ. 86

**D**epositionum facta in conciliis non sunt definitiones fidei, nec probant jus. 105. Cur depositio Joannis

XXIII. facta in Constantiensi dicta fuerit canonica. Ibidem. scandala & pravi mores Pontificis non dant jus inferioribus ad eum deponendum. 123

Dioeceseon designatio facta Episcopis non est juris seu institutionis divinæ. 163. Cur necessaria. Ibi. Relicta dispositioni Ecclesiasticæ, & cur subsit juri primatus Pontificii. Ibi.

Disciplinæ materies mutationi obnoxia; & quantum discrepet a materia fidei. 160. Non semper mutatio disciplinæ ad destructionem refertur. 184

Disciplina canonum antiquorum num sit revocanda. 205. Num hujus restitutio facienda sit ob tollendos abusus. Ibi. Ad bonum Ecclesiæ referendum majora mala & scandala impedire. 206. Vetus disciplina etsi melior, non idcirco obligat ad eam revocandam. 209

Dispensandi potestas in materia disciplinæ statutæ canonibus conciliorum etiam generalium Romanis Pontificibus negari non potest. 42. Cur dispensationes non passim, nec sine justa causa sint concedendæ. 43. 44. 47. 184. Quo jure ad id quoque obli-

gentur summi Pontifices. 45. Criminatio, quæ hac in re multorum odio exponit auctoritatem Apostolicam, expungitur. 46  
Distinctio inter sedem Apostolicam & seriem, seu successionem Pontificum Romanorum in quæstione de definitionibus fidei quas illi ediderunt, quam inanis. 271. De alia distinctione inter sedem & præfidentem; seu personam Pontificis. 269. 285. not. 1.

## E.

Ecclesia quo sensu claves accepit. 2. 3. Cum claves dicuntur datæ Ecclesiæ, haud credendum est, laicis vel mulieribus datam potestatem clavium. 4. 165.

Ennodii Ticinensis testimonium in causa Symmachi Papæ. 76

Episcoporum jurisdictio, licet in origine sit institutionis divinæ, quoad usum tamen & exercitium facultatum Episcopaliū subest potestati summorum Pontificum. 17. Potest ab ipsis moderari & restringi juxta de causa. Ibidem. 23. quatenus id referendum ad materiem disciplinæ 22. n. 16. Explicatur textus *Sicut misit me*

*me Pater. Et ego mitto*  
*vos* eo sensu oppositus,  
 quasi Episcopi nulla re-  
 strictione facultatum mit-  
 tendi sint, sicut nulla fuit  
 restrictio in potestate Apo-  
 stolorum. 17. not. 9. An-  
 tiqua restrictionum exem-  
 pla. 16. n. 13. 17. n. 14.  
 20. Quantum in hoc de-  
 tulerint Africani auctori-  
 tati Apostolicæ. 20. 21.  
 Episcopi suberant etiam li-  
 mitationi conciliorum par-  
 ticularium. 24

Episcopi priscorum etiam sæ-  
 culorum quantum Pontifi-  
 ciæ auctoritati subessent,  
 172.

Episcopi subordinati Papæ  
 ita ut nihil jure possint ni-  
 si in unitate cum sede  
 Apostolica, non autem  
 contra unitatem 14. V.  
*Subordinatio.*

Episcopi quomodo in con-  
 ciliis generalibus sint ve-  
 ri judices, licet a defini-  
 tionibus fidei ante conci-  
 lium editis discordare non  
 possint. 28. Judicis ratio  
 non exigit ab Episcopo,  
 ut possit dissentire a defi-  
 nitione Pontificis; & qua-  
 tenus verum judicium fer-  
 rat ut eo qui debet as-  
 sentiri. 30. 31.

Episcopi non propter se, sed  
 propter subditos a Deo  
 præpositi; ut utilitati, vel  
*Ballerinius de Potestat. Eccl.*

necessitati istorum inservi-  
 ant. 186

Errores in fide summis Pon-  
 tificibus tributi, ut infal-  
 libilitatis prærogativam  
 expungerent, deberent esse  
 omnino certi, qui nulla  
 congrua explicatione pos-  
 sent purgari; ac præterea  
 deberent esse errores in  
 aliqua proprie dicta defini-  
 tione fidei. 273. 274. Ne  
 unus quidem talis proba-  
 tus est. 275.

Eugenius IV. non approba-  
 vit decreta Constantiensia  
 inserta gestis Basileensibus  
 106.

Excommunicatio num ali-  
 quando non sit actus ju-  
 risdictionis. 217. Distin-  
 ctio inter excommunicatio-  
 nes latas a Papa, vel  
 ab Episcopis. Ibi.

Exemptionum privilegia. 19.  
 187.

## F

**F**ebonii opus *De statu Ec-  
 clesie* &c. quantum de-  
 trahat legitimæ potestati  
 Romanorum Pontificum in  
 decidendis controversiis fi-  
 dei. 153. Verbis aliqua-  
 tenus concordat cum sana  
 doctrina, re ipsa discor-  
 dat. 154. Deterior ejus  
 sententia, quam aliorum  
 catholicorum adversario-  
 rum. 156. Primatum meri  
 honoris & ordinis videtur

P p

admit-

admittere. 159. Quantum Apostolicæ auctoritati detrahat in materiis disciplinæ. 160. Ejus fundamentum, quo vult eandem potestatem esse revocandam ad normam antiquorum canonum, quam sit infirmum. 165. Ejus molimina, ut antiqua Pontificum gesta tum in Occidente, tum in Oriente subtrahat a jure primatus. 168. revocat fere omnia ad disciplinam meri juris Ecclesiastici, qua primatum divini juris excludunt. Ibidem. Legum ferendarum potestatem nedum in Papa, sed in ipsis etiam conciliis generalibus infirmat. 169. Ejus mens de restituenda veteri disciplina ob tollendos abusus. 214. Media ab ipso proposita quot difficultatibus obnoxia. 215. Quam male quorundam antiquorum & sanctorum Pontificum gesta augendæ potestatis consilio attribuit. 235. Febronianæ censuræ contra ipsam Synodum Tridentinam. 243 Feneloni Archiepiscopi Cameracensis testimonium de subscriptionibus, quas Episcopi subiciebant definitionibus fidei. 31 Fidei definitiones. V. *Definitiones*.

# *Definitiones.*

Fidei certitudo ex unitate cum fide se diApostolicæ. 36. not. 3. Florentini concilii decretum de unione Græcorum, ac de auctoritate Pontificia explicatum & vindicatum. 58. Genuina ejus lectio antographis codicibus confirmata. 59. not. 4. Florii Claudii confessio de sententia infallibilitatis Pontificiæ ante annum 1681. apud ipsos Gallos communi. 288

## G.

Gallicani Cleri Comitia anni 1681. laudata.

### 41.

Gallicani Episcopi quomodo judicarint post definitionem S. Leonis. 31

S. Gelasius laudatus. 41

Gerfonis testimonium de certitudine fidei ex Romana fide. 36. not. 3. Alius ejusdem locus laudatus. 19. Ejus sententia de infallibilitate Romanæ sedis attributa. 285. Negata vero Romanis Pontificibus quam incohærenter, & quatenus conciliari possit. 287. Interpretatio ipsius in textum Act. Apost. c. 8. expungitur. 224

S. Gregorius Magnus cur refugit titulum *Episcopi universalis*. 180. sine præjudi-



Judicio primatus. Ibi.  
Gregorius XII. tempore schi-  
smatis probabilis fuit ve-  
rus Pontifex. 135. not. 4.

## H.

**H**æretici Papæ casus hy-  
potheticus. 127. 129.  
Si Papa in hæresi perti-  
nax esset, quod remedium  
adhibendum 127

Hierarchici Episcoporum gra-  
dus instituti in Ecclesia ju-  
re Ecclesiastico, & cur.  
12. Instituti ob idem bo-  
num unitatis, propter quod  
Pontificius primatus fuit  
a Christo institutus, ei-  
dem unitati conservandæ  
debent favere & coopera-  
ri, non autem contraire,  
aut eam impedire. 13. 14.  
Omnes sunt subordinati ju-  
ri summorum Pontificum.  
14. 175. V. *Subordina-  
tio.*

Honorius Papa, & de ejus  
condemnatione in concilio  
VI. 68. Error in fide ipsi  
oppositus idcirco infallibi-  
litati non præjudicat, quia  
nec certus est error dog-  
maticus, nec fuit error  
definitionis fidei. 275.  
Verba, quæ maxime mo-  
vere solent, explicata.  
276.

## I.

**I**nfallibilitas Pontificia in  
materia fidei cur ad so-

las proprie dictas defini-  
tiones fidei sit restringen-  
da 274. 279. Est certa  
ex promissis Christi, ac  
ex traditione Patrum, 268.  
Hanc traditionem adversa-  
rii quam perperam nitan-  
tur disstrahere. 270.

not. 7. Confirmatur ex  
eo, quod fides a Roma-  
nis Pontificibus definita, est  
semper eadem atque ca-  
tholica fides. 267. not. 6.

Infallibilitas Pontificia in de-  
finitionibus fidei est abso-  
luta. 267. Num sit cre-  
denda ex catholico dog-  
mate. 279. Origo senten-  
tiæ quæ infallibilitati op-  
ponitur quam nova. 281.

Unde nata. 280. Loca ad-  
versariorum qui infallibi-  
litatem sedi Apostolicæ tri-  
buunt, Pontificibus ve-  
ro negant quam incohæ-  
rentia, & inania. 269.

285. not. 1. Qua ratione  
non incongrua possent con-  
ciliari. 287. Quinam er-  
rores Pontificiam infallibi-  
lilitatem extruderent. V.  
*Errores.*

Infallibilitas promissa Apo-  
stolis & Ecclesiæ exigit  
unitatem cum fide Petri,  
eisque nequit attribui qui  
se separant ab unitate fi-  
dei Petri. 35

Inferior de superiore non po-  
test judicare. 74. 142. ni-

- si auctoritas in superio-  
rem probetur ipsi ab eo  
collata: qui superiori ju-  
re præstat. Ibidem. Con-  
ditiones, quibus inferior  
superiori potest resistere  
causa gravaminum ne im-  
ponantur. 211. vel ob re-  
stitutionem veteris juris.  
212.
- Innocentii III. locus de Pa-  
pa si in hæresim caderet.  
127. not. 1. Hic casus  
hypotheticus. 129. not. 3.
- Innocentius I. vindicatus. 237
- Joannes XXII. nihil damnavit  
tamquam hæreticum con-  
tra decretalem *Exiit* 277.  
not. 9.
- Joannes XXIII. tempore  
schismatis Pontificatui re-  
nuntiavit. 135. not. 5.
- Joannis de Parisiis liber *De  
potestate Regia & Papali*:  
in quo opiniones quædam  
notatæ. 82. not. 4.
- Isidori, seu potius Pseudo-  
Isidori decretales supposi-  
titiæ. V. *Decretales*.
- S. Iræneus laudatus. 30. E-  
jus testimonium de neces-  
sitate conveniendi cum Ro-  
mana fide, ad vim coacti-  
vam non exigit aliarum  
Ecclesiarum consensum.  
255. Istam vim tribuit  
primatui. 256. Objectio  
ex interpretatione, quæ  
ob obvio verborum sensu  
abhorret. Ibi, Alia obje-
- ctio soluta. 257
- Judicium de personis summo-  
rum Pontificum Deo re-  
servatum. 80
- Julii I. locus explicatus. 241
- Ivonis Carnotensis loca lau-  
data. 77. 78. 107.
- Jurisdictio Ecclesiastica, quæ  
Christum habet auctorem,  
immediate fuit tradita S.  
Petro & Apostolis, &  
quando 1. Non autem tra-  
dita immediate Ecclesiæ,  
ita ut Petrus & Apostoli  
illam acceperint ab Eccle-  
sia. 2. V. *Claves Eccle-  
siae*. Ea jurisdictio Petro  
& Apostolis immediate col-  
lata, non debebat cum ipsis  
interire, sed ad eorum suc-  
cessores transire. 5
- Jus primatus Pontificii in to-  
tam Ecclesiam junctum est  
cum Patriarchico in Occi-  
dentem. 241
- Jus spurium quoddam dicen-  
dum, & quod genuinum  
in materia disciplinæ, quæ  
mutabilis est. 193. Non  
damnandum jus postero-  
ris ætatis, etiam si ex a-  
pocryphis invaluisse. 199.
- Quatenus jus novum pos-  
sit præscribere contra jus  
vetus. 200. Distinguen-  
dum jus novum a novi  
juris abusibus. 199
- L.
- L**egislator supremus quæ  
sensu debeat suas leges  
primus

primus fervare. 41  
 Legum vis non pendet a sub-  
 ditorum consensu. 160  
 S. Leo M. laudatus. 13.  
 Quam male reprehensus a  
 Febronio. 238

## M.

Petrus de **M**arca laudatus  
 15.

Marcianus Imperator cur a  
 S. Leone petierit confir-  
 mationem definitionis  
 Chalcedonensis, uti neces-  
 sariam ad tollendum omne  
 dubium. 37. not. 4.

Martinus V. num, & qua-  
 tenus approbaverit Con-  
 stantienſe concilium. 104

Monarchicum regimen quod-  
 nam repugnet statui Ec-  
 clesiae, quem Christus in-  
 stituit. 180. Instituit au-  
 tem Christus regimen mix-  
 tum ex monarchico & a-  
 ristocratico. 181. Non  
 omnis monarchia exclu-  
 denda ab Ecclesia. 199

## N.

**N**ecessitas remedii non dat  
 jus ei, cui aliunde non  
 competit. 121. Distinctio  
 inter casus extraordinarios  
 & ordinarios rejecta. 121  
 Nicaena Synodus generalis I.  
 Pontificiam auctoritatem  
 in omnes Ecclesias agnovit.  
 59. not. 5.

Nicaena generalis II. affirmat  
 legem conciliorum esse, ne

rata sint synodorum gene-  
 ralium decreta, quae carent  
 auctoritate Pontificia. 37  
 S. Nicolai I. testimonium de  
 judiciis Apostolicis ab infe-  
 riore non retractandis. 76  
 Nicolai III. decretalia *Exiit*  
 ab errore vindicata. 277.  
 not. 9.

Nicolius laudatus. 15

Novitas in materia discipli-  
 nae, quando vim juris ac-  
 quirere possit. 202. Quan-  
 do & quomodo novitati ob-  
 sistere liceat. Ibi.

Novitas sententiae in mate-  
 ria fidei est erroris nota. 66.

## O.

**O**bedientia superioribus  
 praestanda. 213. Quid  
 in dubio, num quod praec-  
 cipitur liceat. Ibi not. 2.  
 De obedientia praestanda  
 definitionibus fidei editis a  
 sede Apostolica. Ibi.

Obedientiae subtractio a Pon-  
 tifice. 83. not. 5. 216.

## P.

**P**apa num & quatenus  
 possit fieri schismaticus.  
 137. vel haereticus. 127  
 Petavius laudatus. 5  
 Petrus de luna in schismate  
 dictus Benedictus XIII.  
 cur in Constantiensi dam-  
 natus fuit tanquam haere-  
 ticus atque schismaticus.  
 136. 138.

S. Petrus super omnes a Chri-

- sto præpositus *sine restrictio-  
ne ulla.* 41. Jurisdictionem  
peculiarem super ipsos  
Apostolos habuit ratione  
primatus a Christo tradi-  
tam, non acceptam ab  
Ecclesia. 2. quænam hæc  
fuit. 6. 7. & seqq.
- Pisana synodus cur generalis  
concilii auctoritate careat.  
93. Ejus gesta quatenus ob-  
sint sententiæ, quæ tribuit  
jus conciliorum generalium  
in Papam. 97
- Pontificatus renuntiatio num  
liceat. 84
- Potestas Pontificia in qui-  
busdam casibus non negan-  
da, eo quod antiquis tem-  
poribus in actus non pro-  
diit. 239
- Potestas suprema Romano-  
rum Pontificum. 16. cur  
sit vere *suprema* in Ecclesia  
171. non tam  *sola.* 177.  
Cur sit etiam plena. Ibi.
- Potestatis Pontificiæ *plenitu-  
do* explicata, & vindica-  
ta. 178. quo sensu possit  
omnia. Ibi. Cur non as-  
ferat impotentem & ar-  
bitrarium dominatum 179.  
Distinctio inter usum &  
abusum potestatis. 165.  
Objectio ex præsumptis  
Pontificiæ potestatis abusi-  
bus expenditur. 181. Ab-  
usuus origo unde. 189.  
Ex abusibus non neganda  
potestas aliunde certa. 190.
- In materiis disciplinæ quæ  
moderatio potestatis sit  
adhibenda. 184
- Præscriptio num habeat lo-  
cum in canonibus disci-  
plinæ. 200
- Primatus a Romano Episcopo  
nequit in alium Episcopum  
aut aliam sedem auctorita-  
te Ecclesiæ transferri. 225
- Primatum Romanum S. Cy-  
prianus vocat *Principatum*  
in *universa Ecclesia* institu-  
tum a Christo. 228. eique  
jurisdictionem peculiarem  
competere agnovit. 229.
- Discrimen inter Petrum &  
alios Apostolos ratione pri-  
matus quale 7. Jus prima-  
tus est jus in omnes etiam  
collective sumptos. Ibi. 56.  
61. Censura affecta propo-  
sitioni 41. inter damnatas  
in Constantiensi, quæ ex-  
primit solas Ecclesias par-  
ticulares, quomodo nihil  
obstet. 60. n. 9. Distinctio  
ab adversariis ingesta de  
omnibus distributive, non  
autem collective sumptis  
rejecta. 63. n. 12. Oppo-  
nitur naturæ & fini prima-  
tus. 61. n. 10. & 63. Jus  
in omnes collective sum-  
ptos non tam ex divino ju-  
re provenit, quam ex na-  
turali ordinis jure. 8. not.  
5. Id explicatur ex Paulo.  
Ibi. & ex necessitate sub-  
jectionis atque subordina-  
tionis

tionis, quæ ab inferioribus debetur superiori potestati. 9

Primatus vis quatenus vigeat etiam sede vacante. 6.

not. 4. Papa vi primatus superior est quolibet concilio etiam generali. 141.

Jurisdictio primatus non ab electoribus Papæ, sed a Deo immediate collata electo. 223. Nulli homini tradita a Deo potestas supra Papam. 143.

Verba Christi Matth. 18. Si peccaverit in te frater tuus &c. *Dic Ecclesiæ*, perpetram allata, quasi idem Christus constituerit generale concilium tamquam tribunal supra Papam. 144.

not. 1. Antiqua gesta Pontificum Rom. jure primatus in Occidente & Oriente vindicata. 168.

Febronii nifus ut ea a jure primatus abstrahat, retunditur. Ibi. Antiqui actus jurisdictionis Pontificiæ in tota Ecclesia jure primatus, eoque ordinario, uti primatus in Papa est jus ordinarium. 173. 174.

Comparatio aliquot gestorum, quæ alii Episcopi extra propriæ dioceseos terminos peregerunt, quam inepta. 163

Q.

Quintilinenburgensis concilii decretum ne major a minore judicetur. 77.

R.

Reservatio graviorum criminum, & majorum causarum ex suprema potestate Romanæ sedis competens. 18. 186

Richerianum systema de clavis reprobatur. 2

Romanorum Pontificum jurisdictio. V. *Jurisdictio*. V. *Primatus*.

Romana synodus in causa Damasi Papæ. 75. Alia in causa Symmachi. Ibi.

Alia in causa Leonis III. noluit judicare, nisi ipse voluntarie judicium petiisset. Ibi.

Romani Sacramentarii omnium antiquissimi textus de fide Romanæ sedis indefectibili, & de unitate cum eadem fide. 289

S.

Schismatis initia sub Urbano VI. 84. Quatenus tunc utilis, aut necessaria synodi congregatio; & quodnam jus tunc fuisset concilii Patribus absque ullo præjudicio auctoritatis Apostolicæ. 85. Quænam

nam fuerit Constantiensis concilii utilitas in schismate pertinacissimo. [133](#)

Schismatis fautores quatenus habiti hæretici. [99](#). Remedium in casu schismatis, quo duo vel plures de Papatu contenderent. [130](#).

Num in schismate *Papa dubius* sit etiam nullus. [131](#).

Socratis locus de non celebrando concilio præter sententiam Papæ discussus. [240](#).

Sozomeni locus de eadem re explicatus. [242](#)

S. Stephani Papæ gesta in quæstione de baptismo vindicata. [236](#)

Subordinatio inferiorum debita superioribus. [8](#). [9](#).

Quid exigit ab Episcopis subordinatis summo Pontifici. [14](#). [15](#). not. [9](#). erga definitiones fidei a summis

Pontificibus editas. [29](#). [30](#).

Omnium Ecclesiasticarum potestatum Papa inferiorum subordinatio auctoritati Pontificiæ quam necessaria. [161](#).

## T.

S. Thomas laudatus. [14](#). not. [5](#).

Tridentinæ synodi locus explicatus. [43](#). [44](#). Hæc synodus auctoritatem non

exercuit supra Papam. [232](#). Febronii notæ audaces in hanc synodum. [243](#).

## U.

S. Victoris Papæ gesta in quæstione de die paschali vindicata a censura Febronii. [236](#)

Unitatis figura & typus in S. Petro non excludit jus coactivum proprium primatus. [3](#). not. [2](#).

Unitas fidei cum Romanæ fedi fide quam necessaria etiam in generali concilio, semperque servata. [33](#). Omnium graduum hierarchicorum institutio eo directæ, ut omnes unitatem servarent cum centro unitatis catholicæ. [12](#)

Usus & exercitium potestatum Episcopaliū subordinati primatui. [164](#). [175](#).

Nihil hinc contra institutionem Episcoporum divinam. [165](#)

*Usus facti simplicis* probatus a Nicolao III. quinam fuerit. [277](#). quis a Joanne XXIII. damnatus. *Ibidem*.

Usus potestatis distinguendus ab abusu. [165](#)

## Z.

Zosimus Papa in causa Cœlestii. [237](#)







11452

011

